

თბილისის ისპობრიან

სამ ცომად



თბილისი
1990

თავისთვის ისპობინ

ტომი

I

თბილისი უბელები
დროიდან XVIII საუკუნის
ბოლომდე

„მეცნიერება“
1990

ქართულ ისტორიოგრაფიაში პირველად მომზადდა დედაქალაქის ისტორიის მეცნიერული სამტომეული, რომელშიც შექმნება მისი თავდასაყალი უძველესი დროიდან დღემდე.

პირველ ტომში ასახულია ქალაქის ისტორია დასაბამიდან ვიდრე XVIII საუკუნის დასასრულამდე. ტომი ემყარება არსებულ პირველწყაროებსა და ლიტერატურული ხასიათის მასალებს. გამოყენებულია აგრეთვე თბილისისადმი მიძღვნილი მეცნიერული გამოკვლევები.

წიგნის ავტორებს ცდა არ დაუკლიათ, რომ სათანადო სისრულით ეჩვენებინათ დედაქალაქის ეკონომიკური, სოციალურ-პოლიტიკური და კულტურული განვითარება.

წიგნი გათვალისწინებულია სპეციალისტებისა და მკითხველთა ფართო მასებისათვის.

პირველი ტომის ავტორები არიან: საქართველოს სსრ მეცნიერებათა აკადემიის აკადემიკოსები— ვ. ბერიძე, შ. ხიდაშელი; წევრ-კორესპონდენტები — მ. დუმბაძე, მ. ლორთქიფანიძე; მეცნიერებათა დოქტორები — მ. აბდუშელი-შვილი, შ. ბადრიძე, ვ. გუჩუა, ა. კაცაძე, თ. პაპუაშვილი, ქ. ჩხატარაიშვილი, გ. ჭამბურია, დ. ჭანელიძე; მეცნიერებათა კანდიდატები — თ. ბერიძე, მ. ბერძნიშვილი, დ. მეგრელაძე, ლ. ტუხაშვილი, ო. ტყემელაშვილი, გ. ძიძიგური, ვ. ჭავჭავაძე.

სამტომეულის სარედაქციო კოლეგია:

საქართველოს სსრ მეცნიერებათა აკადემიის აკადემიკოსები — ი. კაკაბაძე, გ. მელიქიშვილი, აკად. წევრ-კორესპონდენტები — მ. დუმბაძე (მთავარი რედაქტორი), ა. სურგულაძე, ისტ. მეცნ. დოქტორები — მ. გაფრინდაშვილი, ე. გუჩუა, ა. კაცაძე, გ. მარგიანი, მ. ნათელაძე, ისტ. მეცნ. კანდიდატი მ. ბერძნიშვილი.

პირველი ტომის რედაქტორები:

მამია დუმბაძე, ვიქტორ გუჩუა

რეკონსტრუქციები: ისტ. მეცნ. დოქტორი გ. ქორდანი
ისტ. მეცნ. დოქტორი რ. კიკნაძე

0503020906

თ — რეზ.

© გამომცემლობა „მეცნიერება“ 1999

M 607 (06) - 90

საქართველოს

წიგანის შემოკლება

თბილისის ისტორიის სამტომეულში შექმდება ჩვენი დედაქალაქის წარსული დასაბამიდან ვიდრე დღემდის. პირველი ტომი ასახავს ქალაქის წარმოშობისა და ფეოდალური განვითარების მრავალსაუკუნოვან ხანას XVIII საუკუნის ბოლომდე. მეორე ტომში წარმოდგენილი იქნება რუსეთთან შეერთებისა და ბურჟუაზიული გარდაქმნების პერიოდები, ხოლო მესამეში — უახლესი, სოციალისტური ეპოქა.

ფეოდალური ხანის ქართულმა ისტორიოგრაფიამ ძველ თბილისზე მხოლოდ ფრაგმენტული ცნობები დაგვიტოვა. მეტი ყურადღება დაუთმო ქალაქებს XVIII ს. სახელოვანმა ისტორიკოსმა ვახუშტი ბაგრატიონმა, რომლის ისტორიულ-გეოგრაფიული ხასიათის აღწერილობებს ჩვენთვის დიდი მნიშვნელობა აქვს. იმ ეპოქის დამკვირვებლები, ჩვეულებრივ, ნაკლებად ან სრულიად არ ეხებოდნენ ქვეყნის სოციალურ-ეკონომიკური განვითარების საკითხებს.

თვალსაჩინო ცვლილებები მოხდა XIX ს. შუა წლებიდან, როცა ახალმა ეპოქამ ახლებური მეცნიერული მოთხოვნები დააყენა. გამოჩნდნენ წარსულის ეკონომიკური განვითარების საკითხებით დაინტერესებული მკვლევრები, რომლებიც განიხილავდნენ ქალაქების მოსახლეობას, ხელოსნობას, ვაჭრობას, ციხესიმაგრეებს, ეკლესია-მონასტრებსა და სხვ. ყველა დიდი საქმე, როგორც წესი, სათანადო მასალების ძიებით იწყებოდა და მათმა მეცნიერულმა ნაამაგარმა, მიუხედავად მეთოდოლოგიური ხასიათის ნაკლოვანებისა, მომდევნო თაობას სათანადო მასალათა ძიების პირველი შედეგები უანდერძა.

სამეცნიერო ლიტერატურაში მოკრძალებითაა აღნიშნული პ. იოსელიანის ღვაწლი საქართველოს ქალაქების შესწავლაში. მისი ნაშრომები რუსულ ენაზე — „წინათ და ახლა არსებული ქალაქები საქართველოში“, 1850 წ., „ქალაქ ტფილისის სიძველეთა აღწერილობა“, 1866 წ. და სხვ., გარკვეულ საფეხურს ქმნიდა ქალაქების მეცნიერული შესწავლის ისტორიაში.

1870 წ. პეტერბურგში რუსულ ენაზე დაისტამბა დ. ბაქრაძისა და ნ. ბერძენიშვილის („ბერზენოვი“) ნარკვევები — „თბილისი ისტორიული და ეთნოგრაფიული თვალსაზრისით“. იგი ეხმაურებოდა რუსი და უცხოელი მკითხველების ინტერესებს თბილისისადმი, რომელიც ამ დროისათვისაც, უკვე უცილობლად, ამიერკავკასიის ადმინისტრაციული და სამრეწველო ცენტრი იყო და ევრაზიის დიდ სავაჭრო მაგისტრალზე

მდებარეობდა. დ. ბაქრაძე იძლეოდა ფეოდალური ეპოქის თბილისის ისტორიულ მიმოხილვას, ხოლო ნ. ბერძნიშვილი ცდილობდა სოციალურ-კულტურულ ასპექტში დაენახა XIX ს. რეფორმამდელი თბილისი, ეჩვენებინა მისი გარდაქმნა „აღმოსავლური ქალაქიდან“ „ევროპულ ქალაქად“.

მ. ჭანაშვილის წიგნი — „საქართველოს დედაქალაქი ტფილისი“ — გამოქვეყნდა 1899 წ. ეს იყო დედაქალაქის წარსულის ქართულ ენაზე გაშუქების ერთ-ერთი პირველი ცდა.

ქალაქის ზოგადი ისტორიის შექმნის ხსენებული მაგალითების გვერდით, XIX საუკუნეში, ინტერესს მოკლებული როდი იყო თბილისის თავგადასავლის ცალკეულ თემებად გაშუქების ცდები. უფრო მეტი ყურადღება ეთმობოდა ხელოსნურ-ამქრული ორგანიზაციების შესწავლას (ლ. ზაგურსკი, ა. ახვერდოვი, ს. ეგიაზაროვი და სხვ.).

ქართული საისტორიო აზრის განვითარების განსხვავებული ეტაპი დაიწყო XX ს. განთიადზე ივ. ჭავჭავაძის სამეცნიერო ასპარეზზე გამოსვლით. 1907 წ. გამოქვეყნდა მისი „საქართველოს ეკონომიური ისტორიის“ პირველი წიგნი, 1918 წელს — „ქალაქები, საქალაქო წყობილება და ცხოვრების ვითარება საქართველოში XVII—XVIII საუკუნეებში“. საერთოდ, ქართული საისტორიო პირველწყაროების ჭავჭავაძისეული ანალიზის შედეგად ქალაქების წარსულის შესწავლა უფრო მყარ საფუძველზე დადგა.

საბჭოური წყობილების დამყარებიდან ირაჩვეულებრივად ამაღლდა ქართული საისტორიო აზროვნება. მეცნიერთა მთავარი ყურადღების საგანი საზოგადოების მატერიალური და სულიერი დოვლათის მწარმოებელი მასები გახდნენ. უფრო მეტი ყურადღება დაეთმო ქალაქებს.

1923 წ. გამოვიდა დ. დონდუას წიგნი — „საქართველოს დედაქალაქი ტფილისი. სახელმძღვანელო ქალაქის შრომის სკოლებისათვის“. ნორჩი თაობა ეცნობოდა თბილისის ისტორიას და გეოგრაფიას, მის სახალხო მეურნეობას, კულტურულ-საგანმანათლებლო დაწესებულებებს, ისტორიულ ძეგლებსა და სხვ.

დიდი წვლილი შეიტანა ფეოდალური თბილისის ხალხური შემოქმედების შესწავლაში საქართველოს სახალხო პოეტმა ი. გრიშაშვილმა. 1927 წელს გამოცემული მისი „ძველი თბილისის ლიტერატურული ბოჰემა“ სამაგიდო წიგნი გახდა.

თბილისზე არსებულ საისტორიო ლიტერატურაზე იმთავითვე გამოჩნდა კრიტიკული შენიშვნები. აღნიშნავდნენ, რომ იგი ვერ გასცდა „ფაქტების უბრალო დაგროვების“, „შიშველი ემპირიზმის ტყვეობას“. ავტორები მ. პოლიევქტოვი და გ. ნათაძე 1929 წ. გამოშვებულ წიგნში — „ძველი თბილისი თანამედროვეთა გადმოცემების მიხედვით“ — კვლავაც მხოლოდ მასალებს გვაწვდიდნენ, მაგრამ გარკვეული თანმიმდევრობით,

„უწყვეტ ჯაჭვად“ და უცხოენოვანი წყაროებიდან ვრცელი ამონაწერების სახით მოწოდებული ცნობებით წარმოაჩენდნენ ქალაქის ეკონომიკასა და სოციალურ შემადგენლობას.

ასე თანდათანობით მრავლდებოდა და ყველასათვის ხელმისაწვდომი ხდებოდა თბილისის შესახები პირველწყაროები.

ქალაქის ისტორიის შესწავლის პირველ, შედარებით უფრო მნიშვნელოვან ცდად შეიძლება ჩაითვალოს ნ. ბადრიაშვილის „ტფილისის“ გამოცემა რუსულ ენაზე, 1934 წ. ავტორი ამჟღავნებდა იმ ეტაპზე გამოვლენილი მასალების ცოდნას და ახალი იდეოლოგიის თვალთახედვით განიხილავდა მოვლენებს.

XX საუკუნის 20 — 30-იანი წლებიდან ქართული მედიევისტიკის უბანზე უფრო მტკიცედ მკვიდრდებოდა მარქსისტული მეთოდოლოგია. ს. ჯანაშიამ ამ ახალი მოძღვრების შუქზე განიხილა ფეოდალური ფორმაციის გენეზისისა და განვითარების პრობლემა და, ბუნებრივია, გაამუქა ქალაქების, კერძოდ, თბილისის წარმოშობის პროცესი. მასთან ერთად ახალ მიმართულებას სათავეში ჩაუდგა აგრეთვე ნ. ბერძენიშვილი. 1938—1940 წლებში დაიწყო შუა საუკუნეების ქალაქების ახლებურად შესწავლის გეგმათა განხორციელება.

თვალსაჩინო წვლილი შეიტანა თბილისის ისტორიის შესწავლაში შ. ჩხეტიამ. მისი კაპიტალური ნაშრომი — „თბილისი XIX საუკუნეში“, 1942 წ., — ძირითადად რეფორმამდელ პერიოდს ასახავდა, მაგრამ ადრინდელ ხანასაც ეხებოდა. გარკვეულ სიახლეს შეიცავდა დ. გვრიტიშვილისა და შ. მესხიას ერთობლივი ნარკვევი — „თბილისის ისტორია“, 1952 წ., რომელშიც პოპულარული ენით გაშუქებული იყო ქალაქის წარსული XIX ს. დამდეგამდე.

განსაკუთრებით გამდიდრდა საისტორიო ლიტერატურა თბილისზე 1958 წლიდან, როცა ქართველმა ხალხმა დიდი ზეიმით აღნიშნა დედაქალაქის დაარსების 1500 წლისთავი. ამ წელს ავტორთა კოლექტივმა გამოაქვეყნა თბილისის ისტორიის საკმაოდ ვრცელი, პოპულარული ნარკვევი დასაბამიდან ვიდრე XX საუკუნის 50-იანი წლების ბოლომდე (შ. მესხია, დ. გვრიტიშვილი, ა. სურგულაძე, მ. დუმბაძე); გამოიცა საიუბილეო თარიღისადმი მიძღვნილი სოლიდური კრებული („თბილისი — 1500“), რომელშიც მონაწილეობდნენ სახელმძღვანელო ქართველოლოგები: ა. შანიძე, კ. კეკელიძე, ს. ყაუხჩიშვილი და სხვ. გაიჩვენა თბილისის წარსულის არაერთი კონკრეტული საკითხი.

1959 წ. შ. მესხიამ გამოაქვეყნა ფუნდამენტური მონოგრაფია „ფეოდალური საქართველოს ქალაქები XVII—XVIII საუკუნეებში“, სადაც საკმაოდ ვრცლად შეეხო ადრინდელ პერიოდსაც. აქ პირველწყაროთა ღრმა შესწავლისა და მარქსისტული მოძღვრების სინათლეზე შუქი ეფინება ქალაქების გენეზისისა და ისტორიის ძირეულ საკითხებს. ამა-

ვე წელს ქართველი მკითხველები გაეცნენ სომხურენოვანი წყაროებით გამდიდრებულ ვ. ნალბანდიანის გამოკვლევას — „თბილისი ძველ სომხურ მწერლობაში“ (სომხურიდან თარგმნეს ნ. ჭანაშიამ და ე. ცაგარეი-შვილმა).

პირველწყაროთა ძიება-გამომზეურების ნიმუში იყო თბილისზე სა-
არქივო დოკუმენტების გამოცემა 1962 წ. (ნ. ბერძენიშვილი, მ. ბერძნი-
შვილი). ამ საქმეში წილი უდევთ აგრეთვე ს. კაკაბაძეს, ლ. მელიქსეთ-
ბეგს.

მნიშვნელოვანი გამოკვლევებია შექმნილი საქართველოს ქალაქების
გარესამყაროსთან შედარებითი შესწავლის თვალსაზრისით. ვ. გაბაშვი-
ლის რედაქციითა და თანაავტორობით 1966 და 1970 წწ. ორ წიგნად
გამოვიდა „ნარკვევები მახლობელი აღმოსავლეთის ქალაქების ისტორი-
იდან“, სადაც ჩვენი ქვეყნის ქალაქები შედარებულია საქართველოს
სამხრეთ-აღმოსავლეთით მდებარე რეგიონების სავაჭრო-ეკონომიკურ
ცენტრებთან და გამოტანილია საფუძვლიანი დასკვნები. იქვეა განხი-
ლული აღმოსავლეთ ამიერკავკასიის ქალაქების სოციალური სტრუქ-
ტურისა და დასავლეთ ევროპასთან მათი სავაჭრო ურთიერთობის საკით-
ხები XVI—XVIII სს. (კ. კუცია, მ. ტიკაძე და სხვ.).

წერილობითი და არქეოლოგიური წყაროების ბეჭით შესწავლას ემ-
ყარება ლ. კილაშვილის ნარკვევები — „ქალაქები ფეოდალურ საქარ-
თველოში“, ორ ტომად, 1968—1970 წწ., და სხვ., რომლებშიც ავტო-
რი თბილისის წარსულის მნიშვნელოვან საკითხებსაც იკვლევს.

მიმდინარე საუკუნის 60—70-იან წლებში ქართულმა საისტორიო
მეცნიერებამ მანამდის არნახულ წარმატებებს მიაღწია. აკად. გ. მელიქი-
შვილის საერთო რედაქციითა და თანაავტორობით 1970—1980 წწ.
გამოქვეყნდა „საქართველოს ისტორიის ნარკვევების“ რვა ტომი. ამ
მოვლენაში რამდენადმე შეამსუბუქა მორიგ, განმაზოგადებელ ნაშრომთა
გამოცემა.

დოკუმენტებზე დამყარებულ გამოკვლევებში — მამისა ბერძნიშვი-
ლის „თბილისის გარეგანი სახე XVIII საუკუნეში“, 1965 წ. და თ. ბერიძის
„ძველი თბილისის გარეუბნების ისტორია“. 1977 წ. — გაშუქებულია
ფეოდალური ქალაქის ისტორიულ-გეოგრაფიული საკითხები.

1982 და 1984 წწ. გამოქვეყნდა მ. გაბაშვილისა და გ. აფრასიძის
საყურადღებო მონოგრაფიები. მიძღვნილი საქართველოს ფეოდალური
აღორძინების პერიოდის (XI—XII სს.) ქალაქებისადმი. გამოვიდა მონო-
გრაფია „ამქრები XVI—XVIII სს. საქართველოში“ (კ. კუცია). ქართველ
ისტორიკოსებს გარკვეული წვლილი შეაქვთ აგრეთვე ფეოდალური ამი-
ერკავკასიის ქალაქების შესწავლაშიც (პ. თოფურია, კ. კუცია და სხვ.).

ზემოთ ჩამოთვლილ წიგნებს გარდა, თბილისის ისტორიაზე განმა-
ზოგადებელი ნაშრომის შექმნას ხელი შეუწყო ქართულსა და რუსულ-

ენოვან სამეცნიერო ჟურნალებში გამოქვეყნებულმა მრავალრიცხოვანმა წერილებმა, რომლებმაც ნათელი მოჭფინეს ქალაქის სოციალურ-ეკონომიკური თუ კულტურული წარსულის ღირსშესანიშნავ მოვლენებს და საგრძნობლად შეავსეს ძველი თბილისის შესახებ არსებული საკმაოდ ღარიბი მასალა.

ქართველმა აღმოსავლეთმცოდნეებმა გამოავლინეს, ქართულად თარგმნეს და გამოსცეს არაბული, სპარსული და თურქულენოვანი ცნობები, ფიქსირებული ამა თუ იმ საუკუნეში საქართველოში ნამყოფ უცხოელთა მიერ (ვ. ფუთურიძე, ს. ჭიქია, რ. კიკნაძე, ო. ცქიტიშვილი, ე. სინარულიძე და სხვ.). ითარგმნა და გამომზეურდა. აგრეთვე, საკმაოდ მნიშვნელოვანი ევროპულენოვანი და სომხური მასალები (ბ. გიორგაძე, გ. გელაშვილი, ლ. დავლიანიძე, გ. ჟორდანი, მ. მგალობლიშვილი და სხვ.).

ქალაქის კულტურული განვითარების პროცესების ასახვაში ისტორიკოსებთან ერთად მონაწილეობდნენ არქეოლოგები. ეთნოგრაფები, ლიტერატურათმცოდნეები. ხელოვნებათმცოდნეები, ფილოსოფოსები და მეცნიერების სხვა დარგების მკვლევრები. მათი ნაშრომები დამოწმებულია წიგნის სათანადო პარაგრაფებში.

ასეთია ჩვენი ძალზე მოკლე, არასრული მიმოხილვა იმისა, თუ როგორ თანდათანობით, „უამითი-უამად“. ივსებოდა ჩვენი ცოდნა თბილისის წარსულზე. ჩვენ მიუვითითეთ საისტორიო მეცნიერების მხოლოდ უმთავრეს მონაპოვარზე. რამაც განაპირობა სამსჯავროზე წარმოდგენილი ახალი ნაშრომის რეალიზაცია.

და აი, ჩვენს წინაშეა მეტ-ნაკლებად სრული და პირველწყაროებსა თუ არსებულ ლიტერატურაზე დამყარებული ისტორია ჩვენი ქალაქისა. ასეთი სახით იგი პირველად ქვეყნდება და ამიტომ შეიძლება ხარვეზებისგან დაზღვეული არ იყოს.

თბილისის ისტორიის პირველი ტომი 1984 წ. ბოლოსათვის განსახილველად გადაეცა სპეციალისტებს. შენიშვნები და რეცენზიები წარმოადგინეს აკად. გ. მელიქიშვილმა, ისტორიულ მეცნიერებათა დოქტორებმა რევაზ კიკნაძემ. გრიგოლ მარგინმა და დავით მუსხელიშვილმა. ტომს სრული სახით გაეცნენ აგრეთვე ავტორთა კოლექტივის წარმომადგენლებიც (მამისა ბერძნიშვილი, ა. კაცაძე, დ. მეგრელაძე, ქ. ჩხატარაიშვილი, გ. ძიძიგური). ტომის ავტორებმა და რედაქტორებმა მადლობით გაითვალისწინეს მათ მიერ გამოთქმული შენიშვნების უმრავლესობა. საბოლოოდ შევესებულ-შესწორებული პირველი ტომი 1985 წ. ბოლოსთვის უკვე მზად იყო გამომცემლობაში წარსადგენად. ამიტომ მასში გათვალისწინებული არ არის 1985 წლის შემდეგ გამოქვეყნებული ლიტერატურა.

საკუთრივ თბილისის XVIII საუკუნის ბოლომდელი ისტორიის ამ-

სახელი გამოქვეყნებული წყაროებისა და ლიტერატურის სია შეადგინა მარინე მესხიამ.

პირველი ტომის საილუსტრაციო მასალა გამომცემლობისათვის მოამზადა დარეჯან მეგრელაძემ. ნუმიზმატიკური ტაბულები შედგენილია აკად. ს. ჯანაშიას სახ. საქართველოს სახელმწიფო მუზეუმის ნუმიზმატიკის განყოფილების თანამშრომლების მიერ. ქალაქის გრაფიკული გეგმების ავტორია მამისა ბერძნიშვილი, საძიებლები შეადგინეს: გ. აფრასიძემ, შ. ბადრიძემ და ელ. ქაჩაიამ.

შ ე ს ა ვ ა ლ ი

(თბილისის ისტორიის უმთავრესი ეტაპები)

თბილისის წარმოშობა ხალხმა ვახტანგ გორგასალის სახელს დაუკავშირა, მეფისა, რომელიც „ღმერთს უყვარდა“ და მისადმი მიძღვნილი ლეგენდით გვაუწყა ქალაქის დაბადების ამბავი. ძღვევამოსილი მეფის ქანდაკება, მეტეხის პლატოდან რომ გადააჰყურებს ძველ თბილისს, თითქოს აცოცხლებს იმ სევდანარეგ მოგონებას, როცა დაქრილ ხოხობსა და მას ადევნებულ შევარდენს გოგირდოვან ცხელ წყლებში დაუღვევიათ სული. მართლაც, „ტფილისმა“ სახელი თბილი წყაროებიდან მიიღო და ეს სიმბოლოურიც იყო.

თვალწარმტაც გარემოში ნაშობ ქალაქს იმთავითვე თან დაჰყოლია მაცოცხლებელი სითბო, ხოხბისებური სილამაზე და უზომო სიყვარული. მას ხომ ბედმა არგუნა უდიდესი მისია ქართველი ხალხის ისტორიულ განვითარებაში.

საბჭოურ ხანაში ოდნავ დაზუსტდა ქალაქის სახელწოდება, ძველქართული „ტფილისი“ „თბილისით“ შეიცვალა. სახელის ასეთი მცირე კორექტივით ჩაუდგა იგი სათავეში უახლეს, სოციალისტურ საქართველოს.

მრავალ ათას წელს ითვლის თანამედროვე თბილისის მიწებზე მყოფი ძველი მოსახლეობის შრომისა და ბრძოლის ისტორია; უდიდესი მსხვერპლის ფასადაა მოპოვებული ყოველი ახალი ნაბიჯი ცივილიზაციის მაღალი საფეხურებისაკენ. არქეოლოგიური მასალები ადასტურებენ აბორიგენთა განვითარების უწყვეტ პროცესს ძველი წელთაღრიცხვის V—IV ათასწლეულებიდან, როცა თბილისის მიკრორეგიონი საკმაოდ მაღალი სამიწათმოქმედო კულტურის მქონე დასახლებათა გარემოცვაში ყოფილა. ძველი თბილისის არეალში აღმოჩენილი მასალა ადასტურებს მის მემკვიდრეობით კავშირს გვიანბრინჯაოსა და რკინის ხანის კულტურებთან.

თბილის-ქალაქის აღმოცენებას წინ უძღოდა ანტიკური ხანის ქალაქების წარმოქმნა. ძვ. წ. აღ. VII—VI სს. კოლხეთში დომინირებენ ტრაპეზუნტი, ფაზისი (ფოთი), დიოსკურია (სოხუმი), ვანი და სხვ.; ასევე ძვ. წ. აღ. IV საუკუნის ამბებთან დაკავშირებით იხსენიებს ქართველი მემკვიდრეობის იბერიის ქალაქებს — სარკინეს, კასპს, ურბნისს, ოძრხეს; წინაქრისტიანულ პერიოდში ძლიერდებიან მცხეთა, რუსთავი, ხუნანი, ნეკრესი და სხვ. თბილისი მათთან შედარებით ახალგაზრდა ქალაქია.

თბილისის ქალაქად ფორმირება ორი ერთმანეთისაგან განსხვავებული სამყაროს გზაშესაყარზე მოდის. ეს იყო პერიოდი, როცა ანტიკურობის ეპოქა სრულდებოდა და საზოგადოებრივ ცხოვრებაში ახალი, ფეოდალური ურთიერთობა იკაფავდა გზას. ამავე დროს მის განვითარებაზე გავლენას ახდენდა საერთოდ ახლო აღმოსავლური გარემოსათვის დამახასიათებელი სპეციფიკა. თბილისი უპირატესად სამხედრო-პოლიტიკური მიზნების საფუძველზე ჩამოყალიბდა იმ კონკრეტულ ვითარებაში, როცა ირანელი დამპყრობლები იბერიის დაუფლებისათვის იბრძოდნენ.

V ს. მეორე ნახევარში, ვახტანგ გორგასალის ბრძანებით, მტკვრის ვიწროებში შენდება ქალაქი თბილისი ზღუდეებითურთ.

VI ს. დამდეგიდან უკვე ქართლის პოლიტიკური ცენტრი „დიდი მცხეთიდან“ თბილისში ინაცვლებს, ხოლო მცხეთა ამიერიდან სამეფოს ქრისტიანულ-იდეოლოგიურ ცენტრად, კათალიკოსის სარეზიდენციო ქალაქად რჩება.

ასაკით თბილისის ტოლნი იყვნენ უპირატესად სტრატეგიულ პუნქტებში აგებული ქალაქები — უჯარმა, კერემი, არტანუჯი და საქართველოს მეზობლად წარმოქმნილი ქალაქები ბარდა — ბარდავი (პეროზაპატი) — ალბანეთ-აზერბაიჯანში, დვინი — სომხეთში და სხვ. ბევრმა მათგანმა ვერ გაუძლო ისტორიულ ქარტახილს, ხოლო საგარეო მტრებისგან მრავალგზის ფერფლად ქცეულ თბილისს კი აღდგენა-განახლების საოცარი უნარი აღმოაჩნდა. იგი დღეისათვის ერთ-ერთ ძველ და სილამაზით გამორჩეულ ქალაქად ითვლება მთელს მსოფლიოში.

IV—V საუკუნეებში ამიერკავკასიის ქვეყნების დაუფლებისათვის ერთმანეთს ეცილებოდნენ ირანი და ბიზანტია. ამავე დროს საქართველოსომხეთ-ალბანეთში ფეოდალური ურთიერთობის წარმოშობის პროცესი ვითარდებოდა. მზარდი ფეოდალური არისტოკრატის ერთი ნაწილი თავისი სოციალური პრივილეგიების განმტკიცების მიზნით საერთო ენას პოულობდა საგარეო დამპყრობლებთან.

ფეოდალური სასოფლო-სამეურნეო სტიქია დასავლეთ ევროპაში სპობდა ძველ ქალაქებს; მათი უმრავლესობის ცხოვრებაში ეკონომიკური ცენტრის მნიშვნელობა ქვეითდებოდა, რასაც შედეგად ნატურალური მეურნეობის კონსერვაცია მოჰყვა. მხოლოდ განვითარებულ ფეოდალურ ხანაში გარდამავალ საფეხურზე წარმოშობილ ქალაქებს უფრო თვალსაჩინოდ დაეტყუთ ვაჭრობა-ხელოსნობის გამოყოფა სოფლიდან და მათი კონცენტრაცია ქალაქებში; ეს გარემოება ქალაქთა ფეოდალური ძალმომრეობისაგან განთავისუფლების პერსპექტივებს ქმნიდა. ანალოგიურ პროცესებს ნაწილობრივ ადგილი ჰქონდა საქართველოშიც, მაგრამ ჩვენი ქვეყნის საქალაქო ცხოვრებაში ახლო აღმოსავლური გარემოს გავლენა უფრო ძლიერი იყო.

V—VI სს. თბილისში, ანტიკური ხანის ქალაქების მსგავსად, წამყვანი ადგილი სოფლის მეურნეობას ეკავა. ამით იგი განსხვავდებოდა ელინისტური ეპოქის ქალაქებისაგან, რომელთა ცხოვრებაში განმსაზღვრელი მნიშვნელობა ვაჭრობასა და ხელოსნურ წარმოებას ჰქონდა. თბილისი უპირატესად მაინც სამხედრო-პოლიტიკური მიზნით წარმოქმნილი ქალაქი იყო; იგი სამხრეთ-აღმოსავლეთიდან ქართლის გულისაკენ მომავალ დიდ გზას კეტავდა. ამავე დროს მტკვრის ხეობით გამავალი ეს გზა ევრაზიული ალემბიცემობის ერთ-ერთ უძველეს სავაჭრო-საქარაუზო მაგისტრალს წარმოადგენდა და ქალაქის შემდგომი ეკონომიკური და პოლიტიკური აღზევების საწინდარი იყო.

523 წ. ირანელმა მოძალადეებმა იბერიაში მეფის ხელისუფლება გააუქმეს, დაიპყრეს მთელი ამიერკავკასია. თბილისი შაჰის მიერ მოვლენილი ნაცელის — „მარზხანის“ სამყოფელ ადგილად აქციეს. ამავე დროს არსებობდა ადგილობრივ აზნაურთა ხელისუფლება „ქართლის ერისმთავრის“ სახით, რომელსაც ქართულ-სპარსული მონეტაც კი გამოუშვია; მას ფართოდ იყენებდნენ საშინაო და სავაჭრო ვაჭრობაში.

VI ს. ბოლო მეოთხედში ბიზანტიელი დამპყრობლები ლაზიკიდან აძევებენ სპარსელებს და იპყრობენ ქართლის დასავლეთ რეგიონს ვიდრე თბილისამდე. თბილისი ისევ რჩება ერისმთავრისა და მარზხანის ხელში, რომელიც „დედაციხეში“ მოკალათებულ სპარსთა ჯარს ეყრდნობოდა. ასე გრძელდებოდა VII ს. ოციანი წლების ბოლომდე, როცა ბიზანტიამ და მისმა მოკავშირეებმა — ხაზარებმა თბილისს შეუტეეს, სასტიკი ბრძოლის შედეგად ქალაქი დაიპყრეს და გაძარცვეს.

VII ს. შუა წლებიდან ბიზანტიელი დამპყრობლები არაბებმა შეცვალეს. ამიერკავკასიის ქვეყნებს მძიმე გადასახადები დააკისრეს. მაგრამ თავისუფლებისათვის მებრძოლმა ხალხებმა ისარგებლეს არაბთა ქვეყანაში დაწყებული გართულებებით და ხარკს არ იხდიდნენ. ამას მოჰყვა მანამდის არნახული რისხვა — 736—738 წწ. დიდი და გამანადგურებელი შემოსევები ამიერკავკასიაში, კასპიის ზღვიდან ვიდრე შავ ზღვამდე. ნანგრევებად იქცა ქალაქები და სოფლები. თბილისი სასწაულებრივ გადაურჩა აოხრებას. ამიერიდან თბილისში არაბმა ამირამ მოიკალათა და აქედან ავრცელებდა ხალიფატის უზენაეს ხელისუფლებას მთელ ქვეყანაში. ხარკი დამძიმდა და ქრისტიანული სარწმუნოების დევნაც დაიწყო. მიუხედავად ამისა, თბილისი ინარჩუნებდა ქართლის კულტურული ცენტრის როლს და თაოსნობდა ხალხის ბრძოლას დამპყრობთაგან განთავისუფლებისათვის.

თბილისში ქართლის ერისმთავრის ხელისუფლება არაბი ამირის გვერდით კვლავ არსებობდა, მაგრამ IX ს. დამდეგიდან იგი არაბებმა გააუქმეს და ქალაქის მმართველობა მთლიანად მაჰმადიანთა ხელში გადავიდა.

რამდენადმე განსხვავებული პერიოდი იწყება თბილისის ისტორიაში

IX ს. დამდეგიდან, როცა ხალიფატის დიდი სახელმწიფოს დაშლის პროცესი დაიწყო. ცალკეული ქვეყნების გამგებლებად დანიშნულმა ამირებმა თანდათანობით იწყეს განდგომა. სახალიფოს ცენტრში ხარკს აღარ აგზავნიდნენ, რასაც ხალიფა ვერ ურიგდებოდა და დამსჯელ რაზმებს უსევდა ქალაქს, რის შედეგადაც ადგილობრივი მოსახლეობა ნადგურდებოდა. ამავ პერიოდში საქართველოში წარმოიშვა ფეოდალური სამთავროები. თბილისის ამირა საპაკი — „ხალიფას ურჩი ყმა“ მეტნაკლებად ჩაება ქართულ სამთავროებს შორის პირველობისათვის გაჩაღებულ ბრძოლებში.

853 წ. ბაღდადეღა ხალიფამ ვეება ლაშქარი დაძრა თბილისისაკენ, რომელსაც „ზღვის ვეშაპად“ წოდებული სარდალი ბულა თურქი მოუძღლოდა. საპაკი მოკლეს და ქალაქს ცეცხლი წაუკიდეს. კუპრისაგან გაჩენილი ხანძარი „ვანუწყვეტლივ ბობოქრობდა დღისითაც და ღამითაც“. მსხვერპლთა რაოდენობა დიდი იყო, მაგრამ არც ბულა თურქის ლაშქარს დასდგომია კარგი დღე: კახეთში შეჭრილ მტაცებლებს სასტიკად აზღვევინეს მშვიდობიან თბილისელთა განადგურება; ისინი კახელებმა განდევნეს „სირცხვილეულნი“ და „ძლიერ დაჩეჩქვილნი“. ამ მარცხმა საბოლოოდ დასცა ოღუესაც ძლიერ არაბთა გავლენა ამიერკავკასიაში.

მშვიდობიან დროებათა შუალედებში თბილისი, თუმცა ნელა, მაგრამ მაინც იშუშებდა კრილობებს, ფართოვდებოდა, აღდგენა-განახლების უნარსა და მომავლის იმედს არ ჰკარგავდა.

თბილისი იზრდებოდა მტკვრის აღმა, ჩრდილოეთით. VII ს. დამდეგისათვის იგი უკვე დღევანდელი ბარათაშვილის სახელობის ხიდამდე ვრცელდებოდა.

VIII ს. მიწურულამდე თბილისი მტკვრის მარჯვენა ნაპირზე, ძველ საზღვრებში რჩებოდა, დინების გაყოლებით ორთაქალის ბაღებამდე. ქალაქის უძველეს ნაწილში IV საუკუნიდანვე ჩანს „კალაც“ (დედაციხე). IX—XI საუკუნეებიდან თბილისი გაფართოებულა მტკვრის (მარცხენა) ნაპირზედაც, ისანის (ავლაბრის) ხარჯზე.

ადრეფეოდალურ ხანაში თბილისი იქცა ქართული კულტურის უმთავრეს ცენტრად. „ფილოსოფოსთა თანა“ აღზრდილი ვახტანგ გორგასალის მეფობის დროს იქმნება ქართული ლიტერატურის დიდი ძეგლი — „მუშანიკის წამება“ იაკობ ცურტაველისა, VI ს-ში — „ევსტათე მცხეთელის მარტვილობა“, VIII ს-ში თბილისში იწერება „აბოს წამება“, რომლის ავტორი იოვანე საბანისძე არაბი დამპყრობლების წინააღმდეგ განმათავისუფლებელი ბრძოლების ერთ-ერთი თაოსანი იყო.

IX—X საუკუნეებში საქართველოში ჩნდებიან ახალი ქალაქები და ძლიერდებიან ძველნი. თბილისთან ერთად იზრდება — დმანისი, სამშვილდე, რუსთავი, არტანუჯი, ქუთაისი, ცხუმი (სოხუმი). ქუთაისი VIII ს. მეორე ნახევრიდან იქცევა დასავლურ-ქართული („აფხაზთა“) სამეფოს დედაქალაქად.

ხალიფატის დაშლის გარდაცემის შესაბამისად საქართველოში ძლიერდებოდა სამთავროები და იქმნება წინამძღვრები საქართველოს პოლიტიკური გაერთიანებისათვის. X ს. თბილისის საამირო უკვე საბოლოოდ აღარ ემორჩილება ხალიფატს, მას აღარც მეზობელი ქვეყნები სცნობენ და არც თბილისის გარშემო მდებარე სოფლების დიდი ნაწილი.

X—XI სს. მიჯნაზე საფუძველი ეყრება საქართველოს გაერთიანებას. მისი დასრულებისათვის ბრძოლა საკმაოდ ხანგრძლივი აღმოჩნდა. თბილისის უშუალო შემოერთების საქმე დააბრკოლეს ჯერ ბიზანტიის შემოტევებმა XI ს. პირველ ნახევარში, შემდეგ კი თურქ-სელჩუკთა ურდოებმა, რომლებმაც უდიდესი ზიანი მიაყენეს აღმავლობის გზაზე შემდგარ საქართველოს.

XI ს. 90-იანი წლებიდან იწყება ახალი პერიოდი ფეოდალური საქართველოსა და მთელი ამიერკავკასიის ხალხების ცხოვრებაში. იგი უკავშირდება თურქ-სელჩუკთა სახელმწიფოს შესუსტებას, ერთი მხრივ, და, მეორე მხრივ, ისეთი დიდი და გონიერი ხელმწიფის სახელს საქართველოში, როგორც დავით აღმაშენებელი იყო.

დავითი ქართული და სომხური მიწებიდან თანმიმდევრობით ერეკებოდა თურქ-სელჩუკებს. ამიტომ იყო, რომ ახლო აღმოსავლეთის მაჰმადიანმა მმართველებმა საქართველოს წინააღმდეგ დიდი კოალიციური ლაშქრობა მოაწყვეს. დიდგორის ველზე, თბილისის მისადგომებთან მომხდარ ბრძოლაში, დავით აღმაშენებლის ჯარებმა ბრწყინვალე გამარჯვება მოიპოვეს და ქვეყანა მოსალოდნელი განადგურებისაგან იხსნეს. ეს იყო 1121 წ. აგვისტოში. ამის შემდეგ ნათელი გახდა, რომ წინა აზიაში აღარ არსებობდა ისეთი ძალა, რომელსაც შეეძლო საქართველოს წინსვლის შეჩერება.

1122 წ. დავით მეფემ ახალი გამარჯვება იხიმა; „პირველსავე ომსა“ აიღო თბილისი და ქართლის ყოფილი დედაქალაქი თავის ძველ უფლებებში აღადგინა; 1123 წ. სომხეთის ძველი დედაქალაქიდან — ანისიდან — გააძევა თურქ-სელჩუკები. ქართველი მეფე თურქ დამპყრობლებს მეზობელი აზერბაიჯანის მიწა-წყლიდანაც ერეკებოდა.

იმ დროიდან უფრო ფართო მასშტაბით იწყება თბილისისა და მთელი საქართველოს აღორძინების პერიოდი, რომელსაც ხშირად „ოქროს ხანას“, „რუსთაველის საქართველოს“ და „რუსთაველის ეპოქას“ უწოდებენ; ეს იმიტომ, რომ რუსთაველმა მთელი ბრწყინვალეობით წარმოაჩინა ეროვნული კულტურის სიდიადე და მას საპატიო ადგილი დაუმკვიდრა მსოფლიოში.

XII ს. თბილისი საქართველოსა და მთელი კავკასიის პოლიტიკური და კულტურული ცენტრი იყო. თამარის დროინდელი ვრცელი სამეფოს სატახტო ქალაქი, მისი სახელმწიფო კარი ახორციელებდა თავის უფლებებს როგორც საკუთრივ საქართველოს ფარგლებში, ისე მის გარეთაც —

„ყმადნაფიც“ თუ შემოერთებულ ქვეყნებზე; მათ შორის იყო მთელი ამიერკავკასია და რუბანდიდან ვიდრე ნიკოფსიამდე, ჩრდილოეთ კავკასია, თამარისავე დაარსებული ტრაპიზონის იმპერია და სხვ. თბილისი გამოირჩეოდა ახლო აღმოსავლეთის უძლიერესი სახელმწიფოსათვის დამახასიათებელი დიდებულებით.

თბილისში პატივს სცემდნენ სხვადასხვა სარწმუნოების მქონე ხალხის შვილებს, მეცნიერებს, მწერლებს, პოეტებს. აქ იკაფავდა გზას აღრიზნული ჰუმანიზმის იდეები. საერო ლიტერატურის მომძლავრება იმის მაჩვენებელი იყო, რომ სათავე ედებოდა აზრის თავისუფლებისათვის ბრძოლის ახალ ტენდენციებს, რაც დიდი მომავლის მანიშნებელი იყო.

დავით აღმაშენებელს, თვითონ მეცნიერსა და შემოქმედს, ძლიერ ჰყვარებია სომეხი ფილოსოფოსი და პოეტი იოანე სარკავაგი. რუსთაველის თანამედროვე ნიჟამი განჯელის შემოქმედებაში გარკვეული ადგილი უკავია ქართველ ხალხს. ასევე, ქართველთაღმე სიყვარულით იყო გამსჭვალული ცნობილი ხაკანი შარვანელი. იმდროინდელი სომეხი მწერლები ქება-დიდებათ იხსენიებენ „მრავალტანჯული სომხეთის გამომხსნელ“ დავით მეფეს...

XII საუკუნეში თბილისის მაჰმადიანური მმართველობის წესები თანდათან განიღვენა, საქალაქო წყობილება გაქართულდა. თბილისი ერთ-ერთ უმდიდრეს და ხალხმრავალ ქალაქად იქცა წინა აზიაში. ძლიერი სახელმწიფო კარგად იცავდა სავაჭრო-საქარავნო გზებს, აგებდა ხიდებს, ქარვასლებს. არაჩვეულებრივად გაფართოვდა ვაჭრობა. საქონელწარმოების ზრდის მაჩვენებელია ზარაფხანების არსებობა თბილისში, უინვალში, დმანისში, ახალციხეში, არტანუჯში, ქუთაისში.

X—XIII სს. თბილისი სოციალური პროგრესის გზაზეა. მოქალაქეთა უმეტესობა ამ დროს თავისუფალი მწარმოებლებისაგან შედგებოდა. მათ შორის ზედაფენას ქმნიდნენ „დიდვაჭრები“, რომლებიც საგარეო და საშინაო ალებშიცემობას წარმართავდნენ.

სოციალურ განვითარებაში დიდი მნიშვნელობა ჰქონდა ქალაქის მწარმოებელთა გაერთიანებებს — „ამქრებს“, რომლებიც არსებითად გამოხატავდნენ „ყაჩაღური თავადაზნაურობის“ საწინააღმდეგო კავშირებს. ეს იყო ფეოდალურ ქალაქსა და სოფელს შორის „დაპირისპირების“ შედეგი¹. ამქარი თბილისში თავისუფალი ორგანიზაციის სახეს ნაწილობრივ ინარჩუნებდა.

XI—XII სს. თბილისის ტერიტორია ფართოვდება. გადაილახა ციტადელის გარშემო არსებული ზღუდეები. ქალაქის ზრდა ირგვლივ მდებარე სასოფლო-სამეურნეო რაიონების ხარჯზე ხდება. დასავლეთით,

¹ Маркс К. и Энгельс Ф., *Немецкая идеология*. Соч., изд. II, 1955, т. 3, с. 23.

მტკერის აღმა, როგორც ჩანს, ქალაქი მდ. ვერემდე გაფართოებულია და ცნობილი ლურჯი მონასტერიც კი მის ფარგლებში მოქცეულა. მოსახლეობის რაოდენობა ასი ათას სულამდე გაზრდილა.

XIII ს. 20—30-იანი წლებიდან იწყება საქართველოს განვითარების შეფერხება, რაც ჩვენი ქვეყნის საგარეო-პოლიტიკური მდგომარეობის მკვეთრ გაუარესებას მოჰყვა. საქართველო ჯერ ხვარაზმელთა, შემდეგ კი ნახევრად ველურ მონღოლთაგან ხოცვა-ჟლეტისა და ძარცვის ასპარეზად იქცა.

ირანში გამაგრებულმა ხორეზმშაჰის მემკვიდრემ ჯალალ ედ-დინმა, „ისლამის დროშით“, საღეთო ომი გამოუცხადა ქრისტიანულ საქართველოსა და სომხეთს; ურიცხვი ლაშქრით ამხედრებულმა ჯერ სომხეთი მოარბია, მერე კი, 1226 წ., თბილისი დაიპყრო, გაძარცვა, გადაწვა. ათეული ათასობით ადამიანი შეეწირა ამ ბრძოლას.

ხვარაზმელთა მიერ იავარქმნილი საქართველო შედარებით ადვილად დაიპყრეს მონღოლებმა. ამის ერთ-ერთი პირობა მაინც ის იყო, რომ მონღოლები მკვიდრთა სარწმუნოებას ურიგდებოდნენ; მიუხედავად ამისა, ქართველ ხალხს მომთაბარე მონღოლთა ბატონობამ დიდი უბედურება მოუტანა.

მონღოლებმა უმძიმესი ხარკი დააკისრეს ჩვენს ქვეყანას, გაუთავებელ საგარეო ომებში ჩააბეს იგი, „გოდებითა და ტირილით მოცული“ ქვეყნების ქალაქებიდან „ამოქაჩეს მთელი სიმდიდრე“, ისე რომ ვაჭარხელოსნები და მთავარი გზების გასწვრივ მცხოვრები მწარმოებლები გარბოდნენ. როგორც ჩანს, სწორედ იმ დროიდან განადგურებულან ვაჭარ-ხელოსნები ძველი თბილისის ორთაქალის უბანში.

სომეხი პოეტი ფრიკი, რომელმაც საკუთარ თავზე განიცადა მონღოლთა უღლის სიმძიმე, წერდა:

„მისთელი, ქრისტიანი დაობლდა რამდენი?
სისხლი მთას წალკაეს ქართველთა ნადენი“.

თათარ-მონღოლთა ბატონობის დროიდან „იქმნა უუქცევა სუესჯანისა ბედისა... ქართველთა ნათესავისა“... სწორედ მათ, თავიანთი გამოთქმული პოლიტიკით, შეარყიეს ქართული სახელმწიფოს მთლიანობა, დააჩქარეს ერისთავთა გამთავრების პროცესი; ჯერ „ორმეფობის“ შემოღებით, შემდეგ კი სამცხე-საათაბაგოს უშუალო მფარველობაში აყვანით და ფაქტობრივი გამოცალკევებით, გზა გაუხსნეს ქვეყნის პოლიტიკური დაშლის წანამძღვრებს, რითაც პირველი სერიოზული ბზარი გაუჩნდა თბილისის დედაქალაქობას. სავალალოდ, მომდევნო საუკუნეებში ეს ბზარი კიდევ უფრო აღებდა პირს და ახალ მსხვერპლს მოითხოვდა...

მონღოლთა ბატონობის დაუძლურების პერიოდში, XIV ს. პირველ

ნახევარში. გიორგი ბრწყინვალის მეფობის დროს, თბილისის კვლავაც დაეტყო მშვიდობის კეთილისმყოფლობა — დაიწყო აწიოკებული საქართველოს განახლება. თბილისიც ნაწილობრივ იბრუნებს დავით აღმაშენებლისა და თამარის დროინდელ დიდებას და „ხალხმრავალ, კეთილმოწყობილ ქალაქად“ იქცევა, მაგრამ აღდგომა ხანმოკლე აღმოჩნდა. სამი ათეული წლის შემდეგ დაიწყო „მზის ჩასვენების“ ავბედითი ხანა.

XIV ს. 80-იანი წლებიდან საქართველოს წალეკვით ემუქრებოდნენ შუა აზიიდან მოდენილი თემურლენგის ურდოები, რომლებმაც გრიგალივით გადაუარეს ჩვენს ქვეყანას. 1386 წ. ნოემბერში მათ აიღეს ჩვენი დედაქალაქი, „იავარპყევს სრულიად შინაგანმყოფნი ციხესა მას შინა (ნარიყალაში, მეტეხში), და რომელნიმე მოსრნეს და რომელნიმე ტყვეჲჳეს“. საქართველოს მეფის, გონიერი ბაგრატ V-ის, მოჩვენებითმა გამაჰმადიანებამ მხოლოდ დროებით დააცხრო თავისუფლებისათვის მებრძოლთა მმუსვრელი ტირანი. 1393 წლიდან მოყოლებული თემურის ურდოები კიდევ ექვსჯერ არბევნ საქართველოს.

აურაცხელი იყო მსხვერპლი, ქართული მიწა პერიოდულად იეღინთებოდა დამპყრობელთა და სამშობლოს დამცველთა სისხლით. მომრავლდნენ „ნასოფლარები“ და „ნაქალაქარები“, მოიშალა სარწყავი სისტემები, მტაცებლებმა მრავლად ჩეხეს ბალ-ვენახებიც... გააჩანაგეს ქვეყნის ეკონომიკა...

არც XV საუკუნე უფილა დღემზიანი თბილისისათვის. ალექსანდრე I-ის მოღვაწეობის პერიოდში (1412—1443 წწ.) მხოლოდ რამდენადმე გამოსწორდა დაშლის პროცესში მყოფი საქართველოს მდგომარეობა. თბილისის ძარცვა დროგამოშვებით ისევ გრძელდებოდა (1440, 1477, 1488 წწ.).

კიდევ უფრო გართულდა საქართველოს საგარეო-პოლიტიკური ვითარება 1453 წლიდან, როცა თურქ-ოსმალებმა კონსტანტინოპოლის დაპყრობით ბოლო მოუღეს მართლმადიდებლურ ბიზანტიას, მის ადგილზე საქართველოს დაუმეზობლდა შედარებით ჩამორჩენილი, ისლამის მიმდევარი და ანტიქრისტიანული სახელმწიფო.

თბილისისა და სხვა ქალაქების შემდგომი განვითარება შეფერხდა. თანდათანობით დაკნინდა დიდი გზა, ევროპიდან ამიერკავკასიისა და წინა აზიის გავლით, ინდოეთისაკენ რომ მიემართებოდა. ამავე დროს თურქული სახელმწიფო იმთავითვე დაპყრობით ემუქრებოდა საქართველოს სამხრეთ-დასავლეთ პროვინციებს. მისი ბატონობის სფერო ფართოდებოდა შავი ზღვის ორივე ნაპირზე, ყირიმში, ჩრდილოეთ კავკასიაში, ასტრახანისა და ყაზანის სახანოებზე.

საქართველოს მტრული გარემოცვის რკალი სამხრეთ-აღმოსავლეთის და კავკასიონის გაყოლებით იკვრებოდა. მისი საბოლოო ჩაქეტვა დასრულდა XVI ს. დამდეგიდან, როცა საქართველოს სამხრეთ-აღმოსავ-

ლეთით გაძლიერებულმა ყიზილბაშურმა ირანმაც დაიწყო ბრძოლა საქართველო-ამიერკავკასიის დაპყრობისათვის. ასე რომ, საქართველო ორი დიდი და მტაცებლური სახელმწიფოს სამხედრო და რელიგიური შემოტევების მარწუხებში მოექცა.

ყველაზე დიდი უბედურება მაინც ის იყო, რომ ბატონყმური საქართველო აღნიშნულ გარემოცვის სამეფოებად და სამთავროებად დაქსაქსული და ეკონომიკურად დაუძლურებული ხვდებოდა. მთლიანობის მკვებავი ძალები მცირდებოდნენ.

აღნიშნული ძნელბედობის პერიოდში თბილისი მხოლოდ ქართლის პოლიტიკური ცენტრი იყო, მაგრამ ჯერ კიდევ არ თმობდა საქართველოს ერთიანობის აღდგენისათვის ბრძოლის თაოსნის ფუნქციებს. თბილისი ამ ბრძოლის წამყვან და მაორგანიზებელ ძალად რჩებოდა. ამავე დროს მას მტკიცედ ეპყრა ეროვნული კულტურის მესაჯეობა, რომელიც ხელიდან არ გაუვდია კიდევ უფრო უარესი საგარეო-პოლიტიკური ვითარების დროსაც.

საქართველოს დაუფლებებისათვის ირან-ოსმალეთის ჭიდილის პირველი ეტაპი XVI ს. შუაწლებში დასრულდა. ქვეყნის სამხრეთ-დასავლეთი ოსმალეთმა მიიტაცა და დიდი მესხეთის გაოსმალების პროცესი დაიწყო, აღმოსავლეთი თბილისითურთ კი ირანმა თავისად გამოაცხადა. ქართველი ხალხი არ სცნობდა მტაცებლების ასეთ შეთანხმებას და გამუდმებით იქნევდა ხმალს თავისუფლებისათვის.

1522 წ. ირანის შაჰმა ისმაილმა, „სისხლის მსმელმა ტირანმა“, თბილისი ააოხრა და მის მიერ გაძარცვული ქრისტიანული ეკლესიების „საზღაურით“ აქ, ავლაბრის ხიდის გვერდით. მეჩეთი ააგო. ქალაქის ციხეებში სპარსული გარნიზონები ჩააყენეს. თბილისი არ ნებდებოდა. 19 წლის შემდეგ სპარსელებს ხელმეორედ მოუხდათ ქალაქის დაპყრობა. ქართლის მეფეთა რეზიდენციამ დროებით გორში გადაინაცვლა.

ქართლის მატიაწეებში ისმის ბრძოლის ველზე დაღუპული მეფემომრების — ლუარსაბ პირველისა და სიმონ პირველის — დატირება, სიმონ პირველისა, რომელმაც „ქართლს ხმალი შეარტყა“ ...საქართველო მაშინ მიაგავდა მძიმედ დაქრილ რაინდს, რომელიც სისხლიდან იცლებოდა, მაგრამ ბრძოლის ველს არ სტოვებდა.

1578 წ. თბილისი ოსმალებმა დაიპყრეს და იგი საფაშოდ გამოაცხადეს, მაგრამ მათი აქ ბატონობა ხანგრძლივი არ ყოფილა. ქართველებმა მალე დაიბრუნეს ქალაქი, რომლის მოსაწვლეობა XII ს. რაოდენობასთან შედარებით უკვე ხუთჯერ ნაკლები იყო.

XV—XVI სს. თბილისის სოციალურ ცხოვრებაშიაც შესაბამისი ცვლილებების პერიოდი იყო. თავისუფალ ვაჭარ-ხელოსანთა რიცხვი მცირდებოდა, ხოლო ქალაქის დაყმევებულ მწარმოებელთა რიცხვი იზრდებოდა.

XVII ს. პირველ მესამედში ქართველ ხალხს განადგურების საფრთხე ემუქრებოდა სამხრეთ-აღმოსავლეთიდან. თემურლენგის შორეული „მემკვიდრე“ შაჰ-აბასი გაბოროტებით მუსრავდა თავისუფლებისათვის მებრძოლ ქვეყანას. სპარსელებმა თბილისიდან გარეკეს ოსმალები და კვლავ აღადგინეს თავიანთი ბატონობა.

1619 წლიდან თბილისის ფაქტობრივ გამგებლად ხდება გიორგი სააკაძე, რომელიც უკვე ფარულად ჩაუდგა სათავეში საქართველოს განთავისუფლების დიდ საქმეს. ბრძოლა საკმაო წარმატებით მიმდინარეობდა, მაგრამ თავადური რეაქციის წინააღმდეგობის დაძლევა ვერ მოხერხდა. საქართველოს გაერთიანების სააკაძისეული დიდი გეგმა ჩაიშალა. ბაზალეთის 1626 წ. ბრძოლამ საბოლოოდ დაასამარა სანუკვარი ოცნებები. სააკაძე ბრძოლის ველს ჩამოშორდა და უცხოობაში დალია სული.

თითქმის ერთდროულად, 1629 წ., წაიგდნენ ამ ქვეყნიდან ეროვნული გმირი გიორგი სააკაძე და საქართველოს ამაოხრებელი შაჰ-აბასი, რომელსაც ასეულ ათასობით განადგურებულ ქართველთა და სომეხთა წყევლა-კრულვა მიაცილებდა.

სააკაძის თაოსნობით გადახდილ ბრძოლებს დიდი მნიშვნელობა ჰქონდა. ირანის შაჰი იძულებული გახდა ქრისტიანი თეიმურაზ I ეცნო ქართლ-კახეთის მეფედ ვასალური დაქვემდებარების პირობით, მაგრამ ეს ვერ განხორციელდა. საქართველოს ირანზე დამოკიდებულების სტატუსი რამდენადმე გაუარესდა. ქართლ-კახეთის მეფე-გამგებლად ირანმა მოავლინა გამაჰმადიანებული ქართველი როსტომი „ვალის“ (შაჰის ნაცვლის) უფლებებით. მან ოსტატურად შეუხამა ერთმანეთს ქართული სამეფოსა და სპარსეთის ინტერესები და ასეთი ორმხრივი პოლიტიკის გატარებით შეძლო მშვიდობისა და ნდობის მოპოვება; ამავე დროს როსტომ ბაგრატიონი ირანის სამხედრო ძალებს ეყრდნობოდა, ქრისტიანობას მფარველობდა და მაჰმადიანობასაც გზას უხსნიდა. ეს ლოიალობა თავისუფლებისათვის მებრძოლი ხალხის ბრძოლის გარკვეული მონაპოვარი იყო. ეროვნულობისა და სარწმუნოების დაცვისათვის ზრუნვა არ ცხრებოდა. თბილისში, გორსა და სურამში სპარსული გარნიზონები კვლავაც რჩებოდნენ.

XVII ს. 40-იანი წლებიდან ვიდრე XVIII ს. 20-იან წლებამდე პერიოდი ქართლის ცხოვრებაში შედარებითი მშვიდობიანობის ხანა იყო. საგარეო შემოსევების შეწყვეტამ ხელი შეუწყო ქვეყნის სამეურნეო-ეკონომიკურ განვითარებას და ეს მალე დაეტყო ქალაქებსა და სოფლებს. კიდევ უფრო შედეგიანი აღმოჩნდა „გარეგნულად მაჰმადიანი“ ვახტანგ V-ის მეფობის პერიოდი (1658—1675 წწ.). მის ირგვლივ შემოკრებილ მოღვაწეთა დასი სათავეში ჩაუდგა ბრძოლას ერთიანი საქართველოს აღდგენისათვის, რაც ქართლის ჰეგემონიით უნდა განხორციელებულიყო.

განახლდა თბილისის თავსადავი ზღუდეები ანჩისხატისა და სიონის ცკლესიებს შორის, მტკვრის ნაპირზე აშენდა მეფის ბრწყინვალე სასახლე. გაჩაღდა დანგრეული ქალაქების, ცკლესიების, გზების აღდგენითი საქმიანობა.

XVII ს. 70-იან წლებში „თბილისი აღმოსავლეთის ერთ-ერთი უღამაზესი ქალაქი იყო“ (შარდენი). თბილისის საშუალებით დასავლეთ ევროპის სავაჭრო კაპიტალს შეეძლო ეკონომიკური ურთიერთობის გაბმა ინდოეთთან და აღმოსავლეთის სხვა ქვეყნებთან, მაგრამ ამავე საუკუნის დამლევადან „ევროპელებმა საბოლოოდ აითვისეს ინდოეთისაკენ მიმავალი საზღვაო გზა (აფრიკის გარშემო შემოვლით). დაყრუვდა აღმოსავლეთ ამიერკავკასიის, ირანისა და ოსმალეთის ტერიტორიების სავაჭრო-სატრანზიტო გზები, დაეცა ქალაქები და საქალაქო ცხოვრება“, რამაც გავლენა იქონია „საქართველოს ქალაქებზე, კერძოდ კი თბილისზე“ (ვ. გაბაშვილი).

ქალაქის სოციალურ-ეკონომიკურ ცხოვრებაში ამ დროსაც, ფეოდალური ურთიერთობის სიმტკიცის პირობებში, არსებითი ხასიათის ცვლილებები არ მომხდარა. განვითარება ნელი ტემპით მიდიოდა. ხელოსნური წარმოების დიდი ნაწილი ადგილზე მოიხმარებოდა, ნაწილი კი გაქონდათ უმთავრესად ამიერკავკასიის ქვეყნებსა და ირან-თურქეთში. ვაჭარ-ხელოსანთა უმრავლესობა კვლავაც პირად თავისუფლებას მოკლებული ყმები იყვნენ.

XVIII ს. I მეოთხედში თბილისს თანდათანობით დაწინაურების პერიოდი დაუდგა. ვახტანგ VI-მ დიდად შეუწყო ხელი საქალაქო ცხოვრების განვითარებას. მეფე იცავდა საკუთრების უფლებებს, აუმჯობესებდა სავაჭრო-საქარავნო გზებს. წვრილ ხელოსნურ საწარმოთა გვერდით ამ დროს ჩნდებიან შედარებით მსხვილი სარეწები — სტამბა, სამეფო ზარაფხანა, სადაც რამდენიმე დაქირავებული ოსტატი მუშაობდა. უმჯობესდებოდა ქალაქის კეთილმოწყობა... მაგრამ, უკვე მერამდენედ... XVIII ს. ოციანი წლებიდან ქვეყანა ისევ აირია...

ირღვევა თითქმის საუკუნოვანი ზავი ოსმალეთ-ირანს შორის და ამიერკავკასია ისევ იქცევა მეტოქეთა ბრძოლის ასპარეზად. ამავე დროს ქართლში ჰეგემონიისათვის ბრძოლაში აქტიურად გამოვიდა პეტრე დიდის იმპერია.

ვახტანგ VI-ის დიდი ჩანაფიქრი რუსეთთან სამხედრო კავშირის გზით საქართველოს დამოუკიდებლობის აღდგენაზე ვერ განხორციელდა.

საგარეო და საშინაო პოლიტიკური სიტუაცია უკიდურესად დაიძაბა. საქართველოშიც არ იყო ერთსულოვნება. კახთა მეფე — მაკმადიანი კონსტანტინე სპარსეთის მხარეზე აღმოჩნდა და შაჰის „ურჩ ვასალს“ — ვახტანგს დაუპირისპირდა. სწორედ იმ მომენტში, როცა ოსმალეთი

თბილისისაკენ მოიწვედა, კონსტანტინემ 1723 წ., ლეკებთან კავშირში, თბილისი ააოხრა; ამას მოჰყვა ოსმალთა გაბატონება ამ ქალაქში.

12 წლის განმავლობაში ფლობდნენ ოსმალები თბილისს; მათ ვერ განახორციელეს თბილისის საფაშოდ გადაქცევის გეგმა, მაგრამ ქალაქს დიდი ზიანი მიაყენეს. სამწუხაროდ, არანაკლებ მძიმე დღეში აღმოჩნდნენ თბილისელები 1735 წლიდან, როცა ქალაქში ირანელები გაბატონდნენ და იგი მორიგი ძარცვის ობიექტად აქციეს.

ასე პერმანენტულად ენაცვლებოდნენ ერთიმეორეს მრავალტანჯული თბილისის ისტორიაში „წინსვლისა“ და „უკუსელის“ პერიოდები; ვერ იქნა და ვერ განხორციელდა ძველი დიდების აღდგენის მრავალსაუკუნოვანი ოცნება.

XVIII ს. მეორე ნახევარი თბილისისა და მთელი საქართველოსათვის მეტწილად მანკე ჩიხიდან დაძვრის ხანა იყო. ამ დროს ხალხმა ძირითადად თავი დააღწია ირან-ოსმალეთის ბატონობას და ეროვნული დამოუკიდებლობისათვის ბრძოლაში დიდი წარმატებები მოიპოვა; ასევე თვალნათლივ ჩანდა დრომოქმული წყობილების გარდაქმნისა და ევროპული ცივილიზაციისაკენ გასვლის ცდები.

ერეკლე მეორე ნამდვილად დიდი სახელმწიფო მოღვაწე და არაჩვეულებრივი პიროვნება იყო XVIII ს. მეორე ნახევრის საქართველოსა და ახლო აღმოსავლეთის ისტორიაში. იგი „ძლიერი და მტკიცე საქართველოს“ შექმნას ისახავდა მიზნად. ძირითადად მის სახელთანაა დაკავშირებული ქართლ-კახეთის სახელმწიფოს გაძლიერება და გაფართოება ამ საუკუნის 40—80-იან წლებში.

მეფე-მეომრის მეთაურობით 1748 წ. საბოლოოდ განდევნეს თბილისის ციხეებში მოკალათებულ სპარსელთა საოკუპაციო ჯარები. მალე ქართლ-კახეთი ერთ სამეფოდ გაერთიანდა და მისი პოლიტიკური გავლენა დასავლეთ საქართველოსა და სომხეთ-აზერბაიჯანზედაც ნაწილობრივ გავრცელდა. თბილისი თანდათანობით იბრუნებდა საქართველო-ამიერკავკასიის მთავარი პოლიტიკური და კულტურული ცენტრის ფუნქციებს. თითქოს ხორციელდებოდა კიდევ იმერ-ამერთა გაერთიანების მარად ცოცხალი იდეა.

ცენტრალურმა ხელისუფლებამ გაატარა ღონისძიებანი თბილისის სოციალურ-ეკონომიკური ცხოვრების გაუმჯობესებისათვის. ერეკლემ მოხსნა სპარსელების მიერ აგებული ქვიტიკრის გალავანი, რომელიც სთიშავდა ციხის ტერიტორიას ციხისავე მოედნისაგან; ამით მან აღადგინა ქალაქის ტერიტორიის მთლიანობა და უცხოელთა ბატონობის ეს ნაკვალევიც მოსპო. ამავე დროს გაიხსნა დიდი ხნის წინათ ჩაკეტილი დარიალის გზა. განმტკიცდა სააღმშენებლო კავშირი რუსეთის ქალაქებთან; გაფართოვდა აგრეთვე ვაჭრობა ირანსა და თურქეთთან.

XVIII ს. 70-იანი წლებიდან თბილისში მრავლდება შედარებით

დიდი საწარმოების რაოდენობა — ზარბაზნებისა და მორტარების ჩამომსხმელი ქარხანა, საპნისა და მინის წარმოებანი, მარილსახდელი, სამღებროები და სხე. მათი უმრავლესობა მანუფაქტურული ტიპის სარეწები იყო და დაქირავებულ შრომას იყენებდნენ. თბილისის მოსახლეობა 24 ათასამდე გაიზარდა.

ნელი ტემპით, მაგრამ მაინც მატულობდა ქალაქში თავისუფალ მწარმოებელთა რაოდენობა, რამაც XVIII ს. 80-იანი წლებისათვის მთელი მოსახლეობის 15 პროცენტს მიაღწია (შ. მესხია).

მიუხედავად შესაძინევი ძვრებისა, თბილისი სოციალურ-ეკონომიკური განვითარების თვალსაზრისით აღმოსავლური ქალაქების იერს ინარჩუნებდა. ამ დროის ამქარი უკვე ის აღარ იყო, რაც X—XV სს. XVI—XVIII სს. ამქარი საქართველოს ქალაქებში ძირითადად ზღუდავდა თავისუფალ კონკურენციას ხელოსნურ ნაწარმზე და თავის მონოპოლიურ უფლებებს ინარჩუნებდა. ასევე ნელი ტემპით, მაგრამ მაინც მიმდინარეობდა ამქართა შორის სოციალური დიფერენციაციის პროცესი.

თბილისი XVII—XVIII საუკუნეებშიც საქართველოსა და ამიერკავკასიის ერთ-ერთი ძლიერი კულტურული ცენტრი იყო. სადაც ერთმანეთს ხვდებოდნენ სომეხი და აზერბაიჯანელი ხალხების მოწინავე წარმომადგენლები — პოეტები, სხვადასხვა დარგის მეცნიერები. მათ ასულდგმულებათ სამშობლოსადმი უზომო თავდადება და საგარეო დამპყრობლების წინააღმდეგ ერთობლივი ბრძოლის შეგნება. ამის საუკეთესო მაგალითი იყო სომეხი, აზერბაიჯანელი და ქართველი პატრიოტების ერთობლივი გამოსვლა ქართველი მეფის ვახტანგ VI-ის მეთაურობით სპარსთა ბატონობის წინააღმდეგ XVIII ს. 20-იან წლებში.

ძლიერდება ინტერესი საერო პოეზიის, ფილოსოფიის, უცხო ენების, ფილოლოგიის, ისტორიის, გეოგრაფია-ასტრონომიის, მედიცინისა და სხვა დარგების შესწავლისადმი. ფართოვდება სწავლა-განათლების კერები.

აღმავლობა დაეტყო ქართულ მხატვრულ ლიტერატურას; იგი საქართველოს წინაშე მდგარი მწვავე პრობლემების გადაჭრის მიზნებს ემსახურებოდა. საერო პოეზია თანდათან სძლევდა შუასაუკუნეობრივ სქოლასტიკას და რეალურ, ცხოვრებისეულ მოტივებს უმღეროდა.

თბილისში XVIII ს. დამდეგს ყალიბდება სტამბა, სიონის ახლოს არსდება წიგნსაცავი; ამავე საუკუნის მეორე ნახევრიდან ჩნდებიან სახელმწიფო სკოლები. 1755 წ. არსდება ფილოსოფიური სემინარია.

ერეკლე II-ის სამეფო კართან მკიდროდ იყვნენ დაკავშირებულნი პოეტი საიათნოვა, წარმოშობით სომეხი, აზერბაიჯანელი პოეტები ვაგიფი, ვიდადი და სხე.

ქართული კულტურის სათავეში, XVIII ს-ში, ვახტანგ VI-ისა და ერეკლე II-ის გვერდით, იდგნენ ეპოქის ცოდნისა და განათლების

ბრწყინვალე წარმომადგენლები, მწერლები და მეცნიერები: სულხან-საბა ორბელიანი, ვახუშტი ბაგრატიონი, დავით გურამიშვილი, ანტონ, იოანე, დავით ბაგრატიონები, ბესიკ გაბაშვილი, ალექსანდრე ამილახვარი, სოლომონ ლეონიძე და სხვ.; იგრძნობოდა ფრანგი განმანათლებლების გავლენა, გამოჩნდნენ ვოლტერის მიმბაძეველები, დრომოკმული წყობილების თავისებური კრიტიკოსები, განახლებისა და რესპუბლიკის მოტრფიალენი. მათი საერთო მიზანი იყო საქართველოს გამოხსნა წინააზიური ბურჟუაზიიდან და მისი გამოყვანა დასავლურ-ევროპული ცივილიზაციის ასპარეზზე.

თბილისსა და მთელ საქართველოში მძლავრად დაიბრუნდა დიდი ერეკლეს მოწოდება ხალხისადმი — ბრძოლა „ძლიერი და მტკიცე საქართველოსათვის“ და ანდერძი თავისი მემკვიდრეებისადმი, რომ ქვეყნის მესაქეობისათვის აუცილებელი იყო მეცნიერების წამყვანი დარგების, მათ შორის ფილოსოფიის, დაუფლება.

თბილისი თანდათან იცვლიდა თავის გარეგან სახეს. ქალაქის შენებაში მოჩანდა დაგეგმვის ცდები; ზრუნავდნენ წყლით მომარაგებაზე, ზოგიერთი უბნის განათებაზე, შადრევნებზე, ქალაქის გამწვანებაზე; აგებდნენ სახლებს მოქალაქეთა საყოფაცხოვრებო მომსახურებისათვის.

ქალაქის ორ ძირითად უბნად — ზემო და ქვემო უბნებად — გაყოფაში მკვეთრად მოჩანდა საერთოდ ფეოდალური ქალაქებისათვის დამახასიათებელი სოციალური და ეკონომიკური დიფერენციაცია. ქალაქური არისტოკრატია ზემო უბანში ცხოვრობდა ლამაზად მოკაზმულ შენობებში, ქვემო უბანი კი ეკავათ ვაჭრებსა და ხელოსნებს, რომელთა ძირითადი ნაწილი ქონხაზებსა და მიწურებში ცხოვრობდა. თბილისი ნელი ნაბიჯით, მაგრამ მაინც მიიწევდა წინ განახლებისაკენ და ასე გრძელდებოდა მანამდის, ვიდრე მას მორიგი კატასტროფა არ მოევიდნა. XVIII ს. 80—90-იან წლებში აღმოსავლეთ საქართველო საგარეო და საშინაო წინააღმდეგობათა სახიფათო ქსელში გაება.

1795 წ. სექტემბერში თბილისის კარებთან მომდგარ ირანელებთან საბედისწერო ბრძოლაში ქართველებს უომრად არ დაუთმიათ არც ერთი გოჯი მიწა. თავდასხმელები საკუთარ მებრძოლთა გვამებზე გადმოდიოდნენ; ათასობით ქართველი შეაკვდა მტერს, მაგრამ მტრის კარბმა ლაშქარმა გაიმარჯვა. თბილისი გაძარცვეს და ცეცხლს მისცეს, ქალაქის მიმდგომი რაიონებიც დაარბიეს; 15 ათასამდე ტყვე ირანში გადაასახლეს. თბილისის მოსახლეობა თითქმის განახევრდა — 24 ათასი სულიდან 14 ათასამდე შემცირდა. მხცოვანმა ერეკლემ უკანასკნელად მოიქნია ხმალი დედაქალაქის კარიბჭესთან. იგი გარდაიცვალა 1798 წ. და, როგორც მაშინ ამბობდნენ, საქართველოს „რკინის კარები შეეხსნა“.

დიდ სახელმწიფოთა მოცილეობისა და ბრძოლის ასპარეზად ქვეუ-

ლი პატარა სამეფო დაცემის გზით წავიდა. ძალზე რთული და დაუძლეველი იყო ის წინააღმდეგობანი. რომლებიც წილად ერგო ერეკლესა და მის სახელმწიფოს. და თითქოს თანმიმდევრული თუ ავბედითი სტიქიის ძალით. ერეკლეს სიკვდილიდან სამიოდე წლის შემდეგ ქართლ-კახეთმა თავისი სახელმწიფოებრიობა დაკარგა.

გიორგი XII-მ რუსეთთან დადებული 1783 წ. ხელშეკრულება განაახლა 1799 წ. აპრილში. ხოლო იმავე წლის 26 ნოემბერს ტრაქტატით გათვალისწინებული რუსთა დამხმარე ლეგიონი თბილისში შემოვიდა. „მეფის კარიდამ დაწყებული უკანასკნელ ქოხამდე სიხარულმა გაშალა თავისი სანატრელი ფრთა. სიხარულმა ხსნისამ და ნუგეშისამ... ის დღეა და ეს დღე. წერდა ილია რუსთა ჯარის შემოსვლის 100 წლისთავზე. — ველარაჲინ გადმოლახა იგი საზღვარი ცეცხლითა და მახვილით ხელში და 26 ნოემბერს 1799 წელს. კვლავ სასიება-გაღვიძებული მეფე და ერი. გულწრფელად მიენდო იმედითა და ნუგეშინთ ფრთაშესხმული“.

1801 წ. რუსეთმა შეიერთა ქართლ-კახეთის სამეფო. მომდევნო ათეულ წლებში კი იმერეთის სამეფო და სამთავროებიც თავის ფარგლებში მოაქცია. რუსეთი ისლამური აგრესიის შედეგად ჩაგრული ქრისტიანული სარწმუნოების ხალხთა ტრადიციული „მფარველი“ იყო და ამ როლს ჩინებულად უთავსებდა საკუთარი სახელმწიფოს შემდგომი გაფართოების გეგმებს.

მართალია. ქართული სახელმწიფოს გაქმნება დიდი უბედურება იყო. მაგრამ ხალხმა თავი იხსნა მოსალოდნელი ფიზიკური განადგურების საფრთხისაგან და მომავალი განვითარებისათვის შედარებით უკეთესი პირობები მიიღო. ქართველი ხალხი მზიდროდ დაუკავშირდა რუსი ხალხის მოწინავე წარმომადგენლებს და მათთან ერთად განაგრძობდა ბრძოლას თავისუფლებისა და სახელმწიფოებრივი დამოუკიდებლობისათვის.

* * *

მეფის რუსეთმა თავის მფლობელობაში გააერთიანა საქართველო და მთელი კავკასია. თბილისი ამ დიდი მხარის ადმინისტრაციულ ცენტრად და იმპერიის სამხედრო მოქმედების ბაზად იქცა ახლო აღმოსავლეთში. ამ გარემოებამ დიდად შეუწყო ხელი ქალაქის შემდგომ გაფართოებას.

ამიერიდან უკვე საშიში აღარ იყო თბილისის თავსაცავი კედლების გარეთ ცხოვრება. ქალაქის ძველი ზღუდეები ინგრეოდა. XIX ს. 20-იანი წლებიდან დაიწყო „გარეუბნების“ (ახლანდელი თავისუფლების მოედანი. რუსთაველის პროსპექტი...) დასახლება. ქალაქის ტერიტორიას

კუკია და ჩულურეთიც შემოუერთდა, 50-იანი წლებისათვის თბილისი, ჩრდილო-დასავლეთით, გაბაანთ (მოსკოვის) ხევს გასცდა, ხოლო სამხრეთ-აღმოსავლეთით — ორთაქალის ბალებს. დაიწყო ქალაქის ქუჩების მოკირწყვლა: მდ. მტკვარზე ქვის ახალი ხიდები აშენდა.

XIX ს. 20—30-იანი წლებიდან საქართველოსა და თბილისის ცხოვრებაში მნიშვნელოვან სოციალურ-ეკონომიკურ ძვრებს ჰქონდა ადგილი. ძველი ფეოდალური საქართველო შეუჩერებელი გარდაქმნის პროცესში იყო; მის წიაღში ახალი საზოგადოებრივი ურთიერთობა იკაფავდა ვხას. 40—50-იან წლებში თბილისში პირველი კაპიტალისტური მანუფაქტურები და ფაბრიკებიც წარმოიშენენ. თანდათანობით იზრდებოდა ქალაქის თავისუფალ მწარმოებელთა რაოდენობა.

მნიშვნელოვან ცვლილებებს ჰქონდა ადგილი ქალაქის კულტურულ ცხოვრებაშიც. გაფართოვდა კულტურულ-საგანმანათლებლო დაწესებულებათა ქსელი. დაარსდა ვაჟთა და ქალთა გიმნაზიები, ქალთა ინსტიტუტი, გაიხსნა კლუბები, იტალიური ოპერა, რუსული და ქართული თეატრები. აქ იწყებენ გამოსვლას ქართული და რუსული პერიოდული გამოცემები — „საქართველოს გაზეთი“, „თბილისის უწყებანი“. „ცისკარი“, „კავკაზი“ და სხვ.

ახალ საწყისებზე ვითარდებოდა ქართული ლიტერატურა, რომლის ბრწყინვალე წარმომადგენლები იყვნენ ალექსანდრე ჰავეკავაძე, გრიგოლ ორბელიანი, დიდი პოეტი ნიკოლოზ ბარათაშვილი და სხვ.

თბილისში ერთმანეთს ხვდებოდნენ რუსეთისა და ამიერკავკასიის ხალხების მოწინავე ადამიანები. აქ ჩამოდიოდნენ და გარკვეული ხნის განმავლობაში ცხოვრობდნენ ა. პუშკინი, მ. ლერმონტოვი, ა. გრიბოედოვი, ლ. ტოლსტოი, სომეხი და აზერბაიჯანელი მწერლები და პოეტები — ხ. აბოვიანი, გ. სუნდუკიანი, ა. ბაკიხანოვი, მ. ახუნდოვი, მირზა შაფი ვაზეხი და სხვ. ისინი უკავშირდებოდნენ ადგილობრივ მოწინავე ქართველ მოღვაწეებს. ყველა მათგანს აერთიანებდა მხურვალე პატრიოტიზმი, სხვადასხვა ხალხებს შორის თანამშრომლობის თუ თანაბარ უფლებიანობის იდეები, არსებული უსამართლო სოციალურ-პოლიტიკური წყობილებისადმი მოჯანყე სულისკვეთება და რწმენა უკეთესი მომავლისადმი.

თბილისში თანდათანობით ისახებოდა და ვითარდებოდა რუსი და ქართველი ხალხების პროგრესულ ადამიანებთან თანამშრომლობისა და ერთობლივი ბრძოლის იდეა, რომელიც, ბოლოს და ბოლოს, ქართველ ხალხს ეროვნულ და სოციალურ თავისუფლებას მოუტანდა.

XIX ს. 60 — 70-იანი წლებიდან თბილისისა და მთელი საქართველოს ისტორიაში ახალი ხანა დაიწყო. გაუქმდა ბატონყმობა. თბილისი რკინიგზით დაუკავშირდა საქართველო-ამიერკავკასიისა და რუსეთის ქალაქებს, შავსა და კასპიის ზღვებს. კაპიტალიზმმა დაარღვია

ჩენი ქვეყნის განცალკევებული კუთხეების ეკონომიკური კარჩაკეტილობა და შეაკავშირა ისინი. თბილისი მსხვილი ფაბრიკა-ქარხნებით მოიფინა. 1870 წ. გაიხსნა მირზოევის ბამბის საქსოვი ფაბრიკა, რომელშიაც 500-ზე მეტი მუშა იყო, 1875 წ. — ადელხანოვის ტყავისა და ფეხსაცმლის ფაბრიკა, ხოლო 1883 წ. — ორთქლმავალ-ვაგონშემკეთებელი სახელოსნოები, სადაც ათასამდე მშრომელი ირიცხებოდა.

თბილისი ბურჟუაზიული საქართველოს ეკონომიკურ ცენტრად იქცა. აქ ფორმდებოდა ახალი ეპოქის რევოლუციური კლასი — პროლეტარიატი, რომელსაც გლეხობასთან კავშირში ადრე თუ გვიან უნდა მოესპო ფეოდალური მიწისმფლობელობა და ბურჟუაზიული ექსპლუატაცია.

სწრაფად იზრდებოდა და ფართოვდებოდა თბილისი. 1835 წ. აქ მუდმივ მცხოვრებთა რაოდენობა 25 000-ს უდრიდა, 1862 წ. — 60 ათასს, 1897 წლისათვის კი 160 ათასს აღემატებოდა. გაშენდა გოლოვინის (ახლანდელი რუსთაველის) და მიხეილის (ახლანდელი დავით აღმაშენებლის) პროსპექტები. გაიზარდა მოკირწყლული ქუჩების რაოდენობა, აშენდა სასტუმროები, გაუმჯობესდა ქალაქის წყლით მომარაგება, სამოქალაქო ტრანსპორტი — გაჩნდნენ ე. წ. „კონკები“ — რკინიგზით მავალი, ცხენშებმული სამგზავრო ვაგონები, გაფართოვდა საკანალიზაციო სამუშაოები.

ქალაქის მშენებლობაში დამკვიდრებული რუსული კლასიციზმის გვერდით თანდათანობით იწყებდა აღორძინებას ეროვნული ქართული არქიტექტურა. თბილისს ბურჟუაზიული ქალაქის ყველა წინააღმდეგობა ახასიათებდა. უკვე მკვეთრად განსხვავდებოდა ერთმანეთისაგან ბურჟუაზიული და მუშური კვარტალები.

XIX ს. მეორე ნახევრის თბილისში უკვე მრავალი საგანმანათლებლო და სამეცნიერო-კვლევითი თუ სამხარეთმცოდნეო დაწესებულება იყო. ქალაქის ცხოვრებაში დაიწყო ქართული ეროვნული კულტურის აყვავება-აღორძინების ხანა. თბილისი ქართული მწერლობის, მეცნიერული და საზოგადოებრივ-პოლიტიკური აზრის მთავარ კერას წარმოადგენდა.

1863 წ. თბილისში ილია ჭავჭავაძის მეთაურობით საფუძველი ჩაეყარა ახალი საქართველოს ჟურნალის — „საქართველოს მოამბის“ გამოცემას; 1866 წ. გამოდის გაზეთი „დროება“; 1877 წ. — „ივერია“; 1893წ. — „კვალი“ და სხვა, რომელთაც ქართველთა საზოგადოებრივ-პოლიტიკური აზრის მედროშეობა ხვდათ წილად.

თბილისი ქართველი ხალხის ეროვნულ-განმათავისუფლებელი მოძრაობის ცენტრიც იყო. ახალმა თაობამ ილია ჭავჭავაძის, აკაკი წერეთლის, ნიკო ნიკოლაძის, გიორგი წერეთლისა და სხვ. მეთაურობით შეურიგებელი ბრძოლა გამოუცხადა მეფის რუსეთის კოლონიურ პოლიტიკას. ხალხთა შორის ძმობა-ერთობისა და თავისუფლების ჰუმანური იდეებით გამსჭვალული მათი ბრძოლა ეხმაურებოდა რუსეთის საუკე-

თესო შვილების მოძრაობას თვითმპყრობელური ტირანიისა და სოციალური ჩაგვრის წინააღმდეგ. ილია ჭავჭავაძე და მისი ჯგუფი თბილისში იმპერიის მიერ ჩაგრული ერების განთავისუფლების მოთხოვნით გამოდიოდნენ. მაგრამ ამავე დროს მხარს უჭერდნენ ახალ, დემოკრატიულ საფუძველზე გარდაქმნილ რუსეთთან ერთობასა და თანამშრომლობას..

90-იანი წლების მიწურულიდან თბილისის, ისევე როგორც მთელი საქართველოს, საზოგადოებრივ-პოლიტიკურ ცხოვრებაში გარდატეხის ხანა დაიწყო. გაძლიერდა როგორც სოციალური, ისე ეროვნული მოძრაობა. რომელშიც მონაწილეობდნენ არამარტო სოციალ-დემოკრატიული, არამედ ეროვნულ-დემოკრატიული ძალებიც.

1901 წ. აგვისტოში თბილისის საზოგადოებამ იხილა ამიერკავკასიის რკინიგზის სახელოსნოების მუშათა დიდი გაფიცვა. 4000-მდე მუშა გამოვიდა თავიანთი ინტერესების დასაცავად. ამავე წელს მოეწყო სოციალ-დემოკრატიული ორგანიზაციების პირველი კონფერენცია. არჩეულ იქნა სოციალ-დემოკრატიული თბილისის კომიტეტი.

1905—1907 წწ. რევოლუციამ დიდი გამოძახილი პოვა თბილისისა და მთელი საქართველოს მშრომელ მოსახლეობაში: თვითმპყრობელობისა და ფეოდალურ-ბურჟუაზიული ჩაგვრის წინააღმდეგ ბრძოლის ამოცანებს საქართველოში ემატებოდა ეროვნული თავისუფლების მოთხოვნები. რაც რევოლუციურ მოძრაობას ჩვენში უფრო მასობრივ ხასიათს აძლევდა.

1917 წ. თებერვალში თბილისის პოლიტიკურ ცხოვრებაში ახალი პერიოდი დაიწყო. რუსეთში ბურჟუაზიულმა რევოლუციამ გაიმარჯვა. დაემხო რუსეთის იმპერია. ამ მოვლენამ აღაფრთოვანა თვითმპყრობელობის მიერ დამონებული ხალხები. რომლებიც თავისუფლებისა და დამოუკიდებლობისათვის იბრძოდნენ. ერთ საუკუნეზე მეტი ხანი გასულიყო მას შემდეგ. რაც ქართველ ხალხს საკუთარი სახელმწიფო აღარ ჰქონდა. იმავე წლის ოქტომბერში რუსეთის ცენტრში, პეტერბურგში, მოხდა შეიარაღებული აჯანყება — გაიმარჯვა სოციალისტურმა რევოლუციამ. სხვაგვარი ვითარება იყო ამ დროს თბილისში.

თბილისის სოციალური სახე არსებითად განსხვავდებოდა პეტერბურგისაგან. დიდხნოვანი კოლონიური ჩაგვრა საქართველოში შედარებით პრიორიტეტულს ხდიდა ეროვნული თავისუფლებისათვის ბრძოლას, რომელსაც აქ საზოგადოების ყველა ფენა უჭერდა მხარს. საქართველოს სოციალ-დემოკრატიულ პარტიასაც. მენშევიკების სახით, ძლიერი გავლენა ჰქონდა და ამ ეტაპზე ქვეყნის სათავეშიაც ის მოექცა.

1918 წ. 26 მაისს ქართველი ხალხი დიდი ზეიმით შეხვდა საქართველოს დამოუკიდებელი რესპუბლიკის გამოცხადებას. ჩამოყალიბდა ეროვნული მმართველობის უმაღლესი ორგანოები, დამყარდა კონტაქტები საბჭოთა რუსეთთან, მეზობელ და უცხო ქვეყნებთან. მაგრამ 1921 წლისათვის საქართველოს მდგომარეობა უღარესად გართულდა. საბჭოური რუსეთის წითელი არმიის ნაწილები 1921 წ. თებერვალში საქართველოს საზღვრებში შემოიჭრნენ, მოახდინეს საქართველოს დემოკრატიული რესპუბლიკის ოკუპაცია და საბოლოოდ ფაქტობრივი ანექსია.

* * *

1921 წ. 25 თებერვალს საქართველოში საბჭოური ხელისუფლება დამყარდა.

თბილისი შინაგან და გარეგან იერს იცვლიდა მაშინაც, როცა მას ბოლშევიკები დაეუფლნენ. თბილისი კვლავაც რჩებოდა მრავალი ეროვნების შვილთა თანაარსებობის ქალაქად. 1926 წლისათვის აქ მყოფი 294 ათასი სულიდან ქართველი 38 პროცენტი იყო. სომეხი — 34. რუსი — 16. ხოლო დანარჩენი 12 სხვადასხვა ეროვნებისანი იყვნენ. 1922—1936 წლებში თბილისი ამიერკავკასიის ადმინისტრაციულ-პოლიტიკური ცენტრი იყო.

თბილისელი მშრომელები აქტიურად ჩაებნენ საბჭოთა კავშირის ხალხთა დიდ სამამულო ომში. 90 ათასზე მეტი შვილი გაგზავნა თბილისმა ფაშისტ დამპყრობელთა წინააღმდეგ საომრად. ისინი წარმატებით იბრძოდნენ თავდაცვით ოპერაციებში ბალტიისპირეთსა და ბელორუსიაში, უკრაინასა და მოლდავეთში. ბრესტის. სმოლენსკისა და კიევისათვის გააფთრებულ ბრძოლებში; გზას უღობავდნენ მტერს მოსკოვის მისადგომებთან. თავი ისახელეს სტალინგრადის არნახულ შერკინებაში, კავკასიის დაცვაში და სხვ. საკმაოდ ცნობილია მათი მონაწილეობა სსრ კავშირისა და ევროპის განთავისუფლებისათვის ბრძოლებში. ისევე როგორც პარტიზანულ მოძრაობაში. 42-მა თბილისელმა გმირის წოდება დაიმსახურა.

თბილისის მწარმოებელი საზოგადოებაც თავდადებით ემსახურებოდა გამარჯვების დიდ საქმეს. საომარ ყაიდაზე გარდაქმნილი ქალაქის მრეწველობა საქურველს აწვდიდა სამშობლოს დამცველებს, რომლებიც ქართველი მეცნიერების, მწერლების, პოეტების, ხელოვნების მოღვაწეთა და სხვათა მორალური მხარდაჭერით სარგებლობდნენ.

საბჭოური წყობილების პირობებში თბილისი დიდ სამრეწველო ქალაქად იქცა. ახლა იგი საყოთრივ საქართველოს მთელი სამრეწველო პროდუქციის ერთ მესამედზე მეტს უშვებს. აქაა კონცენტრირებული მანქანათმშენებელი, ხელსაწყოთმშენებელი ქარხნები; დიდი ადგილი უკავია ლითონის ჩამომსხმელ წარმოებას, ელექტროტექნიკურ, მსუბუქსა და კვების მრეწველობას და სხვ. მნიშვნელოვანია თბილისური სამრეწველო საქონლის ადგილი საგარეო ვაჭრობაში.

დიდად გაიზარდა მის მცხოვრებთა რიცხვი. 1921 წ. მათი რაოდენობა 234 ათასი იყო. ახლა მილიონ 200 ათასზე მეტია.

თბილისს შეემატა ახალი საცხოვრებელი მასივები — დილომი, საბურთალო, გლდანი, მუხიანი, ვახისუბანი, ვარკეთილი. წარმატებით მიმდინარეობს ქალაქის ძველ არქიტექტურულ ნაგებობათა სარესტავრაციო სამუშაოები, ისევე როგორც სარეკონსტრუქციო მშენებლობა. ახალ იერს იძენს და დროის მოთხოვნათა შესაფერისი ხდება ბევრი მოძველებული უბანი, რომელიც გენერალურ გეგმას ვერ ეგუება თავისი ფორმიტა და შინაარსით. ეს გეგმა კი დიდია და ჩვენი საუკუნის ბოლომდე პერიოდს წვდება.

თბილისის საქალაქო სამგზავრო ტრანსპორტის ისტორიაში დიდი გარდატეხის მაჩვენებელი იყო მეტროპოლიტენის პირველი კვანძის შენების დასრულება

თბილისი მეცნიერების, განათლების, კულტურის დიდი ცენტრია. ახლა აქ თავმოყრილია საქართველოს მეცნიერებათა აკადემიისა და საუწყებო დაწესებულებათა 120 სამეცნიერო—კვლევითი ინსტიტუტი, სადაც 20 ათასამდე მეცნიერი მუშაობს, ხოლო 11 უმაღლეს სასწავლებელში 68 ათასამდე სტუდენტი ირიცხება.

ძველ ტრადიციებზე აღმოცენებულმა და საფუძვლიანად განახლებულმა თბილისმა უადრესად ინტერნაციონალური და სტუმართმოყვარე ქალაქის სახელი დაიმკვიდრა. ქართულმა ხელოვნებამ თითქმის ყველა დარგში დიდი წარმატება და პატივისცემა დაიმსახურა. ასევე, მსოფლიო აღიარება პოვა ქართულმა ლიტერატურამ. რომლის წამყვანი კერა თბილისია. ჩვენი სახელოვანი მწერლობის გამორჩეულ შემოქმედებას ახლა მილიონობით მკითხველი ჰყავს არა მარტო ჩვენთან, არამედ საზღვარგარეთაც.

თბილისი ქართველი ხალხის სიამაყისა და დიდების სწორუპოვარი გვირგვინია. მისი უწმინდესი ადგილიდან — მთაწმინდიდან დანახული იგი მტკვრის ორივე ნაპირზე გადაშლილ ვეებერთელა წიგნს მიაგავს, რომლითაც დედაქალაქის წარსულსა და აწმყოს ვეცნობით.

I უძველესი მოსახლეობა თანამედროვე თბილისის ტერიტორიაზე

დედაქალაქის
ფიზიკურ-გეოგრაფიული მდებარეობა

თბილისი მდებარეობს მდინარე მტკვრის ხეობაში, ჩრდილო განედის $41^{\circ} 43'$ და აღმოსავლეთ გრძედის $44^{\circ} 49'$. იგი მოქცეულია ამიერკავკასიის ცენტრალურ ნაწილში ზღვის დონიდან 400—500 მეტრ სიმაღლეზე. ქალაქს დასავლეთიდან საზღვრავს თრიალეთის ქედის ჩრდილო განშტოებანი, აღმოსავლეთიდან — ძეძვის, ყუენისა და მახათის მთების კალთები, ხოლო სამხრეთით — თრიალეთის ქედი; ჩრდილოეთის მხრიდან ქალაქს საგურამოს ქედი ემიჯნება. საბჭოთა საქართველოს დედაქალაქი სწრაფი ტემპით იზრდება და, ცხადია, მისი დღევანდელი საზღვრები თითქმის ყველა მიმართულებით იცვლება დროსა და სივრცეში¹.

თბილისის ფიზიკურ-გეოგრაფიული მდებარეობისათვის დამახასიათებელი თავისებურებაა საქართველოს მნიშვნელოვანი ლანდშაფტების გზაშესაყარზე განაშენიანება; აქ ხვდება ერთმანეთს სამცხე-თრიალეთის მთიანეთი, კახეთისა და შიდა ქართლის მთაშორისი ბარი, იორის ზეგანი და სხვ.

ისტორიულ თბილისს მუდმივი, უცვლელი დარაჯებივით გარს ეკვროდნენ მთები, რომლებიც ხელს უწყობდნენ ქალაქის დაცვას უცხოელ მძარცველთა პერმანენტული შემოსევებისაგან.

გეოლოგიურად თბილისის ტერიტორია მესამეული ეპოქის ზღვის ფსკერს წარმოადგენს. მნიშვნელოვნად განსხვავდება თბილისში მტკვრის მარჯვენა და მარცხენა ნაპირები. მარჯვენა მხარე საგრძნობლად შემალლებულია, უფრო ციცაბოა, დანაწევრებულია განივი მიმართულების მქონე პატარა მდინარეებითა და ხრამებით. მარცხენა მხარეზე რელიეფი შედარებით თანაბარია, მაგრამ აქაც გვხვდება მშრალი ხეხვები და უსიცოცხლო ხრამები².

¹ გამოყენებულია ქართული გეოგრაფების შრომები (ა. ჭავჭავაძე, ქ. ყაყაძი, ლ. უცლუა, ლ. მარტოვილი, მ. კორძაია და სხვ.).

² Д ж а в а х и ш в и л и Ал. Геоморфологические районы Грузинской ССР, М. — Л., 1947.

თბილისში საკმაოდ არის გავრცელებული ხელოვნური ტერასები, რაც განაპირობა ტოპოგრაფიულმა თავისებურებებმა: რელიეფი მნიშვნელოვნად დანაწევრებულია, მრავლადაა ხევები; ამასთან ერთად, მთის ფერდობების არსებობა დიდად აფერხებდა ქალაქის ტერიტორიულ ზრდას. ეს იყო მიზეზი, რომ მოსახლეობა ხელოვნურ ტერასებს აწყობდა მტკვრის ორივე მხარეს. ასეთი ღონისძიებები ხელს უწყობდა ეროზიული მოვლენების წინააღმდეგ ბრძოლასაც³.

ახლო წარსულში თბილისის რამდენიმე ხევი ჰკვეთდა: სოლოლაკის ხევი, გვალხევი, ვარდისუბნის ხევი, გაბაანთ ხევი. კუკიის ხევი, ჩულურეთის ხევი, ვარაზის ხევი და სხვა. ამჟამად ეს ხევები გადახურულია, მასზე გაშენდა კეთილმოწყობილი ქუჩები და მოედნები. მტკვარს თბილისში ერთვის პატარა მდინარეები ვერე და წაგვისის წყალი ანუ ლელვთახევი.

თბილისის მიდამოები არ არის მდიდარი მნიშვნელოვანი წიაღისეულით. აქ მოიპოვება ნავთობი, საშენებლო მასალა, მინერალური წყლები.

თბილისის კლიმატი საკმაოდ მრავალფეროვანია. ნალექი მცირე იცის, ჰაერი მშრალია. იგი დაბალ გეოგრაფიულ განედზე მდებარეობს, რის გამო ღრუბლიანობა მცირეა, ხოლო მზის რადიაცია უხვი და ხანგრძლივი.

ქალაქის წლიური საშუალო ტემპერატურა მაღალია და აღწევს 12,6°-ს, მაგრამ მისი სხვადასხვა უბნები, მკვეთრი რელიეფური სხვაობის გამო, საშუალო ტემპერატურის მხრივაც არ არიან ერთნაირი⁴.

თბილისის კლიმატური და რელიეფური პირობები ბევრად განსაზღვრავს შიდა წყლების ქსელის წარმოქმნას. მდ. მტკვარი წყალუხვია და წყლის ენერჯის საკმაოდ მარაგს შეიცავს.

მცირე მდინარეების, ხევებისა და ლეღეებისათვის, ძლიერი წვიმების დროს, დამახასიათებელია ღვარცოფები, განსაკუთრებით კი მაისსა და ივნისში.

თბილისის მიდამოებში ტბებიც არის: კუს ტბა, ლისის ტბა, გლდანის ტბა. 1950-იან წლებში მლაშე ტბების ადგილას მოეწყო ხელოვნური წყალსაცავი, რომელიც მდ. იორიდან გამოყვანილი არხის მეშვეობით საზრდოობს. ამ დიდ ტბას ახლა „თბილისის ზღვას“ ეძახიან.

რელიეფის, კლიმატისა თუ სხვა ფიზიკურ-გეოგრაფიული ფაქტორების ზეგავლენით თბილისის ნიადაგიც მრავალფეროვნებით გამოირჩევა; უმეტესწილად გავრცელებულია წაბლა ნიადაგები, რაც ხელს უწყობდა ვენახის გაშენებას, ბოსტნეულისა და ხორბლეულის მოყვანას. მაშალავითის ქედზე უფრო მეტი მოცულობითაა მცირე სისქის, ხირხატია-

³ თბილისი, ცენტრალური-გეოგრაფიული დახასიათება, რედ. აკად. ა. ჭავჭავაძე, თბ., 1957, გვ. 32.

⁴ К о р д з а х и я М. О. Климат Квемо-Картли (Нижней Картли), Тбилиси, 1946.

ნი ტყის ყავის ნიადაგები, ზოგან კი ფერდობი მთლიანად გადა-
რეცხილია.

თბილისის მიდამოები, ასევე, მრავალფეროვანი მცენარეულით ხა-
სიათდება. მცენარეულ საფარში ძირითადად ადგილი ბალახიან ველებს
უჭირავს. ახლო წარსულში კი ტერიტორიის უდიდესი ნაწილი ტყით
იყო დაფარული. სხვადასხვა გარემოებათა გამო ტყე გაიჩნება; მცირე
რაოდენობით გვხვდება ქალის ტყე. ამჟამად თბილისი დაშვენებულია
დეკორატიული მცენარეებით. ხოლო მისი გარემომცველი მთები და
ხევები ხელოვნურად გაშენებულ ტყეებს უჭირავს.

თბილისის ფიზიკურ-გეოგრაფიული მდებარეობა საკმაოდ ხელსაყ-
რელი იყო მოსახლეობის უძველესი ხანიდანვე დამკვიდრებისათვის და
შემდგომ დედაქალაქად დაქვეყნებისათვის.

არქეოლოგიური და ანთროპოლოგიური მონაცემები თბილისის მოსახლეობაზე

ა) არქეოლოგიური მონაცემები

არქეოლოგიური დაზვერვები და გათხრები, აგრეთვე შემთხვევითი
აღმოჩენები ცხადყოფენ, რომ ჩვენი დედაქალაქი და მის ახლო მდებარე
მიდამოები უძველესი ხანიდან ყოფილა დასახლებული. შორეული
წინაპრების კულტურა და საზოგადოებრივი ცხოვრება მსოფლიო ცივი-
ლიზაციის კვალდაკვალ ვითარდებოდა.

ოქროყანის ველზე 1961 წელს მოყავისფრო კაეის ლამელა და
ობსიდიანის ნატეხები აღმოჩნდა, ხოლო 1962 წელს — საბურთალოზე,
მიცყევიჩის ქუჩაზე, ასევე მოყავისფრო კაეის ქვის ხელშუბისპირა⁵.

მართალია, ეს ნივთები შემთხვევით იპოვეს და, ამდენად, მყარი
მეცნიერული დასკვნის გამოტანის საფლაველი არა გვაქვს, მაგრამ მათი
აღმოჩენის ფაქტი აღნიშნულ პუნქტებში ქვის ხანის ადამიანის სავა-
რაულო არსებობას მაინც გულისხმობს.

საკმაოდ მრავალფეროვანი არქეოლოგიური ძეგლები აღმოჩნდა
1930—1931 წწ. დიდუბეში, მექანიკური ქარხნის მშენებლობის დროს.
დიდუბის ნასახლარი ენეოლითის ხანას, ანუ ქვიდან ლითონის ეპოქაზე
გარდამავალ პერიოდს (ძვ. წ. IV—III ათასწლეული) მიეკუთვნება. აქ
აღმოჩენილი თიხის კურქელი (ქილები, სასმისები, ბადიები, სხვადასხვა
ზომისა და ფორმის ჭამები, ხუფები და სხვ.), თიხისავე კერძს ნაშთები,
ობსიდიანის, კაეისა და ძვლის იარაღები (ისრისპირი, დანისა თუ ნამ-

⁵ ო. ტყეშელაშვილი, არქეოლოგიური დაზვერვები თბილისსა და მის მიდამოებ-
ში (თბილისის სახელმწიფო ისტორიულ-ენოგრაფიული მუზეუმის შრომები, I, 1966, გვ.
51—52).

გლის ნაწილები, სადგისები და სხვ.), ობსიდიანის ანატყეცები, ცხოველთა ძვლები აშკარად იმის მაუწყებელი ჩანს, რომ აქ ბინადარი მოსახლეობა იყო, რომელსაც ახლო ურთიერთობა ჰქონდა მეზობელ ტომებთან. „მთელ ამ პერიოდში დიდუბეში ცხოვრობდა მობინადრე მიწათმოქმედი და მესაქონლე მოსახლეობა, რომლის მეურნეობაში... დიდი ადგილი ეკავა აგრეთვე მონადირეობას და მეთევზეობას; როგორც მასალებიდან ირკვევა, დიდუბის მოსახლეობას სცოდნია აგრეთვე სუფთად დართული ძაფით ქსოვა“⁶.

1968 წლიდან მიმდინარეობს გათხრები დიდუბის მიდამოებში. სამუშაოები მალე გაფართოვდა დედაქალაქის მთელ ტერიტორიაზე და 1972 წლიდან „დიდი თბილისის“ არქეოლოგიური ექსპედიცია ჩამოყალიბდა.

ვაჟა-ფშაველას გამზირზე მიმდინარე სამუშაოების დროს აღმოჩნდა უძველესი დასახლების ნაშთი, რომელიც „დელისის ნასახლარის“ სახელითაა ცნობილი. „ამ ძეგლს უდიდესი მნიშვნელობა აქვს საქართველოსა და ამიერკავკასიის უძველესი ისტორიის შესწავლისათვის. დელისის ნასახლარის მასალა პარალელებს პოულობს, ერთი მხრივ, ძვ. წ. V—IV ათასწლეულის პირველი ნახევრის ამიერკავკასიის ე. წ. აღრესამიწათმოქმედო კულტურის ძეგლებთან, ხოლო, მეორე მხრივ, ე. წ. მტკვარ-არაქსის კულტურის (ძვ. წ. IV ათასწლეულის II ნახევრისა და III ათასწლეულის) მასალასთან“... ამგვარად, თბილისის ტერიტორიაზე ნასახლარებს ჩვენ უკვე ამ 6 000 წლის წინ ვაწყდებით⁷.

ენეოლით-ადრებრინჯაოს ხანის ნამოსახლარის ნაშთები აღმოჩნდა დიდუბეში, საქართველოს სამხედრო გზის გასწვრივ მდებარე ე. წ. თრელოგორებზე, სადაც ურთიერთმონაცვლე რამდენიმე კულტურული ფენის არსებობა დადასტურდა. ეს კი, თავის მხრივ, ამ პერიოდის დასახლების ხანგრძლივობაზე მიგვიჩივებს⁸. ნასახლარის მახლობლად არსებობდა მისი თანადროული სამაროვანი, რომლის ქვედა ფენები თარიღდება ენეოლითის გვიანდელი საფეხურით, დაახლოებით ძვ. წ. IV ათასწლეულის მეორე ნახევრით, მისი ზედა ფენები კი ადრებრინჯაოს ხანისაა (ძვ. წ. III ათასწლ.). შუაბრინჯაოს ხანის ძეგლები უკვე „საზოგადოების ქონებრივ და სოციალურ დიფერენციაციაზე“ მიგვიჩივებს⁹.

გვიანი ბრინჯაოს ხანის არქეოლოგიური ძეგლების მიხედვით, გარკვევით ჩანს ქართველი ტომების ეკონომიკური სიძლიერე და კულტურის

⁶ დ. ქოჩიძე, თბილისის არქეოლოგიური ძეგლები, I, 1955, გვ. 75.

⁷ რ. აბრამიშვილი, დიდი თბილისის არქეოლოგიური ექსპედიციის ძირითადი შედეგები. გამოქვეყნდა კრებულში — „თბილისი“. არქეოლოგიური ძეგლები, გამ. „მეცნიერება“, 1978 წ. გვ. 8; იხ., აგრეთვე, ო. ტყეშელაშვილი, დასახ. ნაშრომი, გვ. 19—20.

⁸ რ. აბრამიშვილი, დასახ. ნაშრომი, გვ. 9.

⁹ იქვე.

მალალი დონე. ამ პერიოდის სამეურნეო თუ საბრძოლო იარაღები, საოჯახო ნივთები თუ სამკაული მეტად მრავალფეროვანი და მალამბატურული ფორმისაა. იგივე ითქმის კერამიკულ ნაწარმზედაც.

ავჭალის გზატყეცილის მახლობლად, აგურ-კრამიტის კომბინატის მიდამოებში, 1949—1950 წწ. გათხრილ ორმოსამარხებში საკმაო რაოდენობით აღმოჩნდა სხვადასხვა ფორმისა და დანიშნულების თიხის ნაწარმი (ხელაღები, ღოჭები, ჩაფები, კოჭობები, ქოთნები, ქვაბ-ქოთნები, ქილები, ბადიები, ფიალები, სასმისები და სხვ.), ბრინჯაოს იარაღები (სატყევრები, შუბისპირები და სხვ.), სხვადასხვა სახის სამკაულები და ა. შ. ეს მასალა გვიანი ბრინჯაოს ხანის ადრეული საფეხურიით, კერძოდ, ძვ. წ. XIV—XIII სს. თარიღდება¹⁰. მიკვლევულ ძეგლებს თავისი პარალელები მოეპოვება როგორც აღმოსავლურ-ქართული კულტურის ძეგლებში, ასევე დასავლეთ საქართველოსა და კავკასიის სხვა რეგიონში აღმოჩენილ მასალებს შორისაც¹¹. ეს კი საშუალებას გვაძლევს დავუშვათ, რომ თბილისის იმდროინდელ მოსახლეობას ფართო კავშირურთიერთობა ჰქონდა მეზობელ ტომებთან. თანამედროვე თბილისის მიწაზე მცხოვრებ მოსახლეობას ვკავა ხელსაყრელი რეგიონი, სადაც ხდებოდა აღმოსავლურ-ქართული კულტურის შეხვედრები დასავლურ-ქართულ თუ კავკასიის სხვა რეგიონების კულტურებთან.

გვიანი ბრინჯაოს ხანის მეტად საინტერესო ძეგლები აღმოჩნდა აგრეთვე ნავთლულში, ორხევის მინდორზე, იმ ადგილას, სადაც მტკვარს ერთვის მდ. ორხევი. გათხრილ ორმოსამარხებში 81 ნივთია მოპოვებული, რომელთა შორის ყველაზე დიდი რაოდენობითაა თიხის ჭურჭელი: ღოჭები, ხელაღები, ქვაბები, ქვაბ-ქოთნები, ლანგრები, სასმისები, კოჭობები, ქილები, ჩაბები და სხვ. იქვეა ნაპოვნი ბრინჯაოს იარაღები (სატყევრები, ცულები, შუბისა და ისრისპირები), ბრინჯაოს, ძვლისა და სარდონის სამკაულები: სამაჯურები, ქინძისთავეები, კისრის რგოლები, საყურეები, მძივეები და სხვა, სპილენძისა და ბრინჯაოს საყოფაცხოვრებო ნივთები: ქვაბები, კაუჭები, ჩქიფები და სხვ. აღმოჩნდა აგრეთვე ბრინჯაოს ლავები და საყბურები. ეს მასალა ძვ. წ. XIII—XI საუკუნეებით შეიძლება დათარიღდეს¹².

ამეამად ჩვენს ხელთ არსებული არქეოლოგიური ძეგლების მიხედვით შეგვიძლია დავასკვნათ, რომ თბილისის თანამედროვე ტერიტორიაზე განსაკუთრებით მკიდრო მოსახლეობა სწორედ გვიანი ბრინჯაოს ხანიდან ჩანს და მის სამეურნეო ცხოვრებაში წამყვანი ადგილი მიწათმოქმედებასა და მესაქონლეობას უჭირავს. ამკარაა აგრეთვე, რომ მოსახლე-

¹⁰ დ. ქორიძე, დასახ. ნაშრომი, გვ. 152.

¹¹ იქვე.

¹² დ. ქორიძე, დასახ. ნაშრომი; ო. ტყეშელაშვილი, დასახ. ნაშრომი, გვ. 51—52.

ობა უკვე დიფერენცირებულია ქონებრივად და, იქნებ, სოციალურადაც: მდიდრული, მრავალფეროვანი და მრავალრიცხოვანი, ნატიფად ნაკეთები ნივთების შემცველი სამარხების გვერდით საკმაოდ ხშირია ღარიბული, მცირერიცხოვანი ნივთების შემცველი სამარხები.

გვიანბრინჯაო — ადრერკინის ხანის შესანიშნავი ძეგლი იქნა გათხრილ-შესწავლილი დიდმის ველზე, ზემოთ უკვე აღნიშნულ თრელიგორებზე. აქ გამოვლენილია რიყის ქვით ნაგები და თიხის ხსნარით შეღესილ ნაგებობათა ნაშთები, თიხატყეპნილი და ქვის ფილებით დაგებული იატაკი, ბანის ძელები, პურის საცხობი ღუმელები და საკულტო თაროები, მრავალრიცხოვანი და მრავალფეროვანი კერამიკული ნაწარმი, მათ შორის საკმაოდ მოზრდილი ქვევრი, ყურძნის წიპწა, ხორბალი, რკინის ნამგალი, რქის საყბურები, ბრინჯაოს საკინძი და სხვ. ყოველივე ეს საკმაოდ დაწინაურებული მეურნეობისა და საზოგადოების არსებობაზე მიგვანიშნებს¹³.

ამ დროის სამარხებში გამოირჩევა წარჩინებული მეომრების სამარხები. ისინი „შეიცავენ თიხის ქურქელს, სხვადასხვა ლითონის, პასტის, მინისა და ნახევრად ძვირფასი ქვების სამკაულს, ბრინჯაოს სარტყლებსა და რკინის იარაღს, მათ შორის გვხვდება სხვადასხვა ტიპის მახვილები, სატყვერები, შუბები, ისრისპირები და სხვ.“¹⁴.

გვიანი ბრინჯაოს ხანის ძეგლები მიკვლეულია დედაქალაქის სხვა რაიონებშიაც — ღრმაღლე, ნაძალადევი, დავით აღმაშენებლის პროსპექტი, მახათას მთის ფერდობი, ნავთლული, ორთაქალა, სანაპირო, კრწანისი, ავლაბარ-ისანი და სხვ.

ეპოქის შესაბამისი მაღალი კულტურის მატარებელი მოსახლეობის არსებობის დამადასტურებელია, აგრეთვე, არქეოლოგიური ძეგლები, რომლებიც აღმოჩენილია მდ. მტკვრის მარჯვენა სანაპიროზე, საბურთალოზე, ვაკეში, დიდუბეში, ნაძალადევი, ავქალაში, მთაწმინდა-სოლოლაკსა და თანამედროვე თბილისის სხვა უბნებში. ეს ძეგლები რკინის ფართო ათვისებისა და ანტიკური ხანისაა (ძვ. წ. I ათასწლეული — ახ. წ. III ს.).

ზემოთ უკვე იყო აღნიშნული, რომ დიდუბის არქეოლოგიურ ძეგლებზე ორი კულტურულ-ქრონოლოგიური ფენა განირჩევა. თუ უძველესი ფენა ენეოლითური ხანით დათარიღდა, მეორე ფენა ადრეანტიკურ ხანას (ძვ. წ. I ათასწლეულის მეორე ნახევარი) ეკუთვნის. ამ უკანასკნელ კულტურულ ფენაში აღმოჩნდა სხვადასხვა დანიშნულების შავი საღებავებით მოხატული თიხის ქურქელი (ხელალები, კოჭობები, ფიალები,

¹³ რ. აბრამიშვილი, ვ. ნიკოლაიშვილი, ნ. ოქროპირიძე და სხვ., დიდი თბილისის არქეოლოგიური ექსპედიცია. — კრებულში — „საველე არქეოლოგიური კვლევა-ძიება საქართველოში“, თბილისი, 1974, გვ. 26.

¹⁴ რ. აბრამიშვილი, დასახ. ნაშრომი, გვ. 10.

ქოთნები და სხვ.), ბრინჯაოს ზარაკები, ეყვნები, ქინძისთავეები, სამაჯურები, ბეჭდები, რგოლები, აგრეთვე მძივები, მძივსაკიდები და სხვ.

ძვ. წელთაღრიცხვის VIII—VII საუკუნეებით თარიღდება თრელის სამაროვანზე გათხრილი დასაქრძალავი დარბაზის შემცველი სამარხები. მათგან ინვენტარის სიმდიდრით გამოირჩევა სამარხი №16, რომლის ფართობი 70 კვადრატულ მეტრს აღწევს, სიმაღლე კი 4 მეტრზე მეტია. აღმოჩენილ ნივთთა შორის „თავისი მაღალმხატვრულობითა და სინატიფით“ იშვიათია ბრინჯაოსაგან ჩამოსხმული, ჳვირულ სადგარზე მდგარი ლვთაების გამოსახულება (წარჩინების ნიშანი), ცხენის თავის ქანდაკება, თიხისაგან ნაძერწი ზომორფული ჳურჳელი, გეომეტრიული ორნამენტით შემკული შავპრიალა ხელადები და სხვ. იჳვე აღმოჩნდა „ბრინჯაოს მუზარადი, ხელშუბის პირი, ყუნწიანი ისრისპირები... ცხენის ლავამი, საკისრე რგოლები ზარაკებითურთ, ბალთები... სამარხი ეყუთენის წარჩინებულ მეომარს, სავარაუდოა — ტომის ბელადს“¹⁵.

მოპოვებული მასალებით დასტურდება, რომ დიღმის რაიონში, თრელიგორებზე, დაახლოებით ძვ. წ. II ათასწლეულის მეორე ნახევარში და I ათასწლეულის პირველ ნახევარში, არსებობდა იმ დროისათვის დიდი დასახლება, ტერასულად დაყოფილი და გადაჳიმული ერთნახევარ კილომეტრზე. იგი მოფენილი იყო ბანურსახურავიანი ერთოთახიანი შენობებით, რომლებსაც ცალ-ცალკე ჳქონდათ სამეურნეო დანიშნულების სათავსოები. მიკვლეულია მიწაში ჩაფლული ლენის, ძმრისა და სხვა პროდუქტების შესანახი ჳვევრები¹⁶.

დიღმის ველი, მიუხედავად საგარეო შემოსევების შედეგად ხშირი განადგურებისა, კარგად იყო დასახლებული ანტიკურსა და გვიანანტიკურ ეპოჳებშიაც. ერთ სამარხში, რომელიც ახ. წ. III ს. თარიღდება, აღმოჩენილია რკინის სატევარი, შუბისპირი, სამფრთიანი ისრისპირები, აბზინდები და ბალთები, ოქროს სამაჯური, რკინის ბეჭდები მათში ჩასმული სარდიონის გემათი. ერთ გემაზე გამოსახულია „მაღალფეხიანი ჳურჳელი მარადიული ცეცხლით, მეორეზე კი — ათენა პალადა შუბითა და ფარით“. იჳვე ვხვდებით რომის იმპერატორ ავგუსტის ვერცხლის დინარებს. თრელიგორებზე აღმოჩენილია ადრეული და მომდევნო ფეოდალური ხანის სამარხებიც. როგორც დავინახეთ, დიღმის ხეობას, სხვა უძველეს დასახლებებთან ერთად, მნიშვნელოვანი წილი უღევს თბილისის ჳალაჳად გადაჳევის ისტორიაში¹⁷.

გვიანანტიკური პერიოდისაა აგრეთვე თბილისის ვაკის უბანში აღმოჩენილი ჳვასამარხი, რომელშიაც იყო ოქროს ორი მონეტა რომის იმპე-

¹⁵ რ. აბრამიშვილი, დიდი თბილისის არქეოლოგიური ექსპედიციის ძირითადი შედეგები, დასახ. გამოცემა, გვ. 11.

¹⁶ იჳვე, გვ. 12.

¹⁷ იჳვე, გვ. 12—13.

რატორ ავგუსტის დროს მოქრილი (ძვ. წ. 27 — ახ. წ. 14 წწ.), ოქროსავე ბურთულები, გვირგვინის ფურცლები და სხვა ნივთები; ბესიკის ქუჩაზე და ღრმალელეში. ისევე როგორც საქართველოს სახელმწიფო მუზეუმის მიდამოებში და სხვაგანაც აღმოჩენილია თიხის ქურქელი (ღოქები, ჯამები, თუნგულები), ავგაროვნები და სხვა ნივთები, რომლებიც აშკარად მოწმობენ თანამედროვე თბილისის ტერიტორიაზე მცხოვრები იმდროინდელი მოსახლეობის მაღალგანვითარებულ ეკონომიკურსა და კულტურულ დონეს.

განსაკუთრებით საყურადღებოა დიღმის ველზე, ახალი ხიდის მახლობლად, ძვ. წ. IV—III სს. ბერძნული მონეტის აღმოჩენა, ხოლო დიდუბეში, კეცხოველის ქუჩაზე, ორთაქალაში, ბოტანიკური ბაღის მიდამოებში, ვაკეში, ბურთალოსა და სხვა ადგილებში ძვ. წ. III — ახ. წ. III სს. ბაქტიური. ბოსფორული, რომაული და პართული მონეტების თუ ეგვიპტური „სკარაბეების“ მიკვლევა. როგორც ჩანს, აღნიშნულ ადგილებში მცხოვრებ იმდროინდელ მოსახლეობას ფართო სავაჭრო-ეკონომიკური კავშირი ჰქონია საბერძნეთთან, კასპიის ზღვის გაღმა მდებარე ბაქტრიის სამეფოსთან, ეგვიპტესთან, რომის იმპერიასთან და ყირიმის ნახევარკუნძულზე მდებარე ბოსფორის სამეფოსთან. თბილისის რეგიონში მყოფი მოსახლეობა განფენილი იყო აზიიდან ევროპისაკენ მიმავალ დიდ სავაჭრო გზაზე, რაც ხელს უწყობდა მის ჩაბმას მსოფლიო ვაჭრობის სფეროში.

თბილისის არქეოლოგიურ წარსულზე საუბრისას უნდა აღინიშნოს ის ფაქტიც, რომ ქალაქმა თავისი სახელწოდება („ტფილისი“, შემდეგ კი — „თბილისი“) იმ ცხელი გოგირდოვანი წყლებიდან მიიღო, რომლებიც დღევანდელი კიროვის სახ. რაიონში, ლელვთახევეში, მდებარეობენ; გასათვალისწინებელია ისიც, რომ ფეოდალური ხანის ქალაქის ტერიტორიაც, ძირითადად, დღევანდელი კიროვის სახ. რაიონითა და მეტეხ-ავლაბრის მიდამოებით შემოიფარგლებოდა.

რაც შეეხება იმ ადგილებს, სადაც აღმოჩენილია არქეოლოგიური ძეგლები ძვ. წ. V—IV ათასწლეულებიდან ახ. წ. IV საუკუნემდე, ისინი თბილისის ახლო მდებარე დასახლებებს წარმოადგენდნენ და უნდა ვიფიქროთ, რომ სწორედ ამ პუნქტების ხარჯზე და ურთიერთშერწყმის შედეგად წარმოიშვა ძველ თბილისში ჯერ „ქალაქი-ციხე“ (ახ. წ. IV ს. უკ.), შემდეგ კი სამეფოს კულტურულ-ეკონომიკური და პოლიტიკური ცენტრი — დედაქალაქი.

ფეოდალური ხანის თბილისი არქეოლოგიური თვალსაზრისით, სამწუხაროდ, დღემდე არ არის სრულყოფილად შესწავლილი. გეგმიური, სტაციონარული არქეოლოგიური გათხრები ფეოდალური ეპოქის ქალაქი! ტერიტორიაზე მხოლოდ სამ პუნქტში ჩატარდა (სამასი არაგველის

სახ. ბალი¹⁸, ერეკლე მეორის მოედანი¹⁹, თბილისის დედაციხე) და, მიუხედავად იმისა, რომ სამივე პუნქტში საკმაოდ დიდი რაოდენობის საყურადღებო ძეგლები აღმოჩნდა, ძიება თანმიმდევრული არ ყოფილა. არც ერთი აღნიშნული პუნქტი ბოლომდე არ გათხრილა. ეს გარემოება ობიექტური მიზეზებით იყო განპირობებული. ქალაქის ძველი უბნების მკიდრო დასახლება, ავარიულ მდგომარეობაში მყოფი შენობები ხშირ შემთხვევაში არქეოლოგიური სამუშაოების სათანადო დონეზე ჩატარების საშუალებას არ იძლევა.

სამასი არაგველის სახ. ბალის კეთილმოწყობის დროს, 1948—1949 წლებში წარმოებული გათხრების შედეგად დადგინდა, რომ ფეოდალურ ხანაში აღნიშნული უბანი კერამიკული წარმოების მძლავრ კერას წარმოადგენდა. აქ ამზადებდნენ არა მარტო მოუქიქავ, არამედ მაღალმხატვრულ მოქიქულ ჭურჭელს და, შესაძლოა, მინის ჭურჭელსაც... უფრო მეტიც: ბაღში გათხრილი შვიდი ქურა, ჩანს, მარტო ჭურჭლეულის დასამზადებლად კი არ იყო გამოყენებული, არამედ მოქიქული კრამიტისა და შორენკეცების საწარმოებლადაც.

სამუშაოდ, სხვადასხვა მიზეზების გამო, არც სამასი არაგველის სახ. ბალი გათხრილა ბოლომდე.

1956—1957 წლებში ერეკლე მეორის მოედანზე მდებარე ბაღში წარმოებული გათხრების დროს, ფეოდალური ხანის (V—XVIII სს.) მრავალმნიშვნელოვანი მონაპოვრების გვერდით, აღმოჩნდა V ს. აქატის ქვის გემა (საბეჭდავი). არსებობს მოსაზრება, რომ ამ საბეჭდავზე გამოსახული პიროვნება შეიძლება იყოს მეფე ვახტანგ გორგასალი²⁰.

მესამე ობიექტი, სადაც სტაციონარული არქეოლოგიური გათხრები ჩატარდა, იყო თბილისის მთავარი თავდაცვითი ნაგებობა — „დედაციხე“, რომელიც წყაროებში „კალას“, „შურისციხის“, „ნარიყალას“ და „ქალაქის ციხის“ სახელებითაც არის ცნობილი.

ექსპედიციამ თხრა დაიწყო 1966 წლის ოქტომბერში, დედაციხის ქვედა ბაქანზე. გათხრები გარკვეული შუალედური წყვეტილებით დღესაც გრძელდება.

დედაციხე თბილისის ერთ-ერთი უძველესი თავდაცვითი ნაგებობაა. წერილობითი წყაროების მიხედვით იგი ახ. წ. IV საუკუნიდან არსებობს,

¹⁸ ო. ჯ ა თ ა რ ი ძ ე , „განჯის კარის“ 1948 წ. გათხრის ანგარიში; გ. ლ ო მ თ ა თ ი ძ ე , არქეოლოგიური გათხრა თბილისში 1948 წ. ზამთარში, იხ. მასალები საქართველოსა და კავკასიის არქეოლოგიისათვის, ტ. I, თბ., 1955.

¹⁹ ი. გ ძ ე ლ ი შ ვ ი ლ ი , ო. ტ ვ ე შ ე ლ ა შ ვ ი ლ ი , თბილისის მატერიალური კულტურის ძეგლები, თბ., 1961.

²⁰ ო. ტ ვ ე შ ე ლ ა შ ვ ი ლ ი , თბილისში 1956 წ. აღმოჩენილ გემაზე გამოსახული პიროვნების ვინაობისათვის. — ეურ. „საბჭოთა ხელოვნება“, №5, 1962.

მაგრამ 1948 წელს მოსწავლეების მიერ დედაციხის ტერიტორიაზე ბრინჯაოს სატევრის აღმოჩენის ფაქტი თუ საექვოდ არ მიიჩნევა, უნდა ვიფიქროთ, რომ ეს ადგილი გვიანბრინჯაოს ხანაში (ძვ. წ. XIII—XII სს.) უკვე ყოფილა დასახლებული და, შესაძლოა, იგი გორა-ნასახლარს წარმოადგენდა. თუ რამდენად სწორია ეს აზრი, ამას მომავალი გათხრები დაადგენს. ჭერჭერობით კი, დედაციხის ტერიტორიაზე ჩატარებული თხრის შედეგად, ძირითადად, განვითარებული და გვიან ფეოდალური ხანის ძეგლები გამოშხეურდა, თუმცა მცირე რაოდენობით აღმოჩნდა აგრეთვე ადრეფეოდალური ხანის მასალებიც — ჩუქურთმიანი ქვის ფილა და კერამიკული ნაწარმი.

საუკუნეთა მანძილზე თბილისი და მისი დედაციხე მრავალჯერ დაანგრია მტერმა. ასევე ბევრჯერ აღდგა იგი და, ცხადია, დანგრეულ ძველ ნაგებობათა ადგილზე იგებოდა ახალი, რის შედეგად ზოგჯერ მთლიანად ისპობოდა ძველი შენობის კვალი. თბილისის დედაციხის ტერიტორიაზე ადრეფეოდალური ხანის ნაგებობებიდან მხოლოდ ციხის ჩრდილო-აღმოსავლეთ ნაწილში მდგარი კოშკია შემორჩენილი, რომელიც თლილი, კვადრატული ქვებით არის ნაგები და ვახტანგ გორგასლის ეპოქით თარიღდება²¹.

დედაციხის ტერიტორიაზე ჩატარებული თხრის შედეგად აღმოჩენილი ნაგებობებიდან ყველაზე მნიშვნელოვანია გუმბათიანი ტაძრის ნაშთი. ეს ტაძარი თავისი გეგმით თითქმის სრული ანალოგიაა მდ. მტკვრის მარცხენა ნაპირას მდგომი ტაძრისა, რომელიც XIII ს. ბოლოსაა აგებული.

ვახუშტი ბაგრატიონი თბილისის დედაციხეში მდგარ ტაძარს წმ. ნიკოლოზის სახელობისად მიიჩნევს²².

წმ. ნიკოლოზის ტაძარი თითქმის მთლიანად იყო დანგრეული და მიწით დაფარული. თხრის შედეგად აღმოჩნდა, რომ ტაძარი ნაგები იყო ქვისა და აგურის წყობით, კირის ხსნარზე. კედლები შემოსილი ჰქონია თლილი ქვის პერანგით, რომლის დიდი ნაწილი სხვადასხვა სახის ორნამენტით იყო შემკული. ვახუშტის გეგმაში ტაძარი ჭვრის ტიპის გუმბათიან ნაგებობას წარმოადგენს. გუმბათი დაყრდნობილი ყოფილა აგურით ნაგებ მრგვალ სვეტებსა და საყურთხველის კედლებზე. ტაძრის შიდა კედლები, ჩანს, ფრესკებით იყო მოხატული. ამას გვაფიქრებინებს ჩრდილოეთის მრგვალ სვეტზე შემორჩენილი მხატვრობის ნაშთი ადამიანის ფეხის გამოსახულებით.

თბილისის დედაციხის არქეოლოგიური ექსპედიციის ერთ-ერთ მნიშ-

²¹ Цициадзе В. Тбилиси, 1958, с. 27.

²² ვახუშტი, აღწერა სამეფოსა საქართველოსა, თბილისი, 1941, გვ. 52 (შემდგენში — ვახუშტი, აღწერა).

ვენელოვან მონაპოვრად უნდა ჩაითვალოს აგრეთვე ძველი სასახლის ნაშთების გამომზეურება. შესაძლებელია ეს ჰქონდა მხედველობაში ვახუშტის, როცა წერდა: „მაღალს ციხეში არს...სასახლე, მეფისა. პალატ-ნი დიდი და მშვენიერნი“²³.

დედაციხის ტერიტორიაზე სამეფო სასახლის არსებობის ფაქტი უფრო ძველ წყაროებშიც არის მითითებული. მაგრამ ჭერჭერობით ძნელია სრული დაბეჭითებით ითქვას, რომ აღმოჩენილი სასახლის ნაშთები წყაროებში მოხსენიებულ სასახლეს გულისხმობდეს. მიუხედავად ამისა, ფაქტია, რომ ექსპედიციის მიერ დედაციხის ქვედა ბაქანზე გათხრილ ნაგებობათა შორის ეს შენობა ყველაზე დიდი მოცულობისა ყოფილა.

დედაციხის ტერიტორიაზე ამავე დროს დიდი რაოდენობით აღმოჩნდა სხვადასხვა სახისა და დანიშნულების ნივთები. მათი რაოდენობა თითქმის 20 ათას ერთეულამდე აღწევს. მათ შორის ყველაზე დიდი რაოდენობისაა კერამიკული და მინის ნაწარმი, სხვადასხვა პერიოდისა და ქვეყნების მონეტები, შურდულისა და ლოდსატყორცნის ქვის ბირთვები, ზარბაზნის „ყუმბარები“, რკინის მრავალნაირი იარაღები და სხვ²⁴.

განსაკუთრებული ყურადღების ღირსად მიგვაჩნია მამაცაშვილისა და ავლევის ქუჩებზე აღმოჩენილი მოჭიქული ჭურჭლის ფრაგმენტი ქართველი მეომრის გამოსახულებით²⁵.

თბილისის არქეოლოგიური შესწავლა გრძელდება და უნდა მოველოდეთ ახალ აღმოჩენებს.

წარმოდგენილი არქეოლოგიური მასალების მიმოხილვა და გააზრება ძირითადად განეკუთვნება თბილისის ქალაქობის წინა პერიოდს. იგი სრული ვერაა, მაგრამ მაინც ნათელი დადასტურებაა იმისა, რომ ქალაქის გარემომცველი რეგიონის უძველესი დასახლებანი თავიანთი სამეურნეო-კულტურული განვითარების მაღალი დონით, ისევე როგორც მეტად ხელსაყრელი გეოგრაფიული მდებარეობით, საფუძველს ქმნიდა დედაქალაქის წარმოშობისათვის.

რაც შეეხება ქალაქობის პერიოდის შესახებ მოპოვებულ მდიდარ არქეოლოგიურ მასალებს, IV—VI საუკუნეებიდან მოყოლებული ვიდრე XVIII ს. ბოლომდე, იგი ჩვენს მიმოხილვაში მხოლოდ ნაწილობრივ აისახა. მათზე საუბარი იქნება ამ ეპოქის სოციალურ-ეკონომიკური და კულტურული განვითარების ძირითად პროცესებზე საუბრისას, წინამდებარე წიგნის სათანადო თავებში.

²³ ვ ა ხ უ შ ტ ი , აღწერა, გვ. 52.

²⁴ იხ. კრებული — ფეოდალური ხანის საქართველოს არქეოლოგიური ძეგლები, II, თბ., 1974.

²⁵ გ. ლ. ო. მ. თ. ა. თ. ი. ძ. გ. ძ. ე. ლ. ი. შ. ვ. ი. ლ. ი., ახალი მასალები თბილისის არქეოლოგიისათვის. — „მეცნიერება და ტექნიკა“, №8, 1956.

ბ) პალეოანთროპოლოგიური მონაცემები

ქართული ისტორიული ტრადიცია თბილისის დაარსებას მეფე ვახტანგ გორგასალს უკავშირებს და, ამდენად, მისი ქალაქობა თხუთმეტ საუკუნეს ითვლის, მაგრამ არქეოლოგიურმა ძიებამ კარგა ხანია ცხადყო, რომ ამ პერიოდისათვის, და გაცილებით უფრო ადრეც, თვით თბილისისა და მისი მიდამოების ტერიტორია საკმაოდ მჭიდროდ იყო დასახლებული. ამას ადასტურებენ მრავალრიცხოვანი ნამოსახლარები და სამაროვნები, რომლებიც ძველი წელთაღრიცხვის II, I და ახალი წელთაღრიცხვის I ათასწლეულებით თარიღდებიან.

აღნიშნულ სამაროვნებში აღმოჩენილი იქ მოსახლე უძველესი ადამიანების თავის ქალებისა და ძვლოვანი ნაშთების შესწავლა საშუალებას იძლევა წარმოვიდგინოთ წინაპართა გარეგნული იერსახე და გავარკვიოთ საკითხი — ვინ იყო ეს ხალხი, რომელი „მოდგმისა“, ვისი შთამომავლები იყვნენ პირველი თბილისელები და მათი შორეული მემკვიდრეები.

მასალა, რომელზედაც ხერხდება პალეოანთროპოლოგიური დაკვირვების წარმოება, მოპოვებულია თბილისისა და მისი გარეუბნების შემდეგ პუნქტებში: ზემო აქკალა²⁶, გლდანი²⁷, ნამგალა მიწა, თელოვანი, ვაშლაჭვარა, საფურცლე, ქალა და ჩალიპირაგორები²⁸, სულ თბილისის რეგიონიდან ანთროპოლოგების განკარგულებაშია 58 თავის ქალა (სადღეისოდ რესტავირებული და შესწავლილია 48; აქედან, ადრებრინჯაოსა და შუაბრინჯაოს პერიოდები დედაკაცის თითო თავის ქალითაა წარმოდგენილი, გვიანბრინჯაოს I ეტაპი — 5, ხოლო II ეტაპი — 17 თავის ქალით; ბრინჯაოდან რკინაზე გარდამავალი პერიოდის 8 თავის ქალაა, რკინის ათვისების ხანის 6, ხოლო ადრეფეოდალური ხანისა 10). მასალა, ცხადია, ძალზე მცირეა, მაგრამ ის, რაც არის, საშუალებას იძლევა გავარკვიოთ თბილისისა და მისი მიდამოების უძველესი მოსახლეობის ანთროპოლოგიური ისტორიისათვის გარკვეული მნიშვნელობის მქონე რამდენიმე საკითხი.

შესწავლილი მასალებიდან ჩანს, რომ მთელი საკვლევი პერიოდისათვის (ადრებრინჯაოდან ადრეფეოდალურ ხანამდე — ძვ. წ. III ათას-

²⁶ მასალა მოპოვებულია პროფ. გ. ნიორაძის მიერ 1928 წ. ინახება საქართველოს სსრ მეცნ. აკადემიის ს. ჯანაშიას სახ. მუზეუმში (იხ. ნიორაძე გ. ყ. — ზემოაქკალის სამარე. საქართველოს მუზეუმის „მოამბე“, ტ. VI, თბ., 1931).

²⁷ მასალა მოპოვებულია არქეოლოგ ვ. ართილაყვას მიერ. ინახება ანთროპოლოგიის განყოფილების კრანოლოგიურ ფონდში.

²⁸ მასალა მოპოვებულია თბილისის არქეოლოგიური ექსპედიციის მიერ, რომელსაც ხელმძღვანელობს რ. აბრამიშვილი. ინახება ანთროპოლოგიის განყოფილების კრანოლოგიურ ფონდში.

წლეულის ბოლოდან ახ. წ. I ათასწლეულის მეორე ნახევრამდე) საკვლევ ტერიტორიაზე, ისევე როგორც მთელ აღმოსავლეთ საქართველოს მიწა-წყალზე, დომინანტურ ანთროპოლოგიურ ტიპს წარმოადგენდა: დოლიქოკრანული (გრძელთავიანი), ლეპტროპროზოპული (ვიწროსახიანი), ლეპტორინული (ვიწროცხვირიანი), მკვეთრად პროფილირებული სახისა და ცხვირის მქონე, გრაცილური კომპლექსის ადგილობრივი ვარიანტი, რომელიც ზოგად რასობრივ სისტემატიკაში ხმელთაშუაზღვისპირული რასის სახელითაა ცნობილი. ეს რასობრივი კომპლექსი, საერთოდ ანთროპოლოგიურ, კერძოდ კი, ქართულ ანთროპოლოგიურ ლიტერატურაში, საკმაოდ კარგადაა ცნობილი, ჩვენთვის კი ამჟამად დიდი მნიშვნელობის მქონეა ის ფაქტი, რომ თბილისის რეგიონის მოსახლეობა, ისევე როგორც საზოგადოდ ქართლის მოსახლეობა, ამავე რასობრივ განშტოებას ეკუთვნოდა და არა რომელიმე სხვას და ამიტომ ყოველივე ის, რაც აღმოსავლეთ საქართველოს ბარის მოსახლეობის პალეოანთროპოლოგიაზე თქმულა, შეეხება თბილისის რეგიონის იმავდროინდელ მოსახლეობასაც.

ადრებრინჯაოს ხანით დათარიღებული დედაკაცის თავის ქალა უახლოეს მსგავსებას საერთოდ საქართველოს იმავდროინდელი დედაკაცების თავის ქალებთან ამჟღავნებს²⁹, ხოლო შუაბრინჯაოს ხანის დედაკაცის თავის ქალა განსაკუთრებით ახლოსაა ქართლის რეგიონში მოპოვებულ თავის ქალებთან. ბევრად უფრო კონკრეტულია სურათი გვიანბრინჯაოს ხანის როგორც პირველ, ისე მეორე პერიოდში (ამ შემთხვევაში მასალაც უფრო სოლიდურია); ორივე ამ პერიოდისათვის უახლოესი და განსაკუთრებული მსგავსება თბილისისა და მცხეთის რეგიონების სერიებს შორის სრულიად უდავოა³⁰. ასევე უდავოა ეს მსგავსება რკინის წარმოების ფართო ათვისების ხანაშიც. შედარებით ნაკლებია ამ პერიოდისათვის მსგავსება თბილისის რეგიონსა და საერთოდ საქართველოს დანარჩენ ტერიტორიაზე მოპოვებულ კრანიოლოგიურ სერიებს შორის, თუმცა რასობრივი მსგავსების კოეფიციენტი აქაც უახლოეს კატეგორიაში თავსდება. განსხვავების შედარებით მალალი მაჩვენებელი სხვა რეგიონებში მასალების უკიდურესი სიმციროთ შეიძლება აიხსნას, თუმცა საქართველოს ტერიტორიაზე მოსახლეობის დიფერენცირებულობაც შეიძლება იყოს ამის მიზეზი³¹.

²⁹ Абдушелишвили М. Г., Антропологические взаимоотношения Кавказа и Передней Азии в эпоху энеолита и бронзы. — Сб. «Человек и окружающая его среда», «Мецнереბა», Тбилиси, 1984.

³⁰ მ. აბდუშელიშვილი, კავკასიის მოსახლეობის ანთროპოლოგია ბრინჯაოს ხანაში. — მასალები კავკასიის ანთროპოლოგიისათვის, VIII, „მეცნიერება“, თბ., 1982.

³¹ მ. აბდუშელიშვილი, საქართველოსა და ამიერკავკასიის ხალხების ანთროპოლოგიური ურთიერთდამოკიდებულება რკინის წარმოების ათვისების ხანაში. — მასალები კავკასიის ანთროპოლოგიისათვის, IV, „მეცნიერება“, თბ., 1975.

მსგავსება-განსხვავების პრინციპული სურათი არც ადრეფეოდალურ ხანაში იცვლება. განსხვავებათა აღმავალი რიგი თბილისის რეგიონის მოსახლეობისათვის, ამ პერიოდში, საქართველოს სხვა რეგიონების მოსახლეობასთან შედარებით ასე გამოიყურება: უახლოესი მსგავსება მას, უპირველეს ყოვლისა, მცხეთის რეგიონის მოსახლეობასთან აკავშირებს, შემდგომი რგოლი კი საერთოდ საქართველოსა და, კერძოდ, აღმოსავლეთ საქართველოს მთიანეთის მოსახლეობასთან. შემდეგ საფეხურს მთის ზოლის მოსახლეობა ქმნის და ბოლოს — კახეთის რეგიონის მოსახლეობა. ამ შემთხვევაში ხაზი ესმება მხოლოდ მსგავსების თანამიმდევრობას, თორემ უახლოესი მორფოლოგიური მსგავსება ყველა ამ სერიებს შორის სრულიად უდავოა³².

ანალოგიური დასკვნები მიღებულია საკუთრივ დიღმის სამაროვანზე მოპოვებული პალეოანთროპოლოგიური მასალების მიხედვითაც: დიღმის სამაროვანზე ბრინჯაოს ხანის I ეტაპის პალეოანთროპოლოგიური მასალა არ ამჟღავნებს განსხვავებას სამთავროს სამაროვანზე მოპოვებულ პალეოანთროპოლოგიურ მასალებთან, არ არსებობს საფუძველი განსხვავებაზე მსჯელობისათვის არც მომდევნო, ბრინჯაოს ხანის II ეტაპისა და ბრინჯაოდან რკინაზე გარდამავალი პერიოდებისათვის. საერთოდ, მთელი ბრინჯაოს ხანის განმავლობაში, როგორც სამთავროს, ისე დიღმის ტერიტორიაზე ჭერჯირობით არსად იჩენს თავს ძირითადისაგან განსხვავებული რაიმე ახალი ელემენტი. ანალოგიური სურათია ბრინჯაოდან რკინის წარმოების ფართო ათვისების ხანაზე გარდამავალ და თვით რკინის ფართო ათვისების ხანაშიც. ადრეფეოდალური ხანის პალეოანთროპოლოგიური მასალები უკვე სრულიად გარკვევით ამჟღავნებენ მსგავსებას როგორც დიღმის ადრეულ სერიებთან, ისე სამთავროს სინქრონულ სერიებთან, რაც აღნიშნულ ტერიტორიაზე მოსახლეობის უწყვეტი თანამიმდევრობის მაჩვენებელი უნდა იყოს³³.

რასობრივი მსგავსების კოეფიციენტების განხილვა სივრცეში (ცალკეულად ყოველი ეპოქისათვის) ცხადყოფს, რომ განსხვავება თანდათან მატულობს სომხეთის, აზერბაიჯანისა და ჩრდილოეთ კავკასიის სერიებთან და, მით უმეტეს, დღევანდელი თურქეთის, ირანისა და საერთოდ მახლობელი აღმოსავლეთის უძველეს პალეოანთროპოლოგიურ ტიპებთან.

ამრიგად, დასტურდება, რომ თბილისისა და შიში მიდამოების მოსახლეობაში, ადრებრინჯაოს ხანიდან ვიდრე ფეოდალურ ხანამდე, რაიმე

³² მ. ა. ბ. დ. უ. შ. ე. ლ. ი. შ. ვ. ი. ლ. ი., კავკასიის ანთროპოლოგია ფეოდალურ ხანაში. — მასალები კავკასიის ანთროპოლოგიისათვის, VII, „მეცნიერება“, თბ., 1980.

³³ მ. ა. ბ. დ. უ. შ. ე. ლ. ი. შ. ვ. ი. ლ. ი., დიღმის სამაროვანზე მოპოვებული პალეოანთროპოლოგიური მასალების შესახებ. საქართველოს სსრ მეცნ. აკადემიის „მეცნე“, ისტორიის, არქეოლოგიის, ეთნოგრაფიისა და ხელოვნების ისტორიის სერია, №3, 1974.

საგრძნობი ცვლილება არ მომხდარა; იგი ვითარდებოდა შინაგანი ტრანსფორმაციის გზით; ეს კი, თავის მხრივ; საფუძველს გვაძლევს ვამტკიცოთ, რომ პირველი თბილისელები შთამომავლები იყვნენ ამავე რეგიონის ძველი და უძველესი მოსახლეობისა. ამასვე ადასტურებს თბილისის რეგიონის თანამედროვე მოსახლეობის შესწავლაც, რომელიც ცხადყოფს, რომ ის ყოველგვარი თავისებურებების გარეშე შედის აღმოსავლურქართული ანთროპოლოგიური ტიპის შემადგენლობაში, რომელიც სამხრეთქართულ ანთროპოლოგიურ ტიპთან ერთად ქმნის წინააზიური რასის იბერულ ვარიანტს.

II

ქალაქ თბილისის წარმოშობა და პოლიტიკური განვითარება X საუკუნის ბოლომდე

თბილისის ამაღლება და გადაქცევა
ქართლის სამეფოს პოლიტიკურ ცენტრად

ქალაქის სახელწოდებისათვის

თბილისი ქართულ საისტორიო წყაროებში თავდაპირველად მოხსენიებულია IV საუკუნის 60-იანი წლების ამბებთან დაკავშირებით, როცა სასანიანთა ირანის სახელმწიფო ქართლში პოლიტიკური ბატონობის განმტკიცებისათვის იბრძოდა¹.

ეს ცნობა საისტორიო თხზულების „მოქცევაჲ ქართლისაჲ“-ს ანონიმ ავტორს ეკუთვნის, რომლის მოღვაწეობის ხანა VII (ან IX) საუკუნით თარიღდება.

ფეოდალური ხანის საქართველოს ქართული საისტორიო წყაროები ჩვენს დედაქალაქს საერთოდ ტფილისს უწოდებენ, ტფილისი ეწოდება მას VI საუკუნის ანონიმის „ვესტათე მცხეთელის მარტილობაში“² და მომდევნო ხანის სხვა თხზულებებში.

„ტფილ“-ი, რომელიც საფუძვლად უდევს თბილისის სახელს და თბილს ნიშნავს, ძირეული ქართული სიტყვაა და მას შესატყვისები მოეძებნება ქანურ-მეგრულსა და სვანურში³.

ქართველი მემატიანის ცნობას, რომ ამ პუნქტს IV საუკუნეში უკვე ეწოდებოდა ტფილისი, რამდენადმე მხარს უჭერს IV საუკუნის მეორე ნახევრის საგზაო რუკა, შედგენილი რომელი გეოგრაფის კასტორიუსის მიერ, რომელიც არსებულ ლიტერატურაში „პეტინგერის ტაბულის“ სახელითაც იხსენიება⁴.

აღნიშნულ რუკაზე დატანილია ამიერკავკასიაზე და, კერძოდ, საქართველოს მიწა-წყალზე გამავალი სავაჭრო გზები. ამ გზათა შორის ერთი,

¹ ძველი ქართული აგიოგრაფიული ლიტერატურის ძეგლები, I, თბ., 1964, გვ. 92 (შემდგომში მოკლედ: ძვ. ქართული აგიოგრ. ლიტ. ძეგლები).

² ვესტათე მცხეთელის მარტილობა, — ძვ. ქართული აგიოგრ. ლიტ. ძეგლები, I, გვ. 32.

³ ა. შანიძე, საქართველოს დედაქალაქის სახელწოდებისათვის (იხ. კრებული „თბილისი 1500“, გვ. 20—22). ამ სახელწოდების ახსნის სხვაგვარი ცდებიც არსებობს, ზოგი მკვლევარი მას ბიბლიურ თობალ-თუბალს უკავშირებს.

⁴ პირველად ამ რუკის ასლი გადაუღია XVI ს. მკვლევარს კ. პეტინგერს.

რომელიც სომხეთის მაშინდელ დედაქალაქ არტაშატიდან იწყება, საქართველოზე გადის. ამ გზის ერთ მონაკვეთზე, სახელდობრ, რუსთავსა და არმაზციხეს (მცხეთას) შორის აღნიშნულია სადგური, რომლის სახელწოდება რუკის სხვადასხვა ხელნაწერებსა და ვარიანტებში მოცემულია ფორმით „ფილადო“, „ტილიდა“. ვარაუდობენ, რომ თავდაპირველად ამ პუნქტის სახელწოდება უნდა ყოფილიყო ფორმით „ტფილადო“ ან „ტფილიდა“, საიდანაც გადამწერთა მიერ დამახინჯების შედეგად მივიღეთ „ფილადო“ და „ტილიდა“, რაც თბილისს უნდა გულისხმობდეს⁵.

ბიზანტიურ საისტორიო წყაროებში თბილისი საერთოდ, როგორც წესი, VI საუკუნიდან მოყოლებული, იხსენიება ფორმით „ტიფლისი“⁶.

„ტიფლისის“ ფორმიდან გავრცელდა ქალაქის სახელწოდება სხვა ენებში. აქედანაა ნაწარმოები სომხური „ტფლის“, ბერძნული (ბიზანტიური ხანის) „ტიფლის“, არაბული, ასევე სპარსულ-თურქული „თიფლის“, რუსული «Тифлис», არაბულ-სპარსულ-თურქულ ფორმას იმეორებს ევროპულ ენებში დამკვიდრებული „ტიფლისი“⁷.

დასავლურქართული ტომები, სახელდობრ მეგრელები და სვანები, თბილისს „ქართს“ უწოდებენ. ქართი (ქართლი) ძველი იბერიის სამეფოს დედაქალაქის ციტადელს ერქვა და, რადგან შემდეგ ქართლის სამეფოს დედაქალაქმა თბილისში გადაინაცვლა, მეგრელებმა და სვანებმა ახალ დედაქალაქზე გადაიტანეს ძველი დედაქალაქის სახელი და თბილისს ქართი შეარქვეს⁸. რიგი სომხური საისტორიო წყაროებისა (თომა არწრუნი, ფსევდო შაპუპ ბაგრატუნი და სხვ.) თბილისს ფაიტაკარანსაც უწოდებენ. რადგან სომხური „ფაიტ“ ხე-ს, ძელ-ს ნიშნავს, ხოლო X საუკუნის ისტორიკოსები (თომა არწრუნი, ტაბარი) თბილისის აღწერისას აღნიშნავენ, რომ თბილისში სახლები და სხვა შენობები ხისგანაა ნაგები, ზოგი მკვლევრის აზრით, „ფაიტაკარან“ „ხის ქალაქს“ შეიძლება ნიშნავდეს. ეს შეიძლება სწორიც იყოს. თბილისში ნაგებობათა დიდი ნაწილი მართლაც ხის იყო (საკითხთან დაკავშირებულ სამეცნიერო ლიტერატურაში „ფაიტაკარანის“ ახსნის სხვაგვარი ცდებიც არის).

ჩვენი დედაქალაქის სახელწოდება თბილისი, რაც ძველი ქართული ფორმის „ტიფლისის“ უდრის, მომდინარეობს იმ თბილ (ტფილ) წყაროთაგან, რომლებიც ქალაქში ბლომად მოიპოვება.

⁵ Еремян С. Т. Торговые пути Армении в эпоху Сасанидов, ВДИ, 1939, №1; ნ. ლომოური, უძველესი უცხოური ცნობა თბილისის შესახებ, კრებულში — „თბილისი 1500“, თბ., 1958, გვ. 23—28.

⁶ ს. ყაუხჩიშვილი, გეორგია, ბიზანტიული მწერლების ცნობები საქართველოს შესახებ, III, თბ., 1936, გვ. 257—258. შემდგომში — „გეორგია“.

⁷ ა. შანთქე, დასახ. ნაშრომი, გვ. 20—22.

⁸ გ. მელიქიშვილი, ქართლი (იბერია) ძვ. წ. VI—IV საუკუნეებში — წიგნში: საქართველოს ისტორიის ნარკვევები, ტ. I, თბ., 1970, გვ. 427.

ქალაქის წარმოშობა

თბილისის ქართლის სამეფოს დედაქალაქად გადაქცევასთან დაკავშირებით ქართველმა ხალხმა საინტერესო და ლამაზი ლეგენდა შექმნა. ამ ლეგენდის სხვადასხვა ვარიანტები არსებობს. ლეგენდის ერთი ვერსიის მიხედვით, ქართლის მეფე ვახტანგ გორგასალი ამაღლასთან ერთად მცხეთიდან სანადიროდ გავიდა. მეფის შევარდენი ხოხობს დააცხრა და ნდავლიანად წყალში ჩაყარდა. მეფის მხლებლებმა შევარდენი და მისი ნდავლი წყლიდან დათუთქულები ამოიყვანეს. ლეგენდის მეორე ვერსიის თანახმად, მეფემ შეელი დაქრა. დაქრილმა შეელმა წყალთან მიიბრინა, კრილობა შიობანა და განუტრუნებელი გაიქცა. როდესაც მეფეს მომხდარის თაობაზე მოახსენეს, მან არემარე დაათვალიერა და აღმოაჩინა, რომ იქ მრავლად მოედინებოდა თბილი წყაროები. მოეწონა მას ეს მიდამო და ქალაქის აშენება ბრძანა, რომელსაც თბილ წყაროთა გამო თბილისი ეწოდა.

თბილისის დედაქალაქად ქცევა, როგორც ჩანს, ვახტანგ გორგასალის სახელს უკავშირდება და ეს ლეგენდაც ამ მოვლენის ანარეკლია. მიუხედავად ამისა, ქალაქის დაარსების თარიღს, V ს. მეორე ნახევარს, როცა ვახტანგ გორგასალი მოღვაწეობდა, სათანადო დასაბუთება სჭირდება.

ზემოხსენებულ კასტორიუსის რუკაზე ყველა მნიშვნელოვან პუნქტს თავისი პირობითი ნიშანი აქვს. რომის იმპერიის დიდ სახელმწიფოთა დედაქალაქები ორი დიდი კოშკითაა აღნიშნული, რომელთა შორის კარიბჭეა გამოხატული, ხოლო ჩვეულებრივი ქალაქები — ორი მცირე ზომის კოშკით; უბრალო სადგურებს არაერთარი პირობითი ნიშანი არა აქვთ, ისინი გზის ტეხილებით არიან ასახულნი. მაგ., თბილისის სამხრეთით მდებარე პუნქტი, რომელიც ამ რუკაზე ქალაქის გამომსახველი ორი კოშკითაა ნაჩვენები, რუსთავი უნდა იყოს⁹, მცხეთა დედაქალაქის ნიშნითაა გამოხატული, ხოლო თბილისი — გზის ტეხილით. ასე რომ, რუკის მონაცემების თანახმად, თბილისი სოფელი-სადგური შეიძლება იყოს¹⁰.

IV საუკუნის თბილისის სტატუსის გასარკვევად დიდი მნიშვნელობა ენიჭება „მოქცევაჲ ქართლისაჲ“-ს ცნობებს. ყურადღება ექცევა იმ გარემოებას, რომ ქრისტიანობის ოფიციალურ კულტად გამოცხადებასთან დაკავშირებით მოტანილ მთელ თხრობაში მემატიაზე არ ახსენებს თბილისს. ნინოს სიკვდილზე კი იგი წერს: „მაშინ შეიძრნენ ორნი ესე ქალაქნი: მცხეთა და უეარმა, და ყოველი ქართლი სიკვდილისა მისისათ-

⁹ Еремян С. Т. დასახ. ნაშრომი, გვ. 81.

¹⁰ თბილისი არაა დატანილი II ს. რომაელი გეოგრაფის კლავდიუს პტოლემეის რუკაზე.

ვის¹¹. თბილისი ამ წყაროში, როგორც ზემოთ ითქვა, პირველად იხსენიება IV საუკუნის 60-იანი წლების მოვლენებთან დაკავშირებით.

ამიერკავკასიაში სასანიანთა ირანის გაძლიერება ქართლში მათი ლაშქრის გამოგზავნითა და მოხელეების დანიშნვითაც აღინიშნა. აქ ირანელი პიტიახში მოდის¹². „მოქცევაჲ ქართლისაჲ“-ს შატბერდული ვარიანტი გვაუწყებს: „მაშინ მოვიდა ქრამ ხუარ ბორ ზარდ, სპარსთა მეფისა პიტიახში ტფილისად ქალაქად ციხედ და ქართლი მისსა ხარკსა შედგა“¹³. ამის მიხედვით თბილისი იმ დროს იყო „ციხე-ქალაქი“. „ქალაქი“ ქართულ ენაში თავდაპირველად გამაგრებულ ადგილს ნიშნავდა¹⁴; მემატინის „ციხე-ქალაქი“-ც გამაგრებული ადგილია. „მაშასადამე, — აღნიშნავს ს. ჯანაშია, — თავდაპირველად ტფილისი ირანელი პიტიახშის საჭდომად ქცეულა — ამ დროისათვის ეს პუნქტი ჭერ კიდევ ქალაქად არ ითვლება“¹⁵.

„მოქცევაჲ ქართლისაჲ“-ს კელიშურ ვარიანტში ზემომოტანილი თხრობა ასეა გადმოცემული: „მაშინ მოვიდა ხუარ...ტფლის და კჳდ ციხედ“ ანუ, ს. ჯანაშიას აზრით, მოვიდა „ტფილისის და კალად ციხედ“; „კალა“ აქ ციხეა, საკუთარი გეოგრაფიული სახელი, რომელიც არაბულ სიტყვას ჰგავს და იგი არ უნდა მომდინარეობდეს არაბული სიტყვა „კალა“-დან, რაც არაბულად ციხეს ნიშნავს; ბგერათა ასეთი დამთხვევა შემთხვევითი უნდა იყოს. გარდა ამისა, — განაგრძობს ს. ჯანაშია, — ციტირებულ ტექსტში დასახელებულია ორი ერთმანეთთან მჭიდროდ დაკავშირებული ადგილი, ერთი მოსახლეობისა და მეორე ციხის პუნქტები“¹⁶.

¹¹ ძვ. ქართული აგიოგრ. ლიტ. ძეგლები, I, გვ. 90, მართალია, ამჯერად აქ არც ის ქალაქებია მოხსენიებული, რომელნიც, ამავე წყაროს თანახმად, იმდროინდელ ქართლში იყვნენ ცნობილი (კასპი, ურბნისი, უფლისციხე, ოძრბე), მაგრამ საყურადღებოა წყაროს ავტორის ჩვენება, რომ მომხდარი შემთხვევის გამო შეიძრა „ყოველი ქართლი“ (იგივე „ერთობილი ქართლი“). ამ „ყოველ“ თუ „ერთობილ“ ქართლში ავტორი ქართლ-კახეთს გულისხმობს; შეიძლება ამიტომ დასახელებს იგი ორივე მხარის დედაქალაქებს ქართლში — მცხეთას და კახეთში — უჯარმას.

¹² პიტიახში ირანული სიტყვაა და „ქვეყნის უფროსს“, „ოლქის მმართველს“ ნიშნავს და ქართული „ერისთავი“-ს შესატყვისია.

¹³ ძვ. ქართული აგიოგრ. ლიტ. ძეგლები, I, გვ. 90.

¹⁴ Д ж а в а х и ш в и л и И. А. Государственный строй древней Грузии и древней Армении, СПб., 1905, с. 41.

¹⁵ ს. ჯანაშია, შრომები, I, თბ., 1949, გვ. 11.

¹⁶ ს. ჯანაშია, შრომები, I, გვ. 11. სიტყვა „კალას“-ს ეტიმოლოგიას სხვანიც შეეხებენ. ზოგი იზიარებს ს. ჯანაშიას მოსაზრებას, ზოგი არა. „მოქცევაჲ ქართლისაჲ“-ს უკანასკნელ, აბულაძისეულ გამოცემაში ქარაგმა „კჳდ“ გახსნილია „კჳალად“ და, შესაბამისად, ტექსტი ასე იკითხება: „მაშინ მოვიდა ხუარ სპარსთა მეფისა პიტიახშები(!) ტფილისს და კჳალად(!) ციხედ“ (იხ. დასახ. ძეგლები, I, გვ. 92). ამ ქარაგმის ასე გახსნის შემთხვევაშიც სწორი ჯანაშიასეული ახსნა უნდა იყოს, რომ ტექსტში დასახელებული ორი პუნქტიდან — ერთი დასახლებული ადგილია და მეორე კი ციხე.

ხელსაყრელ სტრატეგიულ ადგილას მდებარე თბილისის ციხე, როგორც ჩანს, ირანიდან შაჰის მიერ გამოგზავნილ მოხელეს სარეზიდენციოდ აურჩევია. აქედან იწყება თბილისის სწრაფი ურბანიზაციის პროცესი¹⁷.

დედაქალაქის თბილისში გადმოტანა

V საუკუნის მეორე ნახევარში ქართლის მეფე ვახტანგ გორგასალმა, მას შემდეგ, რაც ხელისუფლების ცენტრალიზაციის მიზნით რიგი სახელმწიფოებრივი რეფორმები გაატარა, განავრცო ქართლის სამეფოს ფარგლები, გაამაგრა სახელმწიფოს საზღვრები და ქართლის სამეფოს დედაქალაქის მცხეთიდან თბილისს გადმოტანა გადაწყვიტა.

დედაქალაქის მცხეთიდან თბილისში გადატანა სოციალურ, ეკონომიკურ და პოლიტიკურ ფაქტორებს უნდა განეპირობებინა.

ქართლის სამეფოს ძველი დედაქალაქი მცხეთა ანტიკური (მონათმფლობელური) არისტოკრატიის პოლიტიკური ბატონობის ცენტრს წარმოადგენდა. ფეოდალური ურთიერთობის გარიჟრაჟზე დაარსებული თბილისი ახალი ფეოდალური ძალების პოლიტიკური ბატონობის ცენტრი უნდა გამხდარიყო.

ვახტანგ გორგასალი იბრძოდა საქართველოს გაერთიანებისათვის და ირანის აგრესიის წინააღმდეგ. მის მიერ ჰერეთის შემოერთება ობიექტურად უწყობდა ხელს თბილისის შემდგომ დაწინაურებას. ამიერიდან მცხეთის დედაქალაქობა უფრო ქართლ-კახეთის ფარგლებში იყო კანონზომიერი. თბილისს კი უფრო შეეფერებოდა ჰერულ-ქართულ-იბერიული ცენტრის ფუნქციები¹⁸. ქართლის სამეფოს აღმოსავლური პროვინციები ირანელ დამპყრობთა საწინააღმდეგო ბაზად უნდა გადაქცეულიყვნენ. დედაქალაქი ამ ბაზასთან უშუალო კავშირში უნდა ყოფილიყო, ჰერეთიდან მომავალი გზა ხომ თბილისზე გადიოდა¹⁹. თბილისს ფრიად მოხერხებული გეოგრაფიული მდებარეობა ჰქონდა. აქ მტკვრის

¹⁷ გიორგი ლომთათიძე თბილისის ურბანიზაციას არქეოლოგიური მონაცემებით უფრო ადრინდელ ხანას უკავშირებს და გამოთქვამს ვარაუდს, თბილისის ქალაქური მოსახლეობის, თუ უფრო ადრე არა, ახ. წ. აღ. I—II სს-ში წარმოშობის შესახებ (იხ. მისი ნაშრომი თბილისის არქეოლოგიური შესწავლილობისათვის, ისტორიის ინსტ. შრომები, ტ. V, ნაკვ. I, 1960, გვ. 169). მხოლოდ არქეოლოგიური მასალა, ისიც ნაკლები, ალბათ არ არის საკმარისი ქალაქის ურბანიზაციის პროცესის დათარიღებისათვის.

¹⁸ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, ტ. VIII, თბ., 1975, გვ. 138—139.

¹⁹ დ. მ უ ს ხ ე ლ ი შ ვ ი ლ ი, საქართველოს ისტორიული გეოგრაფიის ძირითადი საკითხები, I, თბ., 1977, გვ. 220.

ნაპირები ძალიან უახლოვდებოდნენ ერთმანეთს და ხელსაყრელ პირობას ქმნიდნენ ხიდის აგებისათვის. როგორც ცნობილია, თბილისში უძველესი დროიდანვე არსებობდა მტკვრის ნაპირების დამაკავშირებელი ხიდი²⁰. სტრატეგიულადაც ტაფობში მოქცეული და მთებით შემოზღულული თბილისი შედარებით ადვილად დასაცავი იყო. გადამწყვეტი მნიშვნელობა ვახტანგის არჩევანში მაინც პოლიტიკურ ფაქტორს უნდა შეესრულებინა.

ვახტანგ გორგასალმა დაუნდობელი ბრძოლა გამოუცხადა ქართლში ირანელთა ბატონობას. თბილისი კი მათი ქართლში ბატონობის საყრდენი იყო. IV საუკუნეში ირანელებმა თბილისის სიმაგრეში დაიდგნენ ბინა: „მოვიდა ქრამ ხუარ ბორ ზარდ, სპარსთა მეფისა პიტიახში“...

თბილისში გამაგრებული ირანელი პიტიახში ქართლის მეფეს უპირისპირდება. ირანელები თბილისში მცხეთის, ქართლის მეფის რეზიდენციის საპირისპიროდ ციხეს აგებენ („შურის ციხე“). ქართლში იქმნება მეორე ცენტრი, რომელიც ირანელთა დასაყრდენად იქცევა. ვახტანგის არჩევანი თბილისის ამ პოლიტიკურ მნიშვნელობასაც უნდა გადაეწყვიტა²¹.

IV საუკუნის მეორე ნახევარში, როგორც ზემოთ ითქვა, თბილისი „ციხე-ქალაქი“, ანუ გამაგრებული პუნქტი იყო, ხოლო IV—V საუკუნეების მანძილზე ინტენსიურად მიმდინარეობდა მისი გაქალაქების პროცესი, რომელიც V საუკუნის ბოლოსთვის დასრულდა. ვახტანგ მეფემ მიიღო გადაწყვეტილება დედაქალაქი მცხეთიდან თბილისში გადაეტანა. „ვახტანგ აშენებდა ქალაქსა ტფილისისასა“, — წერს ვახტანგის ისტორიკოსი²².

ქალაქად გადაქცევის პერიოდი რამდენადმე ასახულია მემატინის გადმოცემებში. V ს. 70-იანი წლების ამბებთან დაკავშირებით ნათქვამია: „ტფილისი სოფელი და კალაჲცა მოოხრებულ იყო“²³, ხოლო V საუკუნის დასასრულის მოვლენებთან დაკავშირებით აღნიშნულია, რომ „ვახტანგ აშენებდა ქალაქსა ტფილისისასა“²⁴. ისტორიკოსი ასხევეებს ერთმანეთისაგან ამ ორი პერიოდის ტფილისს. მართალია, ციხე კალა და სოფელი ტფილისი ერთად არსებული პუნქტებია, მაგრამ საკუთრივ თბი-

²⁰ ს. ჭ ა ნ ა შ ი ა , შრომები, I, გვ. 11.

²¹ ლ. კ ი ლ ა შ ვ ი ლ ი , ქალაქები ფეოდალურ საქართველოში, II, თბ., 1970, გვ. 52—54; ს. კაკაბაძის აზრით, ვახტანგმა დედაქალაქი მცხეთიდან კათალიკოსსა და მეფეს შორის მომხდარი კონფლიქტის გამო გადაიტანა.

²² ქართლის ცხოვრება, I, გვ. 200. ისტორიკოსის თქმით, ვახტანგი მაშინ „მოწვეწულ იყო ვითარ სამოცისა წლისა“, ვახტანგი კი 40-იანი წლების დასაწყისშია დაბადებული.

²³ ქართლის ცხოვრება, I, გვ. 181.

²⁴ იქვე, გვ. 200.

ლისი მისთვის ჯერ კიდევ ქალაქი არაა, სოფელია, ვახტანგი კი ქალაქს აშენებს. ეს ქალაქი, როგორც გარკვეული შინაარსის მქონე სავაჭრო-სახელოსნო ცენტრი, არსებითად მაინც ჩამოყალიბებულია V საუკუნეში, ვახტანგ მეფის სიცოცხლეში²⁵. ოღონდ მან ვერ მოასწრო პოლიტიკური ცენტრის გადმოტანა მცხეთიდან თბილისში. ეს განახორციელა დაჩი ვახტანგის ძემ, რომელმაც „განასრულნა ზღუდენი ტფილისისანი“ და „ვითა ებრძანა ვახტანგს, იგი შექმნა სახლად სამეფუოდ“²⁶.

დაჩის მეფობაში თბილისის მნიშვნელობა იზრდება. ამაზე მიუთითებს ჩვენთვის უკვე ცნობილი „მოქცევაჲ ქართლისაჲ“-ს მატთანე. „მეფობდა დაჩი...ამის ზე ქალაქსა ტფილისს კაცნი დასხდებოდეს“²⁷. რომ თბილისში „კაცნი“, ე. ი. მცხოვრებლები იყვნენ, ეს მემატთანემ კარგად იცის, მაგრამ ის საგანგებოდ აღნიშნავს, რომ კაცნი „ქალაქსა ტფილისსა“ დასხდებოდეს ამ დროს, ე. ი. ის მიგვანიშნებს ქალაქის მოსახლეობის გაფართოებაზე.

ცნობა ვახტანგის მიერ თბილისის აშენების შესახებ დაცულია XIII ს. სომეხი ისტორიკოსის მხითარ აირივანეცის „ჟამთააღმწერლობა“-ში. შესაძლებელია „სომეხ მემატთანეს ხელთა ჰქონდა ქართული საისტორიო მწერლობიდან აღებული უძველესი ცნობები“²⁸.

VI საუკუნის დასაწყისიდან თბილისი ქართლის სამეფოს დედაქალაქად იქცა. ბიზანტიელი ჟამთააღმწერელი თეოფანე წერდა, რომ „იბერთა დედაქალაქი მაშინ (VI ს. 70-იან წლებში) ტფილისი იყო“²⁹.

VI საუკუნის 30-იან წლებში ირანელებმა ქართლში მეფობა გააუქმეს და ქართლი ირანელი მარზპანის ხელისუფლებას დაუქვემდებარეს³⁰. მართალია, თბილისში ქართლის მეფე აღარ იჯდა, მაგრამ რადგან ირანელი პიტიახშის რეზიდენცია თბილისში იყო, თბილისი ინარჩუნებდა ქართლის პოლიტიკური ცენტრის მდგომარეობას. ასეთი ფუნქცია ჰქონდა მას აქ არაბთა ბატონობის დამყარების შემდეგაც, VIII საუკუნის დასასრულამდე, ამ დროიდან კი „თბილისის საამიროს“ ცენტრად რჩებოდა.

²⁵ შ. მ. ე. ს. ხ. ი. ა., დ. გ. ვ. რ. ი. ტ. ი. მ. ე. ჯ. ბ. ა. მ. ე. ა. ს. უ. რ. გ. უ. ლ. ა. მ. ე., თბილისის ისტორია, თბ., 1958, გვ. 9.

²⁶ ქართლის ცხოვრება, I, გვ. 205.

²⁷ ძე. ქართული აგიოგრა. ლიტ. ძეგლები, I, გვ. 93—94.

²⁸ ვ. ნ. ა. ლ. ბ. ა. ნ. ი. ა. ნ. ი., თბილისი ძველ სომხურ მწერლობაში უძველესი დროიდან XVIII ს. ბოლომდე, სომხურიდან თარგმნეს ნ. ჭანაშიამ და ე. ცაგარეიშვილმა, თბ., 1959, გვ. 24.

²⁹ გეორგიკა, ტ. III, თბ., 1936, გვ. 258.

³⁰ სპეციალურ ლიტერატურაში საკითხი ქართლში მეფობის გაუქმების თარიღის შესახებ აზრთა სხვადასხვაობას იწვევს. ვფიქრობთ, ანგარიშგასაწევია ვ. გოილაძის მოსაზრება, რომ 30-იანი წლების დასასრულამდე ქართლში მეფე იყო.

ბრძოლა უცხო დამპყრობთა წინააღმდეგ IV—VI სს.

IV საუკუნეში აღმოსავლეთში გაძლიერებულმა ირანის სახელმწიფომ მთელი აღმოსავლეთ ამიერკავკასია დაიპყრო. 368 წელს ირანის შაჰის ლაშქარი ქართლში შემოვიდა და დამპყრობლებმა თბილისის ციხე დაიკავეს. ქართლს ხაკი დაეკისრა. ქართლის მეფესა და ირანის სარდალს შორის მოლაპარაკების შედეგად, ქართლმა ირანის ვასალობა იკისრა და „ერისთავმან სპარსთამან მოსცა (ქართლის მეფეს) ციხე ტფილისისა და წარვიდა. და მიერითგან იქმნნეს სომეხნი და ქართველნი სპარსთა მოხარკენი“³¹. ამიერიდან თბილისი ქართლის მეფის ხელთაა და თანდათან იზრდება. მისი მნიშვნელობა მატულობს ქართლის სამეფოს სამეურნეო და პოლიტიკურ ცხოვრებაში. თითქმის მთელი საუკუნე, სანამ ქართლსა და ირანს შორის ზავი არ დარღვეულა, თბილისში მშვიდობიანი ცხოვრება იყო, რაც დიდად უწყობდა ხელს მის შემდგრად დაწინაურებას.

V საუკუნის მეორე ნახევარში ქართლის სამეფო ტახტზე ძველი საქართველოს ერთ-ერთი უდიდესი სახელმწიფო მოღვაწე და სარდალი ვახტანგ გორგასალი იჯდა. როდესაც ვახტანგი ტახტზე ავიდა, ქართლი ირანის ვასალი იყო. ვახტანგმა კარგად ისარგებლა თავისი როგორც ირანის ვასალის მდგომარეობით, ირანელთა სამხედრო ძალის დახმარებით შეებრძოლა ირანისა და ქართლის მტრებს, ჩრდილოკავკასიელ მომთაბარეებს, რომელნიც არბევდნენ და აწიოკებდნენ ქართლს. ვახტანგ გორგასალის დროს ქართლის სამეფო გაძლიერდა, გაფართოვდა და თითქმის მთელი საქართველო მოიცვა. მეფემ მნიშვნელოვანი ღონისძიებები გაატარა ქვეყნის შიგნით მეფის ხელისუფლების გაძლიერების მიზნით. ის ნელ-ნელა მოემზადა ირანის ვასალობისაგან გასანთავისუფლებლად. შექმნა საფორტიფიკაციო ნაგებობათა მთელი სისტემა: გაამაგრა დარიალის კარი, ააგო უჯარმისა და ქერემის ციხეები, ხოლო ქართლის სამეფოს სამხრეთ-დასავლეთის რეგიონის გასამაგრებლად ააშენა არტანუჯის ციხე. ვახტანგმა დაამყარა პოლიტიკური ურთიერთობა ბიზანტიის იმპერიასთან.

V საუკუნის 70-იანი წლების დასაწყისში ირანელთა ლაშქარი ქართლში შემოვიდა ურჩი მეფის დასასჯელად და ქართლის დასამორჩილებლად³². ბრძოლა უმთავრესად მცხეთა-არმაზსა და თბილისის მისადგომებთან მიმდინარეობდა. „და რომელსამე დღესა მათ სძლიან და რომელ-

³¹ ქართლის ცხოვრება, I, გვ. 136.

³² შ. ლორთქიფანიძე. ქართლი V ს. II ნახევარში, თბ., 1979, გვ. 79—80.

სამე დღესა ამათ³³. ამ ბრძოლების შედეგად „ტფილისი სოფელი და კალაჯცა მოოჯრებულ იყო“³⁴. როდესაც საქმე მებრძოლ მხარეთა დაზავებასა და მოლაპარაკებაზე მიდგა, ქართლის მეფემ ირანელები თბილისში მოიწვია და იქ დაიდო შეთანხმება³⁵. აქედან ჩანს, რომ თბილისი ქართლის მეფეს ეკუთვნის; ირანისადმი მისი ვასალური დამოკიდებულება თითქოს კვლავაც რჩება ძალაში. შესაძლებელია ამ ბრძოლების დროს კიდევ უფრო ნათლად გამოჩნდა თბილისის სამხედრო-სტრატეგიული და პოლიტიკური მნიშვნელობა, რამაც ვახტანგს უკარნახა დედაქალაქის თბილისში გადატანა.

502 წ. დაიწყო ომი ბიზანტიასა და ირანს შორის. ირანის შაჰმა ქართლის მეფეს, როგორც თავის ვასალს, დახმარება მოსთხოვა, რაზედაც უარი მიიღო. ამას მოჰყვა ირანელთა ლაშქრის შემოსევა ქართლში. იმავე წელს უჯარმის ბრძოლაში ვახტანგ გორგასალი დაიჭრა და უჯარმის ციხეში გარდაიცვალა, ქართლის მეფეებმა გააგრძელეს ბრძოლა ირანის წინააღმდეგ, მაგრამ დამარცხდნენ.

VI ს. 30-იან წლებში, როცა ირანელებმა ქართლში მეფობა გააუქმეს, ქართლი ირანის უშუალო ხელისუფლებაში მოექცა და ქვეყნის გამგებლად ირანელი მოხელე მარზპანი დაინიშნა³⁶; მან თბილისში დაიდო ბინა. თბილისში და ქართლის სხვა მნიშვნელოვან ციხე-ქალაქებში ირანული სამხედრო გარნიზონები ჩადგა. იმ გარნიზონთა ციხისთავები თბილისში მჭდომ მარზპანს ექვემდებარებოდნენ.

ირანელთა უშუალო ბატონობამ ქართლში დიდხანს ვერ გასტანა. დამპყრობლებით უკმაყოფილებამ მოსახლეობის ყველა ფენა მოიცვა. განსაკუთრებით უჭირდა მწარმოებელ მოსახლეობას, რომლის ისედაც მძიმე მდგომარეობას ირანელთა ხარკი და სამსახური დაემატა. საერთო უკმაყოფილებით კარგად ისარგებლეს ფეოდალური არისტოკრატის ზედა ფენების წარმომადგენლებმა. „ნელადრე შეკრბა ქართლი“, მოვეითხრობს მემატთანე, და „განაჩინეს ერისთავად გუარამ“³⁷.

აღნიშნული ერისთავი ანუ ერისმთავარი (ერისთავთა თავი) ქართლის ადგილობრივი უზენაესი ხელისუფალი იყო. ტრადიციულად ის ქართლის „მეფეთა ტახტზე“ იჯდა და მათი საქმის გამგრძელებელი იყო. მაგრამ არც ბიზანტიასა და არც ირანს არ სურდათ მისი ხელმწიფობა. ამიტომ, იყო, რომ ერისთავებმა „მეფობის სახელი“ „სპარსთა და ბერძენთა შიშისაგან ვერ იკადრეს“ და მათ „ერისთავთა-მთავრად ხადოდეს“³⁸.

³³ ქართლის ცხოვრება, I, გვ. 180.

³⁴ იქვე, გვ. 181.

³⁵ იქვე, გვ. 182.

³⁶ მარზპანი სპარსული სიტყვაა და ოლქის მმართველს ნიშნავს.

³⁷ ძვ. ქართული აგიოგრა. ლიტ. ძეგლები, I, გვ. 195.

³⁸ ქართლის ცხოვრება, I, გვ. 222.

ქართლის ერისმთავრის ხელისუფლების გაჩენა ირანის წინააღმდეგ მიმართული აქცია იყო. ამ საქმეში ბიზანტიის იმპერიის ხელიც ერია და საიმპერატორო კარმა პირველივე ერისმთავარს მაღალი საკარისკაცო ტიტული — კურაპალატობა უბოძა. ამიერიდან ბიზანტიური საკარისკაცო ტიტულები ქართლის მმართველი სახლის წარმომადგენელთა აუცილებელ ატრიბუტად იქცა. ქართლის ერისმთავრები ცნობდნენ ირანის შაჰების უზენაესობას, მაგრამ ამასთანავე თავისი ეროვნული და სარწმუნოებრივი ინტერესების დაცვას ცდილობდნენ.

ერისმთავრის ხელისუფლების შექმნას საგრძნობლად უნდა შეეზღუდა ქართლის ირანელი მარზპანის უფლებები. შესაძლებელია ერისმთავრის ხელისუფლების შექმნა აქედან მარზპანის გაწვევასაც გულისხმობდა, მაგრამ თბილისში იმყოფებოდა ირანული სამხედრო გარნიზონი ციხისთავითურთ, როგორც გამომხატველი და დასაყრდენი ირანის ხელისუფლებისა.

ბიზანტიელთა ბრძოლა თბილისისათვის

VII საუკუნის დასაწყისში მახლობელ აღმოსავლეთში პოლიტიკური ვითარება შეიცვალა. თანდათან აშკარა ხდებოდა ბიზანტიელთა უპირატესობა. ირანის მდგომარეობა საგრძნობლად შეირყა ჰერაკლე კეისრის (610—640 წწ.) ლაშქრობათა შედეგად. ჰერაკლეს აღმოსავლური პოლიტიკის ერთ-ერთი მთავარი ამოცანა ამიერკავკასიის ქვეყნების დამორჩილება იყო. ამ მიზნისათვის აუცილებელი იყო ირანელთა განდევნა ქართლიდან და თბილისის როგორც ამიერკავკასიის ერთ-ერთი უმნიშვნელოვანესი ციტადელის დაკავება.

626 წელს ჰერაკლე კეისარი თბილისის მიდამოებში შეხვდა თავის მოკავშირე თურქთა (ხაზართა) ხაკანის ლაშქარს. 627 წელს მოკავშირეებმა თბილისს ალყა შემოარტყეს. სანამ მოკავშირეები თბილისს ალყაში მოაქცევდნენ, ირანის შაჰმა ქალაქს დამხმარე ძალა გამოუგზავნა. 1000 მამაცი მეომარი, გამოცდილი მხედართმთავრის შარჰაპალის სარდლობით თბილისში შევიდა, რამაც დიდად გაამხნევა თბილისის დამცველები³⁹. ქალაქის დამცველთა სათავეში ქართლის ერისმთავარი სტეფანოზი იდგა. ქართველები თბილისს ახალ დამპყრობთაგან იცავდნენ. ქართველი ისტორიკოსის სიტყვით, ქართლის ერისმთავარმა „სტეფანოზ არა ინება განდგომა სპარსთაგან, და განამაგრა ციხე-ქალაქნი და დადგა ტფილისსა შინა“⁴⁰.

³⁹ ლ. დ ა ვ ლ ი ა ნ ი ძ ე, ხაზართა ლაშქრობა თბილისსა და ალბანეთში მოსე კალანკატუელის „ალბანთა ისტორიის“ მიხედვით, ქართული წყაროთმცოდნეობა, I, თბ., 1965, გვ. 68.

⁴⁰ ქართლის ცხოვრება, I, გვ. 224.

მოკავშირეები თბილისის მრავალრიცხოვანი ლაშქრით შემოდგომოდნენ, ქალაქის კედლებს ციხის სანგრევი მანქანები მიაყენეს, „რომლებიდანაც ზუსტად ისროდნენ უზარმაზარ ქვებს და კედლებს ანგრევდნენ“. მოალყეებმა მტკვარი დააგუბეს და მას პირდაპირ ქალაქის კედლებისაკენ აძლევდნენ მიმართულებას, მაგრამ არც ერთ მათგანს არაფრის არ შეშინებია: ერთმანეთს ამხნეებდნენ და მათგან დანგრეულს ისევ აშენებდნენ და აღადგენდნენ⁴¹. თბილისისათვის ბრძოლაში დაიღუპა ქართლის ერისმთავარი სტეფანოზი, მოკავშირეებმა⁴² დაიკავეს ქალაქი თბილისი, მაგრამ „ციხესა კალისასა დარჩეს კაცი, და არა მოერთნეს მეფესა ჰერაკლეს“⁴³. ეს ბრძოლა 627 წლის ზაფხულში უნდა მომხდარიყო⁴⁴.

ბრძოლა თბილისის ციხე კალასათვის გაძნელდა. ბიზანტიელებმა და ხაზარ-თურქებმა დიდი ზარალი ნახეს, ციხეს ალყა მოხსნეს და უკან დაიხიეს. ციხის დამცველები გათამამდნენ, დაიწყეს ბიზანტიელთა და ხაზართა დაცინვა. გოგრაზე ხაზართა მბრძანებლის სახე გამოხატეს, ციხის გალავანზე დადეს, ჩხვლეტდნენ ისრებით და უკანდახეულ ლაშქარს მისძახოდნენ: „აი, თქვენი მეფე კეისარი, დაბრუნდით, თაყვანი ეცით, ეს ჯებუ ხაკანია“⁴⁵. მასხრად აიგდეს ჰერაკლე კეისარიც. დასცინოდნენ, ავიწყებდნენ მას. კედელზე გადმომდგარი თბილისის ციხისთავი უყვიროდა მას — „ვაცისა წვერნი გასხენ და ვაც-ბოტისა კისერი გაქსო“⁴⁶.

განრისხებული კეისარი ირანისაკენ დაიძრა. ქართლისა და თბილისის ბედი საბოლოოდ იქ წყდებოდა. ქართლიდან წასვლის წინ, ისტორიკოსის სიტყვით, ჰერაკლემ ქართლის ერისმთავრობა, ქართლის მეფეთა ჩამომავალს, თავის მოკავშირე ადარნასეს მისცა, რომელთანაც დატოვა ხაზართა ლაშქარი და მომავალ წელს კალასათვის ბრძოლა დაავალა.

ბიზანტიელთა კეისარმა ირანში დიდი წარმატებები მოიპოვა. ზავის დადების შემდეგ, მოკავშირეებმა 628 წელს განაახლეს ბრძოლა და თბილისი აიღეს. იმპერატორის მაგინებელი ირანელი ციხისთავი და ქართლის მმართველი სახლის წარმომადგენელიც შეიპყრეს და ჰერაკლეს მიჰკვარეს. ტყვეები სასტიკად აწამეს, თვალები დასთხარეს, შემდეგ ჩამოახრ-

⁴¹ ლ. დავლიანიძე, დასახ. ნაშრომი, გვ. 68.

⁴² ჰერაკლე კეისარის მოკავშირე ხაზართა ლაშქარს სარდლობდა თურქთა დასავლეთ კავანატის მმართველი დინასტიის უფლისწული (იხ. ვ. გოილაძე, ჭუნანერის თხზულებაში მოხსენიებული „მეფე საბა“ და „ჩიბლა ერისთავი“, „მაცნე“ (ისტორიის... სერია), 1977, 2, გვ. 91—100).

⁴³ ქართლის ცხოვრება, I, გვ. 224.

⁴⁴ ლ. დავლიანიძე, დასახ. ნაშრომი, გვ. 60.

⁴⁵ მოსე კალანკატუელის ცნობები. იხ. ლ. დავლიანიძის დასახ. ნაშრომი, გვ. 69—70.

⁴⁶ ქართლის ცხოვრება, I, გვ. 224.

ჩეს. ტყავი გააძვრეს, თვით გატენეს და ყველა ურჩის დასაშინებლად ქალაქის კედელზე ჩამოჰკიდეს⁴⁷.

გამძვინვარებული თურქი-ხაზარები თბილისში შეიჭრნენ. ისინი ველური სისასტიკით იქცეოდნენ და არავის არ ზოგავდნენ, ხოცავდნენ ასაკისა და სქესის განურჩევლად. „როდესაც შეწყდა ხმა ტირილისა და ვაებისა და აღარავინ გადარჩა ცოცხალი, მაშინ მათაც გაიგეს, რომ დაძღნენ მათი მახვილნიც“. ქალაქის საბოლოო დამორჩილების შემდეგ დაიწყო ძარცვა-რბევა. განძით სავსე ყუთები მოჰქონდათ და თავისი მბრძანებლის ფერხთით ახვავებდნენ. თვლა არ იყო ოქროსა და ვერცხლის ფულებისა, თვალმარგალიტით შემკული შესანიშნავი ნივთების⁴⁸.

ჰერაკლე კეისარმა დაუნდობლად შემუსრა ბიზანტიელთა ყველა მოწინააღმდეგე, როგორც ცეცხლისმსახურნი-არაქრისტიანენი, ისე მწვალებლები „ყოველნი მოგუნი და ცეცხლისა მსახურნი ანუ მოინათლნენ, ანუ მოისრნენ“, ხოლო „ეკლესიათა შინა (სადაც არამართლმადიდებელნი იყვნენ შეფარებულნი) მდინარენი სისხლისანი დიოდეს“. „ჰერაკლე განწმიდა შჯული ქრისტესი“ — დასძენს ქართველი მემატეიანე⁴⁹.

ჰერაკლე კეისარის ლაშქრობის შემდეგ ამიერკავკასიაში დიდი ხნით ბიზანტიის ჰეგემონია დამყარდა. ქართლი ბიზანტიელთა უზენაესობას აღიარებდა, მაგრამ აქ არც ბიზანტიელი მოხელეები იყვნენ და არც მათი ლაშქარი იდგა. თბილისში ქართლის ერისმთავარნი ისხდნენ და განაგებდნენ ქვეყანას.

არაბთა მფლობელობა თბილისში

VII საუკუნის პირველ მესამედში მახლობელი აღმოსავლეთის პოლიტიკურ ცხოვრებაში დიდი ცვლილებები იწყება. ასპარეზზე გამოდის ახალი, ძლიერი, მაჰმადიანური (მუსლიმანური) სახელმწიფო, რომელიც ისტორიაში არაბთა სახალიფოს სახელწოდებითაა ცნობილი. არაბთა სახალიფო VII საუკუნის 30-იანი წლებიდან იწყებს დაპყრობით ომებს და ბიზანტიის იმპერიას უპირისპირდება.

ჰერაკლეს მეფობის ბოლო წლებში იმპერია რამდენჯერმე დამარცხდა არაბებთან ბრძოლაში. სახალიფომ დაიპყრო ბიზანტიის აღმოსავლეთი პროვინციები (სირია, პალესტინა, ეგვიპტე). 50-იანი წლების დამდეგს არაბებმა საბოლოოდ დაამარცხეს და დაიპყრეს სასანიანთა ირანი და ამიერიდან გაეხსნათ გზა ამიერკავკასიისაკენ.

არაბთა პირველი მარბიელი რაზმები სომხეთსა და საქართველოში

⁴⁷ ლ. დავლიანიძე, დასახ. ნაშრომი, გვ. 78.

⁴⁸ იქვე.

⁴⁹ ძვ. ქართული აგიოგრა. ლიტ. ძეგლები, I, გვ. 96.

VII საუკუნის 40-იან წლებში გამოჩნდნენ. მათ სომხეთის დედაქალაქი დვინი დაიკავეს. ქართლის სამეფომ არაბთა ეს მარბიელი რაზმები შედარებით ადვილად მოიგერია. სომხეთში მკვიდრად ფეხის მოკიდების შემდეგ, არაბებმა დაიწყეს ბრძოლა ქართლის დასაპყრობად.

VII საუკუნის 50-იან წლებში ქართლისავე გამოემართა არაბთა დიდი ლაშქარი ჰაბიბ იბნ მასლამას სარდლობით. ქართლის ერისმთავარმა სტეფანოზ III, რომელსაც არაბები ბატრიკს უწოდებდნენ, რადგან მას პატრიკიოსის ბიზანტიური ტიტული ჰქონდა, ჰაბიბთან თავისი ელჩი გაგზავნა და ზავი და მშვიდობა ითხოვა.

ამ ეტაპზე, როდესაც დამარცხებული ბიზანტიისაგან დხმარების იმედი არ იყო, მეზობელი სომხეთიც არაბებს ჰქონდათ დაპყრობილი და იქ მათი დიდი ძალები იყო თავმოყრილი, სხვაგვარად მოქცევას ალბათ აზრი არ ექნებოდა: კარს მომდგარი არაბებისათვის წინააღმდეგობის გაწევას მხოლოდ ქვეყნის აოხრება მოჰყვებოდა. არაბთა სისასტიკის მაგალითები კი იმდროინდელ ქართლში კარგად იცოდნენ.

ჰაბიბ იბნ მასლამა დიდად კმაყოფილი დარჩა ქართლის ერისმთავრის გადაწყვეტილებით. ერისმთავრის მიერ მირთმეული საჩუქრები მან ხარკის ანგარიშში ჩათვალა და ერისმთავრის ელჩს თბილისში თავისი წარმომადგენელი გააყოლა შეუვალობის წიგნით.

შემდეგ ჰაბიბ იბნ მასლამა თვითონ მოვიდა თბილისში და, როგორც მაშინ არაბებს წესად ჰქონდათ, ნებით დამორჩილებულ მოსახლეობასთან ხელშეკრულება დადო. ხელშეუხებლობისა და შეუვალობის დოკუმენტი — „დაცვის სიგელი“ — ითვალისწინებდა როგორც დამპყრობთა, ისე დაპყრობილთა უფლებებსა და მოვალეობებს:

1. ქართველები აღიარებდნენ მორჩილებას და იხდიდნენ გადასახადს, რომელსაც ჭიზია ეწოდებოდა. ჭიზია გადაკვეთილი იყო კომლის თავზე თითო დინარი⁵⁰ ოდენობით, ამიტომ ქართველებს ეკრძალებოდათ კომლთა გაერთიანება, ხოლო არაბებს მათი დაყოფა.

2. მოსახლეობას დაეკისრა სამხედრო ბეგარა: ქართველები ვალდებული იყვნენ დახმარება აღმოეჩინათ არაბებისათვის მათი მტრების წინააღმდეგ რჩევითა და საქმით; რაზმს ჩამორჩენილი მუსლიმი შეეფარებინათ, უზრუნველყოთ ბინითა და მათთვის დასაშვები საქმლით, მიეცილებინათ უახლოეს სამხედრო რაზმამდე.

3. ვინც ისლამს მიიღებდა, ის არაბთა თანამომემე ხდებოდა და სარგებლობდა ყველა მუსლიმისთვის საერთო უფლებით.

4. არაბები ვალდებული იყვნენ დახმარება აღმოეჩინათ ქართველებისათვის მტრის წინააღმდეგ ბრძოლაში. მაგრამ, თუ მოხდებოდა ისე, რომ მოუტლელობის გამო არაბები მათ დახმარებას ვერ აღმოუჩენდნენ

⁵⁰ დინარი — არაბული ოქროს მონეტა.

და ქართველები დამორჩილებოდნენ მტერს, ეს მათ (ქართველებს) არ ეთვლებოდათ ხელშეკრულების დარღვევად.

თუ მოსახლეობა მიიღებდა და შეასრულებდა ამ პირობებს, დამპყრობელი არაბები მათ უშიშროების, ქონებისა და სარწმუნოების ხელშეუხებლობის გარანტიას აძლევდნენ. წინააღმდეგ შემთხვევაში უცხადებდნენ ომს ალაჰისა და მისი მოციქულის მუჰამადის სახელით.

არაბებს აქ ჯერ თავისი მოხელე არ ჰყავდათ, არც სამხედრო ნაწილები ჩაუყენებიათ ქართლში, ურთიერთობა ერისმთავართან „დაცვის სიგელით“ უნდა მოგვარებულიყო.

„დაცვის სიგელით“ მიღწეული შეთანხმება ქართველებმა, ისარგებლეს რა სახალიფოს საშინაო გართულებებით, მალე დაარღვიეს.

VII ს. მეორე ნახევარსა და VIII საუკუნის პირველ მესამედში ამიერკავკასია და, კერძოდ, ქართლი არაბ-ბიზანტიელთა და ხაზართა შორის ბრძოლის ასპარეზს წარმოადგენდა. გამარჯვებას თანდათან არაბები აღწევდნენ. VIII საუკუნის დასაწყისისათვის მათ საქართველოში შედარებით სტაბილური მდგომარეობა ჰქონდათ. თბილისში არაბებს საკუთარი ზარაფხანა მოუწყვიათ, სადაც 704 წელს ფულიც მოუჭრიათ.

VIII საუკუნის 20-იან წლებში მთელი ამიერკავკასია აჯანყებათა ცეცხლში გაეხვია. აქ ზედიზედ რამდენიმე დამსჯელი ექსპედიცია მოვიდა. ამიერკავკასიიდან არაბთა სარდლები ჩრდილო კავკასიაში გადავიდნენ, სადაც ხაზარებს შეებრძოლენ. ამ დროს ისინი თბილისიდან ახორციელებდნენ თავის სამხედრო ოპერაციებს; 729 წელს ცნობილი არაბი სარდალი ჯარაჰი თბილისიდან შეიპყრა ხაზარეთში. არაბთა წინააღმდეგ ბრძოლის განწყობილება ქართლშიაც მწიფდებოდა.

ამიერკავკასიის ურჩი ხალხების დასჯა ხალიფა ჰიშამმა (724—743 წწ.) სარდალ მურვან იბნ მუჰამადს დააევალა. ამისათვის მურვანმა ხალიფას 120-ათასიანი ლაშქარი მოსთხოვა. მურვანმა სისხლში ჩაახრჩო სომხეთის აჯანყება, ემზადებოდა ხაზარეთში შესაჭრელად, მაგრამ ჯერ ურჩი ქართველების საგანგებოდ დასჯა გადაწყვიტა. 735 წელს მურვანი, რომელსაც ქართველმა ხალხმა სისასტიკისათვის „მურვან ყრუ“ შეარქვა, თავისი უზარმაზარი ლაშქრით საქართველოს შემოესია. ქართველი ისტორიკოსის სიტყვით: „მოვლო ყრუმან ყოველი კავკასია და დაიპყრო კარი დარიელისა და დარუბანდისა, და შემუსრნა ყოველნი ქალაქნი და უმრავლესნი ციხენი ყოველთა საზღვართა ქართლისათა“⁵¹.

მურვანის ლაშქრობამ დიდი ხნით გატეხა წელში ქართველი ხალხის წინააღმდეგობის უნარი. არაბებმა დაიპყრეს ქართლი თბილისითურთ, სადაც თავისი მოხელე ამირა დააყენეს. თბილისი „შექმნეს

⁵¹ ქართლის ცხოვრება, I, გვ. 234.

სახლად საყოფელად თვსად; მიიღებდეს ხარკსა ქუეყანისა ამისაგან რომელსა ჰრქვან ხარაჯა“⁵².

თბილისში და აღმოსავლეთ საქართველოს რიგ ქალაქებში (რუსთავი, დმანისი, ხუნანი...) არაბთა სამხედრო გარნიზონები ჩაუყენებიათ, მოხელეთა სათანადო შტატით. თბილისის (ქართლის) ამირა მთელ აღმოსავლეთ საქართველოში განლაგებული არაბული სამხედრო ნაწილების სარდალი გამხდარა. ამირა იყო ქვეყნის უზენაესი სამხედრო და საერო ხელისუფალი — მსაჯული. არაბებმა ქართლში ერისმთავრის ხელისუფლება დატოვეს და ერისმთავარი ამირას დაუქვემდებარეს. ერისმთავარს საარაბო ხარკის აკრეფა და სამხედრო ნაწილების გამოყვანა ევალებოდა. ფაქტიურად იგი ამირას კარზე ითვლებოდა ადგილობრივი არისტოკრატიის წარმომადგენლად.

სახალიფოს ცენტრალური ხელისუფლება დიდ მნიშვნელობას ანიჭებდა ქართლსა და საკუთრივ თბილისში თავისი პოლიტიკის სიმტკიცეს. თბილისი არაბთა ბატონობის უკიდურესი ჩრდილოეთი სასაზღვრო ციხე იყო, რომელსაც ევალებოდა სახალიფოს ჩრდილო საზღვრის ხაზართაგან დაცვა. ამასთანავე თბილისი იყო დასავლეთით ბიზანტიის წინააღმდეგ მიმართული ბასტიონი.

ამიერკავკასიაში, კერძოდ, ქართლში დამკვიდრების შემდეგ, არაბებმა განსაკუთრებით გაააქტიურეს თავისი პოლიტიკა ჩრდილოკავკასიელი ხაზარების მიმართ. თბილისი იყო ის საყრდენი პუნქტი, საიდანაც ხორციელდებოდა სამხედრო ოპერაციები ჩრდილო კავკასიაში. ხაზარ-არაბთა ბრძოლა თავის მხრივ დიდ ზარალს აყენებდა თბილისს. არაბთა წინააღმდეგ მებრძოლ თურქ-ხაზართა შემოსევები ქართლსა და არაბთა მთავარ საყრდენ სიმაგრეს თბილისს არბევდნენ. ერთ-ერთ ასეთ ლაშქრობას ადგილი ჰქონდა 764 წელს.

ხაზარ-თურქთა ლაშქარი ქართლს შემოესია, ხაკანის სარდალმა „შემუსრა ტფილისი, წარტყუნა ქართლი და ყოველი ესე ქუეყანა“. ეტყობა, თბილისი დიდად დაზარალდა, რადგან არაბებს მისი „აღმენება“ — აღდგენა დასჭირდათ. „მოვიდა ამირა აგარიანი (მაჰმადიანი), რომელი მთავრობდა სომხითს, ქართლს და ჰერეთს, სახელით ხუასრო; ამან აღაშენა ტფილისი, ქალაქი, მოოვრებული ხაზართაგან“⁵³. როგორც ჩანს, თბილისი ისე იყო მოოხრებული, რომ მის აღსადგენად თბილისში საგანგებოდ მოვიდა მთელი აღმოსავლეთ ამიერკავკასიის (სომხეთის, ქართლისა და ალბანეთის) უზენაესი არაბი მოხელე, რომელსაც ექვემდებარებოდა თბილისის ამირა და მისი ხელმძღვანელობით თუ დახმარებით განხორციელებულა აღდგენითი სამუშაოები.

⁵² ქართლის ცხოვრება, I, გვ. 250.

⁵³ იქვე.

IX საუკუნის დასაწყისამდე, არაბთა მფლობელობის დროს, თბილისში შედარებით სტაბილური მდგომარეობა დამყარებულა. თბილისში იჯდა არაბი ამირა, რომლის სასახლე („საამირო დარბაზი“) დღევანდელი ბოტანიკური ბაღისაკენ ამაველ გზაზე იყო. ფაქტიურად ამირას განმგებლობის ქვეშ იმყოფებოდა მთელი აღმოსავლეთი საქართველო. მის განკარგულებაში მნიშვნელოვანი სამხედრო ძალა იყო. ეს სამხედრო ნაწილები, როგორც უკვე აღვნიშნეთ, ქართლის სხვადასხვა ქალაქებსა და ციხეებში იყო განლაგებული და ისინი უზრუნველყოფდნენ ქვეყანაში მშვიდობიანობასა და არაბთა მორჩილებას.

თბილისის ანუ ქართლის ამირა იყო არაბთა მიერ დაპყრობილი აღმოსავლეთ საქართველოს მმართველი. იგი ამიერკავკასიის უზენაეს არაბ მოხელეს — არმენიის ვალის⁵⁴ ექვემდებარებოდა. თბილისის ამირათა დანიშვნა-გადაყენება არმენიის ვალის, ან უშუალოდ ხალიფას განკარგულებით ხდებოდა.

ამირა იყო უზენაესი სამოქალაქო და სამხედრო ხელისუფალი და მსაჯულიც. მის ხელქვეით იყვნენ გარნიზონების ციხისთავ-ამირები და საქალაქო მმართველობაში ჩაბმული მაჰმადიანი მოხელეები.

საპოლიციო სამსახურის უფროსს, საპიბ აშ-შურატს, რომელსაც შურტები (პოლიციელები) ჰყავდა, ევალებოდა ქალაქში საერთო წესრიგის დაცვა და ყარაულების გარიგება ამირას კარზე.

ქალაქის ერთ-ერთი მნიშვნელოვანი მოხელე იყო მუჰთასიბი. მის შესახებ ნიზამ ალ-მულქის „წიგნში მმართველობის შესახებ“ ნათქვამია, რომ იგი უნდა „ამოწმებდეს სასწორების სიზუსტეს და დადებულ ფასებს, თვალყურს ადევნებდეს ვაჭრობას, რომ ყველაფერი რიგზე იყოს... რომ არ ჰქონდეს ადგილი მოტყუებას... ხელმწიფემ და სახელმწიფო მოხელეებმა უნდა უზრუნველყონ ანგარიშის გაწევა მუჰთასიბისათვის, ეს სახელმწიფოს ერთ-ერთი კანონთაგანია“⁵⁵.

თბილისში, როგორც სატრანზიტო და ადგილობრივი ვაჭრობის მნიშვნელოვან ცენტრში, იყო საგანგებო მოხელე — მუშრიბი, რომელსაც შემოტანილ და გასატან საქონელზე ბაჟის აღება ეკისრა.

საამირო კარს მიმოწერა ჰქონდა არმენიის ვალისთან, ასევე ხალიფას მდივანმწიგნობართან. აქვე ხდებოდა საარაბო ხარკის აღრიცხვა, შემდეგ კი ანგარიშის გაგზავნა სახალიფოში. ამ საქმეს მოხელე ამიდი თაოსნობდა.

თბილისში მომრავლდა მაჰმადიანური მოსახლეობა; ესენი იყვნენ ამირას მოხელენი, სამხედრო გარნიზონის მსახურნი, მათი ოჯახის წევ-

⁵⁴ ვალი — ოლქის, მხარის მმართველი.

⁵⁵ С и а с е т Н а м э. Книга о правлении вазира XI столетия Низам аль-Мулька. Перевод, введение в изучение памятника, примечания проф. Б. И. Заходера. М. — Л., 1949, с. 47.

რები. მაჰმადიანური მოსახლეობის გაჩენას თბილისში მეჩეთების აგება მოჰყვა. მეჩეთებს თავისი კულტის მსახურნი ჰყავდათ. თბილისში მუსლიმანური მართლმსაჯულების მეთაური — ყადიცი იყო.

მაჰმადიანური მოსახლეობა ქალაქის ზედაფენას წარმოადგენდა, მას ამირას კარზე თავისი წარმომადგენელი, რაისი ჰყავდა⁵⁶. თბილისი როგორც გარეგნული სახით, ასევე ქალაქის მმართველობის სისტემით იმდროინდელი მახლობელი აღმოსავლეთის მუსლიმანურ ქალაქებს დამსგავსა.

თბილისის ბრძოლა დამოუკიდებლობისათვის

მაჰმადიანთა მფლობელობის ვითარებაში თბილისის ადგილობრივი მოსახლეობა ფხიზლად იცავდა თავის რელიგიას და ეროვნულ თვითმყოფობას. აქ ძნელად, მაგრამ მაინც იკრიბებოდნენ დამპყრობთა საწინააღმდეგო ძალები.

VIII საუკუნის 70-იან წლებში, არაბთა მფლობელობის უმძიმეს ვითარებაში, თბილისის ამირას კარზე მყოფი ქართლის ერისმთავარი ნერსე ებმება ანტიარაბულ მოძრაობაში, რომელიც ამ დროის მთელ ამიერკავკასიაში იწყება. იმ დროს, როდესაც სომხეთი აჯანყდა არაბთა წინააღმდეგ, კახეთის მთიანეთში, წინარეთში, გაჩაღდა ბრძოლა დამპყრობთა უღლისაგან გასათავისუფლებლად. ნერსე ერისმთავარმა ხალიფას გულისწყრომა დაიმსახურა.

772—773 წწ. ხალიფა მანსურმა ბაღდადში დაიბარა ნერსე და ანტიარაბული საქმიანობისათვის საპყრობილეში ჩასვა. სამი წლის შემდეგ ახალმა ხალიფამ მაჰდიმ (775—785 წწ.) ნერსე გაათავისუფლა და თავისსავე თანამდებობაზე დააბრუნა თბილისში. მაგრამ, ჩანს, ნერსე განაგრძობდა ანტიარაბულ საქმიანობას, რისთვისაც განრისხებულმა მაჰდიმ იგი კვლავ დაიბარა, მაგრამ ამჯერად ნერსემ გაცლა ამჯობინა. მას არაბთა მოწინააღმდეგე ძალებთან სურდა დაკავშირება და დიდი ამალით თურქ-ხაზართა ხაკანს ეწვია. ხაკანმა მართალია პატივით მიიღო, მაგრამ შეთანხმება ვერ მოხერხდა და ნერსე დასავლეთ საქართველოში გადავიდა.

VIII საუკუნის დასასრული და IX ს. დასაწყისი იყო ჰარუნ არ-რაშიდის და ალ-მამუნის ხალიფობის გარეგნულად ბრწყინვალე ხანა, როცა აბასიანთა სახალიფოს ძლიერების დასასრულიც იწყებოდა, ვითარდებოდა არაბთა იმპერიის დაშლის პროცესი. ამას მოჰყვა ცენტრალური ხელისუფლების მატერიალურ შესაძლებლობათა შემცირება, ცენტრს

⁵⁶ იხ. მ. ლორთქიფანიძე. ქალაქის მოხელეთა საკითხისათვის ფეოდალურ საქართველოში (არაბული სახელწოდების მოხელეები), მსკი, ნ. 30, 1954, გვ. 144—154; მისივე, თბილისის საამირო, საქართველოს ისტორიის ნარკვევები, ტ. II, გვ. 491—492.

ჩამოშორებულ პროვინციებში დამოუკიდებელი მმართველობა იქმნებოდა, ხალიფას ხარკს აღარ უგზავნიდნენ.

არაბთა წინააღმდეგ ბრძოლა ფართო მასშტაბით გაიშალა მთელ ამიერკავკასიაში. ქართველი ხალხის განმათავისუფლებელმა ბრძოლამ დიდ წარმატებას მიაღწია IX საუკუნის დასაწყისისათვის. არაბთა მფლობელობას გამოეყო კახეთი, შიდა ქართლი, სამხრეთ-დასავლეთი საქართველო, ჰერეთი. ამირას სამფლობელო საგრძნობლად შეიზღუდა. ქართლის საამირო თბილისის საამიროდ იქცა.

ამ დროისათვის თბილისის საამიროს საზღვარი ჩრდილოეთით დიღმის ხევამდე აღწევდა. დასავლეთით საამიროს თრიალეთი ესაზღვრებოდა, აღმოსავლეთით საზღვარი ძირითადად მტკვარს მიუყვებოდა (მტკვრის აღმოსავლეთ ნაპირზე საამიროს ეკუთვნოდა ისნის ველი, ავკალა, რუსთავი). სამხრეთით თბილისის ამირას ეკუთვნოდა ციხეები: ბირთვისი, ორბეთი, ფარცხისი, ღმანისი.

სახალიფოსაგან დამოუკიდებელი ქართული სამეფო-სამთავროების შექმნით საგრძნობლად შემცირდა საარაბო ხარკი. თბილისის საზღვრებში შემცირებულ საამიროში ერთმანეთს დაუპირისპირდა არაბი ამირას და ქართლის ერისმთავრის ინტერესები. იმ კონფლიქტის შედეგად, რომელიც ქართლის ერისმთავარ აშოტ ბაგრატიონსა და თბილისის ამირას შორის მოხდა, აშოტი იძულებული შეიქნა ქართლს გასცლოდა. ის ბაგრატიონთა მამულში, შავშეთ-კლარჯეთში დამკვიდრდა. IX ს. დასაწყისიდან თბილისის ამირათა კარზე ქართლის ერისმთავრის ხელისუფლება უკვე არ არსებობდა.

არაბთა მთელ სახალიფოში მიმდინარე პროცესების შესაბამისად თბილისის ამირებიც IX ს-ის დასაწყისიდან იწყებენ ბრძოლას სახალიფოს ცენტრალური ხელისუფლებისაგან დამოუკიდებლობის მოპოვებისათვის, ცდილობენ სამემკვიდროდ დაეუფლონ საამიროს.

IX საუკუნიდან ხალიფები ვეღარ ახერხებდნენ თავისი პროვინციული მოხელეების და პროვინციებში განლაგებული სამხედრო ნაწილების გასტუმრებას. პროვინციელმა მმართველებმა, თავის მხრივ, ქვეშევრდომებში აკრეფილი ხარკის მითვისება დაიწყეს. ამ ნიადაგზე აღმოცენდა კონფლიქტი თბილისის ამირებსა და სახალიფოს ცენტრალურ ხელისუფლებას შორის. აქ აკრეფილ ხარკს თბილისის ამირები აღარ გზავნიდნენ ბაღდადში და თავის მოხელეებსა და სამხედრო ნაწილებსაც თვითონ ისტუმრებდნენ.

IX საუკუნის დასაწყისში ხალიფას ეურჩებოდა თბილისის ამირა ისმაილ იბნ შუბაბი. ისმაილს ჯერ ხალიფა ალ-ამინი ებრძოდა, ხალიფამ მის წინააღმდეგ ბრძოლა არმენიის ვალის უსეიდ იბნ იაზიდს დაავალა, ისმაილი დამარცხდა და დროებით მორჩილება გამოაცხადა. იგი ამის შემდეგაც განაგრძობდა ურჩობას, სარგებლობდა რა სახალიფოში ატე-

ხილი ბრძოლით, მაგრამ კვლავაც დამარცხდა. ხალიფამ შეძლო მისი ამირობიდან გადაყენება.

ამ დროიდან მოყოლებული თბილისის ამირები ფაქტიურად სულ აჯანყებულნი იყვნენ და ამირებსა და ხალიფებს შორის გამუდმებული ბრძოლა მიმდინარეობდა. ბუნებრივია, რომ ამ ბრძოლებში ზარალდებოდა ქალაქი თბილისი.

829 წელს ცენტრალური ხელისუფლების ურჩ ამირა მუჰამად იბნ ათაბის წინააღმდეგ თბილისში ხალიფას დიდი დამსჯელი ექსპედიცია მოვიდა ხალიდ იბნ იაზიდის სარდლობით. ხალიდმა დაამარცხა მუჰამადი და ამირად ალი შუაბის ძე დანიშნა. როგორც ვხედავთ, ამირად ისევ შუაბიანთა სახლის წარმომადგენელი გახდა.

ალი შუაბის ძის შემდგომ ხალიფა ალ-მამუნმა თბილისის ამირად დანიშნა ისპაკ იბნ ისმაილ იბნ შუაბი, IX საუკუნის დასაწყისში ამირად მყოფი ისმაილ იბნ შუაბის შვილი. ეს ისპაკ იბნ ისმაილი ქართული წყაროებით კარგად ცნობილი საპაკ ამირაა. ჩანს, ისპაკი მუჰამადის დროსაც იბრძოდა თბილისში გასაამირებლად, მაგრამ უშედეგოდ. 830 წ. კი ალის შემდეგ ხალიფასაგან მიიღო ხელისუფლება⁵⁷.

ამირა საპაკი ცდილობდა დამოუკიდებლობა მოეპოვებინა სახალიფოს ცენტრალური ხელისუფლებისაგან. რაც მთავარია, ის არ გზავნიდა ხარკს ხალიფას ხაზინაში, ეს კი იწვევდა ხალიფას მხრივ საპასუხო მოქმედებას. თბილისში რამდენჯერმე მოვიდა ხალიფას დამსჯელი ექსპედიცია. ბრძოლა ცვალებადი უპირატესობით მიმდინარეობდა, თბილისი კი გამუდმებით ირბეოდა.

IX საუკუნის 50-იან წლებში აღმოსავლეთ ამიერკავკასიაში დიდი ბრძოლა მიმდინარეობდა არაბთა სახალიფოს წინააღმდეგ. ხალიფებს ებრძოდნენ არა მხოლოდ ადგილობრივი ხალხები, ქართველები, სომხები, ალბანელები და სხვა ქრისტიანი მეფე-მთავრები, არამედ აქაური არაბი მოხელეებიც. ხალიფა მუთავაქილმა (847—861 წწ.) ურჩთა დასასჯელად და დასამორჩილებლად ამიერკავკასიაში 852 წელს დიდი ლაშქარი გამოგზავნა ბრძოლებში სახელმძღვანელო მხედართმთავრის ბულა თურქის სარდლობით. მისი ლაშქრობის ერთ-ერთი მიზანი თბილისის ამირა საპაკის დამორჩილებაც იყო.

ბულა თურქმა ჩაახშო სომხეთის აჯანყება, დაიჭირა მათი მთავრები და ხალიფას გაუგზავნა, შემდეგ კი თბილისისაკენ გამოემართა და ამირა

⁵⁷ XI ს. არაბული წყაროს ცნობით ისპაკი თბილისის ამირად ჩანს 817 წ. (იხ. ე. ს. ი. ხარულიძე, XI ს. ანონიმის ცნობა თბილისის ამირა ისპაკ იბნ ისმაილის შესახებ, თსუ შრომები, სერია: აღმოსავლეთმცოდნეობა, 180, 1976, გვ. 139—143). თუ ეს ცნობა სარწმუნოა, შეიძლება ვივარაუდოთ, რომ ისპაკი იყო ამირად, გადააყენეს და 830 წელს მან ისევ მიიღო ეს თანამდებობა.

საპაკის მასთან გამოცხადება და ხარკი მოსთხოვა. საპაკმა ბუღას პირობა არ შეასრულა და ბრძოლისათვის მოემზადა.

ბულა თურქმა თავისი მრავალრიცხოვანი ლაშქარი თბილისისაკენ დაძრა: არაბებმა მტკვარი გადალახეს და მის მარცხენა ნაპირზე დაბანაკდნენ. 853 წლის 5 აგვისტოს თბილისის ასაღებად ორმხრივი იერიში დაიწყო. ერთი მხრიდან შეტევას ხელმძღვანელობდა სარდალი ზირაქი, ხოლო მეორე მხრიდან — აბულ აბასი.

იერიშით თბილისის აღება გაძნელდა. ბუღას ბრძანებით, თბილისის ცეცხლი წაუციდეს. საპაკ ამირა დამარცხდა და თავს გაქცევით უშველა, მაგრამ ქალაქის კარებთან შეიპყრეს და თავი მოჰკვეთეს. IX საუკუნის არაბი ისტორიკოსის ტაბარის ცნობით, თბილისში 50 000 კაცი დაიწვა⁵⁸, ბუღას მოლაშქრეები თავს დაესხნენ თბილისს, ცოცხლად დარჩენილები დაატყვევეს, დაღუპულნი გაძარცვეს⁵⁹.

საპაკის სიკვდილის დასჯით შეწყვიტა არსებობა თბილისის ამირების შუაბიანთა დინასტიამ. მაგრამ თბილისში არაბთა ხელისუფლების იმ სახით აღდგენა, როგორც ეს აბასიან ხალიფებს სურდათ, შეუძლებელი იყო.

ბულა თურქმა კავკასიაში ფართო საქმიანობა გააჩაღა. ხალიფას, ჩანს, შეეშინდა აქ მიაი გაძლიერებისა, მალე გაიწვია და თბილისის ამირად მუჰამად იბნ ხალიდ შაიბანიანი დანიშნა⁶⁰.

მუჰამადმა თავისი მოღვაწეობა ხალიფას ურჩობით დაიწყო. ახლა უკვე შაიბანიანთა სახლი ცდილობდა ამირობის სამემკვიდრეოდ შენარჩუნებას. 853—878 წლებში თბილისში ამ სახლის სამმა ამირამ შეცვალა ერთმანეთი. ხალიფები ამირების ცვლით ცდილობდნენ თბილისში თავისი ნომინალური ხელისუფლების შენარჩუნებას. თუმცა, ჩანს, იძულებული იყვნენ ანგარიში გაეწიათ შაიბანიანებისათვის და არჩევანი მათ შორის ეწარმოებინათ. 878 წელს თბილისში ამირად ხელმეორედ დანიშნა მუჰამად იბნ ხალიდი. შემდგომში თბილისის ამირობა დასჯილი საპაკის ახლობელმა, ვინმე გაბულოცმა ჩაიგდო ხელში. რა ვითარებაში მოხდა ეს, არ ვიცით. ქართველი ისტორიკოსი მოკლედ გვაუწყებს: „წარვიდა ხალიდის ძე⁶¹, და ამირად დადგა კაცი საპაკის მონათავანი, სახელით გაბულოც“. გაბულოცი გაძლიერდა, საამიროს საზღვრე-

⁵⁸ შესაძლებელია ეს ციფრი გადაქარბებულია, მაგრამ მაინც მაინიშნებს, რომ მსხვერპლი დიდი იყო.

⁵⁹ ი. ცქიტიელი, ძველი თბილისის ისტორიიდან, საქართველოს მეცნიერებათა აკადემიის საზ. მეცნ. განყ.-ის „მოამბე“, 1963, №5, გვ. 153.

⁶⁰ როგორც ჩანს, მუჰამადის ხელისუფლებას, გარკვეული დროის მანძილზე, მთელი აღმოსავლეთ ამიერკავკასია ემორჩილებოდა. ასეთი შემთხვევები ამ დროს სხვაც იყო. იხ. Тер-Гевондян А. Н. Армения и арабский Халифат, Ереван, 1977.

⁶¹ მუჰამად იბნ ხალიდი იფულისხმება.

ბი გააფართოვა, „მაგრამ გუარამ, ძემან აშოტ კურაპალატისამან, შეიპყრა გაბულოც და წარსცა საბერძნეთად. რამეთუ განდიდებულ იყო გაბულოც და დაემორჩილნეს გარდაბანელნი“⁶².

თბილისის საამიროს დასავლეთიდან გვარამ მამფლის (აშოტის ძის) სამფლობელო ესაზღვრებოდა (თრიალეთი) და აშოტ ბაგრატიონის ამ უმცროს ვაჟს არ აწყობდა ამირას გაძლიერება. ჩანს, მათ შორის საზღვრის გამო ინტერესთა შეჭახებას ჰქონდა ადგილი, გვარამმა სძლია გაბულოცს და განდევნა იგი. გვარამ-გაბულოცის კონფლიქტი 878—882 წლებს შუა მოხდა⁶³.

რა მოხდა თბილისში, უშუალოდ გაბულოცის განდევნის შემდეგ, არაა ცნობილი, მაგრამ იმავე IX საუკუნის 80-იანი წლებიდან თბილისში იქდა ამირა ჯათარი, რომელმაც დასაბამი მისცა თბილისის ამირების ჯათარიანთა დინასტიას. „ჯათარის სახლს“ 200 წლის განმავლობაში ეპყრა თბილისის ამირობა⁶⁴. თბილისის ამირობა მათ სამემკვიდრეოდ აქციეს, მაგრამ საამირო ამ დროს შევიწროებულ ფარგლებში მდებარეობდა. ამირა ძირითადად თბილისში და მის გარშემო მყოფ მიწა-წყალზე ბატონობდა.

ჯათარიანი ამირა ჯათარ ალის ძე პირველად იხსენიება X საუკუნის დასაწყისში აზერბაიჯანის ამირა აბულ კასიმის შემოსევის დროს. აბულ კასიმ აბუ საჯის ძემ მოაოხრა სომხეთი და საქართველოში შემოვიდა. „მოვიდა აბუ საჯის ძე ტფილისს, და მას ეამსა ამირად იყო ჯათარ ძე ალისა“⁶⁵. აზერბაიჯანის მმართველი ამირა ხალიფას ურჩ თბილისის ამირას თითქოს არ ებრძოდა. ის მოვიდა თბილისში, თბილისის ამირასთან, როგორც თავის მოკავშირესთან (ან მორჩილთან) და აქედან დაიწყო ბრძოლა საქართველოს სხვადასხვა კუთხეთა (კახეთის, ქართლის, მესხეთ-ჯავახეთის, სამხრეთ-დასავლეთ საქართველოს) დასამორჩილებლად.

ჯათარიანთა დიდხნოვანი მფლობელობის მანძილზე თბილისს არაბთა თავდასხმები არ განუტდია. ხალიფები იძულებული იყვნენ ეცნოთ თბილისში არსებული ვითარება. ამასთანავე, საინტერესოა, რომ იმ დიდ ბრძოლას, რომელიც აბასიანთა სახალიფოში მიმდინარეობდა, თბილისის საამიროშიც ჰქონდა გამოძახილი. ამ მხრივ აღსანიშნავია, რომ თბილისის ამირამ ალი იბნ-ჯათარმა 996 წელს მოჭრილ მონეტაზე მოათავსა ხალიფა ატ-ტაის სახელი, მიუხედავად იმისა, რომ ამ დროს ხალიფა ატ-ტაი (947—991) უკვე ხუთი წლის გადაგდებული იყო ტახტიდან. ალი იბნ-

⁶² ქართლის ცხოვრება, I, გვ. 257.

⁶³ გაბულოცი ამირად დაჯდა 878 წ. გვარამ მამფალი გარდაიცვალა 882 წ.

⁶⁴ თბილისის ამირებზე უფრო დაწვრილებით იხ. მ. ლორთქიფანიძე, თბილისის საამიროს ისტორიიდან, „მომოხილველი“, II, თბ., 1951, გვ. 196—200.

⁶⁵ ქართლის ცხოვრება, I, გვ. 263.

ჯაფარის მონეტა ამ მხრივ გამონაკლისს არ წარმოადგენდა. 991 წელს ტახტიდან ჩამოგდებული ხალიფა ატ-ტაის სახელი 999 წლამდე სახალიფოს აღმოსავლეთ ნაწილში ხუტბაში (ლოცვის დროს) იხსენიებოდა და ფულიც მისი სახელით იჭრებოდა. ჩანს, იბნ-ჯაფარი იმ პოლიტიკური დაჯგუფების წარმომადგენელი იყო, რომელიც ტახტიდან გადაგდებულ ხალიფას უჭერდა მხარს. მაგრამ შემდეგ, ეტყობა, ვითარება შეიცვალა და ჯაფარმა კანონიერი ხალიფას უზენაესობა აღიარა. მის მიერ 1013—1014 და 1027—1028 წლებში მოჭრილ მონეტებზე ხალიფა ალ-კადირის სახელია⁶⁶.

ჯაფარიანებმა, როგორც აღვნიშნეთ, ამირას ხელისუფლება IX საუკუნის 80-იანი წლებიდან ჩაიგდეს ხელთ. პირველი ამირა ჯაფარი, რომელმაც მისცა დასაბამი ამ დინასტიას, შეიძლება არის ის ჯაფარ ალის ძე, რომელიც მოხსენიებულია X ს. დასაწყისში აბულ კასიმის ლაშქრობის დროს.

პირველი ამირა ჯაფარიდან მოყოლებული ხელისუფლება მემკვიდრეობით გადადიოდა მამიდან შვილზე. ამ ჯაფარიან ამირათაგან ცნობილი არიან: ჯაფარ ალის ძე — ალბათ IX ს-ის 80-იანი წლებიდან, რომელიც ამირადაა X ს. დასაწყისშიც, X ს-ის შუა წლებში ამირადაა მანსურ ჯაფარის ძე, 70—80-იან წლებში — ჯაფარ მანსურის ძე, X ს-ის 90-იანი წლებიდან — ალი ჯაფარის ძე, XI ს-ის 30-იან წლებში ამირადაა ალი ჯაფარის ძე. ჯაფარიანთა ხელისუფლებამ თბილისში XI საუკუნის 80-იან წლებამდე იარსება.

ჯაფარიანი ამირები ფაქტიური დამოუკიდებლობით სარგებლობდნენ, რასაც მოწმობს მათ მიერ ამირობის მამიდან შვილზე მემკვიდრეობით გადაცემა. ხალიფებს უკვე აღარ შეეძლოთ საკუთარი სურვილით ეცვალოთ ამირები. ამასთანავე თბილისის ჯაფარიანი ამირები აღიარებდნენ ბაღდადის ხალიფების უზენაეს პოლიტიკურ და რელიგიურ ხელისუფლებას. X ს-ის 40-იანი წლებიდან ისინი უკვე ფორმალურადაც აღარ სცნობდნენ ბაღდადის ხალიფათა პოლიტიკურ უზენაესობას და მონეტებზე ხალიფების სახელებთან ერთად თავის სახელებსაც ათავსებდნენ⁶⁷.

საქართველოს გაერთიანების შემდეგ ჯაფარიან ამირათა სამფლობელოს ერთიანი საქართველოს მეფეებმა შეუტყეს და შეავიწროვეს.

⁶⁶ მ. ლორთქიფანიძე, თბილისის საამიროს ისტორიიდან, „მომოხილველი“, II, თბ., 1951, გვ. 197; Д ж а л а г а н и я И. Л., Иноземная монета в денежном обращении Грузии V—XIII вв., Тбилиси, 1979, с. 64—65.

⁶⁷ იხ. დ. კაკანაძე, ქართული ნუმიზმატიკა, თბ., 1950.



თბილისის სოციალურ-ეკონომიკური და კულტურული ცხოვრება

ეკონომიკური და სოციალური
მდგომარეობა

თბილისის განაშენიანება

IV საუკუნეში ციხე-ქალაქი თბილისი გამაგრებული პუნქტი იყო. ეს ციხე დღევანდელი თბილისის ციხის (ნარიყალას) ნანგრევების ადგილას იყო და კალა ეწოდებოდა.

ნიშანდობლივია, რომ ქალაქის ძველ უბანში, ციხიდან არცთუ ისე მოშორებით. მტკვრის ტერასაზე, სადაც შემდეგ ანჩისხატის და სიონის ტაძრები ააგეს (ერეკლე II მოედანი), V საუკუნიდან ქალაქური დასახლებისათვის დამახასიათებელი არქეოლოგიური მასალა აღმოჩნდა¹.

V საუკუნეში თბილისი ორი ნაწილისაგან შედგებოდა: ციხე და ქალაქური დასახლება. ამ დროს ქალაქის მოსახლეობა მტკვრის მხოლოდ მარჯვენა ნაპირზე იყო.

V ს-ის არქეოლოგიური მასალა² ადასტურებს ცნობას, რომ „ვახტანგ აშენებდა ქალაქსა ტფილისისასა და საფუძველი ოდენ დაედო“³.

ქალაქის სამოსახლო ანჩისხატ-სიონის სექტორში იყო, სადაც VI საუკუნის დასაწყისში, ქალაქის ცენტრში. აიგო თბილისის ერთ-ერთი უძველესი ეკლესია წმინდა მარიამის სახელობისა (ანჩისხატი), ხოლო VI საუკუნის მეორე ნახევარში დაიწყო და VII საუკუნის დასაწყისში დამთავრდა სიონის საეპისკოპოსო კათედრალის მშენებლობა.

თბილისის უძველესი მოსახლეობა გოგირდოვანი წყლების უბანში. მის შემოგარენში ბინადრობდა. ეს უბანი არ გულისხმობს უშუალოდ დღევანდელი გოგირდის აბანოების ტერიტორიას და უფრო უნდა იყოს

¹ ი. გ. ძელიშვილი, ო. ტყეშელაშვილი, თბილისის მატერიალური კულტურის ძეგლები, 1961, გვ. 28, 32; მათივე, ადრეფეოდალური ხანის მატერიალური კულტურის ახალი ძეგლები თბილისიდან, ისტორიის ინსტიტუტის შრომები, V, 1960, გვ. 175, 180.

² იხ. ი. გ. ძელიშვილი, ო. ტყეშელაშვილი, დასახ. ნაშრომი.

³ ქართლის ცხოვრება, I, გვ. 200.

სიონ-ანჩისხატის (ერეკლე II მოედანი), დღევანდელი ბოტანიკური ბა-
ლისა და, საერთოდ, თბილი წყლების ირგვლივ არსებული უბნები⁴.

ქალაქის ზღუდის მშენებლობა, როგორც აღნიშნული იყო, ვახტან-
გის ანდერძისამებრ დაჩიმ დაამთავრა და დედაქალაქი თბილისში გადმო-
იტანა.

დედაქალაქის თბილისში გადმოტანას მოჰყვა მოსახლეობის მატება.
გადმოვიდა ხელმწიფის კარი თავისი მრავალრიცხოვანი მოხელეებით.
გაიზარდა მოთხოვნილება ფუფუნებისა და პირველი მოთხოვნილების
საქონელზე, სახელოსნო ნაწარმზე, სოფლის მეურნეობის პროდუქ-
ტებზე. ყოველივე ამან განაპირობა დიდკაცთა სასახლეების, რიგით მო-
ქალაქეთა საცხოვრებელი სახლების, სავაჭრო და სახელოსნო დუქნების,
ქარვასლებისა და სასტუმროების დიდი მშენებლობა. ამენდა ეკლესიები.

ქართლში მეფობის გაუქმებამ დროებით შეაფერხა თბილისის ზრდა.
კიდევ უფრო გაიზარდა ქალაქი მას შემდეგ, რაც თბილისი გამარჯვებუ-
ლი ფეოდალური კლასის მეთაურის, ქართლის ერისმთავრის რეზიდენ-
ცია გახდა: „მცხეთაჲ ათხელდებოდა და თბილისი ეშენებოდა, არმაზნი
შემკირდებოდეს და კალაჲ განდიდნებოდა“⁵.

ქართლის ერისმთავარმა „გუარამ კურაპალატმან იწყო ციხეთა და
ქალაქთა მაგრებაო“⁶, წერს მემატიანე. უნდა ვივარაუდოთ, რომ გუარამი
პირველ რიგში დედაქალაქს გაამაგრებდა და გაამშენებდა. მანვე „გა-
ნახლა საფუძველი ტფილისისა სიონისა“⁷. წყაროები შედარებით მე-
ტად მოგვითხრობენ პირველი ერისმთავრების დროს თბილისში წარმო-
ებულ სამშენებლო საქმიანობაზე.

თბილისის ზრდა-განვითარება გაგრძელდა თურქ-ხაზართაგან თბი-
ლისის დარბევამდე და შემდეგაც, არაბთა მფლობელობის დამყარებამდე.

არაბებს კი, ისე როგორც ყველა დამპყრობს, თბილისის მხოლოდ
გამაგრება აინტერესებდათ და ამ მხრივ მნიშვნელოვან საქმიანობასაც
ეწეოდნენ.

627 წელს, როდესაც ჰერაკლე კეისარი თბილისს მოადგა, თბილისი
შედგებოდა ისევ საკუთრივ ქალაქისა და ციხისაგან, რომელსაც კალა
ეწოდებოდა. ციხეს ამ დროს თავისი ზღუდე ჰქონდა და ქალაქს თავისი⁸.

⁴ ლ. კილაშვილი ეკვის ქვეშ აყენებს ქართულ ისტორიოგრაფიაში დამკვიდრებულ თვალსაზრისს ქალაქ თბილისის თავდაპირველი მოსახლეობის აბანოების უბანში გაჩენის შესახებ (ლ. კილაშვილი, ქალაქები ფეოდალურ საქართველოში, II, თბ., 1970, გვ. 58). ჩვენი მოსაზრებით, „აბანოების უბანი“ არ უნდა გულისხმობდეს ზუსტად და საკუთრივ მხოლოდ დღევანდელი გოგირდის აბანოების ტერიტორიას.

⁵ ძვ. ქართული აგიოგრაფ. ლიტ. ძეგლები, I, გვ. 95; ქართლის ცხოვრება, I, გვ. 223.

⁶ ქართლის ცხოვრება, I, გვ. 220.

⁷ იქვე, გვ. 222.

⁸ იქვე, გვ. 224; ქართული წყაროთმცოდნეობა, I, გვ. 64—78.

ციხის სამხრეთ-აღმოსავლეთი კედელი წაგვისის წყლის პარალელურად მიემართებოდა ციხისაკენ, ხოლო ციხის მეორე კედელი, პირველის პარალელურად, მტკვარზე ჩადიოდა ხიდთან. ამ დროისათვის დღევანდელი ანჩისხატ-სიონის უბანი ქალაქის ცენტრში იყო, ასე რომ მოსახლეობა დაახლოებით დღევანდელ „ბარათაშვილის სახელობის ქუჩამდე და ხიდამდე სწვდებოდა“⁹.

გავრცელებული მოსაზრების მიხედვით, მტკვრის მარცხენა ნაპირი, ე.წ. სოლდებილი, VI—VII საუკუნეებში ქალაქში შემოდინდა და თბილისის მესამე ნაწილი იყო (კალა, საკუთრივ თბილისი, სოლდებილი)¹⁰.

IX საუკუნის არაბი ისტორიკოსების ცნობით, სოლდებილი თბილისის გამაგრების მიზნით VI საუკუნეში ააგო ხოსრო ანუშირვანმა¹¹.

არაა გამორიცხული შესაძლებლობა, რომ ირანელებს ქართლში დამკვიდრების შემდეგ, VI საუკუნეში, თბილისის ციხის — კალას საპირისპიროდ. რომელიც ქართველი მოსახლეობის ცენტრში იყო, მტკვრის მარცხენა ნაპირზე თავისი საკუთარი ციხე აეგოთ. მაგრამ „სოლდებილი“ (შემდეგდროინდელი ისან-ავლაბარი) VI—VII საუკუნეებში თბილისის ნაწილი ჯერ კიდევ არ იყო¹². ამას უნდა ადასტურებდეს VIII საუკუნის ქართველი მწერლის იოანე საბანისძის ცნობა: როდესაც აბო თბილელი სიკვდილით დასაჯეს, „გამოიღეს წმიდაჲ იგი გუამი წმიდისა მის გარეშე ქალაქსა და აღიღეს ადგილსა, რომელსა საგოდებელ ეწოდების“¹³. როგორც ვხედავთ, VIII საუკუნის მეორე ნახევარში მწერლის „საგოდებელი“ (იგივე „სოლდებილი“) „გარეშე ქალაქსა“ ჩანს.

აღსანიშნავია ისიც, რომ 627—628 წლების საომარი ოპერაციების დროს ბიზანტიელ-ხაზართა გაერთიანებულ ლაშქარს თბილისში მყოფი ქართველები და ირანელები საკუთრივ თბილისში (ქალაქში) და კალაში (ციხეში) ებრძოდნენ და თბილისის მესამე უბანი; გამაგრებული ან გაუმაგრებელი, ამ ბრძოლის დროს არ ჩანს.

VIII საუკუნეში ეს უბანი ქალაქის ფარგლებში არ შემოდინდა და თბილისი საკუთრივ ქალაქისა და ციხისაგან შედგებოდა, სოლდებილ-საგოდებელი კი ქალაქის გარეუბანი იყო.

VIII საუკუნის 80-იან წლებში თბილისის ამირას სასახლე მტკვრის

⁹ შ. მ. ე. ს. ხ. ი. ა და სხვ., დასახ. ნაშრომი, გვ. 29.

¹⁰ იქვე, გვ. 31. ამ მოსაზრებას ემხრობა ლ. კილაშვილიც (იხ. მისი დასახ. ნაშრომი, გვ. 59—60).

¹¹ ო. ცქიტიშვილის ეს ცნობა არ მოიხნია სარწმუნოდ (იხ. მისი დასახ. ნაშრომი, გვ. 157—159).

¹² ო. ცქიტიშვილი, დასახ. ნაშრომი, გვ. 157—159.

¹³ ძვ. ქართული აგიოგრა. ლიტ. ძეგლები, I, გვ. 73.

მარჯვენა ნაპირზე იდგა, გოგირდის აბანოებიდან ბოტანიკური ბაღისაკენ ასასვლელ გზაზე¹⁴. მტკვრის მარცხენა ნაწილი, ე. წ. საგოდებელი, არაბთა მფლობელობის დროს უნდა შემოსულიყო ქალაქის შემადგენლობაში, როგორც მისი უბანი¹⁵.

IX საუკუნის 50-იან წლებში (853 წ.), როდესაც ხალიფას სარდალი ბულა თურქი თბილისს მოადგა, თბილისის ამირა საჰაკმა სოლდებილი გაამაგრა და შიგ სამხედრო გარნიზონი ჩააყენა.

თბილისის ამირას რეზიდენციის გადანაცვლება მტკვრის მარჯვენა ნაპირიდან მარცხენაზე VIII საუკუნის 80-იანი წლებიდან IX საუკუნის 40—50-იან წლებამდე უნდა მომხდარიყო. ეს ალბათ აქ შექმნილმა ვითარებამ განაპირობა. როგორც აღნიშნულია, IX საუკუნიდან იწყება ქართლის არაბი ამირების ბრძოლა დამოუკიდებლობისათვის სახალიფოს ცენტრალური ხელისუფლების წინააღმდეგ. ჩვენ არ მოგვეპოვება ცნობები თბილისის ქრისტიანული, ქართველი მოსახლეობის პოზიციის შესახებ ხალიფასა და ამირას შორის წარმოებულ ბრძოლაში. მაჰმადიანი ამირა, რომელიც ხალიფას ცენტრალური ხელისუფლებისაგან დამოუკიდებლობის მოპოვებას ცდილობდა, თბილისის ქართველ მოსახლეობას ალბათ ვერ გაიხდიდა თავის დასაყრდენად.

როგორც XI საუკუნის მოვლენებიდან ჩანს, ერთიანი საქართველოს მეფეების, კერძოდ, ბაგრატ IV-ის თბილისისათვის ბრძოლის დროს, საქართველოს მეფეს მტკვრის მარცხენა ნაპირი, ისანი (სოლდებილი) უწევდა წინააღმდეგობას. იქ დამკვიდრებული და გაამაგრებული იყო მაჰმადიანური არისტოკრატია, ის იყო მისი სიმაგრე. შეიძლება ვივარაუდოთ, რომ ამირთა მიერ სახალიფოსაგან დამოუკიდებლობის მოპოვების ტენდენციამ განსაზღვრა ამირას და, შესაბამისად, თბილისის მაჰმადიანური არისტოკრატის თანდათან მტკვრის მარცხენა ნაპირზე გადასვლა და ძირძველი ქართველი მოსახლეობისაგან დაშორებით დასახლება. ქართველი მოსახლეობისაგან იზოლირების მიზნით, ამირამ და თბილისის მაჰმადიანურმა არისტოკრატამ (ამირას კარის მოხელენი, სამხედრო მოსამსახურეთა ოჯახის წევრები, მაჰმადიანური კულტის მსახურნი...) ქალაქის გარეუბანში, მტკვრის მარცხენა ნაპირზე დაიღო ბინა. როდესაც ხალიფას წინააღმდეგ საბრძოლველად ემზადებოდა, ამირა საჰაკმა სოლდებილი საგანგებოდ გაამაგრა, მას თხრილი შემოაელო და შიგ გარნიზონი ჩააყენა.

იყო თუ არა ამ დროს სოლდებილში ციხესიმაგრე? იოანე საბანისძე წერს, რომ აბოს გვამი გაიტანეს „გარეშე ქალაქსა“ და დაწვეს „ად-

¹⁴ ქ. კეკელიძე, ადრეფეოდალური ხანის ქართული ლიტერატურა, თბ., 1935, გვ. 29.

¹⁵ Бадриашвили Н. И. Тифлис, 1934, с. 27.

გილსა მას, რომელ არს აღმოსავლით ციხესა მას ქალაქისასა, რომელსა ჰქვებან სადილეგო¹⁶. შესაძლებელია აქ იყო ძველი ციხე, რომელსაც საპყრობილედ (სადილეგოდ) იყენებდნენ. აღსანიშნავია ისიც, რომ XI ს-ში, როდესაც ბაგრატ IV თბილისისათვის იბრძოდა, „საამირო დარბაზი“ მტკვრის მარჯვენა ნაპირზეც იყო.

XI საუკუნეში ბაგრატ IV-ის თბილისისათვის ბრძოლისას აქ ისინი ციხის არსებობა უდავოა. როდის უნდა აეგოთ აქ ციხესიმაგრე?

მართალია, VII საუკუნეში ბიზანტიელთა და თურქ-ხაზართა ბრძოლის დროს ირანელები და ქართლის ერისმთავრის ლაშქარი კალას ციხეში იყო გამაგრებული, მაგრამ ეს არ გამოირიცხავს მტკვრის მარცხენა სანაპიროზე ძველი ციხის არსებობას. ამ დროს თბილისი მტკვრის მხოლოდ მარჯვენა ნაპირზე იყო მოთავსებული და მისი ციხე კალა გახლდათ. სოლდებილი ქალაქგარეთ დარჩა და შეიძლება დანგრეულიც იყო. VIII საუკუნის 80-იან წლებშიც თბილისის ამირას სასახლე მტკვრის მარჯვენა ნაპირზე ჩანს, მდინარის დასავლეთით, ხოლო IX ს. 50-იან წლებში. საშიშროების დროს, თბილისის ამირას ოჯახი (ცოლი) მტკვრის აღმოსავლეთით. მის მარცხენა ნაპირზე ჰყავდა.

ბუნა თურქის შემოსევის დროს ამირამ ოჯახი სოლდებილში დატოვა და საეკვა, რომ იქ ციხესიმაგრე არ ყოფილიყო. ალბათ ეს მიაჩნდა იმ დროს ამირას ყველაზე სანდო და უკეთ გამაგრებულ ადგილად. აქ იყო მისი მთავარი საყრდენი ძალა. ამ ნაგებობის გამაგრებას უნდა გულისხმობდნენ არაბი ავტორები, როდესაც საჰაკ ამირას აქ საქმიანობაზე და სოლდებილისათვის თხრილის შემოვლებაზე მოგვითხრობენ. ნიშანდობლივია. რომ მომდევნო ხანებში თბილისისათვის ბრძოლა ისინი ციხისათვის ბრძოლასაც გულისხმობდა და ისინი გარეშე თბილისი საბოლოოდ აღებულად არ ითვლებოდა.

ამრიგად, IX საუკუნეში თბილისი უკვე სამი ნაწილისაგან შემდგარი ქალაქი იყო. ქალაქის ორ ძველ უბანს. საკუთრივ თბილისს და ციხე კალას, მიემატა, ქალაქის შემადგენლობაში შევიდა ყოფილი გარეუბანი საგოდებელი.

VIII—IX საუკუნეში თბილისი თანდათან გაიზარდა, გაშენდა და დიდ ქალაქად იქცა. X ს-ის არაბი გეოგრაფი ისთაჰრი წერდა: „ტფილისი დარუბანდზე ნაყლებია და ორი კედელი აქვს თიხისა. სიმდიდრით სავსე ადგილია, მრავალ ხილიან-ნათესებიათ. მრავალი საქონელი და თაფლი მტკვრით მიაქვთ იქიდან. აქვს თბილი წყლები მსგავსად ტიბერიისა, უცეცხლოდ ცხელი. მთელ არანში ბარდავზე, დარუბანდსა და ტფილისზე უფრო დიდი ქალაქი არ არსებობს“. იმავე X საუკუნის არაბი ისტორიკოსი იბნ ჰაუკალი, რომელიც 942—943 წლებში თბილისში იყო,

¹⁶ ძვ. ქართული აგიოგრ. ლიტ. ძეგლები. I, გვ. 73.

მას ამიერკავკასიის მეორე ქალაქად თელის და აღნიშნავს, რომ „სიდიდით ის მხოლოდ ბაბ ულ-აბვაბს (დარუბანდს) ჩამოუყარდება“¹⁷.

X ს. პირველი ნახევრის არაბი ისტორიკოსის ტაბარის ცნობით (გარდ. 935 წ.), თბილისს ხუთი კარი აქვს: მაიღნის კარი, კარის კარი, მცირე კარი, სოლდებილის კარი, რაბადის კარი¹⁸. ყველა კარი საკუთრივ თბილისისაა. ერთი კარით ქალაქი თავის ნაწილს, სოლდებილს, უკავშირდება, მეორეთი თავის რაბადს; „კარის კარი“ ქალაქ კარისაკენ მიმავალ გზაზეა და სხვა¹⁹. ამავე დროს იგივე ტაბარი, მის მიერ ჩამოთვლილ საკუთრივ თბილისის კართავან განსხვავებით, ცალკე ასახელებს სოლდებილის ერთ-ერთ კარს, სახელდობრ, „ჰისაქის კარს“, სადაც შეიპყრეს ამირა საჰაკი: შეიძლება ვიფიქროთ, რომ ეს საკუთრივ სოლდებილის კარია, რომელსაც ტაბარი თბილისის კართა შორის არ ასახელებს.

ამგვარად, თუ დავუშვებთ, რომ დასახელებული ხუთივე კარი ქალაქისაა, მაშინ შეიძლება ვივარაუდოთ, რომ ქალაქს ამ დროს (IX საუკუნეში) თავისი „რაბადი“ ჰქონია²⁰.

ვახტანგ გორგასალის დროს თბილისისათვის შემოვლებული ზღუდე ქვისაგან იყო ნაგები. ამის საფუძველს იძლევა ვახტანგისავე დროს აშენებული უჯარმის ციხე. ციხის კედელი რომ თავიდანვე ქვით იყო ნაშენი, ეს ეჭვს არ ბადებს, საკითხი საკუთრივ ქალაქის კედელს ეხება. ბრძოლის დროს ბიზანტიელებს „თან ჰქონდათ ოთხთვლიანი მანქანები და სხვა ნაირ-ნაირი საშუალებანი, გაკეთებული რომაელ ოსტატთა ხელით, რომლებიდანაც ზუსტად ისროდნენ უზარმაზარ ქვებსა და კედლებს ანგრევდნენ“²¹. მოტანილ აღწერილობაში ქალაქის კედლებზეა ლაპარაკი²².

თბილისის ზღუდე და კარები ხშირად ინგეროდა გარეშე ძალთა შემოსევებისაგან. ინგეროდნენ როგორც ქვის, ისე ხის თუ ალიზის ედლები.

¹⁷ ის თ ა კ რ ი ჰოლდუ აღ-ალემი, ჰამდალაჰ ყაზვინი, ქართული თარგმანი შენიშენებითა და სამიებლითურთ ე. ფ უ თ უ რ ი ძ ი ს ა, თბ., 1937, გვ. 4, 15; ე. ს ი ხ ა რ უ - ლ ი ძ ე, იზნ ჰაუკალი თბილისის შესახებ, საქართველოს ისტორიის აღმოსავლური მასალები, წ. 1, 1976, გვ. 35.

¹⁸ ო. ც ქ ი ტ ი შ ვ ი ლ ი, დასახ. ნაშრომი, გვ. 152.

¹⁹ შ. მ ე ს ხ ი ა და სხვ., დასახ. ნაშრომი, 1958, 1, გვ. 34.

²⁰ ო. ც ქ ი ტ ი შ ვ ი ლ ი, დასახ. ნაშრომი, გვ. 157.

²¹ მოსე კალანკატუელის ცნობები, იხ. ლ. დ ა ვ ლ ი ა ნ ი ძ ე, დასახ. ნაშრომი, გვ. 68.

²² გარკვეულ საცდურს ქმნის თომა არწრუნისა და ტაბარის აღწერილობა და საგანგებო მითთება, რომ ქალაქი ხისაგან, საკუთრივ ფიჭვისაგანაა ნაგები. მაგრამ, ჩანს, მართებული უნდა იყოს მოსაზრება, რომ ხისგან საცხოვრებელი სახლები და სხვა შენობები იქნებოდა ნაგები. ასევე არაა გამორიცხული, რომ 628 წლის ბრძოლებში, როდესაც ქალაქის კედლები დაინგრა, შემდეგ ქალაქს ხის კედელი შემოაგლეს, რამაც გააადვილა თბილისისათვის ცეცხლის წაყიდება (ივ. ჯ ა ე ა ხ ი შ ვ ი ლ ი, მასალები ქართველი ხალხის მატერიალური კულტურის ისტორიისათვის, 1, 1946, გვ. 40).

ამგვარად, X საუკუნის ბოლოს თბილისი დიდი ქალაქი ყოფილა, ის სამი მთავარი ნაწილისაგან შედგებოდა და კარგად იყო დაცული კედლებითა და ქალაქის კარებით. გარეგნული სახით IX—X სს. თბილისი ტიპური სამნაწილიანი აღმოსავლური ქალაქი იყო.

ეკონომიკური მდგომარეობა

V—X საუკუნეებში თბილისში ინტენსიური სამეურნეო ცხოვრება მიმდინარეობდა, სიონ-ანჩისხატის უბანში მჭიდრო მოსახლეობა იყო. აქ იყო ხელოსნობის მნიშვნელოვანი კერა, სადაც ამზადდებდნენ მრავალნაირ თიხის ნაწარმს: საოჯახო ჭურჭელს—ჯამებს, ქვევრებს, ჩაიდნებს, კრატებს. თიხის ჭურჭელი შეგხვდებოდათ როგორც მოუჭიქავი, ისე მოჭიქული, თეთრი, რუხი, წითელი კეცის, წითელი და შავი საღებავით მრავალფეროვნად მოხატული და გაფორმებული. VII საუკუნით დათარიღებულ სქელკედლიანი პირფართო თიხის ჭურჭლის ზედაპირზე ოთხკუთხა ჩარჩოში ჩასმული ფრთებგაშლილი არწივია გამოსახული. ამავე უბანშია ნაპოვნი სხვადასხვა ფორმისა და დანიშნულების მინის ჭურჭელი, რომელსაც VII—VIII და IX—X საუკუნეებით ათარიღებენ. ნაპოვნია ლითონის (რკინის, ბრინჯაოს) ნივთებიც: საყურეები, ბეჭდები, აბზინდები. ხმარებაში ყოფილა ძვლისაგან ნაკეთები საოჯახო ნივთებიც, აგრეთვე კარგად განვითარებული კერამიკული წარმოების პროდუქცია, დამუშავებული ტყავი თუ საფეიქრო ნაწარმი²³.

აღნიშნული ხელოსნური ნაწარმი პირველ რიგში ქალაქის მოსახლეობის მოხმარებისათვის იყო განკუთვნილი, მაგრამ ქალაქგარეთაც გაჰქონდათ, თბილისი აქტიურად იყო ჩაბმული საერთაშორისო ვაჭრობაში.

VI—X საუკუნეებში თბილისში თითქმის უწყვეტლივ მოქმედებდა ზარაფხანა. VI საუკუნის ბოლოსა და VII საუკუნის დასაწყისში აქ ქართლის ერისმთავრები ჭრიდნენ საკუთარ მონეტებს, ხოლო VIII საუკუნის დასაწყისიდან — დამპყრობელი არაბები. მიმოქცევაში იყო უცხოური მონეტაც. აქ თანდათან მრავლდებოდა სასანური მონეტები: პეროზის (459—484 წწ.), კავადის (488—531 წწ.) დრახმები. თბილისში მრავლადაა მოპოვებული VI საუკუნის სასანური და VII საუკუნის ბიზანტიური მონეტები.

თბილისის მონაწილეობა საერთაშორისო ვაჭრობაში განსაკუთრებით გააქტიურდა არაბთა მფლობელობის დამყარების შემდეგ. არაბთა სახალიფო სავაჭრო იმპერიას წარმოადგენდა, რომლის ხელში იყო მთელი აღმოსავლეთის ვაჭრობა. სახალიფოს ვაჭრებს მჭიდრო ურთიერთობა ჰქონდათ დასავლურ სამყაროსთან და იმდროინდელი მსოფლიო მას-

²³ ი. ტყეშელაშვილი, ი. გძელიშვილი, დასახ. ნაშრომი, გვ. 44—55.

შტაბით წარმართავდნენ სავაჭრო ოპერაციებს. თბილისი აღმოსავლეთიდან დასავლეთისაკენ და სამხრეთიდან ჩრდილოეთისაკენ მიმავალ მსოფლიო სავაჭრო გზაზე მდებარეობდა. იგი უმთავრესად სატრანზიტო ვაჭრობის ცენტრი იყო, მაგრამ, ამასთანავე, აქ ახლომახლო სოფლებიდან შემოქპონდათ სოფლის მეურნეობის პროდუქტები, რაც იაფად იყიდებოდა. ვაჭრობის საგანს შეადგენდა თბილისელ ხელოსანთა ნახელავიც.

სახალიფოში გატარებულ სამონეტო რეფორმასთანაა დაკავშირებული თბილისში მოჭრილი პირველი არაბული მონეტა 704 წლისა. იმდროინდელ თბილისში არაბული ზარაფხანის არსებობა თავისთავად მნიშვნელოვანი ფაქტია. არაბული მონეტა განუწყვეტლივ იჭრებოდა, რაც სავაჭრო-ეკონომიკური კავშირების გაცხოველების დამახასიათებელია. ამასთანავე, გასათვალისწინებელია ისიც, რომ 704 წლიდან 825 წლამდე თბილისში მოჭრილი მონეტა აღარ ჩანს, ხოლო 825 წლიდან, არაბთა ხელისუფლების განმტკიცების კვალდაკვალ, არაბული მონეტების რაოდენობა თანდათან მატულობს²⁴.

თბილისში მონეტების მოჭრა, ნაპოვნ უცხოურ მონეტათა სიმრავლე, ამკარას ხდის ქალაქის აქტიურ მონაწილეობას იმ საერთაშორისო ვაჭრობაში. რომელიც ამ საუკუნეებში არაბთა სახალიფოს მეშვეობით ხორციელდებოდა. ნიშანდობლივია, რომ თბილისში X საუკუნის ბიზანტიური მონეტებიც არის ნაპოვნი²⁵, რაც ბიზანტიასთან სავაჭრო ურთიერთობის არსებობასთან ერთად თბილისის არაბთა უმეშვეო ბატონობის ორბიტიდან თანდათან გამოსვლის მანიშნებელიცაა.

თბილისს მჭიდრო სამეურნეო ურთიერთობა ჰქონდა აღმოსავლეთ საქართველოს მოსახლეობასთან, რომელსაც აქ თავისი სოფლის მეურნეობის ნაწარმი ჩამოქპონდა და ქალაქში ადგილობრივი ხელოსნური ნაწარმით თუ შემოტანილი საქონლით მარაგდებოდა.

თბილისი გზებით იყო დაკავშირებული საქართველოს ყველა კუთხესთან, აგრეთვე ჩრდილო კავკასიასთან, ბიზანტიასთან, სომხეთთან, სახალიფოსთან. თბილელი ვაჭრები უკავშირდებოდნენ ამიერკავკასიის ქალაქებს — ანისს, დარუბანდს, დვინს, განსაკუთრებით კი ბარდავს. რომელიც ამიერკავკასიაში არაბთა უზენაესი მოხელის რეზიდენციას წარმოადგენდა.

არაბთა მფლობელობის დროს ამიერკავკასიაში რამდენიმე მნიშვნელოვანი გზა არსებობდა: მარალა-დვინი, დვინი-ბარდავი, ბარდავი-არდებილი, ბარდავი-დარუბანდი, ბარდავი-თბილისი, არდებილი-ამიდი და

²⁴ Д ж а л а г а н и я И. Л., Иноземная монета в денежном обращении Грузии V—XIII вв., с. 57.

²⁵ თ. ა ბ რ ა მ ი შ ვ ი ლ ი, საქართველოს სახელმწიფო მუზეუმის ბიზანტიური მონეტები, თბ., 1965, გვ. 129, 130, 132.

სხვა²⁶. ბარდავიდან გამოსული საქარავეანო გზა გაივლიდა განჯას, ხუნანს, გარდაბანს და მიადგებოდა თბილისს. ამ გზის მეშვეობით, მისი სხვადასხვა მონაკვეთებით, თბილისი მთელ იმ სამყაროსთან იყო დაკავშირებული, რომელთანაც ურთიერთობა ჰქონდა სახალიფოს.

თბილისში მოჭრილი არაბული მონეტები რუსეთის ჩრდილო პროვინციებში, აღმოსავლეთ ევროპაშიც არის აღმოჩენილი, რაც ამ ქალაქის ფართო სავაჭრო კავშირებს მოწმობს.

იმდროინდელი მუსლიმანური სამყაროს ცხოვრებაში თბილისის მნიშვნელობაზე აშკარად მეტყველებს მისი დატანა X საუკუნის არაბულ გეოგრაფიულ რუკაზე და გეოგრაფ-ისტორიკოსთა შრომებში საგანგებოდ მითითება იმ გზებზე, რომლითაც თბილისი უკავშირდებოდა შამქორს, განჯას, ბარდავს, სომხეთის ქალაქებს²⁷.

მიუხედავად იმისა, რომ VII—X საუკუნეებში თბილისი პოლიტიკურად მოწყვეტილი იყო ქართულ ეროვნულ ორგანიზმს, სამეურნეო ცხოვრებით ის მკვიდროდ იყო დაკავშირებული აღმოსავლეთ საქართველოს ეკონომიკასთან და იმ საერთო ეკონომიკური აღმავლობის ცხოველმყოფელ გავლენას განიცდიდა, რაც მაშინდელი ქართული სამყაროსთვისაა დამახასიათებელი.

V—X საუკუნეების თბილისი ეკონომიკურად ძლიერი და მდიდარი ქალაქი იყო. მოსე კალანკატუელის ცნობით, VII საუკუნის თბილისი „ნებიერი, სავაჭრო და სახელოვანი დიდი ქალაქია, საიდანაც ხაზარებმა განძეულობით დატვირთული სკივრები, მარგალიტებით მოოქვილი საცლესიო სამკაულები და ქურკელი, ოქროს და ვერცხლის ფული, ოქროთი მოვარაყებული ვერცხლის ჭიქები და სასმისები და მრავალი სხვა ძვირფასი ნივთი გაზიდეს“²⁸. X საუკუნის სომეხი ისტორიკოსი უხთანესი თბილისს „სახელოვან და გამოჩენილ დედაქალაქს“²⁹ უწოდებს.

IX—X საუკუნეების არაბი ისტორიკოსებისა და გეოგრაფების შრომებში დაცული ცნობების მიხედვით, თბილისი კეთილმოწყობილი ქალაქია; მტკვარზე წისკილებია გამართული ხორბლეულის დასაფქვევად, ქალაქში მრავლადაა ბუნებრივი ცხელი წყლის აბანოები. არაბი ავტორე-

²⁶ იხ. ლ. კილაშვილი, რუსთავი, თბ., 1958, გვ. 184—193; ე. სიხარულიძე. ამიერკავკასიის სამარშრუტო გზები IX—X სს-ში. — კრებ. მახლობელი აღმოსავლეთის ისტორიის საკითხები, თბ., 1963, გვ. 177—187.

²⁷ გ. ჯაფარიძე, X ს. ამიერკავკასიის არაბული რუკა. „მეცნიერება და ტექნიკა“, 1976, №5.

²⁸ მოსე კალანკატუელის ცნობები (იხ. ლ. დავლიანიძე, დასახ. ნაშრომი, გვ. 67. 78, 83).

²⁹ უხთანესი, ისტორია გამოყოფისა ქართველთა სომეხთაგან. სომეხური ტექსტი ქართული თარგმანითა და გამოკვლევით გამოსცა ზ. ალექსიძემ, თბ., 1975, გვ. 67.

ბი საგანგებოდ აღნიშნავენ ქალაქში სოფლის მეურნეობის პროდუქტების, ხორბლის, თაფლისა და სხვათა სრუხვეს და სიიაფეს, ლაპარაკობენ ქალაქის მოსახლეობის სტუმართმოყვარეობაზე.

თბილისში იყო ბაღები, ბოსტნები, მას გარს ერტყა მდიდარი სასოფლო-სამეურნეო რაიონი. უშუალოდ ქალაქის შემოგარენშიაც იყო აგარები — მდიდარ მოქალაქეთა საკუთრებაში მყოფი სახნავ-სათესი, საბაღოსტენი მიწები. ქალაქთა შემოგარენში ბაღების და ბოსტნების არსებობა საერთოდ დამახასიათებელი იყო შუა საუკუნეების საქალაქო ცხოვრებისათვის.

თბილისის მოსახლეობის სოციალური შემადგენლობა

V—X საუკუნეების თბილისის მოსახლეობის მნიშვნელოვან ნაწილს ხელოსნები და ვაჭრები შეადგენდნენ. მათი ხელით მზადდებოდა მრავალრიცხოვანი თხისი, მინის, ძვლის თუ ლითონის ნაწარმი. ამ ნაწარმს თვით ხელოსნები და ვაჭრები ჰყიდდნენ.

ხელოსნურ-ვაჭრულ მოსახლეობასთან ერთად ქალაქში ცხოვრობდა ადგილობრივი საქონლის მომხმარებელი მაღალი საზოგადოება.

VI საუკუნიდან, დედაქალაქის თბილისში გადმოტანასთან ერთად, ქალაქში საცხოვრებლად გადმოვიდა უმალესი ფეოდალური არისტოკრატის დიდი ნაწილი. აქ დასახლდნენ მეფის კარის მოხელენი, სახელმწიფო დაწესებულებათა მსახურნი, ქალაქის მოხელენი თავიანთი ოჯახებით.

დედაქალაქში წმინდა მარიამის სახელობის (ანჩისხატის), სიონისა და სხვა ეკლესიათა არსებობა გულისხმობს, საეროსთან ერთად, უმალესი სასულიერო არისტოკრატის, კულტის მრავალრიცხოვან მსახურთა ყოფნას.

თბილისის მოსახლეობის სოციალური შემადგენლობის და ამ მოსახლეობის ქალაქის ცხოვრებაში მონაწილეობის თვალსაზრისით, საინტერესოა ქართული წერილობითი წყაროების ცნობები თბილისში მიმდინარე მშენებლობისა და ამ მშენებლობაში ქალაქის მოსახლეობის მონაწილეობის შესახებ.

ქართლის პირველი ერისმთავრის გუარამის დროს დაიწყო თბილისის სიონის მშენებლობა, რომელიც VII საუკუნის 20—30-იან წლებში დასრულდა. ქართლის მოქცევის ქრონიკის ცნობით, გუარამის დროს „ტფილისისა მკვიდრთა დიდსა ეკლესიისა გებად დაიწყეს: ნახევარსა იქმოდა ყოველი ერი და ნახევარსა ერისთავნი“³⁰. ანალოგიურია სხვა

³⁰ ძვ. ქართული აგიოგრ. ლიტ. ძეგლები, I, გვ. 95.

ცნობებიც: „გუარამ კურაპალატმან განაახლა საფუძველი ტფილისისა სიონისა“³¹; გუარამისავე დროს „ტფილისისა მკვდრთა ეკლესიისა გებად იწყეს, რომლისა ნახევარსა ყოველი ერი აშენებდა და ნახევარსა ერთი ვინმე დიდ. კაცი“³². თბილისის სიონის მშენებლობა მთავრდება ჰერაკლეს და ხაზარ-თურქთა მიერ თბილისის დარბევის შემდეგ; „ტფილისის სიონი განეშორა მკვდრთა“³³ (ე. ი. დაამთავრეს მკვიდრთა); „სიონი ტფილისისა განესრულნეს ადარნასე ქართლისა მთავარსა“³⁴ (ე. ი. ადარნასეს დროს დასრულდა).

როგორც ვხედავთ, კათედრალური ტაძრის მშენებლობა, რომელიც ქართლის ორი ერისმთავრის დროს მიმდინარეობდა დედაქალაქში, გარკვეული თვალსაზრისით, ქალაქისავე მოსახლეობის სხვადასხვა სოციალური ფენების მონაწილეობით განხორციელებულა („ერისთავნი“, „ყოველი ერი“, „მკვდრნი“)³⁵. ეს ფაქტი გვიჩვენებს, რომ იმდროინდელ თბილისში ვაჭარ-ხელოსნებთან ერთად ფეოდალური არისტოკრატისა და თავისუფალთა საკმაოდ ფართო წრე არსებობდა.

თბილისის მოსახლეობის სოციალური შემადგენლობის საკითხისათვის ფრიად საინტერესო ფაქტია თბილისში ჩატარებული არქეოლოგიური გათხრების დროს აღმოჩენილი, პირველ თავში უკვე ნახსენები აქატის ქვის საბეჭდავი. ამ საბეჭდავზე ამოკვეთილია დიდკაცის სახე და რტო-ფოთლები. იგი ნაპოვნია ტერასაზე ანჩისხატსა და სიონს შორის, ერეკლე მეორის მოედანზე, როსტომის ნასახლარის პირდაპირ. ასეთი საბეჭდავი, რასაკვირველია, დიდკაცს ეკუთვნოდა. ამასთან დაკავშირებით შეიძლება ვივარაუდოთ, რომ აღნიშნულ ტერასაზე იყო თბილისში

³¹ ქართლის ცხოვრება, I, გვ. 374.

³² იქვე.

³³ ძვ. ქართული აგიოგრაფიკი. ლიტ. ძეგლები, I, გვ. 96.

³⁴ ქალაქის ცხოვრება, I, გვ. 227.

³⁵ „მოქცევაჲ ქართლისაჲ“-ს ისტორიულ ქრონიკაში ნათქვამია, რომ თბილისში დაიწყეს დიდი ეკლესიის შენება, ნახევარს აშენებდა „ყოველი ერი“, ნახევარს კი „ერისთავნი“. „ამჟამაჲ, — წერს ამასთან დაკავშირებით გ. მელიქიშვილი, — რომ „ერი“ რიგითი თავისუფალი ფენის აღმნიშვნელად იქცა, ამასთანავე, ეს ტერმინი მოიცავდა როგორც სასოფლო, ისე ქალაქური დასახლების პუნქტების თავისუფალ მოსახლეობას“ (საქართველოს ისტორიის ნარკვევები, ტ. I, 1970, გვ. 573). ნიშანდობლივია, რომ „მოქცევაჲ ქართლისაჲ“-ს ავტორისათვის „ყოველი ერი“ და „ერისთავნი“ ერთნაირად თბილისის „მკვდრნი“ არიან, ე. ი. ქალაქის თავისუფალი ფენის წარმომადგენელი „მკვდრი“, რომელიც თავისი წარმომადგენელი „უცხო“ უპირისპირდება, სოციალურ ტერმინად იქცევა და ქართლის მოქცევის ქრონიკაში აშკარად ვიწრო სოციალური მნიშვნელობით იხმარება (იქვე, 573). ასევე IX—X საუკუნეების წერილობით წყაროებში „მკვდრი“ სოციალური მნიშვნელობით იხმარება და „აღნიშნავს სამეფოს პრივილეგიურ, სრულფუნქციონირებელ მმართველ ფენას და არა მთელ მოსახლეობას“ (იქვე; ივ. ჭავჭავაძის შვილი, ქართული სამართლის ისტორია, II, გვ. 49, 376, 391).

მოსახლე ფეოდალური არისტოკრატის ციხის გარეთ საცხოვრებელი უბანი³⁶.

სავარაუდოა, რომ თბილისში იმთავითვე ცხოვრობდნენ უცხოელე-ბიც: სპარსელები, ირანელი მოხელე მარზპანისა და მისი კარის მსახურე-ბით, სამხედრო მოსამსახურეებითა და მათი ოჯახის წევრებით. სპარ-სული სამხედრო-სამოქალაქო მსახურის არისტოკრატის გვერდით აქ ირანელი ხელოსნებიც უნდა ყოფილიყვნენ მცხეთელი მეჭადაგე-მეხამლეების მსგავსად და კულტის მსახურნიც. მათ თავიანთი სამ-ლოცველოებიც ექნებოდათ. ამის ერთ-ერთი ნაშთია ე. წ. „ათეშგა“ — ცეცხლის საგზებელი თბილისში.

ირანელთა ბატონობის გადაგდების შემდეგ, VIII საუკუნიდან, ქა-ლაქში არაბული მაჰმადიანური მოსახლეობა მრავლდებოდა. აქ თავს იყრიდნენ არაბი მოხელეები, მოლაშქრეები და ხელოსნებიც კი. ერთი ასეთი ხელოსანი იყო ნელსაცხებელთა ოსტატი, ნერსე ერისმთავრის მსახური აბო.

სამწუხაროდ, არა გვაქვს ცნობები იმდროინდელი თბილისის მო-სახლეობის ეთნიკური შემადგენლობისა და რაოდენობის შესახებ³⁷

ბანათლება, მცნენიერება და მწირობა თბილისში IV—X სს.

თბილისის გაქალაქებას და, განსაკუთრებით, დედაქალაქის გადმო-ტანას დიდი მნიშვნელობა ჰქონდა ქალაქის კულტურული ცხოვრე-ბისათვის. თბილისი თანდათანობით იქცა ქართული ქრისტიანული კულ-ტურის ცენტრად. მართალია, ქართული საეკლესიო ცენტრი, კათალი-კოსის რეზიდენცია, მცხეთაში დარჩა, მაგრამ თბილისში მაშინვე და-არსდა საეპისკოპოსო და ეკლესიათა ინტენსიური მშენებლობა და-

³⁶ ამ საბეჭდავს ათარიღებენ IV—V საუკუნეებით (გ. ლ ო მ თ ა თ ი ძ ე . თბილისის არ-ქეოლოგიური შესწავლილობა. — ისტორიის ინსტ. შრომები, V, 1960, გვ. 170; ი. გ ძ ე ლ ი-შ ე ი ლ ი . ო. ტ ყ ე შ ე ლ ა შ ე ი ლ ი , დასახ. ნაშრომი, გვ. 32; გ. ლ ო მ თ ა თ ი ძ ე . ყოფა და კულტურა არქეოლოგიური მასალების მიხედვით. — საქართველოს ისტ. ნარკვევები II, გვ. 201. არსებობს მოსაზრება, რომ ამ საბეჭდავზე გამოსახულია მეფე ვახტანგ გორგასალი (იხ. ო. ტ ყ ე შ ე ლ ა შ ე ი ლ ი , თბილისში აღმოჩენილ გემა-საბეჭდავზე გა-მოსახული პიროვნების ვინაობისათვის, „საბჭოთა ხელოვნება“, 1962, №5).

³⁷ როგორც ზემოთ (გვ. 66) ითქვა, არაბი ავტორის ცნობით, 853 წლის 5 აგვისტო-ს ტრაგედის დროს თბილისში 50 000 სული დაიწვა. ამ ცნობის საფუძველზე გამოთქმული ვარაუდი, რომ იმ დროს თბილისში 100 000-მდე მცხოვრები შეიძლება ყოფილიყო. არ არის გამორიცხული, რომ ეს ცნობა და, შესაბამისად, ვარაუდი თბილისის იმდროინდე-ლი მოსახლეობის რაოდენობის შესახებ ცოტა გადაჭარბებულია, თუმცა გასათვალისწი-ნებელია ისიც, რომ სოლდებილი ამ დროს თბილისში შემოდის და, ამასთანავე, ანგარიშ-გასწავნა ის გარემოებაც, რომ შუა საუკუნეებში აღმოსავლეთის ქალაქებში საერთოდ მრავალრიცხოვანი მოსახლეობა იყო.

იწყო. VI ს. დასაწყისში თბილისში უკვე ეპისკოპოსი ზის³⁸.

ირანელთა პოლიტიკური ბატონობის პირობებში ქართლში საკმაოდ მნიშვნელოვანი პოზიციები ეპყრა ცეცხლთაყვანისმცემლობას. ქართლის სამეფო, რომელიც სასანიანთა ირანის ვასალი იყო, იძულებული გახდა ცეცხლის მსახურება, ქრისტიანობის გვერდით, კანონით დაშვებულ სარწმუნოებად ეცნო და ამიტომ ქართლში ქრისტიან ეპისკოპოსთან ერთად მეფის კარზე მოგვთა მეთაურიც იმყოფებოდა, რომელსაც ქართული საისტორიო წყარო „სპარსთა ეპისკოპოსს“ უწოდებს. სპარსელ მოგვებს ოფიციალურად ჰქონდათ ქართლში თავისი რწმენის პროპაგანდის უფლება და ქართველთა მიერ დამპყრობთა რწმენის მიღების ფაქტებიცაა ცნობილი. იმდროინდელ ქართლში არაერთი ცეცხლის საგზებელი იყო, რომელთა ადგილზე, შემდეგ, მეფე ვახტანგ გორგასალმა ქრისტიანული საეპისკოპოსოები დააარსა.

განსაკუთრებით ძლიერი უნდა ყოფილიყო ცეცხლთაყვანისმცემელთა პოზიციები თბილისში, რომელიც ირანელთა ბატონობის ცენტრს და მათი მარზპანის რეზიდენციასაც წარმოადგენდა. ცეცხლთაყვანისმცემლობის მატერიალური ნაშთია თბილისის ძველ უბანში შემორჩენილი „ათეშგა“, ცეცხლის საგზებელი. ეს საგზებელი შეიძლება თბილისში მყოფი ირანელი მოხელეებისა და სამხედრო გარნიზონის ირანული მოსახლეობისათვის იყო განკუთვნილი, მაგრამ არ არის გამორიცხული, რომ თბილისის ქართველი მოსახლეობის ნაწილშიც ყოფილიყო გავრცელებული დამპყრობთა რელიგია.

VII საუკუნის დასაწყისიდან, ხანგრძლივი ბრძოლის შემდეგ, ქართლში საბოლოოდ ქრისტიანობის მართლმადიდებლური მრწამსი დამკვიდრდა. ამ დროიდან ერისმთავრებმა და თბილისის არისტოკრატიული მოსახლეობის წარმომადგენლებმა დიდი საეკლესიო მშენებლობა გააჩაღეს.

VII—VIII საუკუნეებში თბილისში, მარიამის სახელობის ეკლესიისა და სიონის ტაძრის გარდა, არაერთი სხვა ეკლესიაც აშენდა. VIII საუკუნეში თბილისში უკვე რამდენიმე ეკლესია იყო³⁹. აქ დამპყრობელ არაბთა დაბალ ფენებს შორის ქრისტიანობის პროპაგანდაც წარმოებდა, რასაც არაბები მახვილით ხელში ებრძოდნენ.

სწავლა-განათლება

აღნიშნული ხანის სულიერ და მატერიალურ კულტურას ატყვია ქრისტიანული თემატიკისა და იდეოლოგიის ძლიერი გავლენა. თავისთავად ქრისტიანობა, წმინდა პრაქტიკული ხასიათის მოთხოვნილებებიდან

³⁸ ეპისტოლეთა წიგნი, ზ. ალექსიძის დასახ. გამ., გვ. 97.

³⁹ ვ. ბერიძე, თბილისის ხუროთმოძღვრება 1801—1917 წწ., თბ., 1960. გვ. 11.

გამომდინარე, იძულებული იყო დიდი ყურადღება მიექცია სამწიგნობრო საქმის განვითარებისათვის; როგორც ცნობილია, ქრისტიანული ლეთისმსახურების აღსრულების დროს იკითხებოდა ადგილები „საღვთო წერილის“ წიგნებიდან. სწორედ ამიტომ იყო, რომ ქრისტიანობის გავრცელების პირველ პერიოდში მწიგნობრული კულტურის მატარებლები უმთავრესად სამღვდელოების წარმომადგენლები იყვნენ.

სამღვდელოებამ იმთავითვე შექმნა განსაკუთრებული ორგანიზაციები. რომლებიც ეკლესიის მსახურთა კადრებს ამზადებდნენ, ზრუნავდნენ წიგნადი ფონდის შექმნისათვის და მისი გავრცელებისათვის მორწმუნე ქრისტიანთა შორის. ასე გაჩნდნენ პირველი სკოლები ქრისტიანულ ეკლესიებთან, საეპისკოპოსო კათედრებთან, ცოტა უფრო გვიან კი მონასტრებთან. ისინი თანდათანობით გადაიქცნენ სასწავლო-სასკოლო ცენტრებად და მსხვილ კულტურულ-საგანმანათლებლო კერებად.

თუ როგორ იყო მოწყობილი პირველი საეკლესიო თუ სამონასტრო სკოლები თბილისში, ამაზე მსჯელობა პირდაპირი და ზუსტი ისტორიული ცნობების უქონლობის გამო ძნელია, მაგრამ ისინი ორგანიზებულნი უნდა ყოფილიყვნენ იმ ტიპური ქრისტიანული სკოლების ანალოგიის მიხედვით, რომელნიც მრავლად ჩამოყალიბდნენ საერთოდ ქრისტიანულ ქვეყნებში და მათ შორის საქართველოშიც. აღნიშნულ ხანაში წინა აზიასა და ბიზანტიაში შემოიღეს საპატრიარქო, საეპისკოპოსო, სამონასტრო და საეკლესიო სკოლები. ამათგან, ყველაზე გავრცელებული ტიპი იყო საეპისკოპოსო და საეკლესიო სკოლები, რომელნიც არსებობდნენ ქალაქის მსხვილ საეპისკოპოსო კათედრებსა და ეკლესიებთან. ასეთი სკოლების კლასიკურ მოდელს წარმოადგენდა ცნობილი ნიზიბინის სკოლა, რომლის ძირითად დამახასიათებელ თვისებას შეადგენდა პრაქტიციზმი: მწიგნობარი ბერ-მონაზვნების აღზრდა და ეკლესიის მსახურთა მომზადება⁴⁰. სასწავლო მასალაც ეკლესიის მსახურთა მომავალი კადრებისათვის შესაბამისად იყო შერჩეული. უმთავრეს საგნებად აქ ითვლებოდა: ეგზეგეტიკა, ე. ი. ბიბლიური ტექსტების შესწავლა და ახსნა-განმარტება, ჰომილეტიკა, ანუ ეკლესიაში საჯაროდ სწავლა-მოდღვრების წარმოება, ლიტურგიკა და ჰიმნოგრაფია (საეკლესიო გალობა)⁴¹.

ქრისტიანობის ოფიციალურ რელიგიად აღიარების პირველ პერიოდში თბილისში, საფიქრებელია, სწორედ ასეთი ტიპის სკოლები უნდა გახსნილიყო. ამ მოსაზრებას მყარ და რეალურ საფუძველს უქმნის „ადრექრისტიანული“ ხანის (IV—VII სს.) თბილისის ისტორიის შემდეგი ფაქტები: 506 წლის ქ. დვინის საეკლესიო კრების აქტებიდან ნათლად

⁴⁰ კ. კეკელიძე, ძველი ქართული მწერლობის ისტორია, I, თბ., 1951, გვ. 69.

⁴¹ იქვე.

ჩანს, რომ თბილისში ამ დროისათვის უკვე არსებობდა საეპისკოპოსო კათედრა. კერძოდ, „ეპისტოლეთა წიგნში“ დაცულ ამ საეკლესიო კრების მონაწილეთა ნუსხაში ერთ-ერთ საპატიო ადგილას იხსენიება ტფილისის ეპისკოპოსი საპაკი⁴².

ვახტანგ გორგასლის მეფობის დროს, 472—484 წწ., გატარებული საეკლესიო რეფორმების შედეგად, ქართული ქრისტიანული ეკლესია ავტოკეფალური ხდება: მან მოიპოვა კათალიკოსის დამოუკიდებლად არჩევის უფლება. მისი შინაგანი ორგანიზაცია სულ უფრო და უფრო მძლავრი გახდა, გათავისუფლდა ანტიოქიის საპატრიარქოს გავლენისაგან. აღნიშნულ ხანაში თბილისში ფართოდ გაიშალა კულტურულ-საგანმანათლებლო და სამეცნიერო საქმიანობა. თბილისელი სწავლულები აქტიურად მონაწილეობდნენ ქრისტიანული მსოფლმხედველობის საკითხების ზოგად-თეორიულ დამუშავებაში, ჰქმნიდნენ ორიგინალურ, ქართულ ლიტერატურას მწერლობისა და მეცნიერების სხვადასხვა დარგებში, ყალიბდებოდა სწავლა-განათლების თვალსაჩინო ცენტრები.

ძველი ქართული მატრიარქის, „მოქცევაჲ ქართლისაჲ“-ს მტკიცებით, V—VI სს-თა მიჯნაზე, დაჩი უჯარმელის მეფობის ხანაში, თბილისში „მარიამ წმიდისა ეკლესია აღაშენეს“. გ. ჩუბინაშვილის ვარაუდით, „მარიამ წმიდაჲ“ უნდა იყოს იგივე ანჩისხატის ტაძარი⁴³. VI ს-ის მეორე მეოთხედში თბილისში დღევანდელი ქაშუეთის ტაძრის ადგილას აუცილათ მეორე ეკლესია, რომლის მშენებლობა, ძველი ტექსტების თანახმად, დაკავშირებულია დავით გარეჯელისა და მისი მოწაფის ლუკიანეს თბილისში სამისიონერო და საგანმანათლებლო მოღვაწეობასთან⁴⁴. უფრო საგულისხმოა იმავე „მოქცევაჲ ქართლისაჲ“-ს ავტორის ცნობა VI—VII სს-თა მიჯნაზე თბილისში, გუარამ ერისმთავრისა და სამოელ კათალიკოსის დროს საეპისკოპოსო კათედრალის, „დიდი ეკლესიის“, მშენებლობა. როგორც სამართლიანად ვარაუდობენ, ეს „დიდი ეკლესია“ თბილისის სიონი იყო⁴⁵.

უნდა ვიფიქროთ, რომ თბილისში V—VII სს-ში წარმოქმნილი ქრისტიანული რელიგიის ეს კერები — ანჩისხატი (მარიამ წმიდა), ქაშუეთი, სიონი — მარტო წმინდა საკულტო-საეკლესიო ცენტრები კი არ იყო, არამედ მათ განათლებისა და სასწავლო-სასკოლო დანიშნულების მისიაც ჰქონდათ დაკისრებული. თბილისის ამ დასახლებულ პუნქტებში უნდა გახსნილიყო ჩვენ მიერ ზემოთ აღწერილი საეპისკოპოსო და საეკლესიო ტიპის სკოლები. სწორედ მათ ირგვლივ უნდა ყოფილიყვნენ შემოკრე-

⁴² ეპისტოლეთა წიგნი, გვ. 97.

⁴³ გ. ჩუბინაშვილი, ქართული ხელოვნების ისტორია, 1, თბ., 1936, გვ. 50.

⁴⁴ იქვე, გვ. 57, 59.

⁴⁵ ივ. ჭავჭავაძე, მასალები ქართველი ერის მატერიალური კულტურის ისტორიისათვის, 1, თბ., 1946, გვ. 78; ს. ჭანაშვილი, შრომები, 1, თბ., 1949, გვ. 13.

ბილნი იმდროინდელი თბილისის სწავლა-განათლების საქმისა და ლიტერატურის წარმომადგენლები.

მეცნიერული ცოდნა

VII საუკუნის დამდეგს თბილისის კულტურულ-საგანმანათლებლო და სასწავლო-სამეცნიერო შემოქმედებითი ცხოვრების მეთაური ჩანს კირიონ I, ქართლის კათალიკოსი (599—614 წწ.), რომელმაც თავისი პრაქტიკული საქმიანობით დიდად შეუწყო ხელი თბილისში განათლების, მეცნიერებისა და ლიტერატურის შემდგომ განვითარებას. მისი თაოსნობით თბილისი გადაიქცა ქართული მწიგნობრობის დიდ კერად. განსაკუთრებით აღსანიშნავია კირიონ I-ის პატრიოტული მოღვაწეობა; იგი მედგრად იღვა ქართული ეკლესიისა და ეროვნული კულტურის სადარაჯოზე.

როგორც ცნობილია, თბილისის დედაქალაქად გადაქცევის შემდეგ საკათალიკოსო საყდარი მცხეთაში დარჩა, მაგრამ როგორც ეს საისტორიო წყაროთა („ეპისტოლეთა წიგნი“, უხთანესის „ისტორია“) ცნობებიდან ჩანს, კირიონ კათალიკოსმა თავის ძირითად სამყოფელად თბილისი, სიონის საეპისკოპოსო კათედრალური ტაძარი აირჩია. უხთანესის ცნობით, კირიონის დროს კათალიკოსის რეზიდენცია „წმინდა სიონის ფარეზში იყო, რომელიც სამეფო სასახლის ახლოს მდებარეობდა“¹⁶.

კირიონ I წარმოშობით ჯავახეთის სოფელ სკუტრიდან (საქუდრია) იყო. პირველდაწყებითი განათლება თავის სოფელში მიუღია. ამის შემდეგ კირიონი სწავლის გასაგრძელებლად წასულა საბერძნეთში — მცირე აზიის დაბა ქალაქ ნიკოპოლისში. აქ მას მიუღია საფუძვლიანი ბერძნული განათლება და დიოფიზიტობა. VI ს-ის დასასრულს კირიონი ქართლის კათალიკოსად აირჩიეს. მისი სახელმწიფოებრივი, ეროვნული და რელიგიური პოლიტიკა შეესაბამებოდა ქვეყნის წამყვანი სოციალური და პოლიტიკური ძალების განწყობილებას, რის გამოც კირიონს დიდი გავლენა მოუპოვებია ქართლის სასულიერო და საერო ცხოვრებაზე. მისი ენერგიული მოღვაწეობის შედეგად ქართლში საბოლოოდ გაიმარჯვა დიოფიზიტობამ, ხოლო ქვეყნის პოლიტიკურ-კულტურული ორიენტაციის კურსი ბიზანტიისაკენ წარიმართა¹⁷.

კირიონი თავისი დროის პოლიტიკური მოღვაწე და ცნობილი მწერალი იყო. მას რელიგიისა და ეკლესიის ორგანიზაციულ საკითხებზე მი-

¹⁶ უ ხ თ ა ნ ე ს ი, ისტორია გამოყოფისა ქართველთა სომეხთაგან, სომხური ტექსტრ ქართული თარგმანითა და გამოკვლევით გამოსცა ზ. ალექსიძემ, თბ., 1975. გვ. 43.

¹⁷ ა. კ ე ე ლ ი ძ ე, ძველი ქართული მწერლობის ისტორია, 1, გვ. 109—110; პ. ი ნ გ ო რ ო ყ ვ ა, თხზულებათა კრებული, ტ. IV, თბ., 1978, გვ. 289—290; ზ. ა ლ ე ქ ს ი ძ ე, კირიონ ქართლის კათალიკოსი (ეპისტოლეთა წიგნი, გვ. 167—272).

მოწერა ჰქონდა რომის პაპთან, იერუსალიმისა და სომხეთის პატრიარქებთან, სპარსეთის სამეფოს უმაღლეს მოხელეებთან. ჩვენამდე მოაღწია რომის პაპის გრიგოლ დიდის ვრცელმა პასუხმა (ლათინურ ენაზე) კირიონის ერთ-ერთ ეპისტოლეზე⁴⁸, აგრეთვე კირიონის მიმოწერამ სომხეთის პატრიარქთან და გურგანის მარზპანთან (სომხურ ენაზე). კირიონის ეპისტოლენი არსებულია როგორც ქართულად, ისე ბერძნულ და სომხურ ენებზე და გარკვეულ დრომდე ისინი თბილისის საკათალიკოსო კანცელარიაში ინახებოდა⁴⁹. კირიონის ეპისტოლეთა სომხური თარგმანი შეტანილია ცნობილ ქრესტომათია-კრებულში — „ეპისტოლეთა წიგნი“. კირიონის ეპისტოლენი დამოწმებული და მოყვანილია აგრეთვე X ს. სომეხი ისტორიკოსის უხთანესის „ისტორიაში“.

კირიონის სახით ჩვენს წინაშე წარმოდგება ღრმად განათლებული, ფართო ერუდიციისა და დიაპაზონის, დახვეწილი ლიტერატურული გემოვნების მქონე მწერალი. კირიონის თითოეული ეპისტოლე არის არა მარტო კონფესიური, არამედ პოლიტიკური ლიტერატურის უძველესი და ამასთან მეტად მნიშვნელოვანი ძეგლი. კირიონის ეპისტოლენი გამსჭვალულია განსაკუთრებული პოლიტიკური ტაქტიკითა და შორსმჭკვრეტელობით. ამ წერილების მიხედვით, კირიონი გვევლინება როგორც თავდაპირველი პოლემიკოსი, გონიერი და მტკიცე დიპლომატი, ფართო საერთაშორისო ინტერესების მქონე პიროვნება, გაბედული სახელმწიფო მოღვაწე და, რაც მთავარია, დიდი პატრიოტი, რომელიც მედგრად იცავს სამშობლოს ინტერესებს უცხო სახელმწიფოთა წარმომადგენლებთან პაექრობის დროს.

VII ს-ის დამდეგს თბილისი განათლებისა და მეცნიერების მნიშვნელოვანი ცენტრი ყოფილა. ამ ხანაში თბილისის სიონის ტაძარში არსებული საკმაოდ მდიდარი ბიბლიოთეკა-წიგნსაცავი, სადაც ინახებოდა იმდროინდელ ცივილიზებულ მსოფლიოში უკვე ცნობილი კანონიკური მწერლობის ძეგლები. კერძოდ, როგორც ეს ნათლად ჩანს კირიონის მიერ აბრაამ სომეხთა კათალიკოსისადმი გაგზავნილი ერთ-ერთი საპასუხო ეპისტოლედან, VII ს-ის თბილისელ სწავლულ მეცნიერებს ხელთ ჰქონდათ მსოფლიო საეკლესიო კრებების ძეგლისწერათა წიგნები, რომელთაც ისინი მეტად ოსტატურად იყენებდნენ რელიგიური კამათის დროს⁵⁰. ამასთან დაკავშირებით ივ. ჭავჭავიძე წერს: „სრული უეჭველობითა ჩანს, რომ VI—VII სს. საქართველოს ეკლესიას მსოფლიო კრებების ძეგლისწერათა წიგნი ჰქონია და ამგვარად ქართული კანონიკური მწერლო-

⁴⁸ მ. თ. მ. ა. რ. ვ. ი. ლ. ი., ისტორია კათალიკოსისა ქართველთა შორის, ტფილისი, 1902, გვ. 24.

⁴⁹ ეპისტოლეთა წიგნი, გვ. 248.

⁵⁰ იქვე, გვ. 102—111.

ბა, ამ შემთხვევაში მსოფლიო ეკლესიის კანონების თარგმანების სახით მაინც, უკვე არსებობდა“⁵¹.

თბილისის წიგნსაცაეები მეზობელი ქვეყნების მეცნიერთათვისაც კარგად ყოფილა ცნობილი. მაგალითად, უხთანესს თავისი თხზულების წერის დროს, როდესაც სომეხ ეპისკოპოს მოსე ელივიარდელსა და კირონ ქართლის კათალიკოსს შორის მიმოწერის მასალები დასჭირდა და იგი ვერ აღმოაჩინა სომხურ ენაზე არსებულ სათანადო კრებულებში, ვადაწყვიტა მათი ქართული შესატყვისების მოძებნა თბილისის წიგნსაცაეებში. დაკარგული ეპისტოლეების ქართული ვარიანტები უხთანესმა მართლაც აღმოაჩინა „საკვირველნაშენ და საოცარ, სახელოვან და გამოჩენილ დიდ დედაქალაქ თბილისში“, ათარგმნინა და შეიტანა თავის თხზულებაში⁵².

მწერლობა

VIII ს-ის მეორე ნახევარში თბილისში მოღვაწეობდა გამოჩენილი ქართველი მწერალი იოანე საბანისძე, ავტორი „აბოს წამებისა“. ამ ნაწარმოებში აღწერილია არაბი ჭაბუკის, აბოს მარტვილობა, ქრისტიანობისათვის მისი თავდადება. აბო არაბეთიდან ქართლში გამოჰყვა ნერსე ერისმთავარს. აქ, თბილისში, იგი გაეცნო ქრისტიანულ სარწმუნოებას, ურყო ისლამი და მიიღო ქრისტიანობა. არაბებმა რამდენიმეჯერ დააპატიმრეს აბო, მოსთხოვეს ისევ ისლამს დაჰბრუნებოდა. ამაზე აბომ უარი განაცხადა, რის გამოც არაბებმა მას თავი მოჰკვეთეს 786 წელს. აბოს წამებას დიდი საზოგადოებრივი რეზონანსი გამოუწვევია. ქართულმა ეკლესიამ იგი წმინდანად შერაცხა და მიჩნეული იყო ქ. თბილისის მფარველად. ქართლის კათალიკოსმა სამოელმა (780—790 წწ.) საგანგებო წერილით მიმართა თბილისის მკვიდრს, აბოსთან დაახლოებულ პირს იოანე საბანისძეს და მისი მარტვილობის აღწერა სთხოვა. იოანე საბანისძემ ქართული მხატვრული პროზის ბრწყინვალე ძეგლი შექმნა (786—790 წწ.). თხზულებას წაუშმძვარა სამოელ კათალიკოსის ეპისტოლე და თავისი პასუხი. კათალიკოსის ეპისტოლეს მოკრძალებული ტონი მკვლევართ აფიქრებინებს, რომ იოანე საბანისძე საერო პირი უნდა ყოფილიყო.

საბანისძე დიდად განათლებული პიროვნება, აგიოგრაფიული მწერლობის საუცხოო მცოდნე და დახელოვნებული მწერალი ყოფილა. მას უნდა ეუთვნოდეს აგრეთვე ძველი საგალობელი აბო თბილელის შესახებ, რომელიც ალბათ თბილისში უნდა შექმნილიყო. განსაკუთრებულ ყურადღებას იმსახურებს ის ფაქტიც, რომ სამოელ ქართლის კათალი-

⁵¹ ივ. ჯ ა ე ა ხ ი შ ვ ი ლ ი, ქართული სამართლის ისტორია, I, თბ., 1928, გვ. 26—28.

⁵² უ ხ თ ა ნ ე ს ი, ისტორია გამოყოფისა ქართველთა სომეხთაგან, გვ. 37,67.

კოსმა ქრისტიანული რელიგიისათვის თავდადებულ აბოს თავგადასავლის აღწერა თბილისელ მოღვაწეს, იოანე საბანისძეს დაავალა. ეს იმის ამკარა მოწმობაა, რომ აღნიშნულ ხანაში თბილისში მდიდარი ლიტერატურული ტრადიციები არსებობდა და რომ ქართლის დედაქალაქში ლიტერატურულ-შემოქმედებითი ატმოსფერო სუფევდა.

იოანე საბანისძის დიდი დამსახურება, უპირველეს ყოვლისა. იმაში მდგომარეობს, რომ მან აბოს მარტვილობის აღწერით მიზნად დაისახა ქართველთა ეროვნული თვითშეგნების განმტკიცება არაბთა ბატონობის მძიმე პერიოდში. მან მოხერხებულად გამოიყენა არაბი აბოს მიერ ქრისტიანობისათვის თავდადების ფაქტი. თუ ასე მოიქცა აბო, „თესლი არაბიელთა მამულად და დედულად“, რაღა გვეთქმის ჩვენ, ქართველებს, რომელთაც ხუთას წელზე მეტია ქრისტეს რჯული გვიპყრია, ნუთუ ჩვენ უფრო მეტი სიმტკიცე და თავდადება არ გვმართებს იმ რჯულისათვის, რომელსაც აბო მსხვერპლად შეეწირა?! ასეთია იდეური მხარე საბანისძის თხზულებისა. თბილისელი პატრიოტი მოღვაწის საბანისძის ასეთი მოწოდება განამტკიცებდა ქართველების ეროვნულ თვითშეგნებას და აკაეებდა არაბი დამპყრობლების წინააღმდეგ მებრძოლთა სულისკვეთებას.

იოანე საბანისძის თხზულებაში მშვენივრად არის აღწერილი VII საუკუნის მეორე ნახევრის თბილისისა და საერთოდ ქართლის სოციალურ-ეკონომიკური, პოლიტიკური და კულტურული ვითარება. „აბოს მარტვილობის“ მნიშვნელობა სცილდება საქართველოს ისტორიის ფარგლებს. იგი შეიცავს საყურადღებო ცნობებს მეზობელი ქვეყნების — ხაზარეთის, ოსეთის, ბიზანტიისა და არაბეთის ისტორიის შესწავლისათვის.

იოანე საბანისძის თხზულების მიხედვით ჩვენ შესაძლებლობა გვეძლევა წარმოდგენა ვიკონიოთ VIII ს-ის მეორე ნახევარში თბილისში ისტორიული მეცნიერებისა და საზოგადოებრივი აზრის განვითარების დონეზე. ავტორს კონკრეტული ისტორიული მოვლენის განზოგადების ჩინებული უნარი აქვს. „მან შესძლო ის, რაც ვერ შესძლეს ევსტათე მცხეთელის, რაქდენისა და სხვათა მარტვილობათა გამომთქმელებმა: ცხოვრების კერძო მოვლენაში მან საზოგადო-მნიშვნელოვანი გარემოება შენიშნა და დაინახა“⁵³. პირადად „ავტორი რთული საისტორიო მეთოდით სარგებლობს: მას ჯერ იმდროინდელი პოლიტიკური, საზოგადოებრივ-ეკონომიკური და საარწმუნოებრივი მდგომარეობა აქვს აღწერილი, შემდეგ თვით ამბავია მოთხრობილი და ამ მოვლენის მნიშვნელობა არის გამორკვეული მაშინდელი პირობებისდა მიხედვით. ხოლო ამგვარი საის-

⁵³ ივ. ჯ ა ვ ა ნ ი შ ვ ი ლ ი, ძველი ქართული საისტორიო მწერლობა (V—XVIII სს.). — თხზულებანი, ტ. VIII, თბ., 1977, გვ. 78.

ტორიო თხრობის წესი ქართული მაშინდელი საისტორიო მწერლობის დიდ მეთოდოლოგიურ წარმატებად უნდა ჩაითვალოს⁵⁴.

ხუროთმოძღვრება და სახვითი ხელოვნება

ქართულმა ხუროთმოძღვრებამ და სახვითმა ხელოვნებამ, როგორც ცნობილია, IV—X საუკუნეთა მანძილზე დიდ წარმატებას მიაღწია: X საუკუნისათვის, რომელიც უშუალოდ წინ უსწრებს საქართველოს გაერთიანებასა და ქართული ხელოვნების ახალი აყვავების ხანას, მას უკვე განვლილი აქვს სტილისტიკური განვითარების მნიშვნელოვანი საფეხურები, სახვებით ჩამოყალიბებული და გამოკვეთილია ხუროთმოძღვრების მკაფიო ეროვნული სახე, თავისებური განვითარების სურათს წარმოგვიდგენს ქართული სახვითი ხელოვნების დარგებიც — რელიეფური ქანდაკება, კედურობა, ხელნაწერთა მორთულობა, მონუმენტური მხატვრობა (მოზაიკები, ფრესკები). იმ საუკუნეებმა ბევრი ღირსშესანიშნავი ძეგლი დაგვიტოვა, თუმცა, თავისთავად ცხადია, რომ ის, რაც გადარჩა, მხოლოდ მცირე ნაწილია ოდესღაც არსებულისა.

ჩვენ ხელთ არსებული მასალის მიხედვით არ ჩანს როგორი იყო ადრეული ფეოდალური ხანის ქართულ ხელოვნებაში (ხუროთმოძღვრების გამოკლებით) საკუთრივ თბილისის როლი. ეს იმითაც აიხსნება, რომ — როგორც ახლახან აღვნიშნეთ — ძეგლთა ნაწილს დღემდის არ მოუღწევია. მაგრამ არის სხვა, არსებითი მიზეზები: შუა საუკუნეების საქართველოში, რამდენადმე ისევე, როგორც დასავლეთ ევროპაში, კულტურისა და ხელოვნების უმათავრესი ცენტრები მარტო ქალაქები კი არ იყო, არამედ მონასტრებიც. არაბების შემოსევამ და მათმა დამკვიდრებამ ქართლის შუაგულში გამოიწვია კულტურული და შემოქმედებითი ძალების ნაწილობრივი გადანაცვლება პერიფერიებში. ცნობილია, მაგალითად, როგორი წვლილი აქვთ შეტანილი ქართული კალიგრაფიის, სამინიატურო ხელოვნების, კედურობის, მონუმენტური მხატვრობისა და ქანდაკების განვითარებაში (რომ არაფერი ვთქვათ ხუროთმოძღვრებაზე) ტაო-კლარჯეთის სამონასტრო ცენტრებს. ასეა თუ ისე, ჩვენ არ გავაჩნია მაშინდელი ხელნაწერები, ქანდაკების, კედურობის ან მხატვრობის ნიმუშები, რომელთა შესრულებაც თბილისთან შეგვეძლო დაგვეკავშირებინა.

თბილისის მაშინდელი გარეგნული სახის, მისი ხუროთმოძღვრული თავისებურებების შესახებ შეგვიძლია ვიმსჯელოთ წერილობით ძეგლებში გაფანტული ძუნწი ცნობების, თითო-ოროლა გადარჩენილი მონუმენტური ნაგებობისა და, აგრეთვე, ანალოგიების მიხედვით.

⁵⁴ ივ. ჯავახიშვილი, ძველი ქართული საისტორიო მწერლობა (V—XVIII სს.), თბ., ტ. VIII, თბ., 1977.

როდესაც ქალაქის თავისებურებას ვსწავლობთ, იმთავითვე გასათვალისწინებელია შემდეგი ფაქტორები: ა) ბუნებრივი პირობები: რელიეფი და მდინარე — ეს სტაბილური მონაცემებია, რომლებიც თბილისის სახეს განსაზღვრავდა თავიდანვე და საუკუნეთა მანძილზე, თვით დღევანდელ დღემდე; ბ) ქალაქი ჩამოყალიბდა ფეოდალურ ხანაში და ამიტომ ატარებდა ყველა ფეოდალური ქალაქის „სავალდებულო“ ტიპურ ნიშნებს; გ) თბილისი დედაქალაქი იყო — ე. ი. ხელისუფალთა (ქართველთა, არაბთა) რეზიდენციას წარმოადგენდა, რაც აგრეთვე გარკვეულ კვალს ამჩნევდა მის თავისებურებას.

თბილისი იმ ქალაქთა რიგს მიეკუთვნება, რომელთაც მკვეთრად გამოვლენილი, კონტრასტული რელიეფი აქვთ. თუ გავითვალისწინებთ, რომ ქალაქი ახლანდელ აბანოების უბანში ჩაისახა და VI—VII საუკუნეებში მისი ფარგლები მტკვრის აღმა ახლანდელ ბარათაშვილის ქუჩას აღწევდა, ადვილად წარმოვიდგენთ ბუნებრივ გარემოს: სოლოლაკის ქედი და მისი კონცხი⁵⁵, წაკვისის (დაბახანის) ვიწრო ხეობა, რომლის ნაპირებზედაც მდებარეობს თბილი მინერალური წყლები, ვაკე ადგილი ქედის ჩრდილოეთით; ამას უნდა დავუმატოთ, ცხადია, მტკვარი, რომლის ნაპირებიც აქ, მთის ძირში, ყველაზე მეტად უახლოვდება ერთმანეთს, და — ესეც არსებითი ელემენტია — მდინარის მარცხენა შვეული კლდოვანი ნაპირი, რომელიც სრულიად განუშეორებელ იერს ანიჭებს ამ არემარეს.

ამ მონაცემთა მიხედვით განაწილდა ფეოდალური ქალაქის უმთავრესი შემადგენელი ნაწილები: შიდაციხე მოთავსდა მთის კონცხზე და იმთავითვე თბილისის ხუროთმოძღვრულ დომინანტად იქცა — მას კალა ეწოდა; მთის ფერდზე, მტკვრის ნაპირიდან მოყოლებული, შეფენილია საცხოვრებელი სახლები; საცხოვრებელ უბანს უჭირავს ვაკე ტერიტორია. ეს უბანიც აგრეთვე გალავანშემორტყმულია ისევე, როგორც სხვა ფეოდალურ ქალაქებში (ძველი ტექსტები ხომ პირდაპირ მიგვითითებს როგორც ქალაქის, ასევე შიდა-ციხის — ციტადელის—გალავანთა არსებობას: ჭუანჭერი, ვახტანგ გორგასლის ძემ დაჩიმ „განასრულნა ზღუდენი ტფილისისანი“; ხოლო როდესაც ბიზანტიის კეისარმა პერაკლემ თბილისი დაიპყრო, „ციხესა კალასასა დარჩეს კაცნი“ და არ დაემორჩილნენ დამპყრობთ. ეს სწორედ იმას ნიშნავს, რომ, გარდა ქალაქის საერთო სათავდაცვო სისტემისა, არსებობს ციტადელის დამოუკიდებელი გამაგრებაც).

მას შემდეგ, რაც თბილისში არაბთა ამირამ დაისადგურა, აქ როგორც მისი, ისე ქართლის ერისმთავართა რეზიდენცია იყო, ე. ი. სათანადო სასახლეებიც უნდა ყოფილიყო. საფიქრებელია, რომ არაბი ხელისუფ-

⁵⁵ ეხმარობთ იმ დასახელებებს, რომლებიც დღეს არის ცნობილი.

ლის საცხოვრებელი, ამირას „ტაძარი“, რომლის ეზოშიაც მოჰყვეთეს თავი აბო ტფილელს, თუ ციტადელში არა, მის მახლობლად მაინც უნდა მდგარიყო.

აბო ტფილელის მარტვილობის თანახმად, იმდროინდელ ტფილისში (ე. ი. VIII ს-ში) რამდენიმე ეკლესია მაინც იყო (აბომ „განძიარტუა... სამოსელი თვისი და განსცა იგი სავაქროდ, რაათა უყიდონ მას სანთელად კერიონები და საკუმეველი, და წარსცა ყოველთა მათ ეკლესიათა ქალაქისათაო“). უფლება გვაქვს ვიფიქროთ, რომ ზოგი მათგანი მაინც გუმბათოვანი იქნებოდა — ეს კი ნიშნავს, რომ როგორც დღევანდელ ძველ უბნებში, მაშინდელ ქალაქშიაც ისინი გარკვეული ხუროთმოძღვრული მახვილების როლს ასრულებდნენ.

მაშინდელი ორი ეკლესია დღესაც არსებობს — საეპისკოპოსო ტაძარი სიონი, რომელიც VII საუკუნის ოციან წლებში უკვე აშენებულად იხსენიება, და ამჟამად (XVII საუკუნიდან) ანჩისხატად წოდებული VI საუკუნის ეკლესია („ტფილისის კაცნი დასხდებოდეს და მარიამ წმიდა ეკლესია აღაშენესო“ — ეს სიტყვები ანჩისხატს გულისხმობს).

სიონმა მას შემდეგ იმდენჯერ იცვალა სახე, რომ დღეს გაგვიძნელდება მისი თავდაპირველი გარეგნობის წარმოდგენა (თვით ტიპის დადგენაც კი). ანჩისხატიც გადაკეთებულია, მაგრამ მისი თავდაპირველი სახე მაინც ექვს არ იწვევს: ეს სამნავიანი ბაზილიკაა, ე. ი. იგი საკულტო ნაგებობათა იმ ტიპს მიეკუთვნება, რომელიც საქართველოში ქრისტიანობის მიღების შემდეგ გავრცელდა, ხოლო V—VI საუკუნეებში განსაკუთრებით განვითარდა (ბოლნისის სიონი, ურბნისის ტაძარი, ადრინდელი ბაზილიკები კახეთში).

ჩვენი საუკუნის სამოციან წლებში ანჩისხატის რესტავრაცია ჩატარდა. მას ჩამოაშორეს გვიანდელი (XVII და XIX საუკუნეების) დანამატები, აღადგინეს კედლების ძველი წყობის ნაწილი. შენობის ფასადები, ქართული საეკლესიო ხუროთმოძღვრების მტკიცედ შემუშავებული წესის თანახმად, თლილი ქვით იყო მოპირკეთებული. ამ ადრინდელი ხანისათვის დამახასიათებელია საფასადო მორთულობის სიძნეწე — სულ ორიოდ რელიეფი იყო ჯვრის გამოსახულებით. ასევე დამახასიათებელია იმ დროისათვის თაღების ნალისებრი მოხაზულობა და ღია თაღოვანი ლუნეტები შესასვლელების თავზე (ასევეა ბოლნისის სიონშიც). შიგნით შენობის კედლები მოურთავი იქნებოდა — ახლანდელი მოხატულობა გვიანდელია.

ამავე ადრინდელ ხანას, საფიქრებელია, VI საუკუნესვე, მიეკუთვნებოდა ქვაშეთის პირველი ეკლესიაც, რომელიც მაშინ ქალაქგარეთ იდგა. ეს იყო მცირე, მარტივი გეგმის მქონე, ტეტრაკონქი (ე. ი. გეგმა ჯვარისებრი იყო, ოთხი ნახევარწრიულად მომრგვალებული მკლავით) — მსგავსი ეკლესია იმავე ხანებში აშენდა კახეთშიაც — ძველ გავაზში.

ეს ერთი ადრინდელი ნიმუშთაგანი იყო ქართული საეკლესიო გუმბათოვანი ხუროთმოძღვრებისა (XVIII ს-ში ამ ეკლესიის ადგილას იმავე გეგმით ააშენეს ახალი ეკლესია, რომელმაც XX ს. დასაწყისში ადგილი დაუთმო ახლანდელ „ქვაშვეთს“).

თუმცა თავისი არსებობის პირველ საუკუნეებში ქალაქი მდინარის მარჯვენა ნაპირზე ვითარდებოდა, იგი „ცალი ფეხით“ მარცხენა ნაპირზედაც იყო გადასული. ახლანდელი მეტეხის ძირში მდებარეობდა „კილი ქალაქისა“ (ერთადერთი), ხოლო თვით მეტეხის ტაძრის ადგილას, „პირსა ზედა კლდისასა, რომელ არს კბოღც, კლღც მდინარისა მის დიდისაჲ“, ყოფილა „სადილეგო“ (საპატიმრო) და სასაფლაო („საგოდებელი“). ეს ქალაქის გარეუბანია. და მაინც, შეიძლება მივიჩნიოთ, რომ მტკვარი ქალაქის ხუროთმოძღვრული ღერძი იყო, რომელიც აშკარა გავლენას ახდენდა მასზე: თბილისი იმთავითვე მდინარისაკენ იყო მიმართული მთელი თავისი სახით: მდინარის ნაპირიდან ტერასებად განლაგებული ქალაქი მთლიანად „იკითხებოდა“, სულ ქვემოთ მდებარე შენობებით დაწყებული და დამაგვირგვინებელი ციტადელით დამთავრებული. შემთხვევით არ იყო, რომ ქალაქის ორივე უმთავრესი ეკლესიაც მტკვრის პირას აშენდა. შეიძლება ითქვას, რომ შუა საუკუნეების მთელ მანძილზე მდინარე ქალაქისათვის ინარჩუნებდა მიზიდულობის ძალას.

ჩვენ არ ვიცით როგორი იყო მაშინდელი საქალაქო საცხოვრებელი სახლები. დაგვემარების მხრივ კი ყველა ფეოდალური ქალაქი მეტ-ნაკლებად ჰგავდა ერთმანეთს: უნდა ვივარაუდოთ, რომ ისევე, როგორც გვიან ფეოდალურ ხანაში, ვახუშტის დროს, განაშენიანება ქაოსური იყო, ქუჩები ვიწრო და მიხვეულ-მოხვეული, რელიეფის გამო — აღმა-დაღმა მიმართულიც; რომ არსებობდა უბნების დიფერენცირება ფუნქციისა და სოციალური ნიშნების მიხედვით (საბაზრო, სახელოსნო ქუჩები ან მოედნები, აბანოების უბანი — X საუკუნის სომეხი და არაბი ისტორიკოსები იხსენიებენ კიდევ თბილისის აბანოებს და, აგრეთვე, წისქვილებს; „არისტოკრატიული“ უბანი და ღარიბების უბანი). მთავარი ქუჩები აუცილებლად დაკავშირებული იქნებოდა ქალაქის კიშკრებთან (კიშკარი, რომელიც ღამით იკეტებოდა, აგრეთვე აუცილებელი ატრიბუტია ფეოდალური ქალაქისა), ე. ი. ქალაქზე გამავალ უმთავრეს გზებთან..

შუა საუკუნეებში ქალაქი, ცხადია, ვითარდებოდა, იზრდებოდა და კნინდებოდა ისტორიულ მოვლენათა ზეგავლენით, ხან სიმდიდრით და დიდებული შენობებით იყო განთქმული, ხან ნანგრევებადაც ქცეული; მაგრამ ფეოდალური ხანის მთელ მანძილზე პრინციპული თვალსაზრისით მას არსებითი ცვლილებები არ განუცდია.

IV

თბილისი საქართველოს ფეოდალური მონარქიის ძლიერების ხანაში

თბილისის გადაქცევა ერთიანი საქართველოს საბაზო ქალაქად

ბრძოლა თბილისის შემოერთებისათვის XI საუკუნეში

ფეოდალური აღმავლობის გზაზე მტკიცედ შემდგარი საქართველოს სახელმწიფო ვერ შეურიგდებოდა „თბილისის საამიროს“ არსებობას ქართლის შუაუღმის XI ს. დამდეგს ქართველი მეფის ხელისუფლება ჩვენი ქვეყნის მიწა-წყლის დიდ ნაწილს აერთიანებდა. მისი გავლენა ახლა ამ საამიროზედაც ვრცელდებოდა, მაგრამ ეს საკმაო არ იყო.

თბილისში ამ დროსაც ჭაფარიანთა წარმომადგენელი არაბი ამირა იჯდა. მაჰმადიანები მძლავრობდნენ ქალაქსა და მის სანახებში და ავიწროებდნენ იქ მოსახლე ქართველ ქრისტიანებს. ამირა, როგორც ჩანს, რელიგიური ერთობის ნიადაგზე უკავშირდებოდა საქართველოს მეზობელ მუსლიმანურ პოლიტიკურ ერთეულებს, რომლებსაც მართლმადიდებლური სახელმწიფოს გაძლიერება ხელს არ აძლევდათ.

საქართველოს მეზობელი და ერთმორწმუნე ბიზანტიაც არ იყო დაინტერესებული ჩვენი ქვეყნის წინსვლით, რომელსაც იგი თავისი გავლენის სფეროდ მიიჩნევდა, და ხელს უშლიდა მის ბრძოლას დამოუკიდებლობისათვის.

ბიზანტიას ჰქონდა საფუძველი ეფიქრა, რომ ადრე თუ გვიან იგი ამიერკავკასიაში პოლიტიკურ გავლენას უნდა გამოთხოვებოდა. ჯერ კიდევ ბაგრატ III-ის დროს (980—1014 წწ.) საქართველომ ყმანდაფიცობის პირობით დაიმორჩილა და დახარკა შარვანის ქვეყანა, თავისი გავლენა კასპიის ზღვის ნაპირებამდე გაავრცელა. მართალია, ასეთი გაძლიერება მაშინ სტაბილური არ იყო, მაგრამ მსგავსი ფაქტები საგარეო წინააღმდეგობას ამწვავებდა.

ბიზანტია ხშირად უკავშირდებოდა საქართველოს შიგნით ცენტრალური ხელისუფლების მოწინააღმდეგე დიდ აზნაურებს. ისინი მხოლოდ „პატრონ-ყმობის“ (ვასალობის) პირობით უჭერდნენ მხარს საქართველოს გაერთიანებას, ისე რომ მათი ბატონკაცობა არ შეზღუდულიყო; მეფეს ვასალების გადაყენების უფლება არ უნდა ჰქონოდა. ასეთ ვითარებაში თბილისის უშუალო შემოერთების პრობლემა საკმაოდ რთული ჩანდა.

თბილისი ამიერკავკასიის მთავარ სავაჭრო-სატრანზიტო მაგისტრალზე მდებარეობდა და თავისი სტრატეგიული მნიშვნელობითაც დიდ ყურადღებას იქცევდა. იგი ძველი ალბანეთის ცენტრის ქ. ბარდავის (ბარდა) გზით უკავშირდებოდა აღმოსავლეთით შარვანსა და კასპიის ზღვისპირეთს, ხოლო სამხრეთ-დასავლეთით, ტაოს ქართული სამეფოს მეშვეობით, სავაჭრო მაგისტრალი — დვინი-თავრიზი-ხლათი, ტრაპიზონ-ერზერუმი — მიიმართებოდა არაქს-ეფერატისა და ვანის თუ ურმიის ტბების რეგიონებისაკენ¹. სამწუხაროდ, XI ს. პირველ მესამედში, ბიზანტიის აგრესიის შედეგად, იმიერ ტაო — საქართველოს სამხრეთ-დასავლეთი ნაწილი — საკმაოდ დიდი ხნით იქნა მიტაცებული. 1032 წ. ბერძნებმა ჩრდილო-დასავლეთის მხრიდანაც შემოუტყეს საქართველოს, დაიპყრეს ანაკოფიის ციხე და საზღვარზე „ფეხი ჩადგეს“².

მიუხედავად აღნიშნული სიძნელეებისა, თბილისის შემოერთებისათვის ეპიზოდური ცდები დაიწყო XI ს. 30-იანი წლებიდან, როცა ბიზანტიის შემოტევები დროებით შეწყდა.

ამ დროს საქართველოში მეფობდა ბაგრატ IV. იგი თბილისისათვის ბრძოლის დაწყების მომენტში, 1032 წელს, 12 წლისა იყო. აბა რა შეეძლო მცირეწლოვან მეფეს! ამით სარგებლობდნენ ზვიადი ფეოდალები და ცდილობდნენ საკუთარი სურვილები ეკარნახათ მისთვის. ამავე დროს ისინი თავიანთი ინიციატივითაც იბრძოდნენ მეზობლების ხარჯზე გაფართოებისათვის, რათა ვასალური მდგომარეობა განემტკიცებინათ.

1032 წ. თბილისისათვის ბრძოლა წამოიწყო საკმაოდ ძლიერმა კლდეკარის ერისთავმა ლიპარიტმა, რომლის სამფლობელო თბილისის საამიროს დასავლეთიდან ეკვროდა. მან, ქართლის ერისთავ ივანე აბაზას ძესთან ერთად, ამირა ჭაფარი მუხათგვერდს გაიტყუა, შეიპყრო და ბაგრატ მეფეს წარუდგინა. ამავე დროს ამირას ჩამოართვეს ალგეთის ხეობაში მდებარე ბირთვისის ციხე, დაიკავეს იქ გამავალი გზა, თბილისის თრიალეთ-ჭავჭავთთან რომ აკავშირებდა³. ასეთი იყო პირველი წარმატება, მაგრამ იგი მალე ჩაიშალა დიდ ფეოდალებს შორის ატეხილი შურისა და მტრობის შედეგად; ამირა კი ტყვეობიდან გაათავისუფლეს.

რამდენიმე წლის შემდეგ თბილისისათვის ბრძოლა ისევ განახლდა. ამჟერადაც ინიციატორად ლიპარიტი გამოვიდა.

¹ ე. ს ი ხ ა რ ლ ი ძ ე , ამიერკავკასიის სამარშრუტო გზები IX—X საუკუნეებში (არაბული წყაროების მიხედვით). — კრებ. „მახლობელი აღმოსავლეთის ისტორიის საკითხები“, თბ., 1963. გვ. 175—188; ლ. ქ ი ლ ა შ ვ ი ლ ი . ქალაქები ფეოდალურ საქართველოში, II, თბ., 1970, გვ. 125—143.

² ივ. ჭ ა ვ ა ხ ი შ ვ ი ლ ი , თხზულებანი თორმეტ ტომად, ტ. II, 1983, გვ. 140.

³ ქართლის ცხოვრება, I, გვ. 296—298; ვ. კ ო ჰ ა ლ ი ა ნ ი . ბაგრატ მეოთხისა და ლიპარიტ ლიპარიტის ძის ურთიერთობიდან (თსუ შრომები, ტ. 45. 1954, გვ. 245).

1037 წ. ბაგრატ IV-მ თბილისზე გაილაშქრა და მისი გარემოცვა დაიწყო. ქალაქისათვის ბრძოლაში ბაგრატს კახთა მეფის ძალებიც წამოემეველნენ; ისინი მტკვრის მარცხენა ნაპირიდან, ისნის ტერიტორიიდან უტევდნენ. გარემოცვა თითქმის ორ წელიწადს გაგრძელებულა. მომარაგების გზებს მოწყვეტილი მოსახლეობა შიმშილობდა. მემკვიდრის ცნობით. სურსათმა ფრიად იკლო და, თუ რამ იშოვებოდა, უაღრესად ძვირი იყო.

თბილისის ალყის დროს საამიროს ჩამოაცილეს ფარცხისისა და ორბეთის ციხეები. სასოწარკვეთილი ამირა ჯაფარი თავისი მხლებლებითურთ განჯისაკენ გაქცევას აპირებდა. ამისათვის მას მტკვარზე ტივები და ნავები გაუმზადეს კიდეც, რომ ღამით გაპარულიყო, მაგრამ სრულიად მოულოდნელად მას ბედმა გაუღიმა. ბაგრატზე კვლავაც მოახდინეს ზეგავლენა ლიპარიტის მოწინააღმდეგეებმა, რომელთა ჩაგონებითაც მეფემ თბილისს ალყა მოხსნა და იგი გასაქცევად გამზადებულ ამირას მიანება⁴. ახლაც ამოდ დაშვრა ლიპარიტ ერისთავი. არც ახალგაზრდა მეფემ იყისრა მეურვედ ყოლოდა ისედაც ძლიერი ფეოდალი. ამ დროიდან იწყება შეურიგებელი მტრობა ლიპარიტსა და ბაგრატ IV-ს შორის.

XI ს. შუა ხანებისათვის თბილისის საშინაო-პოლიტიკური ვითარება დაძაბული იყო. ქალაქში თანდათანობით გააქტიურდნენ სავაქრო-სახელოსნო კორპორაციების მეთაურები — რაისები, რომლებიც, ქართული წყაროს მიხედვით, „თბილისის ბერებად“ იწოდებოდნენ. ბერები (უხუცესები) ცდილობდნენ ძლიერ ხელისუფალს დაკავშირებოდნენ, რომელიც სათანადოდ დაიცავდა ქალაქის ზედაფენების პოლიტიკურ და ეკონომიკურ ინტერესებს, უზრუნველყოფდა ქალაქს მშვიდობით, რაც მისი შემდგომი განვითარებისათვის აუცილებელი იყო. მფარველ ძალად მოქალაქეებმა ბაგრატ მეფე მიიჩნიეს.

1045 წლისათვის, როცა თბილისის ამირა ჯაფარი ახალი გარდაცვლილი იყო და ქალაქში ბრძოლა მიმდინარეობდა ამირას მემკვიდრეებსა და ბერებს შორის, ბერებმა კავშირი დაამყარეს დასავლეთ საქართველოში მყოფ ბაგრატთან და თბილისის გადაცემა აღუთქვეს. ბაგრატი ამ წინადადების მიღებისთანავე თბილისს გაემურა⁵. დიდმის ველზე ბაგრატს ქალაქის მოსახლეობაც შეეგება და დიდი ზეიმით იგი თბილისში შეიყვანეს: „იყო კმა ბუკთა და დუმბულთა ორკერძოვე საშინელი“, რომლისა „კმითა იძვროდა ქვეყანა და იყო სიხარული ორკერძოვე განსაკვირვე-

⁴ ქართლის ცხოვრება, I, გვ. 297—298; ივ. ჯ ა ე ა ხ ი შ ე ლ ი, დასახ. თხზულებანი. ტ. 11, გვ. 141—142.

⁵ ბაგრატი ამ დროს ბიზანტიელების მიერ დაპყრობილი ანაკოფიის ციხის დასაბრუნებლად იბრძოდა, მაგრამ თბილისის პრობლემა დიდმნიშვნელოვანი იყო. ანაკოფია კი მან თავის სარდლებს მიანდო (ქართლის ცხოვრება, I, გვ. 299; საქ. ისტ. ნარკვევები, III, გვ. 163—164).

ბელი“, მოგვითხრობს მემატიანე⁶. მეფე ქალაქს შემოატარეს; მოქალაქეთა წესისამებრ, ბაგრატს თავზე აყრიდნენ ოქროსა და ვერცხლის ფულებს. შემდეგ კი ქალაქის კარებისა და ციხეების კლიტეები ჩააბარეს და ამირას დარბაზში შეიყვანეს⁷. მეფემ „აღიხუნა კოშკნი კართანი თავის კაცითა, და აღიღო ციხე ქალაქისა დარიჯელი, და ორნივე კოშკნი წყალყინისანი და თაბორი, და დაადგინა შიგან ლაშქარნი და ერისთავნი“⁸.

მიუხედავად ასეთი წარმატებისა, ქალაქის მეორე ნაწილი — ისნის მხარე (ავლაბარი), სადაც მაჰმადიანური არისტოკრატია ბატონობდა, არ ნებდებოდა მეფეს, ისნელებს მტკვარზე ხიდი ჩაუნგრევიათ და მეფისათვის გზა გადაუკეტიათ. მეფეს ისნისათვის ბრძოლა მოუხდა. ისნის სიმაგრეებს ქვის მსროლელი მანქანებით ესროდნენ, რომელიც საკმაოდ დიდხანს გაგრძელდა. მაგრამ ამას შედეგი არ მოჰყოლია⁹.

„ისნელების“ წინააღმდეგობაში, როგორც ჩანს, ამირა ჯაფარის მემკვიდრეთა ხელი ერია; ისინი არ ეხმარებოდნენ ქალაქის ბერებს, რომლებმაც ბაგრატი მოიწვიეს. გარდა ამისა, მეფეს ახალი და ძლიერი მტერიც მოევლინა ლიპარიტ ერისთავის სახით, რომელიც, თბილისში მეფის შესვლის შესახებ ამბის გაგებისთანავე, დიდი ლაშქრით დაიძრა მის წინააღმდეგ. ამით დაშინებული მეფე ტოვებს თბილისს და გადადის ჯავახეთში¹⁰. თბილისის შემოურთების საქმე ამ დროს უკვე ქედმაღალმა ერისთავმა ჩაშალა.

იმავე 1045 წ. მოძმე სომხეთში მძიმე ვითარება შეიქმნა. სულს ლაფავდა ბაგრატუნების დინასტია. ბიზანტიის კეისარმა კონსტანტინე მონომასხმა მოტყუებით მიიწვია ახალგაზრდა მეფე გაგიკი და თავის სამეფოში — ქალაქ ანისში აღარ დააბრუნა. „ტახტი ცარიელი დარჩა, ხოლო ქალაქი უპატრონო. სომეხი აზნაურების ერთი ჯგუფის თხოვნით, ბაგრატი წავიდა ანელების დასახმარებლად, მაგრამ იძულებული გახდა უკან დაბრუნებულიყო“¹¹. თბილელი ბერები იწვევდნენ მას ქალაქის დასაკავებლად, მაგრამ, როგორც ითქვა, ბაგრატმა თბილისი ვერ გაათავისუფლა, ანელებისათვის დახმარების საქმეც გადაიღო და ვერც ანაკოფია დაიბრუნა.

თბილისის ამირა ჯაფარის გარდაცვალების (1045 წ.) შემდეგ ქალაქის გამგებლად დარჩნენ მისი ძეები აბულ-ჰეიჯა და მანსური, რომლებიც

⁶ ქართლის ცხოვრება, I, გვ. 299.

⁷ შ. მე ს ხ ი ა და ს ხ ე., დასახ. ნაშრომი, 1958, გვ. 39.

⁸ ქართლის ცხოვრება. I, გვ. 299.

⁹ ივ. ჯ ა ვ ა ხ ი შ ვ ი ლ ი, დასახ. თხზულებანი, ტ. II, გვ. 144.

¹⁰ ქართლის ცხოვრება, I, გვ. 300.

¹¹ ვ. ს. ნ ა ლ ბ ა ნ დ ი ა ნ ი. თბილისი ძველ სომხურ მწერლობაში უძველესი დროიდან XVIII ს. ბოლომდე. სომხურიდან თარგმნეს ნ. ჯანაშიამ და ე. ცაგარეიშვილმა. თბ., 1959, გვ. 72.

თურმე ერთმანეთს ძალაუფლებებისათვის ებრძოდნენ. რამდენ ხანს გრძელდებოდა ყოველივე ეს. არ ჩანს, მაგრამ უნდა ვიკულისხმოთ, რომ იგი დიდხანს მიმდინარეობდა: 1062 წლისათვის მოშულე ქმებს უკვე მიტოვებული ჰქონიათ პოლიტიკური ცხოვრება¹².

შემდგომი პერიოდი თბილისის ისტორიაში „ბერებსა“ და ჯაფარიანებს შორის მკაცრი ბრძოლის ნიშნის ქვეშ მიმდინარეობდა. ამ დროს, 1048 წ. ბიზანტიელებთან ერთად სელჩუკიან თურქთა წინააღმდეგ მებრძოლი ლიპარიტი დაატყვევეს. ამით ისარგებლეს ბაგრატ მეფემ და მისმა მომხრეებმა: „კუალად უკმეს ტფილელთა და მოსცეს ტფილისი და შეიყვანეს შინა და იყო სიხარული და მშვიდობა დიდი“. სამწუხაროდ, ბაგრატის ბატონობა ამჯერადაც დიდხანს არ გაგრძელებულა. თურქთა მიერ დატყვევებული ლიპარიტი 1051 წ. ახერხებს განთავისუფლებას, ხოლო ბაგრატი ისევ ტოვებს თბილისს¹³. როგორც ჩანს, ბაგრატის მიერ თბილისის შემოერთება ბიზანტიის პოლიტიკური წრეებისათვის მიუღებელი იყო. ალბათ ამიტომაც მეფე ასე უფრთხოდა ბიზანტიის მსახურად ქცეული ლიპარიტის გამოჩენას.

თბილისის ბერებსა და ისინის მაჰმადიანურ არისტოკრატიას შორის ბრძოლა კვლავ გრძელდებოდა. თბილელებმა, როგორც იქნა, მოახერხეს ჯაფარიანების საბოლოოდ გაძევება და მთელ ქალაქს დაეპატრონენ. მაგრამ თბილისის ეკონომიკური და პოლიტიკური მდგომარეობა მეტად შერყეული იყო. ქალაქს არ ჰყოფნიდა სურსათი. მოქალაქეთა სიმყუდროვე ირღვეოდა და მათ დაცვა ესაჭიროებოდათ. ასეთ ვითარებაში თბილისელებმა კვლავ სცადეს მფარველობის მოპოვება. ისინი 1062 წ. განძის მმართველს შედადიან აბულ-ასვარს დაუკავშირდნენ. ამ ნაბიჯმაც სასურველი შედეგი არ მოუტანა თბილისელებს. ისინი იძულებული გამხდარან, რომ ქალაქი კახთა მეფე აღსართანისათვის გადაეცათ. ამ უკანასკნელმა კი თბილისი ბაგრატ IV-ს მიჰყიდა¹⁴. ჩანს, აღსართანი ასე იმიტომ მოიქცა, რომ ემინოდა ურთიერთობა არ გაემწვავებინა ბაგრატთან, რომელიც კახეთის სამეფოს საბოლოო შემოერთებისათვის იღწვოდა¹⁵.

ჩვენთვის უცნობი მიზეზებით ბაგრატმა არც ახლა შემოიერთა თბილისი და იგი ჯაფარიანთა სახლს გადასცა. საქართველოს მეფე თბილისის პატრონობის უფლებას სჯერდებოდა.

აღნიშნული ამბების შემდეგ თბილისის ცხოვრებაში დროებითი სიმშვიდე ჩამოვარდა. მაგრამ იგი მალე დაირღვა სელჩუკიანი თურქების

¹² А х м а д и б и Л ю т ф у л л а х (Мунеджим-баши), «Джами ад-дурал». Перевод А. Мамедова. Труды Инст. Ист. АН Аз. ССР, т. XI, Баку, 1957.

¹³ ქართლის ცხოვრება, I, გვ. 302—303; ივ. ჯ ა ე ა ხ ი შ ე ი ლ ი, დასახ. თხზულებანი, ტ. II, გვ. 147.

¹⁴ А х м а д и б и Л ю т ф у л л а х, დასახ. ნაშრომი, გვ. 218; რ. კ ი ე ნ ა ძ ე, XI—XIII საუკუნეთა თბილისის ისტორიიდან, ისტ. ინსტ. შრ., V, თბ., 1960, გვ. 112—114.

¹⁵ რ. კ ი ე ნ ა ძ ე, დასახ. ნაშრომი, გვ. 114.

შემოსევების გამო. 1067 წელს სულთანმა ალფ-არსლანმა თბილისი დაიკავა და აქ ჯამე ააგო¹⁶.

სულთანმა და მისმა მოკავშირეებმა, რომელთა შორის კახთა მეფე აღსართანიც აღმოჩნდა, განძის ამირა ფადლონთან ერთად, 1068 თუ 1069 წ. ქართლი სასტიკად დაარბიეს, მერე გადავიდნენ არგვეთს და გაძარცვეს იგი, ვიდრე სვერის ციხემდე. დაიწყო საზავო მოლაპარაკება დასავლეთ საქართველოში გადასულ ბაგრატ მეფესა და სულთანს შორის. სულთანი ცდილობდა ყმად და მოხარკედ ექცია ბაგრატი, მაგრამ „სიფიცხისაგან ზამთრისა ვერლარა მოილოდინა“ ბაგრატი მეფის პასუხი და ქართლი მიატოვა.

წასვლის წინ სულთანმა თბილისი და რუსთავი ფადლონს მისცა. იგი თავისი დიდძალი ლაშქრით ისნის ველზე იყო დაბანაკებული, როცა, 1069 წ. გაზაფხულზე, ბაგრატი ქართლში გადმოვიდა, „ჩადგა დიდგორთა“, სადაც მეფეთა საზაფხულო სადგომი იყო. გათამამებულ ფადლონს, როგორც ჩანს, ამისთვის ყურადღება არ მიუქცევია — მუხრანისაკენ დაძრულა ქართლის დასარბევად. ბაგრატმა ჯარი შეჰყარა, ფადლონს დაედევნა და წილკნის კართან წამოეწია. „პირველსავე კრძლის მოკიდებასა“ მტრის ჯარი გაიქცა. ბოლოს, შემთხვევით დატყვევებული ფადლონი მისი დროებითი მოკავშირის — კახთა ბატონის ხელთ აღმოჩნდა; ეს უკანასკნელი, ბაგრატის შიშით შეპყრობილი. იძულებული გახდა, რომ „საპატიო“ ტყვე ბაგრატი მეფისათვის გაეგზავნა. ამის შემდეგ თბილისის აღება თითქოს ადვილი იყო, მაგრამ ფადლონის მიერ იქ დასმული მმართველი — სითილარაბი, რომელიც ამირათა შთამომავალი ყოფილა, „თვით გამირებასა ლამობდა“ და შეუპოვრად იბრძოდა. მეფემ ქალაქი აიღო და საგამგეოდ ისევ სითილარაბს დაუტოვა. მეფის უშუალო მფლობელობაში გადავიდა თბილისის გარშემო მდებარე „ციხენი რუსთავი, ფარცხისი, აგარანი...“, ხოლო ქალაქს ყოველწლიური ხარკის სახით 44 000 დრაჰმის გადახდა დაეკისრა. დატყვევებული ამირა ფადლონი ბაგრატმა სულთნის თხოვნით შეიწყალა და განძის გაისტუმრა¹⁷. დამყარდა დროებითი ზავი სულთანსა და საქართველოს შორის.

ამრიგად, საქართველოს მეფემ თბილისის საამიროზე სამხედრო-პოლიტიკური მბრძანებლობა მოიპოვა და ამჯერადაც არ იკისრა მისი უშუალო შემოერთება; როგორც ჩანს, იგი ისე ძლიერად არ გრძნობდა თავს, რომ საამიროს საბოლოო გაუქმების შედეგად მოსალოდნელი გართულებანი თავიდან აეცდინა.

¹⁶ ნ. შენგელია, საღრდ-დინ ჰუსეინი ალფ-არსლანის საქართველოსა და ამიერკავკასიის ქვეყნებში ლაშქრობის შესახებ. — კრებ. ძიებანი საქართველოსა და კავკასიის ისტორიიდან, თბ., 1976, გვ. 193; Садр ад-Дин Али ал-Хусайни, Ахбар ад-Даулат ас-Селджукийа. Издание текста, перевод, введение З. М. Буятова, М., 1980, с. 55.

¹⁷ იქვე, გვ. 156—157; ქართლის ცხოვრება, I, გვ. 112.

ბაგრატიის დაზავება სულთანთან ხანმოკლე აღმოჩნდა. სელჩუკიანი თურქები გაძლიერდნენ. ჯერ კიდევ XI ს. შუა წლებიდან მათ დაიპყრეს მუზობელი სომხეთი და მერე პერიოდულად არბევდნენ ჩვენს ქვეყანას; შეავიწროვეს ქრისტიანული ბიზანტიის იმპერია, რომლის მიწებზე XI ს. 70-იანი წლებიდან ყალიბდება რუმის ან „რომის“ სასულთნო. ბიზანტია იძულებული გახდა თურქ-სელჩუკებისათვის დაეთმო აღმოსავლეთში დაპყრობილი ქვეყნები (1074 წ.). თურქები ამიერიდან საქართველოს არა მარტო აღმოსავლეთის მხრიდან, არამედ სამხრეთ-დასავლეთიდანაც შემოადგნენ და მალე მისი დიდი ნაწილიც დაიპყრეს.

XI ს. 80-იანი წლებიდან დაწყებულმა „დიდმა თურქობამ“, ანუ მათი შემოტევების არაჩვეულებრივმა გაძლიერებამ, საქართველოს სამეფო ხელისუფლების დაკნინება გამოიწვია. მეფემ თბილისზე ბატონობის უფლება დაკარგა. ამავე დროს ჯაფარიან ამირათა სახლი საბოლოოდ გადაშენდა¹⁸, რის შემდეგაც თბილისს ადგილობრივ მოქალაქეთა ზედაფენები განაგებდნენ. ასე დამთავრდა ჯაფარიანთა ორასწლოვანი ბატონობა. არაბ ისტორიკოს ალ-ფარიკის გადმოცემით, „ქალაქის მმართველობა გადავიდა მისი მცხოვრებლების ხელში, ისე რომ თითოეული მათგანი მართავდა ქალაქს თითო თვე. ასე გაგრძელდა ორმოცი წელი“. ქართველ მეფეს და მუსლიმან ამირებსაც თბილისი ვერ დაუბრუნებიათ¹⁹.

ალ-ფარიკი თბილისის ახალ ბატონებს იქაურ „ხალხს“ უწოდებს²⁰, მეორე არაბი ავტორი — სიბტ იბნ ალ-ჯაუზი — „ყმაწვილებს“²¹. ამ ტერმინებით აღმოსავლური წყაროები, როგორც ჩანს, აღნიშნავენ საქალაქო ცენტრებში მიმდინარე სოციალური მოძრაობის მონაწილეებს²². თბილისის მოსახლეობის ის ნაწილი, ახლა რომ ქალაქის ძალაუფლების სათავეში მოექცა, იმ „ბერების“ მემკვიდრეები უნდა ყოფილიყვნენ, თავის დროზე ქალაქში ბაგრატ IV-ს რომ იწვევდნენ მის საფარველში შესვლის მიზნით. ეს ჩანს დავით აღმაშენებლის ისტორიკოსის ცნობიდანაც, რომ თბილისის მესვეურები XII ს. პირველ ათეულ წლებში ქალაქის ვაჟრები იყვნენ, რომლებიც აქტიურად იცავდნენ საშინაო დამოუკიდებლობას²³. საქალაქო ფენების ასეთ გაძლიერებაზე, საერთოდ, აღმოსავლეთ ამიერკავკასიაში, როგორც ჩანს, დიდი გავლენა იქონია მაშინ თურქ-სელჩუკთა სახელმწიფოში ნიზამ ალ-მულქის მიერ განხორ-

¹⁸ რ. კიკნაძე, დასახ. ნაშრომი, გვ. 197.

¹⁹ შ. მესხია და სხვ., თბილისის ისტორია, 1958, გვ. 41.

²⁰ Из «Истории Майяфарника» и др. ал. Азрака ал-фарника. Труды Инст. ист. АН Аз. ССР, т. XII, гв. 223; ამ ძეგლის სხვადასხვა თარგმანებსა და გამოცემებზე იხ. შ. გაბაშვილი, საქართველოს ქალაქები XI—XII საუკუნეებში, თბ., 1981, გვ. 65—68.

²¹ ო. ცქიტიშვილი, სიბტ იბნ ალ-ჯაუზის ცნობა დავით აღმაშენებლის შესახებ. თსუ შრომები, ტ. 118. 1967, გვ. 204, 205.

²² შ. გაბაშვილი, დასახ. ნაშრომი, გვ. 69—82.

²³ ციკლება მეფეთ მეფისა დავითისი. — ქართლის ცხოვრება, I, გვ. 340.

ციელებულმა რეფორმებმა, რის შედეგადაც ქალაქთა ვაჭრულ-ხელოსნურ ფენებს პრივილეგიები მიენიჭათ.

XI ს. 90-იანი წლებიდან თბილისის შემოერთებისა და საქართველოს სრული გაერთიანებისათვის ხანგრძლივ ბრძოლაში გარდატეხის პერიოდი დაიწყო.

თ ბ ი ლ ი ს ი — ე რ თ ი ა ნ ი ს ა ქ ა რ თ ვ ე ლ ო ს ს ა ტ ა ხ ტ ო ქ ა ლ ა პ ი

1080 წლიდან დაწყებული, „დიდი თურქობის“ დროს მძარცველები სვაევბივით მოედვნენ ქართულ სოფლებსა და ქალაქებს. განსაკუთრებით არბევდნენ ქვემო ქართლს თბილისითურთ. „არა იყო მათ ქამთა შინა თესვა და მკა, მოოვრდა ქუეყანა და ტყედ გარდაიქცა“²⁴. ამიერიდან დაიწყო მომთაბარე თურქების მასობრივი ჩამოსახლება საქართველოში. ასეთ ვითარებაში 1089 წ. გამეფდა შუა საუკუნეების საქართველოს მომავალი დიდი ხელმწიფე დავით IV, რომელსაც ხალხმა „აღმაშენებელი“ უწოდა. ძლიერების პერიოდის ქართველ მეფეთა შორის, მას უფრო შეეფერებოდა „მესიის მახვილის“ სახელი, რაც გვაუწყებდა, რომ დავითის მოღვაწეობას ახლო აღმოსავლეთში ქრისტიანთა მხსნელის მნიშვნელობაც ჰქონდა. ქრისტეს წმინდა სახელს ამოფარებული მახვილი მაშინ არა მარტო „ურწმუნო“ მოძალადეთა საქართველოდან განდევნისა და მისი მთლიანობის აღდგენის საქმეს ემსახურებოდა, არამედ ქვეყნის საზღვრების გაფართოებასაც ისახავდა მიზნად. ეს იყო პოლიტიკური ბრძოლის რელიგიური საფარველი, რომელსაც დიდი მნიშვნელობა ჰქონდა ქართველი და სომეხი ხალხების ცხოვრებაში²⁵.

დავით მეფის სახელმწიფო არსებითად ცვლიდა უკვე დასუსტების გზაზე შემდგარი ბიზანტიის გავლენას ამ რეგიონებში. მისი მოღვაწეობის ნაყოფი ნამდვილად საფუძველს უყრიდა ახალ პერიოდს ფეოდალური ხანის საქართველოს ისტორიაში.

დავით აღმაშენებელმა „არსებითი გავლენა იქონია მთელი ამიერკავკასიის ქვეყნების ისტორიაზე“²⁶. თურქ-სელჩუკების წინააღმდეგ ბრძოლაში ჩააბა სომეხი, ალბანელი და ჩრდილოეთ კავკასიის ხალხები; „ეს ერთსულოვნება ჩვენ უნდა მივაწეროთ უმთავრესად იმ გამარჯვებებს, რომელთაც მიაღწია საქართველომ არა მარტო ისტორიულ სომხეთში, არამედ ადარბადაგანშიც“²⁷.

²⁴ ქართლის ცხოვრება. I, გვ. 320.

²⁵ მ. დ უ შ ბ ა ძ ე, საქართველოს ისტორიული სინამდვილე და შოთა რუსთაველი — კრებ. „საქართველო რუსთაველის ხანაში“, 1966, გვ. 5.

²⁶ ვ. ნ ა ლ ბ ა ნ დ ი ა ნ ი, დასახ. ნაშრომი. გვ. 75.

²⁷ ჯ. მ ა ნ ა დ ი ა ნ ი. სომეხი ხალხის ისტორიის კრიტიკული მიმოხილვა, ნაწილი III, ერევანი, 1952, სომხურ ენაზე, გვ. 88. ციტირებულია ვ. ნალბანდიანის დასახ. წიგნიდან, გვ. 76.

დავითმა გაამხნევა უცხოელთა, განსაკუთრებით კი თურქ-სელჩუკთა ველური ბატონობის შედეგად დაჩაბნული მოსახლეობა, აღადგინა მეომართა გმირული სულისკვეთება. ფსიქიკური ზეგავლენა იქონია მეფემეომარმა თანამებრძოლებზე. ომის მაშინდელი ტექნიკისა და სტრატეგიის ცოდნით აღჭურვილი მეფე ყოველთვის ტრიალებდა შუაგულში და ხმალამოწვდილი იბრძოდა, ბოლო მოეღოთ თურქთა შემოსევებს. დავითმა ოსტატურად გამოიყენა სასულთნოში გაღრმავებული პოლიტიკური დამოღის პროცესი და გამდგარი კახეთის სამეფოც დაიმორჩილა. ყოველივე ამის შემდეგ გარკვეული სტრატეგიული გეგმის მიხედვით დაიწყო თურქების მიერ დაპყრობილი ქალაქებისა და ციხეების განთავისუფლება.

თურქების ხელში მყოფი ქართლის ქალაქები — დმანისი, სამშვილდე, რუსთავი და სხვ. „თბილისის მისასვლელებს იცავდნენ და ერთად მძლავრ თავდაცვის სისტემას ჰქმნიდნენ“²⁶.

დიდად დაზარალდა თბილისი თურქ-სელჩუკთა ბატონობის დროს. მათი უღლის გადაგდების შემდეგ ქალაქის აღება გაადვილებული იყო, მაგრამ ბრძოლა მისთვის ახლაც დიდ სიძნელეებს იწვევდა. დავით მეფის გაძლიერება შიშის ზარს ჰკვირიდა მაჰმადიანურ პოლიტიკურ ერთეულებს. თბილისის თავკაცები კი არსებითად პროთურქულ ორიენტაციანზე იდგნენ. ამიტომ დავით მეფემ, როგორც ჩანს, გადაწყვიტა, პირველ რიგში. თბილისის გარშემო მდებარე ქალაქები დაეპყრო და ამ ქალაქთან დამაკავშირებელი გზები გადაეკრა.

დავითმა 1110 წ. ქალაქი სამშვილდე აიღო და ამით თბილისს სამხრეთ-დასავლეთისაკენ გასასვლელი გზა ჩაუკეტა.

სამშვილდის აღებამ დიდი გამოხმაურება პოვა. ამის შესახებ დავით აღმაშენებლის ისტორიკოსი წერდა: „ცნეს რა თურქთა აღება სამშვილდისა, უმრავლესნი ციხენი სომხითისანი დაუტევენეს... რამეთუ ვიდრე მოაქამომდე სთუელთა ჩამოიარიან... პირსა მტკურისასა, ტფილისითგან ვიდრე ბარდავადმდე... თვსთა ქალაქთა ვაჰრობდიან, ხოლო ჩუენთა ნაპირთა არბევდიან ტყუთა და ალაფითა სავსეთა“²⁹; „ქალაქი ტფილისი იყო. ოდეს ჯერეთ არა სრულიად შემოყენებულ იყო უღელსა ქუეშე მორჩილებისასა, ვითარცა აწ, არამედ სავსე იყო სისხლითა ქრისტიანეთათა; რამეთუ ოდესმე ყვიან ღვლავი და თვინიერ მიზეზისაცა მოსრნიან რაოდენნი პოენიან ქრისტიანენი...“³⁰

²⁶ შ. მესხია და სხვ., დასახ. ნაშრომი, 1958, გვ. 42.

²⁹ დავით აღმაშენებლის ისტორიკოსი. — ქართლის ცხოვრება, I, გვ. 331—332.

³⁰ იქვე, გვ. 349. „ღაღავთან“ დაკავშირებით ვ. გაბაშვილი შენიშნავს, რომ დავითის ისტორიკოსს მხედველობაში ჰქონდა „ქალაქში მიმდინარე მღელვარებანი და ამბოხებანი“ — იხ. მისი ნაშრომი — ქ. თბილისის სოციალური ისტორიიდან — კრებ. „ნარკვევები მაზობელი აღმოსავლეთის ქალაქების ისტორიიდან“, თბ., 1966, გვ. 157--158.

თურქები შეეცადნენ სამშვილდის დაბრუნებას. „მოვიდა ძალი სულ-თნისა ყოველი თურქობა“, რათა მოულოდნელი დარტყმით დაებრუნებინათ დაკარგული პოზიციები, მაგრამ ქართველთა მხედრობამ. „ცისკრიდან“ დაწყებული ვიდრე „მიდრეკამდე დღისასა“, სასტიკად დაამარცხა და გააქცია თურქთა მოწინავე ლაშქარი; გაქცეულებს დანარჩენებიც მიჰყვნენ. ეს ბრძოლა 1110—1112 წლებს შორის უნდა მომხდარიყო³¹.

აღნიშნული მძაფრი წინააღმდეგობით აიხსნებოდა თბილისისათვის ბრძოლის გახანგრძლივება დავით IV-ის დროსაც.

სამშვილდის აღების შემდეგ 1116 წ. მეფემ რუსთავი აიღო და აღმოსავლეთის მხრიდან დაუახლოვდა თბილისს, 3 წლის შემდეგ კი ლორეს ციხე, რის შემდეგაც იბერიის ძველი დედაქალაქი ფაქტობრივად გარშემორტყმული აღმოჩნდა.

დავით IV-ის პოლიტიკა არსებითად განსხვავდებოდა მის წინამორბედ მეფეთა პოლიტიკისაგან (ბაგრატ IV, გიორგი II). იგი ვერ ურიგდებოდა ნახევრად ხელმწიფური ვასალების არსებობას, იბრძოდა ხელისუფლების ცენტრალიზაციისათვის. დაბრუნებულ ქართულ ქალაქებსა და მიწებს სამეფო კარის უშუალო მფლობელობაში აქცევდა. ეს განსაკუთრებით უნდა ეგრძნოთ თურქ-სელჩუკთა მიერ დაპყრობილ ქალაქებს.

დრო შეიცვალა. თბილისის ბერები ადრე იწვევდნენ ბაგრატ IV-ს. რომელიც მათ მმართველობაში არ ერეოდა, მხოლოდ მორჩილებით ან ხაკით კმაყოფილდებოდა, დავით IV-ს კი არ იწვევდნენ და ეს გასაგებიც იყო. თურქთა ბატონობის საბოლოო აღკვეთა მოითხოვდა ქალაქებში გაბატონებული მაჰმადიანური არისტოკრატის შეცვლას ქრისტიანულით; არა უბრალოდ დაპყრობა, არამედ შინაგანი გარდაქმნები, ქართული ტრადიციების აღდგენა — ეს იყო მთავარი იმ დროისათვის. პოლიტიკის ასეთი კურსი იწვევდა წინააღმდეგობის გამძაფრებას.

დავითის სახელმწიფოს გაძლიერებისათვის დიდი მნიშვნელობა ჰქონდა ურთიერთობის გაუმჯობესებას ბიზანტიასთან, მასთან დამოყვრებას. 1116 წელს დავითის ასული კატაჲ კეისრის რძალი გახდა. ამაზე ადრე მეფისავე უფროსი ქალიშვილი თამარი შარვანშაჰს გაჰყვა ცოლად. გარდა ამისა, მეფის მეუღლე გურანდუხტი ყივჩაყთა მთავრის ასული იყო.

„საქართველო იზრდებოდა და ფართოვდებოდა; მტერი თანდათან უკან იხევდა და ძლევამოსილ მეფეს დაპყრობილს ქართველთა მიწა-წყალს უთმობდა“³². ისახებოდა და ვითარდებოდა კავკასიის პოლიტიკური გაერთიანების დიდი გეგმა, რომლის განხორციელებისათვის გადაწყვეტი მნიშვნელობა ჰქონდა დავითის მიერ შექმნილ მუდმივ ჭარს, რაც 1118—1120 წლებში განხორციელდა.

³¹ ივ. ჯავახიშვილი. დასახ. თხზულებანი. ტ. II, გვ. 197.

³² იქვე, გვ. 198.

მეფის გამარჯვებათა შედეგად შევიწროებული და კომუნიკაციებს მოწყვეტილი თბილისის ზედაფენები ცდილობდნენ დაეცვათ საშინაო დამოუკიდებლობა, ეძებდნენ მფარველ ძალას, მაგრამ დრო არ ითმენდა. თბილისელებს დავით მეფის სასარგებლოდ ყოველწლიურად უკისრით ხარკი 10 ათასი ღინარის რაოდენობით. ამავე დროს ისინი, როგორც ჩანს. თბილისზე ბატონობას სთხოვდნენ მარდინისა და მაიაფარიკინის მმართველს — ნეჟმ ად-დინ ილღაზის³³. ეს იყო 1221 წელს, ვიდრე დიდგორის ცნობილი ომი დაიწყებოდა. საფიქრებელია, რომ ამ ომის უშუალო საბაბი გახდა მაჰმადიანური კოალიციის გამოსვლა საქართველოს წინააღმდეგ ამავე წლის აგვისტოში.

დავითის მიერ „შეიწროებულნი თურქმანნი და კუალად ვაქარნი განძელ-ტფილელ-დმანელნი წარვიდეს სულთანსა წინაშე, და ყოველსა სპარსეთსა, შეიღებნეს შავად, რომელთამე პირნი, და რომელთამე ქელები, და რომელნიმე სრულიად; და ესრეთ მიუთხრნეს ყოველნი ჭირნი მოწვეულნი მათ ზედა, რომლითა აღძრნეს წყალობად თჳსა, და იქმნა გლოვა ფრიადი მათსა“³⁴.

საქართველოს მხედრობა კოალიციურ ლაშქარს თბილისის ახლოს, დიდგორთან დაუხვდა. ეს უთანასწორო და მანამდის არნახული ბრძოლა უთვალავი დამპყრობლის წინააღმდეგ, 1121 წ. 12 აგვისტოს, ქართველთა ბრწყინვალე გამარჯვებით დასრულდა.

დიდგორთან გამარჯვება მართლაც ოქროს ასოებითაა აღბეჭდილი ქართველი ხალხის ისტორიაში³⁵. ეს იყო თითქმის შეიღვერ ქარბ მოწინააღმდეგეზე გამარჯვება, რამაც საქართველო მოსალოდნელი სრული განადგურებისაგან იხსნა და, შეიძლება ითქვას, მრავალი ათეული წლის განმავლობაში იქონია კეთილისმყოფელი გავლენა ჩვენი ქვეყნის შემდგომ განვითარებაზე. ნათელი გახდა, რომ ახლო აღმოსავლეთში უკვე აღარ არსებობდა ისეთი პოლიტიკური გაერთიანება, რომელსაც საქართველოს ძლევამოსილი წინსვლის შეჩერება შეეძლო.

მოპოვებული დიდი მიღწევის შემდეგ თბილისის აღება კიდევ უფრო ადვილად უნდა გადაწყვეტილიყო, მაგრამ თბილისელები უომრად არ ნებდებოდნენ. მეფემ თბილისს ალყა შემოარტყა და ცხარე ბრძოლის შედეგად აიღო იგი 1122 წელს. სასტიკი წინააღმდეგობის შედეგად განრისხებულმა მეფემ ქალაქი დაარბია და თავის მეომრებს მისი გაძარცვის ნება დართო. რბევა სამ დღეს გრძელდებოდა. როგორც ჩანს, მუს-

³³V. Minorsky, *Caucasica in the History of Mayyafariqin*. Bulletin of the School of Oriental and African studies (University of London, v. XIII, 1949—1950, გვ. 31); რ. კიკნაძე, XI—XIII სს. თბილისის ისტორიიდან, გვ. 121; შ.მ.ესხია, ძლევამოსილი საჯარო. დიდგორის ბრძოლა და თბილისის შემოერთება, თბ., 1972.

³⁴ქართლის ცხოვრება, ტ. 1, 1955, გვ. 340.

³⁵იხ. შ.მ.ესხია. ძლევამოსილი საჯარო. დიდგორის ბრძოლა და თბილისის შემოერთება, თბ., 1972.

ლიმანური ზედაფენები ქალაქის აღებისათვის ბრძოლის მომენტში უფრო მეტად სპობდნენ ქრისტიანულ მოსახლეობას. ალბათ ამით აიხსნებოდა, რომ მეფის ბრძანებით მტრის ბანაკიდან სიკედილით დაუსჯიათ 500 კაცი³⁶.

დავით აღმაშენებლის ისტორიკოსი წერდა: „აილო მეფემან ქალაქი ტფილისი, პირველსავე ომსა, ოთხას წელ ქონებული სპარსთა, და დაუმკვიდრა შვილთა თვისთა საქურკლედ და სახლად თჳსად საუკუნოდ“³⁷.

თბილისის აღების შემდეგ, როცა სელჩუკიან თურქთაგან საქართველოს საფრთხე აღარ მოელოდა, დავითის რელიგიური პოლიტიკა მაჰმადიანური მოსახლეობისადმი ლმობიერი გახდა. მეფის შორს გამიზნულ მფარველობითს პოლიტიკას, რომელიც უმთავრესად მწარმოებელი და ვაჭრული ფენების დაცვას ისახავდა მიზნად, ფისკალური ინტერესებიც ჰქონდა³⁸. უცხოური მოსახლეობა ქართული სახელმწიფოს ეკონომიკურსა და პოლიტიკურ სამსახურში უნდა ჩაყენებულიყო.

წელში გატეხილი საქალაქო-მუსლიმანური ფენების მომხრობა და სამეფო სახლისადმი დაქვემდებარება არა მარტო შეზღუდვისა და ფიზიკური დასჯის გზით ხორციელდებოდა.

მეფემ ქალაქის მცხოვრებნი ერთი წლით გაათავისუფლა გადასახადებისაგან. მუსლიმანებს სარწმუნოებრივი თავისუფლება მიენიჭათ³⁹. არაბი ისტორიკოსი ალ-ფარიკი გადმოგვცემს, რომ ქალაქში მცხოვრებ ქრისტიანებს, ქართველებსა და სომხებს, აგრეთვე ებრაელებს აეკრძალათ მუსლიმანთათვის განკუთვნილ აბანოში შესვლა; თითქოს ქართველებს უფრო მეტი გადასახადი დაედო, ვიდრე ებრაელებსა და მაჰმადიანებს; თუმცა ეს ცნობა საეკვო ჩანს და შეიძლება დავით მეფის „მფარველობითი“ პოლიტიკის ქებით გატაცებული ალ-ფარიკის შეთხზულიც იყოს.

უდავოდ დიდი მნიშვნელობა ჰქონდა იმ ფაქტს, რომ დავით მეფემ თბილისის შემოერთების მომდევნო 1123 წ. აქტიური ბრძოლა გააჩაღა შარვან-დარუბანდისა და სომხეთის მიმართულებით. შარვანის დაცვის საბაბით აიღო მისი ქალაქი შემახა და იმ ქვეყანაზე თავისი ბატონობა გაავრცელა. იმავე წელს დაიპყრო სომხეთის რიგი ქალაქები და ციხეები და, რაც მთავარია, თურქთაგან გაათავისუფლდა სომხეთისავე ძველი დე-

³⁶ მ ა თ ე ო ს უ რ ჰ ა ე ლ ი , ვამთაღმწერლობა, ვლარშაპატი. 1898 წ. (სომხურ ენაზე), გვ. 356. მითითებულია ვ. ნ ა ლ ბ ა ნ დ ი ა ნ ის დასახ. ნაშრომიდან, გვ. 83.

³⁷ ქართლის ცხოვრება, I, გვ. 342. „სპარსთა“ აქ გულისხმობს მაჰმადიანთა ბატონობას, რაც არაბთაგან დაიწყო და გრძელდებოდა, ვიდრე თურქ-სელჩუკთა განდევნამდე.

³⁸ რ. კ ი ე ნ ა ძ ე . XI—XIII საუკუნეთა თბილისის ისტორიიდან, გვ. 123—124.

³⁹ აკად. ნ. ბერძენიშვილის აზრით, საქართველოს მესვეურები ომს უცხადებდნენ არა ისლამს, როგორც იდეოლოგიას, არამედ „თურქობას“, რომელიც სოციალურ-ეკონომიკური ჩამორჩენილობის საფუძველზე აღმოცენებული მოვლენაც იყო. — იხ. მისი საქართველოს ისტორიის საკითხები, ტ. V, 1970, გვ. 159.

დაქალაქი ანისი. რომელიც საქართველოს სამეფოს შემადგენლობაში შევიდა. არსებითად „სომხეთის აღდგენადაა“ მიჩნეული იმ დროს ქრისტიანი მეფის საფარველში სომეხი ხალხის გაერთიანება, რასაც შედეგად „სომხეთის კულტურული აღორძინება“ მოჰყვა (აკად. პ. მანანდიანი).

თბილისისა და ანისის გათავისუფლება ერთიმეორის მიყოლებით მოხდა. „თითქოს ღრმა აზრია დაფარული ამ ისტორიულ დამთხვევაში, რომელშიც სიმბოლური სახითაა გამოხატული ორი მოძმე ხალხის მრავალსაუკუნოვანი მეგობრობის საუკეთესო ტრადიციები, მათი ურთიერთშემწეობა და სიყვარული ერთმანეთის მიმართ“⁴⁰.

ნიშანდობლივი იყო მეფის შესვლა ლაშქრითურთ ანისის „დიდ საყდარში“, რომელიც თურქებს მისგითად ექციათ. იგი აშენებული იყო სომხეთის დედოფლის, ბერძენთა ასულის კატრონიტეს მიერ, რომელიც იქვე იყო დაკრძალული. გამარჯვებულმა მეფემ „საყდარი იგი ახლად მონათლა“ და მისი მშენებლის საფლავზე წარმოთქვა — „გიხაროდენ შენ, წმიდაო დედოფალო, რამეთუ იცხნა ღმერთმან საყდარი შენი უსჯულოთა კელთაგან“⁴¹. ეს კიდევ ერთი მაჩვენებელი იყო იმისა, რომ დავით აღმაშენებელი ამიერკავკასიაში ქრისტიანულ კულტურას მოსალოდნელი თურქულ-მაჰმადიანური ასიმილაციისაგან ათავისუფლებდა.

თბილისის დაბრუნებას, რა თქმა უნდა, უდიდესი მნიშვნელობა ჰქონდა ქართველი ხალხის ისტორიაში. ამ დროს კანონზომიერი იყო სამეფო რეზიდენციის გადმოტანა ქუთაისიდან თბილისში. ძველი „იბერიის დედაქალაქი“ აღორძინებას იწყებდა. ახლა იგი, სახელმწიფოს ფარგლების გაფართოებასთან დაკავშირებით, არა მარტო საქართველოს, არამედ ამიერკავკასიის პოლიტიკური ცენტრის ფუნქციებს იძენდა.

თბილისის კოლიტიკური და

საერთაშორისო მნიშვნელობის ზრდა

(XII ს. 20-იანი წლებიდან — XIII ს. 20-იან წლებამდე)

დავით აღმაშენებლის სახელმწიფოებრივმა და ეკონომიკურმა რეფორმებმა მნიშვნელოვნად განამტკიცეს ქვეყნის ერთიანობა და მმართველობის ცენტრალიზაცია, რომელიც ამიერიდან თბილისიდან ხორციელდებოდა.

დავითის შემდგომაც განუწყვეტლივ მიმდინარეობდა მმართველობის ორგანოების სრულყოფა, იკმნებოდა ერთიანი კანონმდებლობა (კანონი მეკობრეთა და მპარავთა წინააღმდეგ... და სხვ.), რაც, შესაბამისად,

⁴⁰ ე. ნ ა ლ ბ ა ნ დ ი ა ნ ი, დასახ. ნაშრომი, გვ. 85.

⁴¹ ქართლის ცხოვრება, I, გვ. 345.

ხელს უწყობდა ფეოდალთა სეპარატისტული განწყობილების დაძლე-
ვას, ქვეყნის ერთიანობის განმტკიცებას.

ერთიანი საქართველოს დედაქალაქად გახდომის დროიდან თბილი-
სიდან ხორციელდებოდა საქართველოს სამეფო ხელისუფლებისა და მი-
სი მთავრობის ღონისძიებები, რომელთა მიზანიც იყო თურქ-სელჩუკე-
ბის განდევნა საქართველოსა და კავკასიიდან და ქვეყნის თავდაცვის უზ-
რუნველყოფა. ამასთანავე თბილისი გადაიქცა ამიერკავკასიის ფეოდა-
ლურად დაწინაურებული ხალხების (სომხები, შარვანელები, ჩრდ. კავ-
კასიელები) მხარდამჭერად და მფარველად მათ ბრძოლებში საერთო სა-
გარეო მტრების წინააღმდეგ.

XII ს. მთელ მანძილზე შარვანი საქართველოს სახელმწიფოსთან ვა-
სალურ დამოკიდებულებაში იყო. მას შემოერთებული ჰქონდა აგრეთ-
ვე სომხეთის მიწებიც, რომელთაც დაცვა ესაქიროებოდათ. ამ რეგიონ-
ებში საქართველოს დიდად ეწინააღმდეგებოდნენ აზერბაიჯანის ათა-
ბაგები და კავკასიის სამხრეთით განლაგებული მაჰმადიანური საამი-
როები.

დავით აღმაშენებლის პოლიტიკურ კურსს აგრძელებდა მისი შვილი
დემეტრე I (1125—1156 წწ.). ასე იყო გიორგი III-ის დროიდანაც
(1156 — 1184 წწ.), როცა საქართველოს სამეფო ხელისუფლება საერ-
თოდ და კერძოდ თბილისში ძველ სიმტკიცეს ინარჩუნებდა. ამ პერიოდის
საქართველოს უმთავრესი საგარეო-პოლიტიკური ამოცანა კვლავ შარვან-
ანისსა და სომხეთის დანარჩენ მიწებზე საკუთარი გავლენის შენარჩუნება
იყო. 1161 წ. გიორგი III-მ ანისს ილაშქრა შადადიანთა სახლისათვის მისი
ჩამორთმევის მიზნით, შემდეგ კი ძლევამოსილად მოიგერია შაპარმენ-
თა, დიარბექირისა და არზრუმის ერთობლივი მხედრობა. ისინი ანისთან
საქართველოს მეფეზე შურის საძიებლად მოვიდნენ; 1162 წ. ქართვე-
ლები დაეპატრონენ არა მარტო ანისს. არამედ სომხეთის ძველ ცენტრს
და მდიდარ სავაჭრო ქალაქ დვინსაც⁴².

გიორგი III-ის შემდეგ თბილისისა და მთელი საქართველოს შემ-
დგომი წარმატება დიდი თამარის სახელს უკავშირდება.

თამარის გამეფების დროიდან 1184 წ. თბილისში იწყება დიდი
მასშტაბის სოციალური მოძრაობა. რომელსაც მეთაურობდა საქართვე-
ლოს მეკურკლეთუხუცესი ყუთლუ-არსლანი. მას სურდა თავის მომხრე
დიდგვარიანებთან ერთად დაუფლებოდა სამეფო ხელისუფლებას, რის
მიღწევასაც საკანონმდებლო დაწესებულების — „კარვის“ დაარსებით
აპირებდა. საკუთარი გეგმის განსახორციელებლად ყუთლუმ და მისმა თა-
ნამოაზრებებმა მოძრაობაში წვრილ აზნაურთა და დაბალი სოციალური
ფენების წარმომადგენლებიც ჩააბეს, მაგრამ უშედეგოდ. დიდგვარიანთა

⁴² ივ. ჭავჭავაძის შრომა. ქართველი ერის ისტორია, ტ. II, 1983, გვ. 218—233.

ეს გამოსვლა, რომელიც მიზნად ისახავდა მათი წოდებრივი პრივილეგიების გაფართოებას, დამარცხდა. ამ მოძრაობამ საქართველოს ერთმმართველობას ვერაფერი დააკლო⁴³.

თამარის მეფობის ხანა საქართველოს ისტორიაში განსაკუთრებული სამხედრო-პოლიტიკური და კულტურულ-ეკონომიკური ძლიერების ეპოქა იყო. საქართველომ დიდი გამარჯვებები იზეიმა აზერბაიჯანის ათაბაგ აბუბაქრზე, შამქორთან ბრძოლაში (1195 წ.) და რუმის სულთნის ძალებზე, ბასიანში, ერზერუმის ახლოს (1203 წ.). ქართველებმა აილეს ქ. კარი (1205 წ.) და წარმატებით განახორციელეს ლაშქრობა ირანში (1210 წ.).

XII—XIII სს. პირველი მეოთხედის საგარეო ომებს ქართველთათვის დიდი პოლიტიკური მნიშვნელობა ჰქონდა, ვინაიდან უზრუნველყოფდნენ საქართველოს სიძლიერეს კავკასიასა და ახლო აღმოსავლეთში. მტკიცდებოდა საქართველოს გავლენა ამ მხარეებში განლაგებულ სავაჭრო ცენტრებსა და მაგისტრალებზე — შარვანი — შამახა — დარუბანდი, დვინი, ანისი, კარი, ერზერუმი, ტრაპიზონი, ჩრდილოეთ ირანის ქალაქები⁴⁴. ქართული სახელმწიფო პოლიტიკურ გავლენასთან ერთად დაუძინებთ ცდილობდა ზემოხსენებულ ეკონომიკურ არტერიებზე თავისი კონტროლისა და ბატონობის დაწესებას.

XIII ს. პირველ ოცეულშიც, საერთოდ, საქართველოს გავლენა კავკასიასა და ახლო აღმოსავლეთში დიდი იყო. საქართველოს მოხარკეები აღმოსავლეთში იყვნენ ირანის აზერბაიჯანის რიგი ამირები, სამხრეთ-დასავლეთით ერზერუმის ამირა და ერზინჯანის სულთანი. საქართველოს ვასალი იყო ტრაპიზონის იმპერია. აშკარად შეიმჩნეოდა თბილისისა და მთელი საქართველოს გავლენა შარვანზე, ჩრდილოეთ კავკასიის ხალხებზე, დაღისტანზე და სხვ. თბილისის ავტორიტეტი განუხრელად იზრდებოდა⁴⁵.

მეფის კურთხევა, რომლის პოლიტიკური მნიშვნელობაც ყველა ქვეყანაში მეტად დიდი იყო, თბილისში ხდებოდა თავისი რთული ეთიკეთითა და საზეიმო იერით. იგი მიზნად ისახავდა მოსახლეობის სხვადასხვა ფენებისათვის სამეფო ხელისუფლების უზენაესობის იდეის დანერგვას. 1184 წ. თამარის მეფედ კურთხევა თბილისში დიდი ზემოქმედებით მოეწყო⁴⁶.

თბილისი საქართველოს ფართო მასშტაბის საგარეო-პოლიტიკურ ურთიერთობათა ცენტრს წარმოადგენდა. სწორედ აქ იღებდნენ ხოლმე

⁴³ საქართველოს ისტ. ნარკვევები, ტ. III, თბ., 1979, გვ. 297—298.

⁴⁴ მ. გაბაშვილი, საქართველოს ქალაქები XI—XIII საუკუნეებში, თბ., 1981, გვ. 104—105.

⁴⁵ საქართველოს ისტ. ნარკვევები, III, გვ. 319—348.

⁴⁶ ივ. ჭავჭავაძე, ქართველი ერის ისტორია, II, თბ., 1983, გვ. 259.

უცხო ქვეყნების ხელმწიფეებსა თუ ელჩებს, რომლებთანაც კონტაქტები მყარდებოდა. თბილისშივე იგეგმებოდა საქართველოს საგარეო ომები და ხშირად აქვე იყრიდა თავს ქვეყნის სხვადასხვა მხრიდან გამოძვავალი ლაშქარი, რომელიც შორეულ მხარეებში საბრძოლველად მიემართებოდა⁴⁷.

თბილისში ძირითადი ქართველი მოსახლეობის გვერდით ცხოვრობდნენ სხვადასხვა ენისა და სარწმუნოების მქონე ხალხთა წარმომადგენლებიც — არაბ-სპარსელები, თურქები, ებრაელები, მონოფიზიტი სომხები.

საქართველოს მეფეები კეთილ დამოკიდებულებას იჩენდნენ თბილისის მაჰმადიანთა მიმართ. ამ მხრივ დავით აღმაშენებლის შემკვიდრე დემეტრე I-ც თავისი მამის პოლიტიკას განაგრძობდა. არის ცნობა, რომ იგი მეჩეთში შესულა და „ხუტბა“ (ქადაგება) მოუსმენია, ამის შემდეგ კი მეჩეთისათვის ორასი ოქროს დინარი შეუწირავს⁴⁸.

დიდი სიფრთხილით ეკიდებოდა საქართველოს სამეფო კარი სომხურ კულტურასა და სახელმწიფოებრივ ტრადიციებს. ამ მიზნით საქართველოს მესვეურნი სომხეთის მიწებზე იმ მოხელეებსა სხამდნენ, რომლებიც ენითა და სარწმუნოებითაც სომხებთან ახლოს იყვნენ⁴⁹. საერთოდ საქართველომ ბევრი რამ გააკეთა თურქთაგან სომეხი ხალხის ფიზიკურად გადაარჩენის საქმეში, რაც, ბუნებრივია, სომეხთა დიდ მადლიერებას იწვევდა.

XII—XIII სს-ში, ქვეყნის ერთიანი სარწმუნოებრივი სისტემის შექმნის მიზნით, საქართველოს სამეფო კარი, თუ ამისი საშუალება ეძლეოდა, ცდილობდა ქართული და სომხური ეკლესიების შეერთებას. ეს გარემოება სომეხთა იდეოლოგიურ მესვეურთა შორის წინააღმდეგობას იწვევდა. მიუხედავად ამისა, სარწმუნოებრივი „გაქართველების“ ანუ დიოფიზიტური აღსარების გავრცელების პროცესი საქართველოში მოსახლე სომხებში მაინც მიმდინარეობდა⁵⁰.

ასეთ ვითარებაში შემუშავდა წარმოდგენა, რომლის თანახმადაც თბილისი არა მარტო საქართველოში მცხოვრები, არამედ ამიერკავკასიის დანარჩენი ხალხების საერთო ინტერესების გამომხატველი ქალაქი იყო. მაგრამ, არსებითად, იგი მაინც რჩებოდა კავკასიელი ქრისტიანების კულტურულ-იდეოლოგიურ და პოლიტიკურ ცენტრად.

⁴⁷ ქართლის ცხოვრება, II, გვ. 64—65.

⁴⁸ Из «Истории Майяфарникши» ибн ал-Азрака ал-фарника. დასახ. გამოც., გვ. 224.

⁴⁹ ივ. ჯავახიშვილი, ქართველი ერის ისტორია, ტ. II, გვ. 413.

⁵⁰ მ. ლორთქიფანიძე. საქართველოსა და სომხეთის ურთიერთობის წარსულიდან, თსუ შრომები, ტ. 125, 1968, გვ. 123—139.

თბილისის სოციალურ-ეკონომიკური
განვითარება XI—XII სს.

სოციალური სტრუქტურა

XI—XII სს. თბილისის ძირითად მოსახლეობას შეადგენდნენ ხელოსნები და ვაქრები. აქვე ცხოვრობდნენ ფეოდალური კლასის ზედაფენების წარმომადგენლები — ჯერ ამირები, შემდეგ მეფეები, მათი მოხელეები და საერო თუ სასულიერო ფეოდალები.

თბილისის ვაქრები და ხელოსნები, ისევე როგორც მკვიდრი მოსახლეობა, მოქალაქეებად იწოდებოდნენ. „მოქალაქე“ ზოგადი ტერმინი იყო და მაშინ ამ ცნებით აღინიშნებოდა არა მარტო თავისუფალი მოსახლეობა და მეფის ყმები, არამედ ვაქარ-ხელოსანთა მთელი ფენაც⁵¹. ამათგან განსაკუთრებით პრივილეგირებულ ჯგუფს დიდვაქრები შეადგენდნენ.

ახლო და შუა აღმოსავლეთის ქალაქებში დიდვაქრები აღზევებულ სოციალურ ფენას ქმნიდნენ და განსაკუთრებულ როლს ასრულებდნენ საზოგადოებრივ ცხოვრებაში. დიდვაქრები ჩაბმული იყვნენ სატრანზიტო ვაქრობაში, რის მეშვეობითაც დიდ შემოსავალს იძენდნენ. ამ გზით ისინი ახერხებდნენ დაახლოებას ფეოდალური არისტოკრატიის წრეებთან. ხშირად დიდვაქრები საერთაშორისო და პოლიტიკურ ცხოვრებაში ფეოდალთა კონტრაგენტების როლსაც ასრულებდნენ⁵².

დიდვაქრები საგანგებო ტანსაცმელსაც კი ატარებდნენ. ისინი ორგანოზებული იყვნენ კორპორაციებში, რომლებსაც ვაქართუხუცესი მეთაურობდა. მას ევალებოდა შეხვედრა უცხოეთიდან ჩამოსულ ვაქრებთან, რომლებსაც თავის მხრივ ვაქართუხუცესისათვის უნდა მიემართათ სტუმრობის დროს. მას ხედებოდა საგანგებო პიროვნება, რომელიც ვალდებული იყო სტუმარი ქალაქში მზის ჩასვლამდე შეეყვანა. უცხო ვაქართა დასაბინავებლად ვაქართუხუცესს სათანადო ადგილი ჰქონდა გამოყოფილი. ჩამოსულებიც ვალდებული იყვნენ პატივისცემით მოქცეოდნენ ვაქართუხუცესს და გასაყიდად ჩამოტანილი საქონელი ჯერ მისთვის უნდა ეჩვენებინათ. ამის შემდეგ მოსული ვაქარი სამეფო ბაეს გადაიხდიდა და ვაქრობის უფლებას იღებდა. ვაქრები და მათი მეთაური — ვაქართუხუცესი სამეფო კართან დაახლოებული პირები იყვნენ.

⁵¹ XI—XII სს. ქართული ქალაქებისა და, კერძოდ, თბილისის სოციალური წყობის საკითხებზე ვრცლად იხ. М е с х и а . Ш ., Города..., с. 65—77; შ. მ ე ს ხ ი ა და სხვ., დასახ. ნაშრომი, თბ., 1958, გვ. 52—58.

⁵² ე. გ ა ბ ა შ ვ ი ლ ი, საქართველოს სავაჭრო ურთიერთობანი XII საუკუნეში, თსუ შრომები, ტ. 121, თბ., 1967, გვ. 212—218.

ჩვეულებისამებრ, ისინი ახალი წლის დამდეგს სამეფო კარზე სათანადო საჩუქრებით ცხადდებოდნენ⁵³.

დიდვაკრების თვალსაჩინო როლზე საქართველოს ცხოვრებაში კარგად მიგვაჩვენებს მაგალითი ზანქან ზორაბაბელისა, რომელსაც დაეველა იური ანდრია ბოგოლუბსკის ძის ჩამოყვანა რუსეთიდან.

დიდვაკრების პრივილეგირებული მდგომარეობა კარგად ჩანს ასახული ფეოდალური ხანის იურიდიულ ძეგლში — ბექასა და აღბულას სამართლის წიგნში (XIV ს.). დიდი „საპატიო ვაკრის“ სისხლი 12 ათას თეთრადაა შეფასებული, რითაც იგი მეფის მსახურთანაა გათანაბრებული: ეს მაშინ. როცა იმავე სამართლის ძეგლით გლეხის სისხლი მხოლოდ 400 თეთრი ღირდა⁵⁴. დიდვაკრები საქართველოში ვაჭართა და მოქალაქეთა მოსამართლეებიც იყვნენ⁵⁵. ეს ჩანს ბაგრატ კურაპალატის სამართლის წიგნიდან (XI ს.): „ვინცა მოძღუარი იყოს, ანუ მეფეთა წინაშე ზრდილი და ნამყოფი კაცი იყოს, ან კარგი დიდვაკარი, ანუ კარგი სოფლისა მამასახლისი იყოს, აგეთი კაცი იყოს, ის დასვი ბქედ, კკუიანი იქნების“⁵⁶.

თავისუფალ ვაკრებს გარდა, ქ. თბილისის ეკონომიკურ ცხოვრებაში მნიშვნელოვანი ადგილი ეკავათ, აგრეთვე, ფეოდალთა და ეკლესიამონასტრების საკუთრებაში მყოფ ყმა-ვაკრებს. თავისი ქულბაქები გააჩნდა თბილისში შიომღვიმის მონასტერს⁵⁷. ამ ქულბაქთა მოსამსახურე პერსონალი, ცხადია, ყმა-ვაკრები იყვნენ⁵⁸.

თბილისის მშრომელი მოსახლეობის მეორე ძირითად ჯგუფს წარმოადგენდნენ თავისუფალი და ყმა-ხელოსნები⁵⁹.

შუა საუკუნეების აღმოსავლურ ქალაქებში ხელოსნებისა და ვაკრების კვარტალები ქმნიდნენ რაბათს. მათი შექმნა ქრონოლოგიურად ყველგან ემთხვეოდა ფეოდალური ქალაქის ჩამოყალიბების ხანას. ასე იყო თბილისშიც. მის სამხრეთ გალავანთან გამოვლენილი კერამიკული სახელოსნოების ნაშთები, რომლებიც XI—XIII სს. თარიღდება, წარმოდგენას გვიქმნის ამ ადგილას კერამიკული წარმოების შესახებ. ეს უბანი შედიოდა ქალაქის რაბათში. ყოველ შემთხვევაში. აქ იყო თბილისის რაბათის ერთი ნაწილი მაინც⁶⁰.

⁵³ М е с х и а . Ш . , Г о р о д а , с . 66—67; მ . გ ა ბ ა შ ე ი ლ ი , საქართველოს ქალაქები XI—XII საუკუნეებში, თბ., 1981, გვ. 120—122.

⁵⁴ ი . დ ო ლ ი ძ ე , ძველი ქართული სამართალი, თბ., 1953, გვ. 289, 290, 333.

⁵⁵ ივ . ჭ ა ვ ა ხ ი შ ვ ი ლ ი , საქართველოს ეკონომიური ისტორია, თბ., 1907, გვ. 26.

⁵⁶ ი . დ ო ლ ი ძ ე , დასახ. ნაშრომი, გვ. 335.

⁵⁷ ქართული სამართლის ძეგლები, ტ. II, გვ. 14, 20.

⁵⁸ მ . გ ა ბ ა შ ე ი ლ ი , დასახ. ნაშრომი, გვ. 116—117.

⁵⁹ М е с х и а . Ш . , Г о р о д а , с . 70.

⁶⁰ მ . შ ი წ ი შ ვ ი ლ ი , მოკიქული კერამიკის საწარმო შუა საუკუნეების თბილისში IX—XIII სს. თბ., 1979, გვ. 21.

XI—XII სს. თბილისში, სავარაუდოა, დიდი რაოდენობით ცხოვრობდნენ „ქალაქის გლახაკნი“ — მოსახლეობის ყველაზე დაბალი ფენის წარმომადგენლები. XII ს-ში საქართველოში ეს სოციალური ჯგუფი იზდენად მრავალრიცხოვანი იყო, რომ სამეფო ხელისუფლება იძულებული გახდა მისთვის საგანგებო ყურადღება მიექცია. კერძოდ, გლახაკებს ურიგებდნენ სათანადო თანხას, რომლის საერთო რაოდენობაც სახელმწიფო შემოსავლის ერთ მეათედს შეადგენდა. იმ დროის ქალაქში გლახაკათვის საგანგებო თავშესაფრებსაც აგებდნენ⁶¹.

შუა საუკუნეების ქალაქებში ხელოსნები და ვაჭრები, როგორც წესი, სათანადო კორპორაციებში იყვნენ გაერთიანებული. ამას განაპირობებდა მაშინდელი ტექნიკის პრიმიტიული ხასიათი, კონკურენციისაგან თავდაცვის საჭიროება და ა. შ.

თბილისის ვაჭრებიცა და ხელოსნებიც ასეთი კორპორაციული, „ამქრული“ წესით იყვნენ გაერთიანებული.

XI—XIII სს. თბილისის კერამიკული საწარმოების არქეოლოგიურმა შესწავლამ ხელშესახები გახადა ვარაუდი, რომ მისი მომსახურება სათანადო მასშტაბურობის გამო კოლექტიური შრომის საფუძველზე მიმდინარეობდა⁶².

სათანადო კორპორაციულ გაერთიანებებს ქმნიდნენ შუა საუკუნეების საქართველოში დიდვაჭრები. საქართველოში XIII ს. შუა ხანებში მოქმედებდა საფინანსო-საკრედიტო კორპორაცია ორტალი⁶³, რომელიც სავანშო საქმიანობას ეწეოდა. მაგრამ ორტალები ახლო აღმოსავლეთის და კავკასიის სინამდვილეში ადრეც არსებობდნენ. თბილისიც საქალაქო წყობითა და ეკონომიკური ურთიერთობების ხასიათით წაგვდა ახლო აღმოსავლეთის ქალაქებს. ამიტომაც შესაძლებელია ორტალების არსებობა თბილისში XI—XII საუკუნეებში ვივარაუდოთ⁶⁴.

ხელოსნობა და ვაჭრობა

XI—XII სს. თბილისში წარმოდგენილი იყო შუა საუკუნეების ქალაქებისათვის ცნობილი ხელოსნობის და ვაჭრობის თითქმის ყველა დარგი⁶⁵.

⁶¹ რ. მეტრეველი, დეკლასირებული ელემენტები შუა საუკუნეების საქართველოში. თბ., 1976.

⁶² გ. ლომთათიძე, თბილისის არქეოლოგიური შესწავლილობა. ისტორიის ინსტიტუტის შრომები. ტ. 5, ნაკვ.1, 1960, გვ. 172.

⁶³ ქართული სამართლის ძეგლები, I, გვ. 58.

⁶⁴ М е с х и а . Ш., Города..., с. 68.

⁶⁵ იქვე, ს. 55—56, 61 — 62; ლ. კილაშვილი, ქალაქები ფეოდალურ საქართველოში, II, თბ., 1970, გვ. 136—139, 153, 155, 162.

ხელოსნობის ერთ-ერთი განვითარებული დარგი იყო მეთუნეობა. 1948 წელს თბილისში სამასი არაგველის სახელობის ბაღის ტერიტორიაზე არქეოლოგიური თხრის შედეგად გამოიკვეა, რომ XI—XIII სს. ამ ადგილებში ინტენსიურად მოქმედებდა კერამიკული საწარმოების მთელი წყება. იგი, ეტყობა, მონღოლთა ბატონობის დასაწყის პერიოდში მოშლილა. დიდი რაოდენობით გამოვლენილმა არქეოლოგიურმა მასალამ შესაძლებელი გახადა კონკრეტულად წარმოგვედგინა კერამიკული წარმოების ტექნოლოგია: ქურების მოწყობილობა, ნედლეულის მოპოვებისა და დამუშავების ტექნოლოგია და ა. შ.⁶⁶

თბილისის კერამიკული წარმოების პროდუქცია საკმაოდ მრავალფეროვანი და მაღალხარისხოვანი ყოფილა. აქ ამზადებდნენ მოჭიქულ კერამიკას — ჭამებს, ხელადებს, სამარილებს, ჭრაქებს. პროდუქცია იყიდებოდა არა მარტო ახლომახლო, არამედ შორეულ ადგილებშიაც⁶⁷.

აქვე ამზადებდნენ სამშენებლო კერამიკას: კრამიტებსა და შორენკეცებს, რომლებსაც შენობათა დეკორაციული მორთვისათვის იყენებდნენ⁶⁸.

კერამიკული წარმოების ფართოდ ფეხის მოკიდებას თბილისში ხელს უწყობდა მდიდარი თიხოვანი ნიადაგების, ე. ი. საწარმოო ნედლეულის არსებობა.

თბილისში მაღალ დონეზე იყო მინის წარმოება. შესაძლოა, რომ მინის დამზადება უშუალოდ კერამიკულ სახელოსნოებთანაც მიმდინარეობდა. მინა ხომ საჭირო იყო კერამიკაში საჭიქურე მასალის შესამზადებლად⁶⁹.

თბილისში განვითარებული იყო საფეიქრო წარმოება, ამზადებდნენ ძვირფას ქსოვილებს. აქაური ნაწარმი მსოფლიოში ერთ-ერთ უძვირფასეს ქსოვილად ითვლებოდა. იბნ ისფანდიარის ცნობით, თაბარისთანის მბრძანებელმა არდაშირ იბნ ჰასანმა ხორეზმშაჰ თექემს სხვა საჩუქრებთან ერთად ძღვნად გაუგზავნა „ბიზანტიური (რუმი), ბალდაღური და თბილისური ქსოვილები საპალნეებით“⁷⁰. „თბილისური ქსოვილი“, როგორც ჩანს, აბრეშუმია, რადგანაც ძვირფას ქსოვილად და ძღვნად თაბარისთანის მმართველი ალბათ სწორედ აბრეშუმს გაგზავნიდა. ამ ვარაუდს მხარს უჭერს ზაქარია ალ-კაზვინის ცნობა იმის თაობაზე, რომ სხვა

⁶⁶ გ. ლ ო მ თ ა თ ი ძ ე. არქეოლოგიური გათხრა თბილისში 1948 წლის ზამთარში, მსკი, I, 1955, გვ. 130—150.

⁶⁷ იქვე, გვ. 154—160.

⁶⁸ იქვე, გვ. 151—153.

⁶⁹ იქვე, გვ. 142—143.

⁷⁰ გ. ბ ე რ ა ძ ე, მასალები XII საუკუნის საქართველოს ისტორიისათვის იბნ ისფანდიარის თხზულებაში. საქართველოს ისტორიის აღმოსავლური მასალები, წ. I, თბ., 1976, გვ. 70.

მრავალ საქონელთან ერთად თბილისიდან გააქვეთ აბრეშუმში⁷¹. თბილისური ქსოვილების დასახელება ხელმწიფურ ძღვენში, იმ ეპოქაში საყოველთაოდ აღიარებულ და ფართოდ გავრცელებულ ბიზანტიურ და ბალღადურ ქსოვილთა გვერდით, საქართველოს სამეფოს დედაქალაქში დამზადებული მდიდრული საფეიქრო ნაწარმის საერთაშორისო ავტორიტეტის ფრიალ მეტყველი მოწმობაა. ხორეზმის ძლიერი ტახტის მპყრობელისათვის განკუთვნილ უძვირფასეს ძღვენში თბილისური ქსოვილი ვერ მოხვდებოდა. მისი ყადრი იმ დროისათვის კარგად რომ არ ყოფილიყო ცნობილი როგორც თაბარისტანში, ასევე თვით ხორეზმშაპის კარზეც⁷².

თბილისში უნდა ყოფილიყო საოქრომჭედლო სახელოსნოებიც. აქაურ განათხარ არქეოლოგიურ მასალაში აღმოჩენილია ოქრომჭედლის ხელსაწყო—პატარა ტიგელი, ანუ „ბუთა“, რომელზედაც ოქროს წვეთებია შეყინული. ეს ფაქტი სათანადო სახელოსნოთა არსებობაზე მიუთითებს⁷³.

თბილისის სახელოსნოებში მზადდებოდა და აქვე იყიდებოდა ან აქედან გასაყიდად გაჰქონდათ სხვა მრავალრიცხოვანი საქონელიც. „სამყაროს საკვირველებათა“ ავტორის ცნობით, თბილისური საქონელია: უნაგირები, სპილოს ძვლით გაწყობილი ლაგმები, კაპარკები და ხილიფები, თაფლი, მოხალული ტკბილეული, ბევრი ბროწეული, თახვი, წყლის ძალი, მონა ვაყები და ქალები, მინა, ფიალები და კარგი ბროლის ნაწარმი⁷⁴. ამ „თბილისური საქონლის სიას“ კიდევ უფრო ავსებს ზაქარია ალ-კაზვინის ცნობა იმის შესახებ, რომ ამ ქალაქიდან გააქვეთ ვერცხლისწყალი, არყის ხე⁷⁵, (გაჰყავთ) მონები და ოთხფეხი საქონელი, (გააქვეთ) მრავალნაირი ნაბღები, ფაქიზი ნოხები, ქვეშაგები, თხელი შალი, აბრეშუმში და მისთანანი⁷⁶.

მთელ წინა აზიაში იყო განთქმული, აგრეთვე, აქაური ენდრო. აღიდრისის (XII ს., გარდ. 1164 წ.) მოწმობით, ბაბ ალ-აბვაბიდან თბილისამდე ხარობდა მთელ დედამიწაზე საუკეთესო ენდრო, რომელსაც აგროვებდნენ და აქედან გაჰქონდათ გურგანში, საიდანაც მას ინდოეთშიც მიეზიდებოდნენ⁷⁷. ენდრო გამოიყენებოდა ქსოვილების შესაღებად.

XI—XII სს. თბილისში ამზადებდნენ ხელნაწერ წიგნებს. ამ საქმიანობასთან კავშირში იყო წიგნების დასაკაზმი ტყავის დამზადება და გა-

⁷¹ ზაქარია ალ-კაზვინის ცნობები საქართველოსა და კავკასიის შესახებ. არაბული ტექსტი. შესავალი წარუძღვარა, ქართული თარგმანი და შენიშვნები დაურთო ო. ცქიტიშვილმა, თბ., 1975, გვ. 40.

⁷² გ. ბერაძე, დასახ. ნაშრომი, გვ. 73.

⁷³ საქართველოს არქეოლოგია, 1955, გვ. 375.

⁷⁴ „სამყაროს საკვირველებათა“ ცნობები..., რ. კიკნაძის გამოც., გვ. 28.

⁷⁵ არაბულ ტექსტშია „ხალანჯ“, რაც ძირითადად არყის ხეს ნიშნავს (გ. ბერაძე, დასახ. ნაშრომი, გვ. 40).

⁷⁶ ზაქარია ალ-კაზვინის ცნობები..., გვ. 40.

⁷⁷ გ. ბერაძე, დასახ. ნაშრომი, გვ. 88.

საყიდად გატანა. XII ს. დამდეგის ერთი სომხური მონაწერის ცნობით, თბილისიდან ტყავი გაჰქონდათ საღამოვანქის მონასტერში. ამ ტყავს წიგნების ყდისათვის იყენებდნენ⁷⁸.

თბილისის სავაჭრო-ეკონომიკურ კავშირებზე სათანადო წარმოდგენას გვიქმნის არქეოლოგიური მასალა. კერძოდ, აქ მრავლადაა გამოვლენილი ჭურჭელი, რომელიც აშკარად აღმოსავლური წარმოშობისაა (ირანული, ქუფური და სხვა)⁷⁹. ამასვე მოწმობენ ქალაქში და ნაწილობრივ მის ახლო ტერიტორიებზე აღმოჩენილი ბიზანტიური, აგრეთვე შირვანშაჰების, დერბენდის, ეიუბიანთა, ელდიგუზიანთა, ორთუკიანთა და რუმის სულთანთა მონეტები⁸⁰.

თბილისი სავაჭრო მაგისტრალებით იყო დაკავშირებული როგორც ახლო მდებარე ქვეყნებთან (სომხეთი, აზერბაიჯანი), ისე ახლო და შუა აღმოსავლეთის ქალაქებთან (რეი, ზენჯანი, ქერმანი...), ბიზანტიასთან, ინდოეთთან, ჩინეთთან, რუსეთთან, ჩრდილოეთის ქვეყნებთან. ეს კავშირი მყარდებოდა დერბენდის და დარიალის გზებით. თბილისიდანვე გადიოდა გზა ბარდაეში, იქიდან კი დერბენდში, საიდანაც შესაძლებელი იყო წასვლა ხაზართა ქვეყანასა და რუსეთში. თბილის-ბარდაეის სამარშრუტო გზით თბილისი უკავშირდებოდა სპარსეთის ქალაქებს, საიდანაც გზები იყრებოდა არაბეთისა და ეგვიპტის მიმართულებით. ასეთივე ცნოველი კავშირი იყო დამყარებული ბიზანტიასთან, რომელთან კონტაქტებიც შავი ზღვის ქალაქების მეშვეობით ხორციელდებოდა⁸¹.

ქალაქის მოსახლეობის რაოდენობა

თბილისის ეკონომიკური სიცოცხლისუნარიანობის ერთ-ერთ ფაქტორს წარმოადგენდა მისი მრავალრიცხოვანი მოსახლეობა, რაც ქალაქს სათანადოდ უზრუნველყოფდა მუშახელით. XI—XII სს. თბილისის მოსახლეობის რაოდენობის განსაზღვრა რთულია. ამასთან დაკავშირებით ყურადღებას იქცევს აღ-ფარკის ცნობა იმაზე, რომ XII ს. 10-იანი წწ. დამლევს დაეიფა აღმუშენებელმა თბილისის ხარკის სახით დააკისრა 10 000 დინარი⁸². შემდეგ, იმავე ავტორის ცნობით, როცა დაეითმა თბილისი საბოლოოდ შეიერთა, ქალაქის მოსახლეობაზე გააწესა გადასახადები ასეთი ოდენობით: ქართველებს უნდა გადაეხადათ წელიწადში ხუთი დინარი, ებრაელებს — ოთხი დინარი, მუსლიმანებს კი სამი⁸³. აქედან

⁷⁸ ვ. ნ ა ლ ბ ა ნ დ ი ა ნ ი, თბილისი ძველ სომხურ მწერლობაში, თბ., 1959, გვ. 17.

⁷⁹ მ. გ ა ბ ა შ ვ ი ლ ი, საქართველოს ქალაქები..., გვ. 103—104.

⁸⁰ Д ж а л а г а н и а И. Л. Иноземная монета в денежном обращении Грузии V—XIII вв. Тбилиси, 1979, с. 86, 91—92 и т.д.

⁸¹ მ. გ ა ბ ა შ ვ ი ლ ი, დასახ. ნაშრომი, გვ. 104—105.

⁸² Из «Истории Майяфаркина», с. 222.

⁸³ იქვე, გვ. 223—224.

გამოდის, რომ თავდაპირველად თბილისელებზე გაწერილი ხარკი უდრდა საშუალოდ 4 დინარს. ასეთ შემთხვევაში XII ს. პირველი მეოთხედის თბილისში სავარაუდებელი იქნება დაახლოებით 2 500 კომლის არსებობა. თუ თითოეულ კომლზე მინიმალურად 6 სულს ჩავთვლით, მაშინ ამ დროის თბილისის მოსახლეობა უნდა ეტოლებოდეს 15 000 სულს, მაგრამ ეს მაჩვენებელი ძალიან მცირე ჩანს ამ დროის თბილისისათვის. ამიტომ სავარაუდებელია, რომ დავით აღმაშენებლის გადასახადები ეკისრებოდა ქალაქის მხოლოდ ვაჭარ-ხელოსანთა გარკვეულ ნაწილს.

კიდევ უფრო გაიზარდა თბილისის მცხოვრებთა რიცხვი იმ დროიდან, როცა თბილისი გაერთიანებული საქართველოს დედაქალაქი გახდა. XIII ს. პირველი მეოთხედის ამბებთან დაკავშირებით ეპითაღმწერელი ვვამცნობს, რომ 1226 წ. ჯალალ ედ-დინმა თბილისში 100 000 კაცი ამოწყვიტა⁸⁴. ამ ცნობის საფუძველზე დაასკვნიან, რომ ამ დროისათვის თბილისში მოსახლეობა 100 000-ზე მეტი ყოფილა. თუმცა გამორიცხული არაა, რომ, შთაბეჭდილების გაზრდის მიზნით, ქართველი ეპითაღმწერელი ერთგვარად აპარბებდეს კიდევაც. ისიც შესაძლოა, რომ ამ რიცხვში ეპითაღმწერელი გულისხმობს საქართველოს სხვა მხარეებიდან მოსულ ლტოლვილებსაც, რომლებიც ქალაქთან მოვიდნენ და ხვარაზმელების მსხვერპლი გახდნენ. მაგრამ, როგორც არ უნდა გავიგოთ, ის მინც აშკარაა, რომ თბილისი მოსახლეობის რიცხვით დიდი ქალაქი იყო⁸⁵.

ასეთი რაოდენობის მოსახლეობა, ცხადია, თავს მარტო ვაჭრობითა და ხელოსნობით ვერ გაიტანდა. თბილისი, ისე როგორც საშუალო საუკუნეების სხვა ქალაქები, სოფლის მეურნეობასაც მისდევდა. ქალაქი უხვად იყო მოფენილი ბაღებით⁸⁶. ქალაქში მრავლად ჰყავდათ ოთხფეხი საქონელი და შინაური ფრინველებიც.

სოციალური მოძრაობანი

იმთავითვე ქალაქი სოციალური ნიშნის მიხედვით უზნებად იყო გამოიყნული. ისნის მხარეს და მის ახლოს მკვიდრობდნენ ფეოდალური არისტოკრატიული ფენები, რომლებსაც წინათ ამირას სახლიც ეკუთვნოდა. როცა თბილისი საქართველოს დედაქალაქი გახდა, სამეფო კარი და საზოგადოებრივი არისტოკრატია კვლავ ისანში დაბინავდა.

1184 წ. ახალი სახელმწიფო ორგანოს — კარაეის. დაარსებას საქარ-

⁸⁴ ეპითაღმწერელი. — ქართლის ცხოვრება, II, გვ. 178.

⁸⁵ შ. მესხია და სხვ., დასახ. ნაშრომი, გვ. 48, 50.

⁸⁶ „სამყაროს საკვირელებათა“ ცნობები..., გვ. 28.

თველოს მექურქლეთუხუცესი ყუთლუ არსლანი მაინცდამაინც ისნის ველზე აპირებდა⁸⁷.

ქალაქის მკვიდრთა მეორე, ვაჟარ-ხელოსნებისაგან შემდგარი, ნაწილი ძირითადად თბილისის ძველ საზღვრებში იყო განლაგებული. ამ ფენებიდან თავისი სოციალურ-პოლიტიკური ინტერესებით ზოგიერთნი ჯერ ამირების სახლს დაუპირისპირდნენ. მათ ქართული წყარო ტფილელ ბერებს უწოდებს. ისინი XI ს. შუა ხანებში დაჟინებით ცდილობდნენ ქალაქის მმართველად ძლიერი ფეოდალის მოწვევას და მასთან კავშირში ამირების ხელისუფლების დამხობას.

ერთგვარად ბუნდოვანია ის კონკრეტული მიზეზები, რამაც თბილისის ბერებისა და ამირების ურთიერთობა ასეთი დაძაბული გახადა. მხოლოდ ზოგადად შეიძლება იმის აღნიშვნა, რომ ასეთი სოციალური დაპირისპირებანი ხშირი იყო ხოლმე იმ დროის ამიერკავკასიისა და მახლობელი აღმოსავლეთის ქალაქებში. თბილისთან მიმართებაში მხოლოდ იმისი აღნიშვნა შეიძლება, რომ აქაური ამირების ხელისუფლება უკვე მეტად შერყეული იყო. ქალაქის ამირათა წინააღმდეგ გებრძოლი ფენების თავკაცები ვაჟარ-ხელოსნური ფენების მმართველი წრეებიდან იყვნენ. ისინი ქალაქის „რაისები“ უნდა ყოფილიყვნენ. სწორედ რაისის ქართული შესატყვისია ტერმინი ბერი, უხუცესი⁸⁸.

რაისების ინსტიტუტი აღმოცენდა და განვითარდა ირანისა და ახლო აღმოსავლეთის ქალაქებში მათი ეკონომიკური აღმავლობისა და განმტკიცების ვითარებაში. ასევე განვითარდა ეს ინსტიტუტი აღმოსავლეთ ამიერკავკასიის ქალაქებში⁸⁹. რაისები, რომლებიც ქალაქის სავაქრო-სახელოსნო კორპორაციების მეთაურები იყვნენ, თანდათან იქცნენ ქალაქის ძალაუფლებით აღქურვილ ფენებად. ისინი სათავეში ჩაუდგნენ ქალაქის პოლიტიკურ ცხოვრებას. გარკვეული დროიდან შეიმჩნეოდა რაისების ენერგიული ბრძოლა ფეოდალური არისტოკრატის წინააღმდეგ, რაც რიგ ადგილებში ქალაქების მიერ თვითმმართველობის მოპოვებით დამთავრდა⁹⁰.

XI ს. შუა ხანებში თბილისის რაისებსაც, ანუ ბერებს, მძაფრი ბრძოლა ჰქონდათ ფეოდალური არისტოკრატის, ამ შემთხვევაში ამირების, სახლის წინააღმდეგ, რომელთა ხელისუფლებაც გადაგვარების გზაზე იმყოფებოდა. ასეთ ვითარებაში თბილისის ამირათა სახლს ორიენტაცია

⁸⁷ ქართლის ცხოვრება, II, გვ. 31.

⁸⁸ ვ. გაბაშვილი, თბილისის მმართველობა X—XI საუკუნეებში, თსუ შრომები, ტ. 108, 1964, გვ. 348—357.

⁸⁹ ვ. გაბაშვილი, დასახ. ნაშრომი, გვ. 349; გ. ბერაძე, მახლობელ აღმოსავლეთში ფეოდალური ქალაქის წარმოშობის ისტორიიდან („ქალაქის რაისების“ ინსტიტუტი), საქ. სსრ მეცნ. აკად. მაცნე, 1969, №4.

⁹⁰ ვ. გაბაშვილი, დასახ. ნაშრომი, გვ. 354—355.

უმთავრესად სელჩუკიან თურქებზე ჰქონდა აღებული, მათთან კავშირში ცდილობდა ძალაუფლების შენარჩუნებას. ანალოგიური კურსი აიღეს თბილისელმა ბერებმაც, როცა თბილისის ძალაუფლებას დაეპატრონენ. ამ გზით ცდილობდნენ ისინი დამოუკიდებლობის შენარჩუნებას.

XI ს. 80-იანი წლებიდან ქალაქში ძალაუფლება ხელთ იგდეს ბერებმა. ალ-ფარიკის ცნობით, ამ დროიდან მთელი ძალაუფლება ეკუთვნოდა „ხალხს“. იბნ ალ-ჯაუზის მიხედვით კი, ქალაქს „ყმაწვილები“ მართავდნენ⁹¹. როგორც ჩანს, თბილისში ძალაუფლება ხელთ უგდიათ სოციალურ მოძრაობებში აქტიურად მონაწილე წრეებს⁹². არაბ ავტორებთან „ხალხი“ და „ყმაწვილები“ ოდიოზური შინაარსის შემცველი ტერმინებია, რომლებიც ხშირად დაბალი სოციალური წრეებიდან გამოსულებს გულისხმობენ. იქნებ „ხალხის“ გაგებაში ივარაუდებიათ ის „ბერები“ (რაისები), რომლებმაც დიდი ენერგია შეაღიეს ძალაუფლების მოპოვებას თბილისში. დავით აღმაშენებლის წინააღმდეგ თბილის-ქალაქის ბრძოლას გარკვეული დროიდან სწორედ აქაური ვაჭრების ზედაფენები მეთაურობდნენ⁹³.

თბილისში 1082—1122 წლებში მართლაც არსებობდა ადგილობრივი თვითმმართველობა, მაგრამ სამეცნიერო ლიტერატურაში სადავოდ რჩება მისი ფორმისა და სოციალური შინაარსის საკითხი. შ. მესხიას მოსაზრებით, XI ს. 80-იანი წლებიდან ქალაქის გამგებლობა თბილისელი „ხალხის“ ანუ „უხუცესთა“ ხელში გადავიდა. „ეს კი იმას ნიშნავდა, რომ ქალაქის მმართველობა ამიერიდან ქალაქის დამოუკიდებლობაში გადაიზარდა, თბილისი ქალაქ-კომუნად იქცა. იმდროინდელი მსოფლიოს ქალაქთა შორის თბილისი ამ მხრივაც ერთი პირველთაგანი იყო“; დავით აღმაშენებლის დროს, საქართველოს ფეოდალური მონარქიის არაჩვეულებრივი გაძლიერების შედეგად, „თბილისის დამოუკიდებლობა“ და მისი „საქალაქო კომუნაც“ გაუქმდა⁹⁴.

სწორად შენიშნავს შ. მესხია, რომ „ბრძოლა თბილისის მფლობელსა და ქალაქის მოსახლეობის ზედაფენას შორის არსებითად იყო კლასობრივი, სოციალური ბრძოლა ქალაქის დამოუკიდებლობის მოსაპოვებლად, საპატრონუმო ურთიერთობისაგან გასანთავისუფლებლად“⁹⁵.

უკანასკნელი მეცნიერული გამოკვლევების ავტორებს მიაჩნიათ, რომ არსებული მასალების კრიტიკული შესწავლა უფრო ფართო ასპექტში მხარს არ უჭერს დებულებას „თბილისის კომუნის“ შესახებ. მაშინდ-

⁹¹ ო. ც ქ ი თ ვ ი ლ ი, სიბტ იბნ ალ-ჯაუზის ცნობა დავით აღმაშენებლის შესახებ, ოსტუ შრომები, ტ. 118, 1967, გვ. 205.

⁹² მ. გაბაშვილი, საქართველოს ქალაქები XI—XII საუკუნეებში, გვ. 70—82.

⁹³ ქართლის ცხოვრება, I, გვ. 340.

⁹⁴ შ. მესხია, საქალაქო კომუნა შუა საუკუნეების თბილისში, 1962, გვ. 147—148.

⁹⁵ იქვე, გვ. 57.

ლი თბილისის საქალაქო მმართველობა არსებითად მიაგავდა ახლო აღმოსავლეთის მაჰმადიანური რეგიონების გავრცელებულ თვითმმართველობას⁹⁶. იმდროინდელი თბილისის მმართველობის სოციალური არსის საკითხი უფრო გაღრმავებულ შესწავლას მოითხოვს.

დიდი სოციალური ბრძოლის არენად იქცა თბილისი XII საუკუნის 10-იანი წლების ბოლოს, როცა კიდევ უფრო გაღრმავდა წინააღმდეგობანი ქალაქის სხვადასხვა სოციალურ ფენებს შორის. დავით აღმაშენებლის ისტორიკოსი გვამცნობს თბილისის ქრისტიანთა თავსდატეხილ ისეთ უბედურებაზე, როგორცაა: დევნა, მათი ტყვედ გაყიდვა, სისხლისღვრა და სხვ.⁹⁷ ასეთი სურათი ყველაზე უკეთ შეესაბამება თბილისის ალების წინა დროს, დიდგორის ომის ახლო ხანებში. ქალაქის ძალით ხელში ჩაგდების შემდეგ კი, როგორც ცნობილია, დავითმა ოპოზიციური ძალები გატეხა. ამასთანავე მეფემ ქალაქის მაჰმადიანური ნაწილის ზედაფენებს რიგი პრივილეგიები შეუნარჩუნა, რითაც ერთგვარად შეანელა მათი ოპოზიციური განწყობილება. მაჰმადიანთა მიერ თბილისის ქრისტიანული ნაწილის დევნას უკვე საკმარისი მიზეზები აღარ გააჩნდა.

სოციალურ-კონფესიურ ბრძოლას თბილისში ადგილი ჰქონდა 1121 წლის წინა ჰერიოდში, 1118—1121 წწ. შორის. ქრისტიანულ-მაჰმადიანური კგუფების დაპირისპირება მხოლოდ კონფესიურ-პოლიტიკურ მომენტებს კი არა, სოციალური დაპირისპირების იერსაც ატარებდა.

თბილისისა და მთელი საქართველოს სოციალურ-პოლიტიკური მოძრაობის ისტორიის თვალსაზრისით, განსაკუთრებით მნიშვნელოვანია ყუთლუ არსლანის დასის გამოსვლა 1184 წ. ქართულ ისტორიოგრაფიაში საკამათოა ყუთლუ არსლანის დასის სოციალური შემადგენლობისა და ბუნების საკითხი. ერთნი ამ დასს საქალაქო მაღალი წრეების (დიდვაქართა) ინტერესების გამომხატველად მიიჩნევენ და თვით ყუთლუ არსლანსაც ამ წრიდან გამოსულად თვლიან. მეორენი კი დიდგვარიან ფეოდალთა მიზნების გამომხატველად: მიიჩნევენ, რომ მათ ინტერესთა შესაბამისად ცდილობდა ყუთლუ არსლანი საქართველოს სახელმწიფო წყობილების შეცვლას⁹⁸.

ზემოდასახელებულ თვალსაზრისთაგან მეორე შეხედულებას თითქოს მეტი საფუძველი აქვს.

ყუთლუ არსლანის მოძრაობაში, როგორც ჩანს, თბილისის დაბალი სოციალური ელემენტებიც იღებდნენ მონაწილეობას. ამას მოწმობს

⁹⁶ იხ. ვ. გაბაშვილი, თბილისის მმართველობა X—XI სს., თსუ შრომები, ტ. 108, 1964, გვ. 331—359; მ. გაბაშვილი, საქართველოს ქალაქები XI—XII საუკუნეებში, 1981, გვ. 63—64, 82, 84.

⁹⁷ ქართლის ცხოვრება, I, გვ. 349.

⁹⁸ ამ საკითხზე ვრცლად იხ. საქართველოს ისტ. ნაკრევები, ტ. III, გვ. 304—309.

ისტორიკოსის ცნობა იმის თაობაზე, რომ ამ გამოსვლაში ჩაბმული იყვნენ „დიდებულნი“ და „ლაშქარნი“.

გაბატონებული ფეოდალური იდეოლოგიისა და სოციალური წყობილების წინააღმდეგ განწყობილი ელემენტები უნდა ყოფილიყვნენ თბილისში რინდებიც, რომლებთანაც ურთიერთობა თვით ლაშა გიორგისაც კი ჰქონია⁹⁹.

„რინდ“ სიტყვასიტყვით ნიშნავდა „მემთვრალეს“, მაგრამ კლასიკური შუა საუკუნეების ხანაში იგი გადატანითი მნიშვნელობითაც იხმარებოდა. ამ ტერმინით ფეოდალური სახელმწიფოებრიობისა და იდეოლოგიის დამცველები აღნიშნავდნენ იმ მოქალაქეებს, რომლებიც ფართოდ მონაწილეობდნენ ფეოდალური საზოგადოების გაბატონებული ფენების წინააღმდეგ მიმართულ სოციალურ მოძრაობებში. „რინდ“ ტერმინის ოდიოზური შინაარსიდან ჩანს, რომ ფეოდალური არისტოკრატია ზიზით ცდილობდა მისთვის საძულველი ოპოზიციურად განწყობილი საქალაქო წრეების დამცირობას¹⁰⁰.

თბილისში, მისი ერთიანი საქართველოს დედაქალაქად ქცევის შემდეგაც, თავს იჩენდა წინააღმდეგობანი სხვადასხვა კონფესიურ თუ ეთნიკურ ჯგუფებს შორის. ცხადია, ეს ბრძოლა პოლიტიკური და სოციალური მოტივებით იყო შეფერადებული. მაგალითად, კარგადაა ცნობილი, რომ ჯალალ ედ-დინს თბილისის აღებისათვის ბრძოლაში, 1226 წ., მხარს უჭერდნენ თბილისელი მაჰმადიანები, „თბილელი სპარსნი“, რომელთაც ხვარაზმშაჰს გაუადვილეს ქალაქის აღება¹⁰¹. საეარაუდოა, რომ თბილელ მაჰმადიანთა საქართველოს სამეფოსადმი ასეთი ლალატი გამოწვეული იყო ისლამური სამყაროს პროპაგანდის გავლენით.

თბილისის მმართველობა

თბილისის საამიროს არსებობის პერიოდში თბილისის მმართველობა თითქმის მთლიანად აღმოსავლური ქალაქების მსგავსად იყო მოწყობილი. 1122 წლიდან კი, როცა თბილისს დავით აღმაშენებელი დაეუფლა, ქალაქის მმართველობა ერთიანი ქვეყნის სახელმწიფო წყობილებას შეეფერა. დაიწყო თბილისის საქალაქო წყობილების გაქართულება¹⁰². ამასთანავე თბილისში ეკლავ არსებობდნენ მაჰმადიანური (არაბულ-სპარსულ-თურქული), სომხურ-მონოფიზიტური და ებრაული ეთნოკონ-

⁹⁹ ქართლის ცხოვრება, II, გვ. 155.

¹⁰⁰ ე. გაბაშვილი, ქალაქ თბილისის სოციალური ისტორიიდან (ქამთაღმწერლის ერთი ცნობის განმარტება). იხ. ნაკვეთები მახლობელი აღმოსავლეთის ქალაქების ისტორიიდან, გვ. 122—144.

¹⁰¹ ქართლის ცხოვრება, II, გვ. 175.

¹⁰² მ. გაბაშვილი, საქართველოს ქალაქები XI—XII საუკუნეებში, თბ., 1981, გვ. 84.

ფესიური ჯგუფები, რომლებიც ისევ რელიგიური თემების სახით უნდა ყოფილიყვნენ ორგანიზებული. ეს გარემოება თბილისის მმართველობაში ამ ჯგუფების თავისებურ სარწმუნოებრივი თვითმმართველობის ელემენტებს ქმნიდა.

XI ს. მთელ მანძილზე თბილისის მმართველობის სათავეში კვლავ იდგნენ ამირები. თბილისის ამირები ტიპური ფეოდალები იყვნენ, რომლებიც სამხედრო ძალისა და მოხელეების მეშვეობით განაგებდნენ თავიანთ საბრძანებელს¹⁰³.

ეს მოხელეები იყვნენ შემდეგი:

ამიდი. მუსლიმანურ ქალაქებში ასე ეწოდებოდათ მწიგნობრებს, კერძოდ, სამდივანმწიგნობროს (სახელმწიფო კანცელარიის) მოხელეებს¹⁰⁴. თბილისში ამიდის არსებობა დასტურდება დავით აღმაშენებლის ანდერძიდან შიომღვიმისადმი¹⁰⁵ და გიორგი III-ის მიერ ამავე მონასტრისადმი ბოძებული სიგელიდან¹⁰⁶. ეს ფაქტი იმაზეც მიუთითებს, რომ ამიდის სახელოსთან ერთად თბილისში ადრევე უნდა არსებულიყო სათანადო სამდივანმწიგნობრო, ე. ი. სახელმწიფო კანცელარია.

მურზი. მმართველობის სხვადასხვა უწყებათა მეთვალყურეებს მურზიები ეწოდებოდათ¹⁰⁷. ქართულ წყაროებში მურზიები შედარებით გვიანდელი პერიოდიდანაა მოხსენიებული (XIV ს.)¹⁰⁸, თუმცა, ცხადია, რომ მურზიები ძველი ინსტიტუტია თბილისში. მურზიები განაგებდნენ გადასახადებისა და ბაჟების აკრებას¹⁰⁹.

შურტა. იგი თბილისში გიორგი III-ის ზემოხსენებულ სიგელშია დადასტურებული¹¹⁰. შურტა საპოლიცო საქმიანობას ხელმძღვანელობდა¹¹¹.

მთასიბი. ამ სახელოს არსებობაც თბილისში გიორგი III-ის მიერ შიომღვიმისადმი ბოძებული სიგელიდან ჩანს¹¹². აღმოსავლურ ქა-

¹⁰³ ვ. გაბაშვილი, თბილისის მმართველობა X—XI სს., თსუ შრომები, ტ. 108, 1964, გვ. 350.

¹⁰⁴ მ. ლორთქიფანიძე, ქალაქის მოხელეთა საკითხისათვის ფეოდალურ საქართველოში, მსკი, ნაკვ. 30; 1954, გვ. 151—152; ვ. გაბაშვილი, დასახ. ნაშრომი, გვ. 334.

¹⁰⁵ ქართული სამართლის ძეგლები, II, თბ., 1965, გვ. 16.

¹⁰⁶ იქვე, გვ. 21

¹⁰⁷ მ. ლორთქიფანიძე, დასახ. ნაშრომი, გვ. 154; ვ. გაბაშვილი, დასახ. ნაშრომი, გვ. 334.

¹⁰⁸ ქართული სამართლის ძეგლები, II, გვ. 86.

¹⁰⁹ ვ. გაბაშვილი, დასახ. ნაშრომი, გვ. 334.

¹¹⁰ ქართული სამართლის ძეგლები, II, გვ. 21.

¹¹¹ მ. ლორთქიფანიძე, დასახ. ნაშრომი, გვ. 146.

¹¹² საბუთში კითხულობენ ვადასახადს „საგუსტასიბოს“ (ქართული სამართლის ძეგლები, II, გვ. 21), რაც ნიშნავს გუსტასიბის სარგოს. ამის მიხედვით მსჯელობენ „გუსტასიბ-

ლაქებში მუქთასიბი ვალდებული იყო თვალყური ედევნებინა რელიგიური წესების დაცვისათვის. მუქთასიბსვე ევალებოდა კონტროლი არამუსლიმანებზე და მათი მუსლიმანებთან ურთიერთობის მოწესრიგება. შემდგომში მუქთასიბთა ფუნქციები გაფართოვდა. მათ დაეკისრათ ბაზრებზე ნიხრის დაწესება, საზომ-საწონის მეთვალყურეობა, მაგრამ ბოლომდე შერჩათ ისლამის რელიგიასთან დაკავშირებული ფუნქციები¹¹³.

ყ ა დ ი . ისლამური სამართლის მცოდნე: მსაჯული, მოსამართლე¹¹⁴.

რ ა ი ს ი . იგი მოსახლეობის ზედა ფენებიდან იყო გამოსული და მუსლიმანური ხელისუფლების კარზე წარმომადგენლობდა სხვადასხვა ხელოსან-ვაჭართა კორპორაციებს. რაისები არეგულირებდნენ ცენტრალური ხელისუფლებისა და ქალაქის ურთიერთობებს¹¹⁵.

თბილისში, ისე როგორც სხვა ქალაქებში, რამდენიმე რაისი იყო. რაისებს რომ დიდი ძალა ჰქონდათ, კარგად გამოჩნდა XI ს. შუა ხანებში, როცა ისინი ამირას ხელისუფლებას დაუპირისპირდნენ. ამ რაისებს, როგორც ზემოთ ითქვა, ქართული წყარო ბერებს უწოდებს¹¹⁶.

ზემოჩამოთვლილი ინსტიტუტები თბილისში საამიროს არსებობის პერიოდში ჩამოყალიბდნენ და შინაარსობრივად მთლიანად ჰგვანდნენ ირანისა და აღმოსავლეთ ამიერკავკასიის ქალაქებში მოქმედ სამოხელეო ინსტიტუტებს.

ამირების ბატონობის დროს თბილისში იჭდა ქართლის მთავარების-კოპოსი — თბილელი, რომლის იურისდიქციასაც, რა თქმა უნდა, ქალაქის ქრისტიანული მრევლიც ექვემდებარებოდა.

1122 წლის შემდგომ პერიოდში თბილისი სამეფო ქალაქი გახდა და მისი მმართველობის სათავეში დააყენეს უკვე საქართველოს მეფის მოხელეები.

თბილისს მეფის მოხელე ამირათ ამირა განაგებდა. ამირათ ამირას თანამდებობა არაბული „ამირა“-საგან განვითარდა, მისი მემკვიდრე იყო, მაგრამ შინაარსობრივად იგი უკვე ახალ ვითარებას ასახავდა. ამირათ ამირა ქართული სახელმწიფოებრივი წყობილების ჩარჩოებში იყო მოქცეული და თბილისის მმართველიც საქართველოს მეფეს ექვემდებარე-

ზეუ“ (М е с х и а . Ш ., Города..., с. 80). თუმცა ტექსტი უნდა იკითხებოდეს „სამუქთასობო“, აქედან — „მუქთასიბი“ (ს. ქ ი ჯ ი ა, მე-18 საუკუნის თურქული დოკუმენტი ოქროს ციხის შესახებ, თსუ შრომები, ტ. 91, 1960, გვ. 180—182).

¹¹³ ვ. გაბაშვილი, დასახ. ნაშრომი, გვ. 337.

¹¹⁴ იქვე, გვ. 340.

¹¹⁵ მ. ლ ო რ თ ქ ი ფ ა ნ ი ძ ე, დასახ. ნაშრომი, გვ. 152—153.

¹¹⁶ ვ. გაბაშვილი, დასახ. ნაშრომი, გვ. 348—357.

ბოდა, მისი მოხელე იყო. უნდა ვიფიქროთ, რომ ამირათ ამირას ხელი მიუწვდებოდა საქალაქო ადმინისტრაციას, რომლის მეშვეობითაც იგი მეთაურობდა თბილისის სამეურნეო და ფინანსურ ცხოვრებას¹¹⁷. ამ მხრივ ამირათ ამირა გვიანდელ საბუთებში ცნობილი მოურავის უშუალო წინამორბედი იყო¹¹⁸.

თბილისის საქართველოს სატახტო ქალაქად გადაქცევის შემდეგაც ქალაქის შინაგანი ადმინისტრაციული მმართველობის სტრუქტურა ერთხანობას უცვლელი რჩებოდა. გიორგი III-ის სიგელიდან ჩანს, რომ მის დროს ქალაქში ჯერ კიდევ ჩანდნენ მუჰთასიბი, ამიდი, რაისი და ა. შ., რომელთა სასარგებლოდაც სათანადო გადასახადები იყო დაწესებული.

ქალაქის მმართველობაში უცხო სახელების მქონე ტერმინთა ჯერ კიდევ არსებობის მიუხედავად, თბილისის მართვის სფეროშიაც ახალი ეტაპი იყო დამდგარი. ქალაქს უკვე ძლიერი ქრისტიანული ქვეყნის ადმინისტრაცია უძღვებოდა. იგი ორგანულად შეუთავსდა ცენტრალიზებული ქართული სახელმწიფოებრივი წყობილების აღნაგობას.

თბილისის ტერიტორია და კეთილმოწყობა

XI—XII სს.

XI—XII სს. თბილისი ტერიტორიულად გაფართოვდა და ძირითადად მტკვრის მარჯვენა სანაპიროს გასწვრივ, მდინარის აღმა მიმართულებით გაიზარდა.

ამ ეპოქისათვის ქალაქის ძველი ნაწილის საზღვარი გადიოდა მტკვრის მარჯვენა ნაპირთან, თანამედროვე სამასი არაგველის სახელობის ბაღის ტერიტორიაზე. აქ აღმოჩნდა ქალაქის ძველი ზღუდის ერთ-ერთი მკირე ნაშთი¹¹⁹, სადაც გამოვლინდა XII—XIII სს. კერამიკული წარმოების ნარჩენები¹²⁰.

¹¹⁷ დ. მუსხელიშვილის აზრით, ამირათ ამირობა საქართველოში გაჩნდა თამარის დროიდან (პირველად იგი დასტურდება 1184 წ.) და იგი მხოლოდ თბილისში იყო. მართალია, ამირათ ამირა დამოწმებულია კარშიაც (აქ 1206 წ. ასეთად შალვა ახალციხელი დასვეს), მაგრამ ეს მხოლოდ პირადი დამსახურების საფუძველზე მოხდა და საერთო წესს არ წარმოადგენდა (დ. მუსხელიშვილი, თბილისის ამირათ ამირობის ინსტიტუტისათვის. — კრებ. „საქართველო რუსთაველის ხანაში“, თბ., 1966, გვ. 199—208).

¹¹⁸ М е с х и а . Ш. А., Города..., с. 78.

¹¹⁹ თ. ჯაფარიძე, „განჯისკარის“ 1948 წლის არქეოლოგიური გათხრების ანგარიში, მსკი, ნ. 1, 1955, გვ. 90—92.

¹²⁰ გ. ლომთათიძე, არქეოლოგიური გათხრა თბილისში 1948 წლის ზამთარში, მსკი, ნ. 1, გვ. 160—162.

XI ს-დან თბილისის ორგანულ ნაწილად იქცა მდ. მტკვრის მარცხენა ნაპირზე მდებარე ძველი სოლდებილის (ყერძოდ, მისი გამაგრებული ნაწილის—ისნის) ტერიტორია. ისანი არაბული ტერმინია და ციხესიმაგრეს ნიშნავს¹²¹. აქ ამირებს ჯერ კიდევ IX ს. 80-იანი წწ. და უფრო ადრიდანაც აგებული ჰქონდათ ციხესიმაგრე და საცხოვრებელი კომპლექსი¹²². ისნის პოლიტიკური მნიშვნელობა ქალაქისა და საამიროს ცხოვრებაში განსაკუთრებით გაიზარდა XI ს-ში, როდესაც გამწვავდა წინააღმდეგობანი ქალაქის არისტოკრატიულ ნაწილსა და ბერებს შორის.

თბილისის ერთიანი საქართველოს დედაქალაქად გადაქცევის დროიდან ისანი ქართველ მეფეთა რეზიდენცია გახდა. თამარი „საჯდომსა მათსა ციხესა ისანს“ იმყოფებოდა, როცა თავისი მამის გიორგი III-ის გარდაცვალების ამბავი შეიტყო¹²³. ისანს გულისხმობს „სამყაროს საკვირველებათა“ ავტორი, რომლის თანახმადაც „ქალაქის პირდაპირ კეთილმოწყობილი ციხეა. მეფეთა სასახლეები ციხეშია აგებული“¹²⁴.

ისნის კომპლექსის, „ციხის“¹²⁵, გარეთ მდებარე ტერიტორიას „ისნის ველი“ („ველი ისნისა“) ეწოდებოდა¹²⁶.

XI—XII სს. ქვეყნის საერთო ეკონომიკური და პოლიტიკური დაწინაურების პირობებში, ქალაქის შემადგენლობაში მოექცა მტკვრის ჩრდილოეთით მდებარე ტერიტორიის ვრცელი ნაწილი — დიდუბე, რომელიც ქალაქის გარეუბანი იყო. დიდუბის სახელწოდება ოროგრაფიული ნიშნიდანაა წარმოებული, „დიდუბე“ ნიშნავს დიდ, დაცემულ ვაკეს¹²⁷.

თბილისთან ძალზე ახლო იყო გვიანდელი გარეთუბნის ქვაშვეთის ეკლესია, ხოლო, ცოტა მოშორებით, ვერეს ე. წ. ლურჯი მონასტერი. ამ საფუძველზე ვარაუდობენ, რომ XI—XII სს: თბილისის ტერიტორია მტკვრის სამხრეთ ზონაში ვერემდე აღწევდა¹²⁸.

თბილისის სანახებზე მსჯელობისას გასათვალისწინებელია, რომ საგარეუბნო დასახლებას უმთავრესად აგარარული დანამატის მნიშვნელობა ჰქონდა.

¹²¹ ო. ც ქ ი ტ ი შ ვ ი ლ ი, ძველი თბილისის ისტორიიდან (ისნის საკითხისათვის). საქართველოს სსრ მეცნ. აკად. საზ. მეცნ. განყ-ის მოამბე, 1963, №5, გვ. 158.

¹²² იქვე.

¹²³ ქართლის ცხოვრება, I, გვ. 24; შ. მ ე ს ხ ი ა და სხვ., თბილისის ისტორია, გვ. 65.

¹²⁴ „სამყაროს საკვირველებათა“ ცნობები საქართველოსა და კავკასიის შესახებ, გვ. 28; ო. ც ქ ი ტ ი შ ვ ი ლ ი, ძველი თბილისის ისტორიიდან..., გვ. 158.

¹²⁵ ქართლის ცხოვრება, I, გვ. 24.

¹²⁶ ყუთლუ არსლანს უთხოვია „ქარაგი დადგამდ ველსა ისანთასა და სანახებსა სალოდებლისასა“. ქართლის ცხოვრება, II, გვ. 31.

¹²⁷ დუბე — ვაკე, დაბლობი ადგილის აღმნიშვნელია. „დიდუბე“ კი ნიშნავს დიდ ვაკეან ადგილს (დიდი-დუბე). იხ. თ. ბ ე რ ი ძ ე, ძველი თბილისის გარეუბნების ისტორია. თბ., 1977, გვ. 222—223.

¹²⁸ შ. მ ე ს ხ ი ა და სხვ., თბილისის ისტორია, გვ. 65.

თბილისის სანახებში, მაგალითად, დიდუბეში, საქართველოს მეფეებს თავისი სასახლე — „სრავი დიდუბისაი“ ჰქონიათ. აქ, დიდუბეში მოუწყვიათ თამარისა და დავით სოსლანის ქორწილი¹²⁹.

XI—XII სს. თბილისის გალაქანი ჰქონდა შემოვლებული და იგი გამაგრებული ქალაქი იყო. თბილისის ჰქონდა კარები, რომლებსაც იმისდამიხედვით, თუ რომელ მხარეში მდებარე გზაზე იყვნენ, სათანადო სახელები ერქვა. XI—XII სს. თბილისის კართა რაოდენობა წინა ეპოქასთან შედარებით გაიზარდა. ახალ კარებთან ერთად, რა თქმა უნდა, ძველებიც რჩებოდნენ. ამ ეპოქის ახალ კართაგან ცნობილია „განძის კარი“. აქ იმყოფებოდა ქართველების მხედრობის ერთი ნაწილი ჯალალ ედ-დინის მიერ. თბილისის ალყის დროს¹³⁰. განძის კარის სახელწოდება განძისაკენ მიმავალ გზასთან იყო დაკავშირებული¹³¹ და მდებარეობდა დაახლოებით იქ, სადაც ამჟამად ბოტანიკური ბაღის შესასვლელია.

თბილისის თითოეულ კარს ჰქონდა კოშკი, საიდანაც ამ კარს მეთვალყურეობდნენ და იცავდნენ. თბილელმა ბერებმა ბაგრატ IV ქალაქში რომ მოიწვიეს და ქალაქის ერთი ნაწილი ჩააბარეს, მეფემ „ალიჯუნა კოშკნი კართანი თავის კაცბთა“¹³².

XI—XII სს. თბილისის გამაგრებულ ნაწილებში რამდენიმე ციხე იყო, რომლებიც სხვადასხვა მხრიდან იცავდნენ ქალაქს. ამათგან ერთ-ერთი უძველესი იყო ისნის ციხე, რომელსაც ბევრი გოდოლი ჰქონდა დატანებული¹³³. დანარჩენი ციხეთა შორის ცნობილია ციხე დარიჯელი¹³⁴, რომლის ლოკალიზება ვერ ხერხდება. ციხესიმაგრეს წარმოადგენდა, უთუოდ, წყალყინიც, რომელსაც თავისი კოშკები ჰქონდა¹³⁵. თბილისზე სამხრეთიდან სათანადო კონტროლს აწესებდა თაბორის ციხეც, რომელიც თრიალეთის ქედის ერთ-ერთი განშტოების — თაბორის მთაზე იდგა¹³⁶.

თბილისში ციხეებს სათანადოდ უვლიდნენ. ეს გარემოება, ისე როგორც ამ ციხეთა მარჯვე სტრატეგიულ ადგილებზე განლაგება, თბილისის შესაფერისად გამაგრებულ, მტრისათვის მიუვალ და ძნელად ასაღებ ქალაქად ხდიდა.

თბილისის ციხეებს თავისი გარნიზონები იცავდნენ. როდესაც ბაგრატ IV-მ თბილისის ციხეები აიღო, აქ თავისი ერისთავები და მოლაშ-

¹²⁹ ქართლის ცხოვრება, I, გვ. 122.

¹³⁰ ქართლის ცხოვრება, II, გვ. 195.

¹³¹ ივ. ჯ ა ე ა ხ ი შ ე ლ ი, მასალები ქართველი ერის მატერიალური კულტურის ისტორიისათვის, I, მშენებლობის ხელოვნება ძველ საქართველოში, თბ., 1946, გვ. 47.

¹³² ქართლის ცხოვრება, I, გვ. 299.

¹³³ „სამყაროს საკვირველებათა“ ცნობები..., გვ. 28.

¹³⁴ ქართლის ცხოვრება, I, გვ. 299.

¹³⁵ იქვე.

¹³⁶ თ. ბ ე რ ი ძ ე, დასახ. ნაშრომი, გვ. 88—89.

ქრეები ჩააყენა. ჯალალ ედ-დინის იერიშის დროსაც ისნის ციხეს, ისე როგორც საერთოდ ქალაქის დანარჩენ სიმაგრეებს, მეციხოვნეები იცავდნენ¹³⁷.

XI—XII სს. პირველ მეოთხედში თბილისი კეთილმოწყობილი ქალაქი იყო. აქ მდებარეობდა ადმინისტრაციული, საზოგადოებრივი თუ საცხოვრებელი ნაგებობანი. სამწუხაროდ, არც ერთი მათგანი, ზოგიერთი საკულტო შენობის გარდა, შემორჩენილი არაა.

XI ს-ში თბილისში არსებობდა საამირო დარბაზი, ადმინისტრაციული დანიშნულების ნაგებობა, სადაც, უნდა ვივარაუდოთ, თბილისის ამირები თავის მოხელე-ქვეშევრდომებთან ერთად საამიროსა და ქალაქის საქმეებს განაგებდნენ. თბილისში შესული ბაგრატი IV ქალაქის ბერებმა საამირო დარბაზში შეიყვანეს, სადაც მეფე საურავად, ე. ი. სამმართველოდ დაბრძანდა¹³⁸.

ისანში ჯერ კიდევ ამირებს ჰქონდათ თავიანთი რეზიდენცია. 1122 წლის შემდეგ კი ისანი მეფეთა საჯდომ ციხედ და საცხოვრებლად ითვლებოდა¹³⁹. ისნის ციხეს მრავალი გოლოლი ჰქონდა¹⁴⁰.

თბილისის ძველი ნაწილი და ისანი ერთმანეთს ხიდით უკავშირდებოდა. ეს ხიდი, რომელიც მეტეხის ვიწროებში უნდა ყოფილიყო, ძელი-საგან იყო აგებული ისე, რომ საგარეო საფრთხის შემთხვევაში მისი აყრა ადვილად შეიძლებოდა¹⁴¹.

XI—XII სს. თბილისი განთქმული სავაჭრო ცენტრი იყო. ხიდის უბანში მრავლად იყვნენ ქალაქის სავაჭრო-სახელოსნოები¹⁴². უეჭველია, თბილისს სავაჭრო ადგილები სხვაგანაც ექნებოდა.

თბილისის უბნები და მოედნები ერთმანეთთან დაკავშირებული იყვნენ ქუჩებით ანუ შუკებით და ფოლორცებით¹⁴³. წყაროები მოწმობენ, რომ დავით აღმაშენებელი სათანადოდ ზრუნავდა გზების კეთილმოწყობაზე თავის სამეფოში. ისიც ცნობილია, რომ ამ ეპოქის საქართველოში კარგად იცოდნენ ქალაქში ქუჩების მოკირწყელის ტექნიკა. ამას დმანისის არქეოლოგიური შესწავლაც ადასტურებს. ამიტომ სავარაუდოა, რომ თბილისის ქუჩების ერთი ნაწილი მაინც მოკირწყლული იქნებოდა:

¹³⁷ ქართლის ცხოვრება, I, გვ. 299; იქვე, II, გვ. 175, 177.

¹³⁸ იქვე, I, გვ. 299—300.

¹³⁹ იქვე, II, გვ. 24.

¹⁴⁰ „სამყაროს საკვირეულებათა“ ცნობები..., გვ. 28.

¹⁴¹ ივ. ჯავახიშვილი, თხზულებანი თორმეტ ტომად, ტ. II, გვ. 32.

¹⁴² „სამყაროს საკვირეულებათა“ ცნობები..., გვ. 28.

¹⁴³ ივ. ჯავახიშვილი, მასალები ქართველი ერის მატერიალური კულტურის ისტორიისათვის, I, გვ. 37.

თბილისი ხომ საქართველოს ყველა სხვა ქალაქს აღემატებოდა თავისი მნიშვნელობითა და ეკონომიკური მორკმით¹⁴⁴.

თბილისში მრავლად მიმოდინდნენ საქართველოს მკვიდრი თუ უცხოელი ვაჭრები. გზების უკეთ გაგნების მიზნით, მათთვის ქალაქის კარებთან დგამდნენ მანძილისა და მიმართულებათა სათანადო მანიშნებებს. ერთმა მათგანმა ჩვენამდეც მოაღწია. იგი VIII ს-ში დაუდგამთ¹⁴⁵.

XI—XII სს. თბილისში ტვირთის საზიდად გამოიყენებოდა მდ. მტკვარი, რომელზეც მდინარის დინების მიმართულებით მოძრაობდნენ. მტკვრის ნაპირებთან სათანადო სადგომები უნდა ყოფილიყო ნაგები-სათვის¹⁴⁶.

შუა საუკუნეების სხვა ქალაქების დარად თბილისში განვითარებული იყო აგრიკულტურა. ქალაქი მოფენილი იყო მრავალრიცხოვანი ბაღებით¹⁴⁷.

როგორც ჩანს, საგანგებოდ ზრუნავდნენ თბილისელები ქალაქის დასუფთავებისათვის. ნაგვის ერთ ნაწილს ისინი სათანადოდ გამოყოფილ ადგილებზე აგროვებდნენ და წვავდნენ. დადასტურებულია, რომ კერამიკული წარმოების ნაშთებს მიწაში ფლავდნენ¹⁴⁸, ზოგჯერ მტკვარშიაც ყრიდნენ¹⁴⁹. საწარმოებში გაჭუჭყიანებულ წყალსაც საგანგებო მილსადენებით მტკვარში უშვებდნენ¹⁵⁰.

XI—XII სს. თბილისი, ისე როგორც შემდგომშიც, სასმელ წყალს კებისა და ქალაქის წყაროებიდან იღებდა სათანადო თიხის მილებით. თიხის მილები წყლის სისუფთავესა და ტემპერატურულ რეჟიმს უზრუნველყოფდა. მაშინდელი თბილისის წყალმომარაგების ტექნიკაზე ნათელ წარმოდგენას გვიქმნის, მაგალითად, მთაწმინდის ქვედა ნაწილში გამოვლენილი წყალსადენის ნაშთი (XII ს.). იგი შედგება კარგად გამომწვარი ოთხი მილისაგან, რომელიც პირდაპირ უდღუღაბოდაა მიწაში ჩალაგებული¹⁵¹.

¹⁴⁴ შ. მ ე ს ხ ი ა და სხვ., თბილისის ისტორია, გვ. 67.

¹⁴⁵ გ. წ ე რ ე თ ე ლ ი, სემიტური ენები და მათი მნიშვნელობა ქართული კულტურის ისტორიის შესწავლისათვის. თსუ საიუბილეო სესიის შრომები, 1948, გვ. 46.

¹⁴⁶ ქართლის ცხოვრება, I, 297.

¹⁴⁷ „სამყაროს საკვირველებათა“ ცნობები..., გვ. 28.

¹⁴⁸ გ. ლ ო მ თ ა თ ი ძ ე, არქეოლოგიური გათხრა თბილისში 1948 წლის ზამთარში, გვ. 132.

¹⁴⁹ „სამყაროს საკვირველებათა“ ცნობები..., გვ. 28.

¹⁵⁰ გ. ლ ო მ თ ა თ ი ძ ე, ძველი ქართული კერამიკული წარმოების ისტორიისათვის, ჟურნ. „მეცნიერება და ტექნიკა“, 1949, № 8, გვ. 9.

¹⁵¹ დ. მ შ ვ ე ნ ი ე რ ა ძ ე, უძველესი წყალსადენი თბილისში, ჟურნ. „მეცნიერება და ტექნიკა“, 1951, № 10, გვ. 35.

ქებისა და წყაროების გარდა, თბილისისათვის წყალმომარაგების ერთ-ერთი მთავარი არტერია მტკვარი იყო. ქალაქი როგორც სასმელად, ასევე სამეურნეო მიზნით დიდი რაოდენობით იყენებდა მტკვრის წყალს. მტკვარზე გამართული ყოფილა მრავალი დულაბი¹⁵², რომლითაც მდინარიდან წყალი ამოჰქონდათ.

X—XII სს. თბილისში დიდი რაოდენობით მოქმედებდნენ წყლის წისქვილები. ისინი ტივებზე ედგათ, რაც, უეჭველია, საშუალებას იძლეოდა წისქვილის მექანიზმი წყლის სასურველ სიღრმეში ჩაედგათ. თბილისის ტივებზე დადგმულ წისქვილებს X ს-ში უკვე იბნ-ჰაუჯალი იხსენიებს¹⁵³. XIII ს. პირველ მეოთხედში მათზე საუბრობს „სამყაროს საკვირველებათა“ ავტორიც¹⁵⁴.

XI—XII სს-ში, ისე როგორც მუდამ, თბილისში მრავლად იყო გამართული აბანოები. ამას აქ ხელს უწყობდა ბუნებრივი ცხელი წყლის წყაროების დიდი რაოდენობა. ამ დროს თბილისის სახელგანთქმულ აბანოებზე ერთხმად გვამცნობენ ალ-ფარიცი¹⁵⁵, იბნ ალ-ჟაუზი¹⁵⁶ და სხვები. აბანოში შესვლისას საფასურს არ ახდევინებდნენ¹⁵⁷, მაგრამ ეს ცნობა უნდა გულისხმობდეს მხოლოდ საზოგადო აბანოებს. კერძო აბანოებში კი, ბუნებრივია, სათანადო გადასახადი იქნებოდა დაწესებული¹⁵⁸.

თბილისში, როგორც ერთ-ერთ დიდ საეპრო ცენტრში, მრავლად ყოფილა ვაჭართა სადგომი სახლები და მათი საქონლის შესანახი ნაგებობები.

ჩვენ არ მოგვეპოვება უფრო დაწვრილებითი ცნობები XI—XII სს. თბილისის საერთო და კერძო დანიშნულების ნაგებობათა დასახასიათებლად. მაგრამ შემორჩენილი მისალითაც ჩანს, რომ ამ დროის თბილისი საკმაოდ კეთილმოწყობილი ქალაქი იყო.

¹⁵² „სამყაროს საკვირველებათა“ ცნობები..., გვ. 28. დულაბი — ესაა წყალში ჩაშვებულ, ღერძზე დამაგრებული ბორბალი, რომელსაც წყლის ნაკადი აბრუნებს. ბორბალზე დამაგრებული ქურჭელი მოძრაობის პროცესში ივსებოდა. სათანადო სიმაღლეზე ასვლის შემდეგ, წყალი იღვრებოდა საამისოდ დადგმულ ღარში, აქედან კი მას შესაფერისი მიმართულებით მიუშვებდნენ.

¹⁵³ ე. ს ი ხ ა რ უ ლ ი ძ ე, იბნ-ჰაუჯალი თბილისის შესახებ. საქართველოს ისტორიის აღმოსავლური მასალები, წ. I, თბ., 1976, გვ. 35.

¹⁵⁴ „სამყაროს საკვირველებათა“ ცნობები..., გვ. 28.

¹⁵⁵ Из «Истории Маййфарикниа». Перевод с арабского А. Дж. Мамелова. Труды Инст. истории АН Аз. ССР, 1957, т. XII, Баку, с. 223.

¹⁵⁶ ო. ტ კ ი ტ ი შ ვ ი ლ ი, სიბტ იბნ ალ-ჟაუზის ცნობა დავით აღმაშენებლის შესახებ, თსუ შრომები, ტ. 118, 1967, გვ. 205, 211.

¹⁵⁷ „სამყაროს საკვირველებათა“ ცნობები..., გვ. 28.

¹⁵⁸ რ. კ ი ე ნ ა ძ ე, X—XIII საუკუნეთა თბილისის ისტორიიდან. ისტორიის ინსტიტუტის შრომები, ტ. V, ნაკვ. 1, 1960, გვ. 130.

V

კულტურული ცხოვრების აღორძინება (XI—XII სს.)

განათლება და მეცნიერული ცოდნა თბილისში XI—XII სს-ში

XI—XII საუკუნეების თბილისის კულტურული ვითარება ქართული ფეოდალური სახელმწიფოს სოციალურ-ეკონომიკური და პოლიტიკური წინსვლის შესაბამისი იყო. XI საუკუნიდან თბილისის კულტურული ცხოვრება თავისი განვითარების ახალ ფაზაში შედის. ქვეყნის პოლიტიკურად გაერთიანებას, ეკონომიკურად მოღონიერებასა და გარკვეული სოციალური წრეების აღზევებას ბუნებრივ შედეგად მოჰყვა ეკლესიის მკაცრი შეუვალობის შეზღუდვა და ეკლესიურ-თეოლოგიური აზროვნების განუსაზღვრელი ბატონობის შერყევა. ამით კი მომზადდა ნიადაგი ანტიკლერიკალური აზროვნებისა და საერო-მხატვრული მწერლობის აყვავებისათვის. ახალი მწერლობა ხალხურ სამეტყველო ენასთან დაახლოებულ ახალ სალიტერატურო ქართულს დაემყარა.

საზოგადოებრივ ასპარეზზე გამოჩნდა მთელი პლეადა საზოგადო მოღვაწეებისა, მეცნიერებისა, მწერლებისა და პოეტებისა, რომელთაც ახალ სიმაღლეზე აიყვანეს ქართული კულტურა. თბილისს, როგორც აღმოსავლეთისა და დასავლეთის მიჯნაზე მდებარე ქვეყნის მთავარ ქალაქს, საშუალება ჰქონდა დასავლური ქრისტიანული კულტურის გარდა ისლამის ნიადაგზე შექმნილ მეტად თავისებურსა და მრავალფეროვან არაბულ-სპარსულ კულტურასაც გაესცნობოდა და ამით თავისი მწერლობა და ხელოვნება კიდევ უფრო გაემდიდრებინა. თბილისის განათლებული ქართველები ფლობდნენ ბერძნულ და სპარსულ-არაბულ ენებს, ორიგინალებში ეცნობოდნენ უცხოურ თხზულებებს, თარგმნიდნენ ქართულად და საკუთარ შრომებსაც წერდნენ.

*

* *

იმ ფაქტორთა შორის, რომელნიც ხელს უწყობდნენ თბილისში ქართული კულტურის ზრდა-განვითარებას, დიდი ადგილი ეკირა სწავლა-განათლების საქმეს. ფეოდალური სწავლა-განათლების სისტემა მოიცავდა საერო და სასულიერო სწავლა-აღზრდის სფეროს. აღნიშნულ

ხანაშიც სწავლა-განათლების საქმე ეკლესიას ეპყრა და ქრისტიანული იდეოლოგიის შემზღვეველ გავლენას განიცდიდა. სწავლება ძირითადად ეკლესია-მონასტრებთან წარმოებდა და მას, უპირველეს ყოვლისა, პრაქტიკული დანიშნულება ჰქონდა მიზნად, კერძოდ, მწიგნობარი ბერ-მონაზვნის, ეკლესიის მსახურის აღზრდა; თუმცა, აქვე უნდა აღინიშნოს ის გარემოება, რომ ამ დროს საერო განათლების ძლიერი ნაკადი, მისი ხალხური საწყისი შეუჩერებელი უტევდა შუასაუკუნეობრივ სქოლასტიკას და აზრის თავისუფლებისათვის იბრძოდა. სწავლა-აღზრდის იმდროინდელი სისტემა ფეოდალური სახელმწიფოსა და გაბატონებული კლასის ინტერესებს ემსახურებოდა.

XI—XII სს-ისა და XIII ს. დასაწყისის თბილისში სასკოლო განათლებისა და სკოლების არსებობის შესახებ წერილობით წყაროებში პირდაპირი ცნობები არ მოგვეპოვება, მაგრამ შეიძლება ვივარაუდოთ, რომ სკოლები არსებობდნენ თბილისის ისეთ საეკლესიო და საკულტო კერებში, როგორც იყო: ანჩისხატის ბაზილიკური ეკლესია, სიონის ტაძარი, „ლურჯი მონასტერი“, განსაკუთრებით კი მეტეხის ტაძარი, რომელიც სამეფო კარის ეკლესიას წარმოადგენდა¹. ამავე დროისათვის, როგორც ჩანს, თბილისში გავრცელებული ყოფილა აგრეთვე კერძო სახის საშინაო სწავლება. საშინაო სწავლების ტრადიცია ძველთაგანვე არსებობდა თბილისში და იგი უმთავრესად კარისა და დიდგვარიანი ოჯახის შვილების აღზრდასთან დაკავშირებით გვხვდება.

თამარ მეფის აღზრდას მეთვალყურეობდა მისი მამიდა რუსუდანი, რუსუდანისავე სახლში იზრდებოდა დავით სოსლანი, შემდგომში თამარის ქმარი, რომელიც რუსუდანს „მოეყვანა საზღელად სახლსა შინა მისსა“.

XI—XII სს-ის თბილისში სასკოლო განათლების არსებობისათვის ხელი უნდა შეეწყოს იმ გარემოებასაც, რომ ამ პერიოდში ქართველებმა კარგად გაიცნეს ბიზანტიური სკოლა. მრავალი ქართველი, დიდგვარიან ფეოდალთა ოჯახების წარმომადგენელი ბიზანტიის სკოლაში იძენდა ბერძნულ განათლებას. სომეხი ისტორიკოსის ვარდან დიდის ცნობით, დავით აღმაშენებელმა საბერძნეთში გაგზავნა 40 ახალგაზრდა იქაურ სკოლებში სწავლის მისაღებად და მთარგმნელობით ხელოვნებაში გასაწვრთნელად².

თბილისის, როგორც განათლებისა და მეცნიერების მძლავრი ცენტრის, როლი მთელი სიდიადით გამოვლინდა XII საუკუნეში, სახელდობრ მას შემდეგ, როცა იგი დავით აღმაშენებელმა 1122 წელს მუსლიმან დამპყრობელთა უღლისაგან გაათავისუფლა. ამიერიდან თბილისი

¹ იგი იხსენიება თამარის დროს. დაანგრიეს მონღოლებმა.

² ვარდან ბარძრბერდელი, მსოფლიო ისტორია, გამოცემული მ. ემინის მიერ, მოსკოვი, 1861, გვ. 157 (სომხურ ენაზე).

ქართული ფეოდალური მონარქიის მთელი კულტურული ცხოვრების ცენტრად იქცა.

თბილისში განათლებისა და მეცნიერების ზრდა-განვითარებას ხელს უწყობდა თვით ქართველ მონარქთა (დავით აღმაშენებელი, დემეტრე I, თამარი) მეცენატობა. ქართველი მეფეები არა მარტო ხელს უწყობდნენ მეცნიერებისა და სწავლა-განათლების წინსვლასა და განვითარებას, არამედ, შეძლებისდაგვარად, საკუთარი წვლილიც შექმნიდათ ამ დიდ საქმეში.

XI—XIII სს-ის თბილისში, სამეფო კარზეა შეთხზული „ცხოვრება მეფეთ-მეფისა დავითისი“ (დავით აღმაშენებლის ისტორია), „ისტორიანი და აზმანი შარავანდედთანი“ და სხვა არაერთი პირველხარისხოვანი საისტორიო ნაშრომი.

„ცხოვრება მეფეთ-მეფისა დავითისი“ გადმოსცემს XI—XII სს-ის საქართველოს ისტორიას. ავტორის ვინაობა დადგენილი არ არის, მაგრამ, როგორც მისი თხზულების შინაარსიდან ჩანს, ის დავითის თანამედროვე, პირადად მასთან და სამეფო კარზე ძალზე დაახლოებული პირი იყო. თხზულება დაწერილია 1123—1126 წლებში³.

თავისი პერსონაჟის დასახასიათებლად და მისი სიდიადის გამოსავლენებლად დავით აღმაშენებლის ისტორიკოსი უხეად სარგებლობს შედარებითი მეთოდით; აქ იგი ღრმა ერუდიციას იჩენს მსოფლიო ლიტერატურასა და ისტორიაში. დავითს იგი ხშირად ადარებს ისტორიაში ცნობილ საქებარ პირთ, მაგ., ბიბლიის დავითს, ბასილ დიდს, იმპერატორ კონსტანტინეს, ალექსანდრე მაკედონელს და სხვ. ქართველი ისტორიკოსები იცნობდნენ ბერძენი ისტორიკოსების თხზულებებს. ერთ-ერთი წყარო ძველი ქართველების მიერ ალექსანდრე მაკედონელის ისტორიის ცოდნისა იყო არისტობულეს „ისტორია“ (უშუალოდ ან სხვა წყაროთა მეშვეობით). არისტობულე (375—285 წწ.) დასახელებულია თვით ნაწარმოებში.

დავით აღმაშენებლის ისტორიკოსი ალექსანდრე მაკედონელის გარდა იცნობს ანტიკურობის სხვა ისტორიულ პიროვნებებს. მაგ., როდესაც დავითის მწიგნობრობაა შექებული, იგი შედარებულია პტოლემეოსთან (283—246 წწ.)⁴.

დავით აღმაშენებელი ისტორიკოსს შედარებული ჰყავს კონსტანტინე დიდთან (324—337 წწ.), როდესაც ლაპარაკობს მის მოღვაწეობაზე საეკლესიო საკითხების მოგვარების საქმეში⁵; ასახელებს აგრეთვე ვესპასიანეს (რომის კეისარი 69—79 წწ.) და ტიტუსს (79—81 წწ.), რომელთა მოღ-

³ ივ. ჯავახიშვილი, ძველი ქართული საისტორიო მწერლობა, 1945, გვ. 213.

⁴ ქართლის ცხოვრება, I, გვ. 347.

⁵ იქვე, გვ. 353—354.

ვაწეობას გასცნობია იოსიპოს ებრაელის (ანუ იოსებ ფლავიუსის) ნაშრომის მიხედვით⁶.

ისტორიკოსი აღფრთოვანებულია დავით მეფის პოლიტიკით, მისი სამხედრო ოპერაციებით და ამ კონტექსტში, დავითის მიერ 1122 წ. თბილისის აღების აღწერის წინ. ახსენებს ჰომეროსს და მის გმირებს.

ივ. ჯავახიშვილი დავით აღმაშენებლის ისტორიკოსის შეფასებისას წერდა: „ებრაელების ისტორია იქნებოდა თუ ქრისტიანობის, ძველი წარმართ ბერძნებისა თუ სპარსელების ისტორია იქნებოდა, ჩვენი ავტორისათვის სულერთია — მას სრულებით თავისუფლად მოჰყავს ყველა ხალხების და მეფეების ცხოვრების მაგალითები და საქართველოს მდგომარეობისა და საქართველოს მეფის მოღვაწეობას იმ მაგალითებს ადარებს“⁷.

თამარის სამეფო კარის ისტორიკოსი, „ისტორიანი და აზმანი შარავანდედთანის“ ავტორი ღრმად განათლებული პიროვნება ჩანს. მის თხზულებაში რელიეფურად არის წარმოდგენილი იმდროინდელი თბილისის სამეფო კარის და საერთოდ საქართველოს კულტურული დონე. გარდა მშობლიური კულტურული ტრადიციებისა, ანონიმი ავტორი კარგად იცნობს ორ კულტურულ სამყაროს: დასავლურ, ელინურ-ბიზანტიურ-ქრისტიანულს და აღმოსავლურს — ირანულ-არაბულ-მუსლიმანურს. ავტორი ამჟღავნებს სასულიერო და საერო (მათ შორის ანტიკურისაც) ლიტერატურის კარგ ცოდნას. თავისი შრომის დაწერისას ისტორიკოსს უსარგებლია პლუტარქეს თხზულებებით. მის ფართო ერუდიციაზე ისიც მეტყველებს, რომ კარგად იცნობს ძველი მწერლობის სხვა ძეგლებსაც (კერძოდ, ჰომეროსის ნაწარმოებებს და სხვ.). მწერალი ამჟღავნებს ბერძნული მითოლოგიის ცოდნას, ირანულ-მუსლიმანური წარმოშობის სამიჯნურო-სათავგადასავლო თუ საგმირო-საფალავნო რომანების ნაკითხაობას და მხატვრულ გემოვნებას⁸. უაღრესად დიდია „ისტორიანი და აზმანის“ ღირებულება, როგორც პირველწყაროსი. მასში მიმოხილული ცნობებიდან კარგად ჩანს, რომ მაშინდელი განათლებული ქართველები კარგად იცნობდნენ „შაჰ-ნამეს“, ონსორისა და ნიზამი განჯელის პოემა-რომანებს და სხვა სამიჯნურო-სათავგადასავლო, საგმირო-საფალავნო და დიდაქტიკურ-საზღაპრო თხზულებებს.

„შაჰ-ნამე“ ანუ მეფეთა წიგნი ირანულ-ტაჯიკური მწერლობის უბრწყინველესი საგმირო-საფალავნო და საისტორიო-ლეგენდარული თხზულებაა, რომელიც ეკუთვნის აბულ-ყასიმ ფირდოუსის (935/6—1020/6 წწ.). ძველი ქართული ლიტერატურის მკვლევარნი (ნ. მარი, იუსტ. აბულაძე, კ. კეკელიძე, ალ. ბარამიძე, პ. ინგოროყვა და სხვ.) ერთხმად

⁶ ქართლის ცხოვრება, I გვ. 342.

⁷ ივ. ჯავახიშვილი, ძველი ქართული საისტორიო მწერლობა, 1916, გვ. 163—164.

⁸ პ. ინგოროყვა, რუსთაველის ეპოქის სალიტერატურო მემკვიდრეობა, რუსთაველის კრებული, თბ., 1938, გვ. 60—61.

აღიარებენ, რომ XII საუკუნეში უკვე არსებობდა „შაჰ-ნამეს“ ძველი ქართული, სავარაუდებელია, პროზაული თარგმანი⁹.

დიდი გამოძახილი ჰქონია თბილისის სამეფო კარზე ძველი აღმოსავლეთის ცნობილი პოეტის ონსორის (970/980—1039/40 წწ.) პოემა-რომანებს: „შატბიერ და ანალათ“ და „ეამეყ და აზრა“. როგორც სპეციალურ სამეცნიერო ლიტერატურაშია აღნიშნული, ეს ირანული სამიჯნურო-სათავგადასავლო რომანები XII საუკუნის პირველ ნახევარში ქართულ ენაზე უკვე უნდა არსებულებოდა¹⁰.

ერთობ დიდი პოპულარობით სარგებლობდა თბილისის სამეფო კარზე აზერბაიჯანელი პოეტის ნიზამი განჯელის (1141.—1203/9 წწ.) სამიჯნურო-სათავგადასავლო შინაარსის პოემა-რომანები: „ხოსროვშირინიანი“ და „ლეილმაჯნუნიანი“. აღნიშნულმა თხზულებებმა დიდი მოწონება დაიმსახურეს სამეფო კარზე და სწრაფად გავრცელდნენ როგორც საინტერესოდ საკითხავი რომანები. მკვლევართა სამართლიანი ვარაუდით, „ხოსროვშირინიანის“ და „ლეილმაჯნუნიანის“ ქართული თარგმანები უკვე უნდა არსებულებოდა XII საუკუნის მიწურულს, ან XIII საუკუნის დასაწყისში, ალბათ, თვით ნიზამი განჯელის სიცოცხლეშივე¹¹.

ამრიგად, როგორც ვხედავთ, თბილისის სამეფო კარზე, აღნიშნულ ხანაში, დიდი პოპულარობა მოუპოვებია ელინურ-ბიზანტიური და აღმოსავლური წარმოშობის საგმირო, საისტორიო, სამიჯნურო და საზღაპრო ხასიათის მხატვრულ ძეგლებს.

XII—XIII საუკუნეების თბილისის განათლებული ქართველი ფეოდალური საზოგადოება გაფაციცებით ადევნებდა თვალყურს დასავლეთისა თუ აღმოსავლეთის მეზობელ ხალხთა მწერლობას. იმდროინდელი განათლებული თბილისელები ფლობდნენ ირანულ-არაბულ და ბერძნულ ენებს, ორიგინალში კითხულობდნენ მათთვის საინტერესო ნაწარმოებებს, ეწეოდნენ მთარგმნელობით მოღვაწეობას და თავიანთი მდიდარი და ღრმა შემოქმედებით ნაყოფიერ გავლენას ახდენდნენ მეზობელ ხალხთა კულტურის განვითარებაზე.

ლიტერატურა

ქართული საერო მხატვრული მწერლობის მნიშვნელობა და გავლენა, მისი აღმოცენების შემდეგ, სწრაფად იზრდება. განსაკუთრებით საგულისხმოა, რომ XII ს. შეიქმნა საერო მხატვრული პოეზიაც; რომელსაც

⁹ ნ. შარო, როსტომიანი (ორიოდე სიტყვა „შაჰ-ნამეს“ ქართული თარგმანის შესახებ); შაჰ-ნამეს ანუ მეფეთა წიგნის ქართული ვერსიები, I, თბ., 1916, გვ. XXI—XXII, XXX—XXXIII; კ. კეკელიძე, ქართული ლიტერატურის ისტორია, II, თბ., 1958, გვ. 289, 323; აღ. ბარამიძე, ნარკვევები, II, თბ., 1940, გვ. 34—35; პ. ინგოროყვა, დასახ. ნაშრომი, გვ. 47.

¹⁰ ი. ლოლაშვილი, მრავალკარედი, თბ., 1984, გვ. 41—44.

¹¹ იქვე, გვ. 46.

უმთავრესად საკარო-სახოტბო შინაარსი ჰქონდა. სწორედ თბილისში, სამეფო კარზე უნდა დაწერილიყო საკარო პოეზიის ისეთი ძვირფასი ნიმუშები, როგორცაა ჩახრუხაძის „თამარიანი“ და იოანე შავთელის „აბდულმესიანი“ ან ქება თამარისა და დავითისა. რუსთაველის უკვდავი „ვეფხისტყაოსანი“ თამარის სამეფო კარზე უნდა შექმნილიყო.

სამეფო კარის პოეტების ნაწარმოებები საკარო პანეგირიკული პოეზიის ნიმუშები იყო. ამ პოეზიის ტრადიცია, მომდინარეობს რა უძველესი დროიდან და ვითარდება ფეოდალიზმის პირობებშიც, საქართველოში, კერძოდ თბილისში, თავის უმაღლეს აყვავებას XII საუკუნეში აღწევს, როდესაც საქართველო წარმოადგენს დიდ ფეოდალურ სახელმწიფოს. ხოლო მის დედაქალაქში, თბილისში, სხედან განათლებული მონარქები. „კარის პოეტი მეფის სამსახურში იმყოფება, მის სამსახურებრივ მოვალეობას შეადგენდა საკარო ცხოვრების ლამაზი ფერებით დახატვა, მეფისა და მისი კარის განთქმა, საზეიმო შეკრებებზე ლექსების კითხვა. კარის პოეტი, ისე როგორც კარის მსახური სხვა პირი, შეზღუდული იყო თავისი ოფიციალური მდგომარეობით, პატრონზე იყო დამოკიდებული ნივთიერად და უფლებრივად. ეს გარემოება გარკვეულ დაღს ასვამდა მთელს საკარო შემოქმედებას, კერძოდ, საკარო პოეზიას. გადაკარბება, გაზვიადება, განდიდება მსგავს პირობებში იყო სრულიად ბუნებრივი მოვლენა. ამიტომ საკარო პოეტურ ნაწარმოებებს ჩვეულებრივ აზის ოფიციალურ-საზეიმო განწყობილებების ბეჭედი“¹².

სახოტბო პოეზიის აღმავლობას ხელი შეუწყო თამარის განდიდება. XIII ს-ის დამდეგს თამარის სახელი აღზევდა აღმოსავლეთსა და დასავლეთში. მეფე-ქალის საქებრად ამეტყველდნენ ქართველი პოეტები, ერაყელი მეუბნენი და მეჩანგენი, ბერძენთა და ფრანკთა მეზღვაურნი. ქართველ მწერალთაგან დაწერეს სახოტბო ოდები რუსთაველმა, ჩახრუხაძემ და შავთელმა.

„თამარიანი“ ქართული სახოტბო პოეზიის ერთ-ერთი მაღალმხატვრული ძეგლია. მისი ავტორი, ტრადიციული ცნობით, არის ჩახრუხაძე, თამარის კარის მეხოტბე. „თამარიანში“ შექმბულია თამარ მეფე, დავით სოსლანი და მათი შვილი ლაშა გიორგი (თუმცა თხზულება ძირითადად თამარს ეძღვნება). ჩახრუხაძეს თავისი ოდები დაუწერია სხვადასხვა დროს, სხვადასხვა ისტორიულ ამბებთან დაკავშირებით. კერძოდ, როგორც ფიქრობენ, „თამარიანის“ სახოტბო ლექსები შეთხზული უნდა იყოს 1184—1207 წლების მანძილზე.

ჩახრუხაძე მეფესთან დაახლოებული პირი ყოფილა. მას კარგად სცოდნია ბიბლიური და ფილოსოფიურ-თეოლოგიური მწერლობა, აღმოსავლური სამიჯნურო რომანები. მეხოტბე თავისთან იხმობს ანტიკუ-

¹² ქართული ლიტერატურის ისტორია, ტ. II, თბ., 1966, გვ. 88.

რი ხანის ფილოსოფოსებს, პოეტებს, თეოლოგებსა და მათ თამარის საქებრად მოუწოდებს. იგი აღწერს თამარის ცხოვრებისა და საქმიანობის ძირითად მხარეებს, მის დამოკიდებულებას ხალხსა და სამეფო კარის არისტოკრატიასთან.

მეხოტბე გრძნობს, რომ თამარის სრულყოფილად შექმნის ძალა არავის შესწევს არისტოტელეს გარდა. პოეტის აზრით, არისტოტელე ანტიკური ფილოსოფიის მწვერვალია, ათინელ ბერძენთა შორის ყველაზე უბრძნესი კაცი. მეხოტბის ასეთი განსწავლულობა მეტყველებს, თუ რა მაღალ დონეზე იდგა თბილისში ფილოსოფიური აზროვნება. უნდა ვივარაუდოთ, რომ XII საუკუნეში ქართულ ენაზე მოგვეპოვებოდა ანტიკური ხანის ბერძენ ფილოსოფოსთა (უპირველესად პლატონის, არისტოტელეს და სხვ.) თხზულებების თარგმანები და შეიძლება ორიგინალური ფილოსოფიური თხზულებაც. ჩახრუხაძე რამდენჯერმე იმოწმებს ჰომეროსს. ამის შედეგად შეიძლება ვივარაუდოთ, რომ XII საუკუნეში ქართულ ენაზე არსებულა ჰომეროსის ეპოსის მოკლე გადამუშავებული ვერსია. შეიძლება, ეს ვერსია მომდინარეობდა ბიზანტიის სკოლებში სახმარებელი რომელიმე კომპენდიუმიდან ან უშუალოდ ჰომეროსის თხზულებიდან.

ჩახრუხაძე სწორუპოვარი მელექსე იყო. არსებულ ნარკვევებში შენიშნულია, რომ მისი ხელოვნება ზოგჯერ ჯადოქრობას „ჭგავს და ყოველთვის გასაოცარია, მდიდარი და შეუდარებელი სამაგალითო ლექსთწყობა, მშვენიერი მუსიკალური რითმები ამშვენებენ მის რიტორული მჭერმეტყველებით დატვირთულს თხზულებებს“. ჩახრუხაძე მრავალმხრივ და ღრმად განათლებული მწერალი ყოფილა და მისი თხზულების ზოგიერთი ადგილის გაგებას ის აძნელებს, რომ მომეტებულ ნაწილს იმ თხზულებებიდან, რომელთა გმირებსაც იგი გაკვრით, თითო-ოროლა სიტყვით იხსენიებს თავის ხოტბებში, ჩვენამდის არ მოუღწევია და ამის გამო არც მათი შინაარსი ვიცით. ჩახრუხაძე ქართული განათლებული წრეებისათვის წერდა ლექსებს, რომელთაც ყველა ეს თხზულება წაყითხული ჰქონდათ და თითოეული იქიდან დასახელებული გმირი მათ თვალწინ მთელ სურათს უხატავდა. მარტო ის გარემოებაც, რომ იმდროინდელ ქართველ საზოგადოებას ჩახრუხაძის თხზულებების გაგება და დაფასება შეეძლო, უტყუარის მჭერმეტყველებით ამტკიცებს, რამდენად ღრმად განათლებული და უღარესად განვითარებული ყოფილა იგი¹³.

აქვე ხაზგასმით უნდა აღინიშნოს, რომ „თამარიანი“ არ არის ვიწრო პანეგირიკული თხზულება. მასში გამოვლენილია ავტორის სოციალურ-

¹³ М а р р Н. Я., Древнегрузинские одиссеи, с. 28--76 (Тексты и разыскания по армяно-грузинской филологии, IV, 1902); ივ. ჭ ა ვ ა ხ ი შ ვ ი ლ ი, ქართველთა ისტორია, II, 1965, გვ. 308--309.

პოლიტიკური მსოფლმხედველობა და პიროვნების ქება განზოგადებულია სახელმწიფოებრივ იდეალთან ერთად.

ჩახრუხადეს თბილისის სამეფო კარზე მხარს უმშვენივლად იოანე შავთელი. „ისტორიანი და აზმანი შარავანდელთანის“ ავტორის ცნობით, იოანე შავთელი იყო „კაცი ფილოსოფოსი და რიტორი, ლექსთა გამომთქმელი და მოღუაწებათა შინა განთქმული“. შავთელის ლიტერატურული მემკვიდრეობიდან ჩვენთვის ცნობილია მხოლოდ „აბდულმესიანი“ (თამარისა და დავით სოსლანის ხობტა), „გალობანი ვარძიის ღმრთისმშობლისანი“ და რამდენიმე საღვთისმეტყველო შინაარსის იამბიკო; დანარჩენი დაკარგულია. „აბდულმესიანი“ იოანე შავთელის მიერ დაწერილია თამარ მეფის სიცოცხლეში, დაახლოებით 1206—1207 წლებში. მასში ასახულია თამარის მეფობის ხანა, სამეფო კარის ცხოვრება, დავით სოსლანის მხედართმთავრობით წარმოებული ბრძოლა რუქნადინის წინააღმდეგ, „კიდელიმონას“ (შავი ზღვის სანაპირო, ტრაპიზონი) დაპყრობის ამბავი და ამ ორი ისტორიული გამარჯვებით სამეფო კარზე შექმნილი საზეიმო განწყობილება. ოდის შინაარსობრივი ანალიზი, მისი შეპირისპირება თამარის ანონიმი ისტორიკოსის ცნობასთან და აგრეთვე ის, რომ იოანე შავთელი სწორედ ამ ბრძოლის დროს თამარის მუდმივი მხლებელია ვარძიასა და ოძრხეში, გვაფიქრებინებს, რომ შავთელმა ბასიანის ომში ქართველთა ისტორიულ გამარჯვებას მიუძღვნა როგორც „აბდულმესიანი“, ასევე „გალობანი ვარძიის ღმრთისმშობლისანი“.

თხზულებაში შექმნილია თამარ მეფე და დავით სოსლანი. მთავარი პერსონაჟია თამარი — შავთელის პოეტური შთაგონების წყარო. „აბდულმესიანი“ (ე. ი. ქრისტეს მონა) თხზულების მთავარი საქები ობიექტის ზედწოდებაა.

პოეტი იჩენს ქართული ბიბლიურ-ჰაგიოგრაფიული, ისტორიული, საერო მხატვრული, ფილოსოფიური და ჰიმნოგრაფიული მწერლობის დიდ ცოდნას; უხვად იყენებს დავითის ფსალმუნებს და ძველ ქართულ საგალობლებს. შავთელიც, ჩახრუხადის მსგავსად, თამარის სახელმწიფოებრივი პოლიტიკის მომხრეა და ერთგულებას უცხადებს სამეფო ტახტს, მხარს უჭერს სამეფო ხელისუფლების ღვთაებრივი წარმოშობის იდეას. სამეფო ხელისუფლება თავის ნაწარმოებში მან აიყვანა მანამდე არნახულ სიმაღლემდე, აღნიშნავდა რა, ამავე დროს, ქართველი ბაგრატიონების ნათესაურ კავშირს ბიბლიურ წინასწარმეტყველ მეფეებთან.

„აბდულმესიანში“ აისახა ქართული ფილოსოფიურ-თეოლოგიური და საერო-მხატვრული მწერლობის სურათი. შავთელი ასახელებს ჩვენამდე არმოღწეული თხზულებების პერსონაჟთა სახელებს, საკუთარი პოეტური სახეებით შთაბეჭდილებას ქმნის ქართული კულტურის ვითარებაზე. იყენებს ფილოსოფიურ ტერმინებს.

ამრიგად, როგორც დავინახეთ, XII საუკუნეში თბილისში სამეფო

კარის მოღვაწეთა მიერ იქმნებოდა დიდებული საისტორიო თხზულებანი, საერო მწერლობის შინაარსობრივად და ჟანრობრივად მდიდარი სალიტერატურო მემკვიდრეობა, უკვდავი პოემები, სახობრო ოდეები, ითარგმნებოდა უცხოური მწერლობისა და ფილოსოფიის საუცხოო ნიმუშები. აქ, თბილისში ჰპოვებდნენ უპირველეს შეფასებას ჩახრუხაძისა და შავთელის პოეტური ქმნილებანი, რუსთაველის შემოქმედება, დავით აღმაშენებლისა და თამარის ისტორიკოსების თხზულებები.

წყაროებში მრავალი ცნობა მოიპოვება თამარის მეცენატობის შესახებ. როგორც სამართლიანად შენიშნავს კ. კეკელიძე, თამარის სასახლე თბილისში გადაიქცა მწერლებისა და მეცნიერების ნამდვილ საერთო საცხოვრებლად¹⁴. თამარის კარის ისტორიკოსებს საგანგებოდ აქვთ აღნიშნული სამეფო კარზე გამართულ მეჯლისებსა და დღესასწაულებზე მგოსანთა მონაწილეობა. მემატინის ცნობით, „იქმნა სიხარული გამოუთქმელი, ვითა მართებს ნადიმსა და წყლიანობასა ამის სახლისა დიდებულთა მოყმეთა, უკლებლობასა მრავალგუართა სახეობათა, მუტრიბთა და მოთამაშეთა“¹⁵.

სხვა დღესასწაულის დროს „იყო ზმა მგოსანთა და მუშაითთა სახიობათა მკურეტელნი და რაზმთა სიმრავლე და სრულქმნა ამისა შინა“¹⁶. ან კიდევ: „იყო სიხარული და ზმა მგოსანთა და მოშაითთა“¹⁷. ეს უკანასკნელი ცნობა გვაუწყებს თბილისში ერთ-ერთ საზეიმო დარბაზობის დროს გამართული საჯარო ლიტერატურული შეჯიბრების შესახებ, რომელზედაც საასპარეზოდ გამოსულან ქართველი და ირანელი პოეტები. ეს დარბაზობა თამარის კარზე გამართულა შირვანშაჰ აღსართან II-ის თბილისში სტუმრობის გამო. აღსართან II პოეზიის დიდი მეცენატი და მოყვარული ყოფილა. შირვანის შაჰების კარზე ცხოვრობდნენ სახელგანთქმული პოეტები — ხაკანი (გარდ. 1199 წ.) და ნიზამი განჯელი (გარდ. 1203/9 წ.). გამოთქმულია მოსაზრება, რომ აღსართან II-ს თბილისში ყოფნისას თან ახლდა ნიზამი განჯელი¹⁸.

ყოველივე ზემოთქმული აშკარად მიგვიჩინებს თბილისის კულტურულ ურთიერთობაზე მეზობელ ქვეყნებთან, რომელსაც მყარ ნიადაგს უქმნიდა ქართული ფეოდალური სახელმწიფოს ეკონომიკურ-პოლიტიკური წინსვლა და გაძლიერება XI—XII სს-ში. აღნიშნულ ხანაში „ფეოდალური საქართველო მსოფლიო პოლიტიკის ასპარეზზე გამოვიდა. თამარის დროშა „დავითიანი“ კი არ იყო მხოლოდ, არამედ „ალექსანდრიანი“-„ავღუსტიანიც“. ალექსანდრე მაკედონელისა და ავგუსტ კეისრის

¹⁴ კ. კეკელიძე, ქართული ლიტერატურის ისტორია, II, 1958, გვ. 35.

¹⁵ ქართლის ცხოვრება, II, გვ. 43.

¹⁶ იქვე, გვ. 47.

¹⁷ იქვე, გვ. 66.

¹⁸ კ. კეკელიძე, ეტიუდები, IV, თბ., 1957, გვ. 83.

მემკვიდრეობის მითვისებით ქართველები არა მარტო თურქთა მიერ მიტაცებულ მახლობელი აღმოსავლეთის კულტურული ქვეყნების განთავისუფლებას იჩემებდნენ, არამედ დასავლეთის კულტურული საგანძურის დაცვა-გავრცელების მისიასაც თავს იღებდნენ¹⁹. და, მართლაც, თამამად შეიძლება ითქვას, რომ საქართველომ თითქმის მთლიანად აითვისა დასავლეთის ბერძნულ-ქრისტიანული კულტურა და კულტურითა და ცივილიზაციით მოქადულ ბიზანტიას ღირსეულად გაუსწორა თვალი.

აღორძინების ეპოქის თბილისში კარგად ერკვეოდნენ მუსლიმანურ-არაბულ-ირანული კულტურის მიღწევებშიც. არაბთა ხანგრძლივ ბატონობას თბილისში არ შეიძლება გარკვეული გამოძახილი არ ჰქონოდა ქართულ კულტურასა და მწერლობაში. რამდენადაც არაბები გვევლინებიან როგორც აქტიური მოქმედნი მეცნიერებისა და ცოდნის სხვადასხვა დარგში. როგორცია, მაგალითად, მათემატიკა, ასტრონომია, ისტორია, მედიცინა, ამდენად მათთან ურთიერთობას გარკვეული როლი უნდა შეესრულებინა ქართული კულტურის ისტორიაშიც. როგორც ჩანს, თბილისში ვითარდებოდა სამედიცინო ცოდნაც. ცნობილია, რომ დავით აღმაშენებელი და მისი მემკვიდრენი დიდად ზრუნავდნენ დაერდომილებსა და ავადმყოფებზე. ჭერ კიდევ თბილისის ალებამდე დავითმა გელათში „აღაშენა ქსენონი“ (საავადმყოფო). საფიქრებელია, რომ ასეთივე დაწესებულება თბილისის დაბრუნების შემდეგ მეფემ დედაქალაქშიც გახსნა. აღ-ფარევი მოგვითხრობს, რომ მოსულის ვეზირმა, ცნობილმა ქველმოქმედმა ჭემალ ელ-დინ ისფაჰანელმა შესთავაზა დემეტრეს, თბილისში მუსლიმანი სნეულებისა და უილაჯოებისათვის საავადმყოფოს (ბიმარისტანს) აეაგებო. მეფეს უპასუხნია, მე თვითონ აეაგებო. და ალბათ კიდევ შეუდგა საქმეს, მაგრამ ამასობაში გარდაიცვალა და ეს განზრახვა განუხორციელებელი დარჩა²⁰. თუკი ქართველი მეფე თბილისში მუსლიმანებისათვის აპირებდა ცალკე საავადმყოფოს გახსნას, უნდა ვიფიქროთ, რომ ქრისტიანებისათვის უკვე არსებობდა ასეთი დაწესებულება. ალბათ იყვნენ სათანადო სპეციალისტებიც.

თბილისის სამეფო კარზე კარგად იცოდნენ არაბული ენა არა მარტო დავით აღმაშენებლის დროს (ამაზე ადრეც), არამედ მის შემდგომაც. ამ მხრივ მეტად საინტერესოა XII საუკუნის ისტორიკოსის აბულ-ჰასან ბეიჰაკის (1106—1170 წწ.) ცნობა. ბეიჰაკის ბევრი თხზულება დაუწერია არაბულ და სპარსულ ენებზე, მაგრამ ამჟამად თითქმის ყველა დაკარგულია. ბეიჰაკის ერთადერთი ნაწარმოები, რომელმაც სრული სახით მოაღწია ჩვენამდე, არის მისი მშობლიური ოლქის ბეიჰაკის ისტორია.

¹⁹ ნ. ბერძენიშვილი, საქართველოს ისტორიის საკითხები, III, თბ., 1966, გვ. 59—60.

²⁰ V. Minorsky, Studies in Caucasian History, London, 1953, გვ. 91.

ამ ნაშრომიდან ვგებულობთ, რომ 543 წლის საფარის თვეში (1148 წ. ივნის-ივლისი) მეფე დემეტრე დავითის ძემ, მესიის მახვილად წოდებულმა, თავისი დესპანის ხელით რამდენიმე შეკითხვა გაუგზავნა სულთან სანჯარს (მალაქ შაჰის შვილს, ხორასნის მფლობელს). შეკითხვები არაბულ და სირიულ ენებზე ყოფილა დაწერილი. აბულ ჰასან ბეიჰაკს უბრძანეს პასუხები დაეწერა ამავე ორ ენაზე. მას შეუსრულებია დავალება. სამწუხაროდ, არც შეკითხვების და არც მათზე გაცემული პასუხების შინაარსი ბეიჰაკს მოტანილი არა აქვს²¹.

თბილისის სამეფო კარზე დიდ მფარველობას უწევდნენ მხატვრული მწერლობის, პოეზიის, მეცნიერების წარმომადგენლებს²². ამ მხრივ განსაკუთრებით გამოირჩეოდა დავით აღმაშენებელი. იბნ ალ აზრაყ ალ-ფარიკის გადმოცემით, დავითი ისეთი პატივით ეპყრობოდა მუსლიმანებს და ისეთ ყურადღებას იჩენდა მათი სარწმუნოების, მეცნიერებისა და სუფიზმის მიმართ, როგორსაც მუსლიმანთა შორისაც კი ვერ ნახავდნენ²³. ამის შესახებ უფრო დაწერილებით მოგვითხრობს სიბტ იბნ ალ-ჯაუზი (1186—1257 წწ.) თავის მრავალტომიან მსოფლიო ისტორიაში. იგი წერს: დავითი მუსლიმანთა საუფლო დღეს, პარასკეობით ზოგჯერ თვითონ და ზოგჯერ შვილებითურთ მაჰმადიანთა მთავარ სამლოცველოში — ჯამეში შედიოდა, ლოცვას, ყურანის კითხვასა და ქადაგებას ისმენდა და მათ სამღვდელოებას (ხატიბსა და მუეზინებს) მრავალ ოქროს უწყალობებდა ხოლმე. მას (დავითს) სუფიებისა და პოეტებისთვისაც თავშესაფარი აუგია, ხშირად ქონებრივადაც დახმარება გაუწევია და სადღესასწაულო მეჯლისებიც გაუმართავს. თვით მაჰმადიანთა მეფეებს არ გამოუჩენიათ თავიანთი ერთმორწმუნე ქვეშევრდომებისადმი იმდენი პატივისცემა, რაოდენს მზრუნველობასაც იჩენდა მათდამი საქართველოს ქრისტიანი მეფე. ამარაგებდა მათ მრავალი ქონებით. იგი (დავითი) მეტ პატივს სცემდა მუსლიმანებს, ვიდრე მათ სცემდნენ პატივს ისლამის მფლობელები²⁴. აღსანიშნავია, რომ თვით დავით აღმაშენებელი კარგად ერკვეოდა ისლამის რელიგიის საკითხებში: არაბი ისტორიკოსის მუჰამედ ალ-ჰამავის ცნობით, დავითი იმდენად კარგად ყოფილა განსწავლუ-

²¹ რ. კიკნაძე, XI—XIII საუკუნეთა თბილისის ისტორიიდან, ისტორიის ინსტიტუტის შრომები, ტ. V, ნაკვ. I, 1960, გვ. 126—127.

²² М а р р Н. Я. Древнерусские описцы, Тексты и разыскания..., IV, СПб., 1902, с. 25, შენიშვნა I.

²³ V. Minorasky, Caucasian in the History of Mayyafariqin, გვ. 34.

²⁴ M. Defremery, Fragments de géographes et d'historiens arabes et persans inédits, „Journal asiatique“, Paris, 1948—1849, t. XIII—XV, გვ. 486; ივ. ჯავახიშვილი, ქართველი ერის ისტორია, წიგნი II, თბ., 1948, გვ. 217, 218; ო. კვიციანი, სიბტ იბნ ალ-ჯაუზის ცნობა დავით აღმაშენებლის შესახებ, თსუ შრომები, ტ. 118, აღმოსავლეთმცოდნეობის სერია, თბ., 1967, გვ. 205.

ლი მუსლიმანთა სჯულის საკითხებში, რომ განჯის ყადისთან ხშირად კამათიც კი ჰქონია ყურანის წარმოშობის შესახებ²⁵.

საგულისხმო ცნობებს გვაწვდის ამ მიმართებით ზემოხსენებული ალ-ფარაყი. რომელიც 1153 წელს თბილისში ჩამოსულა მეფე დემეტრე I-ის კარზე სტუმრად. თბილისში ყოფნის დროს მას უნახავს თუ როგორ შესულა მიზგითში მეფე დემეტრე პარასკევ დღეს და დაუკავებია თავისი ადგილი მაღალ სკამზე. მიზგითიდან გამოსვლისას მეფეს 200 დინარი შეუწირავს მისთვის. მეფე განსაკუთრებული ყურადღებით ეპყრობოდა თურმე მეცნიერებს და მუსლიმანური სამღვდლოების წარმომადგენლებს. ფარაყი შეხვედრია იმ მუსლიმანებს, რომელთაც მეფე ისეთი პატივისცემით ექცეოდა, რომ ასეთს მოპყრობას ისინი ბალდადშიც (ე. ი. ხალიფას სატახტო ქალაქშიც) ვერ იხილავდნენ²⁶.

თბილისში მსხდომ ქართველ მონარქთა ასეთი ბრძნული და წინდახედული პოლიტიკის შედეგი იყო, რომ „ერთი საუკუნის შემდეგ იმ მოქალაქეთა შვილები და შვილიშვილები საქართველოს ძლიერებისა და ბედნიერებისათვის იმნაირადვე ზრუნავდნენ, როგორც ჩვენი ერის ღვიძლი შვილები“ (ივ. ჯავახიშვილი).

XII ს. თბილისისა და მთელი საქართველოს შემამკობელი გვირგვინა შოთა რუსთაველის გენიალური ქმნილება — „ვეფხისტყაოსანი“, რომელმაც უკვდავი ადგილი დაიმკვიდრა შუა საუკუნეების მსოფლიო ლიტერატურის შედევრებს შორის.

შოთა რუსთაველმა „უზნადოდ გამოხატა ადამიანთა ამაღლებული გრძნობები, ადამიანური ცხოვრების დამამშვენებელი ზნეობრივი იდეალები... უკუაგდო ასკეტური მორალი, მიწიერი გრძნობების თვითჩახშობა, სარწმუნოებრივი ფანატიზმი და დოგმატიზმი, ცრუმორწმუნეობრივი სიბეცე, ფატალიზმი. რუსთაველის გმირები პიროვნულად თავისუფლები არიან, მათ ნებელობას არ ზღუდავს არც უზენაესი ძალა და არც ბედისწერა. რუსთაველმა გაცილებით ადრე მკაფიოდ გამოხატა ის იდეური მიდრეკილებანი. რაც ჩვეულებრივ ევროპული რენესანსის ნიშანდობლივად დამახასიათებელ თვისებად ითვლება“²⁷.

ფილოსოფიური აზრი

ქართული ფეოდალური ხანის ფილოსოფიური აზრი თავისი განვითარების უმაღლეს საფეხურს XI—XII სს-ში აღწევს. ძლიერდება ინტერესი ფილოსოფიის საკითხებისადმი. თბილისი ქართველ ფილოსოფოსთა

²⁵ М а р р Н. Я., Древнегрузинские описания, с. 19.

²⁶ ვ. ფუთურიძე. არაბი ისტორიკოსი XII ს-ის თბილისის შესახებ, ენიშის მოამბე. ტ. XIII, თბ., 1943. გვ. 140—141; მ ი ნ ო რ ს კ ი, დასახ. ნაშრომი, იქვე.

²⁷ ვ. ქეკელიძე. ა. ბარამიძე, ძველი ქართული ლიტერატურის ისტორია, თბ., 1969, გვ. 281.

ერთ-ერთი კერა იყო. სამეფო კარის გარშემო იყრიდნენ თავს სახობო პოეზიის წარმომადგენლები. მათ შორის, როგორც ჩანს, ჩამოყალიბდა დიდი შოთა რუსთაველის შემოქმედება თავისი სწორუპოვარი „ვეფხისტყაოსნით“, რომელიც იმ ეპოქის ფილოსოფიური აზრის დონეზე დგას.

ანტიკური ფილოსოფოსების სახელები გვხვდება არა მხოლოდ ფილოსოფიურ, აგრეთვე ლიტერატურულ და საისტორიო ძეგლებში. წარმოიქმნა რიგი ორიგინალური და თარგმნილი კრებულებისა, რომლებშიც გადმოცემულია ფილოსოფოსთა (დემოკრიტე, პლატონი, არისტოტელე და სხვ.) აზრები და აფორიზმები.

მეხობრეთა პოეზიაში იხსენიებიან არისტოტელე, დიონისე არეოპაგელი, განსაკუთრებით კი ენეა გაზელი, პეტრე იბერის უმცროსი თანამედროვე და თანამოქალაქე.

ითარგმნა ქართულად პროკლეს (410—485 წწ.) ძირითადი ფილოსოფიური თხზულება „თეოლოგიის ელემენტები“ (თარგმნა იოანე პეტრიწმა), პროკლეს მოწაფის და თავისი დროისათვის ცნობილი ნეოპლატონიკოსის — ამონიოს ჰერმიასის „პორფირიუსის შესავალის კომენტარები“ და „არისტოტელეს 10 კატეგორიის კომენტარები“ (თარგმნა იოანე ტარიჭის ძემ).

ამ დროს გახდა ცნობილი ჩვენში ნეოპლატონიკოს ნემესიოს ემესელის „ბუნებისათვის კაცისა“; ითარგმნა მთლიანად ე. წ. არეოპაგეტიკური კორპუსი (თარგმნა ეფრემ მცირემ). რამდენჯერმე იყო ამ დროს თარგმნილი იოანე დამასკელის (VIII ს.) „ცოდნის წყარო“, რომელიც აღმოსავლური აზროვნების ერთ-ერთ ძირითად ნაწარმოებს წარმოადგენდა. არსენ იყალთოელმა თარგმნა ანასტასი სინელის (VII ს.) აღმოსავლეთში ფრიად გავრცელებული თხზულება „წინამძღვარი“. ქართულ თარგმანში შემოინახა ტრაქტატი „პირამშოსათვის“ („პირველის შესახებ“), რომელსაც მთარგმნელი არსენ იყალთოელი მიქაელ პსელოსს მიაწერს და რომლის ორიგინალი დაკარგულად ითვლება.

უმრავლესობა ამ თხზულებებისა ქრისტიანულ სულიერ სამყაროს ცუთვნის, მაგრამ უხვად შეიცავს ანტიკურ ფილოსოფიურ (პლატონის, არისტოტელეს. ნეოპლატონიკოსების) იდეებს და შეადგენს ამ დროის ქართული ფილოსოფიური აზრის მნიშვნელოვან ნაწილს, რომელსაც დიდი მნიშვნელობა ჰქონდა შუა საუკუნეების ქართულ კულტურულ ცხოვრებაში.

შეხედულებები „ამ სოფელზე“, როგორც ყოველგვარ მნიშვნელობას მოკლებულ სინამდვილეზე და მოძულების საგანზე. იცვლება ხილული სამყაროს ონტოლოგიური, ეთიკური და ესთეტიკური ღირებულების აღიარებით. ამ ზოგადი შეხედულების შესაბამისად ყალიბდება ახალი შეხედულებანი ადამიანზე და მის დანიშნულებაზე. გრძნობებისა და

მისწრაფებების უარყოფის ასკეტური იდეალი იცვლება ჰუმანიზმით, რომელიც თანამიმდევრულ და შესანიშნავ პოეტურსა და ფილოსოფიურ გამოხატულებას პოულობს შოთა რუსთაველის „ვეფხისტყაოსანში“. რენესანსული და ჰუმანისტური იდეები იმდროინდელ საქართველოში ისეთი გარკვეულობითა და სიძლიერით არის წარმოდგენილი, რომ საფუძველი მისცა მეცნიერებს, XI—XII სს-ის ქართულ კულტურულ აღმავლობაში რენესანსი დაენახათ²⁸.

ამ დროის ქართული ფილოსოფიური აზროვნება მჭიდროდაა დაკავშირებული იდეურ ცხოვრებასთან და მასში მომხდარ ცვლილებებთან. ყალიბდება მიმართულებანი, რომელთა შორის ერთი დოგმატიკური აზროვნების გზას აგრძელებს და ზეცისა და მიწის დუალიზმის თვალსაზრისზე რჩება, მეორე — ამ დუალიზმის დაძლევის, არსის მთლიანობის დასაბუთებისაკენ არის მიმართული და ამქვეყნიური სინამდვილის ღირებულების დასაბუთებას და ადამიანში ადამიანურის გამართლებას წარმოადგენს.

ფილოსოფიური მიმდინარეობა, რომელიც „ქართული ნეოპლატონიზმის“ სახელწოდებით არის ცნობილი (ეფრემ მცირე, იოანე პეტრიწი, შოთა რუსთაველი), მთავარ, ძირითად მიმართულებას წარმოადგენს და ქვეყნის იდეურ ცხოვრებაში მომხდარ არსებით ცვლილებებს ასახავს.

ამ ეპოქის ქართული ფილოსოფიური აზრის პირველი მნიშვნელოვანი წარმომადგენელია ეფრემ მცირე (XI ს.). მისი მოღვაწეობა მრავალმხრივობით გამოირჩევა. განსაკუთრებულია მისი დამსახურება ფილოსოფიური აზრის განვითარების თვალსაზრისით. მის მიერ შესრულებული თარგმანი იოანე დამასკელის ცნობილი თხზულებისა „კოდნის წყარო“ და უმთავრესად მისი პირველი ნაწილისა — „ფილოსოფიური თავები“ (დიალექტიკა) აძლიერებს არისტოტელეს ფილოსოფიური იდეების გავლენას ქართულ ფილოსოფიურ აზროვნებაში.

ეფრემ მცირე დიდ მნიშვნელობას ანიჭებს არისტოტელეს ლოგიკურ და ონტოლოგიურ მოძღვრებას; აღრმავებს რაციონალისტურ ხაზს. მისი აზრით, ფილოსოფიის დანიშნულება თეოლოგიის დებულებათა დასაბუთებაში და თეორიულ დაცვაშია მოწინააღმდეგეებთან იდეოლოგიური ბრძოლის დროს. „საფილოსოფოსო სწავლა“ არის იარაღი, რომლითაც „წინააღმდეგობოდენ შვილნი ეკლესიისანი გარეშეთა მათ ფილოსოფოსთა“ და მათითავე „ისრით“ (იარაღით) ამარცხებენ მათ. ფილოსოფია

²⁸ აღმოსავლეთისა და ქართული რენესანსის თეორია ბოლო წლებში მეტსა და მეტს აღიარებს იძენს. კერძოდ, ქართული რენესანსის შესახებ გამოჩენილი მეცნიერი ა. ლონგერწის: „... ქართული აღორძინების მკვლევარებმა დაამტკიცეს, რომ ქართული მთარგმნეები ევროპაში ნეოპლატონისტური და არეოპაგოტიკული რენესანსის წამომწყებნი იყვნენ და რომ მათ აქ რამდენიმე საუკუნით გაუსწრეს დასავლეთ ევროპას“ (Лонгере А. Ф., Эстетика Возрождения, М., 1978, с. 37).

მოწოდებულია ღმრთისმეტყველების „ვენაკის ... ნაყოფთა შევნიერება“ შემოზღუდოს ეკლოვანი ღობით და უძლეველ ყოს იგი მოწინააღმდეგეებისაგან“²⁹. მაგრამ კომენტარებში, რომლებიც თარგმანს აქვს დართული, ფილოსოფიისა და თეოლოგიის უნიონი ეფრემს ისეთი პირობით მისაღებად მიაჩნია, როდესაც მათ შორის არსებობს არა სუბორდინაციის, არამედ კოორდინაციის მიმართება და ფილოსოფიას თეოლოგიის თანაბარი მნიშვნელობა ექნება მინიჭებული: არც თეოლოგიაა „სრული“ ფილოსოფიის გარეშე და არც ფილოსოფია — თეოლოგიის გარეშე³⁰.

უფრო დიდი მნიშვნელობა ჰქონდა ეფრემის მიერ ფსევდოდონისე არეოპაგელის (ნუკუბიძე — ჰონიგმანის თეორიის მიხედვით იგივე პეტრე იბერიის) შრომების ე. წ. არეოპაგიტული კორპუსის თარგმნას (მთლიანად). ფსევდოდონისეს ეს მოძღვრება წარმოადგენს ნეოპლატონიზმის მორიგების ცდას ქრისტიანულ მოძღვრებასთან და შემოაქვს შუა საუკუნეების აზროვნებაში ანტიკური ფილოსოფიური იდეები, რომლებიც შეუთავსებელია ქრისტიანულ დოგმებთან და შუა საუკუნეების გაბატონებულ შეხედულებებთან.

ქრისტიანულ-რელიგიური ფორმა, რომელიც ნეოპლატონიზმმა მიიღო არეოპაგიტულ მოძღვრებაში, გზას უხსნიდა ანტიკურ ფილოსოფიას ქრისტიანულ აღმოსავლეთსა და დასავლეთში ანტიკურობის დამარცხებისა და ქრისტიანობის გამარჯვებით შექმნილ ვითარებაში. მაგრამ მისი ნეოპლატონიზმისაგან შეთვისებული იდეები მოურიგებელ წინააღმდეგობაში აღმოჩნდა მონოთეიზმთან და დასავლეთში, სადაც არეოპაგიტის გავლენა IX ს-დან იწყება და საუკუნეების მანძილზე გრძელდება, ზოგი მოაზროვნე აშკარა პანთეიზმამდე მიიყვანა.

არეოპაგიტულმა მოძღვრებამ განსაკუთრებული მნიშვნელობა მოიპოვა XI—XII სს-ის საქართველოში და დასაბამი მისცა პროგრესულ ფილოსოფიურ მიმდინარეობას ახალ, კულტურული აღმავლობის ეპოქაში.

არეოპაგიტული მოძღვრების ამოსავალი ღმერთის ცნებაა, როგორც აბსოლუტურად სრულყოფილი და ყოველივეზე ზეაღმატებული საწყისისა. მაგრამ ნეოპლატონიზმის გავლენა მოძღვრებას მიმართავს აღმატებული და სრულყოფილი საწყისის ნაკლოვან, არასრულყოფილ სამყაროსთან დაკავშირებისა და მათი ერთიანობის საფუძვლების ძიებისაკენ. ამ მიმართებით არეოპაგიტულ მოძღვრებაში ღმერთი მოაზრებულია, როგორც არსის პირველი და საყოველთაო მიზეზი და შესაბა-

²⁹ შტრ. იო ა ნ ე დ ა მ ა ს კ ე ლ ი, დიალექტიკა, გამოცემა მაია რაფაეასი, 1976, გვ. 67.

³⁰ ეფრემი ცალ-ცალკე ურთავს კომენტარს ი. დამასკელის თხზულების ფილოსოფიურ და თეოლოგიურ ნაწილებს, ამ ნაწილების თავებს და დასკვნაში წერს: „არცა ესენი სრულ არიან უმათოდ, არცა იგინი უამითოდ“ (ეფრემ შკირე, ს. გორგაძის პუბლიკაცია, „მიმომხილველი“, 1926, გვ. 187).

მისად მიზეზობრიობის ნეოპლატონისტური გაგებისა, როგორც ყოველ-
ლივეში არსებული საწყისი. ღმერთი „ყოველთა შორის ყოველ არს“³¹.

არეოპაგიტული მოძღვრება წარმოადგენდა ნეოპლატონიზმის (უმ-
თავრესად პროკლეს) ქრისტიანულ გადამუშავებას. ამ მოძღვრებამ გა-
აღვივა ინტერესი უშუალოდ ანტიკური ნეოპლატონიზმისა და კერძოდ
პროკლეს მოძღვრებისადმი. ქართული ფეოდალური ფილოსოფიური
აზრის ყველაზე მნიშვნელოვანი წარმომადგენლის იოანე პეტრიწის (XI—
XII სს.) ფილოსოფიური მსოფლმხედველობა ნეოპლატონიზმის უკა-
ნასკნელი დიდი სისტემატიზატორის პროკლეს მოძღვრების საფუძველ-
ზე ჩამოყალიბდა.

ფილოსოფოსი იოანე პეტრიწი ძველ საქართველოში სარგებლობდა
უდიდესი ავტორიტეტით. სულხან-საბა ორბელიანი ფილოსოფიური
ცნებების განმარტების დროს ხშირად იყენებს პეტრიწის ფილოსოფი-
ურ თხზულებებს. „კალმასობის“ ავტორი მას უწოდებს „გონება-მა-
ღალ“ მოაზროვნეს; სოლომონ დოდაშვილის სიტყვით, პეტრიწი იყო
„ქვეშარიტი ფილოსოფოსი“, თავისი დროის „სრული აზრით... დიდი და
ჩინებული“ მოაზროვნე, რომელმაც მოიპოვა დიდი პატივისცემა თავის
თანამედროვეთა და განათლებულ შთამომავლობას შორის³².

ახალგაზრდა იოანე პეტრიწი სწავლობდა კონსტანტინოპოლში, მან-
განის აკადემიაში. აქვე დაახლოებია იგი აკადემიის პროფესორს იოანე
იტალოსს და გამხდარა აქტიური მონაწილე იდეური მოძრაობისა, რო-
მელსაც ბიზანტიის ეს მოაზროვნე და ფილოსოფოსი მეთაურობდა.

1083 წელს იოანე იტალოსი გაასამართლეს, რადგან ქადაგებდა ოფი-
ციალური წრეების მიერ უარყოფილ და „ანათემას მიცემულ“ შეხედუ-
ლებებს და ამით „გამოუცდელ“ მსმენელებს „დალუპვისაკენ მიაქანებდა“.

იტალოსის გასამართლების შემდეგ დაიწყო მისი მიმდევრების დევ-
ნა, რომელიც მიზნად ისახავდა „ურწმუნოების სრულ მოსპობას“. იო-
ანე პეტრიწი იძულებული გახდა მიეტოვებინა სატახტო ქალაქი³³. პეტრი-
წის ცხოვრებისა და მოღვაწეობის შემდეგი წლები მიმდინარეობს პეტ-
რიწონის ქართულ მონასტერში, რომელიც იმავე 1083 წელს ბიზანტი-
ის იმპერიის ცნობილმა მოღვაწემ გრიგოლ ბაკურიანის ძემ დააარსა.
XII ს-ის დასაწყისიდან პეტრიწი მოღვაწეობდა გელათის აკადემიაში.
მთარველად აღმოუჩნდა დავით აღმაშენებელი, რომლის მიმართ კმაყო-
ფილებისა და მადლობის გრძნობით აღსაესე სიტყვებს წარმოთქვამდა³⁴.

³¹ „საღმრთოთა სახელთათვის“, VII, 3; პეტრიწი, შრომები, 1961, გვ. 72.

³² სოლ. დოდაშვილი, თხზულებანი, 1961, გვ. 199.—200.

³³ როგორც აკად. უსპენსკი შენიშნავს, იოანე იტალოსის შეხედულებანი „მკაცრ წი-
ნაღმდეგობაში იყოფებოდა საეკლესიო მოძღვრებასთან“.

³⁴ იოანე პეტრიწი, შრომები, II, 1937, გამ. შ. ნუცუბიძის და ს. ყაუხჩიშვი-
ლის, გვ. 222.

პეტრიწის ფილოსოფიურ ნააზრევში არეოპაგიტკულ მოძღვრებასთან შედარებით ბევრად უფრო მკვეთრადაა წარმოდგენილი ანტიკური ნეოპლატონიზმის და კერძოდ პროკლეს შეხედულებანი. ქართველი ფილოსოფოსის სულიერი სამყარო უმთავრესად ანტიკური კულტურით, მითოლოგიითა და ფილოსოფიით არის განსაზღვრული. მისი ავტორიტეტები არიან პარმენიდე, პლატონი, არისტოტელე, პლოტინი, პორფირიუსი და სხვ. განსაკუთრებული ყურადღებით პლატონი, პლოტინი და პროკლე სარგებლობდნენ.

ღმერთისა და სამყაროს მიმართება პეტრიწთან დაპირისპირებულთა მიმართებაა, მაგრამ პეტრიწი ამ საკითხის გადაწყვეტას დიალექტიკის საფუძველზე ცდილობს.

იოანე პეტრიწის მიხედვით. სამყარო, როგორც შედეგი, თავის დასაბამს უნდა დაუბრუნდეს, „უჯუნქცეს“ თავის დასაბამში და სისტემა დასრულდეს. ამიტომ შეუძლებელია შედეგი მთლიანად მოსწყდეს თავის მიზეზს, სამყარო-დასაბამს. ამიტომ, წარმოქმნილი შედეგი განსხვავებულიცაა მიზეზისაგან და მისი იგივეობრივიც. პეტრიწს ამ თავისებური, დიალექტიკური მიმართების საკითხის გადაჭრის მიზნით შემოაქვს შესაფერისი ცნება, რომლის მიხედვითაც შედეგი მიზეზთან მიმართებაში „იგივე სხვაა“³⁵.

ფილოსოფიური აზრის ერთ-ერთი წარმომადგენელი იყო არსენ იყალთოელი, რომელიც მონაწილეობდა დავით აღმაშენებლის მიერ მოწვეულ ყრილობაზე, სადაც ძირითად საგანს, როგორც ჩანს, მონოფიზიტობისა და დიოფიზიტობის (ქალკედონიტობის) სადისკუსიო საკითხები წარმოადგენდა. მთავარი თხზულება, რომელშიც არსენ იყალთოელის თეოლოგიური და ფილოსოფიური შეხედულებანი აისახა, არის მის მიერ შედგენილი კომპენდიუმი „დოგმატიკონი“. ამ თხზულების ძირითად მიზანს ორთოდოქსული (ქალკედონიტური) მიმდინარეობის დაცვა წარმოადგენს. სხვა თხზულებათა შორის კომპენდიუმი შეიცავს მრავალ პოლემიკურ თხზულებას, მიმართულს ებრაული და მაჰმადიანური რელიგიებისა და ქრისტიანობის შიგნით წარმოქმნილ სხვადასხვა მწვალებელურ (ერეტიკულ) მიმდინარეობათა წინააღმდეგ.

შოთა რუსთაველის შემოქმედების იდეური შინაარსის ძირითად თავისებურებას ჰუმანიზმი წარმოადგენს. რუსთაველის ჰუმანიზმი ასრულებს XI—XII საუკუნეების საქართველოს კულტურულ ცხოვრებაში მომხდარ იდეურ ცვლილებებს. რუსთაველი როგორც ჰუმანისტი დასავლეთის რენესანსის კულტურის დიდ წარმომადგენელთა რიგში დგას. ქართული ფილოსოფიური აზრის განვითარების თვალსაზრისით, რუსთაველის შემოქმედება საყურადღებოა როგორც სინთეზი კულტურული

³⁵ იოანე პეტრიწი, შრომები, II, დასახ. გამ., გვ. 88.

შემოქმედებისა და მისი ფილოსოფიური საფუძვლებისა. რუსთაველზე ამ მხრივ დიდი გავლენა მოახდინა ნეოპლატონიზმმა, არეოპაგიტულმა მოძღვრებამ და პეტრიწმა.

ვეფხისტყაოსანში მხატვრულ ფორმებშია ასახული ადამიანური იდეალი ჰუმანისტური გაგებით, რომელიც ვლინდება სიცოცხლის განმამტკიცებელ მისწრაფებაში, ცოცხალ სინამდვილესთან, ხილულ სამყაროსთან კავშირში, ადამიანის შეუპოვარი ბრძოლით და მრავალი დაბრკოლების დაძლევით განხორციელებულ იდეალებში.

მიწიერისა და ადამიანურის ღირებულებისა და მნიშვნელობის გამართლება მაშინდელ ქართულ ფილოსოფიურ აზროვნებაში ხდება მიწიერისა და ზეციურის შემაერთებელი გზების ძიებით, ორ სამყაროდ („ორ სოფლად“) გათიშული სინამდვილის გამთლიანებით. რუსთაველის უზოგადესი შეხედულება ღმერთისა და სამყაროს მიმართების საკითხზე გამოხატულია დებულებით, რომ ღმერთი არის „საესება ყოველთა“.

„ასმათ თქვა: „ღმერთო, რომელი არ ითქმი კაცთა ენითა,
შენ ხარ საესება ყოველთა, აგვავსებ მზეებერ ფენითა“ (918)³⁶.

როგორც მზის გამოყენება ერთის (ღმერთის) ხატად, ხოლო გამოსხივებისა (ემანაცია) — ღმერთისა და სამყაროს მიმართების თვალნათლივ გამოხატულებად, აგრეთვე ღმერთის გაგება როგორც სავსებისა — ნეოპლატონიზმისა და მისი ქრისტიანული გადაამუშავების დამახასიათებელი თავისებურებაა.

მზე მეტია რუსთაველთან, ვიდრე ხატი ჩვეულებრივი ქრისტიანული რელიგიური წარმოდგენით. არსის საფეხურებრივ წყობაში მოვლენათა რიგები („სირა“) რანგობრივად, პირველმიზეზისაგან მეტ-ნაკლებად დაშორებით და ამიტომ მეტ-ნაკლები ღირებულების მიხედვით არიან განლაგებულნი, და აქ მზე ამაღლებულია სხვა ხილულ მოვლენებთან შედარებით. ამით აიხსნება აზრი პოემის ერთ-ერთი შესანიშნავი ადგილისა:

„მიმავალი ცაჲა შესტირს, ეუბნების, ეტყვის მზესა:
„აჲა, მზეო, გეაჭები შენ, უმძლესთა მძლეთა მძლესა,
ვინ მდაბალთა ამაღლებ, მეფობასა მისიკმ, სესესა,
მე ნუ გამყრი საყვარელსა, ნუ შემოიკელი ღამედ დღესა“ (958).

ვეფხისტყაოსანი წარმოადგენს მხატვრულ განსახიერებას მოქმედებისა და გამარჯვების ერთიანობისა, რომელიც განგებითაა დეტერმინირებული. მათი ერთიანობა გამოხატულია არა მხოლოდ პოემის სიუჟეტური განვითარებით; მოაზრებულია და დასაბუთებულია იმავე მოძ-

³⁶ ციტატი მოტანილია ვეფხისტყაოსნის 1966 წლის გამოცემიდან. რედაქტორები ა. შ ა ნ ი ძ ე და ა. ბ ა რ ა მ ი ძ ე .

ღვრებით, რომელიც წარმოადგენს რუსთაველის ფილოსოფიურ მსოფლ-მხედველობის წყაროს საერთოდ და, კერძოდ, ამ მოძღვრების შესხედუ-ლებით სიკეთისა და ბოროტების საკითხზე.

სიკეთე და ბოროტება რუსთაველის პოემაში მხოლოდ ეთიკური კატეგორიები არაა, მათ ონტოლოგიური მნიშვნელობაც აქვთ და გამარჯვება აქ განხილულია ფართო ფილოსოფიურ პლანში, როგორც სიკეთის გამარჯვება ბოროტებაზე.

ბოროტსა სძლია კეთილმან, არსება მისი გრძელია (1361).

დიონისე არეოპაგელის დამოწმება — „ამ საქმესა დაფარულსა ბრძენი დიენოს გააცხადებს“ (1491) სავესებით კანონზომიერია და არა შემთხვევითი.

სიკეთის ბოროტებაზე გამარჯვების აზრი ემყარება დებულებას, რომ ნამდვილი, ონტოლოგიური არსებობა მხოლოდ სიკეთესა აქვს, რადგან სიკეთე თავად ღმერთია და ის სამყაროში ვლინდება როგორც სიკეთე. ბოროტება „უმყოფოა“ (1434) და მისი არსებობა შემთხვევითია, ხანმოკლეა. მთელი არსი სიკეთისაკენ მიისწრაფვის და ადამიანის სიკეთის განხორციელებისაკენ მიმართული მოქმედება ამ საყოველთაო სწრაფვაშია ჩართული. ამიტომ სიკეთე განხორციელებადია, ბოროტება — საბოლოოდ — განუხორციელებელი.

ხუროთმოძღვრება და სახვითი ხელოვნება

ჩვენ არ გავაჩნია საკმარისი მასალა XI—XII საუკუნეების თბილისის რეალური სახის წარმოსადგენად. ვიცით, რომ მაშინაც არსებობდა — იმავე ადგილზე — ციტადელი „კალა“, რომ ქალაქის საცხოვრებელი უბნები კვლავ გალავნით იყო გარშემორტყმული, რომ საკუთარი გალავანი ჰქონდა ისინი უბანს. მისი არსებობა დადასტურებულია XI საუკუნეში: ისწავლები თბილისში მოწვეულ ბაგრატ IV-ს არ დაემორჩილნენ, „ჩააგდეს ჳიდი და არა მისცეს ისინი“. და თუმცა „დაუდგეს ფილაკანნი (ე. ი. ქვის სატყორცნი მოწყობილობა) და ბრძოდეს ისინა“³⁷, მისი აღება მაინც ვერ მოხერხდა. ისტორიკოსის მიერ თბილისში შემოსული ბაგრატ IV-ის საზეიმო მიღების აღწერა სრულიად აშკარად გვიხატავს დიდი, ხალხმრავალი, სიმაგრეთა მთელი სისტემით აღჭურვილი ქალაქის სურათს. ისიც ჩანს, რომ თბილისში მისასვლელი ერთ-ერთი უმთავრესი გზა დიდმის მხრიდან იყო; უეკველია, მაშინაც არსებობდა გვიან საუკუნეებში კარგად ცნობილი დიდმის კარი კალას უბნისა, რომლისკენაც იქნებოდა მიმართული თვით ქალაქის ერთ-ერთი უმთავრესი არტერია.

³⁷ ქართლის ცხოვრება, I, გვ. 299—300.

ეს ცნობები იმ ხანას მიეკუთვნება, როდესაც თბილისი ჯერ კიდევ არ იყო შემორთებული და მხოლოდ უცხოელთა მიერ ოკუპირებული შედარებით მცირე რეგიონის ცენტრი იყო. ბუნებრივია, მას შემდეგ, რაც იგი სრულიად საქართველოს. ე. ი. წინა აზიის ერთ-ერთი უძლიერესი და უმდიდრესი სახელმწიფოს „სამეფო“ ქალაქად იქცა, თბილისი ტერიტორიითაც გაიზრდებოდა და მრავალი ახალი შენობითაც გამდიდრდებოდა. XIII ს-ის დასაწყისის ერთი უცხოური გეოგრაფიული თხზულება მოიხსენიებს, ქალაქის სათავდაცვო ნაგებობათა (ციხეების, საყარაულო კოშკების) გარდა, მეფეთა სასახლეებს, მრავალ საბაზრო ადგილს, წიქვილებს, დულაბებს (წყალამწვე ბორბლებს), 65 აბანოს, დოვლათით სავსე ბალებს. მაშინდელი წერილობითი წყაროები უფლებას გვაძლევს ვიფიქროთ, რომ ქალაქის საზღვრები უკვე დიდუბეს უახლოვდებოდა; ხოლო მტკვარის დაღმა, მარჯვენა ნაპირზე, დაახლოებით გოგილოს აბანოს გადმოსწვრივ, სადაც სამასი არაგველის ობელისკი დგას, არსებობდა კერამიკული სახელსნოები, რომლებიც, უეჭველია, აგრეთვე ქალაქის ფარგლებში იყო.

ძველი თბილისის ბირთვს იმ საუკუნეებში მეტად მნიშვნელოვანი ხუროთმოძღვრული კომპონენტი ემატება: წერილობითი საბუთები მოწმობს, რომ გიორგი III-ის დროს უკვე არსებობდა საქართველოს მეფეთა სასახლე აწინდელი მეტეხის ადგილას, თამარის დროს კი იხსენიება მეტეხის ეკლესიაც (რომელიც მონღოლთა შემოსევის დროს დაინგრა); თამარის მეორე ისტორიკოსი ბასილი მოგვითხრობს, რომ შამქორის ომის დროს, ჯარის გასტუმრების შემდეგ, თამარმა „წარიკაღნა სამოსელნი ფერკთან და ფერკივ შიშულითა ფერკითა მიიწია ტაძარსა ღმრთისშობლისასა მეტეხთა და წინამე ხატსა მას წმიდასა მდებარე არა დასცხრებოდა ცრემლითა ვედრებად, ვიდრემდის სრულყო ღმერთმან სათხოველი მისიო“³⁸. მემატიაწისავე სიტყვით, თამარმა თავისი მამის გარდაცვალების ამბავი გაიგო „ქალაქსა შინა ტფილისსა, საჯდომსა მათსა ციხესა ისანს“. ამ ტექსტების შეჯერება და რეალურად არსებული ნაშთები (ძველ ადგილას აღდგენილი მეტეხის ეკლესია) მოწმობს, რომ სამეფო სასახლე და მეტეხის ტაძარი, რომელიც, უეჭველია, კარის ეკლესია იყო, ერთიმეორის გვერდით იდგა ქარაფის პირას.

ამგვარად, XII საუკუნეში უკვე არსებობს ძველი თბილისის სილუეტის ორი „საყრდენი“, განმსაზღვრელი დომინანტი — კალა და მეტეხის ტაძარი სასახლითურთ. ქალაქის უბნები მარცხენა ნაპირზედაც შენდება — ისანი უკვე ქალაქის ერთ-ერთი (საკუთარი გალაენის მქონე) უბანია. მტკვარი ახლა უკვე ქალაქის ნამდვილი ცენტრალური არტერიაა, მისი ხუროთმოძღვრული კომპოზიციის უმთავრესი ღერძი. ქალაქი, რო-

³⁸ ქართლის ცხოვრება, II, გვ. 126.

მელიც მთებს შორის ჩაისახა, მტკვრის აღმა-დაღმა იზრდება სიგრძეზე (ეს ტენდენცია შემდეგშიც გაგრძელდება იმ პერიოდებში, როცა ქალაქის ზრდა ინტენსიური იქნება) და მისი განაპირები თანდათან შორდება თავ-დაპირველ ბირთვს.

იმდროინდელი სამეფო სასახლე უკვალოდაა გამქრალი. ჩვენ არც ის ვიცით, როგორი იყო, უფრო მეტიც, როდის აშენდა პირველად მეტეხის ტაძარი. ზეპირი ტრადიციის თანახმად, იგი თითქოს ქალაქის არსებობის პირველსავე ხანებში უნდა აეგოთ, რაკი მიჩნეული იყო, რომ აქ, ეკლესიის სადიაკვნეში, დაიკრძალა ვარსკენ პიტიახშის მეუღლე შუმანიკი. პლატონ იოსელიანი და სხვა ავტორები იმასაც მოგვითხრობენ, — წყაროების მიუთითებლად, — რომ აქ, ისანში, მეტეხის ეკლესიასთან „ვახტანგ გორგასლანის დროდგან როსტომ მეფისა დროდმდე იყო სასახლე საქართველომსა მეფეთა“³⁹.

წერილობითი ცნობებით ეს მოსაზრებები არ დასტურდება. არა მარტო ვახტანგ გორგასლის დროს, არამედ ბევრად უფრო გვიანაც, როგორც ზემოთ აღინიშნა, ამ ადგილას მოხსენიებულია მხოლოდ საგოდებელი და სადილეგო და არა სასახლე და ეკლესია. თვით მეტეხის ახლანდელი ეკლესია, XIII ს-ის დასასრულისა (იხ. ქვემოთ), აშკარად ძველი, მანამდე არსებული, ეკლესიის გეგმას (მხოლოდ გეგმას!) იმეორებს: მას ოთხი გუმბათქვეშა ბოძი აქვს, რაც XI საუკუნის შემდეგ აღარ გვხვდება. მაგრამ აქ სხვა — ჯერ კიდევ უპასუხოდ დარჩენილი — საკითხი ისმის: თბილისის გათავისუფლებამდე როდის შეიძლებოდა აქ შექმნილიყო ისეთი პირობები, რომ ქართველებს შეეძლებოდათ ამოდენა ეკლესიის აგება?

ასეა თუ ისე, ჩვენ სრული დარწმუნებით შეგვიძლია ვთქვათ, რომ სრულიად საქართველოს დედაქალაქ თბილისში, ციხე-გალავნების, ციტადელის, კომუნალური დანიშნულების ნაგებობათა (აბანოების, წისკვილების, საბაზრო შენობების, ქარვასლების და სხვ.), სამეფო სასახლისა და საცხოვრებელ სახლთა მასის გარდა, არსებით ხუროთმოძღვრულ მახვილებად აღმართული იყო ეკლესიებიც, რომელთაგან ზოგის დასახელება შეგვიძლია კიდევ: ძველ ქალაქში ეს იყო სიონის საკრებულო ტაძარი, ანჩისხატი, მეტეხის ღვთისმშობლის ეკლესია, უფრო მოშორებით — ქვაშეთი (ესეც გუმბათიანი, როგორც მეტეხი და სიონი); ამათ შეგვიძლია დავუმატოთ თამარის მეფობაში, XII საუკუნის მიწურულს (ესეც უფრო ადრინდელი ეკლესიის ადგილას, მისი ზოგი ნაწილის გამოყენებით) აშენებული „ლურჯი მონასტერი“ (ახლანდელი ქიაჩელის ქუჩის ბოლოს, მტკვრის მარჯვენა მალალ ნაპირზე). ეს ეკლესიაც გუმ-

³⁹ ვ. ი. ო. ს. ე. ლ. ი. ა. ნ. ი., ცხოვრება გიორგი მეცამეტისა, თავი XXIV. ზოგი ავტორი მეტეხის ეკლესიისა და სასახლის აკვბას ვახტანგის ძეს დაჩის მიაწერს.

ბათოვანი იყო, თლილი ქვით მოპირკეთებული და სარკმელთა მოჩუქურთმებული საპირეებით შემკული. დღეს — მას შემდეგ, რაც ეკლესია ჯერ XVI—XVII საუკუნეებში, შემდეგ კი XIX საუკუნეში გადააკეთეს და დაამახინჯეს — თავდაპირველი მოპირკეთებისა და ჩუქურთმებისა მხოლოდ მცირე ნაწილია გადარჩა, უმეტესად აღმოსავლეთის ფასადზე. სარკმელთა მორთულობის სისტემა, თვით ჩუქურთმის მოტივები და შესრულების მანერა დამახასიათებელია XII—XIII საუკუნეებისათვის, მაგრამ მხატვრული ხარისხით მაინც ჩამოუვარდება იმ დროის საუკეთესო ძეგლებისას (იკორთა, ბეთანია, ქვათახევი, ფიტარეთი და სხვ.). სამხრეთის შესასვლელის თავზე „ლურჯ მონასტერს“ შერჩა დიდი (დაუზიანებელი) სამშენებლო წარწერა, რომელიც მოგვითხრობს, რომ ძეგლი აგებულია „ქართლისა მთავარებისკოპოსყოფილის“, „ერისთავთ-ერისთავისა, ქართლისა ამირთა ამირისა, რუჟსთვისა და შვიდთა მთეულეთთა პატრონისა აბულასანის“ ძმის ბასილის მიერ. ისტორიული ფაქტების შეჯერება ადასტურებს, რომ თარიღი თამარის მეფობის აღმოსავლელ ხანას ემთხვევა და 1190—1191 წლებს არ გადმოსცილდება.

სამწუხაროდ, ჩვენ არც ამ დროისათვის ვიცით, როგორი იყო კონკრეტულად თბილისის მხატვრული ცხოვრება, სახვითი ხელოვნების რანიმუშები შეიქმნა დედაქალაქში, მაშინ, როდესაც ცნობილია, რომ ეპოქის ყველაზე დიდი პოეტები სწორედ სამეფო კართან იყვნენ დაკავშირებული.

რა თქმა უნდა, არავითარ ექვს არ იწვევს, რომ სამეფო კარზე უნდა ემუშავნათ მხატვრებს, კალიგრაფებს, მინიატურისტებს, ხუროთმოძღვრებს, ოქრომქანდაკელებს. თავის კარზე ოსტატები ჰყავდათ (მაშინაც და უფრო გვიანაც) არა მარტო მეფეებს, არამედ დიდ ფეოდალებსაც. XI—XII საუკუნეთა მიჯნაზე, ე. ი. დავით აღმაშენებლის დროს, დადასტურებულია „მეფის მხატვრის“ წოდება (მეფის მხატვარი თევდორე, რომელმაც შეასრულა სვანეთის რამდენიმე ეკლესიის მოხატულობა). ისიც ცნობილია, რომ მეფეთა შეკვეთით სრულდებოდა ძვირფასი ხელნაწერები, რომ ბეჭა ოპიზარმა თავისი სახელგანთქმული ნაწარმოები — ანჩისხატის ჩარჩო — შეასრულა „ბრძანებითა და ნიეთისა ბოძებითა ღმრთივ გვირგვინოსნისა დიდისა დედოფალთ დედოფლისა თამარისითა“, მაგრამ არც ხელნაწერები და არც ეს მოქედნილობა თბილისში არ არის შესრულებული. სამაგიეროდ ჩვენ ვიცით, — ესეც მხოლოდ წერილობითი საბუთების წყალობით, — რომ გიორგი III-ისა და თამარის სასახლეში, რომელიც ისანში მდებარეობდა, დარბაზების კედლები მოხატული ყოფილა ქვეყნის სამხედრო ისტორიის სცენებით. თუ ვიმსჯელებთ დღემდის შემორჩენილი იმდროინდელი ფრესკებით (ეკლესიების კედლებზე), შეგვიძლია დარწმუნებით ვთქვათ, რომ ეს საერო მხატვრობაც მაღალი ღირსებისა იქნებოდა.

სახიობა და თეატრონი
თბილისში XI—XII საუკუნეებში

ქართული სანახაობითი ხელოვნება ძველი დროიდანვე ვითარდებოდა. მისი აღმნიშვნელი მრავალნაირი ტერმინოლოგია მოწმობს, რომ თბილისის გაქალაქების პერიოდში სახიობას უკვე გარკვეული ტრადიციები ჰქონდა.

სახიობა პოეტური სიტყვის, მუსიკის, ცეკვისა და სხვა რიგის გასართობთა აღმნიშვნელი სიტყვა იყო, ხოლო „მემლერე“, „მესახიე“, „მსახიობელი“ — მსახიობი. ტრაგიკოსს „გლოვის მგოსანს“ ეძახდნენ. „განწმენდა“ (კათარსისი), „განსწავლა“ საზოგადოების სულიერი წვრთნის მიზნებს ემსახურებოდა და, საერთოდ, ტრაგიკული ხასიათის სცენათა გამართვის გზით ხორციელდებოდა. მრავლისმეტყველია აგრეთვე: „სიმლერის მწერალი“, „მოშაპირე“ — კომედიოგრაფი; „გალობის მწერალი“, „გალობის მეტყველი“ — პოეტი, ქება-ხობის მთხველი; „მსახიობელი“ — ქების სახიობის შემსრულებელი; როკვა — „ასე არს სამა, ცეკვა, ბუქნა და რაოდენსა რასმე იქმან მგოსნები“⁴⁰; „მწყობრი მემლერთა“ — მსახიობთა დასი; „დასაბურველი პირისა“ — რიდე, ტყავი — ნიღბი; „სახიონი“ — ნიღბოსან მსახიობთა დასი; „მანქანებით მოყვანებული ღმერთი“ — სცენაზე მექანიკური წესით გამოყვანილი მითიური ღმერთის გამოსახულება; „სახილველი“ — თეატრი — თეატრონი და სხვ.

ქართული „სახილველის“ ეს ლექსიკა, ძველი დამწერლობის ძეგლებსა და ქართული სიტყვიერების გვიანდელ ჩანაწერებში რომ მოიპოვება, როგორც ჩანს, შორეული წარსულიდან მომდინარეობს. ჯერ კიდევ V საუკუნეში ადგილობრივი საზოგადოების მალალ ფენათა წარმომადგენლებს ჩვეულებად ჰქონიათ „მგოსან კაცთა და ქალთა სიმლერების მოსმენა“⁴¹.

ძველ ქართულ მწერლობაში მრავალი ძეგლია ცნობილი, რომელნიც დიალოგური ფორმით არიან გამართულნი. ყველა ასეთი ხასიათის ნაწარმოები როდი ეკუთვნის დრამატულ მწერლობას, მაგრამ ისინი მაინც გამოხატავენ დრამატული ფორმით სარგებლობის კულტურას. ასეთი ხასიათის თხზულებანი სკოლებში სასწავლებლად იყო გამოყენებული და ზოგჯერ სწავლება გულისხმობდა თეატრალურ შესრულებასაც.

ისევე როგორც ბიზანტიაში, საქართველოში წარმართულისა და ქრისტიანულის ბრძოლის პირობებში, როდესაც ფეოდალების იდეოლოგიურ იარაღად ქრისტიანული რელიგია იქცა, დაბალი სოციალური

⁴⁰ სულხან-საბა ორბელიანი, თხზულებანი. IV—2. გვ. 15.

⁴¹ გეორგიკა — ბიზანტიელი მწერლების ცნობები საქართველოს შესახებ. ტ. II. ტექსტები ქართული თარგმანით გამოსცა ს. ყაუხჩიშვილმა. 1965. გვ. 252; ივ. ჯავახიშვილი, ქართული მუსიკის ისტორიის ძირითადი საკითხები, გვ. 228.

ჟენები — სოფლის მიწათმოქმედნი და ქალაქის წვრილი ვაჭარ-ხელოსნები — თავიანთ დღეობა-სანახაობებში დასცინოდნენ საეკლესიო ფეოდალებს, სატირიკულად წარმოადგენდნენ ქრისტიანულ ლეთისმსახურებას. ხალხურმა ნიღბების თეატრმა ბერიკაობამ შექმნა მღვდელი-სა და დიაკონის ნიღბები. ნიღბოსნები მონაწილეობდნენ ქრისტიანული ლეთისმსახურების პაროდიულ წარმოდგენებში, რომელთაც ეკლესია უწოდებდა „გინებას ღმრთისა საქულელს“, სდევნიდა მათ. ბერიკაობამ ასეთი სანახაობანი დღემდე შემოინახა⁴².



დასავლეთ საქართველოდან თბილისის დასაკავებლად წამოსულ ბაგრატ მეოთხეს ქალაქის მცხოვრებლებმა 1046 წელს დიდი სადღესასწაულო შეხვედრა მოუწვევეს. შეხვედრა დაიწყო თბილისის თავკაცთა მიგებებით. მემატიანის სიტყვით: მეფეს „მოეგებნეს ქალაქის ბერნი, დარბაზის ყმანი, ცხენოსანნი, დიღმისა ველსა“⁴³. ჩვეულებრივ, ასეთი მიგებების დროს ქალაქის მისადგომებთან მოდიოდა „ურიცხვი სიმრავლე ლაშქრისა მწვანოსანი და წითლოსანი“⁴⁴, მეფეს ახვედრებდნენ „ტურფად მოკაზმულ“ გზებს. „მის უამესი არა იქნებოდა რა... იქით და აქეთ... კომკები იდგა ტურფანი და მას შინა ათ-ათი მოთამაშენი, მკვრელნი და მომღერალნი სხდიან, ზოგნი შუშპრობდიან, ზოგნი იმღერდიან და ზოგნი უკრევდიან. მრავალნი უცხოოდ თამაშობდიან, რომეცაის თვალთა ეგეთნი არა ინახოდა რა“⁴⁵.

„უკრევდეს მრავალსა უცხოსა ფერსა საკრავსა და იმღერდეს ამოსა და მშვენიერ ხმასა... და შეასხმიდიან ქებასა მათსა საფერსა“⁴⁶. მთელი გზის მანძილზე მეფეს „მუტრიბნი და მომღერალნი ეგრეცა მოსდევდნენ და ტკბილად ხმობდიან“⁴⁷. ანალოგიური საზეიმო ვითარებაა გადმოცემული ვეფხისტყაოსანშიც⁴⁸.

ბაგრატ მეოთხე „შეიყვანეს საამიროსა დარბაზსა“. თუ ჩვენ ამ ხანის ისტორიული ძეგლების მონაცემებს გავითვალისწინებთ. შეიძლება წარმოვიდგინოთ, რაოდენ დიდებული უნდა ყოფილიყო ამ საზეიმო

⁴² დ. ჯ ა ნ ე ლ ი ძ ე . ქართული თეატრის ისტორია, წიგნი პირველი, ხალხური საწყობები, თბ., 1982, გვ. 235--240.

⁴³ ქართლის ცხოვრება, I, გვ. 199.

⁴⁴ მ ო ს ე ხ ო ნ ე ლ ი . ამირან-დარეჯანიანი, ს. კაკაბაძის რედაქციით, თბილისი, 1939, გვ. 81—82.

⁴⁵ რუსუდანიანი, ილ. აბულაძის და ივ. გიგინეიშვილის რედაქციით, თბილისი, 1957, გვ. 102—103.

⁴⁶ იქვე, გვ. 362.

⁴⁷ იქვე, გვ. 87.

⁴⁸ შ. რ უ ს თ ა ვ ე ლ ი . ვეფხისტყაოსანი, თბ., 1937, სტროფი 120.

სანახაობათა მსვლელობის დამაგვირგვინებელი სახიობა. ამის შესახებ გვაუწყებს თამარ მეფის ისტორიკოსი: „და იქმნა სიხარული გამოუთქმელი, ვითა მართებს ნადიმსა და წყლიანობასა ამის სახლისა დიდებულთა მოყმეთა, უკლებლობასა მრავალგუართა სახეობათა, მუტრითა და მოთამაშეთა განწყობილობათა“⁴⁹.

სახალხო, საჯარო სანახაობანი და, მით უფრო, სასახლის კარის სახიობა გამოყენებული იყო სახელმწიფოებრივი პოლიტიკის, გამათავისუფლებელი ბრძოლის იარაღად და ცენტრალური ხელისუფლების სადიდებლად.

დავით აღმაშენებლის მეფობაში ორგზის იქნა აკრძალული სანახაობანი. მეფის სამოქალაქო და საზოგადოებრივი მოღვაწეობის განხილვისას ისტორიკოსი აღნიშნავს: „ხოლო საეშმაკონი: სიმღერანი, სახიობანი და განცხრომანი, და გინება ღმრთისა საქულები და ყოველი უწყესობა მოსპობილ იყო ლაშქართა შინა მისთა და ურიცხვსა მას შინა სიმრავლესა ენათა ნათესავთასა, ვითარცა ცათა შინა მყოფთა შორის“⁵⁰. აკრძალვა შეეხო სამეფო ლაშქარს, განურჩევლად იმისა, თუ რა ენაზე მეტყველებდნენ მეომრები. საფიქრებელია, რომ ისტორიკოსის მიერ ჩამოთვლილი, საეშმაკოდ მიჩნეული სანახაობანი: „სიმღერანი, სახიობანი, განცხრომანი, გინება ღმრთისა საქულები“ ისპობოდა მეომრებში სამხედრო-პოლიტიკური მიზნებით.

სანახაობათა აკრძალვა მომხდარა რუის-ურბნისის საეკლესიო კრების (1103 წ.) ძეგლისწერით: „ნულამცა კადრებულ არს ქმნად ამიერითგან, ნუცა მონასტერთა შინა შექმნაჲ საეპროთა ერის კრებათაჲ, ნუცამცა რაჲ სხუაჲ სამოქალაქოჲ და სოფლიოჲ წესი ქმნილ არს მონასტერთა შინა...“⁵¹

დავით აღმაშენებელმა მოლაშქრეებში მხოლოდ ისეთ სანახაობა-სახიობას გაუჩინა სარბიელი, რაც მეომრებს სამშობლოსადმი სიყვარულს, ერთგულებას, ვეჟაკობას, მხნეობას და თავდადებას შთააგონებდა. ამ მხრივ მეტად საგულისხმოა დავითის თანამედროვე ისტორიკოსის სიტყვები, რომ მეფე მეომრებში ნერგავდა თავდადებასა და გამბედაობას, მამაცებს აქებდა და აჭილდოებდა, „ხოლო ჭაბანთა — სადიდოთა შთა-

⁴⁹ ქართლის ცხოვრება, II, გვ. 43. ტექსტის „სახეობათა“ აქ შეცვლილია ვახტანგის შემდგომდროინდელი ნუსხების მიხედვით — „სახიობათა“.

⁵⁰ იქვე.

⁵¹ ე. ვ ა ბ ი ძ ა შ ვ ი ლ ი, რუის-ურბნისის კრების ძეგლისწერა, თბ., 1978, გვ. 188. ამ ძეგლში „ხატობა-დღეობებთან დაკავშირებული ბაზრობის („სავაქრო კრება“) აკრძალვასთან ერთად ყოველნაირი „სხუაჲ სამოქალაქოჲ და სოფლიოჲ წესი“-ც არის დაგმობილ-განდევნილი. ცხადია, რომ აქ დღეობის დროს ჩვენში მიღებული ხალხური სიმღერა-გასართობი იგულისხმებოდა“. ივ. ჭ ა ვ ა ხ ი შ ვ ი ლ ი, ქართული მუსიკის ისტორიის ძირითადი საყიბები, თბ., 1938, გვ. 229.

კუმითა და კიცხვით ძაგებითა, არამცა მოელონა, ვიდრემდის სპათა შორის მისთა ყოვლად არა იპოებოდა ჯაბანად ზრახული“⁵².

სალაშქრო სახიობა-ბერიკაობა, ერთი მხრივ, მხნე და გულად მეომართა ქება-შესხმას გამოხატავდა, ხოლო, მეორე მხრივ, მხნელ, ჯაბან მოლაშქრეთა კიცხვა-ძაგებას. ასეთი სალაშქრო სანახაობანი დღემდეა შემონახული „ხორუმისა“ და „ფარცა-ქუჯუს“ სახით.

რუსთაველთან ვხვდებით მინიშნებას სახიობის სხვადასხვა ფორმებზე. „მესამე ლექსი კარგია სანადიმოდ, სამღერელად, სააშოკოდ, სალალობოდ, ამხანაგთა სათრეველად, ჩვენ მათიცა გვიამების, რაცა ოდენ თქვან ნათელად...“⁵³

პოეტის აღნიშნული სიტყვები გვაფიქრებინებს, რომ ძველი ქართული პოეზია იმ დროს შეიცავდა სატრფიალო, გასართობი და სატირიკული ხასიათის ნაწარმოებებს.

განსაკუთრებული ადგილი ეკავა სასახლის კარის სახიობაში ისეთ ენარს, როგორც იყო ქებანი. იგი შეიცავდა მეფის შესხმა-ქებას. სასახლის კარის სახიობას უნდა შთაეგონებინა მაყურებელ-მსმენელთათვის მეფის ღვთით გვირგვინოსნობა: „იხილეს რა კელითა მღდელ-მოდლუართათა მეფე გვრგვოსანი, და ქება შეასხეს ძალითა საქებელსა კმითა ოხრისათა“ (ქარიშხლისებური ხმით)⁵⁴.

როგორც პ. ინგოროყვა ვარაუდობს, სასახიობედ შესასრულებელი თამარ მეფის ერთ-ერთ ქებანის ავტორი თვით რუსთაველი უნდა ყოფილიყო, რის მოწმობაც ვეფხისტყაოსნის პროლოგშია დაცული: „ვთქვენნი ქებანი, ვისნი მე, არ ავად გამორჩეული... ვინცა ისმინოს, დაესვას ლახვარი გულსა ხეული“⁵⁵.

ქებანი სახიობით არა მარტო საქართველოს დედაქალაქში სრულდებოდა, არამედ მას მოგზაური დასები მეზობელ და შორეულ ქვეყნებშიაც კი ავრცელებდნენ. ამ მხრივ მეტად საინტერესო ცნობაა დაცული ჩახრუხაძის პოემაში „ქება მეფისა თამარისა“. ამ პოემის ორი ელეგიის მიხედვით ქართველ მოგზაურ პოეტს თავის დასით მოუვლია მრავალი ახლობელი და შორეული ქვეყანა⁵⁶. „ქებანი“ სრულდებოდა სახიობით — მომღერალთა, მემუსიკეთა და მროკველ-მოცეკვავეთა ხელოვნებით. გავიხსენოთ „რუსულდანიანის“ შემდეგი აღწერილობა: „მოასხნეს მომღერალნი

⁵² ქართლის ცხოვრება, I, გვ. 358.

⁵³ ვეფხისტყაოსანი, თბ., 1937, სტროფი 17.

⁵⁴ ქართლის ცხოვრება, II, გვ. 116.

⁵⁵ შოთა რუსთაველი, ვეფხისტყაოსანი, თბ., 1937, პ. ინგოროყვას წინასიტ-

ყვაობა, გვ. XXXI—XXXIV.

⁵⁶ ძველი ქართული მეხობენი, I, ჩახრუხაძე, ქება მეფისა თამარისი, ივ. ლოლა-შეილის გამოც., თბ., 1957, გვ. 194—250.

ქალნი და მოთამაშენი და უკრევდეს ამოსა ხმასა და იტყოდენ ლექსსა და შეასხმიან ყაისარს ქება⁵⁷.

საქართველოში ქებანი სრულდებოდა მუსიკალურ საკრავებზე ხმა-შეწყობილი სიმღერითა და ცეკვით. ეს თვალნათლივ დასტურდება შუა საუკუნეების ფრესკებით და მინიატურული მხატვრობით. მოგზაური პოეტის ქებანი, ცხადია, სრულდებოდა სახიობით; ამისათვის მას თავის ამაღაში ჰყავდა მომღერალ-მემუსიკე-მროკველთა დასი⁵⁸.

საქართველოს დედაქალაქში, მხატვრული შემოქმედებისადმი ძლიერი ინტერესის ატმოსფეროში, განვითარდა თეატრალურ-სანახაობრივი ხელოვნება. ისევე როგორც შემოქმედების ყველა დარგში, თეატრალურ-სანახაობრივ ხელოვნებაშიაც იგრძნობოდა მონუმენტური ფორმებისადმი მიდრეკილება — მცირეში სიდიადის გამოხატვა, საჯარო დღესასწაულებრივი სანახაობებისადმი სიყვარული.

XII—XIII საუკუნეების ქართველ ისტორიკოსთა თხზულებებში შეიძლება დავინახოთ დედაქალაქის საჯარო სანახაობათა ქრონიკა:

1178—1179 წელს გიორგი მესამემ თანამოსაყდრედ დაისვა თავისი ასული თამარი თანადგომობით. თამარის გამეფების სადიდებლად გაიმართა სახიობა. „მდიდარნი ერისანი ლიტანიობდეს (ხარობდნენ) წინაშე პირსა მისსა“⁵⁹.

1184 წელს, გიორგი მესამის გარდაცვალების შემდეგ, ისტორიკოსის სიტყვით, ეწყობა თამარის დაგვირგვინება „ესევითარსა შესხმასა და გალობასა შინა... ამასა შინა ჰკრეს სპერმურთა (სპილენძჭურთა) ბუცთა, ქოსთა და წინწილათა და იყო ზარი და ზაჰმი ქალაქსა შინა, სიხარული და შუება“⁶⁰.

1185 წელს თამარის ქმრად მოიყვანეს სუზდალის რუსეთის დიდი მთავრის ანდრია ბოგოლიუბსკის შვილი გიორგი რუსი (უფლისწული იური), ქორწილი დიდი ზეიმით გადაიხადეს. იქმნა „ქორწილი, სახედაუდებელი და იგავმიუწვდომელი სიმრავლენი სახიობათანი... სიხარული, შუება, ძღუნობანი, გაცემანი“⁶¹.

1188 წ. (დაახლოებით) ერზერუმის ამირა სალდუხის ძის ძე მუტაფრადინი საქართველოში ჩამოვიდა „დიდითა ლაშქრითა, მრავლითა დიდებულითა, ხოჯაებითა და საჭურისითა, მონებითა და მკველითა,

⁵⁷ რუსუდანიანი, დასახ. გამ., გვ. 329.

⁵⁸ ძველი ქართველი მეხოტბენი, I, გვ. 200; შ. რუსთაველი, ვეფხისტყაოსანი, აღ. ბარამიძის, კ. კვეციანის, ა. შანიძის რედაქციით, თბ., 1957, სტროფი 968.

⁵⁹ ქართლის ცხოვრება, II, გვ. 21.

⁶⁰ იქვე, გვ. 26—27: „ქოსთა და წინწილათა“ — ქოსი — „ხირობით სამღერელი“. წინწილი — ერთგვარი საკრავია, უდრის „კიმბალს“.

⁶¹ იქვე, II, გვ. 37; „სახიობათანი“ — ვახტანგის შემდეგდროინდელი ნუსხების ვარიანტით.

ბარგითა და სიმდიდრითა. საველმწიფოთა ძღუნითა კმასაყოფინელითა, თუალისა და მარგალიტისა, საჭურქელეთა და ლართა თანა ავაზებისა და ტაიკების სიმრავლითა“. საქართველოს მეფის სასახლის კარი ისე დაუხვდა. როგორც ეს წესად იყო უცხო ქვეყნის დიდგვარიანი სტუმრის მიღებისას⁶².

1189 წელს თამარ მეფის ქორწილზე, როდესაც მას შერთეს დავით სოსლანი, სახიობა არაჩვეულებრივი ზარ-ზეიმით გამოირჩეოდა: „მოვიდეს სრასა დიდუბისასა, სანახებსა ტფილისისასა, და მუნ ქმნეს ქორწილი შესატყვისი და შემსგავსებული კელმწიფობისა და სახელზეობისა მათისა, ვინათგან დედოფალი რუსუდან ყოელითა სიბრძნითა საველ მოქმედებდა: აქათ ბაგრატიანი ბაგრატიანითა გუარ-ზეობითა აწყობდა რიგთა სახლისათა. და ქუემოთ ხუარასნისა და ერაყისა სულტანთა სძლობითა გამეცნიერებული, მუნებრივითა სახიობითა და შუებითა მოქმედებდა.... იყო ზმა მგოსანთა და მუშაითთა, სახიობათა მჭურეტელნი იყო რაზმთა სიმრავლე და სრულ-ქმნა ამასა შინა“⁶³.

1192 წ. (ან 1193 წ.) ეწყობა გიორგი ლაშას ძეობის დღესასწაული: „განიხარეს ყოველთა სიხარულითა მიუთხრობელითა“⁶⁴.

1192 წ. აღსართან შარვანშას და ამირ-მირმანის მიღებისას „იყო სიხარული და ზმა მგოსანთა და მოშაითთა“⁶⁵.

1195 წ. შამქორის ომში გამარჯვების შემდეგ ისტორიკოსის სიტყვით: „მოვიდეს მადიდებელნი სპანი და სპასალარნი და სპასპეტნი, თვით შარვანშა და ამირ-მირმან, პირითა მხიარულითა გარდამოცდეს, თაყუანისცეს, დალოცეს და ქება შეასხეს მეფესა და ბუმბერაზთა მისთა“⁶⁶.

1205 წ., როდესაც თბილისში ქართველთა ძღვევამოსილი ლაშქარი დაბრუნდა, „შეეკაზმა მოქალაქეთა დიდითა მოკაზმულობითა ქალაქი ტფილისი“...⁶⁷

სასახლის კარის სახიობა და აგრეთვე საჯარო სანახაობანი დედაქალაქში გარკვეულ წესსა და რიგს ემორჩილებოდნენ: იქმნა „უკლებლობა მრავალგვართა სახიობათა“, სიმრავლენი სახიობათანი სასახლის კარის გარიგებისდა მიხედვით იმართებოდა: „ვითარ იყო ხუედრი და რიგი ულუმპიანობისა (აღმატებულობისა) და შარავანდედლობისა მათისა“⁶⁸. XI—XII საუკუნეებში სასახლის კარის სახიობა მარტო ქარ-

⁶² ქართლის ცხოვრება, II. გვ. 43.

⁶³ იქვე. გვ. 47.

⁶⁴ იქვე. გვ. 124.

⁶⁵ იქვე. გვ. 66.

⁶⁶ იქვე. გვ. 72.

⁶⁷ იქვე. გვ. 140.

⁶⁸ იქვე. გვ. 37. 43.

თულით კი არ კმაყოფილდებოდა, არამედ იგი უცხო ქვეყნების სანახაობრივ კულტურასაც უთმობდა თავის სარბიელს.

ამრიგად, როგორც ზემოაღნიშნულიდან ჩანს, სახიობა გაგებულ იყო როგორც ზოგადი სახელი: „სიმრავლენი სახიობათანი“, „უკლებლობასა მრავალგვართა სახიობათა“, „მუნებურთა სახიობათა“, რომ ქართულ სახიობათაგან გამოიყოფოდა „მუნებური“ (იქაური) — უცხოური. როგორც სასახლის კარის სახიობის, ასევე საჯარო სანახაობათა გამგებლობა მეფის ახლობელი პირის, თუ წარჩინებული მოხელის ხელთ უნდა ყოფილიყო, თანაც ისეთის, რომელსაც შრომლიურის და უცხოურის ხელოვნების ცოდნა ჰქონდა.

XII საუკუნეში ქართულ სანახაობრივ კულტურას სათავეში ედგა ერთი დიდებულთაგანი ჩუხჩარხის სახელწოდებით, რომელიც ამასთანავე უნდა ყოფილიყო მეფის პირადი დაცვის უფროსიც⁶⁹. ამ დროს ქართულ სახიობას მრავალჯანრიანობა ახასიათებდა. სახიობის შემსრულებლად ჩანან მგოსნები, მოთამაშენი, მუტრიბები და მუშაითები. მგოსნები და მოთამაშენი წარმოადგენენ დრამატულ, პანტომიმურ, ქორეოგრაფიულ ხელოვნებას, მუტრიბები დამკვრელებიც იყვნენ და მომღერლებიც, ხოლო მუშაითები — საციკო, აკრობატული ხელოვნების წარმომადგენლები. მათი საჯარო გამოსვლები გარკვეული წესითა და რიგით ხდებოდა.

საჯარო სახიობათა გამართვაში მონაწილეობას ლებულობდნენ „მდიდარნი ერისანი“, „მოქალაქენი“. ეს იმას ნიშნავს, რომ მეთორმეტე საუკუნეშიაც მოქალაქეებს რაღაც თავისი ადრინდელი უფლებები ჰქონდათ შენარჩუნებული სანახაობათა გამართვის დარგში. ეს ტრადიცია, — მოქალაქეთა მიერ ქალაქის სადღესასწაულო მოკაზმვისა და საჯარო სანახაობათა მოწყობისა, — როგორც ჩანს, მომდინარეობს ძველი დროიდან და მას თბილისი ინარჩუნებს XVIII და XIX საუკუნეებშიც.

XI—XIII საუკუნეებში სახიობა იმართებოდა სანახაობრივი დანიშნულების ნაგებობებში; ასეთ ნაგებობებს წარმოადგენდა „სახლი სათამაშო“, სასახლის „წარუღეთი ანუ დარბაზი“, „სახლი სალხინო“ და იპოდრომი. სახიობა ამასთანავე იყენებდა საკარვო აღკაზმულობას და იგი იმართებოდა სრა-ფარდაში (კარავში)⁷⁰.

თბილისში მეფის სასახლესთან, ბიზანტიაში კარგად ცნობილი ნაგე-

⁶⁹ ვ ა ხ უ შ ტ ი ბ ა ტ ო ნ ი შ ვ ი ლ ი . აღწერა სამეფოსა საქართველოსა, თ. ლომოურის და ნ. ბერძენიშვილის რედაქციით. თბ., 1941, გვ. 17; შ. მ ე ს ხ ი ა , საშინაო პოლიტიკური ვითარება და საზოგადოებრივი წყობა XII საუკუნის საქართველოში. თბ., 1979, გვ. 152—153; დ. ჭ ა ნ ე ლ ი ძ ე , ქართული თეატრის ისტორია უძველესი დროიდან XVIII საუკუნემდე. თბ., 1965, გვ. 437—439.

⁷⁰ ქართლის ცხოვრება. II. გვ. 7; ი ვ ჭ ა ე ვ ა ხ ი შ ვ ი ლ ი . მასალები ქართველი ერის მატერიალური კულტურის ისტორიისათვის. I. თბ., 1946, გვ. 12, 69, 120—129.

ბობის მსგავსად. იპოდრომი არსებობდა⁷¹. იპოდრომისა და მისი სოციალური და სანახაობრივი დანიშნულების ამსახველი ძველი ქართული ტერმინები დამწერლობით ძეგლებში აღმოჩნდა და ხალხურმა სიტყვიერებამაც შემოინახა: „ცხენთ-სარბიელი“ — იპოდრომი, „კრებული“ — იპოდრომის პარტია, დიმი; რაც მთავარია, ამ კრებულების (პარტიების) ქართული სახელწოდებანიც გამოვლინდა: „მწვანოსნები“ და „წითლოსნები“, „ცისფეროვანნი“ და „თეთროსნები“⁷², რომ არაფერი ვთქვათ იპოდრომის ისეთ სპეციფიკურ ტერმინებზე, როგორც არიან „მწაფელი“, „რაინდი“, „ცხენთარბენის სიყვარულით განცოფებული“, რომელთაც საეკლესიო მწერლობა განკიცხვით იხსენიებდა. მიუხედავად ამისა, იპოდრომის სანახაობებზე „შეყვარებულთა“ სიმრავლე არ ილეოდა; ყოველივე ეს საქართველოს დედაქალაქის იპოდრომის დიდ მნიშვნელობაზე მეტყველებს⁷³.

თბილისის ყოფა XI—XII საუკუნეებში

დიდი ხნის მანძილზე საამიროს ცენტრად ყოფნისას თბილისში საკმაოდ მომრავლდა და ეკონომიკურად თუ პოლიტიკურად მომძლავრდა მუსლიმანური მოსახლეობა. მან, ჩანს, ქალაქში იმთავითვე შემოიტანა ისლამური წესების შესაბამისი თავისი ყოფა და ტრადიციები.

მიუხედავად ამისა, ამირების ხელქვეითაც თბილისში მძლავრად ინახავდნენ თავს ქრისტიანული ტრადიციები, რომლის მატარებელიც იყო ქალაქის ძირძველი ქართველი და სხვა ქრისტიანული მოსახლეობა.

ასეთ ვითარებაში თბილისში თვალში საცემი იყო მუსლიმანური და ქართულ-ქრისტიანული მოსახლეობის კულტურულ-კონფესიური ტრადიციების თანაარსებობა. თბილისში აგრეთვე უცხოვრიათ სომხებსა და ებრაელებს, მაგრამ ისინი შედარებით მცირერიცხოვანნი უნდა ყოფილიყვნენ.

XII ს. თბილისის ქრისტიანული სახელმწიფოს ცენტრად გადაქცევის დროიდან ქართულ-ქრისტიანული ზნე-ჩვეულებები თანდათანობით არსებითად განსაზღვრავდნენ თბილისის ყოფას. XIII ს. დამდეგს ეს ტეხილი კარგად აქვს დანახული სპარსულენოვანი წყაროს ავტორს. მისი ცნობით, „ქალებს ქუდები ხურავთ, დუქნებთან სხედან და სახეს არ იფარავენ, გარდა მუსლიმანებისა“⁷⁴.

⁷¹ იო ა ნ ე შ ა ვ თ ე ლ ი, აბდულმესიანი, ივ. ლოლაშვილის გამოც., თბ., 1964, სტროფი 30; ივ. ჭ ა ვ ა ხ ი შ ვ ი ლ ი, მასალები ქართველი ერის მატერიალური კულტურის ისტორიისათვის, I, თბ., 1946, გვ. 69.

⁷² მ ო ს ე ხ ო ნ ე ლ ი, ამირან-დარეჯანიანი, გვ. 82—83; შ ო თ ა რ უ ს თ ა ვ ე ლ ი, ვეფხის-ტყალისანი, 1937, სტროფები 676, 1503.

⁷³ დ. ჭ ა ნ ე ლ ი ძ ე, ქართული თეატრის ისტორია, დასახ. გამოც., გვ. 452—460, 492—499.

⁷⁴ „სამყაროს საკვირველებათა“ ცნობები საქართველოს შესახებ, გვ. 28.

უნდა ვივარაუდოთ, რომ ეს ქალები სავაჭროთა მეპატრონეების ოჯახებიდან იყვნენ. ჩვეულებრივ, შუა საუკუნეებში, ვაჭრები ან ხელოსნები თავის პროდუქციას იქვე პყიდდნენ, სადაც ცხოვრობდნენ, ან საქონელს აწარმოებდნენ. მათი ოჯახის წევრებიც უმეტესად იქვე ტრიალებდნენ, მუშტარს მოუხმობდნენ, ან საქონელს გასცემდნენ. „სამყაროს საკვირველებათა“ ავტორის ცნობა საინტერესოა იმიტომაც, რომ მას სავაჭროთა წინ ძირითადად ქრისტიანი ქალები შეუქმნევია. ეს ფაქტი გვიჩვენებს, რომ ქალაქის ვაჭრობაში ქრისტიანებს თვალსაჩინო ადგილი ეკავათ.

თბილისის მწარმოებელი საზოგადოების შრომითი ყოფის შესახებ ძალზე მკირე ცნობები მოგვეპოვება. ვიცნობთ მხოლოდ კერამიკოსთა ცხოვრების მაგალითებს.

კერამიკული საწარმოები ქალაქგარეთ, რაბათის საზღვართან იყო მოწყობილი. ეს იმით აიხსნებოდა, რომ ძველთაგანვე საწარმოები, რომლებიც მაღალი ტემპერატურის პირობებში მუშაობდნენ, ხელოსანთა საცხოვრებლიდან მოცილებით მდებარეობდა. აქ ხელოსნები სამუშაო დროს მოდიოდნენ. სახელოსნო აგებული იყო საგანგებოდ შერჩეულ ადგილზე, სადაც გარშემო მრავლად მოიპოვებოდა თიხა — ძირითადი ნედლეული. თიხას თხრიდნენ, შემდეგ ზელავდნენ და დიდხანს, სველად შენახვის მიზნით, „მოსამწიფებლად“ ღრმა ორმოებში ინახავდნენ. სათანადო ფორმის მიცემის შემდეგ თიხის ჭურჭელს თუ სხვა ნაწარმს მოჭიქავდნენ: თხევად ჭიქურში ამოავლებდნენ, ან ფუნჯით წაუსვამდნენ. საამისოდ იყენებდნენ უფერულ გამჭვირვალე ჭიქურს და ფერად გაუმჭვირვალესაც. გაუმჭვირვალე ფერად ჭიქურს ხმარობდნენ ანგობზე მოხატული ჭურჭლისათვის. ხშირია ფირუზისფერი, აგრეთვე, მწვანე, მოყავისფრო-სოსანი და ა. შ. პროდუქციის გამოწვა იქვე, საამისოდ აგებულ ჭურებში ხდებოდა. ჭურების კედლები ალიზითა თუ აგურით, ძირი კი კლდის ქვით იყო ამოყვანილი. შიგ ჭურებში გამოწვისას სათანადო დიდრონ ნაწარმს გრძელ, მრგვალ და წვეტიან სოლებზე ალაგებდნენ, ხოლო ყურთან — ორმაგი კავებით ჰყიდებდნენ. გამოწვის პროცესში ცეცხლისათვის ხმარობდნენ ფიქვის შეშას, რომელიც ახლაც საუკეთესოდ ითვლება მოქიქული ნაწარმის გამოსაწვავად. აღსანიშნავია, რომ კერამიკული წარმოების თითქმის ყველა ტექნოლოგიური პროცესი ადგილზევე მიმდინარეობდა. საწარმოებთან, მაგალითად, ნაპოვანია საჭიქურე ფხენილი, კაყის კენჭები, სპილენძის ანაფხეკები და ცალკეული ხელსაწყოები: ქვასანაყი, ხელსაფქვაკები, სასწორი და სხვა, რომელსაც ჭიქურის შემზადებისას (დასანაყად, ასაწყვად და ა. შ.) ხმარობდნენ⁷⁵.

⁷⁵ დაწერილებით იხ. გ. ლ ო მ თ ა თ ი ძ ე, არქეოლოგიური გათხრა თბილისში 1948 წლის ზამთარში (მასალები საქართველოსა და კავკასიის არქეოლოგიისათვის, I, თბ., 1955, გვ. 147—150).

ჩვენთვის საინტერესო ხანის თბილისის მოსახლეობის ყოფის წარმოსადგენად მნიშვნელოვანია ქალაქის საცხოვრებელი ბინების გათვალისწინება. ამ მხრივაც სათანადო მასალები ძალზე ცოტაა.

ამ დროის თბილისში საცხოვრებელი ნაგებობების კედლების ასაყვანად იყენებდნენ თიხის გამოძწვარ აგურს, რომელსაც ადგილობრივ სახელოსნოებში ამზადებდნენ. ამავე მიზნით იყენებდნენ, აგრეთვე, რიყის მთლიან ან დაპობილ ქვებს. დულაბად თიხას ხმარობდნენ. ასეთი წესით ჩანს აგებული კერამიკული საწარმოს და მისი საცხოვრებელი კომპლექსის ნაშთები თბილისში⁷⁶.

მდიდრულად ნაგებ შენობებს თბილისში დეკორატიულადაც ამკობდნენ. კერამიკული საწარმოო კომპლექსის განათხარში, მაგალითად, მრავლად აღმოჩნდა მოქიქული ბრტყელი კრამიტები („სამყურა ყვავილის“ რელიეფური გამოსახულებით შემკული), ამნაირივე ღარისებური კრამიტი და სხვადასხვაგვარი შორენკეცული დეტალები, რომლებსაც ხშირად მოთეთრო ფაქიზი კეცი აქვთ. მოქიქული კრამიტით იყო, მაგალითად, დახურული თბილისის „ლურჯი მონასტერი“, რომელიც თამარის ხანაში ააგეს⁷⁷. ჩვენამდე შემორჩენილი ერთი ცნობით, საქართველოს მეფის სასახლე მოპირკეთებული იყო ყვითელი და ნაცრისფერი მარმარილოთი, აგრეთვე ფერადი ქვებით⁷⁸. მოსახლეობის სოციალური შემადგენლობის შესაბამისად თბილისში სხვადასხვა ზომისა და კეთილმოწყობის საცხოვრებლები იდგა.

ფეოდალური არისტოკრატის წარმომადგენლებს, კერძოდ მეფეებს, აქ კეთილმოწყობილი რეზიდენცია ჰქონდათ. „აბდულმესიანის“ ერთ-ერთ სტროფზე დაფუძნებით ივ. ჯავახიშვილმა შეძლო განესაზღვრა გაერთიანებული საქართველოს მეფეთა სასახლის („სრაი“) შემადგენელი ნაწილები. სასახლეს გარს ერტყა გალავანი. ნაგებობის წინ იყო „მტილბალი“, ე. ი. ბალი და დროის გასატარებელი ტევრი, რომელიც უმთავრესად ესთეტიკური სიამოვნებისათვის იყო გაშენებული. აქვე იყო წყაროები და წყლის საცავი. გალავანს ჰქონდა „კართა სტოვანი“, ე. ი. სვეტებიან-კამაროვანი შემოსასვლელი. სამეფო ნაგებობათა შორის იყო, აგრეთვე, იპოდრომიც⁷⁹. ამგვარი სურათი აქვს მხედველობაში „სამყაროს საკვირველებათა“ ავტორს, რომლის სიტყვებითაც „ქალაქის პირდაპირ“, „

⁷⁶ დაწვრილებით იხ. გ. ლომთათიძე, დასახ. ნაშრომი, გვ. 147—150.

⁷⁷ გ. ლომთათიძე, დასახ. ნაშრომი, გვ. 150—153; მისივე, ფეოდალური ხანის არქეოლოგიური ძეგლები. — წიგნში: საქართველოს არქეოლოგია. თბ., 1959, გვ. 375; ჯ. ქლაძეაძე. საშენებლო კერამიკა ფეოდალური ხანის საქართველოში, თბ., 1980, გვ. 40.

⁷⁸ ივ. ჯავახიშვილი, მასალები ქართველი ერის მატერიალური კულტურის ისტორიისათვის. I. მშენებლობის ხელოვნება ძველ საქართველოში, თბ., 1946, გვ. 135.

⁷⁹ იქვე, გვ. 67—69.

ე. ი. ისანში, „კეთილმოწყობილი ციხეა. მეფეთა სასახლეები ციხეშია აგებული“⁸⁰.

ყოველივე ზემოაღნიშნულთან შედარებით კონტრასტს წარმოადგენდა თბილისური ლარიბთა უბნები. თუ გავითვალისწინებთ იმას, რომ შუა საუკუნეების მთელ სიგრძეზე ამ მხრივ სურათი თითქმის უცვლელი უნდა ყოფილიყო, მაშინ შესაძლებელია წარმოვიდგინოთ, რომ ლარიბთა უბნებში საცხოვრებელი ბინები ერთმანეთთან მიჭრილი და უგეგმოდ განლაგებულ-აშენებული იყო.

არქეოლოგიური მონაცემებით ხერხდება იმის წარმოდგენაც, რომ თბილისელთა სახლებს ჰქონდათ ცალკე კუთხე — სამზარეულო. აქ მოთავსებული იყო ფილაქანდაგებული კერია, სადაც საჭიროების დროს ცეცხლს ანთებდნენ. სამზარეულოსთანვე იყო თორნეც. ამ ტიპის სათავსოები გამოვლენილ იქნა კერამიკული სახელოსნოების გათხრისას. ჩანს, ამ სამზარეულოში მეთუნეთა აშქარი იმზადებდა საკმელს⁸¹.

ჩვენამდე შემონახული მწირი ცნობებითვე შეგვიძლია წარმოდგენა ვიქონიოთ თბილისელთა ბინების შინაგანი მორთულობის შესახებ. არქეოლოგიური მასალით ჩანს, მაგალითად, რომ თბილისში მრავლად ამზადებდნენ თიხის კრაქებს⁸². მათ უეჭველია მოქალაქენი იყენებდნენ ბინის გასანათებლად. ისედაც ივარაუდება, რომ ყოველდღიურ ყოფაში საშუალო და დაბალი ფენებისათვის სანთელი იშვიათი მოსახმარი იქნებოდა მისი სიძვირის გამო.

კერამიკული საწარმოს გათხრისას, მაგალითად, მრავლად აღმოჩნდა საოჯახო თიხის ჭურჭელი: სამარილეები, დერგები, საწვინები, კოკბები, დოქები, ჯამები და სხვა. ცხადია, ამ ნივთების გარკვეული ნაწილი საკუთრივ თბილისის მცხოვრებთათვის იყო დამზადებული, მათ თითონვე ხმარობდნენ. აღნიშნული ინვენტარის ერთ ნაწილს იყენებდნენ საკმლის მოსახარშად (მაგალითად, კოკბები); ხოლო სამარილეებს, საწვინებს, ფიალებს, ჯამებს, დოქებს — სუფრაზე მოსახმარად. დერგები კი გამოყენებული იყო ხორცეული, თუ ღიღხანს შესანახი პროდუქტებისათვის.

თავისთავად უნდა ვივარაუდოთ, რომ თბილისელთა ჭურჭელი ლითონისა (მაგალითად, სპილენძი) და ხისგანაც იყო დამზადებული, მაგრამ მათი ნიმუშები ჩვენამდე არაა შემორჩენილი. ჭურჭელი მინისაგანაც უმზადებიან, რასაც მოწმობს მათი აღმოჩენა კერამიკული საწარმოს უბან-

⁸⁰ „სამყაროს საკვირველებთა“ ცნობები.... გვ. 28.

⁸¹ გ. ლომათიძე, არქეოლოგიური გათხრა თბილისში 1948 წლის ზამთარში, თბ., გვ. 135—136.

⁸² იქვე, გვ. 133, 136.

ში. ეს გარემოება არქეოლოგებს აფიქრებინებს, რომ მინას ალბათ იქვე აწარმოებდნენ⁸³.

სასმელ წყალს თბილისელები იღებდნენ უმთავრესად წყაროებიდან, კებიდან და მდ. მტკვრიდან, რომლის წყალსაც სარწყავადაც იყენებდნენ.

XI—XII სს. თბილისელთა საკვები რაციონი საკმაოდ მრავალფეროვანი უნდა ყოფილიყო. ერთ-ერთ მთავარ საკვებს აქ პური წარმოადგენდა. პურეულს თბილისის მრავალრიცხოვან წისქვილებში ფქვავდნენ, პურს თორნეში აცხობდნენ. თბილისელთა რაციონის შემადგენლობაში შედიოდა, აგრეთვე, ლენო, რომელსაც უმთავრესად ქრისტიანული მოსახლეობა მოიხმარდა.

ქალაქელთა რაციონის შემადგენელი ნაწილი იყო ხორცი. აქ ქრისტიანებს ჰყავდათ ღორები. მაჰმადიანთა უბნებსა და ოჯახებში, აგრეთვე ებრაელებში, ღორს ზიზღით უცქეროდნენ. დავით აღმაშენებელმა, მაგალითად, ბრძანებაც კი გაჟოსცა, რომ მუსულმანთა დასახლებებში ქრისტიანებს ღორები არა ჰყოლოდათ და არც დაეკლათ. თბილისელთა რაციონში შედიოდა, აგრეთვე, ცხვრის და საქონლის ხორცი, ფრინველი და სხვა⁸⁴. თბილისელთა სუფრას მრავლად ამშვენებდა თევზი, რომელსაც მტკვარზე იჭერდნენ, თაფლი, სხვადასხვა ხილეული და ა. შ.⁸⁵

პურობისას სუფრაზე ხმარობდნენ ლანგრებს, ჯამებს, ხელადებსა და კიჭებს. მარილი სამარილეებით ედგათ ხოლმე. ეს ქურჭელი იყო როგორც თიხის, ასევე მინისა... აღსანიშნავია, რომ თბილისელი ქურჭლის მომხმარებელი (და ის, ვინც ამ ქურჭელს ამზადებდა) დიდ მნიშვნელობას ანიჭებდა მის ესთეტიკურ მხარესაც: „ქურჭლის მოყვანილობა-პროპორციებშიც, კიჭურის ფერებსა და ელფერშიც, მრავალფერად შეხამებაში, მოხატულობასა და ორნამენტშიც ჩანს დახვეწილი გემოვნება, ხალისიანი და კარგი ფანტაზია. ესეც უნდა მივიჩნიოთ ერთ-ერთ მკაფიო, ნივთიერ გამოხატულებად ყოველმხრივი კულტურული აღმავლობისა, რომელსაც საქართველო იმ ხანებში განიცდიდა ძველისძველი ტრადიციების განვითარება-გამდიდრების გზით. ეს მით უმეტეს საცნაურია, რომ, შედარებით მცირერიცხოვანი ფაიანსისა და ლუსტრიანი ნაწარმოების გამოკლებით, სახელოსნოს ნანგრევთა შორის აღმოჩენილი მოკიჭული წითელკეციანი კერამიკა წარმოადგენს ჩვეულებრივ საოჯახო ქურ-

⁸³ გ. ლომთათიძე, დასახ. ნაშრომი, გვ. 195.

⁸⁴ იქვე, გვ. 136, 142.

⁸⁵ „სამყაროს საკვირველებათა“ ავტორი თბილისში გასაყიდ საქონელში ასახელებს თაფლს, მოხალულ ტბილეულს, ბროწეულს იქვე, გვ. 29).

ქელს, უბრალო მოხმარებისათვის განკუთვნილსა და ადვილად მისა-
წვდომს.⁸⁶

საინტერესოა, რომ ერთ-ერთ დოქს სათანადო მინაწერიც კი ახლავს
სპარსულ ენაზე. ესაა სიტყვები ომარ ხაიამისა, რომელიც თავის ლექსებ-
ში ხშირად ახსენებს ხოლმე ლეინოსა და დოქს⁸⁷.

ჩვენ თითქმის არ ვიცით რა წესით სრულდებოდა პურობის ცერე-
მონიალი. დარბაზობის ეამს უცხოელებსაც ზედებოდნენ, ზეიმობდნენ
და პურობდნენ.

კოლექტიურად პურობდნენ აგრეთვე სახელოსნოებშიც, სადაც ან
შესვენება-სადილობისას, ან საქმესთან დაკავშირებით იკრიბებოდნენ⁸⁸.

პურობას ჩვეულებისამებრ ლეინის სმაც ახლდა ხოლმე. ლეინის მოხ-
მარების შესახებ სათანადო წარმოდგენას გვიქმნის საღვინე ქურჭლის
მრავლად აღმოჩენა თბილისში. ჩანს, იმ ხანებში მიაჩნდათ, რომ ზედმე-
ტი ლეინის სმა, რასაც სიმთვრალე და გონების დაკარგვა მოსდევდა, სა-
აუგო საქციელი იყო. ეამთააღმწერელი გვამცნობს, რომ ერთ-ერთი მსმუ-
რობის დროს რინდებმა სიმთვრალეში მეფე ლაშა გიორგიც კი სცემეს⁸⁹.
ამჟამად, რომ ამ ფაქტის, კერძოდ, სიმთვრალის მიმართ, ქართველი
ისტორიკოსი, ფეოდალური ზნეობის მოტრფიალე, უარყოფითადაა გან-
წყობილი.

XI—XII სს. თბილისელთა ჩაცმულობა მათი სოციალური და ეთნო-
კონფესიური კუთვნილების მიხედვით სხვადასხვანაირი იყო. უნდა ვივა-
რაუდოთ, რომ თბილისში თავს იყრიდა იმ დროს ცნობილი ყველა მოდა.
მეფეებს ამ ხანებში ეცვათ სამეფო ბისონი, რომელიც ძვირფასი ნაჭ-
რისაგან იყო შეკერილი. ბისონის შუაგული თავიდან ბოლომდე ძვირ-
ფასი ქსოვილით — დიადემით იყო შემკული. ბისონის ქვევით მეფეები
იცვამდნენ პერანგის მსგავს ტანსაცმელს — პოდრს, რომელსაც ქართუ-
ლად ფესვედი სამოსელი ერქვა. ფეხსაცმელს მეფეები წითელი ტყავი-
სას ატარებდნენ და მას „ტარსიკონს“ ეძახდნენ⁹⁰.

ამ ეპოქის დედოფალთა ტანისამოსი უფრო გრძელი იყო. მათაც
ბისონები ეცვათ, მაგრამ საკმაოდ გრძელი, ისე, რომ კოჭებიც არ უჩან-
დათ⁹¹. დედოფლის ტანსაცმლის დეტალია მანდილი. მათ საყურეებიც

⁸⁶ გ. ლ. ო. მ. თ. ა. თ. ი. ძ. ე., შუა ფეოდალური ხანის ძეგლები. — წიგნში: საქართველოს
არქეოლოგია, თბ., 1959, გვ. 374.

⁸⁷ გ. ლ. ო. მ. თ. ა. თ. ი. ძ. ე., არქეოლოგიური გათხრა თბილისში 1948 წლის ზამთარში,
გვ. 154.

⁸⁸ იქვე, გვ. 142.

⁸⁹ ქართლის ცხოვრება, II, გვ. 155.

⁹⁰ ივ. ჭავჭავაძის მიხედვით, მასალები ქართველი ერის მატერიალური კულტურის
ისტორიისათვის, III, ტანისამოსი, ქსოვილები და ხელსაქმე, თბ., 1962, გვ. 37—38.

⁹¹ იქვე, გვ. 39; ნ. ჩ. ო. ფ. ი. კ. ა. შ. ე. ლ. ი. ქართული კოსტიუმი (VI—XIV სს.), თბ., 1964.

კეთათ. დედოფლისა და საერთოდ ქალის თავსაბურავის კუთვნილებას რიდეც შეადგენდა⁹².

თავთავისი წრეებისათვის შესაფერისი ტანსაცმლით იმოსებოდნენ ქართველი დიდებულები, მოხელები, სამხედრო წრეების წარმომადგენლები, ვაჟრები, სამღვდლოება და სხვა. ძველი ქართული ტანსაცმლის ისტორიისადმი მიძღვნილ შრომებში ამ წრის შესამოსელი სათანადოდაა ილუსტრირებული⁹³.

სამკაულებიდან გავრცელებული იყო ბექლები, საყურეები, მინის სამაჯურები და სხვ.⁹⁴

XI—XII სს. თბილისელებს სხვადასხვა სატრანსპორტო საშუალებები ჰქონდათ, მაგ.: ცხენი, ურემი. მდ. მტკვარზე დინების მიმართულებით ტივებსაც იყენებდნენ საქონლის გადასაზიდად.

ყველაზე საპატიო სატრანსპორტო საშუალებად ხმელეთზე ცხენი ითვლებოდა. სწორედ ცხენებზე ამხედრებული შეეგებნენ თბილისის მოქალაქეები ბაგრატ IV-ს, როცა იგი ქალაქში შეიყვანეს. კარგი ცხენი ძველ საქართველოში სიმდიდრისა და სიჭკველის ნიშნად ითვლებოდა. ომში ცხენის ნადავლად წამოყვანა სარფიანი და სასახელო საქმე იყო⁹⁵. შედარებით იაფი, მაგრამ სატრანსპორტოდ გამოსაყენებელი საიმედო ცხოველი იყო სახედარიც.

ყველა ქალაქს თავისი საყვარელი თავშეყრის ადგილი ჰქონდა. თბილისელებისათვის ერთ-ერთი ასეთი ადგილი იყო აბანოები, სადაც მოქალაქეებს საშუალება ჰქონდათ თავისუფალ დროს ერთმანეთს შეხვედროდნენ. აბანოში შეკრებილები ხშირად პურობდნენ, ლიტერატურულ საკითხებზე მსჯელობდნენ, საქმიან გარიგებებს ახდენდნენ და ა. შ. XI—XII სს. თბილისის ზოგი აბანო საზოგადო იყო და უფასოც. ზოგ აბანოში შესვლის უფლება კი მხოლოდ ცალკეულ წარჩინებულ პირებს ჰქონდათ⁹⁶.

დიდი თავშეყრის ადგილები იყო თბილისში ეკლესიები და მეჩეთებიც. საქართველოს სამეფო კარის მიერ გატარებული რჩულმემწყნარებლური პოლიტიკის პირობებში აქაურ უცხო სარწმუნოების მიმდევრებს არავითარი შეზღუდვა და ღვენა არ ჰქონდათ დაწესებული.

⁹² ივ. ჯავახიშვილი, დასახ. ნაშრომი, გვ. 39.

⁹³ იქვე, გვ. 37—50.

⁹⁴ გ. ლომთათიძე. არქეოლოგიური გათხრა თბილისში 1948 წლის ზამთარში, გვ. 134.

⁹⁵ ქართლის ცხოვრება, II, გვ. 69.

⁹⁶ აღ-ფარციკის ცნობით, მაგალითად, დავით აღმაშენებელს განუწყესებია, რომ ისმალის აბანოში არამუსლიმანებს არა ჰქონდათ შესვლის უფლება (ვ. ფუთურაძე, არაბი ავტორი XII ს. თბილისის შესახებ, — ენიშკის მოამბე, ტ. XIII, 1942, გვ. 139—143).

ქრისტიანულ ტრადიციებს თბილისელები იცავდნენ; მრავლად დაიარებოდნენ თავიანთ ეკლესიებში იმ დროსაც, როცა ქალაქი ჯერ კიდევ მუსლიმანებს ეკავათ. მათ ამ დროს ჰქონდათ თავიანთი ყველაზე განთქმული ეკლესია, რომელსაც, ალ-ჰუსეინის სიტყვებით, ისეთივე მნიშვნელობა ჰქონდა აქაური ქრისტიანებისათვის, როგორც ქაბაას მუსლიმანებისათვის⁹⁷. ამ ცნობაში სიონი უნდა იგულისხმებოდეს.

1122 წლის შემდგომ თბილისელები დიდი მასშტაბით აღნიშნავდნენ ქრისტიანულ დღესასწაულებს. ასეთ დღეებში თბილისის ეკლესიებში დიდი თავყრილობა იმართებოდა. მათ აქ ზარების რეკვით მოუხმობდნენ... (ამ დღესასწაულებზე იხ. ქვევით).

სხვა ქალაქების მსგავსად, თბილისს ჰქონდა თავისი მწუხარებისა და სიხარულის დღეები. მძიმე იყო თბილისისათვის ეპიდემიები და შიმშილობები, რომლებიც ზოგჯერ სტიქიური უბედურების მსგავსად თავს დაატყდებოდა ხოლმე ქალაქს. 1037 წ. სასტიკი შიმშილი დაიწყო ისანში. ბაგრატ IV-ის მიერ მისი გარემოცვის დროს, ისანში, სადაც ამირათა სახლი და მათი მომხრეები იმყოფებოდნენ, შეწყდა სურსათის მოწოდება, რის გამო ისე დაიმშენნენ, რომ ვირის ხორცის ქამაც კი დაიწყეს, ისიც იმ დროისათვის უჩვეულოდ ძვირად — ლიტრა ხუთას დრამად იყიდებოდა⁹⁸.

თბილისს ჰქონდა თავისი საზეიმო დღეებიც. ასეთ მუდმივად დაწესებულ დღეებს, რა თქმა უნდა, წარმოადგენდნენ რელიგიური დღესასწაულები; ქრისტიანთათვის — შობა, აღდგომა და სხვა დღესასწაულები. დიდი ზეიმი და დღესასწაულები ეწყობოდა ქალაქში ამა თუ იმ საბედნიერო მოვლენასთან დაკავშირებით. როგორც ზემოთაც ითქვა, ასეთი ზეიმი მოაწყვეს, მაგალითად, თბილელმა მოქალაქეებმა 1045 წ. ბაგრატ IV-ის ქალაქში შემოყვანის დროს. სადღესასწაულოდ ჩაცმული მოქალაქეები მეფეს ქალაქგარეთ შეეგებნენ. მტკვრის ორსავე ნაპირზე ისმოდა საკრავების ხმა. ქალაქში შესულ მეფეს თავზე აყრიდნენ ოქროს ფულებსა და ძვირფასეულობას. შემდეგ მეფე საამირო დარბაზში შეიყვანეს და სათათბიროდ დააბრძანეს⁹⁹.

დიდი საზეიმო მოვლენა იყო მეფის ქორწილის დღეც. ვიცით, რომ თამარმა და დავით სოსლანმა ქორწილი, ზეიმი და პურობა დიდუბეში, ე. ი. ქალაქის სანახებში გადაიხადეს. ეს ალბათ იმიტომ, რომ ზეიმზე დასწრების მსურველი ბევრი იყო და საკუთრივ თბილისის გალავნის შიგნით მათი დატევა ვერ მოხერხდებოდა. ქორწილს თუ პუ-

⁹⁷ ნ. შენგელია, საღრ ად-დინ ჰუსეინ ალფ-არსლანის საქართველოში და ამიერკავკასიის ქვეყნებში ლაშქრობების შესახებ, გვ. 193.

⁹⁸ ქართლის ცხოვრება, I, გვ. 297.

⁹⁹ იქვე, გვ. 299.

რობას ხომ გართობა და სპორტულ-სამხედრო შეჯიბრებები უნდა მოპყლოდა¹⁰⁰.

დიდ საზეიმო ვითარებაში ეწყობოდა ხოლმე თბილისიდან საქართველოს სახელმწიფო ლაშქრის გამგზავრება. ასევე ხდებოდა გამარჯვებულ ლაშქრის დაბრუნების დროსაც. 1195 წ. შამქორის ბრძოლიდან მობრუნებულ ქართველთა ლაშქარს თან მოჰყავდა ცხენები, ჯორები და აქლემები. ქალაქგარეთ მათი სიმრავლით ტყეა აღარ იყო. თან მოჰყავდათ დიდი რაოდენობით ტყეები, რომლებსაც ქალაქში მეტიმეტად იათად ყიდდნენ¹⁰¹. „დიდი მოკაზმულობით“ მორთეს თბილისი მოქალაქეებმა 1203 წ. ბასიანის ომიდან დაბრუნებულ ქართველთა მხედრობის შეხვედრისას¹⁰².

გამარჯვებებთან დაკავშირებული ზეიმები საქართველოს და კერძოდ თბილისის მცხოვრებლებზე დიდ ფსიქოლოგიურ ზეგავლენას ახდენდა, განამტკიცებდა მათში საკუთარი სახელმწიფოს უძლეველობის რწმენას.

¹⁰⁰ „დედოფალი რუსუდან ყოვლითა სიბრძნითა საესე მოქმედებდა: აქათ ბაგრატიონი ბაგრატიონითა გუარ-ზეობითა აწყობდა რიგთა სახლისათა, და ქუეშოთ ხუარასნისა და ერაციისა სულტანთა სძლობითა გამეცნიერებული, მუნებრივითა სახიობითა და შუეებითა მოქმედებდა... იყო ზმა მგოსანთა და მუშაითთა, სახიობათა მკურეიტლნი იყო რაზმთა სიმრავლე და სრულ-ქმნა ამასა შინა“. ქართლის ცხოვრება, II, გვ. 47.

¹⁰¹ ქართლის ცხოვრება, II გვ. 128.

¹⁰² იქვე, გვ. 140.

VI

თბილისი უცხოელ დამპყრობთა წინააღმდეგ ბრძოლის პერიოდში (XIII—XV სს.)

თბილისი 1221—1231 წლებში

მონღოლთა პირველი გამოჩენა საქართველოში

XIII საუკუნის დასაწყისში ცენტრალურ აზიაში ჩინგიზ ხანის მეთაურობით ჩამოყალიბდა მონღოლთა სამხედრო ადრეფეოდალური სახელმწიფო, რომელიც თავიდანვე სხვა ქვეყნების დაპყრობის გზას დაადგა. მონღოლ ფეოდალთა დაპყრობითმა ომებმა უდიდესი უბედურება მოუტანეს ხალხებს. მათი პირველი დაპყრობების თანამედროვე არაბი ისტორიკოსის იბნ ალ-ასირის (1160—1234 წწ.) სიტყვით, კაცობრიობას სამყაროს შექმნის დროიდან დღემდე ასეთი საშინელება არ განუცდილა¹. იმავე და შემდგომი დროის სხვადასხვა ეროვნების თითქმის ყველა ისტორიკოსი ერთსულოვნად ადასტურებს დამპყრობელთა ველური ზოცვა-ჟლეტისა და აყვავებული ქალაქებისა და სოფლების განადგურების ფაქტებს. ომები, რომლებმაც სათავე დაუდო აზიისა და ევროპის ქვეყნების საწარმოო ძალთა განადგურებას, მონღოლ ფეოდალთა გამდიდრების მიზნით წარმოებდა და მას შეემატა არ მოუტანია თვით მშრომელი მონღოლი ხალხისათვის.

მონღოლთა პირველი ლაშქრობები მიმართული იყო მათი მეზობლების — ყირგიზებისა და ბურიატების (სამხრეთ ციმბირში), ტანგუტების (გობის უდაბნოს სამხრეთ ნაწილში), უიღურების (ტანგუტთა სახელმწიფოს დასავლეთით) და სხვა ხალხებისა თუ ტომების წინააღმდეგ. 1211—1215 წწ. ჩინგიზ ხანმა ჩრდილოეთ ჩინეთი დაიპყრო, 1219 წ. მონღოლები შეიჭრნენ ხორეზმის სახელმწიფოში, რომელიც შუა აზიის უდიდეს ნაწილს, თანამედროვე ავღანეთსა და ირანს მოიცავდა. ხორეზმ შაჰ მუჰამედმა მტერს ორგანიზებული წინააღმდეგობა ვერ გაუწია და შეეცადა გაქცევით ეშველა თავისთვის.

¹ რ. კიკნაძე, მონღოლთა შემოსევები. — წიგნში: ნარკვევები მახლობელი აღმ. ისტორიიდან, თბ., 1950, გვ. 164; Всемирная История, т. III, М., с. 519; ბ. სილაგაძე, XII—XIII სს. საქართველოს ისტორიის ზოგიერთი საკითხი იბნ ალ-ასირის ცნობათა შუქზე. — წიგნში: საქართველო რუსთაველის ხანაში, თბ., 1966, გვ. 129—130.

1220 წ. ზაფხულში, როცა მონღოლებს ქ. სამარყანდისათვის ალყა ჰქონდათ შემორტყმული, ჩინგიზ ხანმა ირანისკენ გაქცეულ მუჰამედს დაადევნა თავისი რაზმები გამოცდილი სარდლების ჯებესა და სუბედის მეთაურობით. მათ დავალებული ჰქონდათ ხორეზმ შაჰის შეპყრობა და შემდეგისათვის დასაპყრობი ქვეყნებისა და ხალხების გაცნობა-დაზვერვა. ჯებესა და სუბედის რაზმები 1221/22 წწ. ორჯერ თუ სამჯერ შემოსულან საქართველოში, რომლის სახელმწიფო საზღვარი მაშინ სამხრეთ-აღმოსავლეთით მდ. არეზს გასდევდა. ამ ბრძოლებში ლაშა გიორგის (1207—1223 წწ.) ლაშქარი დამარცხდა, მაგრამ მონღოლები ამიერკავკასიას გაეცალნენ და კალკასთან ბრძოლის (1223 წ. მაისი) შემდეგ უკან დაბრუნდნენ ჩინგიზ ხანთან.

თბილისის აღება

ჯალალ ედ-დინის მიერ

(1225—1231 წწ.)

ხორეზმ შაჰ მუჰამედის გარდაცვალების შემდეგ მონღოლთა წინააღმდეგ ბრძოლას სათავეში ჩაუდგა მისი შვილი ჯალალ ედ-დინ სულთანი. ჯალალ ედ-დინი შეეცადა აღედგინა ხორეზმ შაჰების სახელმწიფო. მან მოახერხა აზერბაიჯანის დაპყრობა. 1225 წლის ივლისში სულთანმა რუმის², შამის³ და ეგვიპტის მმართველებს წერილები გაუგზავნა, რომლითაც ატყობინებდა, რომ დაიმორჩილა აზერბაიჯანი, გაათავისუფლა ეს ოლქები ქართველების ბრძკვალებისაგან და ახლა ემზადება ქართველებზე სალაშქროდ⁴. ჯალალ ედ-დინის მიზანი იყო შეეყრა კავშირი მეზობელი ქვეყნების მმართველებთან და ამით გაეადვილებინა საქართველოს დაპყრობა. თავრიზიდან სულთანი თბილისისაკენ გაემართა. იმავე 1225 წ. ზაფხულში ხორეზმელები საქართველოს სამეფოს ფარგლებში შემოვიდნენ და შეუბრალებელი ხოცვა-ჟლეტა და ძარცვა-რბევა დაიწყეს დღინის მხარეში. რუსუდან მეფემ (1223—1245 წწ.) საქართველოს ჯარის მთავარსარდლად ივანე ათაბაგი დანიშნა და სულთნის წინააღმდეგ გაგზავნა. ბრძოლა მოხდა გარნისთან. სასტიკ ბრძოლაში საქართველოს ლაშქარი დამარცხდა⁵. ამის შემდეგ ჯალალ ედ-დინმა ქ. დვინი

² რუმის ანუ იკონიის (კონიის) სასულთნო მცირე აზიაში თანამედროვე თურქეთის ცენტრალურ ნაწილში.

³ შამი — სირია.

⁴ Шихаб ад-Дин Мухаммед ан-Насави, Жизнеописание султана Джалала ад-Дина Манкуберны. Перевод с арабского, предисловие, комментарии, примечания и указатели З. М. Буниятова, Баку, 1973 (შემდგომი: ან-ნასავი). გვ. 154—155 და 47-ე თავის შენიშვნა 2 (გვ. 357—360).

⁵ ივ. ჯავახიშვილი, თხზულებანი თორმეტ ტომად, ტ. 11, 1982, გვ. 8—10.

აილო. ახლა მისი მთავარი საზრუნავი იყო თბილისის აღება. ამ დროს თავრიზიდან მოუვიდა ცნობა მის წინააღმდეგ აჯანყების შზადების თაობაზე, რის გამოც იძულებული გახდა უკან გაბრუნებულიყო. წასვლის წინ სულთანმა საქართველოში დატოვა თავისი ლაშქრის დიდი ნაწილი და დაავალა ძირფესვიანად დაერბიათ ყველაფერი. სამი თვის განმავლობაში მტრის ლაშქარმა განუწყვეტელი თავდასხმებით სრულ განადგურებამდე მიიყვანა მდიდარი და აყვავებული მხარე. მტერმა ბევრი ტყვე იგდო ხელთ. მათი სიმრავლის გამო ტყვე ისე გაიფადა, რომ ტყვე 2 ან 3 დინარად⁶ იყიდებოდა⁷.

1225 წ. მიწურულს ჯალალ ედ-დინმა თავრიზიდან საქართველოში გაგზავნა მრავალრიცხოვანი ცხენოსანი და ქვეითი ლაშქარი, მალე თერთონაც აქეთკენ წამოვიდა და დვინში, რომელიც საქართველოს სასაზღვრო მხარე იყო, შეუერთდა თავის ლაშქარს. სომხური ოლქების მოხრების შემდეგ 1226 წ. იანვარში სულთანი პირდაპირ ჩრდილოეთით გემართა, ბამბაკის ხეობის გადასასვლელებთან დაამარცხა ქართველები და ლორესა და გაგის ველების გავლით თბილისისაკენ წავიდა. ქართველები ბრძოლას არ წყვეტდნენ და დიდ ზიანს აყენებდნენ მტერს⁸.

რუსუდან მეფემ, როგორც კი გაიგო „მოსლუა სულტნისა, აიყარა და წარვიდა ქუთათისს, ხოლო ტფილისს მცველად დაუტოვა ლაშქარი და თავად (ე. ი. მეთაურად) ორნი ძმანი ბოცოს ძენი, მემნა და ბოცო“⁹. სულთანმა პირდაპირი იერიშით თბილისზე მისვლა ვერ გაბედა და ქალაქის მახლობლად დაიბანაკა. მტერი დიდი სიფრთხილით მოქმედებდა. ჯალალ ედ-დინმა თვითონ იყისრა ქალაქის დაზვერვა. სულთანი დარწმუნდა, რომ თბილისი კარგად გამაგრებული იყო — მისი კედლები უფრო მეტად მთებზე და მაღლობებზე იყო გაშენებული¹⁰, ამიტომ გააძლიერა ქალაქის ალყა და 8 მარტს შეტევაზე გადავიდა. მაშინ „მცველნი ქალაქისანი აღიჭურნეს და იქმნა ძლიერი ბრძოლა და ბრწყინვალე ძლევა აჩუენეს ქართველთა“¹¹. მტრის პირველი შეტევა უშედეგოდ დამთავრდა. ქალაქის მცველებთან ერთად მამაცურად იბრძოდნენ მოსახლეობის დაბალი ფენები, მაგრამ ლალატის გამო ქალაქი დამარცხდა. აი, რას ამბობს ამის თაობაზე ჩვენს ისტორიოგრაფიაში ჟამთააღმწერლის სახელით ცნობილი XIV ს. ქართველი ანონიმი ისტორიკოსი: „მას ლამესა

⁶ დინარი — არაბული ოქროს მონეტა.

⁷ ან-ნასავი, გვ. 160—161.

⁸ ჭუეინის ცნობები საქართველოს შესახებ, რ. კიენაძის გამოც., 1974, გვ. 28—32; ფ. ჯავახიშვილი, დასახ. ნაშრომი, გვ. 10; საქართველოს ისტორიის ნარკვევები, ტ. 111, 1979, გვ. 541.

⁹ ქართლის ცხოვრება, II, გვ. 174.

¹⁰ ან-ნასავი, გვ. 167.

¹¹ ქართლის ცხოვრება, II, გვ. 174.

სპარსთა ტფილელთა (ე. ი. თბილისელმა მუსლიმანებმა) მიუვლინეს კაცი სულტანსა ჯალალდინს შიგნიდაღმა მიცემად ქალაქისა, რათა კართა, რომელთა სპარსნი სცივდეს, განუხუნეს და შიგნით ბრძოლა უყვეს¹² — ე. ი. შიგნით ქართველებს შევებრძოლებით და ქალაქის კარებს გაგიღებთო. ამით გამხნეებულმა სულთანმა 9 მარტს განთიადისას შეტევა განაახლა. ქალაქის მცველები, რომლებმაც ღალატის შესახებ არაფერი იცოდნენ, გამოსასვლელად ეშზადებოდნენ. ამ დროს, როცა მემნა ბოცოს ძე განძის კართან¹³ გამოსვლას აპირებდა და ის იყო მუზარადი უნდა დაეხურა, ვილაც მაჰმადიანმა „აფთითა (ბრტყელი და ტარგრძელი მახვილი) ძლიერ დაუხეთქა უმუზარადოსა თავსა, განუპო და მყის დაეცა და მოკუდა და იქმნა შინა ომი“. გარედან ხვარაზმელნი უტყვიდნენ. „განუხუნეს კარნი სპარსთა ტფილელთა“ და მტერი ქალაქში შევიდა. ქალაქის მცველები ისანში გადავიდნენ და განაგრძობდნენ ბრძოლას ბოცო ბოცოს ძის მეთაურობით, რომელმაც „გაამაგრა ისანი და ქმნა ძლიერი ომი“¹⁴. ბრძოლა დიდხანს გაგრძელდა. ბოლოს რუსუდანმა, დარწმუნებულმა რომ ბრძოლის გაგრძელება შეუძლებელი იყო, ბოცო გაყელს კაცნი მიუგზავნა და ისინი დანებება უბრძანა. ამის მიუხედავად, ქალაქის მცველნი ბრძოლას განაგრძობდნენ და მხოლოდ მას შემდეგ, რაც „მრავალგზის მიავიონა დასტური მეფემან დატევებად ქალაქისა, ძალით დაარწმუნა მეფემან ბოცოს წასვლა“¹⁵.

როგორც ვხედავთ, თბილისის აღება ჯალალ ედ-დინმა ქალაქის მაჰმადიანთა ხელისშეწყობით მოახერხა. ქართველი ჟამთააღმწერელის ამ ცნობას ადასტურებენ უცხოელი ისტორიკოსებიც. ამ ამბების თანამედროვე სომეხი ისტორიკოსი კირაკოს განძაკეცი წერს, რომ თბილისში მყოფმა მუსლიმანებმა ხელი შეუწყვეს ჯალალ ედ-დინს ქალაქის აღებაში¹⁶. მიქაელ ასურის ქრონიკის გამგრძელებლის სიტყვით: „მოვიდნენ ხვარაზმელები და ალყა შემოარტყეს ქართველთა დიდ ქალაქს ჭფილისს. სპარსელებმა (ე. ი. მაჰმადიანებმა), რომლებიც ქალაქში იყვნენ, ქალაქი ხვარაზმელებს გადასცეს, ხვარაზმელებმა კი აღუთქვეს, რომ მშვიდობით დატოვებდნენ მათ თავიანთი ქონებითურთ“¹⁷. იბნ ალ-ასირის ნაშრომიდანაც ჩანს, რომ ღალატს ნამდვილად ჰქონდა ადგილი¹⁸.

¹² ქართლის ცხოვრება, II, გვ. 174.

¹³ განძისკარი — თბილისის ვალაყნის სამხრეთის კარი, საიდანაც მიემართებოდა გზა ქ. განჯისაკენ.

¹⁴ იქვე, გვ. 174—175.

¹⁵ იქვე, გვ. 177.

¹⁶ К и р а к о с Г а н д з а к е ц и, История Армении. Перевод с древнеармянского, предисловие и комментарии Л. А. Хаптарян, М., 1976, с. 149—150.

¹⁷ ვ. ს. ნ ა ლ ბ ა ნ დ ი ა ნ ი, თბილისი ძველ სომხურ მწერლობაში, თბ., 1959, გვ. 91.

¹⁸ ი ბ ნ ა ლ - ა ს ი რ ი. — ეურნ. „მოამბე“, 1898, №2, გვ. 64.

დამპყრობელთა მოქმედება თბილისში

იმდროინდელ წყაროთა ერთსულოვანი მოწმობით ჭალალ ედ-დინმა თბილისში საშინელი ხოცვა-ჟლეტა, ძარცვა-რბევა და ნგრევა დაატრიალა. ქალაქის ალებისთანავე ხვარაზმელებმა „დახოცეს რაც კი იქ ქართველები იყვნენ. ჭალალ ედ-დინს არ გადაურჩა არც დიდი, არც პატარა, გარდა იმისა, ვინც მაჰმადის სარწმუნოება მიიღო“¹⁹. თვით სულთნის მდივანი, ან-ნასავი, მისი მაქებ-მადიდებელი, აღნიშნავს, რომ ქალაქში ამოწყვიტეს ყველა ქართველი და სომეხი, ე. ი. ქრისტიანები²⁰. კირაკოს განძაკეცის სიტყვით, ჭალალ ედ-დინმა ქალაქის ალებისთანავე „მცხოვრებთაგან მრავალი ამოწყვიტა, უფრო მეტი ნაწილი აიძულა უარეყო ქრისტიანობა და მუსლიმანთა ცრუ და მაცდური მოძღვრება მიეღო... მერმე კი ბრძანება გამოსცა — არ შესულიყვნენ იმის გამოძიებაში, სურთ თუ არა ქრისტიანობის უარყოფა და ძალით ყველა წინადაეცვიათ. ამრიგად, ორი მუსულმანი მოედანზე ხელებს გაუკავებდა ქრისტიანს და მესამე კი მახვილით კვეთდა მამაკაცის ასოს კანს“²¹.

მტრის მიერ თბილისში დატრიალებული სიმხეცის საშინელი და შემზარავი სურათია მოცემული ჟამთააღმწერლის თხზულებაში. ის წერს: „ესოდენ მძვნვარედ იწყეს მოსრვად, ვითარ ჩიჯლნიცა ძუძუთაგან დედისათა აღიტაცნიან და წინაშე დედისა ქვაზედ დაანარცხიან, და რომელსამე თუალნი წარსცვიდიან და რომელსამე ტუნი დაეთხიის და უჯანის (ე. ი. — შემდეგ) დედანი მოიკვლოდიან; ბერნი უწყალოდ ფოლოცთა შინა ცხენთა მიერ დაითრგუნვოდეს, ჰაბუჯნი დაეკუეთებოდეს, სისხლისა მდინარენი დიოდეს. ტუნი კაცთა, დედათა, ბერთა, ჩიჯლთა თმა და სისხლი, თავი მჰართაგან განშორებული, ნაწლევნი ცხენთა მიერ დათრგუნვილნი ურთიერთას აღრეულ იყო. არა ჰყოფდეს წყალობასა, რამეთუ რომელნიმე დანითა ილლიასა დასობილნი, სხუანი მკერდსა დაცემითა, რომელნიმე მუცელსა და ზურგსა განიგმირებოდეს... ყვირილთა და ზახილთა და ვაებათა საზარელთა ხმათაგან იძვროდა ქალაქი ყოველი, რამეთუ უმრავლესი ერი, ვითა ცხოვარი, შეკრბიან და კუალად ხედვიდეს ზოგნი საყვარელთა შვილთა, ზოგნი ძმთა და მამათა, ცოლნი ქმართა და ქმარნი ცოლთა უპატიოდ მკუდარ მდებარეთა, ცხენთა მიერ დათრგუნვილთა და ფოლოცთა შინა ძაღლთა მიერ ზიდულთა, და არცა თუ დაფლვასა მიწასა შინა ღირს ჰყოფდეს“²².

ხვარაზმელებმა ბარბაროსულად დაანგრიეს ქრისტიანული ეკლესიები

¹⁹ ი ბ ნ ა ლ - ა ს ი რ ი, იქვე, გვ. 64.

²⁰ ა ნ - ნ ა ს ა ვ ი, გვ. 168.

²¹ კ ი რ ა კ ო ს გ ა ნ ძ ა კ ე ც ი, დასახ. ნაშრომი, გვ. 150.

²² ქართლის ცხოვრება, 11, გვ. 175—176.

და მათ ადგილზე მუსლიმანთა სამლოცველოები ააგეს²³. ჯალალ ედ-დინის ბრძანებით, სიონის ეკლესიას გუმბათი მოარღვიეს და მის ადგილზე სულთნისათვის გადასახედი საჯდომი მოაწყვეს. ქრისტესა და ლეთის-მშობლის ხატები მეტეხის ხიდის შესავალზე პირალმა დააწყვეს, მოსახლეობა ხიდთან მირგვეს და უბრძანეს ქრისტიანთა სალოცავი ხატები ფეხით დაეთრგუნათ და ისე გასულიყვნენ ხიდზე, წინააღმდეგ შემთხვევაში თავს კრიდნენ და მტკვარში აგდებდნენ. ქრისტიანთა უმრავლესობა არ დაემორჩილა მტერს და წამების გვირგვინი მიიღო. უამთააღმწერლის სიტყვით, თბილისში მოკლულთა რიცხვმა 100 ათასს მიაღწია²⁴. როგორც სამართლიანად შენიშნავს აკად. ივ. ჭავჭავაძე, „თბილისში ჯალალ ედ-დინის მტარვალობის დროს დახოცილთა ზემოთ მოყვანილი რიცხვი თუნდაც მოკარბებულად გეჩვენოს, მაინც ამ დედაქალაქის დიდი მოსახლეობის საშინელი განადგურების ასე თუ ისე გამომხატველად შეიძლება მივიჩნიოთ“²⁵. ჭუევიანის სიტყვით, ჯალალ ედ-დინმა „ყოველი სოფელი თუ ციხე თბილისის მიდამოებში, რომლებიც ემშაკის მიმდევრებით (ე. ი. ქრისტიანებით) იყო სავსე, მოსთხარა და მის ამაღას უსაზღვრო და უზომო ნადავლი ერგო“²⁶.

1122 წლიდან, როდესაც თბილისი საქართველოს ფეოდალური მონარქიის დედაქალაქი გახდა, მას არ განუცდია მტრის შემოსევა და ქვეყნის საერთო ეკონომიკურ აღმავლობასთან ერთად წინ მიდიოდა, იზრდებოდა, მდიდრდებოდა და ძლიერდებოდა. ხალხის შრომით შექმნილი მთელი ეს სიმდიდრე მტერს ჩაუვარდა ხელში. ან-ნასავის სიტყვით, სულთანმა მიიღო ყველაფერი ის, რაც თბილისში საუკუნეთა მანძილზე იყო შექმნილი. ყველა ამ სიმდიდრის აღნუსხვას ვერ შეძლებდა ყველაზე უფრო დახელოვნებული და მკოდნე კაციც კი. მისი სრული სიის შესადგენად ქალაქის ფურცელთა დასტების ბორცვი არ კმაროდა²⁷. აღსანიშნავია, რომ სიმდიდრეს დახარბებულ ხვარაზმელებსაგან „ბევრი ზარალი ნახეს თბილელმა მუსლიმანებმაც, რადგან ისინიც ვერ გადაურჩნენ ხოცვას და აკლებას“²⁸.

თბილისის დაპყრობის შემდეგ ხვარაზმელები ხოცვა-ჟლეტითა და ძარცვა-რბევით მოედნენ „სომხითისა და კამბეჩიანისა და იორის პირთა, ქართლს და თრიალეთს, ჭავჭავთსა და არტანს, ზოგი სამცხეს და ტაოს, კარნიფორას და ანისის მიმდგომთა ქუეყანათა“²⁹.

²³ ჭუევიანი, გვ. 32.

²⁴ ქართლის ცხოვრება, II, გვ. 178.

²⁵ ივ. ჭავჭავაძე, ქართველი ერის ისტორია, III, 1966, გვ. 62.

²⁶ ჭუევიანი, გვ. 32.

²⁷ ან-ნასავი, გვ. 168.

²⁸ იბნ ალ-ასირი, გვ. 64.

²⁹ ქართლის ცხოვრება, II, გვ. 178.

ხვარაზმელების მიერ საქართველოს დედაქალაქის აღებას უდიდესი მნიშვნელობა ჰქონდა მთელ მაშინდელ მახლობელი და შუა აღმოსავლეთისათვის. მაჰმადიანური ქვეყნების ფეოდალთა კლასების აზრი და განწყობილება ამ მოვლენასთან დაკავშირებით კარგად აქვს გადმოცემული იბნ ალ-ასირს. ის წერს: „ამ ქალაქის აღებას, რომელიც დიდად სასახელოა ჯალალ ედ-დინისათვის, საპატიო ადგილი უჭირავს მუსლიმანთა ქვეყნებში და მუსლიმანთა აზრში, რადგანაც ქართველები მეტისმეტად თავხედად გვექცეოდნენ და რაც უნდოდათ იმას გვიშვრებოდნენ. აზერბაიჯანის რომელი ქალაქიც კი უნდოდათ, ფეხქვეშ ჰქონდათ. მათ წინააღმდეგობას ვერავინ ბედავდა, ქალაქის დათარჯე მათგან ვერავის შეეძლო. ასევე ექცეოდნენ არზენ-ერერუმსაც (არზრუმს), ისე რომ ამ ქალაქის მპყრობელი იძულებული გახადეს ქართველთა მეფისაგან ნაწყალობევი ტანისამოსი ჩაეცვა და ქალაქში აეფრიალებინა დროშა, რომლის თავზე ჯვარი იყო აღმართული. მისმა შვილმა ქრისტიანობა იწამა და ქართველთა დედოფალი შეირთო ამ ხალხის შიშით, რათა ამით აეცილებინა თავიდან მათი მტრობა“... შემდეგ აეტორი ამბობს, რომ ქართველები ისე გაძლიერდნენ, რომ რუქნადინიც დაამარცხეს, ძლიერ შეავიწროვეს შირვანის დარუბანდელნი, აიძულეს ხლათელები ქართველებისათვის ეკლესია აეშენებინათ. „ტფილისის ციხე მეტად მაზარალებელი რამ იყო მეზობლებისათვის. სახელდობრ, სპარსელთათვის ისლამის მიღებამდე და მას შემდეგ მუსლიმანთათვის, მუსლიმანთა სარწმუნოების დასაწყისიდან დღემდე. ქართველების წინააღმდეგ ვერავინ გაბედა იმდენი გამბედაობა გამოეჩინა, რამდენიც ჯალალ ედ-დინმა გამოიჩინა თავისი ვაჟაკობითა და გმირული საქმეებით“³⁰.

მეორე მხრივ, თბილისის აღება უდიდესი მარცხი იყო საქართველოს სახელმწიფოსათვის. ხვარაზმელთა დაუნდობელმა ველურმა მახვილმა სათავე დაუდო ძლიერი ქვეყნის მზარდი საწარმოო ძალების განადგურებას, მწარმოებელი მოსახლეობის შემცირებას. გარდა ამისა, თბილისის აღებამ „საქართველოს სახელმწიფოს უძლველობასაც დიდი ზიანი მიაცენა“³¹.

ბრძოლა თბილისისათვის 1226 წ.

თბილისის აღების შემდეგ, ცხადია, ქალაქის მმართველობის ქართული სისტემა მოიშალა. ქალაქის ახალი მმართველობა დამპყრობლებმა თავისი ინტერესების შესაბამისად სამხედრო წესზე მოაწყვეს, მაგრამ ქართველი ხალხის განუწყვეტელი ბრძოლის პირობებში ჯალალ ედ-დი-

³⁰ იბნ ალ-ასირი, გვ. 64—66.

³¹ ივ. ჯავახიშვილი, თხზულებანი..., ტ. III, გვ. 12.

ნის სამხედრო მმართველობას ნორმალური მუშაობის პირობები არასოდეს არ ჰქონია. თბილისის დაპყრობა სრულებითაც არ ნიშნავდა საქართველოს დაპყრობას. საქართველოს სახელმწიფოს ცენტრმა დროებით ქუთაისში გადაინაცვლა.

ჯალალ ედ-დინმა, როგორც კი დაიპყრო თბილისი, თავისი რაზმები საქართველოს სხვადასხვა კუთხეს მიუხია. 1226 წ. ივნისში მან ქერმანიდან³² მიიღო ცნობა მის წინააღმდეგ დაწყებული აჯანყების თაობაზე. სულთანმა თბილისში თავისი ვეზირი შარათ ალ-მულკი დატოვა ქართველების წინააღმდეგ მებრძოლი რაზმების ხელმძღვანელად და თვითონ სასწრაფოდ ქერმანისაკენ გაემგზავრა, მაგრამ აჯანყებულთა წინააღმდეგ ვერაფერი გააწყო და იმავე წლის სექტემბერში კვლავ თბილისში დაბრუნდა³³. თბილისში სულთნის არ ყოფნის დროს (1226 წ. ივნისი — აგვისტო) დამპყრობლები სამშობლოს თავისუფლებისათვის მებრძოლმა ქართველებმა იმდენად შეაევიწროვეს, რომ, როდესაც ნახქევანიდან თბილისში მოვიდა მახარობელი ცნობით სულთნის დაბრუნების თაობაზე, გახარებულმა შარათ ალ-მულკმა მას 4 ათასი დინარი უბოძა³⁴.

ჯალალ ედ-დინის მოსვლისთანავე მისი ლაშქარი ქვეყნის სხვადასხვა მხარეს მოედო და მოსახლეობის ძარცვა-რბევას მიჰყო ხელი³⁵. იმავე წლის სექტემბერში თბილისიდან სულთანმა გაილაშქრა ქალაქების — ანისა და კარის (ყარისის) ასაღებად, მაგრამ საქართველოს ლაშქარმა მედგარი წინააღმდეგობა გაუწია და ვერ შეძლო მათი აღება. ხორეზმელთა სარდალი იძულებული გახდა ამ ქალაქებთან მოალყე ლაშქარი დაეტოვებინა, თვითონ კი ძარცვა-რბევით, სექტემბრის დამლევს თუ ოქტომბრის დასაწყისში, ისევ თბილისში დაბრუნდა³⁶. იბნ ალ-ასირის ცნობით, თბილისიდან ჯალალ ედ-დინი „საშინელი სისწრაფით გაემართა აფხაზთა ქვეყნისაკენ, სადაც თავს აფარებდნენ გაქცეული ქართველები. მიუხტა, დახოცა, დაარბია, ტყვე ქალები იმოვნა და აიკლო და დაწვა ქალაქები... ამის შემდეგ ისევ თბილისს დაუბრუნდა“³⁷. აქ სულთანმა ქალაქის დასაცავად დანიშნა კირ ამალიქი და ტაჯ ად-დინ ალ-ჰასანი, შარათ ალ-მულკი გამოსაზამთრებლად განჯაში გაგზავნა, თვითონ კი ნოემბერში ქ. ხლათის³⁸ დასალაშქრად გაემგზავრა. 1226 წ. ნოემბერ-დეკემბერში ჯალალ

³² ქერმანი — ქალაქი და ისტორიული მხარე ირანის სამხრეთ-აღმოსავლეთ ნაწილში.

³³ ან - ნ ა ს ა ე ვ ი, გვ. 168—170; იბნ ალ - ა ს ი რ ი, გვ. 67.

³⁴ ან - ნ ა ს ა ე ვ ი, გვ. 171.

³⁵ იქვე.

³⁶ იბნ ალ - ა ს ი რ ი, გვ. 67—68.

³⁷ იქვე, გვ. 68.

³⁸ ხლათი, ახლათი, ხილათი, ხელათი — ქალაქი ვანის ტბის ჩრდილო-დასავლეთ სანაპიროზე, ისტორიულ სომხეთში, და ამავე სახელწოდების ოლქი, შამადიანიური საამიროს ცენტრი. ხლათის საამიროს მფლობელი შაჰ არმენის (სომეხთა მეფის) ტიტულს ატარებდა.

ედ-დინმა სამჯერ მიიტანა იერიში ხლათზე, მაგრამ ქალაქის დამცველთა წინააღმდეგობა ვერ დაძლია და უკან გაბრუნდა³⁹.

ჯალალ ედ-დინისა და მისი ლაშქრის მიერ დატრიალებულმა საყოველთაო აოხრებამ და ხოცვა-ჟლეტამ უკმაყოფილება გამოიწვია მახლობელი აღმოსავლეთის მოსახლეობაში. სულ მალე ეს უკმაყოფილება აღშფოთებასა და სიძულვილში გადაიზარდა. როგორც სამართლიანად წერს ივ. ჭავჭავიძე, „მაჰმადიანთა კი. რომელნიც პირველ ხანებში ძლიერი სულთნის გამოჩენამ გაახარა და ქრისტიან ქართველთა ძლევაჲმოსილების ღირსეულ და მუსლიმანთათვის საამაყო მეტოქედ და პასუხის გამცემად მოეჩვენათ, ზვარაზმელთა შემადრწუნებელი ძალადობისა და მძარცველობის გამო ჯალალ ედ-დინისათვის უნებლიედ უნდა ზურგი შეეკციათ“⁴⁰. ამას ადასტურებს ხლათელთა თავგანწირული ბრძოლა და აჯანყებები აზერბაიჯანში.

ჯალალ ედ-დინის მიერ თბილისის აღებიდან ჯერ ერთი წელიც არ იყო გასული, რომ ქალაქის მუსლიმანური მოსახლეობა ნატრობდა მტარვალის ბატონობისაგან განთავისუფლებას. იბნ ალ-ასირის ცნობით, სულთნის ჭარები ძალიან ცუდად ექცეოდნენ თბილისის მუსლიმანებსაც „და უსამართლოდ სტანჯეს ისინი. ამ უბედურებმა ქართველებს მისწერეს და მოსვლას ეხვეწებოდნენ, ქალაქს გაგიღებთ“⁴¹. ქალაქში არსებულ ასეთ სიტუაციას ადასტურებს ან-ნასავეცი. მისი სიტყვით, როცა სულთანი ხლათში იმყოფებოდა (1226 წ. ნოემბერ-დეკემბერში) რუსუდანის ყოფილი ქმარი, არზრუმის მფლობელის ტოლრილის შვილი მოღის ედ-დინი, რომელიც ხორეზმელების მიერ თბილისის აღების დროს მათ მხარეზე გადავიდა, ქართველებთან გაიქცა და აცნობა, რომ თბილისში ხორეზმელები მცირერიცხოვანი და სუსტნი არიან⁴². ცხადია, რომ ქართველებისთვის ისედაც ცნობილი იქნებოდა ქალაქში მტრის გარნიზონის სისუსტე და ახლა, როცა თვით თბილისელი მაჰმადიანებიც კი დახმარებას აღუთქვამდნენ, დაიწყეს მზადება ქალაქის გათავისუფლებისათვის. შარაფ ალ-მულკი განჯიდან ხლათში მყოფ სულთანს ცნობებს უგზავნიდა, რომ ქართველები შეგროვდნენ და ცდილობდნენ თბილისის დაბრუნებას⁴³. სანამ ეს ცნობები სულთანმდე მიადღწევდა, ქართველებმა ხორეზ-

³⁹ ან-ნასავეცი, გვ. 171. არ დასტურდება დ. გვრიტიშვილის მოსაზრება, თითქოს ჯალალ ედ-დინმა თბილისში ათიოდღე დღე შეისვენა და შემდეგ ხლათისაკენ გაემურა (მ. მეესხია, დ. გვრიტიშვილი, მ. დუმბაძე, ა. სურგულაძე, თბილისის ისტორია, 1958, გვ. 82). სულთანმა „აფხაზთა ქვეყანაში ათი დღე დაყო, მერე კი უცბად დაბრუნდა თბილისში და შეუსვენებლად გაემართა ხლათისაკენ“ (იბნ ალ-ასირი, გვ. 68—69).

⁴⁰ ივ. ჭავჭავიძე, ქართველი ერის ისტორია, ტ. III, 1966, გვ. 67.

⁴¹ იბნ ალ-ასირი, გვ. 70.

⁴² ან-ნასავეცი, გვ. 171, 222.

⁴³ იქვე, გვ. 172.

მელები განდევნეს, ქალაქი აიღეს, ხელთ იგდეს ხორეზმელთა ქონება და დარწმუნებულებმა, რომ ქალაქს ვერ შეინარჩუნებდნენ, გადაწვეს ის და დატოვეს. ეს მოხდა 1226 წლის დამლევს⁴⁴.

ხორეზმელთა ბატონობის დასასრული

1227—1228 წლებში ჯალალ ედ-დინის მდგომარეობა მეტისმეტად გართულდა: ერთი მხრივ, მის წინააღმდეგ გამოდიოდნენ დაპყრობილი ხალხები, მეორე მხრივ, შეტევაზე მოდიოდნენ თათარ-მონღოლები. 1228 წ. 25 აგვისტოს ისპაჰანის მახლობლად მონღოლებისა და ჯალალ ედ-დინის ლაშქრის ბრძოლაში გადამწყვეტ გამარჯვებას ვერც ერთმა მხარემ ვერ მიაღწია⁴⁵. ამის შემდეგ სულთანის თავრიზში ჩავიდა და დაიწყო მზადება საქართველოში ლაშქრობისათვის⁴⁶. ამ დროისათვის საქართველოს, რუმის, შამის, ხლათის და სხვა ქვეყნების ხელისუფალნი შეთანხმდნენ, რომ ერთობლივი ბრძოლით ბოლო მოეღოთ საძულველი სულთნის ბატონობისათვის⁴⁷. რუსუდანის ბრძანებით, შეიკრიბა იმიერ და ამიერ საქართველოს ლაშქარი, მოიშველიეს ოსები, დურძუქები⁴⁸ და „ყოველნი მთიულნი“ და დადგნენ ნაქარმაგვეს⁴⁹. აქედან საქართველოს ლაშქარმა თბილისი გაიარა და მტრის შესახვედრად გაემართა. ჯალალ ედ-დინმა დაასწრო მოკავშირეებს და ქართველები აიძულა ისეთ დროს მიეღოთ ბრძოლა, როცა მოკავშირეთა ლაშქარი ჯერ კიდევ არ იყო მოსული. 1228 წ. ბოლნისთან ბრძოლაში⁵⁰ ქართველები დამარცხდნენ. როგორც

⁴⁴ ზოგიერთი წყაროს მიხედვით, ეს ფაქტი 1227 წ. თარიღდება. ჩვენ უპირატესობას ვაძლევთ აღნიშნული მოვლენის თანამედროვის ან-ნასაივის ცნობას — 1226 წ. დამლევს (ან-ნასაივი, გვ. 172—173).

⁴⁵ ან-ნასაივი, გვ. 185; რაშიდ ად-დინის ამ ბრძოლის თარიღად დასახელებული აქვს 624 წ. რამადანი, ე. ი. 1227 წ. 15.VIII—13.XI (Рашид ад-Дин, Сборник Летописей, т. I, кн. 2, М., 1952, с. 243—244).

⁴⁶ რაშიდ ად-დინს აქ ნათქვამი აქვს, რომ ჯალალ ედ-დინი საქართველოში ლაშქრობის საშუალის შეუდგა ჰიჯრის 624 წლის რამადანის თვის შემდეგ (იქვე, გვ. 244), II ტომში კი ამ მოვლენის თარიღად დასახელებულია ჰიჯრის 615 წელი, ე. ი. 1218—1219, რაც აშკარა შეცდომაა.

⁴⁷ ქუეინი, გვ. 35—38; რაშიდ ად-დინი, დასახ. ნაშრომი, ტ. II, 1960, გვ. 27—28.

⁴⁸ დურძუქები — ძურძუქები — ჩრდ. კავკასიური ტომები, თანამედროვე ვეინახთა წინაპრების საერთო სახელი (ჩანეთ-ინგუშეთის ავტონომიურ რესპუბლიკაში).

⁴⁹ ქართლის ცხოვრება, II, გვ. 182—183.

⁵⁰ ჩვენს ისტორიოგრაფიაში ბოლნისთან ბრძოლის თარიღად მიღებულია 1227/1228 წწ. მიჯნა (ივ. ჯავახიშვილი, ქართველი ერის ისტორია, III, 1941, გვ. 15; ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, 1946, გვ. 236). ნ. ბერძენიშვილს ბრძოლის თარიღად დასახელებული აქვს 1228 წ. დასაწყისი (საქართველოს ისტორია, I, 1958, გვ. 222); იხ. რ. კიკნაძე, ხორეზმელები საქართველოში (საქართველოს ისტ. ნარკვევები, ტ. III, გვ. 544); ე. გუჩუა, ბოლნისის ბრძოლა (ქსე, ტ. II, გვ. 452).

ჩანს, საქართველოს ლაშქარმა ამ ბრძოლის წინ, ბოლნისის მიმართულებით მოძრაობის დროს, თბილისიდან განდევნა ხორეზმელთა გარნიზონი და ქალაქი გაათავისუფლა, მაგრამ ისევ ცოტა ხნით, როგორც პირველი გაათავისუფლების (1226 წ.) დროს. ქამთააღმწერლის ცნობით, ბოლნისთან ბრძოლის შემდეგ სულთანი „კუჟალად მივიდა ტფილისად“⁵¹. აქედან ჭალალ ედ-დინმა კვლავ ხლათის ასაღებად გაილაშქრა, დიდი ხნის ალყის შემდეგ სულთანმა მოახერხა ხლათის აღება 1229 წ. დამდეგს, მაგრამ ეს მისი უკანასკნელი გამარჯვება იყო. მონღოლებისაგან დევნილი ჭალალ ედ-დინი 1231 წლის 17 აგვისტოს დიარბექირის მიდამოებში (ახლ. თურქეთში) მოკლეს. შვებით ამოისუნთქეს სულთნის ველური სისასტიკით სულმეხუთულმა ხალხებმა, მაგრამ ცოტა ხნით. სულ მალე ისინი სულთამეხუთავი მონღოლი ყაენების ბატონობის ქვეშ მოექცნენ.

ხორეზმელებმა დიდი ზიანი მიაყენეს საქართველოს, მაგრამ მისი დაპყრობა ვერ შეძლეს — საქართველოს სამეფოს აღმოსავლეთ ნაწილშიც კი მათ სრულ ბატონობას ვერ მიაღწიეს. ყველაზე უფრო თბილისი დაზარალდა — მოიშალა ქალაქის ეკონომიკური და კულტურული აღმავლობის ბაზისი, შეიცვალა ქალაქის მოსახლეობის შემადგენლობა და საგრძნობლად იმატა მუსლიმანთა თუ გამუსლიმანებულთა რაოდენობამ.

**ბრძოლა გიგნოლი დამპყრობლების
წინააღმდეგ XIII საუკუნის
პირველ ნახევარში**

**საქართველოს დაპყრობა
მონღოლების მიერ**

ჭალალ ედ-დინს მის მიერ ნაძალადევად შექმნილი სახელმწიფოც თან გადაჰყვა. საქართველოს სამეფო კარი ქუთაისიდან თბილისში გადმოვიდა.

1235 წელს ჩორმალანის მეთაურობით მონღოლები ამიერკავკასიის ქვეყნებს მოადგნენ⁵². მონღოლთა სამხედრო მეთაურებმა (ნოინებმა) ამიერკავკასიის ქალაქები და ოლქები წინასწარ გაინაწილეს და 1236 წ.

⁵¹ ქართლის ცხოვრება, II, გვ. 183; ივ. ჯავახიშვილს ან-ნასავეზე მითითებით აღნიშნული აქვს, რომ ამ დროს სულთანი თბილისში არ უნდა მოსულიყო (ქართველი ერის ისტორია, III, 1966, გვ. 73), მაგრამ ცხადია, რომ ქალაქში კვლავ ჩაღვა ხორეზმელთა გარნიზონი.

⁵² არ არის სწორი, თითქოს მონღოლები საქართველოში XIII საუკუნის 20-იანი წლების შემდეგ უბავე საუკუნის „40-იან წლებამდე აღარ გამოჩენილან“. — შ. მესხია და სხვ. დასახ. ნაშრომი, 1958, გვ. 85.

ყველა მიმართულებით ერთდროული შეტევა დაიწყო. საქართველოს სახელმწიფო მოღვაწენი ვერ აღმოჩნდნენ საჭირო სიმაღლეზე და საშიშ დამპყრობლებს ორგანიზებული წინააღმდეგობა ვერ გაუწიეს. მონღოლების მოახლოებისთანავე სამეფო კარი ისევ ქუთაისში გადავიდა. მეფემ თბილისის დაცვა სარდალ მუხას ძეს დაავალა და უბრძანა, როგორც კი მტერი დმანისამდე მოვიდოდა, გადაეწევა ქალაქი, რომ მონღოლებს მისი დასაყრდენად გამოყენება არ შეძლებოდათ⁵³: სამეფოს ამირსპასალარი (მთავარსარდალი) ავაგი (ივანე ამირსპასალარის ძე) თავის ციხესიმაგრეში, კაენში (სომხეთში) ჩაიკეტა, სხვა უმაღლესი მოხელენი აქეთიქით გაიფანტნენ და მხოლოდ საკუთარი თავისა და ქონების გადაარჩენისათვის ზრუნავდნენ: „ძლიერნი ერისთავთა ერისთავნი და ვაზირნი განდგეს ურთიერთას, თავთა მათთა შემწყობელნი, რამეთუ მეფე რუსუდან ყოვლადვე დამკვდრდა ლიხთ იქით და ვერცა ლიხთ-აქეთ გარდამოვიდის და ვერცა ამიერნი ვაზირნი მის წინაშე მივიდიან... გარნა ლტოლვილნი და ესრეთ ურთიერთას შეუზრახებელ იყვნეს და შეუთქმელ“⁵⁴.

შექმნილი ვითარების გამო ხელმძღვანელობის გარეშე დარჩენილი ხალხი მთებსა და ციხესიმაგრეებში გაიხიზნა. ამან გაუადვილა მონღოლებს ქვეყნის დაპყრობა, ლორეს ალებისა და განადგურების შემდეგ მათ დმანისი (ახლ. დმანისის რაიონის ცენტრი) აიღეს. ამ დროს მუხას ძეს თბილისი უნდა გადაეწევა. დმანისის შემდეგ მტერმა სამშვილდე (ახლ. თეთრიწყაროს რაიონი) აიღო, შემდეგ კი თბილისში შევიდა, გაძარცვა ქალაქი და დარჩენილი მოსახლეობა ან გაჟლიტა, ან ტყვედ ჩაიგდო⁵⁵. აქედან დამპყრობლები აღმ. საქართველოს მოედნენ. წინააღმდეგობის გამწვევი არაეინ იყო. ქვეყნის მესვეურთაგან მტერს პირველი დანებდა კაენში გამაგრებული ავაგ ამირსპასალარი, მხარგრძელი. მონღოლებმა მას თავისი საგამგეო ქვეყანა დაუბრუნეს. მალე ავაგს სხვებმაც მიბაძეს და მისი შუამდგომლობით მტერს მორჩილება განუცხადეს. ერთადერთი, რომელიც არ დამორჩილდა მტერს, იყო სამცხის მთავარი, სამეფოს მეკურკლეთუხუცესი ივანე ციხისჯვარელ-ჯაყელი. ამის გამო მონღოლებმა განსაკუთრებული სისასტიკით აიკლეს მესხეთი, ბოლოს, რუსუდანის დასტურის მიღების შემდეგ, მანაც შეწყვიტა ბრძოლა. ამით დასრულდა მონღოლების მიერ აღმოსავლეთ საქართველოს დაპყრობა. დასავლეთ საქართველოში გადასვლა მათ ვერ შეძლეს⁵⁶.

1236 წლისათვის აღმოსავლეთ საქართველო მონღოლებს ფაქტობრივად უკვე დაპყრობილი ჰქონდათ, მაგრამ მეფის ხელისუფლება არ ცნობდა ამ ფაქტს და დამხმარე ძალების მოშველებით ცდილობდა მტრის

⁵³ ქართლის ცხოვრება, II, გვ. 187.

⁵⁴ იქვე, გვ. 188—189.

⁵⁵ კ ი რ ა კ ო ს გ ა ნ ძ ა კ ე ც ი, დასახ. ნაშრომი, გვ. 162—163.

⁵⁶ ქართლის ცხოვრება, II, გვ. 189—191.

განდევნას. 1238/39 წწ. რუსუდანმა რომის პაპს მიმართა დახმარებისათვის, მაგრამ უშედეგოდ. რაკი საკუთარი ძალებით დამპყრობლების განდევნა შეუძლებელი იყო, სამეფო კარმა გადაწყვიტა დაზავებოლა მონღოლებს. ზავი დაიდო 1242—1243 წწ. რუსუდანი შეილით დავითით და სამეფო კარით თბილისში გადავიდა, მაგრამ ახლა ეს სამეფო მონღოლთა ყაენებზე დამოკიდებული ვასალური სახელმწიფო იყო, რომელიც ყოველწლიურ ხარკს უხდიდა მონღოლებს და ვალდებული იყო მონაწილეობა მიეღო მათ ლაშქრობებში. ასე დამყარდა მონღოლთა ასწლიანი ბატონობა საქართველოში.

ამრიგად, 17 წლის მანძილზე (1226—1243 წწ.) თბილისი საგრძნობლად დაზარალდა — მონღოლებმა და ხორეზმელებმა ქალაქისა და მოსახლეობის ქონება დაიტაცეს, მოსახლეობა დიდი რაოდენობით გაეკლიტეს და დაატყვევეს. ჩვეულებისამებრ მათ თბილისიდან ბევრი სხვადასხვა დარგის ხელოსანი წაიყვანეს მონღოლეთში.

რუსუდანის გარდაცვალების (1245 წ.) შემდეგ მონღოლთა ყაენმა საქართველოს მეფეებად ერთდროულად დამტკიცა დავით ლაშა გიორგის ძე (ულუ-დავითი) და დავით რუსუდანის ძე (ნარინ-დავითი). უფროს მეფედ ულუ-დავითი (დავით VII) ითვლებოდა. 1248 წ. ორივე მეფე მონღოლეთიდან თბილისში დაბრუნდა.

XIII ს. 40-იან წლებში ქართველებმა ორჯერ მოაწყვეს შეთქმულება მონღოლთა წინააღმდეგ აჯანყების მოწყობის მიზნით. პირველი შეთქმულება მოეწყო კობტასთაეში (ჯავახეთი), რომელიც დასაწყისშივე ცნობილი გახდა მტრისათვის და ჩაიშალა. შეთქმულების მეთაურები მოხერხებული ტაქტით და ცოტნე დადიანის გმირული მოქმედებით გადაურჩნენ სიკვდილით დასჯას⁵⁷. აჯანყების მოწყობის მეორე ცდას ადგილი ჰქონდა თბილისში 1249 წ. აჯანყების მზადებას სათავეში ედგა დავით VII. მონღოლებმა შინაგამცემლობის წყალობით შეიპყრეს შეთქმულნი, ხელფეხი შეუკრეს და სამი დღის განმავლობაში ტანჯავდნენ, მაგრამ ბრალდება ვერ დაუმტკიცეს, დიდი გამოსასყიდი თანხა გადაახდევინეს და გაათავისუფლეს. მონღოლთა ნონებმა ეს ფაქტი საბაბად გამოიყენეს, ქვეყნის სხვადასხვა კუთხეს დამრბევი რაზმები გაუსიეს, დაიტაცეს ხალხის ქონება, ბევრი მოკლეს და ბევრიც ტყვედ წაიყვანეს⁵⁸.

⁵⁷ ქართლის ცხოვრება, II, გვ. 215—217.

⁵⁸ კ ი რ ა კ ო ს გ ა ნ ძ ა კ ე ტ ი, დასახ. ნაშრომი, გვ. 196—198; Всеобщая история Византии Великого, М., 1861, с. 181; აკანელი გრიგოლ, მოისართა ტომის ისტორია, ნ. შოშიაშვილის გამოც., 1961, გვ. 29—30; ნ. შოშიაშვილის აზრით, კობტასთაეისა და თბილისის შეთქმულებებში ივულისხმება ერთი და იგივე შეთქმულება, „რამდენადმე სხვადასხვანაირად გადმოცემული ქართულ და სომხურ წყაროებში“ (გვ. 122), მაგრამ ეს არ უნდა იყოს სწორი. სხვა მკვლევარები აღიარებენ 1249 წ. შეთქმულების ფაქტს (ივ. ჯავახიშვილი, ნ. ბერძენიშვილი, ვ. ღონღუა, დ. გვრიტიშვილი, ბ. ლომინაძე და სხვ.).

მონღოლთა ბატონობა. საქართველოს მნიშვნელოვან ქალაქებსა და ციხესიმაგრეებში მათი გარნიზონების დგომა ამწვავებდა ქვეყნის შიგნით პოლიტიკურ ვითარებას, აღვივებდა შინაფეოდალურ შურსა და მტრობას. ამ მხრივ განსაკუთრებით დაძაბული ვითარება იქმნებოდა მეფეების მონღოლთა ლაშქრობებში ყოფნის დროს.

50-იანი წლების დასაწყისში მეფე დავით VII, ულუ, ბათო ყაენმა დაიბარა ურდოში. მეფემ თბილისში თავის მოადგილედ დატოვა მეუღლე, მონღოლი ბატონიშვილი ჭიგდახათუნი და მესტუმრე ჭიქური. ჭიქური უნარიანი, ენერგიული და ჭკვიანი მმართველი გამოდგა, ზრუნავდა ღარიბ-ღატაკთა მდგომარეობის გაუმჯობესებისათვის, ებრძოდა ავაზაკებს, ზრუნავდა ქვეყნის ეკონომიკურ აღმავლობაზე. დიდმა ფეოდალებმა იუკადრისეს წერილი ფეოდალისა და დაბალი მოხელის აღზევება. ზოგი მათგანი ცენტრალურ ხელისუფლებას განუდგა და დამოუკიდებლობის მოპოვება სცადა. ასეთი იყო კახეთის მმართველი თორღვა პანკელი, რომელიც მეფის ურდოდან დაბრუნებისთანავე სიკვდილით დასაჯეს. ასეთივე ბედი ეწია ჭიქურსაც: როცა ჭიგდახათუნი გარდაიცვალა, ჭიქურის წინააღმდეგ ინტრიგების ქსელი დაიხლართა და მალემრწმენმა მეფემ დიდებულთა დასმენის საფუძველზე ჭიქური განუკითხავად და გამოძიების გარეშე თბილისის სასახლის კარიდან მტკვარში გადააგდებინა. ფეოდალური შუღლისა და ინტრიგების მსხვერპლი, უდანაშაულო ჭიქური თბილისის ღარიბებმა დაკრძალეს⁵⁹.

1254 წ. მონღოლებმა თავიანთ სამფლობელოებში საყოველთაო აღწერა ჩაატარეს. აღწერის მიზანი იყო გადასახადების დაწესება და ომში გამავალი ლაშქრის რაოდენობის დაზუსტება. აღწერეს საქართველოც. აღწერა ისეთი თვითნებობით წარმოებდა, რომ ეამთაღმწერლის სიტყვით „დიდსა კირსა მიეცნეს ყოველნი მკვდრნი სამეფოსა დავითისნი, და იწყეს აღწერად კაცთაგან და პირუტყუთამდე, ყანით ვენაკამდე; წალკოტით ბოსტნამდე“⁶⁰. დამპყრობლებმა ყველა და ყველაფერი დაბეგრეს. საქართველოში 14 სხვადასხვა სახის გადასახადი იყო დაწესებული⁶¹. ვაჭრებსა და ხელოსნებზე დადებულ გადასახადს ტამლა ეწოდებოდა. ის შეადგენდა თბილისში გაყიდული საქონლის 3 პროცენტს. გადასახადების აკრეფას ძარცვა-გლეჯის ხასიათი ჰქონდა. ამასთან საქართვე-

⁵⁹ ქართლის ცხოვრება, II, გვ. 229—231. *

⁶⁰ იქვე, გვ. 235.

⁶¹ ბ. ლ. მ. ი. ა. ძ. ე. მონღოლთა ბატონობა საქართველოში და ბრძოლა მის წინააღმდეგ. — წიგნში: „საქართველოს ისტორიის ნარკვევები“, ტ. III, 1973, გვ. 560.

ლოს სამხედროვალდებულები მოსახლეობა ყოველწლიურად მონღოლთა განუწყვეტელ ლაშქრობებში მიდიოდა და ქვეყნის ეკონომიკა ჩანაგდებოდა.

1256 წლამდე საქართველო ოქროს ურდოს შემადგენლობაში შედიოდა, ამ დროიდან კი — ჰულაგუიდების (ანუ ილხანთა) სახელმწიფოში, რომელიც მონღოლთა ფეოდალური იმპერიის დაშლის შედეგად ჩამოყალიბდა ახლო და შუა აღმოსავლეთში. ამ სახელმწიფოს დამაარსებელი იყო ჩინგიზ ხანის შვილიშვილი ჰულაგუ. ჰულაგუ ყაენის დროს (1256—1265 წწ.) შემოიღეს ახალი გადასახადები, გაადიდეს ბაჟები, გადიდდა მოსახლეობის შრომითი ბეგარა. ამის შედეგი იყო საერთო უკმაყოფილების ზრდა, რომელიც ზოგჯერ აჯანყებებში გადაიზრდებოდა ხოლმე.

აჯანყებანი მონღოლთა წინააღმდეგ XIII ს. 50—60-იან წლებში

ჰულაგუიდების ბატონობის პერიოდშიც ვასალური საქართველოს სახელმწიფოს დედაქალაქი თბილისი იყო. 1259 წ. საქართველოში მონღოლთა ბატონობის წინააღმდეგ მოწყობილი აჯანყება აქ მომზადდა. აჯანყების მიზეზი მონღოლური გადასახადებისა და მონღოლთა განუწყვეტელ ლაშქრობებში მონაწილეობის სიმძიმე იყო. აჯანყებას დავით VI-ნარინი მეთაურობდა. ჰულაგუმ, როგორც კი მიიღო აჯანყების დაწყების ცნობა, საქართველოში მონღოლებისა და მუსლიმანთა დიდი ლაშქარი გამოგზავნა. ამ ლაშქარმა, რომელსაც არღუნ ნოინი მეთაურობდა, ვერ შეძლო აჯანყების ჩაქრობა და 1259 წლის სექტემბერში თავრიზში ყაენთან დაბრუნდა ახალი ჯარის სათხოვნელად. ჰულაგუს ბრძანებით, ერაყისა და საქართველოს დამორჩილებული ნაწილის ჯარები არღუნს ჩააბარეს. როცა მონღოლთა სარდალი ხელმეორედ მოვიდა თბილისში, დავით VII-ც აჯანყებული დახვდა⁶². ამავე დროს დავით VI-მ მონღოლთა დიდძალი ჯარის წინააღმდეგ ბრძოლა შეუძლებლად ჩათვალა და დასავლეთ საქართველოში გადავიდა. როგორც ვხედავთ, მეფეთა შორის კავშირი არ იყო და აჯანყებულთა ორი ლაშქარი ცალ-ცალკე მოქმედებდა.

დავით VII-ისა და მისი ლაშქრის წინააღმდეგ მონღოლებთან ერთად მათ ლაშქარში იძულებით მყოფი ქართველებიც იბრძოდნენ. 1260 წ. ახალდაბასთან (ახლ. ბორჯომის რაიონში) მონღოლების წინააღმდეგ ბრძოლაში დავით VII და სამცხის სპასალარი სარგის ჯაყელი დამარცხ-

⁶² ქუვეინი, გვ. 51.

დნენ, მაგრამ მონღოლებმაც დიდი ზარალი ნახეს. არღუნმა 1261 წ. ახალი ლაშქრობა მოაწყო სამცხეში. მაგრამ საბოლოო მიზანს ვერც ამ ლაშქრობით მიაღწია. დავით VII-მ და სარგის ჯაყელმა, დარწმუნებულებმა, რომ მხოლოდ საკუთარი ძალებით გამარჯვებას ვერ მიაღწევდნენ, ბრძოლა შეწყვიტეს. დავით VII დასავლეთ საქართველოში გადავიდა დავით VI-თან⁶³. აქ ქართველი დიდებულები ორ ჯგუფად გაიყვნენ — ერთნი დავით VI-ის მეფობის მომხრენი იყვნენ, მეორენი — დავით VII-ისა.

მონღოლებმა თბილისში ქალაქისა და აღმოსავლეთ საქართველოს საქმეთა მეთვალყურედ დასვეს „შადინი ვინმე სომეხი“, რომელსაც, ჟამთააღმწერლის სიტყვით, მეფობასაც ჰპირდებოდნენ⁶⁴. ასეთ პირობებში დავით VII იძულებული გახდა დაზავებოდა მონღოლებს და თბილისში დაბრუნდა. ამრიგად, 1260—1262 წლებში საქართველოს ერთიანი ფეოდალური მონარქია ფაქტობრივად ორ ნაწილად გაიყო — დასავლეთ საქართველოში დავით VI მეფობდა, აღმოსავლეთში კი დავით VII.

XIII საუკუნის 60-იან წლებში გამწვავდა ურთიერთობა ოქროს ურდოსა და ილხანების სახელმწიფოს შორის. მათ შორის ბრძოლას ათასობით ქართველი ვაჟაკი შეეწირა. ჰულაგუმ ოქროს ურდოს შემოსევათაგან თავდაცვის მიზნით შირვანში სიმაგრეები (მონღოლურად სიბა) ააგო, სადაც ყოველწლიურად სხვებთან ერთად საქართველოს ლაშქარიც იდგა. 1265 წ. ოქროს ურდოს ხანმა ბერქამ დიდძალი ჯარით მოაოხრა შირვანი, ჰერეთი, კახეთი და თბილისამდე მოვიდა. ამ ლაშქრობის დროს აღმოსავლეთ საქართველოს მკიდროდ დასახლებული ბევრი რაიონი ისე გაოხრდა, რომ საუკუნეების მანძილზე ვერ აღდგა და სამუდამოდ გაპარტახდა.

1266 წელს ორად გაყოფილ საქართველოს მესამე ნაწილიც გამოეყო. დავით VII-სა და სარგის ჯაყელს შორის მსხვილ ფეოდალთა ერთმა ნაწილმა უთანხმოება ჩამოაგდო — მეფე დაარწმუნეს, რომ სარგისი განდგომას აპირებდა და, როცა ჯაყელი მეფის მოთხოვნით თბილისში ჩამოვიდა, რომ აქედან თავისი ლაშქრით სიბაზე წასულიყო, დავითმა ის დაატყვევა. აბალა ყაენმა მეფეს მოსთხოვა სარგისის გათავისუფლება და მასთან გაგზავნა, რაზედაც მეფე იძულებით დაეთანხმა. სარგისის თხოვნით, მისი ვრცელი სამფლობელო ყაენმა უშუალოდ თავის საყაენოს დაუმორჩილა⁶⁵, ე. ი. ხასინჯუდ აქცია. ეს იმას ნიშნავდა, რომ ამიერიდან

⁶³ ქართლის ცხოვრება, II, გვ. 238—242; კირაკოს განძაკეცი, დასახ. ნაშრომი, გვ. 234.

⁶⁴ ქართლის ცხოვრება, II, გვ. 244.

⁶⁵ იქვე, გვ. 255.

სამხრეთ საქართველოზე ქართველი მეფის უშუალო გამგებლობა არ ვრცელდებოდა. ამრიგად, საქართველო სამ პოლიტიკურ ერთეულად დაიშალა.

XIII ს. 70 — 80-იან წლებში საქართველოს ლაშქარი მონღოლთა მუდმივ ლაშქრობებში იყო სირიაში, ეგვიპტესა და სხვებთან. ამ ბრძოლებში უამრავი ქართველი და სომეხი, მათ შორის ბევრი თბილისელი გაწყდა. ქართველები ეწირებოდნენ ილხანების სახელმწიფოში ფეოდალთა სხვადასხვა დაჯგუფებებს შორის ამტყდარ ბრძოლებს. ამ ბრძოლას შეეწირა მეფე დემეტრე II-ც (1271—1289 წწ.).

• 1288 წ. ილხანთა სახელმწიფოში არღუნ ყაენის (1284.—1291 წწ.) წინააღმდეგ შეთქმულება გამოძეგლდა, რომელსაც მეთაურობდა პირველი ვახირი ბულა. ბულა და მათი მომხრეები და ნათესავები სიკვდილით დასაჯეს. ბულასთან მკიდრო კავშირში იყო დემეტრე II, ისინი მოყვრებიც იყვნენ — ბულას შვილს ცოლად ჰყავდა დემეტრეს ასული რუსუდანი⁶⁶. დემეტრე ყაენთან დაიბარეს, ყველამ იცოდა, რომ ყაენთან წასვლა სიკვდილით დასჯას ნიშნავდა, ამიტომ სამეფო დარბაზში (ფეოდალთა სათათბირომ) მეფეს ურჩია არ შეესრულებინა ყაენის მოთხოვნა და მთებში გახიზნულიყო. დემეტრემ არ მიიღო ეს წინადადება, რადგან ამას მოჰყვებოდა მონღოლთა შემოსევა და ხალხის ხოცვა-ჟლეტა. დარბაზის წევრებს დემეტრემ განუცხადა: „რა სარგებელ არს ცხოვრება ჩემი, უკეთუ ჩემთვის მრავალი სული მოკუდეს და მე ტვრთ-მძიმე ცოდვითა განვიდე სოფლისა ამასგან. აწ მნებაეს, რათა წარვიდე ყაენს წინაშე, და იყოს ნება ღმრთისა: უკეთუ მე მოჰკლან, ვგონებ, რომე ქუეყანა უვნებლად დარჩეს“⁶⁷... დარბაზის წევრებმა კვლავ ურჩიეს მეფენ მთიულეთში გამაგრება, მაგრამ დემეტრე მტკიცედ იდგა თავის გადაწყვეტილებაზე: „თქუნენ ერთგულებისა და სიყვარულისა ჩემისათვის იტყვით, გარნა მეწყალვის უბრალო ერი, ვითარცა ცხოვარნი კლვად უღონო არიან და არა-სადა აქუნ ნუგეშინისცემა. მე დავსდებ სულსა ჩემსა ერისათვის ჩემისა, და არ დავიშლი ურდოს წასვლასა“⁶⁸.

1289 წ. 12 მარტს არღუნ ყაენის ბრძანებით დემეტრე II-ს თავი მოკვეთეს. მადლიერმა ხალხმა წამებულ მეფეს „თავდადებული“ შეარქვა.

XIII საუკუნის 90-იან წლებში პოლიტიკური ვითარება საქართველოში უკიდურესად დაიძაბა. ყაზან ყაენი (1295—1304 წწ.) არ ენდობოდა საქართველოს მეფე დავით VIII-ს (1293—1311 წწ.) და ის თავისთან

⁶⁶ ქართლის ცხოვრება, II. გვ. 281.

⁶⁷ იქვე, გვ. 287—288.

⁶⁸ იქვე, გვ. 288.

დაიბარა. დავითმა 1297 წ. თბილისი დატოვა, მთიულეთში გამაგრდა და კავშირი გააბა ოქროს ურდოს ყაენთან. ამ დროიდან საქართველოში მუდმივი ომიანობა იყო დავით VIII-ის მომხრეებსა და მონღოლებს შორის. ქართველთა ერთი ნაწილი მონღოლების მხარეზე იბრძოდა.

1297 წ. დამლევს ყაენმა მეფედ დანიშნა დავით VIII-ის ძმა ვახტანგ⁶⁹. მრავალი ცდის მიუხედავად, ყაენმა დავითთან შერიგებას ვერ მიიღწია — დავითი რამდენჯერმე დათანხმდა შერიგებოდა და ხლებოდა მას, მაგრამ შიშით კვლავ უარს ამბობდა. ბრძოლები გრძელდებოდა. ქართლმა დიდი ზარალი ნახა. „ამათ შფოთთა რა შინა იყო ქუეყანა ქართლისა, არა იყო მათ ეამთა შინა თესვა, და არცა შენება ყოვლადვე... ხუთ წელთა იყო ოკრება... იქმნა პურის მოკლება, რამეთუ ყოვლად არა იპოვებოდა სასყიდლად, არც დიდითა ფასითა. ესოდენ განძხვდა შიმშილი, რომელ მძორსა არაწმიდასა ურიდად ჭამდეს. სავსე იყვნეს უბანნი და ფოლოცნი. გზანი, მინდორნი და ქალაქნი, და სოფელნი მკუდრებითა. ყრმანი მკუდართა დედათა ძუძუთა ლეშქთა სწოვდიან, და უმრავლესი ერი ქართლისა წარვიდა სამცხეს, ქუეყანად ბექასსა, სადა-იგი იპოვებოდა პური სასყიდლად“⁷⁰. ცხადია, შიმშილი ყველაზე უფრო თავს დაატყდებოდა ქალაქებს, განსაკუთრებით თბილისს, უფრო მეტად მის ღარიბ მოსახლეობას, რომელსაც არ გააჩნდა საშუალება სამცხეში წასვლისა და პურის ყიდვისა. ამ დროს გამწვავდა ურთიერთობა ქალაქის შიგნით მდიდარ ფეოდალთა და ვაჭარ-მეფევანთა, ერთი მხრივ, და დაბალ სოციალურ ფენებს შორის, მეორე მხრივ. ბევრი გაწყდა, დარჩენილთაგან ბევრი გლახკთა რიგებს შეემატა.

დავით VIII-ის საქციელი არაფრით იყო გამართლებული. ივ. ჯავახიშვილის სიტყვით: „მხოლოდ თავზებელალებულ კაცს შეეძლო ამ საშინელი გარემოებისათვის ანგარიში არ გაეწია და ასეთი ბრძოლის აუცილებელა შედეგს არ შეეშინებინა... საქართველოში ყველას საშუალება ჰქონდა დარწმუნებულიყო, თუ რაოდენ განსხვავება იყო ხალხისა და ქვეყნის უვნებლად გადარჩენისათვის შზრუნველს დემეტრე II თავადებულსა და მის შვილს დავითს შორის, რომელმაც თავისი თავის გადარჩენას მრავალი უდანაშაულო ხალხის სიცოცხლე ანაცვალა და ქვეყანა მონღოლების გასანადგურებლად აქცია“⁷¹.

⁶⁹ რ ა შ ი ლ ა დ - ღ ი ნ ი, დასახ. ნაშრომი, 1946, გვ. 178. ჩვენს ისტორიოგრაფიაში, მიუხედავად იმისა, რომ ნუმისმატიკური მასალებით დადასტურებული იყო ვახტანგ III-ის გამეფება 1298 წელს (ე. პახომოვი, თ. ლომოური, დ. კაპანაძე და სხვ.), კვლავ ხშირად ვახტანგ III-ის გამეფების თარიღად 1302 წ. ასახელებენ. რაც სწორი არაა. ვახტანგის გამეფება 1297 წ. ნომებერ-დეკემბერში უნდა მომხდარიყო.

⁷⁰ ქართლის ცხოვრება, II, გვ. 309—310.

⁷¹ ივ. ჯავახიშვილი, ქართველი ერის ისტორია, წ. III, 1941, გვ. 135.

XIV საუკუნის დასაწყისში საქართველო ფაქტობრივად ოთხ ნაწილად იყო დაყოფილი: დასავლეთ საქართველო XIII ს. 60-იანი წლებიდან დამოუკიდებელ სამეფოს წარმოადგენდა; საქართველოს გრცელი და მდიდარი მხარე — სამხრეთ საქართველო (შემდეგში — სამცხე-საათაბაგო) უშუალოდ მონღოლებს ემორჩილებოდა, აღმოსავლეთ საქართველოს მთიანეთი თბილისიდან განდევნილ დავით VIII-ს ეპყრა, ხოლო თბილისი და მისი მიდამოები დმანის-სამშვილდითურთ — ვახტანგ III-ს, რომელიც მონღოლთა ვასალი იყო. 1300—1307 წწ. ეგვიპტის, გილანის⁷² და სხვა ლაშქრობებში სამხრეთ და აღმოსავლეთ საქართველოში შეკრებილი ლაშქრის დიდი ნაწილი გაწყდა. მონღოლები იერიშის დროს ქართველებსა და სომხებს წინამებრძოლებად ნიშნავდნენ. უკანდახევის დროს კი — არიერგარდში და ამიტომ ყველაზე მეტი ზარალი მათ მოსდიოდათ.

1304 წ. ყაზან ყაენის გარდაცვალების შემდეგ ილხანთა ტახტზე დასვეს მისი მცირეწლოვანი ძმა ოლჯაითუ (1304—1317 წწ.). ოლჯაითუსა და მისი შვილის აბუ საიდის (1317—1335 წწ.) დროს სახელმწიფოს ფაქტიური გამგებელი დიდი ვეზირი ჩობან ნოინი იყო. ასეთ ვითარებაში 1314 წ. აღმოსავლეთ საქართველოს მეფე გახდა დავით VIII-ისა და ვახტანგ III-ის ძმა გიორგი V, შემდეგში ბრწყინვალედ წოდებული. ილხანთა სახელმწიფოს ძლიერება ამ დროისათვის ძლიერ შეირყა. საქართველოში მონღოლთა ჯარის რაოდენობა 10 ათასს არ აღემატებოდა. მონღოლთა ლაშქარი ის აღარ იყო, რაც დაპყრობების პირველ ხანებში — ის ცენტრალური ხელისუფლების სანდო და დასაყრდენ ძალად ვერ გამოდგებოდა. ეს კარგად იცოდა ჩობანმა და განსაკუთრებულ მნიშვნელობას ანიჭებდა საქართველოს სამხედრო ძალას. ასეთ პირობებში ჩობანსა და გიორგის შორის პოლიტიკური მეგობრობა დამყარდა, რომელიც გიორგიმ მოხერხებული, შექმნილი ვითარების შესაბამისი გონიერული პოლიტიკით კარგად გამოიყენა საქართველოს გაერთიანებისა და დამოუკიდებლობის აღსადგენად. 20—30-იან წლებში გიორგიმ ბოლო მოუღო ოს ფეოდალთა ბატონობას გორსა და მის მიდამოებში, შემდეგ გაწყვიტა ის მთავრები, რომლებიც ადრე მონღოლთა მფარველობით განკერძოებისაკენ მიისწრაფოდნენ. 1329 წ. მან შემოიერთა დასავლეთ საქართველო, 1334 წ. — სამცხე-საათაბაგო. იმავე ხანებში ირანის ილხანთა უკვე დაშლილ სახელმწიფოში მწვავე შინაფეოდალური ბრძოლები დაიწ-

⁷² გილანი — ისტორიული მხარე კასპიის ზღვის სამხრეთ-დასავლეთ სანაპიროზე. 1307 წ. დაიპყრეს მონღოლებმა. XVI ს. დასაწყისიდან ირანის შემადგენლობაშია.

ყო. საქართველოსათვის არაეის ეცალა. ამით ისარგებლა გიორგიმ და 1336—1337 წლებში მონღოლთა საოკუპაციო ჯარი განდევნა საქართველოდან. ამით ფაქტობრივად დაემხო მონღოლთა ასწლიანი ბატონობის უღელი. 30-იანი წლების მეორე ნახევარში კი საქართველო ფორმალურადაც გათავისუფლდა და სუვერენული სახელმწიფო გახდა, გაიზარდა მისი საერთაშორისო მნიშვნელობა. გაიზარდა თბილისის როლიც საერთაშორისო ასპარეზზე. ამას ნათლად მოწმობს რომის პაპის იოანე XXI-ის წერილები გიორგი V-სადმი. პაპის 1328 წ. წერილში ნათქვამია: ... „შემდგომ ბევრის რჩევისა და გამოძიებისა დავრწმუნდით ჩვენ და ჩვენი ძმები კარდინალები, რომ ტფილისი, ქართველთა სამეფოს შუაგული ადგილი, საუკეთესო, მეტად შესანიშნავი, ერთი სავსე, მარჯვე და სიმდიდრით უხვი ქალაქია“⁷³. ამიტომ იყო, რომ პაპმა, კარდინალების საბჭოს მხარდაჭერით, აღმოსავლეთში მისიონერული მოღვაწეობის ცენტრი ქ. სმირნიდან თბილისში გადმოიტანა⁷⁴.

მონღოლთა ბატონობამ დიდი ზიანი მიაყენა საქართველოს, შეაფერხა განვითარებული ფეოდალიზმის ქვეყნის შემდგომი წინსვლა, მაგრამ ვერ მოსპო ქართული ფეოდალური სახელმწიფო.

მწვიდობიანობისა და ეკონომიკური, პოლიტიკური და კულტურული აღმავლობის პერიოდი, რომელიც დაიწყო საქართველოს მონღოლთა ბატონობისაგან გათავისუფლების შემდეგ, ხანმოკლე აღმოჩნდა. XIV საუკუნის 80-იანი წლებიდან საქართველო თემურლენგის გამანადგურებელი შემოსევების ობიექტი გახდა.

შუა აზიაში ამ დროს მონღოლთა ბატონობა ძლიერ შერყეული იყო და ერთიანი ცენტრალური ხელისუფლება არ არსებობდა. ამით ისარგებლა თემურმა და 1370 წლისათვის შექმნა დიდი ფეოდალური სამფლობელო, რომლის ცენტრი ქ. სამარყანდი იყო. აქედან დაიწყო თემურლენგის ფართო დაპყრობითი ომები. მისი მიზანი მსოფლიოზე ბატონობა იყო. ის იყო ენერგიული, ნიჭიერი, მტკიცე ნებისყოფის, მაგრამ უპრინციპო. სასტიკი და დაუნდობელი ადამიანი. თავისი არაადამიანური გულქვაობითა და სასასტიკით მას მსოფლიო ისტორიაში ვერ შეედრება ვერც ერთი დამპყრობელი. ივ. ჯავახიშვილის სიტყვით, „რამდენადაც თემურლენგი იშვიათი ნიჭის მხედართმთავარი იყო, იმდენადვე იგი ბეცი გამოდგა, როგორც ქვეყნის მმართველი და მხეცი იყო თავისი ბუნების თვისებებით... განადგურების მეტი კაცობრიობას თემურლენგისაგან არც უნახავს და არც რამე სხვა შერჩენია“⁷⁵.

⁷³ მ. თამარაშვილი, ისტორია კათოლიკობისა ქართველთა შორის, 1902, გვ. 32. 34. 35.

⁷⁴ იქვე.

⁷⁵ ივ. ჯავახიშვილი, ქართველი ერის ისტორია, წიგნი III, XIII—XIV სს., 1941, გვ. 221—222.

თემურლენგის დაპყრობითი გეგმების განხორციელებას წინაღუდგა ოქროს ურდოს მბრძანებელი თოხთამიშ ხანი. თემურს პირველ რიგში ხელთ უნდა ეგდო ჩრდილოეთ კავკასიის უმთავრესი გადასასვლელი გზები — დერბენდი და დარიალი, ამისთვის კი საჭირო იყო ამიერკავკასიისა და, კერძოდ, საქართველოს დამორჩილება. ეს იყო თემურლენგის საქართველოში მრავალგზისი ლაშქრობის უმთავრესი მიზეზი.

თბილისის აღება თემურლენგის მიერ

1386 წ. თავრიზის აღების შემდეგ თემურლენგი სომხეთში შეიჭრა, განადგურა გარნი და კარი (ყარსი), შემდეგ სამცხე-საათაბაგოში შევიდა და აქედან თბილისისაკენ დაიძრა. გზადაგზა მტრის ლაშქარი ანგრევდა ციხესიმაგრეებს, საცხოვრებელ სახლებს, ხოცავდა და ძარცვავდა მოსახლეობას. ნოემბერში თემურლენგის ლაშქარმა ალყა შემოარტყა თბილისს, სადაც გამაგრებული იყო მეფე ბაგრატ V (1360—1393 წწ.). ქალაქის დამცველები შეუპოვრად იბრძოდნენ მამაცი და გამოჩენილი სარდლის ბაგრატ V-ის მეთაურობით. თუმცა თემურლენგის ლაშქარი რამდენჯერმე აღემატებოდა თბილისის დამცველთა რაოდენობას, მაგრამ დამპყრობელი კარგად ხედავდა, რომ ძლიერ გამაგრებული თბილისის ციხის აღება ძნელი იყო. ამიტომ თემური პირადად ჩაუდგა სათავეში თბილისის აღების საქმეს. ქართველები ქალაქიდან გამოდიოდნენ და გალაუნის გარეთ ებრძოდნენ მტერს. ფარსადან გორგიჯანიძის ცნობით, „სადამდისინ ქალაქის გალაუნანი არ აელოთ, დღეში ორჯერ-სამჯერ ქართველნი გამოვიდიან და წაუშენდიან თურქთა. შეიქმნებოდა ომი და ცემა, მრავალს ნავნებს უზამდეს თურქთა და ისევ ქალაქში შევიდიან“⁷⁶. ერთი ასეთი გამოსვლის დროს „იქმნა იმიერ და ამიერ ბრძოლა ძლიერი და მოისრა ორგნითვე სიმრავლე კაცთა ფრიადი და უფროსად მოსწყდეს სპანი თემურისანი და ვერლარა აღილეს ციხე ტფილისისა“⁷⁷. მაშინ თემურლენგის ბრძანებით, მისმა მეომრებმა რკინის დიდი ჩელტები (ფარები) დაამზადეს, რომ შეტევის დროს უვნებელყოთ თავი ქალაქის დამცველთა ისრებისაგან. ქალაქის ირგვლივ მოხერხებულ ადგილებში თემურის ბრძანებით კედლის სანგრევი მანქანები და მოწყობილობანი განალაგეს. ასეთი მომზადების შემდეგ თემურლენგი თავისი მრავალრიცხოვანი ლაშქრით გადამწყვეტ შეტევაზე გადავიდა და 1386 წლის 21 ნოემბერს აიღო

⁷⁶ ფარსადან გორგიჯანიძე, ისტორია. ს. კაკაბაძის გამოცემა. — „საისტორიო მოამბე“, წიგნი 11. 1925. გვ. 302.

⁷⁷ ქართლის ცხოვრება, 11. 1959. გვ. 328.

თბილისი და მისი ციხე⁷⁸. მტერმა ტყვედ ჩაიგდო ბაგრატ V, მისი მეუღლე ანა და შვილი დავითი⁷⁹.

თბილისის ალების შემდეგ მტრის ლაშქარმა ხელი მიჰყო ქალაქში დარჩენილი მოსახლეობის ხოცვა-ჟლეტას და ძარცვა-რბევას. ამას ერთხმად ადასტურებენ თვით თემურლენგის ისტორიკოსები⁸⁰. ტრაპიზონელი ბერძენი მემატრიანის მიქელ პანარეტოსის სიტყვით, თემურმა „ხელთ იგდო გასაოცარი ქალაქი თბილისი“, ხალხი გაყლიტა მახვილით და განადგურა. „რა ქონება იგდო ხელთ, რა ხატები გაძარცვა და დაწვა, რამდენი თვალი პათიოსანი, მარგალიტი, ოქრო და ვერცხლი წაიღო, არავის შეუძლია აღწეროს“⁸¹. იმდროინდელი სომეხი ისტორიკოსის თომა მეწოფელის სიტყვით, თემურმა თბილისში „ურიცხვი ხალხი დაატყვევა“ და, როგორც ამბობდნენ, მოკლულნი უფრო მეტნი იყვნენ, ვიდრე ცოცხლად დარჩენილები⁸². თემურლენგის მიერ თბილისში დატრიალებული საშინელი ტრაგედია ხალხურ გადმოცემაშიც დარჩა. ამ გადმოცემის მიხედვით, დამპყრობლებმა თემურლენგის ბრძანებით თბილისის კალოუბანში თავი მოუყარეს ბავშვებს და შემდეგ ისინი თავისი ველური ცხენოსანი ჯარით გადათელეს⁸³.

თბილისი 1386—1403 წწ.

თბილისის ალების შემდეგ თემურმა ქალაქის ციხეში თავისი გარნიზონი „შეაყენა“⁸⁴ და თავისი ლაშქარით ყარაბაღში წავიდა დასაზამთრებლად. აქ უნდა მომხდარიყო თემურლენგისა და ბაგრატ V-ის დაზავება. ბაგრატმა გარეგნულად მაჰმადიანობა მიიღო და პირობა მისცა თემურლენგს, რომ მთელს საქართველოს დაუმორჩილებდა. ამ პირობით თემურლენგმა საქართველოს სამეფო ტახტი ისევ ბაგრატ V-ს დაუმტკიცა⁸⁵. ამ დროს გამწვავებული იყო ბრძოლა ოქროს ურდოს მბრძანებელ თოხთამიშ ხანსა და თემურლენგს შორის. არავის შეეძლო წინასწარ განეკვირბა, თუ ვინ ვის დაძლეოდა. ასეთ პირობებში ბაგრატ V აუჯანყდა თემურს და

⁷⁸ მ. პანარეტოსი. — იხ. გეორგიკა, VII, 1967, გვ. 211—212.

⁷⁹ ქართლის ცხოვრება, II, გვ. 328, 450; მ. პანარეტოსი, დასახ. ნაშრომი, გვ. 212.

⁸⁰ ქ. ტაბატაძე, ქართველი ხალხის ბრძოლა უცხოელ დამპყრობთა წინააღმდეგ XIV—XV საუკუნეების მიჯნაზე, 1974, გვ. 67.

⁸¹ მ. პანარეტოსი, დასახ. ნაშრომი, გვ. 212.

⁸² Мецопский Фома. История Темур-Ланга, Баку, 1957, с. 58.

⁸³ П. Иоселиани, Описание древностей города Тифлисса, Тифлис, 1866, с. 81—82.

⁸⁴ ვახუშტი. ქართლის ცხოვრება, IV, 1973, გვ. 270; ქართლის ცხოვრება, II, გვ. 450.

⁸⁵ ქ. ტაბატაძე. დასახ. ნაშრომი, გვ. 73—74.

ქართველებმა გაწყვიტეს მტრის 12-ათასიანი ლაშქარი, რომელიც თემურ-ლენგმა მისცა ბაგრატს ყარაბალიდან საქართველოში წამოსვლის ეამს საქართველოს თემურლენგისადმი დამორჩილების მიზნით. ამას მოჰყვა თემურლენგის მეორე შემოსევა 1387 წ. გაზაფხულზე, როგლის დროსაც მტერმა დაანგრია, დაწვა ეკლესიები და სხვა ნაგებობანი, მოაოხრა ქვეყანა, მაგრამ საქართველო ვერ დაიმორჩილა⁸⁶.

XIV ს. 90-იან წლებში თოხთამიშ ხანსა და თემურლენგს შორის ომი გადამწყვეტ ფაზაში შევიდა. 1394 წ. თემურლენგი ისევ შეესია საქართველოს, ძარცვა-რბევით გაიარა მესხეთიდან არაგვის ხეობაზე, რომ ოქროს ურდოსათვის დარიალის კარი ჩაეკეტა. ქართველებმა მტერს შეუპოვარი წინააღმდეგობა გაუწიეს. ამავე დროს თოხთამიშ ხანი დერბენდის გზით შეიქრა თემურის სამფლობელოში და ეს უკანასკნელი იძულებული გახდა საქართველო დაეტოვებინა. 1395 წ. თემურლენგმა საბოლოოდ დაამარცხა ოქროს ურდო.

ოქროს ურდოზე გადამწყვეტი გამარჯვების შემდეგ თემურლენგმა ჰულაგუიდების ტახტი შეიღს მირან შაჰს დაუმტყიცა. მის სამფლობელოში შედიოდა არაბული და სპარსული ერაცი, აზერბაიჯანი, სომხეთი და საქართველო. ოქროს ურდოზე მოპოვებული გამარჯვების შემდეგ თემურს მახლობელ და შუა აღმოსავლეთში სერიოზული მოწინააღმდეგე აღარავინ ჰყავდა. ასეთ ვითარებაში უალრესად გამწვავდა ქართველი ხალხის ბრძოლა დამოუკიდებლობისათვის: ეს გარემოება შესაფერისი. მოქნილი, ფრთხილი პოლიტიკის გატარებას მოითხოვდა, რომელსაც თავიდან უნდა აეცილებინა მრავალგზის განადგურებული ქვეყნის ხელახალი განადგურება. მაგრამ, სამწუხაროდ, ასე არ მოხდა. 1398 წ. თემურლენგმა შორეულ ინდოეთში ილაშქრა. ამ დროს მეფე გიორგი VII-მ შაჰის მმართველთან ერთად გაილაშქრა ნახჭევანის მახლობლად მდებარე აღინჯის ციხესიმაგრისაკენ, რომელიც 1386 წლიდან ალყაშემორტყმული იყო, მაგრამ ვერ აიღეს იგი. ქართველებმა მოალყეები დაამარცხეს და უკან გამობრუნდნენ. ამას მოჰყვა ინდოეთიდან დაბრუნებული თემურლენგის 100-ათასიანი ლაშქრის შემოსევა საქართველოში 1399 და 1400 წლებში. მტერმა საშინლად გაანადგურა მთელი აღმოსავლეთ საქართველო — აჩეხეს ბალ-ვენახები, თუთისა და კაკლის ხეები; რომ ხალხისათვის ცხოვრების წყარო მოესპოთ. მოსახლეობა ყველგან შეუპოვარ წინააღმდეგობას უწევდა მტერს, მაგრამ ვერას გახდა და მთებსა და ხეობებში გაიხიზნა. 1400 წ. ქვემო ქართლის განადგურების შემდეგ თემურლენგი თბილისისაკენ წავიდა. თბილისის ციხეში ამ დროს გიორგი VII-ის მცირერიც-

⁸⁶ ამ საკითხზე უფრო დაწერილებით იხ. კ. ტ ა ბ ა ტ ა ძ ე, დასახ. ნაშრომი. გვ. 71—86; აგრეთვე, საქართველოს ისტორიის ნარკვევები. ტ. III, გვ. 680—684.

ხოვანი გარნიზონი იდგა. ვიდრე ქალაქს მტერი მიადგებოდა, გიორგი VII-მ საკირო ზომები მიიღო თბილისისა და მისი ციხის დასაცავად. მაგრამ მტრის ბევრად ქარბი ძალების წინააღმდეგ ეს საკმარისი არ აღმოჩნდა და თემურლენგმა „აიღო ციხე და გალავანები ციხისა და გარემო სიმაგრენი ყოველნი ქართლისანი და შეაყენა შიგან სპანი თჳსნი და თჳსად იჳრა. შეაყენნა შიგან კაცნი ხორასნელნი და თვით აღიყარა და წარვიდა და დადგა მუხრანს. და რაოდენნიცა ნახეს სპათა მისთა ეკლესიანი ანუ შენობანი. ყოველნივე მოაოქონეს“⁸⁷.

1399—1400 წლები საქართველოში ყველაზე დიდი რბევისა და ნგრევის წლები იყო. მტრის ჭარმა, „ვითარცა ზღვამან დაფარა ყოველი ესე ქვეყანა“⁸⁸. 1400 წელს თემურლენგის მიერ საქართველოში მოყვანილი ჭარის „სიმრავლისა... არა იყო რიცხვი და მოვლეს ყოველი ქვეყანაჲ და წარტყუნეს და დააქციენეს საყდარნი, მონასტერნი და ეკლესიანი და აღიხუნეს ციხენი და მოსრეს, ტყუე ჰყვეს და მოაოხრეს ყოველი ქვეყანა, დასაეღეთამდის“⁸⁹. ტყვედ წაყვანილთა რიცხვი, თომა მეწოფელის ცნობით, 60 ათასს შეადგენდა⁹⁰. სხვა ცნობებით მოკლულთა რაოდენობა 100 ათასს სჭარბობდა. ხოლო ტყვეთა — უფრო მეტი⁹¹. მიუხედავად გადაჭარბებული ციფრებისა, ცხადია, რომ მაშინ საქართველოში დიდი უბედურება დატრიალებულა. თ. მეწოფელის სიტყვით, „თემურის ჭარებმა ცეცხლსა და მახვილს მისცეს ქართველთა მთელი ქვეყანა, დააქციეს ეკლესიები, წაასხეს ტყვეები და მოიყვანეს ჩვენს ქვეყანაში (ე. ი. სომხეთში) — ტიტველნი და შიშველნი, მშიერ-მწყურვალნი. ყოველ ხუთ ჩალათაელს (ე. ი. თემურის მოლაშქრეს) 20 ტყვე ჰყავდა. მათი უმეტესი ნაწილი გზაში იხოცებოდა. ჩალათაელები ქვებს იღებდნენ და მომაკვდავთ თავს უხეთჳვადნენ... ყოველივე ეს ჩვენ ვიხილეთ ჩვენი თვალებით და ვისმინეთ... ვხედავდიჲ ტყვეებს, შველა კი არ შეგვეძლო და სულ-შეხუთულები ტირილითა და გოდებით მოვერიდეთ და გავეცალეთ მათ“⁹². მეორე სომეხი თვითმხილველი გრიგოლ ხლათაეცი წერს: მტრებმა „აიღეს ბევრი ციხე, მოკლეს მრავალი, თითქმის ყველა მამაკაცი გაწყვიტეს. მათი ცოლები და შვილები კი ურიცხვი და უთვალავი ტყვედ წაასხეს... მათი მხილველნი სიბრალულთ იწვოდნენ, არა მარტო ქრისტიანები, არამედ უცხოელნიც... არც ქალებს ინდობდნენ, არც ბავშვები ებრალებოდათ, არც სნეულთ ზოგავდნენ. არც ქალარას სცემ-

⁸⁷ ქართლის ცხოვრება, II, გვ. 332.

⁸⁸ ძველი ერისთავთა. შ. მესხიას გამოცემა, მსკი, ნაკვ. 30, 1954, გვ. 359.

⁸⁹ ქრონიკები, II, გვ. 204.

⁹⁰ თ. მეწოფელი, დასახ. ნაშრომი, გვ. 67.

⁹¹ სომხურ ხელნაწერთა ანდერძები საქართველოს შესახებ (XIV—XV სს.). 1978,

ა. აბდლაძის გამოცემა (შემდეგში: ჰიშატაქარანები). გვ. 29, 42—43.

⁹² თ. მეწოფელი, დასახ. ნაშრომი, გვ. 67.

დნენ პატივს, ჩვილი ბავშვებიც კი არ ეცოდებოდათ. არამედ უწყალოდ და ქვეითად მიერეკებოდნენ ტიტვლებს, ფეხშიშველებსა და თავმოშვლებს⁹³.

1401 წლის სექტემბერში თემურლენგსა და გიორგი VII-ს შორის დადებული ზავის მიხედვით, საქართველო თემურლენგის ვასალური სახელმწიფო გახდა, რომელიც გადაიხდიდა ყოველწლიურ ხარკს. სიუზერენის მოთხოვნისამებრ გამოიყვანდა დადგენილი რაოდენობის ლაშქარს, ქართველები არ შეაფიწროვებდნენ საქართველოში მუსლიმანურ მოსახლეობას და მუსლიმანურ ქვეყნებში აშკარად არ შეასრულებდნენ ქრისტიანულ ადათ-წესებს⁹⁴. თურქეთთან გამარჯვების (1402 წ.) შემდეგ 1403 წ. ზაფხულში თემურლენგი ისევ შემოიჭრა საქართველოში იმ საბაბით, რომ გიორგი VII არ ასრულებდა ზავის პირობებს. ამ ლაშქრობის დროს მტერი დასაყვამთ საქართველოშიც გადავიდა და ქუთაისამდე მიაღწია. სასტიკსა და შეუპოვარ ბრძოლას მრავალი ხალხი შეეწირა როგორც ერთი, ისე მეორე მხრიდან. მტრის ლაშქარმა გაძარცვა სოფლები, ქალაქები, გაანადგურა ეკლესია-მონასტრები და სხვა ნაგებობანი, მაგრამ ბრძოლის დასასრული არ ჩანდა. თემურლენგის ლაშქარშიც უძმაყოფილებამ იჩინა თავი. ორივე მხარე ზავს ესწრაფოდა. ეს ზავი 1403 წ. დაიდო 1401 წლის ზავის პირობებით⁹⁵. ამრიგად, დამპყრობელმა თავის მიზანს სრულად ვერ მიაღწია — საქართველომ შეინარჩუნა თავისი სახელმწიფოებრიობა, დარჩა ქრისტიანულ ქვეყნად.

1396—1403 წლებში საქართველომ ყველაზე დიდი უბედურება განიცადა. მოსახლეობა ისე შემცირდა, რომ XV—XVI საუკუნეებშიაც მრავალი ადგილი უკაცრიელი იყო. ქვეყნის საწარმოო ძალთა განადგურებას მოჰყვა პოლიტიკური, ეკონომიკური და კულტურული დაქვეითება. როგორც აკად. ივ. ჯავახიშვილი აღნიშნავს, ფრთხილი და მოქნილი პოლიტიკით საქართველოს შეეძლო ნაკლებ დაზარალებული გამოსულიყო. ოქროს ურდოს დამარცხების შემდეგ, როცა თემურლენგს ღირსეული მოწინააღმდეგე არ ჰყავდა, აქტიური საგარეო პოლიტიკა, რომელსაც გიორგი VII ადგა, მიზანშეწონილი არ იყო. თემურლენგის შემოსევებმა ყველაზე მეტად გააპარტახა საქართველო 1399—1400 წლებში. ეს შემოსევა კი მოჰყვა გიორგი VII-ის ლაშქრობას ნახჭევანში ალინჯას ციხის დამცველთა დასახმარებლად. თვით ქართველებმა იცოდნენ, რომ

⁹³ პიმატაკარანები, გვ. 27—28.

⁹⁴ კ. ტ ა ბ ა ტ ა ძ ე , დასახ. ნაშრომი, გვ. 157.

⁹⁵ იქვე, გვ. 209—211; დ. კაციტაძის აზრით, 1401 წ. ზავით საქართველო ვასალური ქვეყანა იყო, 1403 წ. ზავით კი — დაპყრობილი (დ. კ ა ც ი ტ ა ძ ე , საქართველო XIV—XV საუკუნის მიჯნაზე, 1975. გვ. 185—186); მისივე. აბდ არ-რეზაყ საძარყანდის „მთლა ას-სადან ვა მაჰმა ალ-ბაჰრინის ცნობები საქართველოს შესახებ“ („მაცნე“, 1968, №2, გვ. 204).

ასეთი გამოძევები პოლიტიკა იყო დიდი ნგრევის მიზეზი. გიორგი VII გულადი მეომარი იყო. მაგრამ მას აკლდა პოლიტიკური შორსმკვრეტელობა და მიზანშეწონილი საგარეო პოლიტიკის უნარი⁹⁶.

თბილისი XV საუკუნეში

თემურლენგის გარდაცვალების შემდეგ (1405 წ.) მისი უზარმაზარი იმპერია სწრაფად დაიშალა. თემურის მემკვიდრეებს (თემურიანებს) შორის ატეხილი დაუნდობელი ბრძოლებით კარგად ისარგებლეს საქართველოს, შაქისა და შირვანის მმართველებმა და თავისუფლებისათვის მებრძოლ ფართო მასებზე დაყრდნობით დამოუკიდებლობა მოიპოვეს. 1405 წლიდან თბილისმა კვლავ დაიბრუნა დამოუკიდებელი საქართველოს, ფეოდალური სახელმწიფოს დედაქალაქის უფლებები, მაგრამ ქვეყანას სანატრელი მშვიდობიანობა მაინც არ დადგომია.

XV საუკუნის დასაწყისიდან აზერბაიჯანსა და დასავლეთ ირანში გაძლიერება იწყო მომთაბარე თურქმანულ ტომთა კავშირმა — ყარა-ყოინლუმ, ე. ი. შავბატკნიანებმა (მათ დროშაზე შავი ბატკანი იყო გამო-სახული და აქედან წარმოსდგა ეს სახელი). 1407 წ. ყარა-ყოინლუს ტომთა კავშირის მეთაური ყარა იუსუფი საქართველოს შემოესია. მისმა ლაშქარმა ქრისტიანული მოსახლეობა გაძარცვა და ბევრი ამოწყვიტა, თან 15 ათასი ტყვე წაიყვანა⁹⁷. მათთან ბრძოლაში დაიღუპა გიორგი VII.

1410 წ. ყარა იუსუფმა თავის მოწინააღმდეგეებზე გაიმარჯვა და საფუძველი ჩაუყარა ყარა-ყოინლუს სახელმწიფოს, რომელმაც 1468 წლამდე იარსება. მასში შედიოდა აზერბაიჯანი (მდ. მტკვრის სამხრეთით), ერაყი და სომხეთი. 1412 წელს საქართველოს, შაქისა და შირვანის გაერთიანებული ლაშქარი ყარა იუსუფთან ბრძოლაში დამარცხდა. ამ ბრძოლას შეეწირა საქართველოს მეფე კონსტანტინე I.

ალექსანდრე I დიდის მეფობაში (1412—1442 წწ.) საქართველო შედარებით მოსვენებული იყო მტრებისაგან. ამ დროს გაიშალა დიდი აღმშენებლობითი სამუშაოები. ბევრი გაკეთდა დანგრეული თბილისის აღსადგენდაც, ქალაქის მოსახლეობამაც იმატა.

XV საუკუნის 30-იან წლებში ყარა-ყოინლუს სახელმწიფოს წინააღმდეგ გამოვიდა თემურლენგის შვილი შაჰრუჰი, რომელიც შუა აზიისა და ირანის დიდ ნაწილს ფლობდა. 1435 წელს შაჰრუჰისა და შირვანშა-

⁹⁶ ივ. ჯავახიშვილი, ქართველი ერის ისტორია, წიგ. III, 1941, გვ. 223—225; სხვა აზრისაა ამ საკითხზე კ. ტაბატაძე. მისი აზრით, მას შემდეგაც, რაც საქართველო „მარტოდადარტო აღმოჩნდა თემურის მრავალრიცხოვანი ურდოების პირისპირ...“, გიორგი VII-მ თავი გამოიჩინა როგორც გამჭირვებულ სახელმწიფო მოღვაწემ“ (კ. ტაბატაძე, დასახ. ნაშრომი, გვ. 226).

⁹⁷ კრეტიკარანები, გვ. 31—32.

პის ჯარებმა დაამარცხეს ყარა-ყოინლუს ლაშქარი. შაჰრუჰი თავრიზში შევიდა და ყარა-ყოინლუ მისი ვასალური სახელმწიფო გახდა⁹⁸. ამავე წელს, როცა შაჰრუჰმა სომხეთში ილაშქრა, ალექსანდრე I-მა ბრძოლა მიზანშეუწონლად ჩათვალა და მასთან დიდი ძლევით თავისი შვილი დიმიტრი გაგზავნა მშვიდობის სათხოვნელად. შაჰრუჰმა „სინხარულით შეიწყენარა და პატრუსცა ძისაებრ დიმიტრის. შემდგომად ანიკნა ნიკნი დიდ-დიდნი (ე. ი. დიდძალი საჩუქრები მიართვა) და წარმოუვლინა მამასვე მშვიდობით ზავისა მყოფელმან; და თუით შარუხ (შაჰრუჰი) უკუნიქცა და წარვიდა“⁹⁹. როგორც ჩანს, საქართველო თავისი დედაქალაქითურთ 1435—1440 წლებში შაჰრუჰის ვასალური ქვეყანა იყო.

ყარა-ყოინლუს სახელმწიფოს მბრძანებელი ჯეჰან შაჰი (1435—1467 წწ.) ალექსანდრე I-საგან დამორჩილებასა და ხარკის გადახდას მოითხოვდა. მან რამდენჯერმე გაგზავნა თბილისში მოციქულები ასეთი მოთხოვნით, მაგრამ ალექსანდრემ გადაჭრით უარყო იგი¹⁰⁰. ამით გაგულისებულმა ჯეჰან შაჰმა ოციათასიანი ლაშქარი დაძრა საქართველოს წინააღმდეგ და 1440 წლის 27 მარტს, აღდგომა დღეს, მოულოდნელად მიადგა ქ. სამშვილდეს (ამჟამად სოფელი თეთრი წყაროს რაიონში). დიდი ხნის ალყის შემდეგ მტერმა აიღო სამშვილდე და მის კარიბჭესთან ჯეჰან შაჰის ბრძანებით, 1164 მოქრილი თავისაგან მინარეთი ააგო. დატყვევებულთა რიცხვი ათი ათასს აღწევდა¹⁰¹.

სამშვილდედან მტერი ქ. თბილისს მიადგა, შევიდა ქალაქში და ხელი მიჰყო ნერვეასა და ძარცვას, ძირფესვიანად დაანგრია თითქმის ყველა ეკლესია და შემდეგ ქალაქს ცეცხლი წაუყიდა. ჯეჰან შაჰმა მოსახლეობას დიდი გადასახადები დაადო იმ ანგარიშით, რომ ისინი ვერ შეძლებდნენ გადახდას და იძულებული გახდებოდნენ მიეღოთ მუსლიმანობა¹⁰².

როგორც ირკვევა, თბილისის ალების შემდეგ საქართველო ყარა-ყოინლუს სახელმწიფოს მოხარკე გახდა. ეს აზრი ემყარება ყარა-ყოინლუს სახელმწიფოს გაძლიერების ფაქტს .XV საუკუნის 40—50-იან წლებში: შაჰრუჰის გარდაცვალების (1447 წ.) შემდეგ ჯეჰან შაჰმა დაიპყრო სპარსეთის ერაყი, ფარსი, ე. ი. მთელი დასავლეთი ირანი (1453 წ.), შემდეგ კი აღმოსავლეთ ირანის ნაწილიც და 1458 წელს თემურიანი სულთნების დედაქალაქი ჰერატი ჩაიგდო ხელში¹⁰³.

⁹⁸ Петрушевский И. П. Государства Азербайджана в XV веке. — წიგნში: Сборник статей по истории Азербайджана, вып. I, Баку, 1949, с. 165.

⁹⁹ ვახუშტი, იხ. ქართლის ცხოვრება. ტ. IV, 1973, ს. ყუხჩიშვილის გამოცემა, გვ. 280—281.

¹⁰⁰ თ. მეწოფელი, დასახ. ნაშრომი, გვ. 83.

¹⁰¹ თ. მეწოფელი, იქვე: პიშატაკარანები, გვ. 60, 66, 161—163.

¹⁰² თ. მეწოფელი გვ. 84; პიშატაკარანები, გვ. 60—66.

¹⁰³ ი. პეტრუშევსკი, დასახ. ნაშრომი, გვ. 166 (რუსულ ენაზე).

XV საუკუნის 50-60-იან წლებში საერთაშორისო მდგომარეობა ახლო და შუა აღმოსავლეთში მნიშვნელოვნად შეიცვალა. 1453 წ. ოსმალო თურქებმა აიღეს ქ. კონსტანტინოპოლი და საბოლოოდ დაეცა ბიზანტიის იმპერია. 1461 წელს მათ დაიპყრეს ტრაპიზონის სამეფოც, ხოლო 1475 წელს კაფა (ამჟამად ქ. ფეოდოსია). დასავლეთ ევროპასა და აღმოსავლეთის ქვეყნებს შორის ჩადგა თურქეთის აგრესიული სახელმწიფო, საქართველოს დაეხმო პირდაპირი გზა ევროპის ქვეყნებისაკენ, ამვე დროს გაუარესდა საქართველოს შინაპოლიტიკური ვითარებაც: ერთიანი ქვეყნის პოლიტიკური დაშლის პროცესი გადამწყვეტ ფაზაში შევიდა. 50-იანი წლების ბოლოს, დასავლეთ ევროპის ინიციატივით თურქეთის კოალიციის მოწყობის გეგმის ჩაშლის შემდეგ, საქართველოში შინაპოლიტიკური ბრძოლა გამწვავდა და 60-იან წლებში ერთიანი საქართველო ფაქტობრივად დაიშალა ქართლ-იმერეთისა და კახეთის სამეფოებად, სამცხე-საათაბაგოსა და ოდიშ—გურია—აფხაზეთის სამთავროებად. სამეფო-სამთავროებში უკვე ჩამოყალიბდნენ მსხვილი სათავადოები, რომლებიც ვერ ითმენდნენ ძლიერ ცენტრალურ ხელისუფლებას.

ასეთ ვითარებაში საქართველოს სამხრეთ-აღმოსავლეთით ყარა-ყოინლუს სახელმწიფოს ნანგრევებზე 1468 წელს ჩამოყალიბდა აყ-ყოინლუს, ე. ი. თეთრბატკნიანთა თურქმანული სახელმწიფო. მისი დამაარსებელი იყო ჰასანბეგი ანუ უზუნ ჰასანი (გრძელი ჰასანი). აყ-ყოინლუს სახელმწიფოში (1468—1503 წწ.) შედიოდა აზერბაიჯანი, სომხეთი, არაბული ერაყი და დასავლეთ ირანი, ცენტრი იყო ქ. თავრიზი. ამ დროიდან ერთმანეთს დაუპირისპირდა ორი ძლიერი იმპერია — თურქეთი და აყ-ყოინლუს სახელმწიფო. საქართველოს სამეფო-სამთავროები აყ-ყოინლუს სახელმწიფოს გავლენის ქვეშ მოექცნენ. 1473 წელს თურქეთთან ომში უზუნ ჰასანის ლაშქარში ქართველებიც მონაწილეობდნენ. ამ ომში უზუნ ჰასანი სასტიკად დამარცხდა.

1474—1475 წლებში გავრცელდა შავი ქირი, რომელსაც დიდი მსხვერპლი მოჰყვა. 1474 წელს თბილისში გადაწერილი სომხური სახარების მინაწერში გადამწერი ამბობს: „ვიში და ვაება გვესმის ჩვენ, მწუხარებას ხედავენ ჩვენი თვალები, რამეთუ ცოდვათა ჩვენთა გამო განურისხნდა სახიერი ღმერთი ქალაქ ტფილისს და იყო დიდი სიკვდილიანობა, რომლის აღწერა არ ძალგვიძს... ყოველ დღე და ყოველ საათს იყო ისეთი ძრწოლა... რომ გული გვატკინა... ძმას არ შეეძლო წასვლა ძმის

სანუგეშებლად. ასეთი გოდების მოთხრობა ვის ძალუძს¹⁰⁴. თბილისში შავი ჭირის ფაქტს ადასტურებს 1475 წლის 30 სექტემბერს თბილისში ჩამოსული ვენეციელი ელჩი უზუნ ჰასანის კარზე, ამბროზიო კონტარინი. ის წერს, რომ თბილისი წინათ სახელგანთქმული იყო თავისი სიდიდით, ამჟამად კი დაცემულია, მაგრამ ქალაქის ის ადგილები, რომლებიც აოხრებას გადაარჩენია, ეხლაც კარგად არის დასახლებული. მისივე სიტყვით აღნიშნულ წელს „შავი ჭირი ძლიერ მუსრავდა ხალხს“¹⁰⁵.

1476 წელს უზუნ ჰასანი საქართველოს შემოესია. მისი მიზანი ქვეყნის გაძარცვა, ქონებისა და ტყვეების ხელში ჩაგდება იყო. უზუნ ჰასანის კარზე მყოფი ვენეციელი ელჩის, იოსაფატ ბარბაროს ცნობით, დამპყრობელი ამ ლაშქრობისათვის საიდუმლოდ ემზადებოდა. უზუნ ჰასანის ბრძანებით, ხმა გააერცელეს, რომ საომარი სამზადისის მიზანი თურქეთის წინააღმდეგ ლაშქრობა იყო. დაახლოებით 30—35-ათასიანი ლაშქრით, რომელშიაც 20—24 ათასი ცხენოსანი იყო, უზუნ ჰასანი ერთი კვირის განმავლობაში სხვა მიმართულებით მიდიოდა. შემდეგ კი ხელმარჯნივ საქართველოსაკენ იბრუნა პირი. საქართველოში შეჭრისთანავე მან წინ გაგზავნა 5 ათასამდე ცხენოსანი, რომლებიც ჭრიდნენ და წვაენდნენ ტყეებს (ლაშქარს უნდა გაეელო დიდი მთები და უზარმაზარი ტყეები). ლაშქრის ძირითადი ნაწილი შორიდანვე ხედავდა ცეცხლს და ამგვარად გამზადებული გზით მიიწევედა წინ. ორი დღის შემდეგ აგრესორები თბილისამდე მოვიდნენ. ცხადია, მტრის მოძრაობა ხალხისთვის შეუძინეველი არ დარჩებოდა და მოსახლეობა წინაწარ გაიხიზნა. უზუნ ჰასანი თბილისის წინააღმდეგობის გაუწეველად დაეუფლა¹⁰⁶. ამის მიზეზი ის იყო, რომ ქართლ-იმერეთის მეფე ბაგრატ VI (1466—1478 წწ.) ამ დროს ლაშქრით დასავლეთ საქართველოში იმყოფებოდა ოდიშის (სამეგრელოს) გამდგარი მთავრის ვამეყ II დადიანის დასამორჩილებლად¹⁰⁷.

¹⁰⁴ კიშატაკარანები, გვ. 85.

¹⁰⁵ იტალიელი მოგზაურები საქართველოში. ამბროზიო კონტარინი, ეურნ. „მოამბე“, 1894, № XI, გვ. 55—56.

¹⁰⁶ იოსაფატ (ჯოსაფატ) ბარბარო, მოგზაურობა სპარსეთში. — წიგნში: XV საუკუნის იტალიელ მოგზაურთა ცნობები საქართველოს შესახებ, ე. მამისთვალისძვილის გამომცემი, 1981, გვ. 60—61; ჯოვანი მარია ანჯოლელი, იქვე, გვ. 77—78.

¹⁰⁷ ვახუშტი ი. ქართლის ცხოვრება, გვ. 807. ბერი ეგნატაშვილის ცნობითაც, ამ დროს მეფე ლიხთიკო იყო. ქართველნი თან ახლდნენ (II, 342). აღნიშნულ ფაქტს ადასტურებს სომხური წყაროც, რომლის ავტორი მოვლენის თანამედროვე იყო. ამ ცნობით. „ქართველთა ქვეყნის მეფე ბაგრატი წასული იყო ლაქსტანს, მათთან საომრად, ჭაერის საყრელად“ (კიშატაკარანები, გვ. 86). ძეგლის გამომცემელ ა. აბაღაძის აზრით, ამ ცნობის მიხედვით, ბაგრატ VI დაღესტანში ყოფილა სალაშქროდ (იქვე, გვ. 176—177). როგორც ენახეთ, ქართული წყაროებით, ამ დროს ბაგრატ ოდიშში — სამეგრელოში იმყოფებოდა. ეს კი სომხური ცნობის ლაქსტანი უნდა იყოს. ლაზისტანი — სამეგრელო და არა დაღესტნის ლაქსტანი — ლაქების (ყაზიუმუხების) ქვეყანა.

უზუნ ჰასანის ლაშქარმა თბილისი, გორი, ქუთაისი, სკანდა და საერთოდ საქართველოს უდიდესი ნაწილი გაძარცვა¹⁰⁸ და დიდძალი ქონება იგდო ხელთ. ერთი სომეხი თანამედროვის სიტყვით, უზუნ ჰასანის ჯარი „მოედო ქართველთა ქვეყანას, მიაღწიეს აფხაზთა საზღვრებამდე... ბევრი სამინელება ჩაიღინეს... 32 000 სული დაატყვევეს და 48 000 გაწყვიტეს“¹⁰⁹. ბარბაროსა და ანჯოლელოს ცნობით კი მტრის მიერ დატყვევებულთა რიცხვი 4—5 ათასი იქნებოდა¹¹⁰. ეს ცნობა უფრო სარწმუნო უნდა იყოს.

უზუნ ჰასანმა ბაგრატი VI-ს და სამცხე-საათაბაგოს ათაბაგს ყუარყუარე II-ს (1451—1498 წწ.) მოსთხოვა 16 ათასი ლუკატის¹¹¹ გადახდა და პირობა მისცა, რომ საქართველოს თავისუფალს დატოვებდა, გარდა თბილისისა. საქართველოს მეფე-მთავარი იძულებული გახდნენ დათანხმებოდნენ ამ პირობას¹¹². თავრიზში დაბრუნების წინ უზუნ ჰასანმა თბილისისა და მისი მხარის გამგებლად დანიშნა თავისი ერთ-ერთი ენერგიული ამირათავანი — ხალილ ბეგი, რომელიც დიდ ზიანს აყენებდა ქართველებს¹¹³.

როგორც ვნახეთ, 1476—1477 წწ. თბილისს უცხოელები დაეუფლნენ, მაგრამ ეს დიდხანს არ გაგრძელებულა. 1478 წლის 5 იანვარს უზუნ ჰასანი გარდაიცვალა და შინაგან სიმტკიცეს მოკლებულ მის სამფლობელოში განუწყვეტელი შინა ომები დაიწყო. ამით ისარგებლეს ქართველებმა და „თბილისი და სომხითი დაიჭირა მეფემან ბაგრატი“¹¹⁴. ეს მომხდარა მაშინ, როცა უზუნ ჰასანის გარდაცვალების შემდეგ „მიიღო პატრონობა ძემან მისმან სულთანმან და ძმა მისი იაყუბ უმურებოდა მიღებად პატრონობისა“¹¹⁵. ეს სულთანი იყო მირზა ხალილი, რომელმაც ტახტი მხოლოდ 6 თვეს შეინარჩუნა. ის 1478 წლის 15 ივლისს დაამარცხა და მოაკვლევინა მისმა ძმამ იაყუბმა¹¹⁶.

ამრიგად, თბილისი აყ-ყოინლუს სახელმწიფოს მორჩილებაში იმყო-

¹⁰⁸ ბ ა რ ბ ა რ ო , დასახ. ნაშრომი, გვ. 61—62; ა ნ ჯ ო ლ ე ლ ო , დასახ. ნაშრომი, გვ. 78.

¹⁰⁹ კიშტაკარანები, გვ. 90—92.

¹¹⁰ ბ ა რ ბ ა რ ო , დასახ. ნაშრომი, გვ. 62; ა ნ ჯ ო ლ ე ლ ო , დასახ. ნაშრომი, გვ. 77—78.

¹¹¹ ლუკატი, ოქროს მონეტა. იჭრებოდა ვენეციაში 1284 წლიდან. იწონიდა 3,5 გ. 16 ათასი ლუკატი შეიცავდა 56 კგ წმინდა ოქროს.

¹¹² ბ ა რ ბ ა რ ო , დასახ. ნაშრომი, გვ. 61—62; ა ნ ჯ ო ლ ე ლ ო , დასახ. ნაშრომი, გვ. 78.

¹¹³ რ. კიკნაძე, საქართველო-ირანის ურთიერთობის ისტორიიდან XV ს. მეორე ნახევარში, ისტორიის ინსტიტუტის შრომები, VII, 1964, გვ. 122; ჰასან რუმელუს ცნობები საქართველოს შესახებ, თბ., 1966, გვ. 51.

¹¹⁴ ქართლის ცხოვრება, II, გვ. 342, 479.

¹¹⁵ იქვე, გვ. 479.

¹¹⁶ ი. პეტრუშვილი, დასახ. ნაშრომი, გვ. 175 (რუსულ ენაზე).

ფებოდა 1476—1478 წლებში, გათავისუფლდა და დამოუკიდებლობა მოიპოვა 1478 წლის 5 იანვარსა და 15 ივლისს შორის პერიოდში.



XV საუკუნის 80-იან წლებში საქართველოში გამწვავდა შინაფეოდალური ბრძოლები მეფე-მთავრებს შორის. ამ ბრძოლების შედეგად ქართლ-იმერეთის სამეფოს გამოეყო და ცალკე სამეფოდ ჩამოყალიბდა იმერეთი (1484—1489 წწ.).

ასეთ ვითარებაში დაიწყო აყ-ყოინლუს სახელმწიფოს ახალი შემოსევები საქართველოში. 1482—1483 წწ. იაყუბ ყაენმა ილაშქრა სამხრეთ საქართველოსა და ქვემო ქართლში, ააოხრა და დაარბია ქვეყანა. 1487 წელს ყაენმა საქართველოში გამოგზავნა ზემოხსენებული ხალილი, რომელსაც უბრძანა თბილისის აღება და ქართველების დამორჩილება. მტრის ლაშქარმა ალყა შემოარტყა თბილისს და „ებრძოდეს მრავალდღე და ვერარა აენეს, რამეთუ სიმტკიცეს ზედა ეგნეს; და იყვის ყოველთა დღეთა ომი და არა იყო ღონე ციხის წაღებისა“¹¹⁷. ქართლის მეფემ კონსტანტინე II-მ (1478—1505 წწ.) მტრის წინააღმდეგ ძლიერი რაზმები გაგზავნა ქაიხოსრო ციციშვილისა და ჯავახ ჯავახიშვილის მეთაურობით. ესენი და ბარათაშვილთა რაზმები თავს დაესხნენ სოფ. ჭანდარში (ახლანდელი ჭანდარი მარნეულის რაიონში, მდ. ალგეთის მარცხენა ნაპირზე, მარნეულის ჩრდილოეთით) მდგომ თურქმანებს და თითქმის მთლიანად ამოწყვიტეს. ხალილ მირზა იძულებული იყო თბილისისათვის ალყა მოეხსნა და უკან დაეხია. ქართველები სოფ. კუმისის (ახ. გარდაბნის რაიონში) ბოლოს მიეწივნენ მათ და სასტიკად დაამარცხეს¹¹⁸. 1488 წ. ყაენმა ბრძანა დაეწყით საღვთო ომი საქართველოს წინააღმდეგ. თურქმანთა ძლიერი მამველი ლაშქარი თბილისისაკენ დაიძრა და მდ. ალგეთთან შეუერთდა ხალილ ბეგის ლაშქარს. მტრის შეერთებული ლაშქარი კოჯრის ციხეს მიადგა. ბრძოლა დიდხანს გრძელდებოდა. მტერმა ზარბაზნებით ციხე საგრძნობლად დააზიანა, მაგრამ ციხის მცველები არ ნებდებოდნენ. ერთ ღამეს დიდი თოვლი მოვიდა და მოალყენი ციხეს ცოტათი მოშორდნენ. ამით ისარგებლეს ქართველებმა და ციხე ისე დაცალეს, რომ მტერს არაფერი გაუგია¹¹⁹. ამის შემდეგ

¹¹⁷ ქართლის ცხოვრება, II, გვ. 284, 343—344.

¹¹⁸ იქვე.

¹¹⁹ სპარსელი ისტორიკოსის იბნ რუზბეჰანის ცნობით. თურქმანებმა აიღეს კოჯრის ციხე, ბევრი ტყვე წაღველი ხელთ იგდეს, მეთაურებს თავები მოჰკვეთეს და იაყუბს გაუგზავნეს ყარაბაღში (იხ. რ. კ. ი. ე. ნ. ა. ძ. ე., საქართველო-ირანის ურთიერთობის ისტორიიდან XV ს. მეორე ნახევარში, გვ. 127—128).

მტერი თბილისს მიადგა. ასეთ მძიმე დროს კონსტანტინე II-ს დახმარება არ გაუწია საქართველოს არც ერთმა მეფე-მთავარმა, მხოლოდ საკუთარი ძალებით კი მტერთან პირდაპირი შეხმა ვერ გაბედა და ჭგუფურ ბრძოლაზე გადავიდა.

ქალაქის მცველები ციხეში გამაგრდნენ და შეუპოვარ წინააღმდეგობას უწევდნენ მტერს. ბრძოლა დიდხანს გაგრძელდა. ერთხელ მოაღყეებმა ძლიერი რაზმი გაგზავნეს ორბეთისაკენ (ახლ. თეთრი წყაროს რაიონში). ამოწყვიტეს და დაარბიეს მთის სოფლები და ბევრი ალაფი და ტყვე იგდეს ხელთ. ამის გაგონებისთანავე ქართველთა მცირე რაზმი თავს დაესხა მათ და თითქმის მთლიანად გაყლიტა მტერი. ამ ბრძოლის ერთი მონაწილის სიტყვით, მტრის მხოლოდ მცირე ნაწილმა მოახერხა თავის გადარჩენა¹²⁰. ქართველების ამ გამარჯვებათა შედეგად მტრებმა თბილისს ალყა მოხსნეს და „წარვიდნენ მოსწრაფელ თვსად“¹²¹. ქართულ წყაროებში არაფერია ნათქვამი მტრის მიერ თბილისის ალების შესახებ. პირიქით, ამ წყაროებში ნათქვამია, რომ, თუ არა ქართველთა ასეთი გამარჯვებები, მტერი ქალაქსაც აიღებდა და ქართლსაც შემოეკიდებოდა და „მას უკანის თათართა ძალი ვერღარა უკადრებია და არცა-ლა რბევა, გატყდეს და შეშინდეს შეწევნითა ღვთისათა“¹²². მაგრამ იბნ რუზბეჰანის ცნობით, იაყუბის ლაშქარმა თბილისი აიღო. ეს მომხდარა 1489 წ. თებერვალში. თბილისში მათ მცირერიცხოვანი გარნიზონი დაუტოვებიათ და წასულან¹²³. სავარაუდებელია, რომ ქართველებმა მალე განდევნეს თურქმანთა მცირერიცხოვანი რაზმი თბილისიდან¹²⁴.

თუ სპარსული წყაროს ცნობა სწორია, თბილისიდან თურქმანული გარნიზონის განდევნა უნდა ვივარაუდოთ იაყუბ ყაენის გარდაცვალების (1490 წ.) შემდეგ, როცა აყ-ყონლუს სახელმწიფოში დაიწყო მძაფრი შინაფეოდალური ბრძოლები, რომლებიც ამ სახელმწიფოს დაცემამდე არ შეწყვეტილა. როგორც არ უნდა ყოფილიყო, ანგარიში უნდა გაეწიოს შემდეგ ფაქტს: სეფიანთა სახელმწიფოს დამაარსებელი ისმაილი 1500 წ. ქართლისა და კახეთის მეფეებს და სამცხე-საათაბაგოს მთავარს დახმარებას სთხოვდა უზუნ ჰასანის შვილიშვილის ალვენდის წინააღმდეგ ბრძოლაში და სამაგიეროდ თავრიზის ალების შემდეგ მათ ჰპირდებოდა იმ ხარკისაგან გათავისუფლებას, რომელსაც ისინი უხდიდნენ აყ-

¹²⁰ ქართლის ცხოვრება, II, 344 — 345. 485; რ. კიკნაძე, დასახ. ნაშრომი, გვ. 128.

¹²¹ ე ა ხ უ ტ ი, დასახ. ნაშრომი, გვ. 388—390.

¹²² ქართლის ცხოვრება, II, გვ. 345, 385.

¹²³ რ. კიკნაძე, დასახ. ნაშრომი, გვ. 129.

¹²⁴ იქვე.

ყოინლუს სახელმწიფოს¹²⁵. აქედან უნდა დაეასკვნათ, რომ მიუხედავად იმისა, იდგა თუ არა თბილისში თურქმანთა გარნიზონი, ქართლის სამეფო, ისე როგორც კახეთი და სამცხე-საათაბაგო XVI ს. 90-იან წლებში აყოინლუს სახელმწიფოს ვასალი იყო, თუმცა ის უსიტყვოდ როდი ასრულებდა ამ მოვალეობას.

¹²⁵ ვ. გუჩუა. ქართველი ხალხის ბრძოლა დამოუციდებლობისა და პოლიტიკური მთლიანობის აღდგენისათვის XVI საუკუნეში. — წიგნში: საქართველოს ისტორიის ნარკვევები, ტ. IV, 1973, გვ. 89--91.

VII

თბილისი სოციალურ-ეკონომიკური და კულტურული დაქვეითების გზაზე (XIII—XV სს.)

თბილისის ეკონომიკური ვითარება

ჯალალ ედ-დინის შემოსევათა და მონღოლთა ბატონობის შედეგად თბილისის ეკონომიკური ცხოვრება დაქვეითების გზას დაადგა. მოსახლეობა კატასტროფულად შემცირდა. დიდი იყო დახოცილთა და ტყვეებად დატაცებულთა რიცხვი. ცოცხლად დარჩენილები გადასახადებს ველარ აუდიოდნენ.

თბილისის ეკონომიკური ცხოვრების დაცემის ერთი მაჩვენებელი იყო დამპყრობელთა მიერ ქალაქის კერამიკული სახელოსნოების განადგურება. არქეოლოგიური გათხრებით მოპოვებული მასალები მოწმობენ, რომ აქ საწარმოო ცხოვრება ჩამკვდარა ჯალალ ედ-დინის შემოსევების თუ ცოტა მოგვიანო პერიოდში¹. შემდგომ საუკუნეებში ამ სახელოსნოთა ადგილზე წარმოება აღარ განახლებულა, უფრო გვიან კი აქ ბაღები გაუშენებიათ.

მონღოლთა ბატონობის დამდეგსვე დამპყრობლებმა საქართველოს ქალაქები, მათ შორის თბილისი, უზომო გადასახადებით დაბეგრეს. სათანადო გამოსაღებები დაუწესეს ვაქრებს, ხელოსნებს, მეთევზეებს და სხვ. თბილისის მოსახლეობისათვის განსაკუთრებით მძიმე იყო გადასახადი დამლა, რომელიც სავაჭრო საქონელზე იყო დაწესებული. ყოველ ნავაქრზე მონღოლებს მიჰქონდათ ღირებულების 3%². ამასთანავე მოსახლეობას კელავ უხდებოდა ძველი, ადგილობრივი გადასახადების გამოღება.

მონღოლთა ბატონობის პირობებში თავდაპირველად შეფერხდა სავაჭრო ურთიერთობები ირანსა და ახლო აღმოსავლეთის ქვეყნებთან, მაგრამ ოდითგანავე გაკვალულმა გზებმა, ჩრდილოეთ კავკასიის მიმართულებით, თბილისის საშუალება მისცა შეენარჩუნებინა კონტაქტები ოქროს ურდოს სამყაროსთან. თბილისი იზიდავდა მეზობელი ქვეყნების ვაქრებს. ზოგი მათგანი აქ ბინასაც იღებდა.

¹ გ. ლომთაიძე, არქეოლოგიური გათხრა თბილისში 1948 წლის ზამთარში.— მასალები საქართველოს და კავკასიის არქეოლოგიისათვის, 1, გვ. 162.

² საქართველოს ისტორიის ნარკვევები, III, 1979, გვ. 561.

მარკო პოლოს ცნობით, რომელიც მონღოლთა ბატონობის ეპოქის ვითარებას ასახავს, საქართველოში არის „ქალაქები და დაბები“, სადაც ისეთ ლამაზ აბრეშუმს და ოქროქსოვილს ამზადებენ, რომლის ბადალსაც სხვაგან ვერ შეხვდებით. თბილისი ხელოსნობის ცენტრია. ამზადებენ აბრეშუმისა და სხვა სახის ქსოვილებს³.

ხელოსნური წარმოების მაღალი დონის შესახებ ამ დროის თბილისში წარმოდგენას ქმნის XIII ს-ში წარმოებული მშენებლობა. ულუ-და-ვითის დროს, არაუგვიანეს XIII ს. 50-იანი წლებისა, აღადგინეს, „ახლად აღაშენეს“, ხვარაზმელთაგან დანგრეული ეკლესია „წმიდისა ქალწულისა ქრისტიანისი“⁴. ამავე პერიოდში მესტუმრე ჩიქურის მესვეურობით აღდგენილ იქნა სამეფო პალატა ისანში. უფრო მოგვიანებით, დიმიტრი II-ის დროს, ამავე ტერიტორიაზე აღადგინეს აგრეთვე მეტეხის ღვთისმშობლის ეკლესია⁵. თბილისშივე თავისი ეკლესიები ააშენეს მონღოლთა ბატონობის პირობებში დაწინაურებულმა უმეკმა⁶ და შახაბადინმა⁷.

XIII—XV სს. თბილისი კვლავ რჩებოდა მსხვილ სავაჭრო ცენტრად. ქალაქში მოქმედებდნენ სავაჭროები (ქულბაქები, ბაზარნი...). ეს წერილობითი მასალებიდან ჩანს⁸. ფრაგმენტული ცნობის მიხედვით, თბილისელები თევზს მოვაკანის მხრიდან ეზიდებოდნენ⁹. შემოქმონდათ ქალაქი. ერთ-ერთი მინაწერი გვამცნობს, რომ თბილისში ქალაქი დამასკოდან მოუტანიათ¹⁰. ეს იყო უმთავრესად ხაში ქალაქი, რომელსაც შემდეგში, საწერად გამოყენებამდე, შესაფერისი ტექნოლოგიური დამუშავება, ე. წ. „გალესვა“, ესაქიროებოდა¹¹. თბილისში ვინმე გადამწერს მისი ძმები „გალესვაში“ ეხმარებოდნენ¹².

თბილისის ეკონომიკური ცხოვრების გაფართოება დაკავშირებულია მონღოლთა ბატონობის გადაეარდნასთან. გიორგი ბრწყინვალის დროს

³Кинга Марко Поло, перевод старофранцузского текста И. П. Минаева, М., 1955, с. 58, 252.

⁴ ქართლის ცხოვრება, II, გვ. 239.

⁵ ე. ბ. ე რ ი ძ ე . რ. მ. ე ფ ის ა შ ე ი ლ ი . ლ. რ. ჩ ი ე უ ლ ი შ ე ი ლ ი . რ. შ მ ე რ ლ ი ნ გ ი . თბილისის მეტეხის ტაძარი, თბ., 1969, გვ. 12.

⁶ Орбели И. А. Фрагмент крестного камня с арабской надписью в Тифлисе. «Христианский Восток», IV, 1918, с. 197.

⁷ Маргарян А. К вопросу о личности и деятельности «Некоего, Шадша». — Сб. Кавказ и Византия, 3, Ереван, 1982, с. 71.

⁸ ქართლ-კახეთ-მესხეთის საკათალიკოსოს მამულების სითარხნის გუჯარი. ქართული სამართლის ძეგლები, ტ. III, გვ. 176.

⁹ ქართლის ცხოვრება, II, გვ. 292.

¹⁰ კიშატაკარანები, გვ. 49.

¹¹ ამ ტექნოლოგიური პროცესის შესახებ იხ. რ. პ ა ტ ა რ ი ძ ე . ქალაქის დამუშავების საკითხისათვის ფეოდალურ საქართველოში. — კრებ. პალეოგრაფიული ძიებანი, თბ., 1965, ტ. I, გვ. 51—56.

¹² კიშატაკარანები, გვ. 47.

ეს პროცესი გამოიხატა, მაგალითად, ევროპის ქვეყნებთან სამეურნეო კონტაქტების გაუმჯობესებით. წერილობითი და ნუმისმატიკური მონაცემებიდან ჩანს, რომ XIV ს. საქართველოს ცხოველი საეაქრო კავშირი ჰქონდა ოქროს ურდოსთან, ირანისა და მცირე აზიის ქვეყნებთან და, განსაკუთრებით, ჩრდილოეთ იტალიის ქალაქ-სახელმწიფოებთან. ამ უკანასკნელებმა XIII—XIV სს. მონღოლთა სამყაროსთან მნიშვნელოვანი სავაქრო კავშირი დაამყარეს. მათვე გარკვეული წარმატებები ჰქონდათ შავი და აზოვის ზღვების ჩრდილოეთ და აღმოსავლეთ სანაპიროებზე¹³. გამოცოცხლდა ამ რეგიონის პოლიტიკური კონტაქტები ევროპასთან. დასავლეთ ევროპის ხელისუფალნი გიორგი ბრწყინვალეს (1314—1346 წწ.) ასალ ჯვაროსნულ ომშიაც იწვევდნენ მონაწილედ¹⁴. ნიშანდობლივია რომის პაპის იოვანე XXII-ის 1328 წ. განცხადება სმირნის კათოლიკური საეპისკოპოსოს თბილისში გადმოტანასთან დაკავშირებით: „დიდი და ხანგრძლივი გამოძიებით“ პაპი და მისი კარდინალები დარწმუნებულან, რომ „თბილისი, ქართველთა სამეფოს შუაგული, საუკეთესო. მეტად შესანიშნავი, ერთი სავსე. მარჯვე და სიმდიდრით უხვი ქალაქია“¹⁵.

თბილისის აღმავლობა არც ამ დროს გაგრძელებულა დიდხანს. მიწა-ლოლთა ბატონობის დროინდელი მძიმე შედეგები გააღრმავეს თურქმანული ტომების სპირმა შემოსევებმა. ამ მხრივ პირველი და ყველაზე მრისხანე იყო თემურლენგის ლაშქრობები საქართველოში. 1386 წელს თემურმა ერთიანად გააპარტახა და გაძარცვა თბილისი. მიხეილ პანარეტოსის ცნობით, თემურმა „რა ქონება იგდო სელთ, რა ხატები გაძარცვა და დასწვა, რამდენი თვალი პათიოსანი, მარგალიტი, ოქრო და ვერცხლი წაიღო, არავის შეუძლია აღწეროს“¹⁶.

ანის შემდეგ თბილისმა კვლავ რამდენჯერმე გადაიტანა უცხოელთაგან განადგურება. 1440 წ. თავრიზის მფლობელმა ჯეჰან შაჰმა თბილისისაკენ გამოსწია, მის ირგვლივ მდებარე სოფლები დააწიოკა. ქალაქიც აიღო, გაძარცვა და აქედან ტყვეები წაიყვანა¹⁷. 1477 წ. თბილისს შემოადგა თეთრბატკნიანთა ტომების მეთაური უზუნ პასანი, რომელიც ქალაქში შევიდა¹⁸.

¹³ Бердзенишвили Н. Очерки из истории развития феодальных отношений в Грузии (XIII—XVI вв.); საქართველოს ისტორიის საკითხები, წ. 11, გვ. 81.

¹⁴ ვ. კიკნაძე. საქართველოს საგარეო ურთიერთობის ისტორიიდან, „მნათობი“, 1982, №8, გვ. 158.

¹⁵ მ. თამარაშვილი, ისტორია კათოლიკობისა ქართველთა შორის, ტფილისი, 1902, გვ. 32.

¹⁶ გეორგიკა, ბიზანტიელი მწერლების ცნობები საქართველოს შესახებ, ტ. VII, თბ., 1967, გვ. 212.

¹⁷ საქართველოს ისტორიის ნარკვევები, III, გვ. 731—732.

¹⁸ იქვე, გვ. 742.

ამბროზიო კონტარინის, რომელიც თბილისს 1475 წ. 12 ივლისს მოსულა, ქალაქი აოხრებული და ნაწილობრივ მოსახლეობისაგან დაცლილი დასვედრია. მისი სიტყვებით, თბილისი, რომელიც სახელგანთქმული იყო „თავისი სიდიდით“, „ამჟამად დაცემულია, მაგრამ ქალაქის ის უბნები, რომლებიც აოხრებას გადაარჩენია, ეხლაც კარგად არის დასახლებული. იქ მრავლად არიან კათოლიკები“¹⁹.

თბილისის ეკონომიკური პოტენციალის დამცრობა, რაც ამ კერძო მაგალითით ქალაქის მოსახლეობის შემცირებაში გამოჩნდა, შემდგომშიაც გაგრძელდა.

თბილისის სოციალური ვითარება XIII—XV სს.

XII ს. მთელ სივრცეზე მიმდინარეობდა მეფისა და ფეოდალების ხანგრძლივი ბრძოლა ქალაქებისათვის. ამ საუკუნისათვის ეს პროცესი დასრულდა ქალაქების მოქცევით ფეოდალური არისტოკრატის მფლობელობაში. საქართველოში ვერ შეიქმნა პირობები თავისუფალი ქალაქების წარმოქმნისათვის.

ქართული ქალაქების სოციალური განვითარების თავისებურება იმაში გამოჩნდა, რომ იმთავითვე ადგილი ჰქონდა საქალაქო ზედაფენების შერწყმას ფეოდალურ არისტოკრატისთან. მონღოლთა მფლობელობის დამყარებას ეს პროცესი არ შეუჩერებია. პირიქით, ახალ ვითარებაში მონღოლები ყოველნაირად დაუკავშირდნენ სავაჭრო და სავაზრო საქმიანობაში ჩაბმულ სოციალურ ფენებს და მათთან კავშირში ეწეოდნენ დაპყრობილი ქვეყნის ექსპლუატაციას.

თავიდანვე მონღოლმა დამპყრობლებმა მძიმე გადასახადებით დაბეგრეს საქართველოს. მისი დედაქალაქის თბილისისა და მეზობელი მხარეების მოსახლეობა. ამ ფაქტის პირდაპირი შედეგი იყო საქალაქო მეურნეობის მოშლა, მოსახლეობის გაქცევა, აჯანყებები და სხვ. ეს პროცესი შეუჩერებლად გრძელდებოდა და, როდესაც XIII ს. 70-იან წწ. მონღოლებმა თავიანთ იმპერიაში აღწერა ჩაატარეს. თვალნათლივ გამოჩნდა ქვეყნის ეკონომიკური დაცემა. ქვეყანა ნასახლარებით იყო მოფენილი²⁰.

ასეთ დროს მონღოლთა სახელმწიფოში დიდი როლი დაეკისრათ ხარკის ამკრებ მოხელეებს, რომლებიც ეხმარებოდნენ მონღოლებს დაპყრობილი ქვეყნების ძარცვაში. ასეთი „დახმარების“ გზით ისინი ფინან-

¹⁹ იტალიელი მოგზაურები საქართველოში XV საუკუნე. იოსაფა ბარბარო და ამბროზიო კონტარინი. თარგმანი ალ. კუონიასი. „მოამბე“, 1894, № XI. გვ. 56.

²⁰ ნ. ბერძენიშვილი, საქართველოს ისტორიის საკითხები, წ. II, თბ., 1965, გვ. 58.

სურად ამარაგებდნენ მონღოლებს, ვალის ანგარიშში თვითონ კრებდნენ სამონღოლო გადასახადებს და მდიდრდებოდნენ.

„მონღოლთა წყალობით“ აღზევებული მედროვეები დამპყრობლებთან თუ ადგილობრივ არისტოკრატიულ ფენებთან დამოყვრების გზით ცდილობდნენ ფეოდალურ წრეში მოხვედრას. ეს კარგად ჩანს ცნობილი დიდვაჟრის უმეკის მაგალითზე. 1242 წ. უმეკი და მისი ნათესავები თბილისში გადმოიყვანეს. ეს მოხდა ბიჩო ნოინის მიერ მონღოლთაგან ქ. კარინის ალებისა და დანგრევის დროს²¹. ამ დროიდან უმეკი თბილისში დამკვიდრდა და ისე აღზევდა, რომ საქართველოს მეფის დავითის (ულუ-დავითი) „მამადაც“ კი იწოდებოდა. უმეკი სამეფო კარზე დიდი პატივისცემით სარგებლობდა. უხვი საბოძვარის გაცემის გზით მოუპოვებია მას ცნობილი არღუნ ნოინისა და მის თანმხლებთა პატივისცემა²².

მეფის „მამად“ წოდებულმა უმეკმა თავის დროს ყველაფერი შეიძინა, რაც დიდგვარიანს შეჰფეროდა და უზარმაზარ ქონებასთან ერთად საკუთარ მემკვიდრეებს თავისი პრივილეგირებული მდგომარეობაც გადასცა. უმეკი დაუმოყვრდა ხაჩენის მთავარს ასან-ჯალალს, რომლის ასულიც მან ცოლად შეირთო; ამით დაუნათესავედა ჩორმაღონ ნოინსაც, რომლის შვილს ბორას ცოლად ჰყავდა ასან-ჯალალის მეორე ასული, ხოლო მისი მესამე ასული ტარსაიჟ ორბელს შეურთავეს. ამრიგად, თავისი სიმდიდრის მეოხებით, უმეკმა დიდი გავლენა მოიპოვა და არისტოკრატიულ ფენებშიაც აღზევდა²³.

უმეკი ცნობილია როგორც ეკლესიათა მშენებელი. 1284 წ. ერთი მინაწერის მიხედვით, მას თბილისში წმ. გიორგის სომხური ეკლესია აუშენებია. უმეკი ამ ეკლესიის პატრონადაც იხსენიება²⁴.

თავისი სიმდიდრითა და მონღოლთა კართან სიახლოვით დაწინაურებული იყო შახაბადინიც. იგი საკმაოდ დიდხანს, 1259—1265 წწ. მონღოლთა სანქციით მეთაურობდა საქართველოს ადმინისტრაციას. ამ დროს მეფე ულუ-დავითი მონღოლებს წაყვანილი ჰყავდათ თავისთან. ისე როგორც უმეკმა, შახაბადინმაც თბილისში ეკლესია ააგო²⁵. ასე, ამრიგად იზრდებოდა მონღოლთა ბატონობის დროს დიდვაჟართა როლი სა-

²¹ История монголов по армянским источникам, в. I, перев. К. П. Патканова, СПб., 1873, с. 7.

²² К и р а к о с Г а н д з а к е ц и. История Армении. Перевод с древнеармянского Л. А. Хантларяна. М., 1978, с. 221.

²³ История монголов по армянским источникам, в. I, с. 72; ლ. მ ე ლ ი ქ ს ე თ ბ ე გ ი, ტფილისის ვანქის დაარსების საკითხისათვის. ტფილისის უნივერსიტეტის „მო-აზნე“, 1924, IV, გვ. 87.

²⁴ О р б е л и И. А. Фрагмент крестного камня с арабской надписью в Тифлисе. — Христианский Восток, IV, 1918, с. 197.

²⁵ М а р г а р я н А. К вопросу о личности и деятельности «некоего, Шадина». — Сб. Кавказ и Византия, 3, Ереван, 1982, с. 71.

ქალაქო ცხოვრებაში. ისინი ობიექტურად ზღუდავენ ფეოდალურ ზედაფენებს.

XIII—XV სს. თბილისში ერთ-ერთ მთავარ სოციალურ ფენად კვლავ რჩებოდნენ ქალაქის ყმა-ხელოსნები და ვაჭრები. დოკუმენტურ ძეგლში თბილისის დასახელებული არიან, მაგალითად, ქართლ-მესხეთ-კახეთის საკათალიკოსოს ყმობაში მყოფი ვაჭარნი, ბაზარნი, ქულბაქნი²⁶. ეკონომიკური და საგარეო-პოლიტიკური ვითარებით გამოწვეული სიდუხჭირე ყველაზე უფრო ამ ფენის ზურგზე გადადიოდა. ამას ერთვოდა ხშირი ეპიდემიები, რომლებიც მონღოლთა და მათ შემდგომ ხანაში ხშირი მოვლენა იყო.

ერთ-ერთ სოციალურ უბედურებას შუა საუკუნეების ქალაქებში შიმშილი წარმოადგენდა. ეს უბედურება თბილისს არაერთხელ გარდახდომია. ასეთი შიმშილი ყოფილა, მაგალითად, 1301 წლის ახლო ხანებში.

აღნიშნულ მოვლენებს საქართველოში თან სდევდა დეკლასირებული ელემენტების ზრდა ქალაქებში. ამ მხრივ ყურადღებას იპყრობს ცნობები ულუ-დავითის დროინდელი სახელმწიფო მოღვაწის „მესტუმრე ჭიქურის“ შესახებ. ეს პიროვნება საგანგებოდ ზრუნავდა „შფოთიან დროს“ შექმნილი უწესოების აღმოსაფხვრელად. მისი მმართველობის დროს, თურმე, სამეფოში „მპარაეი და ავაზაკი“ არ იყო და „თუ სადა გაჩნდის, ძელსა ჩამოჰკიდიან“²⁷. „მესტუმრე ჭიქურის“ პოლიტიკა მიმართული იყო კლასობრივი ბრძოლის მახინჯი ფორმის, „მპარავობის და ავაზაკობის“ წინააღმდეგ. ამავე დროს ჭიქური ქალაქების დაბალი სოციალური ფენების მფარველიც ყოფილა. ამიტომაც სავსებით ბუნებრივი იყო, რომ მესტუმრე ჭიქური ლატაკთა ფენებში პატივისცემას იმსახურებდა.

როცა ჭიქური სიკვდილით დასაჯეს, გლახაკები და ქვრივ-ობლები ევედრებოდნენ მეფეს, მიეცა მათთვის ჭიქურის გვამი. მეფემაც შეუსრულა მათ თხოვნა. ჭიქური დასაფლავეს წმინდა მოწამე ქრისტინეს სახელობის ეკლესიაში, რომელიც ხვარაზმელთა შემოსევის დროს დაეზღვრა და ახლა განახლებული იყო²⁸. თბილისში გლახაკნი და ქვრივ-ობლები საკმაოდ ბევრნი ყოფილან. მათ ესმოდათ თავიანთი საერთო ინტერესები. ჭიქური, როგორც ჩანს, უქონელ ფენებს — „გლახაკებს“ სისტემატურად აძლევდა „ნათალს“ სახელმწიფო ბიუჯეტიდან.

დეკლასირებული ელემენტების ასეთი მომრავლება მონღოლთა ხანაში თბილისის სოციალურ-ეკონომიკური განვითარების სავსებით ბუნებრივი შედეგი იყო²⁹.

²⁶ ქართული სამართლის ძეგლები. III, 1970, გვ. 176.

²⁷ ქართლის ცხოვრება, II, გვ. 238.

²⁸ იქვე.

²⁹ ნ. ბერძენიშვილი, საქართველოს ისტორიის საკითხები, ტ. IX, 1974, გვ. 220.

ა) მეცნიერული ცოდნა.

მონღოლ-თათართა ასწლოვან ბატონობას, თემურლენგის მრავალგზის გამანადგურებელ შემოსევებს და ამის შედეგად საქართველოს ეკონომიკურ დაცემას არ შეიძლებოდა არ გამოეწვია თბილისში კულტურულ-შემოქმედებითი მუშაობის შენელება და შეფერხება.

მიუხედავად ძნელბედობის მძიმე პირობებისა, დიდო კულტურული ტრადიციების მქონე თბილისში კულტურულ-საგანმანათლებლო და მეცნიერულ-შემოქმედებითი საქმიანობა გრძელდებოდა.

მონღოლთა ბატონობის პერიოდში თბილისი კვლავ რჩებოდა სამეცნიერო-კულტურულ ცენტრად. იგი კვლავაც იზიდავდა უცხოელ სწავლულებს. 1284 წელს, დემეტრე II თავდადებულის დროს, თბილისს სწვევია სომხური კულტურის ერთ-ერთი გამოჩენილი მოღვაწე, ცნობილი ასტროლოგი, ფილოსოფოსი და პოეტი ჰოვანეს ერზინკელი. მან თბილისის საკრებულო ტაძარში (სომეხი ვაჰრის უმეკის მიერ იყო აგებული) კოსმიურ-ასტროლოგიური საკითხების შესახებ საინტერესო სიტყვა წარმოთქვა³⁰.

თბილისში ჩამოდიოდნენ მეზობელი ქვეყნების მწერლები და მეცნიერები, რათა თბილისელ მეცნიერთათვის თავიანთი მიღწევები გაეცნოთ. აქ იწერებოდა, იხატებოდა და მრავლდებოდა ხელნაწერებო, ითხზებოდა გმირული ისტორიები, სიმღერები და სხვ.³¹

XIV ს-ის თბილისში განათლებისა და მეცნიერების დონის გასაგებად დიდი მნიშვნელობა ენიჭება თბილისში შექმნილ საკანონმდებლო ძეგლებს. მხედველობაში გვაქვს 1334—1335 წწ. გიორგი ბრწყინვალის მეფობის ხანაში თბილისში მოწვეული სახელმწიფო დარბაზის საგანგებო კრების დადგენილებები. ამ კრებაზე, როგორც ცნობილია, მიღებულ იქნა ჩვენამდე მოღწეული ისეთი იურიდიული ძეგლი, როგორცაა ე. წ. „ძეგლის დადება“. „ძეგლის დადება“ დიდი პოლიტიკური, სოციალური და ამავე დროს მნიშვნელოვანი კულტურული მოვლენა იყო თბილისის ცხოვრებაში. ასეთი საკანონმდებლო ძეგლის შედგენა აშკარად მოწმობს თბილისში იურიდიული ცოდნის მაღალ დონეს.

XIV—XV სს. თბილისელთათვის საკმაოდ ცნობილი უნდა ყოფილიყო ეამთაღმწერლის საისტორიო თხზულება, რომელშიაც მოთხრობილია ქართველი ხალხის წარსული ლაშა გიორგის გამეფებიდან ვიდრე გიორგი ბრწყინვალემდე.

³⁰ ვ. ნ ა ლ ბ ა ნ დ ი ა ნ ი, თბილისი ძველ სომხურ მწერლობაში, თბ., 1959, გვ. 108.

³¹ დ. გ ვ რ ი ტ ი შ ვ ი ლ ი, შ. მ ე ს ხ ი ა, თბილისის ისტორია, თბ., 1952, გვ. 200.

ყამთაალმწერელი, როგორც ეს მისი ნაშრომიდან ჩანს, თავის დროისათვის დიდად განათლებული პიროვნება ყოფილა. იგი საკმაოდ ფართო მეცნიერული მასშტაბით ქმნის საისტორიო ნაშრომს. იყენებს უცხოურ ენებზე არსებულ წყაროებსაც და მოვლენათა შესწავლისადმი საკმაოდ კრიტიკულ დამოკიდებულებასაც ამჟღავნებს. „მე ვერ შევიწყნარებ“ „ყველა აღმწერლის“ ცნობებსო, — ამბობს იგი ულუ და დავით-ნარინის მეფობაზე მსჯელობის დროს და ამის დასადასტურებლად სათანადო მასალებიც მოჰყავს. ამასთან დაკავშირებით ივ. ჭავჭავაძის წერს, რომ აღნიშნული შენიშვნა „საისტორიო კრიტიკის მეთოდის ჩანასახია და ქართულ მწერლობაში ეს კრიტიკული მეთოდი პირველი ცდა არის“³².

ყამთაალმწერლის აზრით, წარსულის გადმოცემა „ქემშარიტის მეტყუელება არს და არა თუალახმა ვისთჳსმე“³³; ამიტომ ისტორიკოსმა უნდა გამოაჩინოს ბოროტება და ბოროტმოქმედნი, ისტორიული წიგნი ხომ „შუამდებარე არს კეთილმოქმედთა და ბოროტის მოქმედთა“. ამ თვალსაზრისით აფასებს იგი მეფეთა მოღვაწეობასაც, — თუმცა არ არის საკადრებელი მეფეებზე უშვერი რამეების თხრობა, მაგრამ სინამდვილე არ უნდა დაეშალოს, მეფეთა ბოროტი საქციელის მიმართ თვალი არ უნდა დაეხუჭოთო, — წერს ისტორიკოსი³⁴.

ამრიგად, მიუხედავად იმისა, რომ XIII—XV სს-ში თბილისმა დიდი განსაცდელი გამოიარა, მოსახლეობა დიდად დაზარალდა მატერიალურად და სულიერადაც, ქალაქში კულტურული ცხოვრების მაჩისცემა კვლავაც გრძელდებოდა.

ბ) ხუროთმოძღვრება და სახვითი ხელოვნება

ამ მძიმე საუკუნეებში, როდესაც მონღოლთა შემოსევის შედეგად, XIII საუკუნის ოციან-ოცდაათიან წლებში, ქალაქის ბევრი ღირსშესანიშნავი ნაგებობა დაიღუპა (ციხისთავმა, „რაჟამს სცნა... მოახლოება თათართა, მოწუა სრულიად ქალაქი და თვთ პალატი და ისანნი და ესრეთ მოოვრდა ქალაქი ტფილისისა“), ხელოვნების დარგში ყველაზე მნიშვნელოვანი ფაქტებია ჯერ სამეფო სასახლის აღდგენა, შემდეგ კი მეტეხის ტაძრის ხელმეორედ აშენება მეფე დემეტრე II-ის მიერ. ყამთაალმწერელი მოგვითხრობს, რომ მესტუმრე ჭიჭურმა (1247—1251 წლებში) „აღაშენა ისანთა პალატი განგებითა დიდითა“, ხოლო საუკუნის ბოლოს (1278—1289 წლებს შუა) დემეტრემ „აღაშენა პალატსა შინა მო-

³² ივ. ჭავჭავაძის, ძველი საისტორიო მწერლობა, თბ., 1945, გვ. 261.

³³ ქართლის ცხოვრება, II, გვ. 199.

³⁴ იქვე.

ნასტერი საყოფელად მეტეხთა ღმრთისმშობელისა და შეამკო განგებითა დიდითა და შესწირა სოფელნი და ზუარნი და განუჩინა მონაზონთა საზრდელი...“.

ზემოთ აღნიშნული იყო, რომ ტაძრის „მეორედ აღშენებისას“ გამოიყენეს მანამდის არსებული ეკლესიის გეგმა; მაგრამ თვით ხუროთმოძღვრული ხორცმესხმა სრულიად ახლებური იყო, თავისი დროის შესაფერი. შეიძლება გადაუჭარბებლად ითქვას, რომ მეტეხის ტაძარი იმ ეპოქის დამახასიათებელი ძეგლიც არის და ერთი ყველაზე მნიშვნელოვანთაგანიც; თუ არ ჩავთვლით სამცხე-საათაბაგოს, სადაც ისტორიული ვითარების წყალობით უკეთესი პირობები იყო მშენებლობისათვის, საქართველოს სხვა კუთხეებში XIII ს-ის მიწურულსა და XIV—XV საუკუნეებში აგებული ეკლესიები თითებზე ჩამოითვლება.

მართალია, XVI ს-ში და უფრო გვიანაც მეტეხის ტაძარი საგრძნობლად გადააკეთეს (ახალია გუმბათი და შიგნით — თითქმის მთელი სტრუქტურა). მაგრამ მაინც ხერხდება მისი თავდაპირველი სახის წარმოდგენა. ეს იყო გუმბათოვანი შენობა ოთხი გუმბათქვეშა ბოძითა და აღმოსავლეთის მხარეს სამი შვერილი აფსიდით. ფასადები თლილი ქვით არის მოპირკეთებული. მათი მორთულობა, ერთი მხრივ, მოწმობს ტრადიციებთან კავშირს, უფრო სწორად, ძველი დეკორაციული მოტივების (აღმოსავლეთის შუა აფსიდის დიდი ჯვრები — სარკმელთა საპირეები — შუა სარკმლის ქვეშ კუთხით დასმული მოჩუქურთმებული კვადრატები) რემინისცენციებს, მეორე მხრივ, ახლებური დეკორაციული ელემენტების გაჩენას (პორიზონტალური სარტყლების სისტემა, რომელიც ყველა ფასადს ჰკრავს). გადარჩენილი ჩუქურთმები (აღმოსავლეთისა და ჩრდილოეთის ფასადებზე, ჩრდილოეთის კარიბჭეში), მოტივების მხრივ, აგრეთვე უკავშირდება წინა საუკუნეების ტრადიციებს, ტექნიკურადაც ოსტატურად არის შესრულებული, მაგრამ უკვე ატარებს ერთგვარი ხელოსნური სიმშრალის ბეჭედს, დაწვრილმანებულ და მშრალია. იყო თუ არა მოხატული ეკლესია — არ ვიცით. მხატვრობის არავითარი კვალი არ გადარჩენილა.

მეტეხის ეკლესიას, რომელიც შვეულ კლდოვან ნაპირზეა აღმართული, განსაკუთრებული მნიშვნელობა ენიჭება თბილისის ისტორიული ნაწილის სრულიად განუშეორებელი, დაუვიწყარი სილუეტის შექმნაში. ამ ძეგლის ისტორიული მნიშვნელობა დიდია: იგი მოწმობს, რომ საქართველოსთვის უმძიმეს ხანაშიაც, როდესაც ქვეყანა ეკონომიკურ და პოლიტიკურ რღვევას განიცდიდა, ეროვნული ხუროთმოძღვრებისა და საინჟინრო ხელოვნების ტრადიციები მაინც ცოცხლობდა. სწორედ ეს უწყვეტი მემკვიდრეობითობა დაედო საფუძვლად ქართული ხუროთმოძღვრების განვითარებას მომდევნო საუკუნეებში.

ვენახებსა და ბალ-ბოსტნებში ჩაფლული საცხოვრებელი სახლები, მტკვარზე გადებული დიდი ერთმალისანი ხიდი, ტივებზე ჩაქვებით დამაგრებული მდინარეზე მოტივტივე წისქვილები, ქალაქის ვალაყანს შიგნით მეფე-დიდებულთა სასახლეები, ქრისტიანული ეკლესიები თუ არა-ქრისტიანთა სალოცავები, წყლის საქაჩავი დოლაბები, ბუნებრივი თერმული აბანოები XIII ს. თბილისს განუმეორებელ, თავისებურ კოლორიტს ანიჭებდა³⁵.

სამწუხაროდ, XIII—XV სს-ის ისედაც ღარიბული წერილობითი წყაროები მეტად ღარიბია თბილისური ყოფის ამსახველი მასალებითაც, ამიტომ არ ვიცით, როგორი იყო XIII—XV სს. თბილისელის (მდიდარი, საშუალო, ღარიბი) საცხოვრებელი ნაგებობა თუ მეფის სასახლე. რა ფუნქციების შესაბამისად იყო დაპროექტებული შენობები და რა იყო მისთვის დამახასიათებელი — თბილისური. სამაგიეროდ, თბილისური არქეოლოგიური მასალა საშუალებას გვაძლევს ნაწილობრივ მაინც აღვადგინოთ საოჯახო-საყოფაცხოვრებო საგნების სახეობანი, რითაც თბილისელები სარგებლობდნენ.

თბილისში ფრიალ განვითარებული იყო კერამიკული წარმოება. სახელოსნოები გამართული იყო ვალაყანის სამხრეთ კედლიდან ვიდრე დღევანდელ ბალნეოლოგიურ კურორტამდე³⁶. თბილისის კერამიკულ სახელოსნოებში სხვადასხვა სახეობის დიდი და მცირე ზომის საოჯახო ჭურჭელი მზადდებოდა. როგორც სამზარეულოსი — ქვებ-ქოთნები, დერგები, კოკა-დოქები, დიდი ზომის ჯამები და ა. შ., ასევე სუფრის — სამარილეები, კოჭობები, ხელადები, ჯამები, ფიალები, სხვადასხვა სახის სასმისები. მზადდებოდა აგრეთვე სააკვნე ჭურჭელი — კოტრშები, სამელნეები და დიდი რაოდენობით ჭრაქები.

ჭრაქების სიმრავლე იმაზე მიგვანიშნებს, რომ XIII ს. თბილისელებისათვის განათების საშუალება თავლის სანთელთან ერთად (თბილისის ბაზარზე ამ დროს დიდი რაოდენობით იყიდებოდა ცვილი) ჭრაქი იყო.

XIII ს-ის ვენეციელი მოგზაურის მარკო პოლოს თხზულებაში შემონახულია ცნობა საქართველოს საზღვარზე თავისებური ზეთის — ნავთის არსებობის შესახებ. იგი წერდა: „ეს ზეთი საქმელში არ იხმარება... შეიძლება მისი წარმატებით გამოყენება გასანათებლად“³⁷. ამრიგად,

³⁵ რ. კიკნაძე, XI—XIII სს. თბილისის ისტორიიდან. — აკად. ივ. ჭავჭავაძის შვილის სახ. ისტორიის, არქეოლოგიისა და ეთნოგრაფიის ინსტიტუტის შრომები, 1960, V, ნაკვ. I, გვ. 128—131.

³⁶ მ. შიწიშვილი, მოკიქული კერამიკის საწარმო შუა საუკუნეების თბილისში IX—XIII სს. თბ., 1979, გვ. 68.

³⁷ მ. პოლიევიტოვი, გ. ნათაძე, ძველი ტფილისი, 1930, გვ. 5.

თბილისელთა ყოფაში XIII საუკუნეში გასანათებლად ხმარობდნენ ნავოსაც. მცენარეული სელის ზეთსა და ცხოველურ ქონთან ერთად.

თბილისურ კერამიკულ სახელოსნოებში დამზადებული ნაწარმის პირველი მომხმარებლები. რასაკვირველია, თბილისელები იყვნენ, ნაწილი კი საექსპორტოდ მზადდებოდა³⁸.

იმდროინდელი თბილისური ჯამების, ფიალების, სამარილეების, კრატების თუ სხვა დანიშნულების ჭურჭლეულის ნაშთების ნახვა დღესაც სიამოვნებას ჰგვრის მნახველს. როგორც ჩანს, ძველი თბილისელის ყოფაში კერამიკულ ნაწარმს, პრაქტიკული დანიშნულების გარდა, გარკვეული ესთეტიური მოთხოვნებიც ჰქონდა წაყენებული. ამიტომ თბილისელი მეთუნეები მაღალხარისხოვან და მაღალი მხატვრული გემოვნებით შესრულებულ ჭურჭელს ამზადებდნენ. როგორც სპეციალისტები აღნიშნავენ, „თბილისის კერამიკული სახელოსნო ნაწარმის მიხედვით გვევლინება როგორც ერთიანი ორგანიზებული სკოლა, სადაც მხატვარ-კერამიკოსები მტკიცედ მისდევდნენ დაკანონებულ ტექნიკურ და მხატვრულ წესებს“³⁹. თბილისის კერამიკული სახელოსნოები მონღოლთა დაპყრობების შემდეგაც აგრძელებდნენ არსებობას⁴⁰.

გარდა კერამიკული ნაწარმისა, თბილისის მოსახლეობა იყენებდა ფიანისის ნაწარმსაც. მისი დიდი ნაწილი ადგილობრივ იყო დამზადებული. მაგრამ ხმარობდნენ იმპორტულსაც — ძირითადად ირანულს. მაგრამ ფიანისი XIII ს. შუა ხანებს აქეთ აღარ გადმოდის⁴¹, რაც მონღოლთა გამანადგურებელი დაპყრობებით აიხსნება.

შუა საუკუნეების საქართველოს სხვადასხვა ქალაქებში და მათ შორის თბილისშიც საკმაოდ მაღალი დონეზე იდგა მინის წარმოება. სარკმლის მინებსა და ფაქიზ ჭურჭელთან ერთად მინის სამკაულებიც კეთდებოდა. თბილისური მინის ნაწარმის პირველი მომხმარებლები თბილისელები იყვნენ, მაგრამ ამ ნაწარმის ნაწილიც გასატანად მზადდებოდა. მონღოლთა შემოსევების შემდეგ ხელოსნობის ეს დარგიც დაქვეითდა⁴².

თბილისელთა საოჯახო ყოფაში გარკვეული ადგილი ეკავა ლითონისა და მცენარეული მასალისაგან — ხისაგან, კვახისაგან დამზადებულ ჭურჭელსაც. მეფე-ადიდებულთა ოჯახებში ზეიმებზე კეთილშობილი ლითონისაგან მაღალმხატვრულ დონეზე შესრულებული საზეიმო ჭურჭელი იხ-

³⁸ გ. ლ. მ. თ. ა. თ. ი. ძ. ე. დასახ. ნაშრომი.

³⁹ მ. მ. ი. შ. ე. ი. ლ. დასახ. ნაშრომი, გვ. 69.

⁴⁰ გ. ლ. მ. თ. ა. თ. ი. ძ. ე. არქეოლოგიური გათხრები 1949 წლის ვახუშტულზე. — კრებ. ფეოდალური საქართველოს არქეოლოგიური ძეგლები, IV, 1982.

⁴¹ ნ. მ. ა. ი. ა. შ. ე. ი. ლ. ფიანისი შუა საუკუნეთა საქართველოში, თბ., 1976, გვ. 103—104.

⁴² მ. მ. ხ. ა. რ. ტ. ი. შ. ე. ი. ლ. მინის ჭურჭელი შუა საუკუნეთა საქართველოში, 1978, თბ., გვ. 69—71.

მარებოდა, მაგალითად „ტურფა“ და „სანადიმო“ ჯამ-თეფშები, სასმე-
რები, სურა-ფილალები და ა. შ.

საზოგადოების დაბალი ფენები ლითონიდან ქურკლად ძირითადად
სპილენძს ხმარობდნენ. სპილენძის საბანაო - „საბანელთა“ და სამზა-
რეულოს „ქურკლებს“ მოიხმარდნენ მეფე-დიდებულებიც.

პირდაპირი ცნობები, თუ როგორი იყო თბილისური ავეჯი XIII—
XV სს., ჩვენ არა გვაქვს. ივ. ჯავახიშვილის აზრით, უკვე XV ს. მეორე
ნახევარში საქართველოში, საერთოდ, ფეხიანი ავეჯი აღარაა და სავარ-
ძლის მაგიერ ხალიჩებზე სხდებიან. „... ქართულ კულტურაზე დიდი
წამლევადი გავლენა მოახდინა თემურლენგის შემოსევამ და ძველი ავე-
ჯის გაქრობაც ამასთან უნდა იყოს დაკავშირებული. სამაგიეროდ, ჩნდე-
ბა ხალიჩები და ყველა ფეხმოკეცილი ზის. ცვლილება ქამის წესებზე-
დაც ვრცელდება. ქრება ძველი სურა, რომელსაც ტყავისაგან დამზა-
დებული სურის მსგავსი რაღაცა ცვლის“¹³. მაგრამ. ჩანს, ფეხიანი ავე-
ჯი აქა-იქ ჯერ კიდევ ინარჩუნებდა თავის ფუნქციას. იოსაფა ბარბაროს
ცნობით (XIV ს. 70-იანი წწ.) პურობა მაღალ მაგიდასთან ხდებოდა და
კერძი მაგიდაზე იდგმებოდა¹⁴.

შესაძლოა მაღალფეხიანი ავეჯი — მაგიდები, „სელი“ (სკამები) და
ა. შ. მართლაც იხმარებოდა მეფე-დიდებულთა სასახლეებში (ბარბა-
როს სწორედ დიდებულთან სტუმრობა აქვს აღწერილი), მაგრამ უბრა-
ლო მოსახლეობა ასეთ ფუფუნებას მოკლებული იყო.

საინტერესო მასალებია შემონახული თბილისის მოსახლეობის საკ-
ვების გასარკვევად. XIII ს. ირანელი ავტორის ცნობით, თბილისე-
ლები სოფლის მეურნეობას მისდევდნენ, ბაღ-ბოსტნები და ვენახე-
ბი ჰქონდათ გაშენებული და მოსარწყავად ტექნიკურ საშუალებასაც —
დულაბებს იყენებდნენ¹⁵. ჩანს, ქალაქის მოსახლეობაში დიდი მოთხოვ-
ნილება იყო მცენარეულ საკვებზე და თბილისის მოსახლეობა ადგილობ-
რივ მოწეულ მცენარეულ საკვებს ხმარობდა. დავით აღმაშენებლის ან-
დერძში იხსენიება „ხილი ფურნისაჲ“ — ე. ი. ფურნეში გამოშრალი ხი-
ლი — ჩირი, ხოლო ათონის მონასტრის ტიბიკონის მიხედვით, ქართვე-
ლებს სკოდნიათ მოხარშული ხმელი ხილის თაფლით შეზავება, ე. ი.
ხმელ ხილს ქართველთა კვებაში გარკვეული ადგილი ეკავა. ასევე მოიხ-
მარებოდა საკვებში ბოსტნეული.

ქართულ, თბილისურ სურვას ოდითგანვე ამშვენებდა ღვინო. საღ-
ვინე ჯიშის ვენახები თბილისში ქრისტიან მოსახლეობას ჰქონდა, რად-

¹³ ივ. ჯავახიშვილი, მასალები საქართველოს მატერიალური კულტურის ისტო-
რიისათვის, თბ., 1965, გვ. 38.

¹⁴ ვ. ართილაძე, XVII—XVIII სს. ქართული მატერიალური კულტურის ის-
ტორიიდან, თბ., 1965, გვ. 63.

¹⁵ „სამყაროს საკვირველბათა“ ცნობები..., გვ. 28.

გან ღვინო პურთან ერთად ქართველთა კვების ძირითადი პროდუქტი იყო — განსაკუთრებით მარხვის დღეებში.

თბილისის მოსახლეობის ნაწილს ქალაქშივე ჰყავდა რძის, ხორცის, მატყლის თუ ტყავის მომცემი შინაური ცხოველები (ამის პირდაპირი მოწმობაა დავით აღმაშენებლის მიერ თბილისის მუსლიმანურ უბანში ღორის დაკვლის აკრძალვა) და შინაური ფრინველებიც. ზოგიერთ თბილისელს კი საცხოვრებელთან ახლოს სატრანსპორტო — გამწვევი საქონელიც ჰყავდა.

XIII ს. თბილისის ბაზარზე დიდი რაოდენობით იყიდებოდა თაფლი⁴⁶. გამორიცხული არაა, რომ მეფეუტკრეობა უშუალოდ თბილისელთა საქმიანობის ერთ-ერთი სახეობა ყოფილიყო. ამ დროისათვის საქართველოში უკვე იცნობდნენ შაქარს⁴⁷. მაგრამ საფიქრებელია, ადგილობრივი იაფი თაფლი, პირველ რიგში, თბილისელთა მოხმარების პროდუქტი იყო და უცხოეთიდან შემოტანილ ძვირადღირებულ შაქარს დიდ კონკურენციას უწევდა.

თბილისის მოსახლეობის საკვებში გარკვეული ადგილი ეკავა თევზს. ამის უხვ შესაძლებლობებს იძლეოდა უპირველესად თევზით მდიდარი მდ. მტკვარი და კასპიის ზღვის სიახლოვე. თბილისელთა სუფრაზე უცხო არ იყო არც ნანადირევი — გარეული ცხოველისა თუ ფრინველის ხორცი.

მასალები თითქმის არაფერს გვაუწყებენ XIII—XV სს. თბილისური სუფრის წესების შესახებ. ვიცით მხოლოდ, რომ საზეიმო სუფრაზე ღვინოსა და მრავალფეროვანი ხორავის გვერდით დიდი ადგილი ეკონა სანახაობით მხარეს. თამარის ქორწილზე დიდებულს „იყო ზმა მგოსანთა და მუშაითთა, სახიობათა მჭურეტელნი იყო რაზმთა სიმრავლე და სრულ-ქმნა ამასა შინა“⁴⁸. ეს წესი მიღებული იყო ქრისტიანი ქართველებისათვის. თბილისში მცხოვრებ სხვა ჯურის მოსახლეობას კი მისი ტრადიციებისა და რელიგიის შესაბამისი სუფრის წესები ჰქონდა. განსხვავებული იყო რიგითი თბილისელების სალხინო სუფრის მასშტაბებიც.

„უამთააღმწერლის“ ცნობით, მეფე ლაშა იყო „უხვ, სახიობის მოყუარე, ღვინის მოყუარე და გემოთ მოყუარე“⁴⁹. მაგრამ ყველა თბილისელისათვის ხელმისაწვდომი, ცხადია, არ იქნებოდა ის, რასაც ადვილად ეზიარებოდა სამეფო კარი თუ არისტოკრატთა წრე.

თბილისში მეფე ლაშა მხოლოდ შემოდგომას ატარებდა. ლაშას დრო-

⁴⁶ „სამყაროს საკვირველებათა“ ცნობები..., გვ. 29.

⁴⁷ „ისტორიანი და აზმანი შარაუანდელთანის“ ავტორის სიტყვით, ბასიანის ომის შემდეგ გამარჯვებულები მუზარადებში ყრიდნენ შაქარს, ავსებდნენ წყლით და მიირთმევდნენ. ქართლის ცხოვრება, II, 1959, გვ. 98.

⁴⁸ ქართლის ცხოვრება, II, 1959, გვ. 47.

⁴⁹ იქვე. გვ. 156—157.

ინდელ თბილისში მოქმედებდნენ რინდები — სუფიები, ისლამური თეოლოგიურ-ფილოსოფიური მიმდინარეობის წარმომადგენლები, რომელთა მიზანი იყო თავდავიწყებამდე მისვლა — ღმერთთან საბოლოოდ შერწყმისათვის. მიზნის მისაღწევად ისინი ღვინის სმასა და თრობას მიმართავდნენ. ლაშა დაკავშირებული იყო რინდებთან. ჩანს, ზოგიერთი თბილისელისათვის რინდებთან ღვინის სმა და თავდავიწყებაში მონაწილეობა გართობის ერთ-ერთი სახეობა იყო.

„ქამთაღმწერლის“ თხზულებაში ორიოდ ცნობა მოგვეპოვება გლოვისა და მიცვალებულის დატირებისაც. როდესაც უფლისწული გიორგი (ლაშას შეილიშვილი, დავითის ძე) გარდაიცვალა, მეფე დავითი თბილისში არ იყო. როცა იგი სასახლეში შევიდა, „დახუდეს სპანი და ვაზირნი დამალულნი და შავითა მოსილნი“⁵⁰, ე. ი. გლოვის ნიშნად XIII ს. შავი ტანისამოსის ხმარება ყოფილა მიღებული.

საქართველოში მოსახლეობის სხვადასხვა ფენები სხვადასხვაგვარად იმოსებოდნენ. განსხვავებული იყო მეფე-დედოფალთა და კარის მოხელეთა ტანსაცმელი. ვაჭრებს, სასულიერო პირებს, მოგზაურებს, ბავშვებსა თუ გაუთხოვარ ქალებსაც კი განსხვავებული, სხვადასხვა თარგისა და მასალისაგან შეკერილი ტანსაცმელი ეცვათ⁵¹. მაგრამ კონკრეტულად როგორ იმოსებოდა თბილისის მოსახლეობა XIII—XV სს. არ ვიცით. განსხვავებული უნდა ყოფილიყო ქრისტიან და არაქრისტიან პირთა ტანსაცმელი, ასევე ქალაქის მდიდართა თუ ღარიბთა სამოსელიც.

XIII ს. გეოგრაფ ზაქარია ყაზვინის ცნობით, საქართველოდან გადიოდა მატყლის, ბამბისა და აბრეშუმის ქსოვილები⁵². თბილისელთა სამოსელიც ძირითადად მატყლის, ბამბისა და აბრეშუმის ქსოვილებსაგან უნდა ყოფილიყო დამზადებული.

გართობა-თამაშობებიდან XII—XIV სს. წყაროები (თამარის ისტორიკოსი, „ველმწიფის კარის გარიგება“) ცნობებს გვაწვდიან ბურთის, კერძოდ ჩოგანბურთის, თამაშობის შესახებ⁵³. რადგან ეს თამაშობანი უმთავრესად სამეფო კარზე იმართებოდა, სავარაუდოა, რომ იგი თბილისის ყოფისათვის დამახასიათებელი ელემენტი ყოფილიყო.

XIII ს. საოჯახო ყოფის შესახებ მნიშვნელოვანი ცნობა აქვს „ქამთაღმწერელს“. მეფე ლაშამ სასახლეში ველისციხიდან მოიყვანა „ქალი ფრიად ქმნულკეთილი... და შეიყუარა ფრიად“. ეს ქალი მალე დედა გახდა ლაშას ვაჟის დავითისა. კათალიკოს-ეპისკოპოსებმა და ვაზირებმა სცადეს ლაშას შეგონება: „არა ჯერ არს, რათა მკვეწლი გესუას და არა

⁵⁰ ქართლის ცხოვრება, II, 1959, გვ. 257.

⁵¹ ივ. ჯ ა ვ ა ხ ი შ ვ ი ლ ი, მასალები ქართველი ერის მატერიალური კულტურის ისტორიისათვის, თბ., 1962.

⁵² ივ. ჯ ა ვ ა ხ ი შ ვ ი ლ ი, დასახ. ნაშრომი, გვ. 161.

⁵³ ალ. რ ო ბ ა ქ ი ძ ე, ქართული ხალხური სპორტის შესახებ, თბ., 1955, გვ. 28—29.

კოლი...". მაგრამ ლაშა კანონიერ ქორწინებაზე ვერ დაითანხმეს. როდესაც დიდებულთა შეგონება ლაშამ არ მიიღო. მეფეს იძულებით „წარგუარეს ქალი იგი დედა დავითისი და ქმარსავე მისსა მისცეს“⁵⁴, ე. ი. ქვეყნის უზენაესი ხელისუფალი იძულებული გახდა დამორჩილებოდა უმაღლეს საეკლესიო ხელისუფალთა და თავის დაქვემდებარებულ ვაზირთა კანაჩენს. ამ ფაქტში დარღვეული იყო ქორწინების ქრისტიანული წესი, როდესაც ცოლად ჯვარდაუწერელი ქალის ყოლა საეკლესიო კანონმდებლობით აკრძალული იყო.

როგორც ჩანს, ეს წესი XIII—XV სს. მანძილზე ხშირად ირღვეოდა და არა მხოლოდ თბილისში და მეფის კარზე. ამაზე მიგვანიშნებს XV ს. სამთავნელის სამწყსოს დრამისა და გარიგების წიგნი, სადაც ჯვარდაუწერლად შეუღლებისათვის სასჯელი იყო გაჩენილი: „უკეთუ ჯვარდაუწერლად კაცმა ცოლი დააორსულოს გ (სამი) ძროხა მჟართვას“⁵⁵.

XIII—XV სს. თბილისის მოსახლეობა საოჯახო მოხმარების საგნებს (კერამიკა, ფიანსი, მინა, ქსოვილები, ტყავი, იარაღი...) ადგილობრივი—თბილისური წარმოებისას ხმარობდა. თბილისელებისათვის უცხო არ იყო არც იმპორტული საქონელი.

საოჯახო ყოფაში დიდი იყო ქრისტიანული ეკლესიის როლი. სულიერ ყოფით ურთიერთობაში მოქმედებდა ადგილობრივი ადათ-წესები ღვინის, ქორწილისა თუ გლოვისა.

თბილისის არაქართველი მოსახლეობის ყოფაში გაბატონებული იყო „მოტანილი“ ტრადიციული ყოფითი ურთიერთობანი: რელიგიური დღესასწაულები, ჩაცმა-დახურვა, მენიუ...

თბილისური ყოფის ამსახველი მასალები ძირითადად მონღოლებამდელ ხანას ასახავს. შემდეგი დროისა კი შედარებით სუსტადაა წარმოდგენილი.

⁵⁴ ქართლის ცხოვრება, II, გვ. 155—156.

⁵⁵ ივ. ჯავახიშვილი, საქართველოს ეკონომიური ისტორიის ძეგლები (XIII—XIX სს.), წ. II, თბ., 1974, გვ. 13.

VIII

ქალაქის პოლიტიკური მდგომარეობა
XVI—XVII სს.

თბილისი XVI საუკუნეში

თბილისი XVI ს. პირველ ოცეულში

საქართველოს ფეოდალური მონარქიის პოლიტიკური დაშლის შედეგად ჩამოყალიბებულ სამეფო-სამთავროებს შორის და თვით სამეფო-სამთავროებში მიმდინარე შინაფეოდალური ომები ანადგურებდა საწარმოო ძალებს და შეუქლებელს ხდიდა ქართველი ხალხის გაერთიანებას უსხოელი დამპყრობლების წინააღმდეგ. მებრძოლი მხარეები ზოგჯერ დამპყრობელთა ძალებს იშველებდნენ. ასეთი იყო პოლიტიკური ვითარების ზოგადი სურათი საქართველოში, როცა მის მეზობლად დიდი აგრესიული ირანის სახელმწიფო ჩამოყალიბდა სეფიანების დინასტიის პირველი შაჰის — ისმაილის მეთაურობით. ამ სახელმწიფოს ყიზილბაშთა სახელმწიფოსაც უწოდებენ, რადგან ისმაილის მომხრე მომთაბარე ტომების მეომრები წითელზოლებიან თავსაბურავს ატარებდნენ („ყიზილბაში“ სიტყვასიტყვით წითელთავას ნიშნავს). ამრიგად, XVI საუკუნის დასაწყისიდან ერთმანეთის პირისპირ დადგა ორი ძლიერი აგრესიული სახელმწიფო — ირანი და ოსმალეთი. რომელთა შორის ომების მთავარი მიზანი იყო ახლო და შუა აღმოსავლეთში გაბატონება.

შაჰ ისმაილის (1502—1524) სახელმწიფო თავდაპირველად აღმოსავლეთ საქართველოს მიმართ შედარებით მსუბუქ ვასალობას სჯერდებოდა, რაც შაჰის უზუნაესი ხელისუფლების ცნობასა და საქიროების დროს ლაშქრით მიშველებაში გამოიხატებოდა. ქართლის დედაქალაქი თბილისი ქართლის მეფის ხელში იყო. აქ, 1505 წ. მეფედ ეკურთხა კონსტანტინე II-ის უფროსი შვილი დავითი. 1513 წ. დავით X-ის (1505—1525) ძმამ ბაგრატ მუხრან ბატონმა დაატყვევა კახეთის მეფე გიორგი, რომელიც სისტემატურად ძარცვის მიზნით თავს ესხმოდა ქართლის სოფლებს. ამის შედეგი ის იყო, რომ დავით X-მ კახეთი დაიკავა. ამრიგად, ქართლ-კახეთი ერთ სამეფოდ გაერთიანდა, თბილისი ქართლ-კახეთის სამეფოს დედაქალაქი გახდა, მაგრამ მალე აღმოსავლეთ საქართველოს გაერთიანებას ბოლო მოუღო საგარეო ვითარების გართულებამ.

1514 წ. დაიწყო ომი ირანსა და ოსმალეთს შორის. ოსმალეთმა დაიპყრო სომხეთის დასავლეთი ნაწილი, თითქმის მთელი ქურთისტანი

და არაბული ერაყის ჩრდილოეთი ნაწილი. ასეთ ვითარებაში ისმაილი შეეცადა ოსმალეთს არ დაეპყრო საქართველო. 1518 წ. მან ქართლის დასამორჩილებლად დიდძალი ჯარი გაგზავნა. დავით X-ს საკმარისი ძალა არ გააჩნდა და ქვეყნის გადასარჩენად შაჰის სარდალს თავისი შვილი რამაზი მიუგზავნა და მორჩილებას დაჰპირდა. ისმაილი დათანხმდა ზავი დაედო ყოველწლიური ხარკისა და სამხედრო სამსახურის პირობით. შექმნილი ვითარებით ისარგებლეს კახეთის ფეოდალებმა და შეძლეს ქართლისაგან კახეთის ჩამოშორება¹.

თელეთის ბრძოლა

ქართლის სამეფო ირანის ვასალის საქირო ერთგულებას არ იჩენდა. ამიტომ შაჰი 1522 წ. მრავალრიცხოვანი ჯარით ქართლში შევიდა და აღჩაყალაში (ახლ. მარნეულის რაიონში) ციხესიმაგრის მშენებლობა დაიწყო. ეს ციხესიმაგრე ქართლში ირანის ბატონობის ერთ-ერთი მთავარი დასაყრდენი უნდა გამხდარიყო. დავით X-მ სწორად შეაფასა ვითარება და შაჰს საქმის მშვიდობიანი გზით მოგვარება შესთავაზა. შაჰმა მეფეს მოსთხოვა მასთან გამოცხადება და მხოლოდ ამ შემთხვევაში კპირდებოდა მშვიდობას და განდიდებას. მეფე არ დათანხმდა, რადგან იცოდა, რომ შაჰი მას გამაჰმადიანებას მოსთხოვდა. ეს კი ომის დაწყებას ნიშნავდა.

დავით X თავდაცვითი ღონისძიებების გატარებას შეუდგა. ის შეუთანხმდა სამცხე-საათაბაგოს მთავარს და კახეთის მეფეს დამხმარე რაზმების გამოგზავნის თაობაზე, ამასთან შეუთანხმდა ჩრდილოკავკასიელ ტომებს და მათი მეომრები ქართლში გადმოიყვანა. განსაკუთრებით გამაგრეს თბილისი. შაჰმა სარდალი ყარაფილი დიდი ჯარით თბილისის ასაღებად გაგზავნა.

ქართლის ჯარი თბილისიდან გავიდა და თელეთის ქედის მიდამოებში განლაგდა. პირველი ბრძოლა ქართველთა გამარჯვებით დამთავრდა— მტერი უკუიქცა. გაქცეულთ წინ შემოეყარა მტრის მეორე სარდალის ელიას-ბეგის ჯარი, რომელმაც გაქცეულებიც დააბრუნა და ქართლის ჯარს შეუტია. ბრძოლაში თავი გამოიჩინა მეფის ძემ ლუარსაბმა. მან თავისი რაზმით იერიში მიიტანა მტრის მარცხენა ფრთაზე და მოსწყვიტა ის მთავარ ძალებს. ყიზილბაშებმა გააფთრებულ ბრძოლას ვერ გაუძლეს და უკან დაიხიეს. ქართველები გაქცეულებს დაეღვენენ, მაგრამ ტაბახმელის მახლობლად ერთ ხევში ჩასაფრებულმა შაჰის ჯარმა ზურგიდან დაარტყა ქართველებს, რომლებმაც ძლივს დააღწიეს თავი ბრძოლის ველს. მალე ყიზილბაშებმა გამაგრებულ თბილისს ალყა შემოარტყეს.

¹ ვ ა ხ უ შ ტ ი , ქართლის ცხოვრება, IV, ს. ყაუხჩიშვილის გამოც., 1973, გვ. 395.

შაჰმა თბილისის ციხისთავთან მოლაპარაკება გამართა და დიდი ჯილდო და განდიდება აღუთქვა იმ შემთხვევაში, თუკი ის ქალაქს დათმობდა. განდიდების სურვილით შეპყრობილმა ციხისთავმა ბრძოლა შეწყვიტა და ქალაქი და ციხე მტერმა დაიკავა. ყიზილბაშებმა გაძარცვეს და დაანგრის ეკლესია-მონასტრები, მათ შორის თბილისის სიონი, შემდეგ სიონის ღვთისმშობლის ხატი ავლახის ხიდის ყურესთან დადევს, მორეკეს ქრისტიანები და ხატის ფეხქვეშ გათელვით ხილზე გავლა უბრძანეს. ბევრმა ეს მოთხოვნა არ შეასრულა და მტრის მახვილის მსხვერპლი გახდა. ყიზილბაშებმა თბილისში თავისი მეციხოვნეები ჩააყენეს, ხიდის ყურესთან მეჩეთი ააგეს და, ამრიგად, მტკიცედ მოიკიდეს ფეხი ქალაქში².

ყიზილბაშთა მიერ თბილისის დაპყრობის შემდეგ დავით X ცდილობდა განედევნა მტერი ქართლის ციხესიმაგრეებიდან და „მარადის ბრძოლა ტფილისის“³. ასეთი იყო ვითარება ქართლსა და თბილისში, როცა 1524 წლის 23 მაისს ისმაილ I გარდაიცვალა და შაჰის ტახტზე ავიდა მისი ათი წლის ვაჟი თამაზი (თამაზ I, 1524—1576 წწ.). მისი მეფობის დასაწყისი ირანში ყიზილბაში ხანების ბატონობის ხანა იყო. მათ შორის ატყდა ბრძოლა იმის თაობაზე, თუ ვინ უნდა ყოფილიყო მცირეწლოვანი შაჰის რეგენტი. ირანის ამ გამწვავებული მდგომარეობით ისარგებლა დავით X-მ და იმავე წელს აიღო თბილისი, შემდეგ — აღჯაყალა და დაანგრა ის. ქართლი და თბილისი ყიზილბაშთა ბატონობისაგან გათავისუფლდა. ამ დროიდან ვიდრე 1541 წლამდე თბილისის შესახებ წყაროებში ცნობები არ მოიპოვება, მაგრამ აშკარად ჩანს, რომ თბილისში ამ ხნის მანძილზე ირანელთა გარნიზონი არ მდგარა.

თბილისი 1524—1562 წლებში

თბილისიდან ყიზილბაშთა განდევნის შემდეგ სამეფო კარზე უთანხმოება ჩამოვარდა — დავით X-ს ტახტს ეცილებოდნენ საკუთარი ძმები. იგი იძულებული გახდა გადამდგარიყო და ბერად აღკვეცილიყო. გამეფდა მისი ძმა გიორგი, რომელმაც მხოლოდ 3 წელი იმეფა (1525—1527). თუმცა ბრძოლა გრძელდებოდა, მაგრამ 1527 წ. ტახტი განიმტკიცა დავით X-ის შვილმა ლუარსაბმა იმერეთის მეფე ბაგრატ III-სთან კავშირის წყალობით. როგორც ჩანს, 1524—1540 წლებში ქართლის სამეფო, ასე თუ ისე, ახერხებდა ირანისაგან დამოუკიდებელი პოლიტიკის

² ვ ა ხ უ შ ტ ი, ქართლის ცხოვრება, IV, გვ. 397—399; ქართლის ცხოვრება, II, 1959, გვ. 355—356, 494—495. ისმაილის საქართველოში ლაშქრობის. თელეთის ბრძოლისა და თბილისის აღების შესახებ ჩვენს ისტორიოგრაფიაში ერთიანი აზრი არ არსებობს (იხ. საქართველოს ისტორიის ნარკვევები, ტ. IV, 1973, გვ. 101—102).

³ ვ ა ხ უ შ ტ ი, ქართლის ცხოვრება, IV, გვ. 399.

გატარებანს თბილისიდან. ამას ხელს უწყობდა ის გარემოება, რომ 1514 წ. დაწყებული ირან-ოსმალეთის ომი გრძელდებოდა, ომში წარმატებები ოსმალელს ჰქონდა და ირანი ვერ ახერხებდა თავდაცვას. მასთან ირან-ზე კვლავ ფეოდალური აწილობა და აჯანყებები იყო. ასეთ პირობებში ანტირეაქციასის ქვეყნები თავს შედარებით თავისუფლად გრძნობდნენ. მაგრამ 1536 წლიდან მდგომარეობა შეიცვალა: ოსმალეთმა თავისი დაპყრობითი პოლიტიკა უმთავრესად ევროპა-აფრიკისაკენ წარმართა, რათაც ისარგებლა შაჰთამაზ I-მა და შეეცადა თავისი პოზიციების განსტორკებას აღმოსავლეთ ამიერკავკასიაში.

1538 წ. შაჰმა შირვანი დაიპყრო და ირანის საბეგლარბეგოდ აქცია, რათაც დასაოჯიგებლობისათვის მეტადიდი აღმოსავლეთ საქართველოს მდგომარეობა გაართულა, მაგრამ ლუარსაბ I (1527--1556 წწ.) ბრძოლას არ წყვეტდა. შაჰმა გადაწყვიტა ქართლის დაპყრობა. მტრის გეგმა ირეალისტურად იქნებდა თბილისზე უეცარ თავდასხმას. შაჰმა თავისი ლაშქარი გარეგნულად ვითომ გასასეირნებლად და სანადიროდ ყარაბაღში ჩააყენა. ლაშქარში მან ომში გამოცდილი და მამაცი მეთაურები და მეთაურები შეარჩია, 12-ათასიან ლაშქარს თვითონ ჩაუდგა სათავეში და 1541 წ. თბილისისაკენ დაიძრა.

დამპყრობელი ფრთხილად მოქმედებდა. ერთ ბნელ ღამეს. გამთენიის ხანს, როცა ყარაულებს ჩასძინებოდათ. მტერი თავს დაესხა თბილისს. ყიზილბაშებმა ძარცვა-რბევას მიჰყვეს ხელი და ქალაქს ცეცხლი წაუქიდეს. თბილისის ციხისათვის გულბათი მოლაღატე აღმოჩნდა -- მან ციხე მტერს ჩააბარა. ციხისმცველთა ნაწილმა მას მიჰბაძა, ნაწილმა კი გაქცევით უშველა თავს. ლუარსაბი ამ დროს თბილისში არ იყო -- ის წინააღმდეგობით დედოფალთან და ამაღლასთან ერთად მცხეთაში წასულიყო თავისი გარდაცვლილი მცირეწლოვანი შვილის დასაკრძალავად. მომხდარი ამბის გაგებისთანავე ის ლაშქრის შეკრებას შეუდგა, მაგრამ სამზადისი დამთავრებული არ ჰქონდა, რომ იძულებული გახდა, შებრძოლებოდა ყიზილბაშებს დიდგორის მთის მიდამოებში. ამ ბრძოლას ორივე მხრიდან ბევრი შეეწირა. ლუარსაბი უვნებლად გამოირა ბრძოლის ველს და ახალი ბრძოლებისათვის მზადებას შეუდგა. შაჰმა თბილისში თავისი მეციხოვნეები ჩააყენა და თავრიზში გაბრუნდა⁴.

ყიზილბაშების მიერ თბილისის დაპყრობის შემდეგ ლუარსაბ I შეთანხმებულად მოქმედებდა იმერეთის მეფე ბაგრატ III-სთან. 1545 წ. ოსმალეთმა საათაბაგოში ქართლისა და იმერეთის მეფეთა მომხრეები დაამარცხა, ბოლო მოუღო იმერეთ-სათაბაგოს გაერთიანებულ სამეფოს

⁴ ქსან რუმუს ცნობები საქართველოს შესახებ, ვ. ფუფურიძის გამოცემა, 1966, გვ. 22--23; ისქანდერ მუნის ცნობები საქართველოს შესახებ, ვ. ფუფურიძის გამოცემა, 1969, გვ. 15--16; ქართლის ცხოვრება, II, გვ. 357, 496--497; ფარსადან გორგიჯანიძე, ისტორია, ს. კაკაბაძის გამოც., საისტორიო მოამბე, წიგნი II, გვ. 212--213.

(1535—1545 წწ.) და საათაბაგოში თავისი კაცი ქაიხოსრო II (1545.—1573 წწ.) გააბატონა. ლუარსაბსა და ქაიხოსროს შორის უთანხმოება ჩამოვარდა ჭავჭავაძის გამო, რომელიც ლუარსაბის ხელისუფლებას ემორჩილებოდა. მალე ქაიხოსრო დარწმუნდა, რომ ოსმალეთი საათაბაგოს სრულ დაპყრობას ესწრაფოდა და ირანის მხარე დაიჭირა. მან შაჰს სთხოვა დახმარება ლუარსაბის წინააღმდეგ. შაჰმაც არ დააყოვნა და 1547 წ. იანვარში დიდძალი ჯარით მეორედ შემოესია საქართველოს. მტერმა ჭავჭავაძეთი და შემდეგ ქვემო ქართლი დაარბია, გაძარცვა, მაგრამ ბრძოლის გაგრძელება ვერ შეძლო და უკან გაბრუნდა.

1551 წ. თამაზ I-მა შაჰის სახელმწიფო დაიპყრო. აქ მას ქაიხოსრო II-ისაგან ცნობა მოუვიდა, რომ ლუარსაბი სამცხე-საათაბაგოს მიწა-წყალს დაპყრობდა. ამას მოჰყვა შაჰის მესამე შემოსევა საქართველოში. შაჰის ლაშქარმა დაამარცხა ლუარსაბის მომხრეები საათაბაგოში და ქაიხოსროს ხელისუფლება განუმტკიცა. ლუარსაბი ბრძოლას მაინც განაგრძობდა. დაახლოებით 1552 წ. მან თბილისიც აიღო⁵. მაგრამ მისი შენარჩუნება ვერ შეძლო. 1554 წ. თამაზ I მეოთხედ შემოესია საქართველოს. მტერმა ქართლის სოფლები დაარბია და გაძარცვა, დაატყვევა 30 ათასი კაცი და ყარაბაღში დაბრუნდა. 1555 წ. ირანსა და ოსმალეთს შორის ზავი დაიდო. ამ ზავით აგრესორებმა საქართველო გაინაწილეს— ოსმალეთს ერგო დასავლეთ საქართველო და სამცხე-საათაბაგოს დასავლეთი ნაწილი, ირანს კი აღმოსავლეთ საქართველო და სამცხე-საათაბაგოს აღმოსავლეთი ნაწილი.

უცხოელმა დაპყრობლებმა ჯერ კიდევ დაუპყრობელი ქვეყანა გაინაწილეს. ამიერიდან ქართველი ხალხის ბრძოლა დამოუკიდებლობისათვის უფრო ძნელი გახდა; ზავის მიხედვით, ირანსა და ოსმალეთს ერთმანეთისათვის ხელი არ უნდა შეეშალათ დანაწილებული, მაგრამ დაუპყრობელი საქართველოს ნაწილების საბოლოო დამორჩილებაში.

ირან-ოსმალეთის ზავის პირობები მიუღებელი იყო ქართველ მეფე-მთავართათვის, მაგრამ თუ დანარჩენები, ასე თუ ისე, დროებით მაინც შეურიგდნენ მას, ლუარსაბ I მტკიცედ იდგა თავის ძველ პოზიციებზე და ბრძოლას განაგრძობდა. მან ქართლის რამდენიმე ციხესიმაგრე დაიბრუნა, ძლიერ შეავიწროვა თბილისის ყიზილბაშური გარნიზონი. ციხის უფროსმა თავისი მდგომარეობის შესახებ აცნობა ყარაბაღის მმართველს, რომელსაც შაჰისაგან დავალებული ჰქონდა თბილისის დაცვა, და დახმარება ითხოვა.

1556 წ. მდ. ქციის (ხრამის) ხეობაში სოფ. გარისთან გაიმართა დიდი ბრძოლა ქართლის ჯარსა და ყიზილბაშებს შორის. მოხუცმა მეფემ ჯარის მეთაურობა თავის მემკვიდრეს ახალგაზრდა სიმონს დაავალა. ყი-

⁵ ქრონიკები. II, გვ. 392—393.

ზილბაშებს ყარაბანის ხანი შაჰვერდი სულთან ზიად-ოღლი ყაჯარი მე-
თაურობდა. ქართველების ენერგიულ შეტევას მტერმა ვერ გაუძლო და
უუიქცა. სიმონი გაქცეულთ დაედევნა. ბრძოლის დაწყების წინ ლუარ-
საბმა, კათალიკოსმა და სხვა საერო და სასულიერო დიდებულებმა ერთ
მალალ გორაკზე დაიკავეს ადგილი და იქიდან ადევნებდნენ თვალყურს
ბრძოლის მიმდინარეობას და მტრის უკუქცევის შემდეგ ელოდებოდნენ
სიმონის უკან დაბრუნებას. ამ დროს მტრის ერთი რაზმი, რომელიც გა-
საქცევ გზას ეძებდა, ლუარსაბს და მის ამალას შეეჩხუბა. გაჩაღდა ხელ-
ჩართული უთანასწორო ბრძოლა, რომელშიაც გმირი მეფე დაიღუპა.

XVIII ს. ქართველი ისტორიკოსის ბერი ეგნატაშვილის სიტყვით,
„უკეთუმცა მეფესა ლუარსაბს ესოდენი ბრძოლა არა ექმნა, ახლამცა სა-
ქართველო ქმნილიყო სრულ სარკინოზ და რაოდენიცა დღეს სახელნი
არიან საქართველოსანი, ყოველივე კრმლისა მისისაგან არიან“⁶. ლუარ-
საბის ღირსებას მტერიც კი აღიარებდა⁷. ამიტომ იყო, რომ „ლუარსა-
ბი საქართველოს ეროვნული დამოუკიდებლობისათვის ბრძოლის დრო-
შად იქცა ოსმალეთის მოძალადეობის შავბნელ ხანაში“⁸.

ლუარსაბ I-ის გარდაცვალების შემდეგ 1556 წ. მცხეთაში ქართლის
მეფედ ეკურთხა მისი 19 წლის შვილი სიმონი. მისი სატახტო ქალაქი გო-
რი იყო. სიმონი განაგრძობდა მამის პოლიტიკას. მთავარი ამოცანა იყო
თბილისის გათავისუფლება. ყიზილბაშები კი, რომლებმაც ვერ შეძლეს
ქართლის დაპყრობა, წინანდებურად დამარბეველ ლაშქრობებს აწყობ-
დნენ და ძარცვა-რბევით, ნგრევითა და აოხრებით, ხოცვა-ჟლეტით იყრიდ-
ნენ ჯავრს. 1557 წ. ყარაბაღის ყიზილბაშთა ლაშქარი ზემოხსენებული
შაჰვერდი სულთნისა და სულეიმან ბეგ ბაიათის მეთაურობით ქართლს
შემოესია. მათ „გორის, სურამისა და საბარათიანოს ვილაიეთი დაარბი-
ეს, სოფლები და მხარეები ააოხრეს, ყანები და ხეები მწიფე ხილით ძი-
რიანად ამოგლიჯეს და გამარჯვებულნი უამრავი ნადავლით განჯაში დაბ-
რუნდნენ“⁹.

სათანადო მომზადების შემდეგ სიმონ I (1556—1569, 1578—1599
წწ.) 1561 წ. შეუდგა თბილისის გათავისუფლებისათვის ბრძოლის გეგმის
განხორციელებას. სიმონს შეუერთდა კახეთის რაზმი თავისი ცოლის ძმის
გიორგი ბატონიშვილის მეთაურობით. ქართველთა ჯარი სიმონის მეთაუ-
რობით სოფ. ციხედიდთან იდგა ახლანდელი მცხეთის რაიონის სოფ.
ძეგვის მახლობლად. თბილისის ყიზილბაშური გარნიზონის დასახმარებ-
ლად მრავალრიცხოვანი ჯარით განჯიდან გამოვიდა ყარაბაღის მმართვე-

⁶ ქართლის ცხოვრება, II, გვ. 366.

⁷ ისქანდერ მუნში, დასახ. ნაშრომი, გვ. 21.

⁸ ბ. ბეკძენიშვილი, ივ. ჯაფარიშვილი, ს. ჯანაშია, საქართველოს ის-
ტორია, 1946, გვ. 308.

⁹ ჯასან რუმლუ, დასახ. ნაშრომი, გვ. 35; ქრონიკები, ტ. II, გვ. 399.

ლი შაკვერდი სულთან ზიად-ოღლი ყაჯარი. იმისათვის, რომ შემოსევა ქართველებისათვის მოულოდნელი ყოფილიყო, მტერი წამოვიდა გარდაბნის გაუჟაცრელებული ტერიტორიითა და თბილისში ისე შევიდა, რომ ქართველებს არაფერი გაუგიათ.

ქართველთა ყარაულები მათი უფროსის ფარეშათ გერმანოზიშვილის მეთაურობით იმ დამეს მუხათვეკერში ასულიყვნენ სააღდგომო წირვის მოსასმენად (მეორე დღეს აღდგომა იყო). ამით ისარგებლა მტერმა, ამოავსო სიმონის ბანაკს გარშემოვლებული ხანდაკები (თხრილები) და 1561 წლის 6 აპრილს აღდგომა დილას მოულოდნელად დაესხა თავს ქართველებს. „ორივე მხარე მამაცურად და გულადად იბრძოდა. ურწმუნონი (ე. ი. ქართველები) მტკიცედ იდგნენ და ლაზიების (ე. ი. ყიზილბაში მეომრების) იერიშებს მდგრად იგერიებდნენ“¹⁰. გახურებულ ბრძოლაში მოკლეს კახეთის რაზმის მეთაური გიორგი უფლისწული. კახელები მისი გვამის ბრძოლის ველიდან გამოტანას შეეცადნენ და საერთო ბრძოლას გამოეთიშნენ. ამან არეულობა შეიტანა თავდამცველთა რიგებში და საბოლოოდ მტერმა გაიმარჯვა. ამრიგად, თბილისის გათავისუფლების ეს ცდაც უშედეგოდ დამთავრდა.

როგორც ზემოთ ითქვა, 1541 წ. თბილისში ყიზილბაშები გაბატონდნენ. ქალაქის ციხესიმაგრეში მათი გარნიზონი იდგა და თბილისი და მისი მიმდებარე სოფლები შაჰის ხელისუფლების ქვეშ მოექცა. ქართლის ამ ნაწილში, ცხადია, ქართული მართვა-გამგეობა მოისპო და მოსახლეობა შაჰის სასარგებლოდ იხდიდა ბეგარა-გადასახადებს. ქართლის დანარჩენი, უდიდესი ნაწილი, ქართლის მეფის ხელისუფლებას ემორჩილებოდა. ამ დროიდან თბილისში თანდათანობით იზრდებოდა მუსლიმანური მოსახლეობა, ფეხს იკიდებდა მუსლიმანური წეს-ჩვეულებანი. ისქანდერ მუნშის ცნობით, XVI ს. 50-იანი წლების პირველ ნახევარში ლუარსაბ I „ვენებას აყენებდა თბილისის ვილაიეთს და იმ ადგილებს, რომლებიც ყიზილბაშების მიერ იყო დაპყრობილი და მათი სამფლობელო გამხდარიყო“. იქვე მას ნათქვამი აქვს. რომ ამის გამო შაჰმა გადაწყვიტა „მთელი მისი (ლუარსაბის) ქვეყანა ისლამის ქვეყნისათვის შეეერთებინა“¹¹.

როგორც აღნიშნულიდან ჩანს, თბილისი და მისი მიდამოები ყიზილბაშების მიერ დაპყრობილი და ირანის დივანის მფლობელობაში შესული ქვეყანა იყო¹². ამრიგად, ქართლში „ყიზილბაშობის“ (ირანის სოციალურ-ეკონომიკური და პოლიტიკური და კულტურული) შემოღების პირველ ცდას ადგილი ჰქონდა XVI ს. 40—50-იან წლებში და არა 60-იანი წლების დასაწყისში, როგორც ეს მიღებული იყო დღემდე ჩვენს ისტორიოგრა-

¹⁰ ისქანდერ მუნში, დასახ. ნაშრომი, გვ. 23.

¹¹ იქვე, გვ. 20.

¹² იქვე, გვ. 23—24.

ფიანი. „ციხილბაშობის“ ეს პირველი პერიოდი 1578 წლამდე გაგრძელდა. ამავე დროს შეუწელებლივ მიმდინარეობდა ბრძოლა „ქართველობის“ (ქართული სოციალურ-ეკონომიკური და პოლიტიკური წყობის) დაცვისათვის.

თბილისი 1562—1578 წლებში

ხანგრძლივმა განუწყვეტელმა ბრძოლამ, რომელსაც ქართლის მოსახლეობა ეწეოდა აგრესორების წინააღმდეგ, ქვეყანა გაპარტახებამდე მიიყვანა. გამანადგურებელმა ომიანობამ ან ომის მოლოდინში ყოფნამ ბევრს გული გაუტეხა და განაწყო შაჰისადმი მორჩილების გზას დასდგომოდა. ციხედიდთან დამარცხებამ 1561 წ. ასეთი სულისკვეთება კიდევ უფრო გააძლიერა. სიმონის პოლიტიკით უკმაყოფილოთა შორის მისი ძმა დავითიც იყო, რომელსაც უმთავრესად ქართლის მეფობის სტრუვილი ამოძრავებდა. ის ქვემო ქართლის თავადთა, აზნაურთა და მსახურთა ჯგუფთან ერთად სამშობლოდან გაიქცა და 1561 წლის მიწურულს შაჰს ეახლა ყაზვინში. შაჰისთვის ამ ფაქტს დიდი მნიშვნელობა ჰქონდა დამოუკიდებლობისათვის მებრძოლთა რიგებში განსეთქილების შესატანად. ამიტომ შაჰმა ის კარგად მიიღო. დავითი გამაჰმადიანდა და დაუთხანი დარჩევა.

შაჰმა დაუთხანი თბილისისა და ქვემო ქართლის ხანად დანიშნა და დიდძალი საჩუქრებით დაჭრილობული 1562 წელს ციხილბაშოთა ჯარით ქართლში დააბრუნა. დაუთხანი თავისი მომხრე ქართველებითა და ციხილბაშოებით დამოუკიდებლობისათვის მებრძოლ თანამოძმეებს დაუპირისპირდა. სიმონისა და მისი თანამებრძოლების მთავარი ამოცანა კვლავ თბილისის გათავისუფლება იყო¹³.

1567 და 1568 წლებში დილომთან და სამადლოსთან ბრძოლებში სიმონმა დაამარცხა დაუთხანი და ციხილბაშოები, მაგრამ თბილისის აღება ვერ შეძლო. დაუთხანმა თავისი უმწეო მდგომარეობა შაჰს აცნობა და დახმარება სთხოვა. 1569 წ. შაჰმა დიდძალი ჯარი გამოგზავნა სიმონის წინააღმდეგ. ბრძოლა მოხდა სოფ. ფარცხისთან (ახლ. თეთრი წყაროს რაიონის ჯორჯიაშვილის სასოფლო საბჭოს ტერიტორიაზე). ფიცხელ ბრძოლაში ჩართული სიმონი და მისი ჯგუფი დიდი მანძილით მოსწყდა ძირითად ლაშქარს. მოლაღატე ყორღანაშვილმა, რომელიც მტრის მეგზური იყო, იცნო მეფე და ციხილბაშოებს დაანახვა. მეფე დაატყვევეს. ქართველთა ჯარი, სანამ მეფის დატყვევებას შეიტყობდა, ბრძოლას განაგრძობდა, შემდეგ კი, დაღლილ-დაქანცული, იარაღშემოლეწილი მებრძოლები ბრძოლის ველს გაეცალნენ. ციხილბაშოებმა სიმონი ჯერ თბილის-

¹³ ის ქ ა ნ დ ე რ მ უ ნ შ ი , დასახ. ნაშრომი, გვ. 24.

ში ჩაიყვანეს; შემდეგ კი ქაზინში. შაჰი ბევრს ეცადა სიმონის გამაჰ-
მადიანებას, მაგრამ მიზანს ვერ მიაღწია და ალამუტის (ყაზვინის ჩრდი-
ლოეთით) ციხეში დაამწყვდია, სადაც 1576 წლამდე ჰყავდა.

ფარცხისის ბრძოლაში დამარცხებისა და სიმონ I-ის დატყვევების
შემდეგაც დაუთხანის ხელისუფლება ქართლში მტკიცე არ იყო. თავად-
აზნაურთა მნიშვნელოვანი ნაწილი მას მხარს არ უჭერდა. მისი ხელის-
უფლება ფაქტობრივად მხოლოდ თბილისსა და ქვემო ქართლზე ვრცელ-
დებოდა.

დაუთხანის მოწინააღმდეგეთა და სიმონის მომხრეთა შორის იყო
ქართლის სარდალი საჩინო ბარათაშვილი, რომელმაც მოლაღატე კახა-
ბერ ყორღანაშვილს სამაგვირო მიუზღო — შეიპყრო იგი და გელი-
ყარის კლდიდან გადააგდო. დაუთხანი ხან თბილისს, ხან კიდევ დმანი-
სის ციხესიმაგრეში იჯდა, დროს ფუფუნებასა და განცხრომაში ატარებ-
და და საქვეყნო საქმეებზე ნაკლებად ზრუნავდა.

XVI ს. მეორე ნახევარში საერთაშორისო ასპარეზზე გამოვიდა გაძ-
ლიერებული მოსკოვის სახელმწიფო, რომელიც თანდათანობით მოიწვე-
და სამხრეთისაკენ. ივანე IV-ის მიერ ყაზანისა (1552 წ.) და ასტრახანის
(1556 წ.) სახანოების დაპყრობის შემდეგ რუსეთი ვოლგისპირეთს დაეუ-
ფლა. ირან-ოსმალეთის წინააღმდეგ მებრძოლი ხალხები თავიანთ უკეთეს
ბედს რუსეთს უკავშირებდნენ. რუსეთი განსაკუთრებით იმედის მომ-
ცემი იყო საქართველოსათვის — ქართველები ერთმორწმუნე რუსეთში
თავიანთ დამხმარე ძალას ხედავდნენ. 1564/65 წლებში კახეთის მნიშ-
ვნელოვან ციხესიმაგრეებში რუსეთის მცველი რაზმები ჩადგნენ. კავ-
კასიაში რუსეთის აქტიური გამოსვლა უპირისპირდებოდა ოსმალეთის
აგრესიულ ვეგმებს. ამ ნიადაგზე მოხდა რუსეთ-ირანის დაახლოება. ოს-
მალეთი რუსეთისაგან მოითხოვდა კავკასიიდან გასვლას. ამ დროს რუსეთ-
ში რთული საშინაო და საგარეო ვითარება იყო (ლივონიის ომი. ოპრიჩ-
ნინა), რის გამოც მას ოსმალეთთან ომის დაწყების შესაძლებლობა არ
ჰქონდა. ამიტომ ივანე IV-ის მთავრობა იძულებული გახდა დაეთმო თა-
ვისი პოზიციები კავკასიაში. ასეთ რთულ საერთაშორისო ურთიერთო-
ბათა პირობებში 1578 წ. დაიწყო ირან-ოსმალეთის ომი, რომლის შედე-
გად მთელს ამიერკავკასიასა და, კერძოდ, თბილისში ოსმალთა ბატონო-
ბა დამყარდა.

ოსმალეთის ფეოდალური სახელმწიფო კასპიის ზღვის სანაპიროებზე
გაბატონებას ესწრაფოდა და საამისოდ ხელსაყრელ პირობებს ელოდე-
ბოდა. ასეთი ვითარება შეიქმნა შაჰ თამაზ I-ის გარდაცვალების (1576 წ.)
შემდეგ, როცა ირანში შინაფეოდალური ომები ატყდა. 1578 წ. ოსმა-
ლეთმა ომი დაიწყო. სულთნის უზარმაზარი არმია მუსტაფა ლალა ფაშას
მეთაურობით სამცხე-საათაბაგოში შევიდა. 10 აგვისტოს ოსმალებმა
ჩილდირთან („ჩრდილი“, ამავე სახელწოდების ტბის მიდამოებში, ამაყა-

მად თურქეთის ტერიტორიაზე) გადამწყვეტ ბრძოლაში დაამარცხეს ირანის არმია. სამცხე-საათაბაგოდან ლალა მუსტაფა ფაშა თბილისისკენ გაემართა. დაუთხანმა ქალაქი გადაწვა და გაიქცა¹⁴. 29 აგვისტოს თბილისში შევიდნენ. ოსმალეთის სარდალმა თბილისის მმართველად დანიშნა მეჰმედ ფაშა, დაუტოვა მას მეციხოვნე რაზმი ზარბაზნებით და თვითონ შირვანის დასაპყრობად გაემართა. ამრიგად, 1578 წ. ქართლში ყიზილბაშთა ბატონობა ოსმალთა ბატონობით შეიცვალა, რომელიც 1606 წლამდე გაგრძელდა¹⁵.

თბილისი 1578—1590 წლებში

ოსმალმა დამპყრობლებმა ქართლში თბილისის საბეგლარბეგო დააარსეს და ბეგლარბეგად სულთნის მოხელე მეჰმედ ფაშა დანიშნეს. თბილისის საბეგლარბეგოში შედიოდა გორი, როგორც სანჯაყი. ამრიგად, ოსმალებმა ქართლი დაპყრობილ ქვეყნებს მიათვალეს და აქ ოსმალური წესწყობილების შემოღებას შეუდგნენ. „ოსმალთ დაიპყრეს ქართლი და ჰყვეს თბილისი საფაშოდ, გორი ალაშენეს და ჰყვეს სანჯაყად“¹⁶. დამპყრობლებმა მოსახლეობა აღწერეს და დაბეგრეს. ქართლში „ოსმალთა“ დამყარდა.

ოსმალები თავიანთი ბატონობის განმტკიცებას იდეოლოგიური საშუალებითაც ახორციელებდნენ — თბილისში მათ ორი ეკლესია მეჩეთად გადააკეთეს¹⁷. ლალა მუსტაფა ფაშამ თბილისის ბეგლარბეგის ვანკარგულებაში დატოვა ჯარი და საჭურველი.

ირან-ოსმალეთის ომის დაწყებისას შაჰის ხელისუფლება დაუთხანს არ თვლიდა ისეთ პიროვნებად, რომელიც შეძლებდა ქართლის დაცვისათვის ბრძოლის ორგანიზაციას. ამიტომ მან გადაწყვიტა ენერგიული და გულადი სიმონის გამოყენება, რომელიც ჯერ კიდევ 1576 წ. ალამუტის ციხიდან გამოუშვეს. 1578 წ. შაჰმა სიმონს ქართლის მეფობა უბოძა და ყიზილბაშ სარდალ ალი ყული ხანთან ერთად 5 000 მხედრით და რამდენიმე ქვემეხით ქართლში გამოგზავნა. იმავე წლის ოქტომბერში სიმონი ქართლში ჩამოვიდა. ამ დროს აქ ოსმალთა წინააღმდეგ მოძრაობა უკვე

¹⁴ ქართლის ცხოვრება, II, 522; ს. ჯიქია. იბრაჰიმ ფეჩევის ცნობები საქართველო-სა და კავკასიის შესახებ, თბ., 1964, გვ. 41.

¹⁵ უფრო დაწვრილებით, იხ.: იბრაჰიმ ფეჩევი, 36—42; მ. სვანიძე, საქართველო-ოსმალეთის ურთიერთობის ისტორიიდან XVI—XVII სს. 1971, გვ. 95—120; ე. შამისთვალშვილი, საქართველოს საგარეო პოლიტიკური ურთიერთობანი XV ს. მეორე ნახევარსა და XVI საუკუნეში, 1981, გვ. 173—186.

¹⁶ ქართლის ცხოვრება, II, გვ. 522; ვახუშტი, ქართლის ცხოვრება, IV, გვ. 411.

¹⁷ მ. სვანიძე, დასახ. ნაშრომი, გვ. 113.

დაწყებული იყო.

სიმონ მეფე სათავეში ჩაუდგა ამ მოძრაობას. 1579 წ. სიმონს ოსმალთა გარნიზონი თბილისში გარემოცული ჰყავდა — მეციხოვნეები ქალაქიდან ვერ გამოდიოდნენ და შიმშილობდნენ. თბილისის ბეგლარბეგი არზრუმელი ფაშასაგან დახმარებას ითხოვდა, მაგრამ ოსმალებმა ვერ შეძლეს მისთვის სურსათის მიწოდება, რადგან ქართველებმა და ყიზილბაშებმა გზები შეკრეს¹⁸. ალყა 4 თვე გაგრძელდა, გარნიზონი დაიშალა. ოსმალთა 12-ათასიანმა დამხმარე ლაშქარმა, 2 აგვისტოს, დიდი გაჭირვებით მოახერხა ქალაქში შესვლა. ოსმალთა რაზმი დამატებითი ძალებით შეივსო, მაგრამ დიდი ლაშქრის წასვლისთანავე სიმონმა კვლავ ალყა შემოარტყა თბილისს. არზრუმელმა ფაშამ იმავე წლის შემოდგომაზე 20-ათასიანი ჯარი გამოგზავნა ჰასან ფაშას მეთაურობით. გზაზე ქართველები და ყიზილბაშები თავს ესხმოდნენ თბილისისკენ მიმავალ ოსმალთა ლაშქარს, მაგრამ ფაშა თბილისში შევიდა და გარნიზონი ისევ გააძლიერა¹⁹.

ოსმალთა 1578—1579 წლების ოპერაციებმა მიზანს მაინც ვერ მიაღწიეს — ხალხის წინააღმდეგობა ვერ გატეხეს და მებრძოლი ქვეყანა ვერ დაიმორჩილეს. ამის გამო სულთანმა 1580 წ. ლალა მუსტაფა ფაშა გადააყენა და მის ნაცვლად აღმოსავლეთის ჯარის სარდლად სინან ფაშა დანიშნა, რომელიც ამიერკავკასიისა და ირანის წინააღმდეგ ბრძოლას ხელმძღვანელობდა 1580—1582 წლებში. მისი ერთ-ერთი მთავარი ამოცანა იყო ქართლის მეფის სიმონ I-ის დამორჩილება. უპირველესი ამოცანა ახლაც თბილისის ოსმალო მეციხოვნეებისათვის დახმარების გაწევა იყო.

სინან ფაშა დმანისის გზით აგვისტოს ბოლოს (1580 წ.) თბილისში შევიდა, გადააყენა ძველი ფაშა და თბილისის ბეგლარბეგად გამაჰმადიანებული ქართველი თავადი გიორგი დანიშნა²⁰. იგი თბილისის ბეგლარბეგი იყო 1580 წ. აგვისტოს ბოლოდან 1582 წლის სექტემბრამდე. თბილისში მყოფმა სინან ფაშამ გაიგო, რომ ქართველები და ყიზილბაშები მასზე თავდასხმას აპირებდნენ, ამიტომ ღამით სასწრაფოდ აიყარა და ისე გაიქცა ყარსისაკენ, რომ მტრის დაახლოებით 90 ქვემეხი ქართველებს დარჩათ²¹.

1580—1582 წლებში ირანსა და ოსმალეთს შორის საზავო მოლაპარაკება მიდიოდა. ამ მოლაპარაკებაში მონაწილეობდა სიმონ I-ის ელჩიც²². მოლაპარაკება უშედეგოდ დამთავრდა. 1582 წ. თბილისი კვლავ

¹⁸ ი ბ რ ა კ ი მ ფ ე ჩ ე ვ ი, დასახ. ნაშრომი, გვ. 54.

¹⁹ მ. ს ვ ა ნ ი ძ ე, დასახ. ნაშრომი, გვ. 137—138; ე. შ ა მ მ ის თ ვ ა ლ ი შ ვ ი ლ ი, დასახ. ნაშრომი, გვ. 199—200.

²⁰ ი ბ რ ა კ ი მ ფ ე ჩ ე ვ ი, დასახ. ნაშრომი, გვ. 61; მ. ს ვ ა ნ ი ძ ე. დასახ. ნაშრომი, გვ. 141—143.

²¹ ე. შ ა მ მ ის თ ვ ა ლ ი შ ვ ი ლ ი, დასახ. ნაშრომი, გვ. 209.

²² მ. ს ვ ა ნ ი ძ ე, დასახ. ნაშრომი, გვ. 144—146.

ალყაშემორტყმული იყო. სულთანმა თბილისისკენ გაგზავნა 20-ათასიანი ჯარი ჰადიმ ჰასან ფაშას მეთაურობით. მუხრანთან დაბანაკებულ ოსმალებს თავს დაესხა სიმონი და ხელთ იგდო დიდძალი ნადავლი. მათ შორის თბილისისათვის გათვალისწინებული ხაზინა. ოსმალები მაინც შევიდნენ თბილისში. ბეგლარბეგობიდან გაათავისუფლეს იუსუფ ფაშა და მის ნაცვლად ომერ ფაშა დანიშნეს²³, რომელიც თბილისს განაგებდა 1582—1583 წლებში.

სინან ფაშამ ვერ შეძლო სულთნის დავალების შესრულება. ამის გამო სულთანმა ის გადააყენა და აღმოსავლეთის ჯარების სარდლად 1583 წ. ფერჰარდ ფაშა დანიშნა. მას დაევალა საბოლოოდ გადაეწყვიტა საქართველოს საკითხი.

ახალი სარდალი 1584 წ. ქვემო ქართლში შევიდა. გაამაგრა ლორესა და დმანისის ციხეები და ალყაშემორტყმული თბილისის დასახმარებლად დმანისიდან 30-ათასიანი ჯარით რიდეან (რეზვან) ფაშა გაგზავნა. ქართველებს სიმონ I და მანუჩარ ათაბაგი მეთაურობდნენ. მათ მხოლოდ 4-ათასიანი ჯარი ჰყავდათ და დამარცხდნენ. ოსმალები თბილისში შევიდნენ.

1585 წ. სულთანმა ფერჰარდ ფაშა გადააყენა და მის ნაცვლად დანიშნა ოზდემირ ოღლუ ოსმან ფაშა, რომელსაც დაევალა ირანისა და საქართველოს დამორჩილება²⁴. ოსმალთა უზარმაზარმა არმიამ 1585 წ. სექტემბერში თავრიზი აიღო. ირანი ბრძოლას განაგრძობდა. აგრძელებდა ბრძოლას სიმონიც, რომელმაც იმავე წელს აიღო ლორე²⁵. ოზდემირ ოღლუ ოსმან ფაშას გარდაცვალების (1587 წ.) შემდეგ სარდლად ისევ ფერჰარდ ფაშა დანიშნა. იმავე წელს ის საქართველოსკენ გაემართა და 27 აგვისტოს მისი მთავარი ძალა დმანისში მივიდა, აქედან კი თბილისის გავლით — გორში. ამ დროს სიმონი თავისი ლაშქრით საათაბაგოში იმყოფებოდა მანუჩარის დასახმარებლად. როგორც კი გორისაკენ გაიგო წასვლა ოსმალთა, სიმონი ქართლში დაბრუნდა. ამით ისარგებლეს ოსმალებმა და საათაბაგო დაიმორჩილეს.

აღნიშნულ ამბებთან დაკავშირებით ფერჰარდ ფაშა სულთანს სწერდა: „რადგანაც საქართველოში ვერავითარი საშუალებით ვერ მოხერხდა წყვეული სიმონის თავიდან მოცილება, საბოლოოდ სიმონის სატახტო ქალაქ გორში მაგარი ციხე აშენდა. ახალციხეშიც შეიკრიბნენ ბეგლარბეგები და ციხე გაამაგრეს... აშენებულ ციხეებში მეომრები ჩააყენეს, მოთავსდა ხაზინა და სურსათი, დაინიშნენ ბეგლარბეგები. ამის შედეგად დმანისი, ლორე, გორი და ახალციხე საქართველოს ნამდვილ ზღუ-

²³ მ. სე ა ნ ი ძ ე, დასახ. ნაშრომი, გვ. 151.

²⁴ იქვე, გვ. 162—163.

²⁵ ქრონიკები, II, გვ. 423.

დელ შეიქმნა. თბილისის ციხის ასეთი გაძლიერებისათვის მრავალი სიძნელე განვიცადეთ და ხაზინა დაიხარჯა, მაგრამ ქვეყანა გამაგრდა²⁶.

1588 წ. ირანსა და თურქეთს შორის დროებითი ზავი დაიდო. იმავე წელს გაფორმდა ხელშეკრულება სიმონსა და სულთანს შორის. ამ ხელშეკრულებით ქართლის სამეფო ეძლეოდა სიმონს მემკვიდრეობითი მფლობელობის უფლებით და ქრისტიანობის შენარჩუნებით. ქართლის სამეფოს ყოველწლიური ხარკი უნდა ეხადა, ოსმალეთი სამეფოს შინაურ საქმეებში არ უნდა ჩარეულიყო. ამასთან ქართლის მთავარ ციხესიმაგრეებში, მათ შორის თბილისში, ოსმალთა გარნიზონი უნდა მდგარიყო, რომელსაც უნდა დამორჩილებოდა ქალაქთა ახლომახლო სოფლების მოსახლეობა²⁷. ეს ხელშეკრულება შემდეგ სულთანმა დაამტკიცა. 1590 წ. 21 მარტს სტამბოლში ირანსა და ოსმალეთს შორის ზავი დაიდო, რომლითაც საქართველო და მთელი ამიერკავკასია ირანმა ოსმალეთის სამფლობელოდ სცნო, მაგრამ ოსმალეთმა ვერ შეძლო თავისი დიდი გეგმის — ქართლის სამეფოს სრული დაპყრობისა და მისი ოსმალეთის საბეგლარბეგოდ გადაქცევის განხორციელება. ეს იყო ქართლის სამეფოს მრავალწლიანი ბრძოლის შედეგი.

თბილისი 1590—1606 წლებში

ზავის დადების შემდეგაც სიმონ I უსიტყვოდ როდი ემორჩილებოდა ოსმალებს. ის განსაკუთრებით უკმაყოფილო იყო იმით, რომ ქართლის უმთავრეს ციხესიმაგრეებში, და მათ შორის თბილისში, ოსმალთა გარნიზონები იდგნენ. ოსმალთა მეციხოვნენი ბატონობდნენ ქალაქთა გარშემო სოფლებზე და მათი მოსახლეობისაგან გადასახადებს თვითონ იღებდნენ. ამის გამო სიმონის მომხრეები ციხესიმაგრეებისაკენ მიმავალ და იქიდან მომავალ ოსმალებს ხშირად თავს ესხმოდნენ.

ეს ფაქტი კარგად ჩანს 1588 წლის ზავის შემდეგ სულთნის მიერ სიმონისადმი გაგზავნილ წერილში. „შენ ხშირად მორჩილებიდან გამოდიხარ, ციხეში მომსვლელებს და სხვა გამვლელ-გამომვლელებს ავიწროებ და, გარდა ამისა, აქაო და მე მოხარაჯე ვარო. ციხესთან ახლო მდებარე ნათესებიდან უშურს²⁸ ითხოვ და ამბობ. რომ ციხეების გარშემო განლაგე-

²⁶ გ. ფ. უ. თ. რ. ი. ძ. ე, მუსტაფა სელიანიქი საქართველოს შესახებ, თბილისის სახელმწიფო უნივერსიტეტის შრომები, ტ. 91, 1950, გვ. 269.

²⁷ მ. ს. ვ. ა. ნ. ძ. ე, ს. ქ. ი. ქ. ი. ა, საქართველო-თურქეთის ურთიერთობის ისტორიიდან 1588—1590 წლებში. — „მაკნე“, №6, 1966, გვ. 223—235.

²⁸ უშური — უშირი — აშარი (არაბ. მეათელი) — ყოველწლიური ნატურალური გადასახადი მუსლიმანურ ქვეყნებში, თავდაპირველად შემოსავლის 1/10-ის რაოდენობით. XVI—XVII სს-დან შემოღებულ იქნა მისი აკრეფის საიჭარო სისტემა, რომლის დროსაც გადასახადის რაოდენობა ფაქტობრივად შემოსავლის 1/2-ს აღწევდა.

ბული და ჩემი სამეფო და უძლიერესი ჯარის მიერ დაპყრობილი სოფლები და ნათესები უწინდელივით ჩემს მფლობელობაში უნდა იყოსო, ჩხუბობ და საქმეში ერევი... ამჟამად კი თბილისის ბეგლარბეგმა გამოგზავნა წერილი. რომელშიაც შენს შესახებ მომახსენა, რომ შენ სრულ მორჩილებასა და გამგონობას იჩენ... ამიტომ მე კვლავ გაუუგზავნე ბეგლარბეგებს მტყიცე და პატიოსანი ბრძანებები და თითოეული მათგანი მტყიცედ და დაბეჭითებით გავაფრთხილე და მივუთითე, რომ რამდენადაც ჩვენთან ერთგულად და პირიანად არის, მის ქვეყანას არ ჩააცვიდეთ და მის საქმეებში არ ჩაერიოთო მეთქი, იმის მეგობარს მეგობრობა, ხოლო მის მტერს მტრობა გაუწიეთ და მასთან ყოველნაირად მეგობრულად და გულთადად იყავით მეთქი. მაგრამ არც შენ შეგფერის, მხოლოდ იმიტომ რომ მოხარჯე ვარო და ციხეები რომ შენდებოდა ჩემი ძლიერი და სამეფო ჯარებით დაპყრობილი და დამორჩილებული სოფლებისა და ნათესების საქმეებში ერევი და ციხის მიდამოებში მდებარე ყანებიდან უშურს ითხოვ“²⁹.

სულთნის წერილიდან ისიც ჩანს, რომ ზოგჯერ მეციხოვნეები არა მარტო ზემოაღნიშნული, არამედ სიმონისადმი დაქვემდებარებული სოფლებისა და მათი მოსახლეობის საქმეებშიც ერეოდნენ და თავს ესხმოდნენ მათ.

ირანის შაჰი აბას I (1587—1629) უკმაყოფილო იყო სტამბოლის ზავით და დაკარგული პოზიციების აღსადგენად ემზადებოდა. ოსმალეთის ასეთი გაძლიერების წინააღმდეგი იყო დასავლეთ ევროპის ზოგი სახელმწიფოც. 90-იან წლებში პაპის კლიმენტი VII-ისა და „რომის საღვთო იმპერიის“ ინიციატივით დაიწყო მოლაპარაკება ანტიოსმალური კოალიციის შექმნის თაობაზე. ქართველი პოლიტიკური მოღვაწეებიც ოსმალეთის უღლისაგან გათავისუფლებისათვის ბრძოლას ამ საერთაშორისო სიტუაციას უკავშირებდნენ. საერთო ევროპულ-აღმოსავლური კოალიციის შექმნა შეუძლებელი გახდა, მაგრამ 1595 წლისათვის ჩამოყალიბდა ირანის, ქართლისა და კახეთის კავშირი. ამის შედეგი ის იყო, რომ სიმონ I 1598 წ. აჯანყდა ოსმალეთის ბატონობის წინააღმდეგ. 1599 წ. მან გორის ციხე აიღო³⁰ და დაიწყო მზადება თბილისის გათავისუფლებისათვის. ოსმალთა ბატონობას საფრთხე ემუქრებოდა.

1599 წ. სულთანმა გამოგზავნა დიდძალი ჯარი, რომელიც მდ. ხრამის (ქციის) პირას ნახიდურთან დაბანაკდა და თბილისისაკენ მოიწევედა. ქართველთა ჯარის მობილიზაცია დამთავრებული არ იყო, როდესაც სიმონი მდ. ალგეთის ნაპირზე მტერს შეება, რომ ოსმალეთისათვის არ მიეცა საშუალება თბილისში შესვლისა, რომლის შემდეგ მათ წინააღმდეგ

²⁹ მ. სე ა ნ ი ძ ე , ს . ჯ ი ქ ი ა , დასახ. ნაშრომი, გვ. 234—235.

³⁰ საქართველოს ისტორიის ნარკვევები, ტ. IV, 1973. გვ. 147—148.

ბრძოლა გაცილებით ძნელი გახდებოდა. უთანასწორო ბრძოლა 5 საათს გაგრძელდა. უკან დახეულ ქართველებს მტერი დაედევნა. სოფ. ფარცხისთან (ახლ. თეთრი წყაროს რაიონში) ვიწრო გზაზე ვილაცამ შემთხვევით მეფეს ცხენი დააძგერა და სიმონი ცხენიანად საფლობაში გადავარდა. საფლობიდან მეფის ამოყვანა გაძნელდა. ამასობაში ოსმალებმა ც მოალწიეს და სიმონი დაატყვევეეს³¹. ოსმალეთი ზეიმობდა სიმონის დატყვევებას. მეფე სტამბოლის ციხეში დაამწყვდიეს, სადაც გარდაიცვალა (1611 წ.).

ბრძოლა ირანელ დამპყრობთა წინააღმდეგ XVII ს-ის პირველ მესამედში

როგორც ზემოთ ითქვა, 1562—1578 წლებში თბილისი ირანელთ ეპყრათ, 1578—1606 წლებში კი ოსმალთა ხელში გადავიდა. ირანსა და ოსმალეთს შორის დადებულმა 1590 წლის ზავმა დაადასტურა ოსმალთა გაბატონება ამიერკავკასიაში. ამიერკავკასიის ვაჭრობა თითქმის მთლიანად ოსმალეთის ხელში აღმოჩნდა, იგი გაბატონდა სტამბოლის სავაჭრო გზაზე: შემახა — განჯა — თბილისი — გორი — ახალქალაქი — ახალციხე — ერზერუმი³².

1603 წ., დიდი მზადების შემდეგ, შაჰ აბასმა ომი დაიწყო ოსმალეთის წინააღმდეგ, რომელიც მცირე ინტერვლებით 1639 წლამდე გაგრძელდა. შაჰ აბასის მიზანი ამ ომში 1590 წ. ზავით დაკარგული პოზიციების დაბრუნება და აღმოსავლეთ ამიერკავკასიიდან ოსმალეთის განდევნა იყო. ირანის ინტერესები ოსმალეთთან ერთად რუსეთის უკუგდებასაც მოითხოვდა, რომელსაც უკვე დაედო მფარველობის ხელი კახეთისათვის. ამდენად აღმოსავლეთ საქართველოს (და მთელი აღმოსავლეთ ამიერკავკასიის) საბოლოო დაპყრობა ერთ-ერთი მთავარი ამოცანა იყო შაჰ აბასისათვის ახლად დაწყებულ ომში.

შაჰ აბასმა 1603 წ. ზაფხულში თავრიზი აიღო და ამიერკავკასიაში შემოიჭრა, გადმოლახა არაქსი, აიღო ჭულფა, ნახიქევანი და ალყა შემოარტყა ერევნის ციხეს. 10 თვის ალყის შემდეგ აიღო ერევანი (1604 წ. ზაფხული) და შეუდგა თავისი საზარელი გეგმის — სომეხთა ირანში გადასახლების საქმეს. ერთი წლის განმავლობაში მან გადაასახლა სოფლისა და ქალაქის 350 ათასამდე მცხოვრები, მათ შორის ქ. ნახიქვენისა და ქ. ჭულფის ვაჭრები და ხელოსნები.

1606 წ. გაზაფხულზე შაჰ აბასმა აიღო ყარაბაღი. განჯა და ქართლში

³¹ ფ. გორგიჯანიძე, ისტორია. ს. კაკაბაძის გამოცემა. — საისტორიო მოამბე. 1925, თბ., გვ. 222—224; საქართველოს ისტორიის ნარკვევები, ტ. IV, გვ. 148—149.

³² ვ. გაბაშვილი, თბილისი XVI—XVII საუკუნეების აღმოსავლურ წყაროებში. თსუ შრომები, ტ. 99, 1962, გვ. 258—259.

შემოიქრა. ადვილად განდევნა ოსმალთა მეციხოვნეები ლორესა და დმანისის ციხეებიდან და შიგ თავისი მოლაშქრეები ჩააყენა. შემდეგ შაჰი ლაშქრით მდ. ალგეთზე მივიდა და მარნეულს დადგა. აქ მას მიუვიდა თბილისის მმართველის აბდალ-ლატიფ ფაშას მოციქულნი კაპიტულაციაზე თანხმობით, მეციხოვნეთა სიცოცხლის გარანტიის პირობით. შაჰმა პირობები მიიღო. თბილისი სპარსელებმა ჩაიბარეს. როგორც ისქანდერ მუნში მოგვითხრობს, ოსმალთა მეციხოვნეებმა „ორი-სამი დღე ურდოს ხალხთან (ე. ი. ირანელებთან) სევაქრო გაცელა-გამოცელის“ შემდეგ „სახედრებს ბარგი აპკიდეს და ყველანი ჭალაბობით ციხიდან გამოვიდნენ“³³. აბდალ-ლატიფ ფაშა თავისი მხლებლებით ალგეთზე ეახლა შაჰს, მისგან შეწყალებული და დასაჩუქრებული ოსმალეთში გაემგზავრა. ამის შემდეგ შაჰი „თვით გაემართა (თბილისის) ციხისაკენ და „სიფრთხილის თვალთ“ განიხილა მისი ავი და კარგიო“³⁴ — გადმოგვცემს ისქანდერ მუნში, რომელიც, როგორც ჩანს, თან ახლდა შაჰს ამ ლაშქრობისას. ისქანდერ მუნში ხაზს უსვამს თბილისის დიდ სტრატეგიულ მნიშვნელობას აღმოსავლეთ ამიერკავკასიისათვის. იგი ალტაცებული წერს: „ქვემარტად ასე ადვილად ხელში ჩაგდება ასეთი მაგარი ციხისა, რომელიც საქართველოსა და შირვანის ვილაიეთების ბურჯია, ზეციური დახმარების... გარეშე არ შეიძლება მომხდარიყო“³⁵. შაჰმა „თბილისის გამგებლობა და ციხის უფროსობა“ მოჰამედ-სულთან შამს ად-დინლუს („დიდმოურავიანი“ ცნობილი დელეუმაჰმად ხანი) ჩააბარა. მეციხოვნეებად შაჰის საკუთარი ლაშქრის მეთოფეთა რაზმი დანიშნეს³⁶.

იმ ხანებში გიორგი ქართლის მეფე (სიმონ I-ის ძე) უეცრად გარდაიცვალა. ქართლის დიდებულთა თხოვნით, შაჰმა ქართლის მეფედ 14 წლის ლუარსაბ გიორგის ძე დაამტკიცა. ცოტა ადრე კახეთის მეფობა შაჰმა ახალგაზრდა თეიმურაზ დავითის ძეს უბოძა.

მართალია, შაჰ აბასმა ქართლ-კახეთში ქრისტიანი მეფეები დაამტკიცა და ქართლიდან ოსმალები განდევნა, მაგრამ ქვეყანას თავისუფლება არ ღირსებია, თბილისსა და ქართლის სხვა ციხეებში (ლორე, ალჯაყალა, დმანისი) ოსმალების მაგივრად ყიზილბაშები იდგნენ. ქართლ-კახეთის სამეფოები ირანის ვასალებად ითვლებოდნენ. ორივე სამეფო ვალდებული იყო ირანის მხარეზე ჯარით გამოსულიყო. ქართლის საქმეების მოწესრიგების შემდეგ შაჰი ნახჭევნის მხრისაკენ გაემართა.

ქართლიდან ოსმალთა განდევნა მაინც ქართველთა წარმატებად განიხილებოდა. ქვეყანაში შედარებით მშვიდობიანობა დამყარდა. თბი-

³³ ისქანდერ მუნში, დასახ. ნაშრომი, 1969, გვ. 63—64.

³⁴ იქვე, გვ. 64.

³⁵ იქვე, გვ. 65.

³⁶ იქვე, გვ. 66.

ლისიცი, ციხის გარდა, ქართველების ხელში იყო. თბილისის მოურავად ქართლის მეფე ლუარსაბ II-მ გიორგი სააკაძე დანიშნა (1607 ან 1608 წწ.).

სააკაძემ და მისმა მომხრეებმა დიდი აღმშენებლობითი მუშაობა გააჩაღეს. ისინი ხელს უწყობდნენ გაბნეული გლეხობის თავის სამკვიდროზე მობრუნებას და დასახლებას, აღკვეთეს შინაფეოდალური ომები და შეზღუდეს ზოგიერთი თავგასული თავადი, მნიშვნელოვნად განამტკიცეს ცენტრალური ხელისუფლება. ყველაფერმა ამან კი ქართლის თავდაცვისუნარიანობა რამდენადმე გააძლიერა, რის გამოც ოსმალეთის მარბიელი ექსპედიციის განადგურება ტაშისკართან 1609 წ. შედარებით ადვილად მოხერხდა.

ოსმალთა დამარცხების შემდეგ, მალე, 1610 წელს, შაჰ აბასს ქართლისა და კახეთის მეფეები, ლუარსაბი და თეიმურაზ I თავისთან დაუბარებია.

ლუარსაბსა და თეიმურაზს შაჰისათვის თხოვნით მიუმართავთ, როგორც ეს ძლიერი სიუზერენის მორჩილ ვასალებს შეეფერებოდათ. თეიმურაზის თხოვნა მართლაც ამ ურთიერთობის შესაფერისი იყო. მას შაჰთან ზოგიერთ ურჩ კახელ ფეოდალზე უჩივლია. ლუარსაბს კი თბილისის ციხის დაბრუნება უთხოვნია, რომელშიც 1606 წლიდან ირანული დიდი გარნიზონი იდგა. შაჰ აბასმა კარგად იცოდა, რომ მოძლიერებული ქართლის პოზიციას ახლა, როცა ირან-ოსმალეთის ომი ჯერ კიდევ გრძელდებოდა, გარკვეული მნიშვნელობა ჰქონდა. ამიტომ ის დათმობაზე წავიდა და თბილისის ციხესიმაგრე ლუარსაბს დაუბრუნა. მას ამ წყალობის მიზეზად სიმონ მეფის დამსახურება დაუსახელებია. სიმონის ბრძოლა ოსმალების წინააღმდეგ, შაჰის თვალსაზრისით, ირანის სამსახური იყო. ისქანდერ მუნში წერს: „თბილისის ციხე „სიმონ-ხანის ყეთილმოსურნეობისა და ერთგულების საზღაურად, მის შვილიშვილს, ხსენებულ ლუარსაბ-ხანს ეწყალობა“³⁷.

თბილისის ციხე 70 წლის ტყვეობის შემდეგ კვლავ დაუბრუნდა ქართველებს. ეს ამბავი ქართველთა დიდი წარმატება იყო. ქართლი ძალებს იკრებდა და აღდგომისათვის ემზადებოდა. ამ საქმეში მნიშვნელოვანი წვლილი მიუძღოდა თბილისის მოურავს გიორგი სააკაძეს. სამწუხაროდ, ქართლის წარმატებები ხანმოკლე აღმოჩნდა.

1612 წ. ზავი დაიდო ირანსა და ოსმალეთს შორის, რომლის მიხედვით აღდგენილ იქნა 1555 წლის ზავის პირობები, ე. ი. დასავლეთ საქართველო ოსმალეთს მიეკუთვნა, აღმოსავლეთი — ირანს. შაჰ აბასი მაშინვე შეუდგა საქართველოს წინააღმდეგ ომის სამზადისს. მანამდე კი რიგი ფარული ღონისძიებები გაატარა ქართლ-კახეთის დასასუსტებ-

³⁷ ისქანდერ მუნში, დასახ. ნაშრომი. გვ. 75.—76.

ლად და ძალების გასათიშავად. მან სცადა განხეთქილება ჩამოეგდო ლუარსაბსა და თეიმურაზს შორის. ოქროთი მოისყიდა ზოგიერთი თავად-აზნაური. ზოგიერთი გამოიხენილი მოღვაწე კი, შაჰის ინტრიგების წყალობით, სიკვდილით დასაჯა თეიმურაზმა. როგორც ჩანს, სააკაძის წინააღმდეგ თავადთა მიერ 1612 წ. მოწყობილ შეთქმულებაშიც შაჰ აბასის ხელი ერია. ამ შეთქმულებას, როგორც ცნობილია, სააკაძის ირანში გადახვეწა მოჰყვა. ამავე დროს შაჰი აღმოსავლეთ ამიერკავკასიის პოლიტიკურ ერთეულებს ერთიმეორეს უსისინებდა და ინტრიგების ქსელს აბამდა.

1614 - 1617 წლებში შაჰ აბასის უზარმაზარი არმიები ოთხგზის შემოესია აღმოსავლეთ საქართველოს. ბრძოლების მთავარი ასპარეზი იყო კახეთი. რომელიც ამ შემოსევების შედეგად თითქმის მთლიანად გახადგურდა. მაშინ დანგრეული მრავალი ქალაქი და სოფელი შემდეგ აღაოსოდეს ამდგარა. მიწასთან გაასწორეს ქალაქები გრემი და ზაგემი. კახეთმა თავისი მოსახლეობის უდიდესი ნაწილი დაკარგა. ასი ათასამდე კაცი მტერს შეაყვდა. ორასი ათასამდე კი ტყვედ წაიყვანეს და ირანის შიდა პროვინციებში დაასახლეს³⁸.

შაჰ აბასმა პირველი ლაშქრობის დროს თბილისის ციხე ისევ თავისად დაიკირა. იქ ირანელთა გარნიზონი შეაყენა და თბილისის ციხის მიწაშად აღა ზოპრად ლარიჯანი დანიშნა, ლუარსაბი კი დაატყვევა და ირანში წაიყვანა. ამას გარდა, შაჰმა შეაკეთებინა გორისა და სურამის ციხეები და იქაც ირანული გარნიზონები დააყენა³⁹. სულ ოთხი წელი გაგრძელდა ქართლისა და თბილისის თავისუფლება (1610--1614). თბილისისათვის ბრძოლა კვლავ დღის წესრიგში დადგა.

შაჰ აბასმა საქართველოში მეორე ლაშქრობის დროს, 1616 წელს, ქართლის მმართველად გამაჰმადიანებული ბაგრატ დაუდ ხანის ძე (სიმონ 1-ის ძმისწული) დანიშნა. მის მეფობას ქართველები არ ცნობდნენ. მას მხოლოდ თბილისი და ქვემო ქართლი ემორჩილებოდა. ისქანდერ მუნშის სიტყვით, თბილისი, როგორც დაპყრობილი ქალაქი, „დივანის მფლობელობაში შესული იყო“, ე. ი. თბილისი (და ქვემო ქართლიც) ირანის უშუალო ტერიტორიად განიხილებოდა. ბოლოს ბაგრატმა თბილისი მთლიანად ყიზილბაშებს მიანება და ბოლნისში დასახლდა, სადაც გარდაიცვალა 1619 წ.

1619 წ. შაჰ აბასმა ქართლის ხანად ბაგრატ ხანის მცირეწლოვანი შვილი, მუსლიმანი სიმონი დანიშნა, რომელსაც „ვექილად და ხელმძღვანელად“ სააკაძე დაუნიშნა⁴⁰. სააკაძე ქვეყნის ფაქტიური გამგებელი გახდა. იმდროინდელ საქართველოში სრული ანარქია მეფობდა. სააკა-

³⁸ საქართველოს ისტორიის ნარკვევები. ტ. IV. 1973. გვ. 272—273.

³⁹ ისქანდერ მუნში, დასახ. ნაშრომი, გვ. 90.

⁴⁰ იქვე. გვ. 115.

ძის წინაშე ქვეყნის ერთიანობის აღდგენისა და განმტკიცების ამოცანა იდგა. სააკაძე და მისი მომხრეები აჯანყებისათვის ემზადებოდნენ. სააკაძე შეუთრიადა თავის ყოფილ მტრებს. პოლიტიკური ან მოყვრული კავშირები დაამყარა დასავლეთ საქართველოს მეფე-მთავრებთან და ახალციხის ფაშასთან.

შაჰ აბასი, რომელიც აქამდე კახეთის ამოგდებას ცდილობდა, ახლა ქართლსაც ისეთსავე ბედს უმზადებდა. შაჰმა დიდი არმია შეადგინა, რომელსაც სათავეში ირანის ჯარების მთავარსარდალი ყარჩიხა ხანი ჩაუყენა და საქართველოში გამოაგზავნა. ყარჩიხა ხანის მიზანი იყო კახელების ერთიანი ამოწყვეტა და ქართლელთა ირანში გადასახლება. აღმოსავლეთ საქართველოს მოსახლეობას კვლავ სასიკვდილო საფრთხე დაუდგა.

ირანის დიდი ლაშქარი 1625 წელს ადრე გაზაფხულზე მოვიდა ქართლში. ეს ლაშქარი ოფიციალურად შვედობიანი მიზნით მოდიოდა საქართველოში. მას მოჰყავდა ისა ხან ყორჩიბაშის ასული (შაჰ აბასის შვილიშვილი ქალის ხაზით) ჯაანბანუ, რომელიც სიმონ ხანზე უნდა დაექორწინებინათ. თბილისში დიდი ქორწილი მოაწყვეს. რამდენიმე დღე „იუვის მღერა, ნადიმი და მეჯლიში, ბურთაობა და ყაბახის სროლა“⁴¹, რომლის მიზანი დიდი ჯარის მოსვლით შემოფოთებული ქართველების დამშვიდება იყო.

სააკაძესა და მის მომხრეებს აჯანყება უკვე მომზადებული ჰქონდათ.

1625 წ. 25 მარტს (ახ. სტილით 4 აპრილს), გარიყრაქზე, მარტყოფის ველს, სადაც მტრის ჯარის მთავარი ბანაკი იყო, ქართველთა ლაშქარი მიადგა. სააკაძე და მისი ოთხი მხლებელი, რომელნიც ბანაკში იმყოფებოდნენ, ირანელთა სარდლობას მიუხტა და ერთიანად ამოწყვიტა. ამასობაში ქართველთა ჯარი ბანაკში შეიქრა. ბრძოლა აჯანყებულთა ბრწყინვალე გამარჯვებით დამთავრდა.

სააკაძემ სულის მოთქმის საშუალება არ მისცა მტერს. თბილისს დაეცა, ქალაქი და „დაბალი ციხე აიღეს, ნარიყალას ვერ შეუვიდნენ“⁴². აჯანყების ამბის გაგონებისთანავე თბილისის ციხისთავმა შათირ შაჰმა სიმონ ხანის ოჯახის წევრები და ახლობლები ქალაქიდან ნარიყალაში შეიყვანა. ქალაქის ქრისტიანული მოსახლეობის „ერთი ჯგუფი ხმლით და ისრით აღსდგა“ მეციხოვნეთა წინააღმდეგ. სასტიკი ბრძოლა გაიმართა. ისქანდერ მუნშის სიტყვით: „მეთოფეებმა მოკლულების და სხვა ქრისტიანების სურსათიდან ორი თვის მარაგი მოაგროვეს და დიდი სიმტკიცით იცავდნენ ციხეს“⁴³. ქართლის მეფემ სიმონ ხანმა ვერ მოასწრო თბილისის

⁴¹ ქრონიკები, II, გვ. 462.

⁴² ფ. გორგიჯანიძე. ისტორია. ს. კაკაბაძის გამოცემა, „საისტორიო მოამბე“. წ. II, 1925, გვ. 233.

⁴³ ისქანდერ მუნში, დასახ. ნაშრომი, გვ. 125.

ციხეში შესვლა და ყარაბაღის ბეგლარბეგ მოჰამედ-ყული ხანთან ერთად ალჯა ყალაში (ქვემო ქართლში) შევიდა და იქ გამაგრდა⁴⁴. სააკაძემ ალჯა შემოარტყა ნარიყალას, „ერთი რაზმი — მოგვითხრობს ისქანდერ მუნში — ციხესთან დასტოვა და თვითონ ქართველთა ჯარით ყარაბაღს გაემართა და ქალაქ განჯამდე მივიდა“⁴⁵. სააკაძის ლაშქარი იქ მყოფ ყიზილბაშთა ჯარებს დაერია, მრავალი გაწყვიტეს და მრავალიც ტყვედ იგდეს. გაქცეულებს მდ. არაქსამდე სდიეს და მრავალი ქონება დაატოვებინეს. იქიდან სააკაძე ქართლში მობრუნდა.

აჯანყებულებმა რამდენიმე დღეში ქართლ-კახეთი თითქმის მთლიანად გაწმინდეს ყიზილბაშთა ჯარებისაგან. თეიმურაზი, რომელიც ოსმალეთის საზღვრებში — გონიოს ციხეში იმყოფებოდა და დახმარების სათხოვნელად რუსეთში წასვლას აპირებდა, აჯანყებულებმა ქართლ-კახეთში მოიწვიეს და გაერთიანებული სამეფოს ტახტზე დასვეს.

სააკაძე თბილისის ციხის ალებას კვლავ დიდის მონდომებით ცდილობდა, მაგრამ თბილისელ მოქალაქეთა შორის მოღალატენი აღმოჩნდნენ, რომელთაც ფარულად წყალი მიაწოდეს ალჯაშემორტყმულ ციხეს და დამორჩილებას გადაარჩინეს.

ქართველებმა თბილისის ციხე ვერ აიღეს, მაგრამ ამას ჩრდილი არ მიუყენებია იმ დიდი ზეიმისათვის, რომელიც გამოიწვია აჯანყების წარმატებამ და ქართლ-კახეთის გაერთიანებამ. ეს დიდი მნიშვნელობის მოვლენა იყო. საქართველოს გაერთიანების მოთავეების ოცნებას ფრთები ესხმებოდა. გაერთიანებული ქართლ-კახეთი კი მტრის მოგერიებას უფრო წარმატებით შესძლებდა.

ყარჩიხა ხანის არმიის ერთიანად გაწყვეტამ თავზარი დასცა შაჰ აბასს. გაბოროტებულმა შაჰმა წამებით მოაკვლევინა სააკაძის ვაჟი პაატა, რომელიც მძევლად ჰყავდა ირანში. მალე შაჰ აბასმა კიდევ უფრო დიდი არმია შეადგინა და თავისი სიძის ისა ხან ყორჩიბაშის სარდლობით საქართველოში გამოისტუმრა. მას შაჰმა „მოურავის ჯანყის მოსპობა და საქართველოს საქმეების მოწესრიგება დაავალა“⁴⁶, რაც ქართლ-კახეთის მოსახლეობის მოსპობას გულისხმობდა.

ისა ხან ყორჩიბაშის 60 000-იანი არმია 1625 წ. იენისის ბოლოს შემოვიდა საქართველოში და მდ. ალგეთის ხეობაში, მარაბდის ველზე დადგა. ქართველები მოელოდნენ ირანელთა ახალ შემოსევას და 20 000-იანი ლაშქრით კოჯორ-ტაბახმელას მიდამოებში დაბანაკდნენ.

მარაბდის ბრძოლა 1625 წ. 1 ივლისს მოხდა. მთავარსარდლობა თეიმურაზ მეფემ იკისრა. უთენია დაწყებული ბრძოლა საღამომდე გაგრძელდა. ქართველები დამარცხდნენ. ირანელებს კი ძვირად დაუჯდათ

⁴⁴ ისქანდერ მუნში. დასახ. ნაშრომი, გვ. 125.

⁴⁵ იქვე.

⁴⁶ იქვე. გვ. 126.

ეს გამარჯვება. 10 ათასამდე ქართველი და 14 ათასი ირანელი დაეცა იმ დღეს ბრძოლის ველზე.

ქართველები ბრძოლას განაგრძობდნენ. სააკაძემ პატარ-პატარა რაზმებით პარტიზანული ომი გაუმართა ყიზილბაშებს. რამდენიმე დღის განმავლობაში აკავებდნენ გმირები მტრის მთავარ ძალებს, რომ თბილისისა და მისი მიდამოების მოსახლეობას განიზვნა მოესწრო. ქართველებმა ციხეს ალყა მოხსნეს, ქალაქი დაცალეს, მტკვარზე გადავიდნენ და მეტეხის ხიდი დაწვეს.

მარაბდის შემდეგ მეორე დიდი ბრძოლა გაიმართა ქსნის ხეობაში, სადაც სააკაძის რაზმებმა თითქმის მთლიანად გაანადგურეს მტრის 12-ათასიანი ლაშქარი. ბრძოლაში დაიღუპა ამ ლაშქრის სარდალი, სამხრეთ აზერბაიჯანის ბეგლარბეგი შაჰბენდე ხანიც. მეორე სარდალი, შირვანის ბეგლარბეგი ყაზან ხანი კი ქართველებმა დაატყვევეს. ქართველების ამ გამარჯვებამ ხელი შეუშალა „დიდი ღონისძიების“ — ქართველთა აყრის ჩატარებას. მართალია, თბილისი და მისი ციხე ირანელთა ხელში დარჩა, მაგრამ მტერმა თავისი ძირითადი ამოცანის შესრულება ვერ შეძლო. შაჰ აბასის განზრახვის ჩაშლა განაპირობა იმ დიდმა ზარალმა, რაც ირანის ლაშქარს მარტყოფში, მარაბდასა და ქსნის ხეობაში მოუვიდა. სულ 1625 წ. ირანმა საქართველოში დაახლოებით 70 ათასი მოლაშქრე დაკარგა. შაჰ აბასი ფაქტიურად დამარცხდა, ქართველებმა კი დიდი მსხვერპლის ფასად გაიმარჯვეს. შაჰ აბასი იძულებული გახდა ხელი აეღო თავისი საზარელი გეგმის განხორციელებაზე.

ისა ხან ყორჩიბაშმა სიმონ ხანი კვლავ დასვა თბილისში, მაგრამ მას მხოლოდ თბილისი და ქვემო ქართლი ემორჩილებოდა. ყორჩიბაშის განკარგულებით დაუდ ხან უნდილაძე (ალავერდი ხანის ვაჟი) განამწყესეს „თბილისის დასაცავად და საქართველოს მიდამოების საქმეთა მოწესრიგებისათვის“⁴⁷. დანარჩენი ქართლი და კახეთი თეიმურაზ მეფისა და სააკაძის ხელთ იყო.

როგორც კი დიდმა საფრთხემ გადაიარა, სააკაძის საშინაო პოლიტიკით უკმაყოფილო თავადებმა კვლავ თავი წამოყვეს, მათ ეჭვიან თეიმურაზსა და სააკაძეს შორის განხეთქილება ჩამოაგდეს (ამას შაჰ აბასმაც შეუწყო ხელი. იგი სააკაძის იზოლირებას ცდილობდა). განხეთქილებას მოჰყვა შინაფეოდალური ომი თეიმურაზსა და სააკაძეს შორის, რომელიც ამ უკანასკნელის დამარცხებით დამთავრდა ბაზალეთთან ბრძოლაში (1626 წ.). სააკაძე იძულებული გახდა ოსმალეთში გადახვეწილიყო, სადაც დაიღუპა (1629 წ.).

ბაზალეთის ბრძოლის შემდეგ თეიმურაზი დაუმეგობრდა თბილისის ციხისთავს დაუდ ხან უნდილაძეს (არაა გამორიცხული, რომ ისინი ჯერ

⁴⁷ ისქანდერ მუნში. დასახ. ნაშრომი, გვ. 139, 144.

კიდევ ბაზალეთის ბრძოლამდე დაუახლოვდნენ ერთმანეთს) და მათ შორის. ისქანდერ მუნშიის სიტყვით, „მიწერ-მოწერა და მისვლა-მოსვლა გამართა“⁴⁸. დაუდ ხანის მეშვეობით თეიმურაზმა „ვედრების წიგნი“ გაუგზავნა შაჰს⁴⁹. ქართველთა მედგარი წინააღმდეგობით იძულებულმა შაჰმა მოლაპარაკება გამართა თეიმურაზთან და იგი ფაქტიურად ქართლ-კახეთის მეფედ სცნო⁵⁰, მხოლოდ არაოფიციალურად, რადგან სიმონ ხანი არ გადაუყენებია. ეს იყო შაჰ აბასის უკან დახევა იძულებით. იგი კომპრომისის გზას დაადგა, სამაგიეროდ, თეიმურაზმა თავი ირანის შაჰის ვასალად აღიარა. მალე, 1627 წელს თბილისის მინბაში დაუდ ხანი ყარაბაღის ბეგლარბეგად დანიშნეს და ის განჯაში გადავიდა, მაგრამ თეიმურაზთან ურთიერთობა არ გაუწყვეტია.

1631 წ. ზურაბ არაგვის ერისთავმა, თეიმურაზის წაქეზებით, სიმონ ხანი მოკლა. მალე თეიმურაზმა თვით ზურაბ ერისთავიც მოაკვლევინა და მისი მოკრილი თავი შაჰ სეფის (1629—1642 წწ.) გაუგზავნა — სიმონ ხანის მკვლელი და თქვენი მოლალატე დაესაჩუქო. „შაჰ სეფიმ, — მოგვითხრობს ისქანდერ მუნში, — ამ სამსახურის სამაგიეროდ ქართლი, თბილისის ციხის გარდა, მის ვაჟს — გურგენ-მირზას (დავით ბატონი-შვილს) უბოძა, რომელსაც დედის მხრიდან მემკვიდრეობის უფლება ჰქონდა“⁵¹.

ქრისტიანი თეიმურაზი კახეთის ოფიციალურ მეფედ, ხოლო ფაქტიურად ქართლ-კახეთის გავრთიანებული სამეფოს ხელმწიფედ იქნა ცნობილი. ამავე დროს ქართლიცა და კახეთიც ირანის ვასალად გამოცხადდა.

1631 წელს ზემოთ აღნიშნული დაუდ ხანი უნდოდა აუჯანყდა ირანის შაჰს. იგი დაუჯანყებდა თეიმურაზ მეფეს — „შეიფიცეს, ადერბეჯანის დაქირვა მოინდომეს“⁵². თეიმურაზმა ამ აჯანყებისას გასაოცარი ენერგია და ორგანიზატორული უნარი გამოიჩინა. მან თითქმის მთელი საქართველოს პოლიტიკური ერთეულები დარაზმა ამ ლაშქრობისათვის. ჩანს, ეს აჯანყება ირანის შაჰის შეცვლას და ამიერკავკასიის ქვეყნების ირანელთა ბატონობისაგან გათავისუფლებას ისახავდა მიზნად, მაგრამ იგი მარცხით დამთავრდა.

ირანის შაჰმა თეიმურაზს დაუდ ხანის გაცემა მოსთხოვა, სამაგიეროდ „დანაშაულის“ პატიებას შეჰპირდა, მაგრამ თეიმურაზმა დაუდ ხანი არ

⁴⁸ ისქანდერ მუნში. დასახ. ნაშრომი, გვ. 139 — 140.

⁴⁹ იქვე, გვ. 140.

⁵⁰ ვ. გაბაშვილი, ქართული ფეოდალური წყობილება XVI—XVII საუკუნეებში, გვ. 361.

⁵¹ ისქანდერ მუნში. აბასის ქვეყნის დამაშვენებელი ისტორიის გაგრძელება. ნანა გელაშვილის თარგმანი, 1981, გვ. 54.

⁵² ფ. გორგიჯანიძე. ისტორია, გვ. 238.

გასცა⁵³. ამას შედეგად მოჰყვა თეიმურაზის გადაყენება და როსტომის გამეფება ქართლში⁵⁴.

როსტომი, როგორც ჩანს, ქართლის გამგებლად („ვალი“) 1632 წ. მეორე ნახევარში დაუნიშნავთ. იმავე ხანებში კახეთის მმართველად ყიზილბაში სელიმ ხანი დანიშნეს და ორივე სპარსელთა დიდი ჭარბთ საქართველოში გამოისტუმრეს.

ცვლილებები თბილისის კოლიტიკურ ცხოვრებაში XVII ს-ის 30—90-იან წლებში

ქართველი ხალხის გმირულმა ბრძოლამ ირანის მთავრობა აიძულა ხელი აეღო ქართლისა და კახეთის მოსპობის გეგმაზე და კომპრომისის გზას დასდგომოდა. ირანი უცვლელად ტოვებდა ქართულ სოციალურ-ეკონომიკურ წყობას, ტახტი ბაგრატიონთა დინასტიის ხელში რჩებოდა მაჰმადიანობის პირობით და „ვალის“ ტიტულით. „გურჯისტანის ვალს“ ხარკი და საჩუქრები უნდა ეძლია ირანისათვის. აღნიშნული კომპრომისის გამოხატულება იყო როსტომ ხანის მეფობა ქართლში (1632—1658 წწ.). ამიერიდან 1744 წლამდე ქართლს მაჰმადიანი ბაგრატიონები განაგებდნენ, რომლებიც ქართველებისათვის მაჰმადიანი მეფეები იყვნენ, ირანისათვის კი მოხელე ხანები. ირანის თვალსაზრისით, ქართლი ირანის პროვინცია გახდა, ქართველების თვალსაზრისით კი ყმადნაფიცი (ანუ ვასალი) სამეფო.

როსტომ ხანი 1633 წ. თებერვალში შემოვიდა საქართველოში. ისქანდერ მუნშის გადმოცემით, „იგი მეფური ძლიერებით თბილისის ციხეში შევიდა და გამეფდა“⁵⁵. თეიმურაზი იძულებული გახდა იმერეთში გადასულიყო.

როსტომ მეფეს თან გაატანეს ირანში მყოფ ქართველ თავადაზნაურთა დიდი ჯგუფი (ამილახორი ბეჟან, ქსნის ერისთავი ზაალ, ციციშვილი პაპუნა, ბარათაშვილი ჰასანბეგ და სხვა მრავალი). მიუხედავად ამისა, მას სასტიკი და ხანგრძლივი ბრძოლის გადატანა მოუხდა, რათა ქართველი ფეოდალური საზოგადოების დიდი ნაწილი თავის მხარეზე გადაეყვანა. ქართველი საზოგადოების მეორე ნაწილი, რომელსაც თეიმურაზ I შეთაურობდა, არ ცნობდა როსტომის მეფობას და სრული დამოუკიდებლობისათვის ბრძოლას განაგრძობდა.

ქართლში შემოსვლის უმალ როსტომმა, თავისი ხელისუფლების განმტკიცების მიზნით, ქართლის ციხეების გამაგრებას მიაქცია ყურადღება. თბილისის დიდ ციხეში, კალაში, მანამდეც ყიზილბაში მეციხოვნე

⁵³ არჩილიანი, II, გვ. 85.

⁵⁴ ფ. გორგიჯანიძე, ისტორია, გვ. 239.

⁵⁵ ისქანდერ მუნში, იქვე, გვ. 60.

ნეები იდგნენ. ახლა მან მეტეხის ციხე განაახლებინა და იქაც ყიზილბაში მეციხოვნეები ჩააყენა. როსტომმა, გადმოგვცემს ვახუშტი, „ჩამოზღუდა კალა ციხიდან ხიდის ყურემდე და მისცა სპარსთა; მიერითგან უპყრავთ მათ“⁵⁶. ამით ქალაქი ფაქტიურად ორ ნაწილად გაიყო — ციხის ანუ სპარსელთა უბანი და ქართველთა უბანი. როსტომის სასახლე თავიდანვე ციხის გალავნის შიგნით იყო. ეს ორი უბანი გაერთიანდა XVIII ს. 40-იან წლებში, როცა ერეკლე მეორემ მოშალა ციხის კედელი და თბილისის მთლიანობა აღადგინა⁵⁷.

შემდეგ როსტომმა ქართლის გულში მდებარე გორის ციხე აღადგინა, იქ და სურამის ციხეში ყიზილბაშთა გარნიზონები ჩააყენა. ქართლის მთავარ ციხეებში ჯარის ჩაყენებით როსტომის მდგომარეობა განმტკიცდა და, როგორც ფ. გორგიჯანიძე გადმოგვცემს: „ქართველთა თავადნი და აზნაურნი სრულ მიუვიდნეს და როსტომ მეფეს ფენხს აკოცეს“⁵⁸. რაც შეეხება თბილისის მოსახლეობას, იგი თავიდანვე როსტომს უჭერდა მხარს, რამეთუ, საერთოდ, თბილისის ვაჭრული ფენები ირანული ორიენტაციისანი იყვნენ.

ქართლის დიდ თავადთაგან მხოლოდ ერთი — ფარსადან ციციშვილი არ მისვლია როსტომს. ისიც იმის გამო, რომ სარდალ როსტომ სააკაძესთან ძველი მტრობა ჰქონია. როცა სარდალი როსტომ მეფის მოთხოვნით ქართლიდან გაიწვია შაჰმა, ფარსადან ციციშვილიცა და სხვა დახიზნულებიც როსტომს მიუვიდნენ. ქვეყანაში სიმშვიდე ჩამოვარდა. როგორც ფ. გორგიჯანიძე წერს: „დაიწყეს შენება, ხვნა-თესვა“⁵⁹. როსტომის ლევენი დადიანთან დამოყვრებამ — მისი დის შერთვამ, რომლის მთავარი მიზანი პოლიტიკური მოკავშირის მოპოვება იყო, მნიშვნელოვნად გააუმჯობესა როსტომის პოზიცია და გააძნელა თეიმურაზის ბრძოლა როსტომის წინააღმდეგ.

1634 წ. თეიმურაზმა კახეთის ხანი სელიმი განდევნა და კახეთი დაიკირა, შეურიგდა როსტომს, ქალიშვილი ცოლად მისცა შაჰ სეფის და ირანის სიუზერენობა აღიარა. შაჰმა კვლავ ოფიციალურად ცნო ქრისტიანი თეიმურაზი კახეთის მეფედ⁶⁰.

მაგრამ მშვიდობა მალე დაირღვა. თეიმურაზმა კვლავ განაახლა ბრძოლა როსტომის წინააღმდეგ. მას მხარს უჭერდა ქართლის თავადთა ერთი ჯგუფი ნოდარ ციციშვილისა და ზაალ ერისთავის მეთაურობით. მათ რამდენჯერმე მოაწყვეს შეთქმულება-აჯანყება როსტომის წინააღმდეგ

⁵⁶ ვ ა ხ უ შ ტ ი . აღწერა სამეფოსა საქართველოსა. 1941. გვ. 52.

⁵⁷ ვ. გაბაშვილი, თბილისი XVI—XVII საუკუნეების აღმოსავლურ წყაროებში, თსუ შრომები, ტ. 99. 1962. გვ. 261.

⁵⁸ ფ. გორგიჯანიძე, ისტორია, გვ. 240.

⁵⁹ იქვე.

⁶⁰ საქართველოს ისტორიის ნარკვევები, ტ. IV, გვ. 319—320.

(1636, 1638, 1644 წწ.), ყველა აჯანყება მარცხით დამთავრდა. შეთქმულბმა ერთხელ როსტომის ლაღათით მოკვლაც მოინდომეს თბილისის აბანოში, მაგრამ შემთხვევამ აქაც იხსნა იგი⁶¹. საბოლოოდ 1648 წელს როსტომ ხანმა დაამარცხა თეიმურაზი და განდევნა კახეთიდან, ამ ბრძოლაში მოკლეს თეიმურაზის მემკვიდრე, — ერთადერთი ვაჟი დავითი, რომელიც ადრე, ჯერ კიდევ 1631 წელს, შაჰ სეფიმ ქართლის მეფედ დანიშნა. როსტომი ყველას სასტიკად უსწორდებოდა, ვისაც ქართლის ტახტზე პრეტენზია ან ასეთი პრეტენზიის რაიმე საფუძველი ჰქონდა (მაგ. გიორგი გოჩაშვილი-ბაგრატიონი და სხვ.), მაშინ, როცა თეიმურაზს ყოველთვის აძლევდა საშუალებას იმერეთში გადასულიყო, რადგან, ერთი მხრივ, მისი პრეტენზიები ქართლის მიმართ, როსტომის აზრით, უსაფუძვლო იყო, მეორე მხრივ კი თეიმურაზის ბრძოლა აიძულებდა შაჰს ქართლის მიმართ დათმობაზე წასულიყო.

აღნიშნულმა ვითარებამ განაპირობა შაჰის მიერ კახეთის როსტომისათვის გადაცემა. ისეთ ვითარებაში, როცა თეიმურაზს კვლავ ჰქონდა საშუალება ბრძოლა განეგრძო, შაჰისათვის როსტომი ყველაზე სასურველი კანდიდატი იყო, რომლის ზომიერი პოლიტიკა როგორც ირანისათვის, ისე ქართველებისათვის ასატანი ჩანდა. ნ. ბერძენიშვილის აზრით, „როსტომმა სწორედ იმით გაიმარჯვა, რომ ქართველობას შეურიგებელი ბრძოლა არ გამოუტახადა. როსტომის ღონისძიებები ქართულ საზოგადოებრივ და სამეურნეო წყობას არ შეხებია... არც ქრისტიანობა განიცდიდა მის დროს ქართლში აშკარა დევნას“⁶². ქვეყანაში მშვიდობიანობის დამყარების შემდეგ როსტომი და ქართველები აღმშენებლობით მუშაობას შეუდგნენ.

1639 წ. დაიდო ზავი ირანსა და ოსმალეთს შორის, რომლის მიხედვით აღმოსავლეთ საქართველო ირანს ერგო, დასავლეთი — ოსმალეთს. ეს ზავი არ დარღვეულა 1723 წლამდე. ხანგრძლივმა მშვიდობიანობამ ახლო აღმოსავლეთში და კერძოდ აღმოსავლეთ ამიერკავკასიაში, როცა ადგილი არ ჰქონია ქართლში უცხოელთა მნიშვნელოვან შემოსევას, ხელი შეუწყო ქვეყნის სამეურნეო დაწინაურებას და, კერძოდ, საქალაქო ცხოვრების გამოცოცხლებას. XVII ს-ის 40-იანი წლებიდან საქალაქო ცხოვრება კვლავ გამოცოცხლდა მთელს აღმოსავლეთ ამიერკავკასიაში, კერძოდ, კვლავ აღორძინდა შეფერხებული სატრანზიტო ვაჭრობა ე. წ. „აბრეშუმის სავაჭრო გზაზე“.

თბილისმა კვლავ დაიბრუნა აღმოსავლეთ საქართველოს პოლიტიკური და ეკონომიკური ცენტრის მნიშვნელობა. ქალაქის მოღონიერებას ნამდვილად ხელი შეუწყო 1639 წ. ზავმა ირან-ოსმალეთს შორის. შედარე-

⁶¹ ფ. გო რ გ ი ჯ ა ნ ი ძ ე . ისტორია, გვ. 246.

⁶² საქართველოს ისტორია, ს. ჭანაშვიას რედ., 1946, გვ. 348.

ბით მშვიდობიანობა დამყარდა. დიდი მნიშვნელობა ჰქონდა საქალაქო ცხოვრების განვითარებისათვის როსტომისა და ვახტანგ V-ის პოლიტიკასაც.

როსტომ მეფემ რიგი ღონისძიებები ჩაატარა ვაჭართა ინტერესების დასაცავად. აღკვეთა მებაჟეთა თვითნებობა, დაიცვა ვაჭრის საკუთრება და პიროვნება. ამის შედეგი იყო, რომ მეფემ ქალაქების ვაჭრულ-ხელისნური მაღალი ფენების მხარდაჭერა მოიპოვა. როსტომისა და თეიმურაზ მეფის ბრძოლაში თბილისის დიდი მოქალაქეები როსტომის მხარეზე იყვნენ.

როსტომის მეფობაში დაწყებული ქვეყნის ეკონომიკური აღმავლობა ვახტანგ V-ის ანუ შაჰნავაზის დროს (1658—1675 წწ.) გაგრძელდა. მისი მეფობა აღინიშნა, ერთი მხრივ, ცენტრალური ხელისუფლების გაძლიერებითა და საქართველოს ერთიანობისაკენ მიმართული ღონისძიებებით, მეორე მხრივ კი ვაჭრობისა და საქალაქო ცხოვრების ხელისშემწყობი ღონისძიების გატარებით.

შაჰის ბრძანებითა და მისგანვე გამოგზავნილი „ვერცხლით“ ქალაქს დიდი ზღუდე შემოავლეს და კარებს ყოილბაში მცველები დაუყენეს. ეს თითქოს იმ მიზნით გააკეთეს, რომ ვახტანგის მიმართ, რომლის ეროვნული და ცენტრალისტური პოლიტიკა არ მოსწონდა ირანის მთავრობას, კონტროლი გაეძლიერებინათ და საჭიროების შემთხვევაში ადვილი ყოფილიყო „შეპყრობა მეფისა სახლეულითა სრულიად“. ირანელთა ამ ღონისძიებას ვახტანგმა იმით უპასუხა, რომ გარეუბანში, ასპარეზის თავსა, მტკვრის პირას აღაშენა სასახლე და „არღარა შევიდა ტფილისისა“⁶³.

ჯან შარდენის აზრით, რომელიც თბილისში იყო 1672 წ., „(მეფისა) სასახლე, უდავოდ, თბილისის ერთ-ერთი მშვენიერებაა“⁶⁴.

ჯან შარდენი აღწერს თბილისის საკრებულო შენობებს, უცხოელი ვაჭრებისათვის განკუთვნილ ქარვასლებს, კარგად მოვლილ ბაზრებსა და ღუქნებს, გარეუბნებში არსებულ ბალებსა და „სალაღობო სახლებს“ და სხვ.⁶⁵

შარდენის გადმოცემით, „ქალაქი თბილისი მქიდროთ არის დასახლებული. მსოფლიოს არც ერთ კუთხეში არ მოიძებნება იმდენი სხვადასხვა ჯურის უცხოელი, როგორც აქ; ისინი დიდ ვაჭრობას ეწევიან; (სამეფო) კარი პროვინციის ქალაქს რომ შეეფერება, ისეთი მრავალრიცხოვანი და ბრწყინვალეა: აქ მუდამ არის მრავალი დიდგვაროვანი დიდებულები“⁶⁶.

⁶³ ვ ა ხ უ შ ტ ი . ქართლის ცხოვრება, IV, 1973, გვ. 454.

⁶⁴ ჯან შარდენის მოგზაურობა სპარსეთსა და აღმოსავლეთის სხვა ქვეყნებში (ცნობები საქართველოს შესახებ), შ. მგალობლიშვილის თარგმანი და გამოცემა, თბ., 1975, გვ. 322.

⁶⁵ იქვე, გვ. 322—323.

⁶⁶ იქვე, გვ. 225.

იმდროინდელი თბილისის მოსახლეობა, თბილისში მოღვაწე მისიონერ პ. კარლოს ცნობით, დაახლოებით 70—80 ათასამდე აღწევდა⁶⁷.

ევროპასთან სავაჭრო-ეკონომიკური და კულტურული კავშირების დამყარებას ისახავდა მიზნად ვახტანგ V, როცა ის მფარველობასა და დახმარებას უწევდა კათოლიკე მისიონერებს თბილისსა და გორში.

XVII ს. 60-იანი წლების დასაწყისიდან თბილისში ცხოვრობდნენ და მოღვაწეობდნენ კათოლიკე მისიონერები კაპუცინების ორდენისა. მათ თბილისში ჰქონდათ სახლები და ეკლესია, ჰყავდათ „მისიონერთა პრეფექტი, რომლის რეზიდენცია თბილისში“ იყო. ვახტანგს მისიონერებისათვის „ნება მიუცია თავიანთი სარწმუნოება თავისუფლად ექადაგათ“⁶⁸. სამაგიეროდ, მეფე და მისი კარი მისიონერებს იყენებდნენ საერო ცოდნის მასწავლებლებად, მკურნალებად, მხატვრებად, პოლიტიკურ ინფორმატორებად და სხვ.

ევროპის სავაჭრო კაპიტალისა და კათოლიკე მისიონერების დამოკიდებულების საკითხში გიორგი XI (1676—1688 წწ.) მამის პოლიტიკას აგრძელებდა და მფარველობდა მათ. კათოლიკე მისიონერი დიონიჯო კარლი, რომელიც თბილისში იყო 1681 წელს, წერდა: „(ქართველები) ფრანგებისადმი დიდი თანაგრძნობით არიან განწყობილნი“. გიორგის შესახებ კი აღნიშნავს: „მეფემ ვენის გამარჯვება რომ გაიგო, იტალიური ენის შესწავლას შეუდგაო“⁶⁹. 1687 წელს მან ფარულად კათოლიკობაც კი მიიღო იმის იმედით, რომ კათოლიკური ევროპა დაეხმარებოდა.

გიორგის ეროვნული პოლიტიკა კიდევ უფრო ქართული იყო, ვიდრე მამამისისა. იგი აღმ. საქართველოს შინაგან ძალებს რაზმავდა და აჯანყებისათვის ემზადებოდა. 1688 წ. იგი მეფობიდან გადააყენეს და ქართლის მეფობა, უკეთ ხანობა, ერეკლე I-ს ანუ ნაზარალი ხანს უბოძეს. დაიწყო ხანგრძლივი ბრძოლა ერეკლესა და გიორგის მომხრეებს შორის. თბილისის მოქალაქეები, თბილისის მეციხოვნეებთან ერთად, ერეკლეს მხარეზე გამოდიოდნენ გიორგის წინააღმდეგ. ეს თბილისის მოქალაქეთა (სომხურ-ვაჭრული წრეების) ტრადიციული ირანული ორიენტაციის შედეგი იყო. თავადთა ერთი ნაწილის ლალატის შედეგად გიორგის აჯანყებამ შედეგს ვერ მიაღწია. იგი იძულებული გახდა ქართლს გასცლოდა. 1691—1694 წლებში ის ტახტისთვის კვლავ ებრძოდა ერეკლეს, მაგრამ ამაოდ. ყიზილბაშთა დახმარებით ერეკლემ შეძლო ტახტის შენარჩუნება. 1695 წ. გიორგი იძულებული გახდა ბედს შეერიგებოდა, შაჰს დამორ-

⁶⁷ მ. თაშარაშვილი, ისტორია კათოლიკობისა ქართველთა შორის, გვ. 671.

⁶⁸ ჯან შარდენი, დასახ. ნაშრომი, გვ. 323.

⁶⁹ დიონიჯო კარლი, თბილისის აღწერა. თარგმანი ბ. გიორგაძისა. მსკი, ნ. 29, 1951, გვ. 176: ვენის გამარჯვება — ავსტრიისა და მისი მოკავშირეების გამარჯვება თურქებზე 1683 წ. ქ. ვენასთან.

ჩილდა და ირანში წავიდა, სადაც სპასალარად დანიშნეს, 1703 წ. კი ქართლის მეფობაც მისცეს, მაგრამ უკან დაბრუნება აღარ ღირსებია. იგი ავღანეთში დაიღუპა 1707 წელს.

ერეკლე I-მა, ხელისუფლების განმტკიცების მიზნით, გადააყენა საეკლესიო და საერო დიდი მოხელეები და თავისი მომხრეები დანიშნა. შეეცადა ქვეყანაში წესრიგის დამყარებასა და ფეოდალთა თვითნებობის აღაგმვას. ვახუშტის სიტყვით, ერეკლე „მცირეთა ყურის მიმპყრობი და დიდთა დამამდაბლებელი“ ყოფილა. ერეკლეს დროს იყო ცდები სასამართლო საქმის მოწესრიგებისა და სხვ. განსაკუთრებით უნდა აღინიშნოს მისი „საქალაქო პოლიტიკა“. მან გააუქმა თბილისში ბეითალმანობის წესი და მოქალაქეებს საკუთრების ქალაქური უფლება აღუდგინა⁷⁰. ეს დიდი მნიშვნელობის მოვლენა იყო ვაჭრულ-ხელოსნური მოსახლეობისათვის.

მაგრამ სამწუხაროდ, ერეკლე I-ის ამ კარგ ღონისძიებებს განხორციელება არ ეწერა. ტახტისათვის ბრძოლისა და შინაფეოდალური შეხლა-შემოხლის ვითარებაში მან ვერ შეძლო ქვეყნის შინაგანი ძალების მობილიზება და გაერთიანება. ცენტრალური ხელისუფლება კიდევ უფრო დასუსტდა, ყიზილბაში მეციხოვნეების პარპაში გაძლიერდა, ისინი აშკარად ძარცვავდნენ მოსახლეობას, ძალით ამაჰმადიანებდნენ ან ტყვედ ჰყიდნენ და სხვ. დიდ გასაჭირში ჩაეარდა ქართლის გლეხობაც, ყიზილბაშთაგან შეწუხებულნი კახეთს აფარებდნენ თავს. ფეოდალური საზოგადოების დიდი ნაწილი ერეკლეს უკმაყოფილო იყო. 1703 წელს ერეკლე ირანში გაიწვიეს, ქართლის მეფობა ჩამოართვეს და კახეთისა უბოძეს, მაგრამ ირანშივე დატოვეს.

⁷⁰ ნ. ბერძენიშვილი, საქართველოს ისტორიის საკითხები, VI, გვ. 281.

IX

თბილისის ეკონომიკური და სოციალური მდგომარეობა XVI—XVII საუკუნეებში

თბილისის ტერიტორია და მოსახლეობა

თბილისის ტერიტორია ამ დროსაც სამი ძირითადი ნაწილისაგან შედგებოდა. საკუთრივ თბილისი, ქალაქის უძველესი ნაწილი, ახლანდელი აბანოებისა და ბალნეოლოგიური კურორტის რაიონი, XVII საუკუნეში ს ე ი დ ა ბ ა დ ი ს სახელით იყო ცნობილი; მეორე ნაწილი — კ ა ლ ა შეიცავდა IV—V საუკუნეების კალასა და მის ჩრდილოეთ და დასავლეთით მდებარე ტერიტორიასაც. იგი შემოსაზღვრული იყო კედლით, რომელიც, ვახუშტის სიტყვით, 1642—1667 წლებში აუგიათ. ეს კედელი ქალაქის ციტადელთან იწყებოდა, შემდეგ მისდევდა სოლოლაკის ქედს ვ. წ. შაისტახტის სახელით ცნობილ კოშკამდე, აქედან ეშვებოდა დაბლა, ჩრდილოეთით, მიემართებოდა დღევანდელი შ. დადიანის და პუშკინის ქუჩებით, შემდეგ უხვევდა ბარათაშვილის ქუჩის მიმართულებით მტკვრის მარჯვენა ნაპირამდე.

პიშჩევიჩის 1785 წ. თბილისის გეგმის მიხედვით ქალაქის კედელი მტკვრის სანაპიროზე გრძელდებოდა და მთავრდებოდა თათრის მოედანთან. მაგრამ კედლის არსებობა მტკვრის მარჯვენა ნაპირის გასწვრივ არ დასტურდება არც წერილობითი წყაროებით და არც არქეოლოგიური გათხრებით. შარდენი სპეციალურად აღნიშნავს, რომ „ქალაქი, გარდა მდინარის მხარისა, საუცხოო და მაგარი კედლითაა შემოზღუდული“¹. კალას რაიონს სამხრეთით საზღვრავდა ძველი კალას კედელი, რომელიც ნარიყალიდან დაშვებული ხევის პარალელურად მოემართებოდა მტკვრის პირამდის.

თბილისის მესამე ნაწილი ამ დროსაც მტკვრის მარცხენა ნაპირზე მდებარე ისანი ანუ ავლაბარი იყო. ისანი მეტეხის პლატოსა და მის გარეთ მდებარე ტერიტორიას შეიცავდა. მეტეხის პლატო მოზღუდული იყო. ზღუდე მტკვრამდე ეშვებოდა და მდინარეზე გადებული ხიდით უერთდებოდა ქალაქის ძირითად ციტადელს. ასე რომ, ციტადელი და მეტეხი ერთ მთლიან სიმაგრეს ჰქმნიდნენ.

¹ ე ა ნ შ ა რ დ ე ნ ი , მოგზაურობა, თბ., 1975, გვ. 317.

მეტეხის პლატოს გარე ტერიტორია ქალაქის მკიდროდ დასახლებულ უბანს წარმოადგენდა. ეს უბანიც ასევე გალაენით იყო გარშემორტყმული. მეტეხის პლატოს მოზღუდულობას, როგორც ქალაქის ციხის გაგრძელებას, „ქალაქის გალაენი“ ეწოდებოდა, ხოლო ავლაბრის მთლიან გალაენს — „ავლაბრის გალაენი“.

გარდა ამ სამი ძირითადი რაიონისა, თბილისის ტერიტორია ვრცელდებოდა გალაენის ჩრდილოეთითა და დასავლეთით. ქალაქის გალაენს გარეთ მოქცეულ მიდამოს „გარეთუბანი“ ერქვა.

თბილისის ძირითადი ტერიტორია — ზემოხსენებული სამი ნაწილი ქალაქისა — დანარჩენ ქვეყანას რვა კარით უკავშირდებოდა. ამათგან ერთი კარი ავლაბარში იყო. ის ქალაქის შიდა გალაენზე იყო დატანებული აღმოსავლეთით. XVII ს.-სათვის ავლაბრის ტერიტორიაზე ყოფილა კიდევ სხვა კარიც. ეს კარი ამ ტერიტორიას ჩრდილო მხრიდან ჰქონია. XVIII ს. 70-იან წლებში ამ ადგილს უკვე „ნაკარევი“ ერქვა². როგორც ჩანს, ეს კარი ავლაბრის ციხიდან ჩრდილოეთით, რიყისაკენ გადიოდა.

ქალაქის იმ ტერიტორიას, რომელიც მტკვრის მარჯვენა ნაპირზე იყო განლაგებული, ექვსი კარი ჰქონია. ამათგან ყველაზე ჩრდილოეთით იყო ე. წ. „წყლის კარი“, იგივე „ქვემო კარი“, „დაბლა კარი“ ან „მუხრანის კარი“. ეს სახელწოდებები ამ კარს შეერქვა იმის გამო, რომ იგი სხვა დანარჩენ კარებზე უფრო დაბლა, ქვემოთ იყო. ამ კარში გზა ავანაანთ ხევზე გადებული ზიდით შედიოდა ქალაქში. ამიტომაც ერქვა მას „წყლის კარი“. გალაენის ორივე მხარეს მუხრანბატონების სახლები იყო და მათ შორის გამავალ კარსაც „მუხრანის კარს“ უწოდებდნენ. ეს კარი ღლევეანდელი ჩახრუხადის და ბარათაშვილის ქუჩების კუთხეში იყო.

ღღეს ე. წ. განახლებულ ძველ თბილისში „წყლის კარი“ ეწოდება კარის იმ ნაშთს, რომელიც ნამდვილი „წყლის კარის“ დასავლეთით, უფრო მაღლა, შავთელისა და ბარათაშვილის ქუჩების კუთხეში არის შემორჩენილი. ვახუშტის გეგმაზე 23 ნომრით აღნიშნულია სწორედ ამ ადგილას დატანილი ქალაქის კარი სახელწოდებით — „მეიდნის კარი, ზიდით“. მისი არსებობა დოკუმენტური მასალითა და თბილისის სხვა გეგმებით არ დასტურდება, მაგრამ შემორჩენილი გვაქვს ამ კარის მატერიალური ნაშთი, ამიტომ „მეიდნის კარის“ არსებობა ექვს არ იწვევს.

შემდეგი კარი იყო ე. წ. „დიღმის კარი“, რომელიც ცნობილია აგრეთვე „შუა კარის“ სახელით. იგი მართლაც შუა კარი იყო, რადგან მდებარეობდა „დაბლა კარსა“ და „მაღლა კარს“ შორის. ამ კარიდან იწყებოდა დიღმისაკენ მიმავალი გზა, ამიტომაც მას „დიღმის კარი“ ერქვა. იგი ქალაქის გალაენს ღლევეანდელი პუშკინისა და ბარათაშვილის ქუჩების შესაყარზე ჰქონდა დატანებული.

² სცია, ფ. 1450, დავთ. 18, საბუთი №16.

„კოჯრის კარი“ ანუ „მალლა კარი“ მართლაც მალლა იყო ქვემო და შუა კართან შედარებით. იგი მდებარეობდა იქ. სადაც ლესელიძის ქუჩა თავისუფლების მოედანს უერთდება. ამ კარით იწყებოდა კოჯრისაყენ მიმავალი გზა. ასევე, ქალაქის გალავანში დატანილი „განჯის კარი“ განჯისაყენ მიმავალ გზას კეტავდა. ეს კარი ადრიდანვე იქ იყო. სადაც დღეს ბოტანიკური ბაღის შესასვლელია აბანოების მხრიდან.

კართაგან მეექვსე იყო ე. წ. „აბანოს კარი“. რომლის წინ. ისევე როგორც „განჯის კართან“. წაყვისის წყალზე ხიდი იყო გადებული. ხიდის იქით. ე. ი. სამხრეთით იწყებოდა გზა. რომელიც ჭერ აბანოების და შემდეგ თბილისელთა ბაღების გავლით სეიდაბადს გადასჭრიდა და მტკვრის პარალელურად მიემართებოდა. ეს გზა მარცხნივ იტოვებდა ორთაქალის ბაღებს. მარჯვნივ კი კრწანისისას³.

„აბანოს კარით“ იწყებოდა ქალაქიდან სპარსეთში მიმავალი გზა. შარდენის სიტყვით. „საქართველოს მთავარი. როდესაც ხელმწიფის წერილებისა და საჩუქრების მისაღებად... ქალაქის კარიბჭის გარეთ გადის ხოლმე. მან ციხის შუაგულში უნდა გაიაროს. რადგანაც სპარსეთიდან თბილისში შემოსვლა მხოლოდ და მხოლოდ ამ ციხის გავლით შეიძლება“⁴.

თბილისის ტერიტორიის ცენტრალურ ნაწილს. როგორც აღინიშნა. „კალა“ ერქვა. ეს იყო ყველაზე დიდი და მნიშვნელოვანი ნაწილი ქალაქისა. კალა ნარიალასა. შ. დადიანის. პუშკინისა და ბარათაშვილის ქუჩებს შორის მოქცეულ ტერიტორიას ეწოდებოდა. ის ორ ძირითად უბნად იყოფოდა: „ქვემო უბნად“ და „ზემო უბნად“. ამ ორ უბანს ჰყოფს მაგისტრალი. რომელიც კოჯრის კარიდან ბატონის მოედნისაკენ მოემართება (ამ ხაზზე დღეს ლესელიძის და ჩალაუბნის ქუჩები გადის). ამ ქუჩის მარჯვენა მხარეს (პირით მტკვრისაკენ) ქვემო უბანია. მარცხენა მხარეს —

³ ეს გზა დღევანდელი ქუჩების მიმართულებას რომ შევეუფარდოთ. ასეთ სურათს მივიღებთ: აბანოების ქუჩა. ახუნდოვის ქუჩა. ყოფილი სურბ-სარქისის ქუჩა. სეიდაბადის ქუჩა და მოედანი. გრიშაშვილის ქუჩა. ბოლნისის ქუჩა და ბოლოს გორგასალის ქუჩის ბოლო ნაწილი. ბოლნისის ქუჩისა და გორგასალის ქუჩის შესხვედრის ადგილზე დღეს 300 არაგველის სახელობის ბაღია (ამ ადგილას 1950 წ. წარმოებდა არქეოლოგიური გათხრები და მას პირობით განჯის კარს უწოდებდნენ). დღევანდელი გორგასალის ქუჩის ის ნაწილი, რომელიც 300 არაგველის ბაღსა და თათრის მოედანს შორის გადის, XVII ს-ში და არც მის უწინარეს, როგორც ქუჩა ან შარა. არ არსებობდა. ეს ადგილები მთლიანად თბილისელთა ბაღ-ვენახებს ეკიათ, მათ შორის მხოლოდ ბილიკები და ვიწრო ორბობები თუ იყო. ორთაქალიდან ქალაქში შემოსვლა კი შესაძლებელი იყო მხოლოდ იმ ბაღების ზემოდან მოვლით, ზემონახსენები გზით — ხარფუხნის ძირში გამავალი აღმართითა და აბანოების გავლით. ზემომოხაზულ გზას — აბანოების უბანთან რომ იწყება აღმართ-აღმართ და შემდეგ დაბლა ეშვება გორგასალის ქუჩისაკენ. XIX საუკუნეში „ტამოყენნაია“ უწოდეს, რადგან იქ ახლოს საბაჟო უნდა ყოფილიყო. ესეც თვალნათლივს ხდის ამ ადგილას ქალაქის კარის არსებობას.

⁴ შ ა რ დ ე ნ ი. მოგზაურობა. გვ. 319 (შარდენი თბილისში იყო 1673 წელს).

ზემო უბანი. ამ უბნებს სახელწოდება „ზემო“ და „ქვემო“ მტკვრის დინების მიხედვით ერქვა.

ორივე ამ უბანს თავისი ცენტრი ჰქონდა. ზემო უბნის ცენტრი იყო ბატონის მოედანი, რომელსაც „ზემო მოედანსაც“ უწოდებდნენ. ქვემო უბნის ცენტრი კი თათრის მოედანი ანუ „ქვემო მოედანი“ იყო. ამ მოედანს ციხესთან სიახლოვის გამო „ციხის მოედანსაც“ უწოდებდნენ. რაკი ორივე ეს მოედანი საბაზროდ იყო გამოყენებული, ამიტომ მათ მეორენაირად „ზემო ბაზარს“ და „ქვემო ბაზარს“ უწოდებდნენ. ხოლო ამ ორი უბნის გამყოფ გზას — აწ. ლესელიძის ქუჩას — „შუა ბაზარი“ ერქვა. სახელწოდება „შუა ბაზარი“ ამ ქუჩის აღსანიშნავად XIX ს. ბოლომდე შემორჩა. მას ენაცვლება „სომხის ბაზარი“.

ქვემო და ზემო უბნები ერთმანეთისაგან განსხვავდებოდა მცხოვრებთა რელიგიური შემადგენლობით. ზემო უბანში თავმოყრილი იყო თბილისელი ქართველობა, ქვემო უბანში კი ძირითადად სომხები და ნაწილობრივ სპარსელები. ამას მიუთითებს ამ უბნებში ეკლესიების განლაგებაც. ზემო უბანში მდებარეობდნენ ქართული (მართლმადიდებლური) ეკლესიები — სიონი, ანჩისხატი, წმ. გიორგის, ნათლისმცემლის, კვირაცხოვლის სახელობის ეკლესიები. ამ უბანში მხოლოდ ერთი სომხური ეკლესია იყო — სურბნიშანი. ქვემო უბანში კი მხოლოდ სომხური ეკლესიები: ციხის დიდის, ნორაშნის, სააკაშენის, მოღნინის, კოზმან და დამიანეს სახელობის, ჯივრაშენის, სურბსტეფანესი. ქვემო უბანში მხოლოდ ორი ბერძნული ეკლესიაა — წმ. ეკატერინეს სახელობის და ჯვარიშაპა.

ქართველობა ქვემო უბანშიც სახლობდა. ამაზე მიუთითებს XVIII ს. 40-იან წლებში შედგენილი ერთი საბუთი⁵. ეს საბუთი წარმოადგენს უცნობი ქართველი მღვდლის ჩანაწერს. ამ მღვდელს სამწყსოდ ჰყოლია ქვემო უბნის ქართველობა.

ზემო უბნის მთავარი ქუჩა „წყლის კართან“ იწყებოდა და ანჩისხატისა და „ბატონის მოედნის“ გავლით სიონამდე აღწევდა. დღეს ამ ხაზზე გამავალ ქუჩებს შავთელისა და ერეკლე II-ის ქუჩები ჰქვიათ. ამ მთავარ ქუჩაზე მდებარეობდა ქალაქის ძირითადი და უმნიშვნელოვანესი ნაგებობანი. ხოლო მას შემდეგ, რაც როსტომ მეფემ ციხის ტერიტორიიდან აქ გადმოიტანა სამეფო რეზიდენცია XVII ს-ის შუა წლებში⁶, ამ უბანს საცხოვრებლად ეტანებოდა ქართველი არისტოკრატიაც.

„წყლის კართან“, ქალაქის შიგნით და გარეთაც, სახლდება მუხრან-ბატონი, აქვეა ამილახვრის სასახლე, 1659 წ. ქალაქის მოურავმა მანუჩარ მეითრიშვილმა იყიდა აქ სასახლე, მის გვერდით ლუარსაბ ბატონი-

⁵ დოკუმენტები თბილისის ისტორიისათვის, № 188, გვ. 224—225.

⁶ აქ აღარ გავიმეორებთ როსტომის სასახლის შარდენისეულ ფართოდ ცნობილ აღწერას.

შვილის სასახლე მდგარა⁷. აქვე დაიღო ბინა სასულიერო არისტოკრატია-
მაც. XVII ს-ში მეითრიშვილების მომიჯნავე იყო მროველის სასახლე,
მის იქით დავით გარეჯის და დოდოს მონასტრის სასახლეები იყო. ბატონ-
ნის მოედნის ირგვლივ სახლებს იძენენ ორბელიანები. მთავარი ქუჩის
მარჯვენა მხარეს ჩანს ზედგინიძის სასახლე. მის მეზობლად 1678 წ. და-
ბინავდა ჯვარისმამის წინამძღვარი. 1770 წლისათვის ჯვარისმამის წინამ-
ძღვარს თავის ახლო მეზობლად ასახელებს ალექსანდრე ამილახვარი,
რომლის სასახლე ანჩისხატის გვერდზე იდგა⁸.

დღევანდელი ავლევის ქუჩის ტერიტორიაზე სახლობდნენ ქსნის ერის-
თავეები, აბაშიძეები, არაგვის ერისთავი.

ზემო და ქვემო უბნები თავის მხრივ მრავალ მიკროუბნად იყოფოდა.
უბანთა სახელწოდებების განმსაზღვრავი ან რაიმე საზოგადო ნაგებო-
ბა იყო (ეკლესია, გალავანი, ბურჯი), ან მცხოვრებთა სახელები (მაგ.,
ანჩისხატის უბანი, მოლნინის უბანი, ცოცხალაანთ ბურჯის უბანი, ფი-
თუანთ უბანი და ა. შ.).

ქვემო უბნის სამხრეთ-დასავლეთ ნაწილს „კლდის უბანი“ ერქვა.
კლდის უბანს სამხრეთით ემიჯნებოდა „ციხის უბანი“.

„ციხის უბანი“, ანუ ციხე (საკუთრივ დაბალი ციხის გალავანი) უშუ-
ალოდ ემიჯნებოდა „თათრის მოედნის“ ტერიტორიას. ამ უბანს გალავანი
თათრის მოედნის მხრისკენ ვახუშტის თქმით, როსტომ მეფემ აუშენა.
ციხე, შარდენის სიტყვით, წარმოადგენდა სპარსული გარნიზონისა და
სპარსელ ხელოსანთა ადგილსამყოფელს. მაგრამ ტურნეფორის თბილისში
ყოფნისას (1700 წ.) ციხის გარნიზონი უკვე დაუძღურებულია, იგი შედ-
გება რამდენიმე „საცოდავი მაკმადიანი მოხელისაგან, რომლებიც საყა-
რაულო სამსახურს ეწევიან აქ ჯამაგირისთვის. ესენი აქ ცხოვრობენ თა-
ვის ოჯახებთან ერთად“⁹.

ვახუშტის დროს ციხის ტერიტორია ისევ სპარსელებს ეჭირათ. ვა-
ხუშტისავე სიტყვით, ამ ტერიტორიაზე „იყო სასახლე მეფისა, პალატ-
ნი დიდ-დიდნი და შეენიერნი“. როსტომ მეფემ ციხის სასახლე სპარსე-
ლებს დაუტოვა და, როგორც ითქვა, სიონ-ანჩისხატის რიგზე გამართა
ახალი სასახლე.

ციხის ტერიტორია სპარსელებისაგან საბოლოოდ ერეკლე II-მ გა-
ათავისუფლა 1747 წელს. მაშინვე მან მოშალა გალავანი „ციხიდან ხი-
დის ყურემდე“. ეს გალავანი ვახუშტის დატანილი აქვს თბილისის გეგ-
მაზე, XVIII ს-ის მეორე ნახევრის შემდეგ შედგენილ არც ერთ გეგმაზე
იგი აღარა ჩანს.

⁷ დოკუმენტები თბილისის ისტორიისათვის, №18, გვ. 23.

⁸ История Георгианская о юноше князе Амилахореве, СПб., 1779, с. 80.

⁹ მ. პოლიეკტოვი, გ. ნათაძე, ძველი ტფილისი, 1930, გვ. 14.

„ციხის უბანს“ სამხრეთით „აბანოს უბანი“ და სეიდაბადი ესაზღვრებოდა. ძველი სახელწოდება ამ რაიონისა იყო ტფილისი. თეიმურაზ ბაგრატიონი თბილისს შემდეგენაირად აღწერს: „ტფილისი უწინარეს ვახტანგ გორგასლანისა იყო მცირეს სოფლებად დაყოფილი... აბანოების ხევს გაღმა, სეიდაბადის ბალები რომ არის იქ, ტფილს წყლებს ახლო... ყოფილა სოფელი და ამ სოფელს ტფილისი რქმევია“¹⁰. ვახუშტის სიტყვით, XVII ს-ში „აქ დასხნა შასეფიმ სეიდნი, რის გამო სპარსნი უწოდებენ სეიდაბადს“.

სეიდაბადის ტერიტორია დასავლეთით ისაზღვრებოდა ციხის უბნით, ჩრდილოეთით — მტკვრით, სამხრეთით — თაბორის მთით, ხოლო აღმოსავლეთით — კრწანისის ბალებით. უკიდურესი ნაწილი აღმოსავლეთით, ე. ი. ვანაპირა უბანი სეიდაბადისა, იყო ე. წ. ხალანგარი, რომელიც მდებარეობდა აწ. 300 არაგველის სახელობის ბალის ტერიტორიაზე (წყაროებში დაცულია ამ ობიექტის მეორენაირი დასახელებაც — ხალვათხანა). ამ ობიექტის შესახებ ტურნეფორი მოგვითხრობს: „გავისეირნეთ ქალაქ გარეთ მდებარე მთავრის სასახლისაკენ. ეს სასახლე ქალაქის იმ გარეუბანშია, რომელზედაც ოსმალებში მიმავალი გზა მიდის. სასახლე შესანიშნავია იმით, რომ მის წინ მოწყობილია ადგილი წამებისათვის. სასახლის მახლობლად საუცხოვო ბალებია“¹¹. ეს სასახლე დატანილია თბილისის ვახუშტისეულ გეგმაზე. XIX ს-ის თბილისის გეგმებზე ამ ადგილას დატანილია საბაქოს შენობა, რომლის სიახლოვეს XIX ს-ში მტკვარზე გადეს ხის ხიდი (დღეს აქ ახალი ხიდია).

სეიდაბადის გაგრძელებაზე მტკვრის პირას ორთაქალისა და კრწანისის ბალები იყო გაშლილი.

ორთაქალის მოპირდაპირე მხარეს, მტკვრის მარცხენა ნაპირზე გაშლილ ბაღ-ვენახებს დირსიქალა ერქვა. დირსიქალა იყო აღმოსავლეთი ზღვარი ავლაბრისა. XVII ს-ში ავლაბარი შემდეგ მიჯნებში იყო მოქცეული. ჩრდილოეთიდან მას საზღვრავდა ჩულურეთის ხევი (შემდეგში ამ ხევს სურბ-კარაპეტას ხევი ეწოდა, დღეს აქ გადის კიბალჩიჩის აღმართი), აღმოსავლეთით — ლომელაურის ხევი და დირსიქალა, დასავლეთით — მეტეხის ციხე, სამხრეთით — მტკვარი.

XVII ს-დან შეიმჩნევა ავლაბრის ტერიტორიის ზრდა აღმოსავლეთით — მტკვრის დინების პარალელურად და ჩრდილოეთით — მახათის მთისკენ. მახათის მთის ქვეშ XVII საუკუნეში იყო სასაფლაო, რომელსაც როსტომ მეფე თავის ერთ საბუთში „ქალაქის სასაფლაოს“ უწოდებს. 1654 წ. წყალობის წიგნით ეს სასაფლაო ზარაბთუხუცესის ხოჯა ბეჰბუ-

¹⁰ თ. ბ ა გ რ ა ტ ი ო ნ ი, ტფილისისათვის, 1838 წ. 4 ნომბერი (სსრკ მეცნიერებათა აკადემიის აღმოსავლეთმცოდნეობის ლენინგრადის განყოფილების ქართული ხელნაწერების ფონდი — E — 82, 156).

¹¹ მ. პ ო ლ ი ე ე ქ ტ ო ვ ი, გ. ნ ა თ ა ძ ე, ძველი ტფილისი, გვ. 29.

დას ..მამა-პაპათ ნაქონ... მკვიდრ სასაფლაოდ“ მოიხსენიება¹². როსტომ მეფის დასტურით ხოჯა ბეკბუდამ ამ სასაფლაოზე საყდარი ააშენა. ხევიდან და მახათას მთიდან წყალი გამოაყვანიდა და ამ ადგილებში ბაღი გააშენა. ხოჯა ბეკბუდას აშენებულმა ეკლესიამ და მის ირგვლივ მდებარე სასაფლაომ ხოჯაევანქის სახელწოდებით ჩვენ დრომდე მოაღწია.

„გ ა რ ე თ უ ბ ა ნ ი“. როგორც ითქვა. ეწოდებოდა კალას გარეთ. მის ჩრდილოეთით და დასავლეთით მდებარე მთელ ტერიტორიას. ვახუშტის გეგმის მიხედვით. უკიდურესი წერტილი გარეთუბნისა არის ქაშვეთის ეკლესია. იქვე მდებარე ციციშვილის სახლით. მტკვრისაკენ — მეფის საასპარეზო და ყაიბულას ბაღი (ავლაბრის ბაღის ადგილას). ბაღებია გადაკიმული ამ გეგმით დღევანდელი შ. დადიანის ქუჩის დასავლეთით — სოლოლაკის მთელ ტერიტორიაზე. ეს ბაღები ეკუთვნოდათ მეფეს. დედოფალს. მამასახლისს. იქ. სადაც გერონტი ქიქოძის ქუჩაა. ვახუშტი ბატონიშვილის გეგმაზე დატანილია შენობის მოხაზულობა. რომელსაც ის ამარათს უწოდებს. ამავე ადგილას პიშჩიევიჩის 1785 წ. გეგმაზე დატანილია „სამეფო რეზიდენციის ნანგრევები“. აქედან ირკვევა. რომ ვახუშტის ამარათი სამეფო სასახლე ყოფილა. 1796 წ. ერთ საბუთში მოიხსენიება „ძველი ამარათის აუზი“¹³.

XVII ს. ბოლოსთვის. მდ. ვერეს აუზი. თბილისის ჩრდილოეთით მდებარე. თბილისელთა ბაღ-ვენახებს. წისქვილებსა და ყანებს უქირავთ. ამავე საუკუნის შუა წლებში უკვე ჩანს მდ. ვერეზე ხოჯა ბეკბუდას ხარჯით გადებული ხიდი¹⁴.

მტკვრის პირას გარეთუბანი. დაწყებული წყლის კარით. შეიცავდა შემდეგ მიკროუბნებს: მუხრანთუბანი. ვანქის თუბანი. საასპარეზო — ყაბახი (ყაბახი დოკუმენტებში უფრო ხშირად „გარეთუბნის მოედნად“ იწოდება).

გარეთუბნის მოედნთან იყო საქურო ანუ სააგურე. სააგურე შენდებოდა საერთოდ ქალაქის განაპირას. XVII ს-ში სააგურე ყაბახის ჩრდილოეთით. დაახლოებით დღევანდელი ჭორჭიაშვილის ქუჩის ძირას ყოფილა გამართული. ქალაქის ზრდასთან დაკავშირებით სააგურე სულ უფრო ჩრდილოეთით ინაცვლებს ადგილს და საბოლოოდ გადააქვთ ვერაზე.

მ ო ს ა ხ ლ ე ო ბ ა. თბილისის მოსახლეობის რაოდენობისა და მისი ეროვნული შემადგენლობის გასარკვევად მეტად მცირე ცნობები მოგვეპოვება.

ევროპელი მოგზაურები. ვინც კი საქართველოს სტუმრებია X^{VII} ს-ში. ამ საკითხზე სხვადასხვა ცნობას იძლევიან. მაგალითად. იტალიელი მისიონერის დიონიჯო კარლის ცნობით (იგი თბილისში იყო 1681

¹² დოკუმენტები თბილისის ისტორიისათვის. № 12. გვ. 17.

¹³ სსსი. ფ. 1450, დავთარი 18. საბუთი № 15.

¹⁴ დოკუმენტები თბილისის ისტორიისათვის, № 230, გვ. 279.

წელს). თბილისის „მოსახლეობა 12 000 სულს აღწევს. შესაძლებელია ამაზე მეტიც იყოს“¹⁵.

საქართველოში უფრო ადრე ნამყოფი პატრი კარლო 1668 წლის 28 ნოემბერს თბილისიდან აგზავნის წერილს, რომელშიაც ნათქვამია: „თბილისი მთელი საქართველოს მთავარი ქალაქია. მცხოვრებთა რიცხვი 70—80 ათასს აღწევს“¹⁶.

1700 წელს თბილისში იმოგზაურა ტურნეფორმა. მისი ცნობით, ქალაქში ირიცხებოდა 20 000 მცხოვრები¹⁷.

ტურნეფორმის ცნობები გვაწვდიან მასალას ქალაქის მოსახლეობის რელიგიური შემადგენლობის შესახებ. ქართული დოკუმენტური მასალა კი საშუალებას იძლევა დავადგინოთ მოსახლეობის პროპორციული შეფარდება ეროვნებათა მიხედვით ქალაქის სხვადასხვა უბნებში.

ზემოთ ითქვა, რომ „ზემო უბანში“ ძირითადად ქართველები ცხოვრობდნენ. საკმაოდ ჩანან ქართველები „ქვემო უბანშიაც“. გარეთუბანი კი, თუ მასში განლაგებულ ეკლესიათა მიხედვით ვიმსჯელებთ, ძირითადად ქართველი მართლმადიდებლებით დასახლებული წარმოგვიდგება. გარეთუბანში მდებარეობს შემდეგი ქართული ეკლესიები: კალოუბანი, წმ. გიორგის სახელობის ეკლესია, ქაშვეთი, სამება, მთაწმინდა. ამ ტერიტორიაზე გაშენებულ სომხურ ეკლესიათაგან მხოლოდ ვანქია XVII ს-ისა¹⁸. გარეთუბანის დანარჩენი სომხური ეკლესიები კი (ქამაანთ ეკლესია, თეკენამის და ზირკინაანთ საყდრები) მხოლოდ XVIII ს-ში აშენდა. ეს გარემოება შეიძლება იმის მაჩვენებელიც იყოს, რომ გარეთუბანში სომხური მოსახლეობა XVIII ს-დან ჩნდება, XVII ს-ში კი აქ უმთავრესად ქართველებს უცხოვრიათ.

როსტომის გამეფებით დაწყებული მშვიდობიანი 90 წელი თავის გავლენას ახდენს ქალაქის მოსახლეობის შემადგენლობაზეც. სწორედ ამ დროიდან შეინიშნება უცხო ტომის მოსახლეობის სწრაფვა ამიერკავკასიის სხვადასხვა ქალაქებიდან თბილისისაკენ¹⁹.

უცხო ტომის მოსახლეობას, როგორც კი თბილისის საქალაქო ცხოვრება ჩაითრევს, მაშინვე ემჩნევა ქართველობისაკენ სწრაფვა. კულტურ-

¹⁵ ბ. გიორგაძე, დიონიზო კარლის რელაციონის ტექსტისა და თარგმანისათვის, მსკი. №29, 1951, გვ. 156.

¹⁶ მ. თამარაშვილი, ისტორია კათოლიკობისა ქართველთა შორის, გვ. 233.

¹⁷ მ. პოლოუქტოვი, გ. ნათაძე, ძველი ტფილისი, გვ. 30.

¹⁸ ვანქი მდებარეობდა იქ, სადაც დღეს კოლმეურნეთა ბაზრის ახლოს სომხური საშუალო სკოლის შენობა დგას.

¹⁹ საამისო მასალა იხ. დოკ. თბილისის ისტორიისათვის, №№21, 27, 70, 79, 88.

რულად იგი უმაღვე ქართველდება: მისი საქმიანობა, მიწერ-მოწერა, ანგარიშსწორება ქართულ ენაზე ხორციელდება. ქართულ ენაზე ადგენს ის საქმიან ქალაქებს და საანგარიშო დავთრებს. ძირითადად ქართული ენით ხორციელდება საშინაო ურთიერთობაც. ამან ათქმევინა ვახუშტის, რომ თბილისელი სომხები „ქცევა-ზნითა ქართულითა“ ცხოვრობენო.

ცვლილებები თბილისის სამოხელეო წყობილებაში XVI—XVII სს-ში

ერთიანობის ხანის საქართველოში ქალაქ თბილისის მმართველს ამირა, ან ამირთ-ამირა ეწოდებოდა. XVI საუკუნიდან მათ პარალელურად იხმარებოდა მოურავი. საბოლოოდ XVII საუკუნის 10-იანი წლებიდან მკვიდრდება თბილისის მმართველის სახელად მოურავი²⁰. ქალაქ გორში კი მოურავი უფრო ადრე, XV საუკუნეში, გვხვდება. რაც შეეხება ქუთაისს, იქ ამირთ-ამირას არსებობა XVII საუკუნის ბოლომდე გრძელდება. XVIII საუკუნის დასაწყისიდან ქუთაისის მმართველსაც მოურავი ეწოდება²¹ (ანალოგიური ვითარება შეინიშნება სხვა ქალაქებშიც).

XVI საუკუნეშივე ამირთ-ამირას ნაცვლად, მოურავის პარალელურად, შემოდის „ტარულა“. ეს სიტყვა მონღოლური წარმოშობისაა, გავრცელებული იყო სპარსეთში და იქიდან შემოვიდა საქართველოში. მოურავი და ტარულა იდენტური ცნებებია და ერთისა და იმავე თანამდებობის აღმნიშვნელი ტერმინებია²². მაგრამ საბოლოოდ დამკვიდრდა და ფართოდ გავრცელდა ტერმინი მოურავი.

რამ გამოიწვია უცხოური წარმოშობის ტერმინის „ამირას“ (ან „ამირთ-ამირას“) შეცვლა ქართული მოურავით?

ერთიანი მონარქიის არსებობის ხანაში (XI—XV სს-ში) მკვეთრად იყო გამიჯნული სახელმწიფო საკუთრება მეფის პირადი საკუთრებისაგან ანუ მეფის დომენისაგან. სახელმწიფო საკუთრება იყო ის ტერიტორიები და უწყებანი, რომლებსაც განაგებდნენ ერისთავები და ამირები (ქალაქში), როგორც საქვეყნო გამრიგენი და ვეზირები, როგორც სახელ-

²⁰ ივ. ჯავახიშვილი, ქალაქები, საქალაქო წესწყობილება და ცხოვრების ვითარება საქართველოში XVII—XVIII სს., ჟურნ. „პროშეთე“, №1. 1918, გვ. 44—45; დ. მუსხელიშვილი, თბილისის ამირთ-ამირობის ინსტიტუტისათვის (საქართველო რუსთაველის ხანაში, 1966, გვ. 199 და სხვ.); М е с х и а . Ш. А. Города и городской строй феодальной Грузии, 1959, с. 244.

²¹ ს. კაკაბაძე, საქართველოს ისტორია, ახალი საუკუნეების ეპოქა, 1922, გვ. 118.

²² М е с х и а . Ш. А. Города..., с. 245; ივ. სურგულაძე, საქართველოს სახელმწიფოსა და სამართლის ისტორიისათვის, I, 1952, გვ. 432.

მწიფო საჯარო ხელისუფლების წარმომადგენლები ცენტრში. ამის გარეთ იყო მეფის სახლის მამული ანუ დომენი, რომელსაც მეფის, როგორც ფეოდალის, პირადი მოხელეები — მოურავეები და სხვ. — განაგებდნენ.

საქართველოს ეკონომიკურად დაქვეითებასა და პოლიტიკურ დაქუცმაცებულობას შედეგად მოჰყვა კულტურული დაქვეითება — მათ შორის სახელმწიფო სამართლისა და სახელმწიფოებრივი შეგნების დაცემა. ზემოთქმულის შედეგი იყო XV ს-ის პირველ ნახევარში სახელმწიფო საკუთრების ფაქტიური გაქრობა, უკეთ, მეფის დომენთან შერწყმა, სახელმწიფო მოხელეების — ერისთავებისა და ვაზირების გაქრობა და მეფის დომენის მოხელეების — მოურავისა და სახლთუხუცესის წამოწევა.

ანალოგიური ვითარება გვაქვს ქალაქების მიმართაც. ერთიანი მონარქიის არსებობის ხანაში მთავარი ქალაქები ითვლებოდა სახელმწიფო საკუთრებად და მათ განაგებდნენ მეფის, როგორც საჯარო ხელისუფლების წარმომადგენლის, მიერ დანიშნული სახელმწიფო მოხელეები ამირები (ან ამირთ-ამირები); გვიან შუა საუკუნეებში კი, როცა მოხდა სახელმწიფო საკუთრებისა და მეფის დომენის შერწყმა, მთავარი ქალაქები გადაიქცა მეფის, როგორც კერძო მემამულის ქალაქებად ანუ მეფის დომენის ქალაქებად და იქ დაინიშნა დომენის მოხელეები — მოურავეები. ადღენად, აქ აღნიშნული ტერმინების შენაცვლება შედეგია არა უცხოური ტერმინის ქართულით შეცვლის სურვილისა, ან ზოგადად საქალაქო ცხოვრების დაცემისა, არამედ იგი შედეგია ქალაქების კუთვნილების სტატუსის შეცვლისა — ქალაქები სახელმწიფო საკუთრებიდან გადაიქცნენ დომენის საკუთრებად (რაც შეეხება ზოგიერთ წერილ ქალაქს, რომლებიც კერძო ფეოდალთა საკუთრებაში იყო, მათ ფეოდალის მიერ დანიშნული მოხელე — მოურავი განაგებდა).

XVI—XVII სს-ში თბილისი მეფის (დომენის) ქალაქი იყო და მის გამგებელსაც მეფე ნიშნავდა. თბილისის მოურავი XVI ს-ის 90-იან წლებში, სიმონ I-ის მეფობაში, უნდა ყოფილიყო სიაუშ სააკაძე; მის შემდეგ 1608 წლიდან 1625 წლამდე გიორგი სააკაძე, 1626 წელს თბილისის მოურავად დაინიშნა ქაიხოსრო ბარათაშვილი²³. XVII ს. 30-იანი წლებიდან 70-იან წლებამდე თბილისის მოურავი იყო მანუჩარ (ციციშვილი), 70-იან წლებში მისი ვაჟი პაატაბეგი, XVII ს-ის ბოლოსა თუ XVIII ს-ის დასაწყისში ავთანდილ თარხნიშვილი (სააკაძის ჩამომავალი)²⁴.

მოურავი ქალაქის მმართველი იყო. მას ეკითხებოდა სავაჭრო და სახელოსნო საქმეების მოწესრიგება, ნიხრების დაწესება და ბაჟის აკრეფა, გადასახადების განაწილება და აკრეფა, სასამართლო საქმეების გარ-

²³ გ. ჯამბურია, ქართული ფეოდალური ურთიერთობის ისტორიიდან, 1955, გვ. 25—26.

²⁴ М е с х и а . Ш. А., Города..., с. 248.

ჩვეა, სასამართლო გადაწყვეტილების სისრულეში მოყვანა, დამნაშავეის დაპატიმრება, უცხოელი სტუმრების მიღება-დაბინავება, მათზე ზრუნვა და სხვა მრავალი.

მოურავს მრავალი ხელქვეითი მოხელე და მსახურთა რაზმი ჰყავდა, რომელთა საშუალებით მართავდა ქალაქს და წესრიგს იცავდა ქალაქში. როცა იგი ქალაქში არ იმყოფებოდა, მის ფუნქციებს მოურავის ნაცვალის (მოადგილე), ან რომელიმე მისი ხელქვეითი მოხელე ასრულებდა.

თბილისის მოურავის ერთ-ერთ მოვალეობას შეადგენდა ქალაქში შემოტანილ სურსათ-სანოვაგეზე ნიხრის დაწესება. ის ნიხრს აწესებდა ხორცეულზე, თევზეულზე, ყურძენზე, ზეთისხილზე, ხილზე, ღვინოსა და სხვ. პროდუქტებზე ნიხრის დაწესება სამ თვეში ერთხელ ხდებოდა, ღვინოზე კი წელიწადში ერთხელ. ნიხრის დაცვა სავალდებულო იყო ყველა ასნაფისა თუ თაბუნისათვის. ნიხრის დამრღვევი ჭარიმდებოდა მოურავის სასარგებლოდ, ამიტომ მოურავი და მისი ხელქვეითი მოხელეები მტკიცედ ადევნებდნენ თვალყურს ნიხრის დაცვას²⁵.

თბილისის მოურავს დიდი შემოსავალი ჰქონდა ქალაქიდან. მისი სარგოს მთავარ ნაწილს წარმოადგენდა შემოსავალი ბაჟებიდან. მის წილად მიდიოდა ქალაქის ბაჟების 1/5 ნაწილი, ანუ „ჩელიეჟი“. მოურავის სასარგებლოდ იკრიფებოდა აგრეთვე ფულადი გადასახადი „სატარულო“.

მას შემოსავალი ჰქონდა ვაჭართა და ხელოსანთა ასნაფებისაგანაც. მათ დავალებული ჰქონდათ თავიანთი საეაქროდან თუ სახელოსნოდან გარკვეული პროდუქტის მირთმევა დღესასწაულებზე თუ სხვა მნიშვნელოვან დღეებში: მესანთლებებისაგან — სანთელი, ყასბებისაგან — ქედისლები, თხის ქონი და სხვ., ბაყლებისაგან — ბრინჯი თავისი ერბოთი, სირაჩებისაგან — ღვინო და სხვადასხვა. მოურავის სასარგებლოდ მიდიოდა აგრეთვე გარკვეული ნაწილი ქალაქში უძრავი ქონების გაყიდვისას გადახდილი თანხისა.

მოურავის შემოსავალი საკმაოდ მრავალფეროვანი იყო და რამდენიმე ათას მანეთს აღწევდა (პროდუქტების გარდა)²⁶.

მოურავი ყოველ დილით მოახსენებდა მეფეს ქალაქის მდგომარეობას. ის სამეფო საბჭოს წევრი და საერთოდ მეფესთან ახლო მდგომი დიდი მოხელე იყო.

მოურავის შემდეგ ქალაქის მნიშვნელოვანი მოხელე იყო მამასახლისი. მამასახლისის ქართული ქალაქებისათვის ძველი თანამდებობაა. დაწყებული ადრეფეოდალური ხანიდან ეს თანამდებობა XVIII ს-ის ბოლომდე არსებობდა.

²⁵ შ. მესხია და სხვ., თბილისის ისტორია, 1958. გვ. 214—265.

²⁶ იქვე.

მამასახლისი ინიშნებოდა მოქალაქეთა ზედაფენებიდან მეფის მიერ, ის ქალაქის ვაჭრულ-ხელოსნური მოსახლეობის მართვა-გამგეობაში მნიშვნელოვან როლს ასრულებდა.

მამასახლისი მოურავთან ერთად აწესრიგებდა მოქალაქეთა სამართალს. გაყრის საქმეს, ამტკიცებდა ნასყიდობის წიგნებს, გამოდიოდა მოწმედ, ასრულებდა მეფისა და მოურავის განკარგულებებს. მისი საქმე იყო მშენებლობისათვის თვალყურის დევნება, სამეფო სახლისათვის ქალაქიდან სურსათ-სანოვავის მიწოდება, ქალაქის სანიტარული მდგომარეობისათვის ზრუნვა, კარანტინების დაწესება, საერთო წესრიგის დაცვა და სხვ.

მამასახლისი თანამდებობის ასრულების პერიოდში განთავისუფლებული იყო გადასახადებისაგან და აზნაურული უფლებებით სარგებლობდა.

XVI ს. შუა ხანებიდან თბილისში ჩნდება ახალი თანამდებობა — მელიქი. მელიქი არაბული წარმოშობის ტერმინია და ნიშნავს ხელმწიფეს, მეფეს, მთავარს. საქართველოში ეს ტერმინი გვიან შუა საუკუნეებში იხმარება შეცვლილი შინაარსით. „თბილისის მელიქი“ „თბილისის მამასახლისის“ იდენტური ტერმინია.

თბილისში და სხვა ადგილებში მელიქის თანამდებობის გაჩენა დაკავშირებულია სომხური მოსახლეობის ზრდასთან. XV ს-ში თურქმანთა მიერ სომხეთის დაპყრობის შემდეგ ბევრი სომეხი ჩამოსახლდა საქართველოში, განსაკუთრებით თბილისსა და გორში. ამის შედეგია მათთვის მელიქის თანამდებობის შემოღება.

მელიქს იგივე ფუნქციები ჰქონდა, რაც მამასახლისს. მელიქი სომხური მოსახლეობისათვის ინიშნებოდა, მამასახლისი კი ქართველი მოსახლეობისათვის. ამის გამო მელიქი სომეხი იყო, მამასახლისი კი ქართველი. მიუხედავად ამისა, ისინი ხშირად ერთად საქმიანობდნენ ქალაქის მეურნეობის სხვადასხვა დარგში, სამართლისა თუ წესრიგის დამყარებაში, მოწმეებად და სხვა.

XVI ს-ში მოურავის შემდეგ მეორე მოხელე მამასახლისი იყო, XVII ს-დან კი მელიქი გადადის მამასახლისის წინ. მოხელეთა ჩამოთვლისას მოურავის შემდეგ ასახელებდნენ მელიქს, მამასახლისს კი მესამე ადგილზე. XVIII ს-ში ეს ორი თანამდებობა შეერთდა და ერთი პიროვნების ხელში გადავიდა. ეს ვითარება შედეგი იყო იმისა, რომ XVIII ს-ში სომხური მოსახლეობა ენობრივად და კულტურულად იმდენად დაუახლოვდა ქართველ მოსახლეობას, რომ ცალ-ცალკე მამასახლისი საჭირო აღარ იყო²⁷.

მამასახლისისა და მელიქის სარგო ქალაქის სხვადასხვა სახის შემო-

²⁷ შ. მესხია და სხვ., თბილისის ისტორია, 1958, გვ. 269.

სავლისაგან დგებოდა. მათ ეკუთვნოდათ გადასახად მალის გარკვეული პროცენტი, ეძლეოდათ აგრეთვე საბუთის „საბეჭდავი“, სამართლის წარმოებისათვის, ჭარიმების ნაწილი და სხვ. დღესასწაულებში ასწავებისაგან იღებდნენ სხვადასხვა სახის ძღვენს.

თბილისში იყო აგრეთვე ორი მნიშვნელოვანი მოხელე: „ბატონის ნაცვალი“ ანუ „ქალაქის ნაცვალი“ და „მოურავის ნაცვალი“, პირველს მეფე ნიშნავდა და მის პირად მითითებებს ასრულებდა, თუმცა მოურავის კონტროლს მაინც ექვემდებარებოდა. მეორეს მოურავი ნიშნავდა და უშუალოდ მისი თანამემწე იყო. ორივენი საქალაქო მმართველობის და წესრიგის დამყარების აქტიური მონაწილენი იყვნენ. ბატონის ნაცვალს უფრო საპოლიციო საქმეები ეკითხებოდა, მოურავის ნაცვალს კი სავაჭრო-სახელოსნო საქმეთა მოწესრიგება-გარიგება. ორივე ქალაქის შემოსავლიდან და ჭარიმებიდან გარკვეულ წილს იღებდა. ორივე ნაცვალი ვაჭრულ-ხელოსნური წრეებიდან ინიშნებოდა²⁸.

თბილისის მოხელეთა შორის გვხვდებიან აგრეთვე წვრილი მოხელეები: „ქალაქის მებაჟენი“, ასასები — დაბალი საპოლიციო მოხელენი და მათი მეთაური ასასბაში (რომელთა სასარგებლოდ დაწესებული იყო გადასახადი), „ქალაქის მწერალი“, ანუ „ქალაქის მუშრიბი“ და სხვ. მუშრიბს ევალებოდა ქალაქის შემოსავალ-გასავლის აღრიცხვა, ქალაქის აღწერა, გადასახადთა გაწერა და სხვ. მის გასამრჩელოს „მუშრიბანა“ („სამუშრიბო“) ერქვა; იყო, აგრეთვე, „ყაფანდარი“ (ქალაქის მთავარი მესასწორე), რომელიც ქალაქში შემოტანილ საქონელზე გარკვეულ საყაფანდროს იღებდა.

თბილისის მოხელეთა შორის არის „მინბაშიც“ (ციხისთავი). XVI—XVII სს-ში თბილისის მინბაშიად (განსაკუთრებით XVI ს-ის მეორე ნახევრიდან), ჩვეულებრივ, სპარსელები არიან და თბილისის ყიზილბაშურ გარნიზონს განაგებენ. მათი მოვალეობაა თბილისის გალავნის, კარების, ციხის დაცვა, მოვლა და შეკეთება. თბილისში არსებობდა სპეციალური „სამინბაშო ბაი“, რომელიც მინბაშის სასარგებლოდ იკრიფებოდა, რაც ზემონათქვამის შესასრულებლად უნდა ეხარჯათ, მაგრამ ხშირად თავად ითვისებდნენ, ბაჟის რაოდენობას ზრდიდნენ, რაც მოსული ვაჭრებისა და ადგილობრივი მოსახლეობის უკმაყოფილებას იწვევდა²⁹.

თბილისის მოხელეებად ითვლებოდნენ აგრეთვე „ჯარჩები“ (გზირები), რომელთა უშუალო უფროსს „ჯარჩიბაში“ ეწოდებოდა. მათი მოვალეობა იყო ნიხრებისა და მეფის თუ დიდი მოხელის განკარგულებათა საჯაროდ გამოცხადება ბაზრობებსა და დღეობებზე.

²⁸ შ. მ. ე. ს. ხ. ი. ა და სხვ., დასახ. ნაშრომი, გვ. 271—273.

²⁹ 1639 წლის ყანუნლამა როსტომისა, ქართულ-სპარსული ისტორიული დოკუმენტები, I, გვ. 149.

გვიან შუა საუკუნეებში საქართველოს ეკონომიკური დაქვეითებისა და პოლიტიკური დაქუცმაცებულობის შედეგად მნიშვნელოვნად ქვეითდება საქართველოს საქალაქო ცხოვრებაც. როგორც ცნობილია, XIII—XV საუკუნეების განმავლობაში შემცირდა საქართველოს ქალაქების მოსახლეობა, დაეცა მრეწველობა და ვაჭრობა. დიდი ქალაქები მნიშვნელოვნად შემცირდა, ზოგი მცირე ქალაქი კი სრულიად გაქრა. ეს ვითარება მრავალმა მიზეზმა განაპირობა, რომელთა შესახებ საუბარი წინა თავებში უკვე იყო და აქ აღარ გავიმეორებთ. აღვნიშნავთ, რომ ეს საერთო ვითარება შეეხო თბილისსაც. რაც შეეხება XVI—XVII საუკუნეების თბილისს, ქართულ ისტორიოგრაფიაში გავრცელებული შეხედულებით მთელ XVI საუკუნესა და XVII საუკუნის პირველ ნახევარში იგი დაქვეითებული და მცირემოსახლეობიანი ქალაქი ყოფილა. თბილისის დაწინაურება და აღორძინება თითქოს იწყება მხოლოდ XVII საუკუნის შუა ხანებიდან. პროფ. ვ. გაბაშვილის აზრით, „აღმოსავლურ წყაროთა ცნობებით არ დასტურდება ქართულ ურბანისტიკაში გამოთქმული შეხედულება, რომლითაც აღინიშნება თბილისის დაქვეითება XVI საუკუნის მეორე ნახევარში და XVII საუკუნის პირველ მეოთხედში“. ამ შეხედულების ავტორები თბილისის პოლიტიკურ მდგომარეობას ავტომატურად ავრცელებენ მის ეკონომიკურ მდგომარეობაზე, რაც სწორი არ არის. „ნამდვილად თბილისი ყოველთვის ინარჩუნებდა მნიშვნელოვანი სავაჭრო ცენტრის როლს მახლობელი აღმოსავლეთის საერთაშორისო ვაჭრობაში“³⁰.

მართალია, შემოსევების დროს XVI ს-ის პირველ ნახევარში თბილისი დაქვეითდა, მაგრამ 1555 წლიდან 1578 წლამდე, ირან-თურქეთის მეორე ომის დაწყებამდე, შედარებით მშვიდობიანობა იყო, ამან კი ხელი შეუწყო საქალაქო ცხოვრების გამოცოცხლებას. 1562 წლიდან, როგორც ცნობილია, თბილისი და ქვემო ქართლი, დაუდ ხანის მეშვეობით, ირანს დაექვემდებარა. ამან კი, თავის მხრივ, განაპირობა თბილისის დაკავშირება ამიერკავკასიის სავაჭრო გზასთან, ირანის სავაჭრო წრებთან, მეორე მხრივ კი ახალქალაქ-ახალციხის გზით ოსმალეთის ვაჭრობასთან. 1555—1578 წლების მშვიდობიანმა მდგომარეობამ ხელი შეუწყო ქალაქებისა და ვაჭრობის გამოცოცხლებას აღმოსავლეთ ამიერკავკასიაში. აღმოსავლეთ ამიერკავკასიაში სავაჭრო გზასთან და ვაჭრობასთან მკიდ-

³⁰ ვ. გაბაშვილი, თბილისი XVI—XVII საუკუნეების აღმოსავლურ წყაროებში, თსუ შრომები, ტ. 99, 1962, გვ. 252.

როდ იყო დაკავშირებული არა მარტო კახეთის ქალაქები გრემი და ზაგემი, არამედ ქ. თბილისიც³¹.

XVI ს. მეორე ნახევრის თურქი ისტორიკოსის მუსტაფა აღის ცნობით, „თბილისის ციხე დიდი, შესანიშნავი ციხე-სიმაგრეა, რომელიც თხრილების სიღრმის, თვით ქალაქის და მისი ბურჯების სიმაღლის მიხედვით არაბთა ქვეყნის უდიდესი, უმშვენიერესი ქალაქის — ალეპოს მსგავსია. ამასთანავე, იმის მიხედვით, რომ (თბილისს) მდინარე მტკვარი ჩაუდის შუაში და ცხელი წყაროებია, უნგრეთის დედა-ქალაქ ბუდაპეშტს ჰგავს...“³²

რაც არ უნდა გადაჭარბებული იყოს აღნიშნული, იგი მაინც მოწმობს, რომ თბილისი კარგად გაშენებულ და მდიდარ ქალაქს წარმოადგენდა.

არსებულ ცნობებში შეიმჩნევა გარკვეული სხვადასხვაობა, რაც ამა თუ იმ უცხოელი სარდლის ტენდენციური განწყობით შეიძლება აეხსნათ. მაგალითად, XVI ს. იტალიელი ავტორი თომაზო მინადოი წერდა: „სინან ფაშამ მუსტაფა ფაშის დასამცირებლად (იგულისხმება სარდალი ლალა მუსტაფა ფაშა) თბილისის შესახებ თურქეთის სულთანს ცნობები მიაწოდა: „მუსტაფა ფაშა აცნობებდა, რომ თბილისი დამასკოსავით დიდი და მდიდარი ქალაქია“. ეს სიცრუეა, რადგან თბილისი მცირე ზომის ქალაქია, მცირერიცხოვანი მცხოვრებლებითა და ნაგებობებით დამასკოს ვერ შეედრება, ვერც სიმდიდრით. ვერც მცხოვრებლების სიმრავლით და ქალაქის ტერიტორიის სიდიდით მასთან ვერ მივა“³³.

რუსი ელჩების ცნობის მიხედვით, 1597 წელს „თბილისში მხოლოდ 2000 სახლი იყო“³⁴.

1578 წელს დაწყებულმა მეორე ომმა ოსმალეთსა და ირანს შორის დიდი ზიანი მიაყენა თბილისის ვაჭრობას. მაგრამ მას შემდეგ, რაც 1588 წელს სიმონ მეფემ დროებით შეწყვიტა ბრძოლა ოსმალთა წინააღმდეგ, ქალაქი მოშენდა, ხოლო საგარეო ვაჭრობა კვლავ გამოცოცხლდა. 1578 —

³¹ ვ. გაბაშვილი, იქვე, გვ. 255: კ. კუციია, სეფიანთა ირანის ქალაქები და საქალაქო ცხოვრება, თბ., 1966, გვ. 29.

³² ციტირებულია ვ. გაბაშვილის დასახ. ნაშრომიდან, გვ. 256.

³³ შ. მესხია და სხვ., თბილისის ისტორია. 1958, გვ. 157: М е с х и а . Ш. А., Города..., с. 93.

³⁴ Белокуров С. А. Сношения России с Кавказом. Материалы, 1889, с. 311. ამ ცნობის საფუძველზე დაასკვნან, რომ ქალაქში 10 ათასამდე სული ცხოვრობდა (თბილისის ისტ., 1958, გვ. 157). რაც სწორი არ უნდა იყოს. გასათვალისწინებელია, რომ ხშირად ერთ სახლში რამდენიმე ოჯახი ცხოვრობდა; თბილისის დიდი ციხის ოსმალო მეციხოვნეების დიდი ნაწილიც ოჯახებით სახლობდნენ. ამასთან, მხედველობაში არაა მიღებული თბილისის დროებითი მცხოვრებლები — სეზონური მუშები და ხელოსნები, რომლებიც ყოველთვის ბევრი იყო თბილისში, და რომელნიც მნიშვნელოვან როლს ასრულებდნენ ქალაქის ცხოვრებაში. თბილისის მოსახლეობა XVI საუკუნის ბოლოს 20 000-მდე შეიძლება ვივარაუდოთ.

1605 წლებში ოსმალები მთელს აღმოსავლეთ ამიერკავკასიაში გაბატონდნენ. ოსმალეთის ხელში აღმოჩნდა მნიშვნელოვანი სავაჭრო გზა: შემახა — განჯა — თბილისი — გორი — ახალქალაქი — ახალციხე — ერზურუმი — სტამბოლი. ამ გზით აღმოსავლეთ ამიერკავკასიის აბრეშუმთან ერთად გადიოდა ქართული აბრეშუმიც. ამ ხანებში, ამავე გზით გადიოდა სპარსული, კერძოდ, გილანური აბრეშუმი.

აღმ. ამიერკავკასიის სავაჭრო გზით, ოსმალეთსა და ირანს გარდა, დანტიერესებული იყო აგრეთვე რუსეთი, განსაკუთრებით XVI ს-ის მეორე ნახევრიდან, როცა მან შეიერთა ყაზანისა და ასტრახანის სახანოები და მდ. ვოლგის აუზი მის ხელში მოექცა. ამას გარდა, ამ გზით, XVI ს. შუა ხანებიდან დანტიერესდნენ ინგლისელი ვაჭრები და პირველ რიგში ინგლისური „მოსკოვის კომპანია“, რომელიც 1555 წელს დაარსდა და 60—70-იან წლებში ვაჭრობას ეწეოდა ირანსა და მის პროვინციებთან. XVI ს. 60-იან წლებში ინგლისელ ვაჭრებს კონტაქტის დამყარება უცდიათ ქართველ ვაჭრებთან³⁵. ქართველი ვაჭრები იმ ხანებში სომხებთან ერთად, რომელთა ხელში იყო ფაქტიურად ირანის ვაჭრობა, აქტიურად მონაწილეობდნენ ირანის ვაჭრობაში. ინგლისელი ვაჭარი კარტვრაიტი, რომელმაც გაიარა ძველი ჯულა 1590 წელს, აღნიშნავდა, რომ იქ ცხოვრობდნენ და აბრეშუმით ვაჭრობდნენ სომხები და ქართველები (ეს უკანასკნელები უნდა ყოფილიყვნენ არა იქაური მკვიდრნი, არამედ საქართველოდან ჩასული დიდვაჭრები)³⁶.

საქართველოს სავაჭრო ვაჭრობაში აბრეშუმით ვაჭრობას ერთ-ერთი მთავარი ადგილი ეკავა. აბრეშუმში საქართველოში ძველი დროიდანვეა ცნობილი. იგი დიდი რაოდენობით მოჰყავდათ როგორც ძველად, ისე გვიან შუა საუკუნეებში. XVII ს-ის პირველი ნახევრის მოგზაურის ოლეარიუსის ცნობით (ის სპარსეთში იმყოფებოდა 1637—1638 წლებში), შაჰ-ისმაილს ქართლის მეფე დავით IX-ისაგან (1505—1525 წწ.) ხარკად მოუთხოვია 300 საპალნე, ანუ 1800 ფუთი აბრეშუმში³⁷. თეიმურაზ მეფეს 1639 წელს რუსი ელჩებისათვის განუცხადებია: „...ძველად იყო, რომ გრემიდან ზაგვამდე მოდიოდა 1000 საპალნე აბრეშუმში“...³⁸ აბრეშუმში მოჰყავდათ დიდი რაოდენობით დასავლეთ საქართველოშიც. ნედლი აბრეშუმის ძირითადი ნაწილი საზღვარგარეთ გადიოდა. ნედლი აბრე-

³⁵ Английские путешественники в Московском государстве в XVI веке, с. 240; გ. ე. ო. რ. დ. ა. ნ. ი. ა., უცხოელ მოგზაურთა ცნობები ქართველთა შესახებ XVII ს-ში, ჟურნ. „მნათობი“, 1962, №8, გვ. 174—75.

³⁶ გ. ე. ო. რ. დ. ა. ნ. ი. ა., დასახ. ნაშრომი, გვ. 175.

³⁷ ნ. ა. ბ. ე. ს. ა. ძ. ე., მეაბრეშუმეობა საქართველოში, 1957, გვ. 114.

³⁸ Материалы по истории грузинско-русских взаимоотношений 1615—1640 гг., изд. М. Полиевктова, 1937, с. 390; იხ. გ. ე. ო. რ. დ. ა. ნ. ი. ა., ქართული აბრეშუმის კულტურის განადგურების ერთი კლასის შესახებ, ჟურნ. „ცისკარი“, 1963, №5, გვ. 141.

შემის გატანაში XVI საუკუნის მეორე ნახევარში გრემსა და ზაგემთან ერთად თბილისელი და გორელი ვაჟრებიც მონაწილეობდნენ, XVII ს-ში კი თითქმის მხოლოდ თბილისელი ქართველი დიდვაჟრები და სომეხი ხოჯები. სომხური ქალაქი ძველი ჭულა (ჭულფა) ამიერკავკასიის ვაჟრობის ცენტრი იყო, განსაკუთრებით აბრეშუმით ვაჟრობაში. უფრო მეტიც, ჭულელი ხოჯები დიდ როლს ასრულებდნენ აბრეშუმით მსოფლიო ვაჟრობაშიც. მათ ირანული და ამიერკავკასიის აბრეშუმი გაჰქონდათ თურქეთზე გავლით ალექოში. სადაც ხვდებოდნენ ევროპელ ვაჟრებს, რომლებიც ყიდულობდნენ ნედლ აბრეშუმს, XVII ს-ში კი თავად დაიწყეს ევროპაში გასვლა. მაგალითად. ვენეციაში მთელი უბნები გაჩნდა სომხებისა, რომლებიც აბრეშუმით ვაჟრობდნენ.

ირანისა და აღმოსავლეთ ამიერკავკასიის აბრეშუმი გადიოდა XVI ს. მეორე ნახევრიდან ვოლგა-ასტრახანის გზით რუსეთსა და დასავლეთ ევროპაში. მესამე გზა აბრეშუმის გატანისა აღმოსავლეთ ამიერკავკასიიდან და ირანიდან იყო ბენდერ-ჰორმუზის სრუტე — არაბეთის ზღვა — ინდოეთის ოკეანე და აფრიკის ირგვლივ.

XVII ს. 30-იან წლებში, კარგი მოსავლიანობის დროს, ირანში დაახლოებით 20 000 საპალნე აბრეშუმი მოჰყავდათ, რომელთაგან თვით ირანში მხოლოდ 1 000 საპალნეს ამუშავებდნენ, დანარჩენი ინდოეთში, თურქეთსა და დასავლეთ ევროპაში გადიოდა³⁹. შაჰ აბას I უაღრესად დაინტერესებული იყო ირანის აბრეშუმის ვაჟრობით თვითონ მას ესარგებლა და არა ოსმალეთსა და რუსეთს. ამიტომ ყველაფერი გააკეთა იმისათვის, რათა ჩრდილოეთსა და თურქეთზე გამავალი სავაჭრო გზები დაეკრუებინა და სპარსეთის ყურე (ჰორმუზი) გაეხადა აბრეშუმით ვაჟრობის ცენტრად. ამ მიზნით, შაჰ აბასმა აღმოსავლეთ ამიერკავკასიის მრავალი დიდი ქალაქი დაანგრია: შემახა, განჯა, ნახჭევანი, ჭულფა, შემდეგ კი გრემი და ზაგემიც. ეს ქალაქები ითვლებოდა აბრეშუმით ვაჟრობის ცენტრებად, რომლებიც დაკავშირებულნი იყვნენ ვოლგა-ასტრახანის გზასთან და აგრეთვე ვაჟრობდნენ ოსმალეთთან. ამ ქალაქებში მცხოვრები ათიათასობით ხელოსანი და ვაჭარი ირანში გადასახლდა. როგორც ცნობილია, ქ. ჭულის ვაჭრული მოსახლეობა შაჰმა დაასახლა ისპანის გარეუბანში და შექმნა ახალი ქალაქი ნორჯულა. ჭულელ ხოჯებს შეღავათები უბოძა და საშუალება მისცა სათავეში ჩადგომოდნენ ირანის ვაჟრობას ევროპასა და ინდოეთთან.

შაჰ აბასმა აღმოსავლეთ ამიერკავკასიიდან გადასახლა არა მხოლოდ ხელოსნურ-ვაჭრული მოსახლეობა, არამედ ასიათასობით სოფლის მოსახლეობაც, მათ შორის აბრეშუმის მწარმოებელი გლეხობა ჩრდილო აზერბაიჯანიდან და კახეთიდან. უფრო მეტიც, აბასმა სცადა კახეთ-

³⁹ Олсариий А. Подробное описание голштинского посольства в Московию и Персию в 1633, 1636 и 1639 гг. М., с. 791; ქ. კუციია, დასახ. ნაშრომი. გვ. 45.

ში თვით აბრეშუმის წარმოების საფუძველიც მოესპო. შაჰის ბრძანებით კახეთში გაჩეხეს თუთის ხეები⁴⁰.

გარდა იმისა, რომ შაჰ აბასის ამ ღონისძიებათა მიზანი იყო აბრეშუმით ვაჭრობის ცენტრების ამიერკავკასიიდან შიდა და სამხრეთ ირანში გადატანა, მის მიზანს შეადგენდა აგრეთვე ამიერკავკასიის ქვეყნების ეკონომიკური დაქვეითება, რასაც, მისი აზრით, უნდა შეესუსტებინა ოსმალეთისა და რუსეთის სწრაფვა ამიერკავკასიისაკენ⁴¹.

როგორც ჩანს, შაჰ აბასს ქართლიდან და, კერძოდ, თბილისიდანაც გადაუსახლებია ვაჭრები ირანში და ისინიც, მსგავსად ჯულაელებისა, ისპაანის ერთ-ერთ გარეუბანში დაუსახლებია. არაქელ დავრიჟეცის ცნობით: ქართლის მცხოვრებნი „წაიყვანეს და ისფაჰანის ზემოთა სოფლებში დაასახლეს, სადაც სომხებიც იყვნენ დასახლებულნი“⁴².

გერმანელი მოგზაურის ადამ ოლეარიუსის მიხედვით, ქართველი ვაჭარ-ხელოსნები დაუსახლებიათ ისპაანის გარეუბან ჰასენაბადში: „ჰასენაბადი წარმოადგენს გარეუბანს ჯურჯისას ანუ ქართველ ქრისტიანთა, რომელნიც გადაყვანილი არიან საქართველოდან. (ისინი) აგრეთვე არიან წარჩინებული ვაჭრები, რომელნიც თავიანთი სავაჭრო საქმეების გამო, ისევე როგორც სომხები, ყველგან მოგზაურობენ და სხვა ქვეყნებშიც დაიარებიან“⁴³.

ოლეარიუსის ნაშრომის ფრანგულად მთარგმნელი ვიკტორი (თარგმანი დაიბეჭდა 1656 წ.), რომელიც კარგად იცნობდა იმდროინდელ საერთაშორისო ვითარებასა და ვაჭრობას, ოლეარიუსის ნათქვამს უმატებს: „მათ ძალიან უყვართ მოგზაურობა განსაკუთრებით ინდოეთსა და ევროპაში, და მომეტებული ნაწილი იმ ვაჭრებისა, რომელთაც ვხედავთ ვენეციაში, ჰოლანდიაში და სხვა ადგილებში და რომელთაც აქ უწოდებენ სომხებს, ეკუთვნიან ამ (ე. ი. ქართველთა) ერს“... სპარსელებს „უყვართ კიდევ ისინი არა მარტო იმიტომ, რომ ხედავენ სარგებლობას მათთან ვაჭრობაში, და (იმიტომ) რომ იხდიან გადასახადს, არამედ განსაკუთრებით იმიტომ, რომ ისინი რგავენ და აშენებენ ვაზს და აყენებენ ღვინოს“⁴⁴.

⁴⁰ გ. ჟორდანიას, ქართული აბრეშუმის კულტურის განადგურების ერთი ცდის შესახებ. ეურნ. „ცისკარი“, №5, 1963, გვ. 148.

⁴¹ ე. გაბაშვილი, XVI—XVII სს. საქართველოს ქალაქები მახლობელი აღმოსავლეთის სავაჭრო ურთიერთობათა შუქზე. ნარკვევები მახლობელი აღმოსავლეთის ქალაქების ისტორიიდან, I, 1966, გვ. 180—181.

⁴² არაქელ დავრიჟეცის ცნობები საქართველოს შესახებ, თარგმანი, შესავალი და კომენტარები კარლო კუციასი. თბ., 1974, გვ. 36; გ. ჟორდანიას, უცხოელ მოგზაურთა ცნობები ქართველთა შესახებ XVII საუკუნეში, ეურნ. „მნათობი“, №8, 1962, გვ. 177.

⁴³ ციტირებულია: გ. ჟორდანიას, დასახ. ნაშრომი, გვ. 176.

⁴⁴ იქვე, გვ. 176—177.

როგორც ვხედავთ, ქართველი დიდუკურები სომეხ ხოცებთან ერთად მნიშვნელოვან როლს ასრულებდნენ თვით ირანის ვაქრობაში, საეპაროდ დადიოდნენ ინდოეთსა და ევროპაში, გამდიდრებულან კიდეც, მაგრამ 60—70-იანი წლების მოგზაურთა თუ ისტორიკოსთა შრომებში უკვე აღარ ჩანან პასენაბადში კომპაქტურად დასახლებული ქართველი ვაქრები. მკვლევრები ვარაუდობენ, რომ მათი ნაწილი ალბათ გამაჰმადიანდა და დენაციონალიზაცია განიცადა (სპარსეთის შაჰები ითმენდნენ სომეხი ვაქრების ქრისტიან-გრიგორიანობასა და კათოლიკობას, მაგრამ არ ითმენდნენ ქართველების მართლმადიდებლობას). ნაწილი, შესაძლოა, უკანაც დაბრუნდა. მაგრამ ქართველი ვაქრები მცირე რაოდენობით შემდეგაც ჩანან ირანის ქალაქებში⁴⁵.

შაჰ აბასის ცდები, ირანის იმპერიის სამხრეთში გადაეტანა აბრეშუმითა და სხვა მნიშვნელოვანი საქონლით ევროპასთან ვაქრობის ცენტრი, მარცხით დამთავრდა. სპარსეთის ყურემ და ინდოეთის ოკეანემ ვერ დაიჭირა ის ადგილი, რომელსაც აღმოსავლეთ ამიერკავკასიაში გამავალი სავაჭრო გზა ასრულებდა აღმოსავლეთსა და ევროპას შორის. ამიტომ მალე კვლავ დიდი მნიშვნელობა მიენიჭა ამიერკავკასიის სავაჭრო მაგისტრალს. ამასთანავე დაკავშირებული თბილისის აღორძინება XVII ს-ის 40-იანი წლებიდან და საერთოდ ქართლში საქალაქო ცხოვრების გამოცოცხლება.

როსტომის მეფობის დროს (1632—1658 წწ.), როგორც VIII თავში უკვე აღინიშნა, თბილისმა კვლავ დაიბრუნა აღმოსავლეთ საქართველოს პოლიტიკური და ეკონომიკური ცენტრის მნიშვნელობა. ამას, გარდა 1639 წ. ზავის შედეგად დამყარებული ერთგვარი მშვიდობიანობისა, ხელი შეუწყო ირან-ქართლის კომპრომისულმა პოლიტიკამ — როსტომისა და შემდეგ ვახტანგ V-ის პოლიტიკამ.

როსტომმა რიგი ღონისძიებები გაატარა ვაქართა ინტერესების დასაკმაყოფილებლად. ერთ-ერთი ასეთი ღონისძიება იყო თბილისის ციხის მეზაყეთა თვითნებობის აღკვეთა. 1639 წ. როსტომის ბრძანებაში ნათქვამია: „ზოგჯერ ნოქრები (ქალაქის კარის მცველები) ძალადობას იჩენდნენ გამვლელებზე. [ამიტომ] ვაქრებმა, მომსვლელებმა, ქალაქ თბილისისა და საქართველოს ოლქის მოსახლეობამ ითხოვეს დასტურლამალის (მოცემა) ამის შესახებ, რათა ამიერიდან ხსენებულთ ციხის კარის მცველებმა მის საფუძველზე იმოქმედონ და ძალმომრეობა არ გამოიჩინონ... რათა ამიერიდან ერთი დინარი და ერთი ბათმანი პურიც კი არ აიღონ ზედმეტად, ეს გახდეს ვაქრების, გამვლელთა და გლეხთა დამშვიდების მიზეზი“...⁴⁶ ამას გარდა, როსტომმა ზოგიერთი ვაქარი

⁴⁵ გ. უოტანია, დასახ. ნაშრომი, გვ. 179—180.

⁴⁶ ქართულ-სპარსული ისტორიული საბუთები, ვ. ფუთერიძის თარგმანი და რედაქცია, 1955, გვ. 151.

ბაეისაგან გაათავისუფლა⁴⁷, ზოგსაც გადასახადები შეუმსუბუქა და სხვ. ყოველივე ეს. ცხადია, ვაქრობის განვითარებას უწყობდა ხელს. იმავე მიზნით. როსტომმა მდ. ქციაზე დიდი ხიდი ააგო. ფ. გორგიჯანიძის სიტყვით. „რომ მგზავრი არ გაისარგოს, სადგომი და საქმელი მზად დახვდეს, როსტომ მეფემ განჯის გზაზე, გატეხილს ზევით, გუნბეთით ხიდი ააგო. სოფელი და ქარავენსარა ააშენა“⁴⁸. ეს ხიდი დღესაც დგას და კვლავ მოქმედი ხიდია. ჩამოსვლის უმაღლეს როსტომს ერთი ქარავენსარაი თბილისშიც აუშენებია. რომელიც იჯარით ყოფილა გაცემული⁴⁹.

როსტომის ღონისძიებებმა ხელი შეუწყო ჩვენში საქალაქო ცხოვრების გამოცოცხლებას და თბილისის ვაჭრულ-ხელოსნური მოსახლეობის გამრავლებას.

აღნიშნულმა ღონისძიებებმა როსტომს ქალაქების ვაჭრულ-ხელოსნური მოსახლეობის მხარდაჭერა მოუპოვა. თუმცა როსტომამდეც აღმოსავლეთ საქართველოს ქალაქების ვაჭრულ-ხელოსნური მოსახლეობა, განსაკუთრებით ამ მოსახლეობის ზედაფენა, ქართველი დიდვაჭრები და სომეხი ხოჯები უფრო მაჰმადიან მეფეებს უჭერდნენ მხარეს, რადგან მათი სავაჭრო ინტერესები ირანის საერთაშორისო ვაჭრობასთან იყო დაკავშირებული. გარდა ამისა, როგორც ჩანს, განსაკუთრებით წერილი ვაჭრებისა და ხელოსნებისათვის, მნიშვნელობა ჰქონდა იმ გარემოებასაც, რომ თბილისის ციხეში XVII საუკუნეში თითქმის განუწყვეტლივ ყიზილბაში მეციხოვნეები იდგნენ.

XVII ს. შუა ხანებში თბილისი XVI ს. ბოლო ხანების ქალაქთან შედარებით მნიშვნელოვნად იყო გაზრდილი და გამშვენებული. XVII ს. ცნობილი თურქი მოგზაურის ევლია ჩელების სიტყვით, რომელიც 1646—1647 წლებში იყო ჩვენს ქალაქში, თბილისი „ძალიან კეთილმოწყობილი და გაშენებული“ ქალაქია⁵⁰. ის აღწერს თბილისს და მის ღირსშესანიშნაობებს, მათ შორის დიდ ციხეს — კალას და მცირე ციხეს — მეტეხს.

დიდი ციხის „გალავნის შიგნით, — გადმოგვცემს ევლია ჩელები, — ექვსასი ბანიანი სახლია. ხანის (ე. ი. როსტომის) სასახლე ამ ციხეშია; ჯამე, ქარვასლა, აბანო და მცირე ბაზარი აქვს“. პატარა ციხეში „სამასი სახლი და ჯამეა. მაგრამ ბაზარი და სხვა რამ ნაგებობა არაა“. ციხის კოშკებს, ევლიას ცნობით, „3000 მეციხოვნე იცავს“⁵¹.

ევლია ჩელების მონაცემების მიხედვით, თბილისის „ორთავე ციხის

⁴⁷ ქართულ-სპარსული ისტორიული საბუთები, გვ. 212.

⁴⁸ ფ. გორგიჯანიძე. ისტორია, „საისტორიო მოამბე“, წ. 11, გვ. 262.

⁴⁹ ქართულ-სპარსული ისტ. საბუთები, 1955, გვ. 214—215.

⁵⁰ ევლია ჩელები, მოგზაურობის წიგნი, თარგმანი გ. ფუფურიძისა, ნაკვ. 1, 1971, გვ. 295.

⁵¹ იქვე.

გალავანში დაახლოებით 15 000 მცხოვრებია სავარაუდებელი. მათგან უმრავლესობას თბილისის მკვიდრი მოსახლეობა შეადგენდა. ქრისტიანული მოსახლეობა (ქართველები, სომხები) წარმოდგენილი იყო ციხის გარეთ და განლაგებული იყო გარეთუბნამდე⁵². ციხის გარეთ მცხოვრებთა რაოდენობა 30—40 ათასამდე აღწევდა, ხოლო მთელი ქალაქისა — 50—60 ათასამდე⁵³.

როსტომის სასახლე, როგორც უკვე ითქვა, დიდი ციხის გალავანში ყოფილა, შემდეგ კი ახალი დიდებული სასახლე, „ყიზილბაშთა რიგისა“, აუშენებია გალავანს გარეთ, ანჩისხატისა და სიონის უბანში, და იქ დასახლებულა⁵⁴.

როსტომის მეფობაში დაწყებული ქვეყნის ეკონომიკური აღმავლობა ვახტანგ V-ის, ანუ შაჰ ნავაზის მეფობაშიც (1658—1675 წწ.) გაგრძელდა.

თბილისის მრავალრიცხოვანი მოსახლეობის სავაჭრო პროდუქტებითა და ნედლეულით დაკმაყოფილება უმთავრესად ქართლ-კახეთის სოფლების ხარჭზე ხდებოდა, მაგრამ როგორც საკვები, ისე ნედლეული თბილისში შემოდოდა საქართველოს სხვადასხვა კუთხეებიდან და ამიერკავკასიის სხვადასხვა ქვეყნებიდანაც კი (აზერბაიჯანი, სომხეთი). ეს საქონელი იყო პური, ღვინო, საკლავი, ფრინველი, თევზი, ბრინჯი, მარილი, თამბაქო, ყველი, ერბო, ხილი, თაფლი და სხვა; აბრეშუმში, ბამბა, მატყლი, სელი, ტყავი, რკინა, სპილენძი, ენდრო და სხვ.

როსტომ მეფის 1639 წლის „ყანუნლამაში“ ჩამოთვლილია თბილისში შემოსული საქონელი და ამ საქონელზე დადებული ბაჟი, რომელსაც იღებდნენ თბილისის ირანელი მინბაში და მისი მეციხოვნეები, რაც მათ უნდა მოეხმარათ „ქარის დაცვისათვის“ და „ციხის კარის გასამშენიერებლად“⁵⁵.

მინბაში იღებდა:

1. აბრეშუმის საპალნეზე — ერთ შაურს.
2. ფართლის საპალნეზე — ნახევარ შაურს.
3. ბამბის საპალნეზე — ერთ ბისტს (ბისტის = 2 კაპ.).
4. საყათის (საწვრილმანო) საქონელზე — ორ ფულს (ფული = 1/2 კაპ.)
5. თუთუნის საპალნეზე — ნახევარ შაურს.
6. მარილის საპალნეზე — ერთ ფულს.

⁵² ვ. გაბაშვილი. თბილისი XVI—XVII საუკუნეების აღმოსავლურ წყაროებში. თსუ შრომები, 99. 1962. გვ. 266.

⁵³ იქვე. გვ. 267.

⁵⁴ ვახუშტი. ქართლის ცხოვრება. ტ. IV. გვ. 334.

⁵⁵ სხვა უნდა ყოფილიყო სამეფო და სამოურავო ბაჟი. თანაც უფრო მეტიც. მაგ., XVII ს. მეორე ნახევარში ყაფლანჩვილები თავიანთ საბაჟოში იღებდნენ აბრეშუმზე — ერთ აბაზს. ბამბაზე — 2 შაურს, თევზზე — 1 შაურს და სხვ.

7. ერბოს საპალნეზე — ერთ ფულს.
8. ბრინჯის საპალნეზე — ერთ ფულს.
9. თაფლის საპალნეზე — ორ ფულს.
10. ნალ-ლურსმნისა და რკინის საპალნეზე — ორ ფულს.
11. მატყლის საპალნეზე — ერთ ფულს.
12. თევზის საპალნეზე — ერთ ბისტს.
13. გასაყიდ ცხვარზე, ასზე — ორ შაურს.
14. დიდი ფარის გავლაზე — ერთ ცხვარს.
15. ცოტა ფარაზე — ერთ ბატკანს.
16. ყველის საპალნეზე — ერთ ფულს⁵⁶.

თბილისის საშინაო ვაჭრობაში რომ ქართლის გლეხობაც უნდა ყოფილიყო ჩაბმული, ჩანს როსტომ მეფის სიტყვებიდანაც. ის წერს: რადგან თბილისის მეციხოვნეები თვითნებობდნენ და ზედმეტს ახდევინებდნენ სავაჭროდ მოსულთ, ამიტომ „ვაჭრებმა, მომსვლელებმა და გამველელებმა, ქალაქ თბილისის და საქართველოს ოლქის მოსახლეობამ (ქვეშევრდომები, გლეხები) ითხოვეს დასტურლამალის“ გარიგება⁵⁷. და იქვე უმატებს: ეს დასტურლამალი „უნდა გახდეს ვაჭრების, გამველეთა და გლეხთა დაშვიდების მიზეზი“⁵⁸.

XVII ს. მეორე ნახევარში აღმოსავლეთ საქართველოში საგლეხო გადასახადებში შეიმჩნეოდა ფულადი რენტის ზრდის ტენდენცია⁵⁹.

თბილისი კიდევ უფრო გაიზარდა, მისი ვაჭრობა კი უფრო გაცხოველდა XVII ს-ის 60—70-იან წლებში. ჟან შარდენის ცნობით: „აქ შეხვდებით სომხებს, ბერძნებს, ებრაელებს, თათრებს, მოსკოვიტებს და ევროპელებსა“, „რომლებიც დიდ ვაჭრობას ეწევიან“⁶⁰.

საექსპორტო ვაჭრობის მთავარი საგანი აბრეშუმში ყოფილა: „საქართველო დიდი რაოდენობით აწარმოებს აბრეშუმს, მაგრამ, რასაც მოგზაურთა უმეტესობა წერს ამის შესახებ, აქ იმის ნახევარიც კი არ მზადდება. ადგილობრივმა მოსახლეობამ მისი კარგად გამოყვანა არ იცის. მათ აბრეშუმში ოსმალეთში, ერზერუმსა და ახლომახლო ადგილებში გააქვთ, სადაც ისინი ფართო ვაჭრობას აწარმოებენ“⁶¹.

⁵⁶ ქართულ-სპარსული ისტორიული საბუთები, ვ. ფუთურძის თარგმანი და რედ., 1955, გვ. 148—151. ქართული ტექსტი ამ საბუთისა გამოცემულია (იხ. „დოკუმენტები თბილისის ისტორიისათვის“, 1, თბ., 1962).

⁵⁷ იქვე, გვ. 151.

⁵⁸ იქვე.

⁵⁹ გ. ქამბურიკა, ქართული ფეოდალური ურთიერთობის ისტორიიდან, 1955, გვ. 107—108.

⁶⁰ ჟან შარდენი, მოგზაურობა სპარსეთსა და აღმოსავლეთის სხვა ქვეყნებში (ცნობები საქართველოს შესახებ), თარგმანი და შენიშვნები მ. შვალობლიშვილისა, 1975, გვ. 298.

⁶¹ იქვე, გვ. 297.

ტავერნიეს (მოგზაურობდა 1631—1668 წწ.) ცნობით, ქ. თავრიზს „განუწყვეტელი ვაჭრობა“ ჰქონდა თურქებთან, არაბებთან, ქართველებთან, სპარსელებთან, ინდოელებთან, მოსკოვიტებსა და თათრებთან⁶².

თბილისიდან გატანილი საქონლიდან შარდენი განსაკუთრებით გამოჰყოფს ღვინოს. იგი წერს: „თბილისიდან ღვინო დიდი რაოდენობით გაქვთ სომხეთში, მიდიასა და ისფაჰანში — ერთი ცხენისაპალნე, რომელიც წონით სამას ფუნტს⁶³ უდრის, მხოლოდ და მხოლოდ რვა ფრანკი ღირს. მე ვლაპარაკობ საუკეთესო ღვინოზე, რადგანაც, ჩვეულებრივ, საშუალო ღვინოს ამის ნახევარი ფასი აქვს“⁶⁴.

საქართველოდან ირანში დიდი რაოდენობით გაჰქონდათ აგრეთვე — ნიგოზი (400 აქლემის საპალნე), ხილი, თაფლი, სანთელი, შალი და სხვა⁶⁵. მნიშვნელოვან სავაჭრო საექსპორტო საქონელს წარმოადგენდა ენდრო. ტურნეფორის ცნობით, ყოველწლიურად საქართველოდან ერზერუმში გაჰქონდათ 2000 აქლემის საპალნე ენდრო, საიდანაც ის მიჰქონდათ დიარბექირში. ენდრო საქართველოდან გაჰქონდათ ინდოეთშიაც, სადაც „ამზადდებდნენ სხვადასხვა ფერის საუკეთესო ქსოვილებს“⁶⁶.

XVI—XVII საუკუნეებში დიდი რაოდენობით შემოდის საქართველოში და, კერძოდ, თბილისში ირანული, თურქული, ინდური და ევროპული საქონელი, მაგრამ მაინც თბილისს უფრო გაცხოველებული იმპორტი ირანთან ჰქონდა. ირანიდან შემოდის ძვირფასი აბრეშუმის ქსოვილები: დარაია, ხარა, ზარბაქი (ოქროქსოვილი ფარჩა), დარაიბავთი, დიბა — ოქრომკედით ნაქსოვი ფარჩა — იგივე სტავრა, შალის ქსოვილები, ტყავი, თავრიზული შეკერილი სამოსელი, ჩითი, ხოის საბნის პირი, შეიდიში, თავრიზული ხავერდი, მოვი ქაშანისა და შემახიისა, ძვირფასი ქვები: მარგალიტი — ირანიდან, ზურმუხტი — ეგვიპტიდან, ფირუზი, ლალი და სხვ. აგრეთვე ქაშანის ზანდუკი, ისპაანის წინდა, საპონი, ქაშანური ჭურჭელი, მინის ჭურჭელი — შირაზული და სხვა⁶⁷.

ვახტანგ V ხელს უწყობდა ვაჭრობის განვითარებას საქართველოში და, კერძოდ, თბილისში. იგი, შარდენის გადმოცემით, დაინტერესებული ყოფილა ევროპელი ვაჭრების საქართველოში მოზიდვით. ვახტანგ მეფეს პატრების საშუალებით შარდენისათვის შეუთვლია: „დიდი სურვილი აქვს

⁶² გ. უ ო რ დ ა ნ ი ა, დასახ. ნაშრომი, გვ. 180.

⁶³ 1 ფუნტი — დაახ. 410 გ.

⁶⁴ უ ა ნ შ ა რ დ ე ნ ი, დასახ. ნაშრომი, გვ. 297.

⁶⁵ დ. კ ა ც ი ტ ა ძ ე. XVII—XVIII საუკუნეთა ქართული დოკუმენტური წყაროები ირან-საქართველოს სავაჭრო ურთიერთობის შესახებ. — „მახლობელი აღმოსავლეთის ისტორიის საკითხები“, II, 1972, გვ. 133.

⁶⁶ მ. პ ო ლ ი ე ვ ქ ო ვ ი, გ. ნ ა თ ა ძ ე, ძველი თბილისი (რუს. ენაზე), გვ. 28—29.

⁶⁷ დ. კ ა ც ი ტ ა ძ ე, დასახ. ნაშრომი, გვ. 133 და შემდ.; კ. კ უ ე ი ა, აღმოსავლეთ ამიერკავკასიის ქალაქები XVI—XVII სს., 1976, გვ. 120—122.

მას ნახოს ევროპელები თავის ქვეყანაში დასახლებული... თუ ვინმე ჩამოვა საქართველოში სავაჭროდ, მე მას ყოველგვარ თავისუფლებას და პრივილეგიებს მივანიჭებ. რასაც კი მოისურვებენო... ევროპელები, რომლებიც მოისურვებენ ჩემი ქვეყნის გავლით ინდოეთში წასვლას, ამ ქვეყნებზე უკეთეს გზას ვერსად იპოვიანო“⁶⁸.

ევროპასთან სავაჭრო-ეკონომიკური და კულტურული კავშირების დამყარებას ისახავდა მიზნად ვახტანგ V, როცა ის მფარველობასა და დახმარებას უწევდა კათოლიკე მისიონერებს თბილისსა და გორში. თბილისში მყოფი კაპუცინების ორდენის მისიონერებს ჰქონდათ სახლები და ეკლესია. ეწეოდნენ ექიმობას, ნათლავდნენ ბავშვებს, აზიარებდნენ და მიუტყეებდნენ ცოდვებს მორწმუნეებს. ყველაფერ ამაში გასამრჯელოს იღებდნენ ნატურით (ღვინო, ფქვილი, პირუტყვი, ტყვეები) და ზოგჯერ ფულით; ჰყავდათ მსახურები, ცხენები, ჰქონდათ ღუშენები, ვაჭრობდნენ, მოპოვებული პროდუქტიდან და საქონლიდან ყიდდნენ, რაც არ სჭირდებოდათ, ეწეოდნენ მევენახეობას — ასესხებდნენ ფულს სარგებლით⁶⁹; მეტოქეობას უწევდნენ ქართველ და სომეხ სამღვდელოებას, აგრეთვე ვაჭრებს. რაც იწვევდა კონფლიქტს მისიონერებთან, განსაკუთრებით სომხური სამღვდელოებისა და ვაჭრების მხრივ.

ერეკლე I (1688—1703 წწ.) XVII ს-ის 90-იან წლებში ცდილობდა საქალაქო ცხოვრების მოწესრიგებას, ცდილობდა ხელი შეეწყოთ თბილისის ვაჭრულ-ხელოსნური წრეებისათვის — „მან გააუქმა თბილისში ბეითალმანობის წესი და მოქალაქეებს საკუთრების ქალაქური უფლება აღუდგინა“⁷⁰.

მაგრამ ვახტანგ V-ისა და ერეკლე I-ის ღონისძიებებს განხორციელება არ ეწერათ. თბილისის ეკონომიკა თანდათანობით ქვეითდებოდა, მოსახლეობა კი მცირდებოდა.

ამ ვითარებას თავისი მიზეზები ჰქონდა, რომელთაგან აღსანიშნავია შინაფეოდალური ბრძოლების დაწყება XVII ს-ის 80-იანი წლებიდან გიორგი XI-სა და ერეკლე I-ს შორის, რამაც თბილისიც დააზარალა. მაგრამ მთავარი მაინც ეს არ იყო. მთავარი იყო აღმოსავლეთ ამიერკავკასიაში გამავალი სავაჭრო სატრანზიტო გზის მნიშვნელობის დაქვეითება. ეს თავის მხრივ შედეგი იყო იმისა, რომ ევროპელებმა საბოლოოდ აითვისეს XV—XVI სს-ის მიჯნაზე აფრიკის გარშემო აღმოჩენილი სავაჭრო გზა⁷¹.

აღმოსავლეთ ამიერკავკასიის ქალაქებისა და მათ შორის თბილისის

⁶⁸ ჟ ა ნ შ ა რ დ ე ნ ი . დასახ. ნაშრომი, გვ. 352—353.

⁶⁹ იქვე, გვ. 323—324.

⁷⁰ ნ . ბ ე რ ძ ე ნ ი შ ვ ი ლ ი , საქართველოს ისტორიის საკითხები, წ. VI, გვ. 281.

⁷¹ ვ . გ ა ბ ა შ ვ ი ლ ი . XVI—XVII სს. საქართველოს ქალაქები მახლობელი აღმოსავლეთის სავაჭრო ურთიერთობათა შუქზე. ნარკვევები, I. 1966, გვ. 187—188.

დაქვეითება XVII ს-ის 70-იანი წლების ბოლოდან დაიწყო, რაც თავის დროზე აღუნიშნავს კიდევ იტალიელ მისიონერს დიონიზო კარლის, რომელიც XVII ს-ის 80-იან წლებში იყო თბილისში. იგი წერდა: „ეს ქვეყანა ახლა (სატრანზიტო) გზის გარეთაა დარჩენილი. თავის დროზე კი ამ (ქვეყნის) გზით მიდიოდნენ უცხოელები (და) ქარავნები“⁷².

თბილისში ნამყოფი ფრანგი ტურნეფორის ცნობით, 1700 წ. ქალაქის მოსახლეობა 20 000 სულამდე იყო, ე. ი. ამ დროს, XVII საუკუნის შუა ხანებთან შედარებით, მცხოვრებთა რაოდენობა თითქმის სამჯერ შემცირებულა, ვაჭრობა და ხელოსნობა კი დაქვეითებულა.

*

* * *

XVI—XVII სს-ის თბილისი ხელოსნური მრეწველობის ერთ-ერთი მსხვილი ცენტრი იყო საქართველოში და მთელს ამიერკავკასიაშიც კი. თბილისის მრავალრიცხოვანი მოსახლეობის (აღებულ ხანაში იგი მერყობდა 20 ათასიდან 80 ათასამდე) დაკმაყოფილება პირველი მოთხოვნების სამრეწველო საქონლით, ცხადია, ფართოდ განვითარებულ ხელოსნურ მრეწველობას შეეძლო. მართალია, თბილისი გაცხოველებულ საგარეო ვაჭრობაში იყო ჩაბმული, მაგრამ შემოტანილი საქონლის ძირითადი მომხმარებელი ფეოდალური არისტოკრატია და ქალაქის მოსახლეობის ზედაფენები იყო. ქალაქის მშრომელი მოსახლეობის მოთხოვნილებას უმთავრესად ადგილობრივი ხელოსნური წარმოება აკმაყოფილებდა.

თბილისის ხელოსნური მრეწველობის ფართო განვითარება მოდის XVII ს-ის მეორე ნახევარზე, როცა ირან-ოსმალეთის 1639 წ. ზავის შედეგად ახლო აღმოსავლეთში შედარებით მშვიდობიანობა დამყარდა და თბილისის მოსახლეობა 70—80 ათასამდე გაიზარდა.

თბილისში განვითარებული იყო სამშენებლო მასალების წარმოება: კირის, აგურის, კრამიტის, გაჯისა და სხვ. ამის გამო მრავლად იყვნენ ქალაქში მებაგურენი, მეკრამიტენი, მეგაჯენი. მეკირენი და მშენებელი ხელოსნები: ქვის მთლელნი, კალატოზები, ხუროები. დურგლები და სხვ.⁷³ ეს ხელოსნები ძირითადად შეკვეთით და დღიურად მუშაობდნენ. მებაგურე-მეკრამიტეებსა და კალატოზებს დამხმარებლად ჰყავდათ შევირდები და ხშირად დაქირავებული მუშებიც კი.

თბილისის ხელოსნობის მნიშვნელოვანი დარგი იყო საფეიქრო წარმოება. კერძოდ, ლაინის, ჩითის, ტილოს, აბრეშუმის ქსოვა, ლებვა და

⁷² დიონიზო კარლი. თბილისის აღწერა. თარგმანი ბ. გიორგაძისა. მსკი. წ. 29, 1951, გვ. 161.

⁷³ იხ. დოკუმენტები თბილისის ისტორიისათვის (XVI—XVII სს.), წ. 1, 6. ბერძენი-შვილისა და მ. ბერძენიშვილის რედ., 1962.

კერვა. იმდროინდელ დოკუმენტებში გვხვდება ხელოსანი მქსოველები, მჩითავეები, მღებავები, მკერავეები, ქონები (მეჭულდები), მეჭურჭეები, აგრეთვე ხარაზები — ფეხსაცმლის (წალების, ჩექმებისა და სხვ.) მკერავეები⁷⁴. XVII ს. თურქი მოგზაურის ევლია ჩელების სიტყვით, განსაკუთრებით განთქმული ყოფილა მის დროს „თბილისური ბამბა“ და მისი ნაწარმი⁷⁵. თბილისიდან გაქონდათ აგრეთვე აბრეშუმის სხვადასხვა სახის ქსოვილი.

განთქმული იყო თბილისელი იარაღის მკეთებელი ხელოსნები, განსაკუთრებით მეხრმლეები და მეხანჯლეები, რომელთა პროდუქცია ახლო აღმოსავლეთის სხვადასხვა ქალაქებშიც გადიოდა. იარაღის ოსტატთაგან აღსანიშნავია აგრეთვე მეკონდახე, მეჩახმახე, თოფისწამლის ხელოსანი და მესაპირისწამლე⁷⁶.

მრავლად იყვნენ ყოველდღიურად სახმარი თიხის ქურქლის ხელოსნები — მეჭურჭლეები, რომლებიც საბაზროდ ამზადებდნენ ქურქელს. მისი მომხმარებელი, თბილისის მშრომელი მოსახლეობის გარდა, აღმოსავლეთ საქართველოს სოფლის მოსახლეობაც იყო. ასეთ „საჭურჭლეებში“, არაპირდაპირი წყაროების ჩვენებით, იყენებდნენ როგორც შევირდების, ისე დაქირავებული მუშის შრომასაც.

თბილისში მრავლად იყვნენ აგრეთვე სხვა ხელობის ოსტატებიც: ოქრომჭედლები, მხატვრები, ზეინკლები, მექვაბეები, ნალბანდები, მეშარბათენი, ყაზახები, მეზანდუკეები, სარაჯები, დაბალები, მკუპრავეები, მჭედლები, მეჩახჩურე, დალაქები, ხაბაზები, მეუნაგირეები და სხვა⁷⁷. იმდროინდელ თბილისში წარმოდგენილი იყო ხელოსნობის თითქმის ყველა დარგი. მათ შორის მესაათეც კი. კერძოდ, ერთ 1683 წლის საბუთში მოხსენიებულია „მეფის ყმა“ „მესაათე უსტა სანოსა“⁷⁸.

XVII ს-ის შუახანებში თბილისში მსხვილი ხელოსნური წარმოება იყო ზარაფხანა. მეფის ზარაფხანა როსტომ მეფის დროს იჯარით ჰქონია აღებული მეფისავე ყმას „ზარაფთუხუცესს ხოჯა ბეჰბუთას“. იგი თბილისელი სომეხი დიდვაქარი იყო (ცნობილი ბებუთაშვილების გვარის ფუძემდებელი). მას თბილისში ჰქონდა სახლები, დუქნები, ბალები, აბანო და მახათას მთის ძირას საკუთარი სასაფლაო ეკლესიით, ბალითა და სარწყავი წყლით⁷⁹. მასვე აუშენებია აგურითა და დულაბით დიდი ხიდი მდ. ვერეზე, დღევანდელ ზოოპარკთან, რომელიც XX ს-ის 30-იან წლებამდე მოქმედი ხიდი იყო⁸⁰.

⁷⁴ იხ. დოკუმენტები თბილისის ისტორიისათვის (XVI—XVII სს.), წ. 1, 1962.

⁷⁵ ევლია ჩელები, მოგზაურობის წიგნი. წ. 1, გ. ფუთურჩიძის თარგმანი, 1971.

⁷⁶ იხ. დოკუმენტები თბილისის ისტორიისათვის, წ. 1, 1962.

⁷⁷ იქვე; М е с х и а. Ш. А., Города..., 1959, с. 125.

⁷⁸ დოკუმენტები თბილისის ისტორიისათვის, წ. 1, 1962, გვ. 35.

⁷⁹ იქვე. გვ. 17.

⁸⁰ შ. მ. ე. ს. ხ. ი. ა. და სხვ., თბილისის ისტორია, 1958, გვ. 168.

მეფის ზარაფხანაში მოიჭარადრე ქირაობდა ხელოსნებსა და მუშებს, რომელთა ხელფასი გაიცემოდა საიჭარო შემოსავლიდან⁸¹. ზარაფხანა იყო მსხვილი ხელოსნური წარმოება მანუფაქტურის ტიპისა.

ამგვარად, თბილისის ხელოსნური წარმოება პროდუქციას ქმნიდა როგორც შეკვეთით, ისე ბაზრისათვის; ადგილი ჰქონდა აგრეთვე ხელოსნური დარგების შემდგომ დიფერენციაციასა და სპეციალიზაციას (მაგ., სამკედლო საქმეში). XVII ს-ის მეორე ნახევარში შეიმჩნევა მარტივი სასაქონლო მეურნეობის გაფართოების ცალკეული შემთხვევები ახალი წარმოებითი ურთიერთობის სუსტი ტენდენციით⁸².

თბილისში იყვნენ მეთევზეები და მებაღეები. მეთევზეები თვით ქალაქის შუაგულში გამაველ წყალუხვ მდინარეში იჭერდნენ თევზს და იქვე გაჰქონდათ ბაზარში. ცალკე ხელობა იყო მებაღეობა. თბილისის გარეუბნებში ბაღები ჰქონდათ მეფესა და მისი ოჯახის წევრებს, თავდაზნაურობას, ქართველ დიდვაჭრებსა და სომეხ ხოჭებს. ბაღებში აშენებდნენ მწვანილს, ბაღჩეულს, ხეხილს, დეკორატიულ ხეებსა და ვარდნარს. ბაღი იყო აგრეთვე საპატიო სტუმრების მიღებისა და დროსტარების ადგილი. აი, ასეთ ბაღებს უვლიდნენ მებაღეები და გარკვეულ გასამრჯელოს იღებდნენ. ქალაქის მშრომელი მოსახლეობის ერთ ნაწილს ჰქონდა მომცრო ბაღები, რასაც დამხმარე მეურნეობად იყენებდნენ.

XVI—XVII სს. თბილისში ხელოსნები ამქრებში იყვნენ გაერთიანებული. ხელოსანთა ორგანიზაციას აღნიშნულ ხანაში „ასნაფი“ ეწოდებოდა (ასნაფი არაბული სიტყვაა და ერთი ხელობის ადამიანთა ჯგუფს ნიშნავს). ასნაფის სათავეში, სულხან-საბა ორბელიანის განმარტებით, „ხელოსანთ უფროსი“ იდგა, რომელსაც ოსტატი ეწოდებოდა⁸³. წყაროებში ოსტატის მნიშვნელობით იხმარებოდა აგრეთვე ტერმინები უსტა და უსტაბაში (ოსტატთა თავი). ხელოსანთა კავშირის — ასნაფის სტრუქტურის, მისი წევრებისა და უსტაბაშის უფლება-მოვალეობათა შესახებ აღებული ხანისათვის ცნობები უალრესად მცირეა⁸⁴.

სოციალური ურთიერთობანი თბილისში

ქალაქებში, ისე როგორც მთელს ქვეყანაში, ბატონყმური წყობილება იყო. აქაც, როგორც სოფელში, მწარმოებელთა თავისუფალი ფენა უკიდურესად შემცირდა. ცალკეული „თავდახსნილი“ მწარმოებლის არსებობა საერთო სურათს ვერ ცვლიდა. ქალაქის მოსახლეობის ძირითა-

⁸¹ М е с х и а . Ш . А . , Г о р о д а . . . , 1959, с. 128.

⁸² საქართველოს ისტორიის ნარკვევები, ტ. IV, 1973, გვ. 180.

⁸³ ს უ ლ ხ ა ნ - ს ა ბ ა ო რ ბ ე ლ ი ა ნ ი , ლექსიკონი, 1949, გვ. 501.

⁸⁴ იხ. კ. კ უ ე ი ა , ამქრები XVII—XVIII სს. საქართველოს ქალაქებში.

დი ნაწილი — ხელოსნები და წვრილი ვაჭრები მეფის, ეკლესიისა და თავდაზნაურობის ყმები იყვნენ. ყმები ჰყავდათ აგრეთვე დიდვაჭრებსაც.

საქართველოს ქალაქური მოსახლეობის აღსანიშნავად აღებულ ხანაში ერთი საერთო ტერმინი არ არსებობდა. მაგ., „მოქალაქე“ მხოლოდ თბილისის მცხოვრებს ერქვა: სხვა ქალაქის, ვთქვათ. გორის მცხოვრებს „გორელ კაცს“ ეტყოდნენ. ეს იმიტომ, რომ იმდროინდელ საქართველოში სასაუბრო ენაში და ხშირად წერილობით ძეგლებშიც ქალაქს მხოლოდ თბილისს უწოდებდნენ.

საისტორიო ლიტერატურაში გამოთქმულია მოსაზრება, რომლის მიხედვით გვიან შუა საუკუნეებში „მოქალაქე“ ეწოდებოდა ქალაქის მოსახლეობის მხოლოდ ზედაფენას, პრივილეგიურ ფენას, რაც არაა სწორი. მოქალაქე ეწოდებოდა თბილისელ სამეფო, სადედოფლო, საეკლესიო და თავდაზნაურთა კუთვნილ ვაჭრულ-ხელოსნურ მთელ მოსახლეობას. ვაჭრულ-ხელოსნური მოსახლეობის ზედაფენას კი როგორც თბილისში, ისე მთელს საქართველოში წარმოადგენდნენ დიდვაჭარნი ანუ „დიდებულნი ვაჭარნი“ და ე. წ. „შუა ვაჭარნი“, როგორც ეს იყო ერთიანობის ხანის საქართველოში⁸⁵.

ქალაქში მოსახლე ყმების ყველაზე დიდი მფლობელი იყო მეფე, შემდეგ — ეკლესია და ბოლოს საერო ფეოდალები. ყმები ჰყავდათ დიდვაჭრებსაც. ქალაქის მოსახლეობაშიც გვხვდება „ნასყიდი“, „თავშეწირული“, „ხიზანი“ და „ნებიერი“ ხელოსნები თუ ვაჭრები. თავშეწირული და ნებიერი ყმების არსებობის ფაქტი თავისთავად მიუთითებს იმ გარემოებაზე, რომ საქართველოს ქალაქებში თავისუფალი მწარმოებლის არსებობის სათანადო პირობები ჯერ კიდევ არ იყო. „თავდაზნაილი“, ტყვეობიდან მოსული თუ სოფლიდან გამოქცეული გლეხი იძულებული იყო „თავისი ნებით“ დაედგა ბატონყმობის უღელი⁸⁶.

მიუხედავად ამისა, აღებულ ხანაში მაინც გვხვდება შემთხვევები, როცა გლეხი სოფლის მეურნეობას ქალაქში ცხოვრებასა და ხელოსნობას არჩევდა. სოფლიდან ქალაქში ჩასული გლეხი, რომლის უკან წაყვანას ცდილობდა ბატონი, აცხადებს: „ველობა ვისწავლე... და უქალაქოდ სოფელში ვერ დავრჩებიო“, და თავის ბატონს სთხოვს „დატოვოს ქალაქში და იქიდან იმსახუროს“⁸⁷. მეორე გლეხი კი, რომელიც „ხელმოკლედ შექმნილა“, ქალაქში ჩასულა საშოვარზე, ბატონის ნებართვის გარეშე. ეს ბატონს თურმე „ეწყინა“ და უკან წაყვანა დაუპირა. გლეხი ბატონს ევედრება: „შუა მარხვამდი აქ ვიყო და მას უკან, როგორც მიბრძანებ,

⁸⁵ გ. ჯ ა მ ბ უ რ ი ა . „მოქალაქეთა“ საკითხისათვის გვიანი შუა საუკუნეების საქართველოში. თსუ შრომები, ტ. 246, თბ., 1984, გვ. 103--108.

⁸⁶ М е с х и а . III. А., Города..., с. 169.

⁸⁷ დოკუმენტები თბილისის ისტორიისათვის, I. გვ. 271; შ. მ ე ს ხ ი ა , დასახ. ნაშრომი, გვ. 146.

ისრე ვიყო⁸⁸. მართალია, ანალოგიურ საბუთებს ჩვენამდე ბევრს არ მო-
ულწყვია, მაგრამ მაინც მასში კარგად ჩანს გლეხობის ლტოლვა ქალაქი-
საყენ, სადაც მას მოქმედების შედარებით მეტი თავისუფლება ეწოდა.

ყმა-ხელოსნები თავიანთ ბატონებს გადასახადს უხდიდნენ, ჩვეულებ-
რივ, ფულადი რენტის სახით. ზოგ შემთხვევაში კი ნატურითაც — ხე-
ლოსანი ვალდებული იყო ბატონისათვის საჭირო ნივთები უფასოდ და-
ემზადებინა. გარდა საბატონო გადასახადებისა, ხელოსანი და წვრილი
ვაჭარი თბილელი ეპისკოპოსის სასარგებლოდ „დრამას“ იხდიდა. ქა-
ლაქში მცხოვრებ ყმებს ედოთ აგრეთვე სახელმწიფო და სამოხელეო
გადასახადები და ვალდებულებანი, რომელთა შორის აღსანიშნავია ფუ-
ლადი გადასახადი მალი. მალი სულადი გადასახადი იყო. მას იხდიდა
ცოლშვილიანი მამაკაცი ექვსი აბაზის, ხოლო სრულასაკოვანი უცოლ-
შვილო კი სამი აბაზის რაოდენობით. დუქნის პატრონები იხდიდნენ
„თვიურ შაურს“, რომელიც აგრეთვე სახელმწიფო ფულადი გადასახა-
დი იყო. ქალაქის მცხოვრებთა ვალდებულება იყო აგრეთვე ლაშქარ-
ნადირობა და ქეშიკი (საჭიროების შემთხვევაში მეფის მცველთა რაზმის
გამოყვანა). ქალაქის მცხოვრებნი მონაწილეობდნენ აგრეთვე დამპყრო-
ბელთა სასარგებლოდ გაღებული ხარკის გადახდაში⁸⁹.

ვახტანგ VI-ის კანონთა კრებულის მიხედვით. რომელიც მის წინარე
ხანასაც ასახავდა, საქართველოში ვაჭართა ოთხი კატეგორია ყოფილა:
1. „დიდებული ვაჭარი“ ანუ „დიდვაჭარი“, რომლის სისხლი შეფასებუ-
ლია შუა აზნაურის სისხლის ფასის ტოლად; 2. „მეორე ვაჭარი“ ანუ „დი-
დებულის ვაჭრის ქვემოთი“, რომლის სისხლის ფასი გათანაბრებულია
ცალმოგვი აზნაურის (მესამე აზნაური) სისხლთან; 3. „მესამე ვაჭარი“
(„შუა ვაჭრის ქვემოთი“), რომლის სისხლის ფასი მსახურის სისხლის
ტოლია და 4. „მეოთხე ვაჭარი“, რომლის სისხლის ფასი მეხუთე გლე-
ხის სისხლის ფასს უდრის⁹⁰.

მამასადამე, ვაჭართა პირველი ორი კატეგორია, დიდვაჭარი და შუა
ვაჭარი, გათანაბრებულია აზნაურთან და. ამდენად, ითვლება პირადად
თავისუფალ ადამიანად, სარგებლობს ფეოდალური კლასის პრივილე-
გიებით. მათი მდგომარეობის საფუძველია არა „გვარი“, არამედ ეკონო-
მიური მდგომარეობა. დიდვაჭრები. მეფესთან და თავდაზნაურობასთან
ერთად, მონაწილეობენ ქალაქის მწარმოებელი მოსახლეობის ექსპლოა-
ტაციაში. დიდვაჭართა ხელში იყო მოქცეული საქართველოს ქალაქებ-
ში არსებული ქარვასლების, დუქნების. საცხოვრებელი სახლებისა და
სხვ. დიდი ნაწილი. ისინი ეწეოდნენ საქარაენო ვაჭრობას კავკასიისა

⁸⁸ დოკუმენტები თბილისის ისტორიისათვის, I. გვ. 152.

⁸⁹ შ. მესხია, დასახ. ნაშრომი. გვ. 192 და შემდეგ; დ. გვრიტიშვილი, ნარკ-
ვევები საქართველოს ისტორიიდან (XV—XVII სს.), II, 1965. გვ. 115 და შემდეგ.

⁹⁰ ქართული სამართლის ძეგლები. II. გვ. 489, მუხ. 30.—33.

და მთელი ახლო აღმოსავლეთის ქვეყნებში. ქართველი დიდვაჟრები სავაჟროდ მიემგზავრებოდნენ აგრეთვე ინდოეთსა და მის მეზობელ ქვეყნებშიც. დიდვაჟრები მონაწილეობდნენ ქვეყნის პოლიტიკურ ცხოვრებაში. ისინი ზოგჯერ მეფის დიდ დიპლომატიურ დავალებებსაც კი ასრულებდნენ. დიდვაჟარი ვალდებული იყო შესაფერისი საჩუქრები მიერთმია მეფისა და მისი ოჯახის წევრებისათვის.

მესამე და მეოთხე კატეგორიის ვაჟრები, რომელნიც ვახტანგის სამართლის მიხედვით მსახურებსა და მებეგრე გლეხებთან იყვნენ გათანაბრებულნი, სწორედ მეფის, ეკლესიის თუ თავადაზნაურობის ყმა ვაჟრები იყვნენ.

საქართველოს ქალაქური მოსახლეობა საერთოდ ცენტრალური ხელისუფლების მომხრე იყო. XVII ს-ში კი აღმოსავლეთ საქართველოს ქალაქების ვაჟრულ-ხელოსნური მოსახლეობა, განსაკუთრებით ამ მოსახლეობის ზედაფენა, უფრო მაჰმადიან მეფეებს უჭერდა მხარს, რადგან მათი სავაჟრო ინტერესები ირანის ვაჟრობასთან იყო დაკავშირებული. გარდა ამისა, როგორც ჩანს, მნიშვნელობა ჰქონდა იმ გარემოებასაც, რომ თბილისის ციხეში XVI და XVII ს-შიც კი თითქმის განუწყვეტლივ ყიზილბაში მეციხოვნეები იდგნენ⁹¹.

შაჰ აბას I-ის შემოსევებისას შაჰის მფარველობას ზოგიერთ თავადაზნაურთან ერთად, როგორც ჩანს, თბილისის დიდვაჟრებიც ეძებდნენ. „არსებობს ცნობა, რომლის მიხედვით შაჰ აბას I-მა თბილისის ახალი წესდება შეუდგინა და სამოქმედოდ დაუდო. თუ ეს ცნობა სწორია, მაშინ უნდა ვიფიქროთ, რომ ეს შეიძლება მომხდარიყო თბილისის „მოქალაქეთა“ თხოვნის საფუძველზე“⁹². ცხადია, ეს თხოვნელები თბილისელი დიდვაჟრები უნდა ყოფილიყვნენ. მფარველობა და ქონების დაცვა სწორედ დიდვაჟრებს სჭირდებოდათ. შაჰსაც, ცხადია, მხოლოდ დიდვაჟრების ინტერესებისათვის შეეძლო ანგარიში გაეწია.

როსტომისა და თეიმურაზის ბრძოლაში თბილისის დიდი მოქალაქეები როსტომის მხარეზე იყვნენ.

ქალაქის მწარმოებელი მოსახლეობა ექსპლოატაციას განიცდიდა როგორც უშუალოდ თავისი ბატონისაგან (მეფე, ეკლესია, თავადაზნაურები), ისე ქალაქური მოსახლეობის ზედაფენისაგან — დიდვაჟრებისა და მეევანშეებისაგან. ამიტომ, ჩვეულებრივ, ქალაქის მშრომელი მოსახლეობა იბრძოდა როგორც ფეოდალური არისტოკრატის, ისე დიდვაჟართა ძალადობის წინააღმდეგ. ამ ბრძოლის ფორმები კი ძირითადად ისეთივე

⁹¹ დაუთ ხანისა და სიმონ I-ის ბრძოლის ერთ-ერთ ეპიზოდში, 1567 წელს, სიმონი თბილისის ციხეს შემოადგა. სიმონს იმედი ჰქონდა „მოქალაქენი მომივლენო. ყაენის შიშით მოქალაქენი არ მოუვიდნენ“. ამ შიშის მიზეზი ის იყო, რომ ციხეში ყიზილბაშთა დიდი გარნიზონი იდგა (ქართლის ცხოვრება, II, ს. ყაუხჩიშვილის რედ., გვ. 513).

⁹² ვ. გაბაშვილი, დასახ. ნაშრომი, გვ. 168.

იყო, როგორც იმდროინდელ საქართველოს სოფელში: საჩივარი, აყრა-გაქცევა, ცალკეული ჯგუფური გამოსვლა და სხვ.

XVI—XVII სს-ში ხშირი იყო შემთხვევები, როცა ბატონისაგან თავ-მოძღვრებული ხელოსანი თუ ვაჭარი საქართველოს თუ აღმოსავლეთ ამიერკავკასიის სხვა ქალაქში გარბოდა და იქ აფარებდა თავს. უფრო მეტიც, ერთი 1697 წ. საბუთის მონაცემით, „მრავალი ბედოვლათი და წასული მოქალაქე და გორელი კაცი იყო დაკარგული... ყიზილბაშის ქვეყანასა და ინდოეთში“⁹³.

მოქალაქეთა სოციალური მოძრაობის ისტორიიდან აღსანიშნავია თბილისელი ვაჭრებისა და ხელოსნების 1698 წლის აჯანყება კათოლიკე-მისიონერთა წინააღმდეგ, რომელთაც მეფე და ფეოდალთა ერთი ჯგუფი მფარველობდა. მათი ხელშეწყობით კათოლიკე მისიონერებმა საკმაო ქონება და ფულადი კაპიტალი შეიძინეს, ეწეოდნენ ვაჭრობას და მეევანშეობას და სერიოზულ კონკურენციას უწევდნენ თბილისის ვაჭრულ წრეებს.

კათოლიკე-მისიონერებმა მრავალი თბილისელი მოქალაქე გააკათოლიკეს და ამით განსაკუთრებით შელახეს ქრისტიანულ-გრიგორიანული ეკლესიის ინტერესები. სომეხთა ვარდაპეტის და თბილისის „ხუთი-ექვსი მოწინავე“ პირის წაქეზებით, „ვაჭრებმა და მეღუქნეებმა ყველამ დაეცეს ღუქნები და ყველანი საშინელის ყვირილით, შეიარაღებულნი კეტებით და ცულებით წავიდნენ მისიონერების სახლ-კარისა და ეკლესიის დასაქცევად. არეულობა თითქმის მთელ დღეს გაგრძელდა. მეფის განკარგულებით საღამოს აღადგინეს წესრიგი ქალაქში“⁹⁴.

მოქალაქეთა ეს გამოსვლა, რომელიც გახვეული იყო რელიგიურ სამოსელში, იყო კლასობრივი ბრძოლა ევროპის სავაჭრო აგენტების — კათოლიკე-მისიონერებისა და მათი მფარველი ფეოდალური არისტოკრატიის წინააღმდეგ⁹⁵.

XVI—XVII სს-ის საქართველოს სოციალურ-ეკონომიკური პირობები და მძიმე საგარეო ფაქტორი არ იძლეოდა საშუალებას ქალაქებისა და, კერძოდ, თბილისის მოქალაქეთა კლასობრივი ბრძოლის გაშლისა და საქალაქო თვითმმართველობის მოპოვებისათვის.

⁹³ დოკუმენტები სოციალური ურთიერთობის ისტორიიდან, თბ., 1940. წ. I, გვ. 101.

⁹⁴ მ. თამარაშვილი, ისტორია კათოლიკობისა ქართველთა შორის. 1902, გვ. 289—298.

⁹⁵ Месхиа, Ш. А., Города..., с. 235.

X

თბილისის კულტურული ვითარება XVI—XVII საუკუნეებში

განათლება და მეცნიერული ცოდნა

XVI—XVII საუკუნეებში ქართულ კულტურას გამოცოცხლება-ალორძინება დაეტყო. ეს განსაკუთრებით საგრძნობი ვახდა XVII საუკუნის მეორე ნახევრიდან. ამ დროის ქართული კულტურა საზრდოობდა საკუთარი ისტორიული მემკვიდრეობით, ეროვნულ ნიადაგზე ამუშავებდა დასავლეთისა და აღმოსავლეთის კულტურულ მიღწევებს და გავლენას ახდენდა უშუალო მეზობელთა განვითარებაზე. მიუხედავად იმისა, რომ XVI—XVII საუკუნეებში ქართველი ხალხი დაძაბულ ეროვნულ-განმათავისუფლებელ ბრძოლას ეწეოდა უცხოელ დამპყრობელთა წინააღმდეგ, ფეოდალური საზოგადოების პროგრესული მოღვაწენი შეძლებისდაგვარად ზრუნავდნენ სწავლების, აღზრდისა და განათლების გაუმჯობესება-განვითარებისათვის. მათ კარგად ესმოდათ, რომ განათლებას დიდი მნიშვნელობა ჰქონდა დამოუკიდებლობისა და ერთიანობისათვის ბრძოლაში. განათლების მთელ მაშინდელ სისტემას ქრისტიანურ-რელიგიური მსოფლმხედველობა განსაზღვრავდა. ეს სისტემა ფეოდალურ-ბატონყმური ურთიერთობის განმტკიცებას ემსახურებოდა, მაგრამ, ამასთან, იგი მძლავრ იდეურ საშუალებას წარმოადგენდა დამოუკიდებლობისათვის მებრძოლთა რიგების შეკავშირებისა და განმტკიცებისათვის.

სათანადო განათლების მიღება იმ დროს მხოლოდ ფეოდალთა კლასის ზედაფენებს შეეძლოთ. ამ კლასის საშუალო და წვრილი ფენები მოკლებულნი იყვნენ ამას. რაც შეეხება შრომელთა ფართო მასებს, ისინი სიბნელესა და უმეცრებაში ცხოვრობდნენ, მხოლოდ ვაჭარ-ხელოსნები ახერხებდნენ წერა-კითხვისა და ანგარიშის შესწავლას, რაც მათი პრაქტიკული საქმიანობისათვის აუცილებელი იყო. წიგნები ხელნაწერის სახით ვრცელდებოდა, მათი გადაწერა და გავრცელება დიდ დროსა და ხარჯებს მოითხოვდა და ხელმისაწვდომი იყო მხოლოდ სამეფო კარისა, მსხვილ ფეოდალთა ოჯახებისა და ეკლესია-მონასტრებისათვის.

მაშინდელი განათლების სისტემა სასულიერო და საერო განათლებას მოიცავდა. თანდათანობით ძლიერდებოდა საერო მიმართულება, კულტურული შემოქმედების ეროვნულ-პატრიოტული მოტივი. სასულიერო განათლებაც წინააღმდეგობრივი იყო, მასში თანდათან საკუთარ პოზიციებს იკავებდა რეალური, ცხოვრებისეული მოტივები და, თუმცა გაბატონებული იყო თეოლოგიური მსოფლმხედველობა და ასეთ პირობებში

ლაპარაკი მეცნიერების განვითარებაზე, ამ სიტყვის დღევანდელი გაგებით, შეუძლებელი იყო, მაგრამ მეცნიერული ცოდნა თანდათანობით მაინც გზას იკაფავდა.

XVI — XVII საუკუნეებში კულტურისა და განათლების ერთ-ერთი ცენტრი თბილისი იყო. აქ, ისე როგორც სხვაგან, მოზარდთა სწავლა-აღზრდა და განათლება მეფეთა და სხვა ფეოდალთა ოჯახებში და სკოლებში ხდებოდა.

საოჯახო აღზრდა-განათლებას, როგორც ჩანს, მაშინდელი განათლების სისტემაში უფრო მნიშვნელოვანი ადგილი ეკირა, სასკოლო განათლებას კი ყიზილბაშთა და ოსმალთა ბატონობისა და მუდმივი ომიანობის პირობებში თითქმის გადაულახავი დაბრკოლებები ელოებოდა.

სამეფო კარზე მეფეთა ოჯახების წევრები განათლებას ლებულობდნენ აღმზრდელ-მასწავლებელთა მეშვეობით, შემდეგ კი თვითგანათლების გზით. ასე მიიღეს იმ დროისათვის ბრწყინვალე განათლება ვახტანგ V-ის შვილებმა: არჩილმა, გიორგიმ, ლევანმა და სხვებმა: „აღზარდნა მეფემან ესენი დიდად სახელოვანნი და პატიოსანნი ძენი და ასულნი თჳსნი მრავლითა ფუფუნებითა და საკელმწიფოსა სწავლითა და სობრძნე-მეცნიერებითა. პირველად განსწავლნა სამლთოთა წერილთა სწავლა-თარგმანებათა და განმარტებათა მიერ, ხოლო უმეტესად საეროთა და სავაეკაცოთა მკედრობითა გამოცდილობითა ყოვლითურთ, სამამაკაცო ზნეობითა ესრედ სახედ, რომე არაოდეს არა აღზრდილ არს საქართველოსა შინა მათებრივ არცა ძენი მეფეთანი და არცა დიდებულთანი“¹. სულხან-საბა ორბელიანი ოჯახში მიღებული განათლების შემდეგ, 21 წლის ასაკში შეუდგა სპეციალურად გალობის შესწავლას სათანადო სპეციალისტის ხელმძღვანელობით. შემდეგში მან თავის ბრწყინვალე ენციკლოპედიურ განათლებას თვითგანვითარების გზით მიაღწია. ის იყო ქართული კულტურის გამოჩენილი მოღვაწის, ვახტანგ VI-ის აღმზრდელ-მასწავლებელი.

აღნიშნული პერიოდის თბილისში არსებობდა სკოლებიც. XVII საუკუნეში თბილისის სიონის ტაძართან არსებულ სკოლაში ასწავლიდა საეკლესიო მოღვაწე ისააკი (გარდაიცვალა დაახ. 1697 წ.), რომელიც ცნობილი ყოფილა აგრეთვე როგორც მრავალი საღვთისმეტყველო წიგნის გადამწერი². ერთ-ერთი მნიშვნელოვანი სიახლე იყო კათოლიკე მისიონერების მიერ სკოლების დაარსება. პირველი კაპუცინები (კათოლიკური ბერების ორდენის წარმომადგენლები), რომლებმაც აქ სკოლა დააარსეს, თბილისში ჩამოვიდნენ 1662—1663 წლების მიჯნაზე³. მათი მიზანი იყო კათოლიკობის პროპაგანდისტების აღზრდა და ქართული მართლ-

¹ ქართლის ცხოვრება, II, გვ. 440—441.

² Иоселнани П. Описание древностей города Тифлиса, Тифлис, 1866, с. 162.

³ მ. თ. ა. შ. ი. ლ. ი. ისტორია კათოლიკობისა ქართველთა შორის, 1902, გვ. 222—223.

მადიდებლური ეკლესიის რომის კათოლიკური ეკლესიისადმი შეერთებისათვის ნიადაგის მომზადება. ამ მიზნისათვის აუცილებელი იყო ქართული ენის შესწავლა, რაც მათ მოკლე ხანში წარმატებით განახორციელეს. თბილისის ეს მისიონი აღმოსავლეთის მისიონებში ყველაზე უფრო ნაყოფიერად ითვლებოდა⁴.

კაპუცინების მიერ თბილისში დაარსებულ სკოლაში 1668 წლისათვის 25 მოსწავლე ირიცხებოდა, 1675—1676 წლებში — 40—50, 1683 წ. — 30, ხოლო 1698 წ. — 40⁵. სკოლაში ასწავლიდნენ ქართულ წერა-კითხვას, იტალიურს, ლათინურს, ქრისტიანულ მოძღვრებას, გალობას, ანგარაშს⁶. მოსწავლეთაგან ყველა ბოლომდე არ ჩჩებოდა სკოლაში. მისიონერების ცნობით, ბევრნი, როცა 8—10 წელს მიაღწევდნენ და ქართულ წერა-კითხვას ისწავლიდნენ, მშობლებს გაჰყავდათ და ხელობის შესასწავლად აყენებდნენ⁷. სკოლაში მომზადებული ბავშვებიდან ყველაზე უფრო ნიჭიერებს, 15—20 წლის ასაკში ხშირად რომში აგზავნიდნენ პროპაგანდის კოლეგიაში სწავლის გასაგრძელებლად⁸. 1679 წ. თბილისის სკოლაში აღზრდილთაგან 5 გამზადებული ყოფილა რომში გასაგზავნად, რომელთაგან სამისათვის ნება დაურთავთ. თბილისის მისიონის სკოლაში აღზრდილთაგან XVII საუკუნის 80-იან წლებში ცნობილია ენიბეგაანთ ზალინა, რომელიც მეფის მდივანი და თარჯიმანი იყო ქართულ, სომხურ, სპარსულ, თათრულ და იტალიურ ენებში⁹.

ზოგი ქართველი ფეოდალი თვითონ აგზავნიდა შვილს იტალიის სხვა ქალაქებში სწავლის მისაღებად. XVII საუკუნის 70—80-იანი წლების მიჯნაზე ერთი ქართველი, რომლის ვინაობა უცნობია, სწავლობდა ნეაპოლის სკოლაში¹⁰.

განათლების გავრცელების საქმეს ემსახურებოდა წიგნების გადაწერა. კულტურული მემკვიდრეობის დაცვისა და განათლების გავრცელებისათვის ზრუნავდნენ ლუარსაბ I, სიმონ I, მარიამ დედოფალი (რისტომ მეფის მეუღლე), ვახტანგ V, გიორგი XI და სხვ. ცნობილი კალიგრაფები და გადამწერები იყვნენ ზემოხსენებული ისააკი, ელისე თბილელი — საგინაშვილი (XVII ს. პირველი ნახევარი და შუა წლები)¹¹.

⁴ მ. თ ა მ ა რ ა შ ვ ი ლ ი, დასახ. ნაშრომი, გვ. 232.

⁵ იქვე, გვ. 234, 251, 258, 289.

⁶ იქვე, გვ. 237. 240—241.

⁷ იქვე, გვ. 254—255.

⁸ აქ იგულისხმება რომის პაპთან არსებული სპეციალური დაწესებულება („დე პროპაგანდა ფიდე“), რომელიც თავისი სკოლებით მიზნად ისახავდა კათოლიკური სარწმუნოების გავრცელებას აღმოსავლეთში.

⁹ მ. თ ა მ ა რ ა შ ვ ი ლ ი, დასახ. ნაშრომი, გვ. 253, 255—256.

¹⁰ იქვე, გვ. 253—254.

¹¹ პ. ი ო ს ე ლ ი ა ნ ი, დასახ. ნაშრომი, გვ. 162, 168, 179—180 და სხვ.; ლ. მ ე ნ ა - ბ დ ე, ძველი ქართული მწერლობის კერები, I, 1962, გვ. 86 და შემდეგ, 149 და შემდეგ.

თბილისის სიონის ბიბლიოთეკის შექმნა-გამდიდრებაში უდიდესი ლეწლი მიუძღვის იოსებ სააკაძეს, „დიდმოურავიანი“-ს ავტორს, რომელიც თბილისის ეპისკოპოსად იყო 1661—1688 წლებში. ყველა ეკლესიამონასტერს თავისი წიგნსაცავი ჰქონდა, რომელთა ხელნაწერ წიგნებს იყენებდნენ როგორც საეკლესიო პრაქტიკისათვის, ისე სწავლა-აღზრდის საქმეში.

მეცნიერული ცოდნის, წინანდელთან შედარებით, გამოცოცხლება-აღორძინება XVII ს. მეორე ნახევრიდან იწყება. ამ დროსაც, ისე როგორც წინათ, მეცნიერების განვითარება რელიგიური არტახებით იყო შეკრული. XVII ს. 80-იან წლებში დაიწერა იოსებ თბილელის (1620—1688 წწ.) ისტორიული პოემა „დიდმოურავიანი“, რომელიც გიორგი სააკაძის მოღვაწეობას ეხება. ნაშრომის მიზანი იყო დაესაბუთებინა გიორგი სააკაძის დიდი პატრიოტიზმი და სამშობლოსადმი თავდადება, ავტორი ძლიერი ცენტრალიზებული სახელმწიფოს მომხრეა. მას სწამს საქართველოს მომავალი სიძლიერე და მისი სიცოცხლისუნარიანობა. „დიდმოურავიანი“ საქართველოს ისტორიის ერთ-ერთი უმნიშვნელოვანესი წყაროა.

მეცნიერული ცოდნის აღორძინების ყველაზე უფრო მნიშვნელოვანი მაჩვენებელია სულხან-საბა ორბელიანის ქართული ლექსიკონი („სიტყვის კონა“), რომლის პირველი რედაქცია ავტორმა XVII ს. 90-იან წლებში დაასრულა. ლექსიკონი განმარტებითი ხასიათისაა. ის ემყარება მდიდარ სასულიერო და ფილოსოფიურ-ლიტერატურულ როგორც ქართულ, ისე უცხოურ ნაშრომებს ძველი და შუა საუკუნეების ისტორიიდან. სიტყვის კონაში უხვი ცნობებია დაცული იმ დროს ცნობილი თითქმის ყველა მეცნიერების შესახებ. იგი XVII—XVIII სს. მიჯნის ქართული მეცნიერული ცოდნის დონის შესწავლისათვის ერთ-ერთი პირველხარისხოვანი წყაროა.

სწავლა-აღზრდის მეცნიერულ დონეზე დაყენებისათვის დიდი მნიშვნელობა ჰქონდა სულხან-საბა ორბელიანისა და არჩილის მოწინავე პედაგოგიურ შეხედულებებს. მათი აზრით, სწავლა-აღზრდაში მთავარი როლი ეკუთვნის მასწავლებელს, რომელიც ადვილიდან რთულისაკენ თანდათანობით გადასვლის მეთოდით უნდა ხელმძღვანელობდეს.

ლიტერატურა

„აღორძინების“ ეპოქაში ქ. თბილისი ლიტერატურული ცხოვრების მნიშვნელოვან ცენტრად გადაიქცა. XVI საუკუნიდან გარეგნული აღმავლობის მიუხედავად, ეროვნული კულტურა ვერ ავიდა კლასიკური პერიოდის დონემდე. „აღორძინების“ ეპოქა არ იყო რენესანსის შინაარსის მატარებელი, ამ ტერმინით ქართული ლიტერატურის ისტორიაში აღინიშნება XVI—XVII საუკუნეებში კულტურული ცხოვრების ერთგვარი

გამოცოცხლება წინა პერიოდთან შედარებით. ამ ეპოქაში, განსაკუთრებით XVII ს. მეორე ნახევრიდან, ჩვენში ჩნდება ახალი ჟანრები, ფართო ასპარეზი ეთმობა ნაციონალურ თემატიკას.

„ალორძინების“ ხანის პირველ ეტაპზე განსაკუთრებული ადგილი დაიკავა სარაინდო-საგმირო ეპოსმა. შეიქმნა მთელი ჯგუფი პროფესიონალი მთარგმნელი პოეტებისა. ქ. თბილისში, კერძოდ სამეფო კარზე, არსებობდა ასეთი მოსაქმეების მთელი „დასტა“, „ამქარი“, რაც იმას მოწმობს, რომ საკმაოდ იყვნენ დამკვეთებიც. „მთარგმნელ-გამლექსავთა“ ჯგუფში პირველ რიგში უნდა დავასახელოთ სერაპიონ სოგრატიძის ძე საბაშვილი, რომელმაც დაიწყო „როსტომიანის“ პოეტური თარგმნა. მისი საქმე ქართლის მეფის სიმონ I-ის (1556—1599 წწ.) დაკვეთით დასრულა ზოსრო თურმანიძემ. იგი ძირითადად ქ. თბილისში მოღვაწე პოეტი და მთარგმნელი იყო. აღსანიშნავია, რომ თვით დამკვეთიც, მეფე სიმონ I, წერდა ლექსებს როგორც ქართულად, ისევე სპარსულად. გადმოცემის თანახმად, სპარსეთში ტყვეობის დროს დაიმსახურა შაჰ-ისმაილ I-ის ყურადღება და ქება¹². სიმონ I-ის ძმა დავით XI-ც მთარგმნელი იყო. საერთოდ ცნობილია ქართველი ბაგრატიონების ლიტერატურული გატაცებანი. ისინი ტყვეობის სევდასაც და მარცხის წუხილსაც პოეზიით იქარვებდნენ (მაგ., სიმონ I მეორე ტყვეობის დროსაც ქ. სტამბოლშიც წერდა ლექსებს).

XVII საუკუნის პირველ ნახევარში განსაკუთრებით აღსანიშნავია მეფე-პოეტის თეიმურაზ I-ის შემოქმედება. თეიმურაზ I-ის შემოქმედება მხოლოდ ქ. თბილისში არ გაშლილა. მან ლიტერატურული მოღვაწეობა დაიწყო კახეთში და შემდეგ შეუჩერებლად აგრძელებდა მთელი თავისი „მომთაბარე“ ცხოვრების მანძილზე. შედარებით „მშვიდი“ პერიოდი თეიმურაზ I-ს ჰქონდა 1627—1632 წლებში, როდესაც მეფე-პოეტი გაერთიანებული ქართლ-კახეთის ტახტზე იჯდა. საქართველოს დედაქალაქში შექმნა სვე-გამწარებულმა მეფემ „ლეილ-მეჩენიანი“ და „იოსებ-ზილიხანიანი“. ლ. მენაბდეს მიაჩნია, რომ ქ. თბილისში თეიმურაზ I-მა ამ პოემების ახალი რედაქცია ჩამოაყალიბა, დახვეწა, გაასწორა. თეიმურაზ I-ის შემოქმედება დაემთხვა აღმ. საქართველოს კომპრომისული და რადიკალური მიმართულებების ურთიერთდაპირისპირებას. პირველის ლიდერი იყო როსტომ მეფე, მეორისა — თეიმურაზ I. თეიმურაზ I-ის შემოქმედებაში ბევრია გოდება გაუტანელი სოფლის სიმუხთლის თაობაზე, ფართოდაა წარმოდგენილი სევდის მოტივები, ჩივილი წუთისოფლის დაუნდობლობაზე. მეფე-პოეტმა განსაკუთრებით კარგად გამოხატა ეს „ქეთევან დედოფლის წამებაში“. სხვათა შორის,

¹² „ილიჯარ დაუდი“, ლ. კოტეტიშვილის გამოცემა, თბ., 1971, გვ. 24; ლ. მენაბდე, დასახ. ნაშრომი, გვ. 149.

სწორედ ამ პოემით იწყება ნაციონალური თემატიკის აღორძინება. პოემის ავტორი ზუსტად ვერ ხსნის საქართველო-ირანის ანტაგონიზმს, „ქართველობისა“ და „ყიზილბაშობის“ შეურიგებლობას, მაჰ-აბას I-ის თავდასხმები განხილულია თეიმურაზ I-ის პირად უბედურებად, რაც თითქოს გამოწვეული იყო ბედისწერით.

ამავე პერიოდში დიდ ეროვნულ-კულტურულ შემოქმედებას ეწეოდა როსტომ მეფის მეუღლე, ოდიშის მთავრის ლევან დადიანის და მარიამი. დედოფალი მარიამი მფარველობდა პოეტებს, მთარგმნელებს, კალიგრაფ-გადამწერებს, საერთოდ წიგნიერ, განათლებულ ხალხს. მისი ხელშეწყობით დედაქალაქში გადაიწერა „ქართლის ცხოვრების“ ნუსხები, „ვეფხისტყაოსანი“, საერო და სასულიერო მწერლობის მრავალი ბრწყინვალე ნიმუში. სასახლეში თავმოყრილი პოეტები ვალში არ რჩებოდნენ მეცენატს. რამდენიმე ნაწარმოები მიეძღვნა თვით მარიამს, სადაც იგი „მეორე თამარად“ არის მონათლული.

თეიმურაზ პირველის მიმდევრებს შორის გამოირჩეოდა ნ. ციცი-შვილი¹³. მან ქ. თბილისში დაწერა „ბარამ-გურიანი“-ს ქართული ვერსია¹⁴. „ბარამ-გურიანი“ მიძღვნილი იყო მარიამ დედოფლისადმი. სახოტბო პოეზიის აღმავლობას ხელს უწყობდა თვით როსტომ მეფის პოზიციაც. როგორც ყველა ბაგრატიონი, ისიც ხარკს უხდიდა ლიტერატურულ გატაცებებს. ფ. გორგიჯანიძეს დაკუთვნილი აქვს ცნობა, თუ როგორ უბრძანა ამ უკანასკნელს მეფემ „მუნასიბი“ ლექსის წარმოთქმა ოდესღაც აყვავებული გრემ-ქალაქის ნანგრევთა ნახვისას¹⁵.

ქართული სახოტბო პოეზიის ერთ-ერთ ცნობილ წარმომადგენლად ამ პერიოდში გვევლინება ფეშანგი ხითარაიშვილი, რომელმაც 1664—1665 წლებში დაწერა პოემა „შაჰნავაზიანი“¹⁶. მასში აღწერილია ვახტანგ V-ის სახელმწიფოებრივი მოღვაწეობა, აღმოსავლეთ საქართველოს პოლიტიკური მდგომარეობა. პოემა მხატვრულად სუსტია, მაგრამ იდეურად აქ უკვე ჩანს ეროვნული პატრიოტიზმი¹⁷.

ავტორს მეფის ბედი დაკავშირებული აქვს საქართველოს ბედთან.

ქართულ ლიტერატურაში XVII ს. მეორე ნახევარში განსაკუთრებული ადგილი უკავია მეფე-პოეტს არჩილს. „აღორძინების“ ეპოქაში დაიბადა ახალი ქანრები, გაძლიერდა ნაციონალური თემატიკა, სოციალური

¹³ ქ. ქეკელიძე, ა. ბარამიძე, ქართული ლიტერატურის ისტორია, ტ. I, თბ., 1954, გვ. 361—362.

¹⁴ გამოცემულია ქ. ქეკელიძის მიერ, თბ., 1930 წ. გამოცემული ამ თხზულებას უწოდებს „შიდ მთიებს“ (იქვე, გვ. 361. შენიშვნა).

¹⁵ ფ. გორგიჯანიძე, ისტორია, გვ. 53.

¹⁶ ფეშანგი, შაჰნავაზიანი, გ. ლეონიძის და ს. იორდანიშვილის რედაქციით, თბ., 1935.

¹⁷ ქ. ქეკელიძე, ქართული ლიტერატურის ისტორია, ტ. II, გვ. 497—512.

პრობლემატიკა, გამოჩნდა ადრინდელი რეალიზმის ნიშნები და ა. შ. ეს სიახლეები ყველაზე მეტად დამახასიათებელია არჩილის შემოქმედებისათვის. სწორედ მან შედარებით მკაფიოდ წამოსწია სამი ძირითადი პრინციპი: 1. ვწეროთ მართალი ამბავი. მართალ ამბავში პოეტი გულისხმობდა ცხოვრებისეულ სიუჟეტებს; 2. ვწეროთ ქართული ამბავი. აქ ერთგვარი პროტესტია აღმოსავლური, განსაკუთრებით, სპარსული მოტივების მოძალებისადმი; 3. ვწეროთ ქართულად — აქაც არჩილი იბრძოდა ეროვნული ენის უპირატესობის აღიარებისათვის, მისი დაცვისათვის. „არჩილი ... იყო ახალი ლიტერატურული მოძრაობის სახელოვანი მეთაური, ისტორიულ-ნაციონალური თემატიკის ბრწყინვალე დამმუშავებელი, მშობლიური ენის სიწმინდისათვის თავგამოდებული მებრძოლი, გამოჩენილი პოეტი და დიდაქტიკოს-მორალისტი“¹⁸.

არჩილის პოეზია აღმოცენდა და განვითარდა თბილისის კულტურულ გარემოში. მისი მხატვრული კონცეფცია, ლიტერატურული გემოვნება, მსოფლმხედველობა მთლიანად ჩამოყალიბდა საქართველოს დედაქალაქში. თბილისის მაშინდელი ლიტერატურული ტრადიციების გარეშე შეუძლებელი იყო პოეტური ნიჭის შესაბამისი გამოვლენა.

არჩილის შემოქმედებიდან კარგად ჩანს, რომ მას ღრმად ჰქონდა შესწავლილი ქართული სასულიერო და საერო ლიტერატურა. უფრო მეტიც, „არჩილიანში“ მოცემულია XVI—XVII სს. ქართული მწერლობის ლაკონური, მაგრამ კატეგორიული დასკვნების შემცველი მიმოხილვა. მაშასადამე, არჩილიც ქ. თბილისის ლიტერატურული სკოლის აღზრდილია. იგი იყო შესანიშნავი პოეტი, ლიტერატურათმცოდნე-კრიტიკოსი (მაშინდელი მასშტაბით), ისტორიკოსი, ისტორიულ თხზულებათა გალექსვის პიონერი, დიდი მეცენატი.

არჩილი თბილისში ყოფნისას აქტიურად მონაწილეობდა ლიტერატურულ პაექრობებში, დისპუტებში. აღსანიშნავია, რომ არჩილმა პრაქტიკაში დამკვიდრებული გაბაასების მიხედვით შექმნა ლიტერატურული „გაბაასება თეიმურაზ I-სა და შოთა რუსთაველს შორის“. ამ ნაწარმოებში არჩილი გვევლინება რომანტიკოსად, აშკარად მისტირის კლასიკური ხანის საქართველოს წარსულ დიდებას. ამავე დროს ამჟღავნებს ეპოქის შესაფერ პოლიტიკურ შეზღუდულობას. შოთა რუსთაველის ხანის ამადლებული, ლალი თავისუფლების საპირისპიროდ, არჩილის მიერ შექმნილი თეიმურაზ I (ე. ი. არა რეალური, არამედ არჩილის მხატვრული კონცეფციის ნაყოფი თეიმურაზი) ოცნებობს იმ დროზე, როდესაც კახეთის სამეფო შინაგანად „დამოუკიდებელი“ იყო. როგორც ცნობილია, ამ დროს (1606—1613 წწ.) იგი ირანის ხელდებული იყო. არჩილს ასეთი სტატუსი მიაჩნდა იდეალურად: — „მუნ ჩვენ ხელთ იყო ჩვენობა“.

¹⁸ ლ. მე ნ ა ბ დ ე, დასახ. ნაშრომი, გვ. 153.

„გაბაასებაში“ არჩილმა პოეტური ენით ჩამოაყალიბა თავისი ეპოქის ძირითადი პოლიტიკური იდეალი — მუხრანელი მაჰმადიანი მეფეების პლატფორმა: — ქრისტიანობით ტახტის ფლობა, ავტონომიური მმართველობა, თავისუფალი ნადირობა, ღვინო, დარბაზობა, ყაბახი, ბურთი, ცურვა, მგოსანთა შეჭიბრი, ქართული ენა, ეროვნული რელიგია და ა. შ. აი, ის მიმართულება, რომელსაც მიჰყვებოდნენ შემდეგში ამბოხებული გიორგი XI, ვახტანგ VI, თვითონ არჩილი და სხვ. რასაკვირველია, ასეთი პოლიტიკური პლატფორმა არ შეიძლება ჩაითვალოს იდეალურად. ეს დამარცხებულთა ფსიქოლოგიაა. არჩილი გამოხატავდა მოწინავე ქართველი არისტოკრატის განწყობილებას, ქრისტიანულ-რადიკალური მიმართულების მისწრაფებებს.

თბილისში ლიტერატურული მოღვაწეობის გაფართოებაზე ძალზე ბევრს ზრუნავდა მეფე გიორგი XI-ც. პირადი ცხოვრების ტრაგიკული სვე-ბედის მიუხედავად, გიორგი XI, გამაჰმადიანებული „გურგინ ხანი“, ძალზე გატაცებული იყო პოეზიით, სასულიერო და საერო თხზულებათა შექმნითა თუ თარგმანებით. მას მიეკუთვნება „თხრობაში სულთა და ჭორცთანი ურთიერთას, თქმული საქართველოს მეფის გიორგის მიერ“¹⁹.

გიორგი XI თავისი დროის ნამდვილი მეცენატი იყო. სწორედ მისი დავალებით გალექსა იაკობ დუმბაძემ პოლემიკური თხზულება, რომელიც გყუთვნორდა XVI საუკუნის პოლიტიკურ მოღვაწეს ბაგრატ მუხრანბატონს. ეს თხზულებაა „ურჯულოს მაჰმადიანთა და ქრისტიანთა გაბაასება, თქმული შემოქმედის იაკობისაგან, ბრძანებით მეფისა გიორგისითა, ძისა შანაოზისა“²⁰. ამავე მეფემ ცნობილ კალიგრაფ ბეგთაბეგ მდივანს გადააწერინა „ვეფხისტყაოსანი“. მეფე გიორგიმ კალიგრაფს ბევრი საერო და სასულიერო შინაარსის ხელნაწერიც გადააწერინა. გიორგი XI-მ წინ წამოსწია სულხან-საბა ორბელიანი — „გიორგი მეფის დედის ძმისწული“ და „მისგანვე შეიღობილად გაზრდილი და განსწავლული“. სულხან-საბამ მეფის თხოვნით დაიწყო ლექსიკონის შედგენა, „ქილილასა და დამანას“ თარგმნაც. „გიორგი XI-ის ყურადღება მწერლობისადმი გარკვეულ იერს აძლევდა თბილისის ლიტერატურულ ცხოვრებას“ (ლ. მენაბდე).

XVII საუკუნის მეორე ნახევარში ქართლის სამეფო კარის ესოდენი გატაცება ლიტერატურული მოღვაწეობით შემთხვევითი მოვლენა არ იყო. იგი განსაკუთრებულ ყურადღებას იმსახურებს. ჭერ ერთი, როგორც არჩილის მიერ ლექსად ჩამოყალიბებული „საქართველოს ზნეობანიდან“ ვიცით, განსწავლულობაც ითვლებოდა ზნეობად. ახალგაზრდა არისტო-

¹⁹ ბ. ქ ი კ მ ე, გაბაასება ძველ ქართულ ლიტერატურაში, 1962, ბათუმი, გვ. 175—179.

²⁰ ლ. მ ე ნ ა ბ დ ე, დასახ. ნაშრომი, გვ. 153; იაკობ შემოქმედელი — დუმბაძის შესახებ იხ. ა კ ა კ ი ხ ი ნ თ ი ბ ი ძ ე, იაკობ შემოქმედელი („სიყვარული“, 1984, №4).

კრატები სიყმაწვილიდანვე იწვრთნებოდნენ მწიგნობრობაში, უცხო ენებში, მათ სპეციალურად ავარჯიშებდნენ ლექსთწყობაში. თითქმის არ დარჩენილა არც ერთი „მუხრანელი“ ბატონიშვილი, რომელსაც არ ეცადა კალამი ლიტერატურაში. თბილისის ლიტერატურულ ცხოვრებაში ჩაბმული იყო ლევან ვახტანგის ძე ბაგრატიონი, ირანის უმაღლესი მოხელე. გიორგი XI-ს ძმა, ვახტანგ VI-ს მამა — „ბრძენი და მეცნიერი, შორსდამნახავი საქმისა და განსწავლული სამეცნიერო წიგნთა“ (ბერი ეგნატაშვილი). იგი თვითონაც თხზავდა ნაწარმოებებს (მაგ., „ვედრებაი იოანე ნათლისმცემლისა, პეტრე-პავლესი და სხვა წმინდანებისადმი“). „პოეტური სენით“ იყვნენ შეპყრობილნი მისი ასული ხვარამშეც, დედოფალი თამარიც, რომელმაც შექმნა იმ დროისათვის უმდიდრესი ბიბლიოთეკა. გიორგი XI-ის და ლევან ბატონიშვილის ხელშეწყობით მოღვაწეობდნენ მეხოტბეები ბეგთაბეგ თანიაშვილი და მისი ძმა სულხანი. ბეგთაბეგმა რამდენიმე შესხმა მიუძღვნა გიორგი XI-ს როგორც პროზაულად, ასევე გალექსილი. ძმებმა თანიაშვილებმა „ამირან-დარეჯანიანიც“ გალექსეს. გიორგი XI და მისი ძმები, ასევე ძმისწულები XVII საუკუნის 80-იანი წლებიდან ექსორიაში აღმოჩნდნენ, XVIII საუკუნის დასაწყისიდან კი მათ დაიკავეს ირანის იმპერიის უმაღლესი სახელოები, მაგრამ ამით არ შეუწულებიათ ყურადღება ქ. თბილისში მიმდინარე კულტურულ მუშაობისადმი.

ბაგრატიონთა ლიტერატურული გატაცება, მათი თავგამოდება სასულიერო და საერო მწერლობის აყვავებისადმი გამოხატავდა ქართული საზოგადოების მძაფრ იდეოლოგიურ ბრძოლას არსებული პოლიტიკური რეჟიმის შესაცვლელად. ამ ეტაპზე, ირანის შეტევის პირობებში, როდესაც მაჰმადიანობამ ფართოდ გაუხსნა ქართველ თავადაზნაურობას გზადიდი სახელმწიფოს მართვის სათავეებისაკენ, არისტოკრატის მნიშვნელოვან ნაწილში დაიწყო დაუცხრომელი ლტოლვა ისპაჰანისაკენ. სიმდიდრის, დიდი თანამდებობის მოხვეჭის, პოლიტიკური მდგომარეობის განმტკიცების წყურვილი იძენდა ისეთ მძლავრ სოციალურ შინაარსს, რომ ადვილად ილახებოდა ნაციონალური თავისთავადობა. თავადაზნაურობის ერთი ნაწილი მხოლოდ ფორმალურად კი არ გამობდა მამა-პაპათა რჯულს, არამედ მთლიანად ითვისებდნენ უცხო კულტურას, ივიწყებდნენ ქართულ ენას, ტრადიციებს, იცვლებოდა მათი ყოფა. ქართლის სამეფო კარს არ შეეძლო ოფიციალურად წინ აღდგომოდა ასეთ ტენდენციებს, ქართლის მეფე სინამდვილეში „გურჯისტანის ვალი“ იყო, ირანის უმაღლესი მოხელეთაგანი, მას ხელი უნდა შეეწყო იმპერიის ინტერესებისათვის. ირანული კულტურის შემოჭრის აღკვეთა გამოიწვევდა ისპაჰანის რისხვას, რაც უკეთეს შემთხვევაში მეფის გადაყენებით დამთავრდებოდა. ასეთ პირობებში ფორმალურად გამაჰმადიანებული სამეფო კარი აძლიერებდა ქართულ ეროვნულ კულტურას, განსაკუთრებით

ენას, ლიტერატურას. ამ პოლიტიკას წმინდა პრაგმატისტული დანიშნულება ჰქონდა, მას უნდა გადაერჩინა ქართველი ხალხი გადაჯვარებისაგან, შეენარჩუნებინა მომავლის პერსპექტივები. მეფეთა ზრუნვა ენის სიწმინდისათვის იმის მაჩვენებელია, რომ „კომპრომისის“ ეპოქაში პრაქტიკულად იდგა ნაციონალური ენის დაკარგვის საშიშროება. პატრიოტ ქართველებს ცოცხალ, კუთხისასწავლებელ მაგალითად ჰქონდათ მესხეთის ტრაგედია. „მე, სულხან-საბა ორბელიანსა, ჳაბუჯობისა ჟამსა და სიყრმესა, ფრიადი შრომა დამიცს ამა წიგნსა ზედა. რამეთუ ქართულთა ენათა ლექსიკონი აღარა იპოებოდა, რამეთუ ჟამთა ვითარებითა უჩინო ქმნილიყო... ვინათგან პატიოსანი ესე წიგნი დაჰკარგოდათ, ენა ქართული თჳსთა ნებაზედ გაერყუნათ... ვახტანგ მეფის ბიძამ, გიორგი მეფემ მიბრძანა ამისი კელ-ყოფა... ხელი მიყვავ და, რაოდენ ძალმედევა, აღეწერე“²¹. საბას ეს სიტყვები მნიშვნელოვანია უფრო იმით, რომ XVII საუკუნის დასასრულისათვის ქართველობა წარმოიდგინება „წიგნდაკარგულ“ ერად („პატიოსანი წიგნი დაჰკარგოდათ“), საჭირო იყო ამ დანაკარგის ანაზღაურება, ქართველი საზოგადოების იდეოლოგიური საყრდენის აღდგენა. სულიერი საზრდოს განოყიერება. ეს მაღალი მისია იკისრა ქ. თბილისის კულტურულ-ლიტერატურულმა ელიტამ—იოსებ თბილელმა, სულხან-საბა ორბელიანმა, ვახტანგ VI-მ და ა. შ.

იოსებ თბილელი-სააკაძე ქ. თბილისის საეპისკოპოსო ტახტზე იჯდა 1661—1688 წლებში. მას ეკუთვნის ე. წ. მარინას წამების გალექსილი ვარიანტი, ალექსის ცხოვრება, ანბანთქება და სხვა. მაგრამ იოსებ თბილელის ძირითადი ნაწარმოებია „დიდმოურავიანი“. ეს ისტორიული პოემა დაიწერა 1684—1687 წლებში და მიზნად ისახავდა გიორგი სააკაძის პოლიტიკურ რეაბილიტაციას. მეტისმეტად ფართოა „დიდმოურავიანის“ მნიშვნელობა. ჯერ ერთი, სასულიერო იერარქიის უმაღლესი მოხელე, მიტროპოლიტი, წერს საერო ხასიათის ნაწარმოებს, რაც საგანგებო შემთხვევას წარმოადგენდა. აშკარაა, ამ პერიოდში საერო ლიტერატურა უფრო იოლად იკაფავდა გზას მოსახლეობაში, მას ფართო მკითხველი ჰყავდა. თითქმის იმავე ეპოქაში არჩილი სასულიერო მწერლობას უპირატესობას ანიჭებდა საეროსთან შედარებით, მაგრამ, როგორც ჩანს, საქმე სხვაგვარად იყო: საერო მწერლობა მისაღები იყო გამაჰმადიანებული, მაგრამ ქართულენოვანი ფენებისათვისაც, აგრეთვე უცხო ეთნიკური ჯგუფებისათვის, რომლებიც ქ. თბილისში ცხოვრობდნენ, ქართული შესანიშნავად იცოდნენ, მაგრამ მათთვის მიუღებელი იყო ქრისტიანული სასულიერო მწერლობა. იოსებ თბილელმა სხვა რამეც გაითვალისწინა, ამ ეპოქაში სინამდვილე უფრო ადვილად აღიქმებოდა მარტივი ლექსის სახით. საქართველოში მასობრივად დაიწყეს ისტორიული თხზულებების

²¹ სულხან-საბა ორბელიანი, თხზულებანი, ტ. IV, თბ., 1965, გვ. 31.

გალექსეა. ლექსი მოდაში შემოვიდა. აღარავის ეცალა რთული ფილოსოფიური თუ რელიგიური დოგმებისათვის, სამაგიეროდ, მკითხველი მიილტვოდა მარტივი ლექსისაკენ. ამ მხრივ თბილელი ეპისკოპოსი გამონაკლისი როდი იყო. „აღორძინების“ ეპოქაში აშკარად დომინანტობს მარტივი ლექსი. უკან იხევს პროზა, რთულ ფილოსოფიურ ტრაქტატებზე ხომ ლაპარაკიც ზედმეტია. ეს ფაქტი იმის მაჩვენებელიცაა, რომ ქ. თბილისის არისტოკრატიულ-ლიტერატურული სალონები, თვით სამეფო კარიც კი, განიცდიდა ქალაქური წრეების გავლენას, რადგან მარტივი ლექსის კულტი სწორედ ქალაქური ფოლკლორისათვის იყო დამახასიათებელი. იოსებ თბილელმა დააარსა საგანგებო წიგნსაცავი ქ. თბილისში.

ქ. თბილისის ლიტერატურულ ცხოვრებაში გარკვეული ტეხილი შეიტანა სულხან-საბა ორბელიანმა. მისი მოღვაწეობა უაღრესად პრაქტიკული დანიშნულებისა იყო. მან შექმნა „სიტყვის კონა“, ქართული ენის სიწმინდის დაცვის საფუძველი. 1678—1688 წლებში განასრულა „სიბრძნე-სიცრუისა“. ამ ნაწარმოებს აგრეთვე პრაქტიკული დანიშნულება ჰქონდა, იგი დაიწერა უფლისწულ ვახტანგ ლევანის ძე ბაგრატიონის აღსაზრდელად.

სულხან-საბა ორბელიანმა საფუძველი ჩაუყარა აღზრდისადმი მიძღვნილი ლიტერატურული ნაწარმოებების მთელ სერიას:

ხელოვნება

გვიანი შუა საუკუნეების თბილისის სახის წარმოსადგენად, გარდა წერილობითი ცნობებისა, ჩვენ ხელთ გრაფიკული მასალაც არის: ფრანგი მოგზაურის შარდენის ნახატი — თბილისი 1671 წელს, ტურნეფორის ნახატი — თბილისი XVIII ს-ის დასაწყისში (1701 წ.) და ყველაზე მნიშვნელოვანი — ვახუშტი ბაგრატიონის მიერ 1735 წელს შედგენილი გეგმა თბილისისა (იმდროინდელი დედაქალაქის ტერიტორიისა და გეგმის შესახებ იხ. ზემოთ, მეცხრე თავში).

როდესაც XVI—XVII საუკუნეების თბილისურ ხუროთმოძღვრებაზე ვსაუბრობთ, უნდა გავითვალისწინოთ შემდეგი:

თბილისი ამ დროსაც ტიპურ ფეოდალურ ქალაქად რჩება მისი ყველა დამახასიათებელი ატრიბუტით: მას კვლავ თავს დაკუთრებს ციტადელი, მისი უბნები კვლავ გალავანშემორტყმულია; გალავნებში დატანებულია რამდენიმე კიშკარი; ქალაქის უბნები მკაფიოდ არის დიფერენცირებული ფუნქციურად, სოციალური და, ნაწილობრივ, ეროვნული ნიშნების მიხედვითაც; თუ არ ჩავთვლით რამდენსამე მთავარ არტერიასა და მოედანს, რომლებიც, ერთი მხრივ, თავს უყრის დუქან-სახელოსნოებს, ბაზრებსა და ქარვასლებს, მეორე მხრივ — მეფისა და არისტოკრატიის

საცხოვრებლებს, განაშენიანება კვლავ ქაოსურია, ვიწრო, მიხვეულ-მოხვეული ქუჩებით, შესახვევებით, ჩიხებით, აღმართებით, კიბეებით.

ქვეყნის პოლიტიკური ვითარების გამო, ქართულ ხუროთმოძღვრებასა და ხელოვნებაში ამ დროს შემოქრილია ირანული გავლენა. უპირველეს ყოვლისა, იგი თავს იჩენს სწორედ ქალაქებში, განსაკუთრებით თბილისში, რადგანაც ამ უცხო გავლენას ყველაზე მეტად და ყველაზე ადრე ითვისებენ და ექვემდებარებიან მეფის კარი და არისტოკრატია: მათი სასახლეები და საცხოვრებლები „სპარსთა რიგისაა“, შეძლებისდაგვარად ცდილობენ მიბაძონ ირანულ სასახლეებს, არა მარტო მათს ხუროთმოძღვრებას, არამედ მთელ შიდა გამართულობასაც; ასევე, აღმოსავლურ-ირანული „რიგისა“ ამდროინდელი საბაზრო შენობები, ქარვასლები და აბანოები. საეკლესიო არქიტექტურა უფრო მეტად „მეულწევი“ იყო ირანული გავლენისათვის: ქართული ეკლესიების, მათ შორის, თბილისური ეკლესიების, მთელი აღნაგობა უცვლელად ტრადიციულია (თუ არ ჩავთვლით ბუნებრივ, გარდუვალ ევოლუციის მიერ გამოწვეულ ზოგ კერძო ცვლილებას). მხოლოდ გარეგნულ მორთულობაში იჩენს თავს (მით უფრო კახეთში, აქა-იქ თბილისშიც) ირანული ელემენტები: ისრული თაღები, „სტალაქტიტები“, აგურის ხალიჩისებრი წყობა (აგურის ფართოდ გავრცელება ამ დროის დამახასიათებელია); სასახლეთა, აბანოებისა და ქარვასლების ინტერიერებში უხვად იყენებენ მოკიქულ ფერად აგურს, მინასა და სარკევებს, აღმოსავლურ ხალიჩებს და სხვ. (ისიც აღსანიშნავია, რომ გლეხური საცხოვრებლები და, მით უფრო, მთა-საქართველო ამ უცხო გავლენის გარეშე რჩება — გამონაკლისი ცოტაა).

საბუთები და იმდროინდელ ავტორთა ნაწერები მოწმობს, რომ გვიანი შუა საუკუნეების თბილისში, მის მცხოვრებთ აქვთ სახლები — „ზოგთა სპარსთა რიგისა, ზოგთა ქართული“. ჩანს ისიც, რომ უმეტესად ეს ბანიანი სახლებია განლაგებული მთის კალთებზე, ისე, რომ ქვემო სახლის ბანი ზემოთ მდებარე სახლისთვის ეზოსავით არის. სახლები, ცხადია, განსხვავდებოდა პატრონთა შეძლების მიხედვით — იყო ქოხმახებიც, მაგრამ იყო რამდენიმე სათავსიანი, მათ შორის, სამეურნეო დანიშნულების სახლებიც.

საფიქრებელია, რომ თბილისური საცხოვრებელი სახლის ძირითად სახეს წარმოადგენდა ტრადიციული ქართული დარბაზი, ტიპი, რომლის ძირებიც შორეულ წარსულს მიეკუთვნება და რომელიც გავრცელებული იყო ქალაქადაც და სოფლადაც: უკანასკნელ ხანებამდე დარბაზები არსებობდა ქართლსა და მესხეთში, ახალციხესა და თბილისში. ეს არის ერთი ნაგებობა, რომლის ყველაზე დამახასიათებელი ელემენტია ე. წ. გვირგვინი — ხის საფეხურებიანი გადახურვა (არსებობს განსხვავებული — მარტივი და რთული — ვარიანტები), რომლის წვეროშიაც, სულ ზემოთ,

გაკეთებულია სარკმელი შუქისათვის და იქ, სადაც შუაეცხლი (კერა) ჰქონდათ (ეს იყო სწორედ თავდაპირველი საფეხურის დამახასიათებელი) — კვამლის ევაკუაციისათვის. ასევე აუცილებელი და ტიპური ელემენტია გვირგვინის საყრდენი „დედაბოძი“ — ხის სვეტი, ზემოთკენ გაგანიერებული და ლამაზად მოხარატებული. შემორჩენილი ნიმუშების მიხედვით შეგვიძლია დავასკვნათ, რომ დარბაზების ინტერიერები, მათი საერთო აღნაგობის, თავისებური კონსტრუქციის, საინტერესო ბუნებრივი განათების, ოსტატურად შესრულებული ხის ჩუქურთმების, კედლების დამუშავების წყალობით (განჭინები, თაროები და სხვ.) ნამდვილი მხატვრული ღირებულების მქონე და დიდად შთამბეჭდავი იყო.

თბილისური დარბაზების არსებობა XIX ს-ში დამთავრდა. ყოფაცხოვრების ახლებურმა პირობებმა, კულტურის დარგში მომხდარმა ცვლილებებმა გამოიწვია მათი შეცვლა სხვაგვარი საცხოვრებლებით (მათ შესახებ იხ. ქვემოთ).

ასევე არ მოუღწევია ჩვენს დრომდე მაშინდელ სასახლეებს — მათ მოსასპობად ალა-მაჰმად ხანის 1795 წლის შემოსევაც საკმარისი აღმოჩნდა. წერილობითი ცნობები (შარდენი, ტურნეფორი, ვახუშტი) გვიხატავს ვრცელ, მრავალი დარბაზის მქონე, მდიდრულად მორთული შენობების სურათს: როცა როსტომ მეფემ „მაღალს ციხეში“ (ე. ი. ნარიყალას ტერიტორიაზე) არსებული ძველი სასახლე „დაუტევა“ (ჩვენ არ ვიცით, როდის გადაინაცვლა მეფის სასახლემ მეტეხიდან ამ ციხეში), მან „თავისა თვისისათვის სამეფოდ ალაშენა სიონსა და ანჩისხატს შუა სასახლე, მტკვრის გარდაკიდებით, ყიზილბაშთა რიგისა“ (ამ სასახლეს აღწერს შარდენი). ვახუშტისავე სიტყვით, „ედ (ე. ი. 94-ე) მეფემან ვახტანგ ალაშენა სახლი შვენიერი, სრულიად სარკითა და მოოქროვილი, დიდმხატვრობითა და ლაქვარდითა და მარმარილოს კედლითა“ („შემუსრეს ოსმალთა“). როსტომის სასახლიდან დღემდის მხოლოდ ერთმა ნაგებობამ მოაღწია — ე. წ. „ზარაფხანამ“, რომელიც ერთ ხანს სტამბად იყო გამოყენებული, თავიდან კი აბანო უნდა ყოფილიყო. ამავე ხანისა იყო ვახუშტის გეგმით ცნობილი სხვა სასახლეებიც: ბატონიშვილისა, ამილახურისა, ლუარსაბისა, მუხრან-ბატონისა. ამათგან არც ერთი აღარ არსებობს.

XVI—XVIII სს. მანძილზე თბილისში თითქმის გამუდმებით უხდებოდათ სათავდაცვო ნაგებობათა შენება. ციხადელისა და კალას (ე. ი. ქალაქის უმთავრესი საცხოვრებელი უბნის) კედლებს, მეტეხის გალავანს ხან დამპყრობნი (ირანელები და თურქები) აშენებდნენ და განაახლებდნენ, ხან — მათი განდევნის შემდეგ — თვით ქართველები.

XVI—XVII საუკუნეებში თბილისში ზოგი ძველი ეკლესია შეკეთდა ან გადაკეთდა, აშენდა ახალი ეკლესიები და სამრეკლოებიც (უმეტესობამ ჩვენს დრომდეც მოაღწია), მაგრამ ზოგი ძველი ეკლესია მიატოვეს კიდევ.

თავისი ხუროთმოძღვრული ფორმებით XVI საუკუნეს შეგვიძლია მივაკუთვნოთ მეტეხის ტაძრის აგურის გუმბათის ყელი. ამ ეპოქაშივე შეიქცალა, მაგრამ ძნელია დაზუსტებით თქმა, როდის, ეკლესიის შიგნითა დამუშავებაც -- ბოძები, თალები (ისრული მოხაზულობისა), კამარები — ეს ყველაფერი აგურისაა. XVII საუკუნის ნახევრიდან კი, როცა ქართლის ტახტზე მაჰმადიანი მეფეები ისხდნენ, მეტეხი უკვე მიტოვებული იყო. შარდენის სიტყვით, მისი მიტოვების უშუალო მიზეზი მეხის დაცემა ყოფილა, მაგრამ ვახტანგ V-მ შენობა ეკლესიად კი აღარ აღადგინა, არამედ თოფის წამლის საწყობი მოაწყო შიგ. შემდეგ, სანამ მეტეხის ციხე უცხოელთ ეპყრათ ხელთ, ცხადია, მის აღდგენაზე აღარავინ იფიქრებდა — ასე გრძელდებოდა ერეკლე II-ის დრომდე.

ამ ეპოქაში იცვალა სახე „ლურჯმა მონასტერმაც“ — ეტყობა, რაღაც მიზეზის გამო, ძველი ეკლესია დაინგრა და იგი უგუმბათოდ აღადგინეს. XVII ს-ში საფუძვლიანად შეაკეთეს ანჩისხატის ეკლესია — მაშინდელია მისი მთელი ზემო ნაწილი კამარებიანად, აგრეთვე პერანგის ნაწილიც, ხოლო 1675 წელს ეკლესიის წინ დომენტი კათალიკოსმა ააგო სამრგვლო — ქვის კუბური შენობა ქვის სვეტებიანი და აგურისავე პირამიდულ-სახურავიანი გამკოლი ფანჩატურით. მისი ისრული თალები და კედლის ხალიჩისებრი წყობა ირანული გავლენის კვალს ატარებს; მისივე მონათესავეა და დროითაც, ალბათ, მისი ტოლი, კიდევ ერთი სამრგვლო — ფეთხანისა; 1657 წელს თბილელმა მიტროპოლიტმა ელისე საგინაშვილმა სიონის ტაძარს სამხრეთის მხრიდან მიამენა დღესაც არსებული მცირე სამლოცველო. XVII საუკუნის გადაკეთებათა კვალი ეკლესიის შიგნითაც ჩანს — თალების ნაწილი ისრული მოხაზულობისაა. ტაძრის გუმბათის ყელი მთლიანად და ფასადთა პერანგის ნაწილი (ბოლნისის ტუფისა) 1710 წელს მიეკუთვნება და ვახტანგ VI-ის ბრძანებითაა გაკეთებული. ჩრდილოეთის ფასადის წარწერაში, მალლა, კეხქეშ, ნათქვამია: „ძმისწული სახელოვანის მეფის გიორგისა და ძე დიდად პატიოსნისა ლევანისა, გამგებელი ქართლისა ბატონიშვილი ვახტანგ, განმაახლებელი გუმბათით, ლორფინ-საცვრით მონასტრისა ამის“ (ლორფინი სახურავის ფილებს ნიშნავს, საცვრე — კარნიზს). ამ გუმბათს, რომელსაც ჩუქურთმები და რელიეფები ამკობს, ირანული გავლენის არავითარი კვალი არ ემჩნევა — აქ მხოლოდ ტრადიციის გაგრძელებაა, დროის დამახასიათებელი ნიშან-თვისებებით აღბეჭდილი.

XVI საუკუნეს უნდა მიეკუთვნებოდეს ახლანდელ ლესელიძის ქუჩაზე მდებარე ერთი გუმბათიანი ეკლესია, „ჯვარისმამად“ წოდებული (ჯვარის-მამა იერუსალიმის ჯვრის მონასტრის წინამძღვარს ნიშნავს. ამ ეკლესიას ეს სახელი იმიტომ ეწოდა, რომ იერუსალიმის საპატრიარქოს ეკუთვნოდა და იქაური ქართველი ბერების მეტოქი-ფილიალი იყო). შენობა აგურისაა, ყოველგვარი სამკაულის გარეშე. მისი გეგმა — ერთიანი დარბაზი,

სიგრძივი კედლებიდან გამოსული შვერილებით, რომელთაც გუმბათი ეყრდნობა — ე. წ. კუპელჰალეს ტიპისაა. იგი მოწმობს, რომ გვიან ხანაში, რომელიც გარკვეული ეკლექტიზმით ხასიათდება, ქართულ ხუროთმოძღვრებაში აქა-იქ ამოტივტივდება ხოლმე ძველი, კარგა ხნის წინათ მივიწყებული, თემები.

არ უნდა გაგვიკვირდეს, რომ ამ ხანაში, მაჰმადიანური სამყაროს მოძალების დროს, როცა თბილისში ხშირად იდგა ირანელთა ან თურქთა გარნიზონები, აშენებდნენ მიზგითებსაც. ერთი მათგანი XVI საუკუნეში „ხიდის ყურეში“ ააგო ირანის შაჰმა ისმაილმა (იდგა ახლანდელი მეტეხის ხიდის თავში, მარჯვენა ნაპირზე). იყო სხვა მიზგითებიც, არსებობდა „ლათინთ საყდარიც“, მაგრამ ამ შენობებს, რა თქმა უნდა, ქართულ ხუროთმოძღვრებასთან არაფერი აკავშირებს. ამ ეპოქას მიეკუთვნება ზოგი სომხური ეკლესიაც. ამ დროისათვის ჩვენ უკვე შეგვიძლია ვისაუბროთ ქართული სახვითი ხელოვნების თბილისურ ნიმუშებზედაც. უპირველეს ყოვლისა, ეს შეეხება ხელნაწერ წიგნებს — მათს კალიგრაფიას, ფურცელთა მხატვრულ გაფორმებას და მინიატურებს.

განსაკუთრებით აღსანიშნავია, რომ ამ ხანას მიეკუთვნება, სასულიერო შინაარსის მნიშვნელოვან ხელნაწერებთან ერთად, ბევრი საერო ხელნაწერიც (წინა ხანებში ჩვენ ერთადერთი საერო ხელნაწერი გვაქვს — XII ს-ის დასასრულის დასურათებული ასტრონომიული ტრაქტატი). არსებითად, ქართული საერო მინიატურის განვითარების შესახებ, დღესდღეობით მაინც, ჩვენ მხოლოდ ამ დროიდან შეგვიძლია ლაპარაკი. ეს მით უფრო მნიშვნელოვანი და საინტერესოა, რომ ამ ხელნაწერთა შორის რამდენიმე „ვეფხისტყაოსნის“ დასურათებული ან მხატვრულად გაფორმებული ნუსხაა და ზოგი მათგანი მეფის შეკვეთითაა შესრულებული.

ამავე დროის ბევრ ხელნაწერსა და მინიატურას ატყვია ირანული გავლენის ძლიერი კვალი — ასეთია; მაგალითად, ვეფხისტყაოსნის ე. წ. წერეთლისეული ნუსხის (ხელნაწერთა ინსტიტუტი, H-5006) მინიატურების ნაწილი, H-2074 ნუსხის მინიატურები და სხვ. ზოგი ხელნაწერის მინიატურებში (ზილიხანიანი, XVI—XVII სს. მიჯნა, ხსენებული H-5006 ნუსხის მეორე ოსტატის მინიატურები, როსტომიანი, 1671 წლისა და სხვ.), აშკარა ირანულ გავლენასთან ერთად, ჩანს ეროვნული ხელოვნების დამახასიათებელი განმასხვავებელი ნიშნებიც (ფერადონების, ტიპაჟის, ზოგი იკონოგრაფიული და კომპოზიციური დეტალის მხრივ). არსებობს „ვეფხისტყაოსნის“ კიდევ ერთი ნუსხა, რომლის მინიატურებიც არსებითად განსხვავებულია ირანულთაგან და მთლიანად ეროვნულ ნიშანდგანაა დაკავშირებული, ხელნაწერი 1646 წლისაა²², მაგრამ ეს მი-

²² კ. კვეციანის სახ. ხელნაწერთა ინსტიტუტი, ფ. H-59.

ნიატურები ოდიშის მთავრის ლევან დადიანის კარზეა შესრულებული მხატვარ მამუკა თავაქარაშვილის მიერ.

XVII ს. ბოლოს მეფე გიორგი XI-ის კარზე მოღვაწეობდა ბეგთაბეგ თანიაშვილი, ლიტერატორი და კალიგრაფი, რომელმაც 1680 წელს მეფის დაკვეთით გადაწერა „ვეფხისტყაოსანი“²³. ნაწერი მხედრულია, ლამაზი და ოსტატური, მაგრამ მთავარია მდიდრული დეკორაციული ჩარჩოები სხვა ოსტატის ან ოსტატთა მოხატული, აგრეთვე ირანული ხასიათისა. აქ, მცენარეებისა და ყვავილების ხლართში, გაფანტულია ფრინველებისა და ცხოველების ფიგურები. ეს არშიები, რომლებიც ოქროს საღებავითაა შესრულებული, მათი მრავალფეროვნება, ხელნაწერის დიდი ფორმატი (44,5 X 30 სმ) არაჩვეულებრივად საზეიმო იერს ანიჭებს ამ წიგნს. ბუნებრივია, რომ იგი მეფის პირად საკუთრებას შეადგენდა.

ამ ეპოქას მიეკუთვნება აგრეთვე სასულიერო შინაარსის თხზულებათა მინიატურებიც, რომლებიც ბევრად უფრო სტაბილურად უკავშირდება სამინიატურო ხელოვნების ძველ ეროვნულ ტრადიციებს, ვიდრე ხსენებული საერო ხელნაწერების დასურათება. ზოგი მათგანი თბილისშია შესრულებული. მაგალითად შეიძლება დავასახელოთ კათალიკოს ნიკოლოზ ამილახორის შეკვეთით 1681 წელს გადაწერილი და დასურათებული ე. წ. ანჩისხატის გულანი, საბა კალიგრაფის მიერ XVII ს-შივე თბილელი ეპისკოპოსის იოსებ სააკაძისათვის გადაწერილი ფსალმუნი²⁴ და სხვ.

მწერალი-კალიგრაფები და მდივნები ჰყავდათ მეფეებსაც და სასულიერო და საერო ფეოდალებსაც; XVII ს-ში იღებს სათავეს გამოჩენილ კალიგრაფთა რამდენიმე საგვარეულო, რომელთაგან ზოგი თბილისთან იყო დაკავშირებული. ერთი ამათგანია ალექსი-მესხიშვილების დინასტია, რომლის დამაარსებელი მღვდელი პეტრე მესხი XVII ს. მეორე ნახევარში გათურქებული სამცხიდან გადმოიხვეწა ცოლშვილიანად თბილისში და თან ჩამოიტანა სახელგანთქმული „ანჩისხატი“. 1671 წელს დომენტი კათალიკოსმა მას უბოძა ანჩისხატის ეკლესიის კანდელაკობა (ეკლესიას სწორედ ამ ხატის გამო ეწოდა ახლანდელი სახელი) და ამის შემდეგ მისი მემკვიდრეები მთელი თავისი ცხოვრება-მოღვაწეობით ამ ტაძართან იყვნენ დაკავშირებულნი. თვით პეტრე მესხი კარგი კალიგრაფი ყოფილა. ამისი შვილი გრიგოლი, ანჩისხატის დეკანოზი, რომელიც XVII—XVIII სს. მიჯნაზე მოღვაწეობდა, მხატვარი იყო და „ტფილურ მოქალაქედ“ იწოდებოდა, მაგრამ მის ნამუშევრებს ჩვენ არ ვიცნობთ. გრიგოლის შვილი ალექსი პირველი იყო ამ გვარის დიდ კალიგრაფთა შორის, რომლებიც უკვე XVIII ს-ში მოღვაწეობდნენ — მის პატივსაცემად იწოდებოდნენ მომდევნო თაობათა წარმომადგენლები ალექსი-მესხიშვილებად.

²³ კ. კეკელიძის სახ. ხელნაწერთა ინსტიტუტი, №54.

²⁴ იქვე, №1112.

XVII ს-ის მეორე ნახევარში ჩნდებიან ასპარეზზე კალიგრაფთა მეორე, არა ნაკლებ სახელოვანი, საგვარეულოს — მიქაძეების პირველი წარმომადგენლებიც (სიონის დეკანოზი იესე). შეიძლებოდა სხვა გვარების დასახელებაც.


თბილისური კედლის მხატვრობის ნიმუში იყო კათალიკოს ნიკოლოზ ამილახორის თაოსნობით 1683 წელს შესრულებული მოხატულობა ანჩისხატის ეკლესიისა, მაგრამ XIX ს-ის დასაწყისში იგი სხვა მხატვრობამ შეცვალა.

თბილისში უნდა იყოს შესრულებული ანჩისხატის კარედის გარეთა მხრის მოკედლობა „სარქარის“ ბერთაუჯა ლოლაძის მიერ, დიდი ფეოდალის გივი ამილახვრისა და მისი თანამეცხედრის ვახტანგ V-ის ასულის თამარის შეკვეთით.

„ოდეს ვიხილეთ ანჩისხატი ჟამთა ვითარებისაგან ქართლში ჩამოსვენებული, მოჰხდა საქმე, რომ ბევრს ხანს ჩვენს სახლში ესვენა და მისის საფარველითა და შემწეობითა მრავალს ძნელს აეად ყოფასა და განსაცდელს განვერენით და... ვიწადინეთ და კარები მოვაქედვინეთ და გავაკეთეთ... გაკეთდა კარები ესე მეფობასა მეფედ მეფისა გიორგისასა, ინდიქტიონსა მეშვიდესა, ქრონიკონსა ტოდ“ (374). თარიღი 1686 წელს უდრის. ბერთაუჯას შესრულებულია სახარების სცენები — მრავალფიგურიანი, მეტისმეტად დატვირთული, აგრეთვე ფართო ორნამენტული არშიები. ამ დროის ხელოვნებისთვის დამახასიათებელია ინტერესი თხრობისა და საღვთისმეტყველო პროგრამისადმი. შესრულების მხრივ ეს მოკედლობა დიდად ჩამოუყარდება X—XII სს. ნიმუშებს — ეს დაქვეითების ხანის ტიპური ნიმუშია.

მეფე-ფეოდალთა კარზე, გარდა მდივან-მწიგნობრებისა, ოქრომკედლებისა და მინიატურების ოსტატებისა, ქარგვის ოსტატებიც მუშაობდნენ. მაშინდელი ნაქარგობის ნიმუშთაგან ზოგი, შესაძლებელია, თბილისშიაც იყოს შესრულებული. ყოველ შემთხვევაში, დღემდის დაცულია ნიმუშები (მაგალითად, ქართლის დედოფლის მარიამის მიერ შეკვეთილი „გარდამოხსნა“), რომლებიც სამეფო კართან არის დაკავშირებული.


დასასრულ, როდესაც ამ ხანის მხატვრულ ცხოვრებაზე ვსაუბრობთ, არ შეიძლება არ მოვიხსენიოთ ვახტანგ VI-ის მიერ დაარსებული პირველი ქართული სტამბაც — მისი წიგნების შრიფტი, რომელიც ქართული კალიგრაფიის საფუძველზეა შექმნილი, აგრეთვე წიგნების გაფორმება გრაფიურებით, რომლებიც თავისი წარმოშობით დასავლეთ-ევროპულ ხელოვნებას უყავშირდება.




1. მოქექელი თხის ტერქელი თრელის ს. მარხიდან, ძვ. წ. VIII – VII სს., 2. წარჩინებული მეომრის ოქროს სამაჯური თრელის ს. მარხიდან, ახ. წ. III ს., 3. ოქროს სამკაულები ემლაჯკარას სამარხებიდან.

2


1




მოჭიქული თიხის კერძული ვრცელი II-ის მოედნიდან. IX—X სს.



თამარ მუჯე.



თამარ მეფის გულსაყვდი ჭვარი.



ჩამები თბილისის კერამიკული სახელოსნოდან. XIII—XIV სს.



ქერქელი თბილისის კერამიკული საბელოსნოდან, XIII –XIV სს.



1. იმპორტული კერძის ფრაგმენტი თბილისის დედაციხიდან, XVI—XVII სს.
2. მოკიეული კერძელი თბილისის დედაციხიდან.





მარიამ დედოფლის მიერ თბილისის სპონსიათვის შეწირული ღვთისმშობლის იქ-
როს ხატი. XVII ს.




Figure 1. A fragment of a silk textile from the 17th century, found in the tomb of a nobleman in the city of Mantua, Italy. (Source: <https://www.ancient.eu/article/11111/>)




მოციქული კურკელი თბილისის დედაციხიდან. XVII - XVIII სს.








பொருள் 11-ல் காட்டல், XVIII L



ერეკლე II-ის საბლუზი. XVIII ს.



Երկուսը կարված են Մանուկյանների կողմից, XVIII դ.



თელა ბატონიშვილის (ერეკლე II-ის ასული) სუბ.ნ-საფენი. ქართული ნაჭარ-
გობის ნიმუში. XVIII—XIX სს.

XI

თბილისი XVIII ს. პირველ ნახევარში. ალმაგლოგისა და ღაცემის ორი პერიოდი

თბილისი XVIII ს.
პირველ ოცეულში

1703 წელს ირანის შაჰმა ქართლში გიორგი XI გაამეფა. მან ერთდროულად მიიღო ავღანთა მზრძანებლის ტიტულიც. ქართლის მეფე, როგორც ავღანურ-ბელუჯური ოლქების მმართველი და ირანის ჭარბების მთავარსარდალი, ქ. ყანდაარში გაიგზავნა ქართული რაზმებით, მის შემცვლელად კი. ე. წ. ჯანიშინად, თბილისში დაინიშნა გიორგი XI-ის ძმისწული ვახტანგ ლევანის ძე ბაგრატიონი. იმავე წელს, ირანიდან თბილისში დაბრუნდა ვახტანგის მამა, ლევან ბაგრატიონი (გიორგი XI-ის ძმა), რომელმაც ირანის შაჰისა და ქართლის მეფის სახელით რიგი ღონისძიებანი გაატარა. ჩამოიშორა ერეკლე I-ის დროს აღზევებული პირები. თავისი ადგილი მიუჩინა თბილისის მეციხოვნეებს, შეზღუდა მათი თავხედობა. ლევან ბაგრატიონის საქმიანობა ერთდროულად აძლიერებდა პატრიოტულ ღასს და საფუძველს უქმნიდა ირანოფილურ განწყობილებასაც.

პოლიტიკურმა კონიუნქტურამ განაპირობა თბილისი-ყანდაარის შორეული სატრანზიტო მაგისტრალის წარმოქმნაც. თბილისიდან ყანდაარში ინტენსიურად იგზავნებოდა სამხედრო რაზმები; ოფიციალური მოხსენებები. ქართული ხელნაწერი წიგნები. ანალოგიურად ყანდაარსაც მკიდრო კავშირი ჰქონდა თბილისთან. ბუნებრივია, მყარდებოდა სავაჭრო-ეკონომიკური ურთიერთობაც. ამ დროს ჩამოყალიბდა ქართლ-ავღანეთის თავისებური კავშირი, რამაც ქ. თბილისი აქცია აღმოსავლეთის ერთ-ერთ პოლიტიკურ ცენტრად. ავღანეთიდან ყანდაარ-ქაბულის გზაზე გადიოდა მნიშვნელოვანი საერთაშორისო ტრასა ინდოეთისაკენ.

ირანის პოლიტიკურ ასპარეზზე ქართველთა აქტიური მონაწილეობა შესანიშნავ პერსპექტივებს უქმნიდა ქართლის სამეფოს ავტორიტეტის ზრდას შაჰის კარზე. ავღანეთის „ქართული ზღუდე“ ქართველთა ლოიალობის მნიშვნელოვან გარანტიად ჩანდა. ასეთ შემთხვევაში უშუალოდ საქართველოში მოქმედ „ჯანიშინს“ ბევრ რამეში ჰქონდა ხელები გახსნილი. ეს შესანიშნავად გამოიყენა ვახტანგ ლევანის ძე ბაგრატიონმა (შემდეგში მეფე ვახტანგ VI).

ვახტანგ ლევანის ძე ბაგრატიონმა გამგებლობა ერეკლე I-ის დროს „შემლილი“ ქართული წესების გასწორებით დაიწყო. საერთოდ მისი

მოღვაწეობა „ჯანიშინობის“ საწყის პერიოდშივე ფართო განმანათლებ-
ლურ მიზნებს ისახავდა. მაჰმადიანური რეაქციის პირობებში ვახტანგი
ეროვნულ-ქრისტიანული პოლიტიკის მედროშედ გამოვიდა. ეს პოლიტი-
კა. რასაკვირველია, ეწინააღმდეგებოდა ირანის შაჰის პროგრამას, მაგრამ,
სანამ ქართველი მეფე გიორგი XI სპეციალური რაზმებით ყანდაარში
იდგა და ავღანთა მრავალრიცხოვან ტომებს აკავებდა, ქართლი ოფიცი-
ალურად არ გამოდიოდა ირანის სახელმწიფოებრივი ორბიტიდან და
მაჰმადიანი მეფის ზურგს ამოფარებული ქრისტიანი „ჯანიშინი“ ქართლში
წარმატებით საქმიანობდა. ამ პერიოდში ვახტანგის ეს მოღვაწეობა
ძალზე იოლად ინიღბებოდა¹.

ვახტანგ VI-ის „ჯანიშინობის“ დროინდელი საშინაო პოლიტიკა უაღ-
რესად ფრთხილი და მოქნილი იყო. მის წინაშე დიდი პრობლემები იდგა.
უპირველესად ქართლის გამგებელს ევალებოდა სამსახური ორი სიუზე-
რენისადმი, ემორჩილებოდა როგორც გიორგი XI-ს, რომელიც საქართვე-
ლოდან ძალზე შორს — ავღანეთში „მოღვაწეობდა“ (უგზავნიდა მას
იარაღს, ჯარისკაცებს, სურსათს, — განსაკუთრებით ღვინოს და ა. შ.),
ასევე ირანის შაჰს. ეს უკანასკნელი ხშირად გიორგი XI-ის გარეშე
აგვარებდა საქმეებს „ჯანიშინთან“. ვახტანგმა თანდათანობით ჩამოაცილა
სამეფო კარს მისთვის მიუღებელი და მერყევი ელემენტები; სცადა
სახელმწიფოებრივი მმართველობის დარგობრივი დაყოფა. მმართველო-
ბიდან განდევნა შემთხვევითი პირები და თავის გარშემო ფართო განათ-
ლებისა და კულტურის მქონე მოღვაწეთა ბრწყინვალე პლეადა შემოი-
კრიბა.

გასაგებია, რომ ახალ გამგებელს უხდებოდა შეჩახება „სპარსულ“
გავლენასთან. თანაც ეს ისე უნდა მოგვარებულყო, რომ ანტიმაჰმა-
დიანური პროპაგანდა დასაწყისშივე არ დაპირისპირებოდა თბილისში
განლაგებული ირანული გარნიზონისა და მაჰმადიანური მოსახლეობის
განწყობილებას. ამიტომაც „ჯანიშინმა“ საქმიანობა დაიწყო ქართულ-
ქრისტიანული იდეოლოგიის ხელის შეწყობით, შერყენილი ქართული
ყოფა-ცხოვრების მოწესრიგებით. საპირო იყო ქრისტიანულ-მართლმად-
იდებლური ეკლესიის ავტორიტეტის ამაღლება. ეკლესია წარმოადგენ-
და ფეოდალური იდეოლოგიის ძირითად მასაზრდოებელ წყაროს. იმისა-
თვის, რომ ეკლესია ქართველობისათვის ბრძოლაში გვერდით ამოეყენე-
ბინა, აუცილებელი იყო მისი ზნეობრივი განწმენდა. ამ მიზნით, მოწვეულ
იქნა საეკლესიო კრება, რომელმაც განიხილა კათალიკოსის საკითხი. აქ
პირველად გამოჩნდა „ჯანიშინის“ პრინციპულობა. გიორგი XI-ის გადა-
წყვეტილებით კათალიკოსად უნდა ეკურთხებინათ ნიკოლოზი (თავის

¹ ნ. ბ. ე. ნ. ი. შ. ე. ლ. ი., საქართველოს ისტორიის საკითხები, ტ. VI. 1973, გვ. 282—
287.

დროზე უკვე კათალიკოსად ნამყოფი და ერეკლე I-ის მიერ გადაყენებულ (ი). ვახტანგ VI-ის მხარდაჭერით ეპისკოპოსებმა აღარ ინებეს ნიკოლოზი („რამეთუ არის სოფლიერი, ე. ი. მიწიერი“), დაიწუნეს მეორე კანდიდატურაც — ევდემონ დიასამიძე („დაუდეს უმეცრება“). საეკლესიო კრებამ კათალიკოსად ერთხმად აირჩია დომენტი ლევანის ძე ბაგრატიონი (ვახტანგ VI-ის ლეილი ძმა). ახლა კათალიკოსი გახდა „ჯანიშინის“ ენერგიული და საიმედო თანამდგომი. თავისი მოღვაწეობის მთელ მანძილზე (ერთი გამონაკლისის გარდა) იგი აქტიურად ეხმარებოდა ვახტანგს, შეელოდა ძმას სამეფოს საქმეების მოწესრიგებაში. აღსანიშნავია, რომ დომენტი ახლად დაბრუნებული იყო რუსეთიდან, სადაც მიიღო სასულიერო განათლება, იგი შესანიშნავად ფლობდა ძველ ბერძნულ და სლავურ ენებს, იცნობდა რუსულ კულტურას. 1705 წლის საეკლესიო კრება ფაქტიურად წარმოადგენდა დიდი კულტურული აღმავლობის დასაწყისს.

ცენტრალური ხელისუფლების გაძლიერებისა და განმტკიცების მიზნით, ვახტანგმა შექმნა ე. წ. „მცველთა რაზმი“. იგი ტიპური სამეფო გვარდია იყო, რიგითი ჯარისკაცებიც კი აზნაურთა ფენას ეკუთვნოდნენ. ქართული ისტორიოგრაფიის ტრადიციული შეფასებით ეს გვარდია არსებითად მიმართული იყო დიდგვაროვანი ფეოდალების, თავადების წინააღმდეგ. იგი 3 რაზმისაგან შედგებოდა (თავადიშვილები, აზნაურები, მსახურები) და თითოეულის სათავეში ასისტავი იდგა. გვარდიელებს ჯამაგირი სახელმწიფო ხაზინიდან ეძლეოდათ და ფართო პრივილეგიებიც ჰქონდათ. ამ პატარა რაზმმა ზოგიერთი ფეოდალის დიდი გულისწყრომა გამოიწვია². სავარაუდოა, რომ „მცველთა რაზმი“ მთლიანად დაყრდნობილი იყო ქ. თბილისის შემოსავალზე. საფიქრებელია, რომ ეს რაზმი ძირითადად იდგა თბილისში მაჰმადიან მეციხოვნეთაგან ქართველი მეფის უმიწროების საგარანტიოდ.

ვახტანგ VI არ კმაყოფილდებოდა მხოლოდ ქართლის სამეფოს საშინაო საქმეებით (რაც მას ვეალებოდა, როგორც ჯანიშინს), მისი მთელი მოღვაწეობა უფრო გრანდიოზული მიზნის — ეროვნული გათავისუფლებისათვის ბრძოლის ფართო სამზადისად იქცა. ნიქიერმა გამგებელმა აქტიური საგარეო პოლიტიკით (საქართველოს სამეფო-სამთავროების მასშტაბით) სწრაფად აღადგინა ქართლის სამეფოს პეგემონია ამიერკავკასიაში. იგი ცდილობდა განემტკიცებინა გავლენა კახეთსა და იმერეთში, 1707 და 1711 წელს ორგზის დალაშქრა ოსეთი, შემომტყიცა ეს მხარე, გაამაგრა ქართლის ჩრდილოეთი სასაზღვრო ხაზი. (ამ აქტს ბუნებრივად მოჰყვა ქსნისა და არაგვის ერისთავების ცენტრიდანული

² ვახუშტი, ცხოვრება ქართლისა, დ. ჩუბინაშვილის გამოც. (ქართლის ცხოვრება, II, პეტერბურგი, 1854, გვ. 71, 78).

პოლიტიკის მოთხოვნა). ერთი სიტყვით, საქართველოს „აღდგენა-გამოხსნისათვის“ ბრძოლის იდეა პრაქტიკულ ამოცანად დაისახა.

ვახტანგ VI-ის დროს გაიზარდა ქართველი მოსახლეობის ხვედრითი წილი თბილისში, მმართველობის ქართული ინსტიტუტები და, რაც მთავარია, გაფართოვდა ქართული კულტურის კერები XVIII საუკუნის პირველ მეოთხედში.

მძლავრი კულტურული მშენებლობის პარალელურად მიმდინარეობდა სამეურნეო აღმავლობაც. ვახტანგ VI-მ „გამოიღო რუნი“, ე. ი. გაიყვანა საირიგაციო არხები, დააბრუნა ქართლიდან გაფანტული მოსახლეობა, კათალიკოს დომენტის მისი და გიორგი XI-ის რეკომენდაციით დაუბრუნეს სვეტიცხოველის კუთვნილი მამულები კახეთში. ქრისტიანმა მეფემ სასტიკად შეუტია ტფილისის ციხის მცველთა თავხედობას. „დაამდაბლა თათარნი და უმეტეს ტფილისის ციხის მცველნი“, მთლიანად მოშალა ტყვის სყიდვა. სამეფო ხელისუფლების ღონისძიებებმა და განსაკუთრებით იმდროინდელი ქართველი ინტელიგენციის თავმოყრამ ქ. თბილისში ქალაქურ სოციალურ ძალთა გადაადგილება გამოიწვია, შენელდა თბილის-ქალაქისა და პროვინციის დაპირისპირება, სამაგიეროდ გაიზარდა თბილის-ქალაქისა და ციხე-თბილისის ანტაგონიზმი.

ერეკლე I-ის დროიდან აღარ იცვლებოდნენ თბილისის ციხის მაკმაღიანი მცველნი, აქ უკვე ოჯახებით ცხოვრობდნენ და ბევრ სირთულეს ქმნიდნენ. ვახტანგ VI-მ მკვეთრად შეზღუდა ისინი, მაგრამ, რასაკვირველია, მას არ შეეძლო ანტიქართული ქმედების ამ მძლავრი ბასტიონის აღმოფხვრა—თბილისის ციხე უშუალოდ ირანის შაჰის იურისდიქციაში შედიოდა, ქართველ გამგებელს შეეძლო მეციხოვნეთა ალაგმვა ციხის გარეთ, მაგრამ უშუალოდ ციხეში თვით მათ სტატუსს ვერ შეეხებოდა, ეს განიხილებოდა ანტიირანულ აქტად. ასე რომ, თვით ვახტანგ VI-ის პოლიტიკური მოღვაწეობა ნებისთნე თუ უნებლიეთ რეგულირდებოდა ქართველთა მდგომარეობით შორეულ ავღანეთში.

ვახტანგ VI-ის წონას ირანის შაჰის თვალში მეტად ზრდიდა ქართლის მეფის გიორგი XI-ის სამხედრო წარმატებები იმპერიის აღმოსავლეთ საზღვრებზე. დაცემის გზაზე დამდგარი სეფიანთა ტახტი ავღანთაგან დაპყრობის რეალური საფრთხის წინაშე იდგა. ასეთ კრიტიკულ მომენტში ავღან-ბელუჯთა წინააღმდეგ ბრძოლის ბედი შაჰმა ქართველებს მიანდო. თავდაპირველად ქართველებმა მეტად ადვილად შემუსრეს „მეამბოხენი“ და სასურველი წესრიგიც დაამყარეს³. ირანელებზე არაერთგზის გამარჯვებით გათამამებულმა ავღანელებმა და ბელუჯებმა მძიმე დარტყმები იგემეს. ამ დროს ავღანეთში 2000-მდე ქართველი მოლაშქრე იყო (უმთავრესად აზნაურ-მსახურნი, ე. ი. პროფესიული მეომრები). მაგრამ

³ ამის შესახებ ვრცლად იხ. საქართველოს ისტორიის ნარკვევები, ტ. IV, გვ. 400—403.

ეს წარმატებანი დროებითი აღმოჩნდა. გადამწყვეტ მიზეზთა მთელი კომპლექსის გამო ავღანელებმა მოახერხეს ქართველთა დამარცხება. 1709 წელს ავღანთა ბელადმა მირ ვეისმა ლალათით მოკლა მრისხანე „გურგინ ხანი“ — გიორგი XI.

ირანის შაჰმა ქართლის მეფედ დაამტკიცა ქაიხოსრო ლევანის ძე ბაგრატიონი (გიორგი XI-ის ძმისწული, ვახტანგ VI-ის ძმა). ახალ მეფეს ძველის ანალოგიური უფლებები მიანიჭეს და კვლავ ავღანთა წინააღმდეგ ბრძოლა დაავალეს. მეფის შეცვლას არაფერი შეუცვლია საქართველოში. ვახტანგ VI-მ ქ. თბილისში მოაწყო გიორგი XI-ის ოფიციალური გლოვა. ავღანეთში კვლავ გაიგზავნა 2000-მდე ქართველი რჩეული მხედარი, მაგრამ ქართველთა წარუმატებლობამ ავღანეთში უარყოფითად იმოქმედა თბილისელ მაჰმადიანებზე.

„ვინაიდან (ვახტანგმა) დაამდაბლა მცველნი თბილისის თათარნი“... „განდგნენ და დახშეს კარნი ციხისა და იწყეს სროლა თოფ-ზარბაზნითა“⁴. კრიტიკული დრო იდგა, ქართლის დახმარება უაღრესად სჭირდებოდა შაჰს, ამიტომ ახლა დაუჭერა ვახტანგ VI-ის საჩივარს „თათრებზე“ და შაჰისავე ბრძანების საფუძველზე „მტარვალნი, თბილისის ციხის მცველნი ხელ-ხუნდოსანნი მიჰკვარეს ვახტანგს, მერე გაგზავნეს, დაამწყვდიეს ალა-მუტის ციხეში“. რა თქმა უნდა, მთლიანად არც ამის შემდეგ დამორჩილებია თბილისის ციხე ქართველ გამგებელს, ციხეში ახალი გარნიზონი შევიდა, რომელიც ასევე მალე გადაიქცა მაჰმადიანური მოსახლეობის დასაყრდენად, მაგრამ 1709—1714 წლებში მთლიანად მოისპო ტყვის სყიდვა... საერთოდ, ვახტანგ VI ცდილობდა მოესპო ირანში ტყვეთა გაგზავნის ხარკიც. ეს წესი დაკანონდა როსტომ მეფის დროიდან, რომელიც სისტემატურად „ამარაგებდა“ შაჰს ახალგაზრდა ქართველი ქალ-ვაჟებით; ასევე იქცეოდა ერეკლე I ნაზარ-ალი ხანი. მათგან განსხვავებით, ვახტანგ VI ცდილობდა ხელი აეღო ამ ხარკზე.

1711 წელს ავღანეთში, ყანდაარზე იერიშისას, დაილუპა ქართლის მეფე ქაიხოსრო I. გადარჩენილი ქართველი მხედრები შეეხიზნენ გირიშკის ციხესიმაგრეს. „გურჯისტანის ვალის“ ტახტი კვლავ თავისუფალი აღმოჩნდა. ირანში მოღვაწე მაჰმადიან ქართველთაგან (ბაგრატიონთაგან) ბევრს ჰქონდა პრეტენზია ქართლის ტახტზე. XVIII საუკუნის ათიანი წლებისათვის „გურჯისტანის ვალის“ მნიშვნელობა ძალზე დიდი იყო ირანის სახელმწიფოში. ამ დროს ეს „ვალი“, ანუ ქართლის მეფე ერთდროულად ირანის მთავარსარდალი, შაჰის კარის ერთ-ერთი უმაღლესი მოხელე და ავღანეთის მბრძანებელიც იყო⁵. ქართლის მეფედ ვინმეს გამორჩევა ფაქტიურად ნიშნავდა როგორც საქართველოში, ისე ირანში

⁴ ვ ა ხ უ შ ტ ი, ქართლის ცხოვრება. ტ. IV, გვ. 75.

⁵ საქართველოს ისტორიის ნარკვევები, ტ. IV, გვ. 403.

მყოფი ქართველების პოლიტიკური ლიდერის ოფიციალურ დამტკიცებას. ირანის შაჰი ცდილობდა ისეთი პირი გამოეძებნა, რომელიც შეინარჩუნებდა საქართველოს ლოიალობასაც და ავღანეთსაც დააშოშმინებდა. ამჯერად შაჰ-ჰუსეინმა ნამდვილად ყველაზე ღირსეული კანდიდატურა გამოიწავლა. მან მართლაც ქართველთაგან ყველაზე საუკეთესო — საქართველოში მოსახლეობის ყველა ფენისაგან უკვე ფაქტიურად მეფედ აღიარებული პიროვნება — ვახტანგ VI გამოარჩია და „ჯანიშინს“ ქართლის ტახტი შესთავაზა. ირანში შესანიშნავად იცოდნენ ვახტანგ VI-ის ღიდი ორგანიზატორული ნიჭი და, რაც ყველაზე მთავარია, მისი არაჩვეულებრივი პოპულარობა ქართველ მოსახლეობაში. ისიც ანგარიშგასაწევი უნდა ყოფილიყო, რომ მას ღიდი პოლიტიკური წონა ჰქონდა სხვა ქართულ სამეფო-სამთავროებშიც.

1712 წელს ქ. თბილისში ვახტანგ VI-ის ირანში მიწვევის ფირმანით ჩამოვიდა ირანის შაჰის ჰუსეინის მოხელე. ვახტანგ VI-მ ღიდი სამზადისი ჩაატარა, ქვეყნის მმართველად დატოვა მომდევნო ძმა სვიმონი, ოჯახი დააბინავა გორში და აპრილში ღიდი ამალით გაემგზავრა ქ. ისპაჰანში. მას თან გაჰყვა მთავარი მრჩეველი, მასწავლებელი, თანამშრომელი და მეგობარი სულხან-საბა ორბელიანიც.

ვახტანგ VI-მ გადაჭრით უარი თქვა წინამორბედი მეფეების მსგავსად მიეღო მაჰმადიანობა. მას მტკიცედ ჰქონდა გადაწყვეტილი ქრისტიანობით დაუფლებოდა ქართლის ტახტს.

ირანში კარგად იცოდნენ, რომ ქართველი ბაგრატიონების მაჰმადიანობა (მცირეოდენი გამოწკლისის გარდა) ფიქცია იყო, მაგრამ მაჰმადიანი „ვალის“ დასმა ქართლის ტახტზე მიზნად ისახავდა „გურჯისტანის“ ფორმალურად აღიარებას ირანის ერთ-ერთ პროვინციად, ხაზს უსვამდა აღმოსავლეთ ამიერკავკასიაზე შაჰის უცილობელ ხელისუფლებას, რასაც ღიდი მნიშვნელობა ჰქონდა ირანისათვის.

საფიქრებელია, ვახტანგ VI-ის გარსშემოკრებილმა დასმა გადაწყვიტა ესარგებლა ხელსაყრელი მომენტით და მშვიდობიანი გზით დაერღვია საქართველო-ირანის ურთიერთობის მთელი საუკუნის მარეგულირებელი რგოლი. როგორც ჩანს, ქართველ მოღვაწეებს წარმატების იმედი ჰქონდათ. ვახტანგი „მცირედით“ კმაყოფილდებოდა, ცდილობდა შეერბილებინა, უფრო ასატანი გაეხადა ირანის „ვასალობა“⁶.

ვახტანგ VI-მ ვერ გაითვალისწინა ის, რომ, მართალია, იგი შაჰისთვის ყველაზე მისაღები პიროვნება იყო, მაგრამ არა ერთადერთი. ბევრ

⁶ სამწუხაროდ, ვახტანგ VI-მ ზუსტად ვერ შეაფასა სიტუაცია. ჭერ ერთი, გათვალისწინებული არ იქნა ირანის კლერიკალური წრეების („ომარათა“) როლი. „შაჰი მზად იყო ქრისტიანობით მიეცა ტახტი, მაგრამ არა აუფლეს ომარათა“ (ვახტანგ VI, ცხოვრება ქართლისა, ქართლის ცხოვრება, II, დ. ჩუბინაშვილის გამოც. პეტერბურგი, 1854, გვ. 77).

პროგრესულად განწყობილ მოღვაწეს ქართლში მიაჩნდა, რომ ვახტანგის უარი მაჰმადიანობაზე გამოიწვევდა ობიექტურად ცუდ შედეგს, ამიტომაც მხარს უჭერდა ძველი მდგომარეობის აღდგენას. ასეთი პოზიცია ჰქონდა ქ. თბილისის ქრისტიანულ მოსახლეობას. მაჰმადიანური მოსახლეობა საერთოდ ვახტანგ VI-ის წინააღმდეგი იყო ყველა შემთხვევაში. ვახტანგ VI-ის პოზიციით აღშფოთებულმა ირანის შაჰმა ჰუსეინმა ქართლის მეფედ იესე ალი-ყული ხანი დაამტკიცა (ვახტანგ VI-ის ძმა). იესე გამოირჩეოდა მკვეთრი ირანოფილურობით, მაჰმადიანური ყოფის ერთგულებით. მის შესახებ ვახტანგი ამბობდა: „მუდამ განდგომილი, მტერი და ეშმაკია“... ირანის არმიის ყოფილი თოფჩიბაში (ე. ი. არტილერიის უფროსი) იესე ცდილობდა შაჰისათვის ერთგულება დაემტკიცებინა. მან ანტიქართულ პოლიტიკაში თვით ირანელ მოხელეებსაც კი გადააქარბა. დაუკავშირდა ქ. თბილისის მაჰმადიანურ მოსახლეობას, ქვემო ქართლში მობინადრე მომთაბარე ელებს, კვლავ წინ წამოსწია თბილისის მეციხოვნენი. მისი წაქეზებით თბილისის მეციხოვნეებმა შაჰის კარზე ოფიციალურად დასდეს ბრალი ვახტანგს, თითქოს მისი ბრძანებით დაწვეს ყურანი საჯაროდ ქ. თბილისში და შეურაცხყოფდნენ მაჰმადიანებს რელიგიური წესების შესრულების დროს. ქ. თბილისში ჩამოვიდა ირანის შაჰის სპეციალური მოხელე — ვინმე ხოლოფა, რომელსაც უნდა გამოეკვლია ვახტანგ VI-ის მიერ ჩადენილი ანტიირანული და ანტიისლამური მოქმედებანი. საბედნიეროდ, ეს მოხელე ქართველებმა საკმაოდ იოლად მოიშორეს.

იესეს მმართველობას არ მოჰყოლია მოსალოდნელი მშვიდობიანობა. მან ქართველი საზოგადოების ყველა ფენის უკმაყოფილება გამოიწვია. იგი ეყრდნობოდა მხოლოდ თბილისის მაჰმადიანურ მოსახლეობას, განსაკუთრებით თბილისელ მეციხოვნეებს, რომელთაც განაახლეს ქრისტიან მოქალაქეთა შეურაცხყოფა. ქართლში წარმოიშვა მძლავრი საპროტესტო მოძრაობა, რომელსაც სათავეში სრულიად ახალგაზრდა ბაქარ ვახტანგის ძე ბაგრატიონი ჩაუდგა. იესემ შაჰს ვახტანგის დაპატიმრება მოსთხოვა. ქართლის პოლიტიკური სტაბილიზაციის მიზნით, ვახტანგ VI-ს პატივი აჰყარეს და დააპატიმრეს, მაგრამ ამ ღონისძიებას სასურველი შედეგი არ მოჰყოლია, ქართლის სამეფო კვლავ ბოროტობდა. ბოლოს ვახტანგ VI იძულებული გახდა კომპრომისზე წასულიყო, 1716 წელს იგი ფორმალურად გამაჰმადიანდა⁷. ირანის შაჰმა მეფობიდან გადააყენა იესე ალი-ყული ხანი და მეფედ დაამტკიცა ვახტანგ VI (შაჰ ჰუსეინ-ყული ხანი), ახალი მეფე დროებით ირანში დატოვეს, ჯანიშინად დასვეს მისი ვაჟი ბაქარი (შაჰნავაზ II). თბილისი კვლავ იქცა ქართველი ურთიერთდაპირისპირებული ჯგუფების ანგარიშსწორების ასპარეზად. აღსანიშნავია,

⁷ „მხოლოდ სიტყვით და არა საქმით“. — ვ ა ხ უ შ ტ ი, დასახ. გამოც., გვ. 80.

რომ თბილისის მოსახლეობის უდიდესი ნაწილი სიხარულით შეხვდა ბაქარ ვახტანგის ძე ბაგრატიონის მმართველობას. მიუხედავად ამისა, ქართლის შიგნით მდგომარეობა გართულდა. გახშირდა დაღესტნელი ფეოდალების თავდასხმები ქართლსა და მაჰმადიანურ პროვინციებზე. მათი მძაფრი ანტიირანული მოქმედების საბაზად იქცა დიდი ვეზირის ფათალი ხანის მკვლელობა (იგი წარმოშობით დაღესტნიდან იყო). მოთარეშე ურდოები ჩასხდნენ დარუბანდში, შემახასა და ქარ-ბელაქანში, საიდანაც არბევდნენ საქართველოს. ლეკთა პრობლემა მთელი სიმწვავეით დადგა მთელ ირანსა და მის მიერ დამორჩილებულ ქვეყნებში.

1719 წელს შაჰ ჰუსეინმა ვახტანგ VI საქართველოში დააბრუნა, იგი „გამოუშვეს“ ერთი პირობით: უყუევდო შემოსევები დაღესტნიდან. მოცემულ მომენტში საქართველოსა და ირანის ინტერესები ერთმანეთს დაემთხვა.

1719 წლის აგვისტოში ვახტანგ VI თბილისში შემოვიდა. დედაქალაქში დიდი ზეიმი მოეწყო. ქართლის შერყეული ჰეგემონობა ამიერკავკასიაში სწრაფად აღდგა.

როგორც ჩანს, დაღესტნელთა წინააღმდეგ ორგანიზებულ გამოსვლას ვახტანგ VI უკავშირებდა „აღდგენა-გამოხსნის“ ფართო გეგმებს, რუსეთის იმპერიასთან სამხედრო კავშირის დამყარებას.

1721 წელს ვახტანგ VI დაინიშნა სამხრეთ აზერბაიჯანის სპასალარად. ქართველი მეფის ხელში აღმოჩნდა ფაქტობრივად ჩრდილო ირანის სამხედრო ხელისუფლება. ამ მომენტში ქართლს შეეძლო გადაერჩინა ირანის იმპერია დაცემისაგან, თუ იგი სამხრეთ აზერბაიჯანისა და აღმოსავლეთ ამიერკავკასიის გაერთიანებული ძალებით შემუშრავდა ავღანელებს. მაგრამ ქართველი მეფე სულაც არ იყო დაინტერესებული ვერაგი სიუზერენის გადარჩენით. იგი აპირებდა დაღესტნის საკითხის მოგვარებას ქართლის ინტერესების შესაბამისად; იგი დიდი ლაშქრით უნდა წასულიყო განჯისაკენ, სადაც ადგილობრივი სუნიტი მოსახლეობის წყალობით ლეკთა მრავალრიცხოვანი ბრბოები იყო განლაგებული. ქართველებმა შეუტიეს მტერს ძეგამში, შამქორში, ბარდავში, ქარში და თითქმის ყველგან სასტიკი მარცხი მიაყენეს⁸. შეშინებულმა ლეკებმა ერთდროულად ითხოვეს დაზავება როგორც ვახტანგთან, ასევე უშუალოდ ირანის შაჰთან. ვახტანგ VI არ აპირებდა შერიგებას, მას სურდა აღეკვეთა დაღესტნელთა თარეში. ამ მიზნისათვის იგი ეყრდნობოდა არა მაჰმადიანური პროვინციების სამხედრო ძალებს, არამედ ცდილობდა ამიერკავკასიის ქრისტიანული ძალების მობილიზებას. მისი ერთგული თანა-

⁸ საქართველოს ისტორიის ნარკვევები. ტ. IV, გვ. 411.

შემდეგ გახდა ალვანეთის (ყარაბაღის) გრიგორიანული ეკლესიის მეთაური, განძასარის კათალიკოსი ესაია ჰასან ჯალალიანი⁹.

შაჰ ჰუსეინი შესანიშნავად მიხვდა, რომ ვახტანგ VI ირანის სახელით არსებითად საქართველოს „აღდგენა-გამოხსნისათვის“ იბრძოდა. იგი შეშინდა, რომ დაღესტნელებზე გამარჯვების შემდეგ ქართველი მეფე მოახდენდა ამიერკავკასიის ქრისტიანულ ძალთა გაერთიანებას, დაუკავშირდებოდა რუსეთს და მახვილს ირანისაკენ მიმართავდა. ირანში ფიქრობდნენ: „თუ მეფემ ვახტანგ კარი დაიჭირა, ქვეყანასაც ის დაიჭერსო“¹⁰. ამიტომაც შაჰმა ქართველებს ლაშქრობა მოაშლევინა და თბილისში დაბრუნება უბრძანა. „ვახტანგი გასრესდა კიდევაც ლეკებს, მაგრამ მან მიიღო ბრძანება სამშობლოში დაბრუნებულყო“¹¹.

ვახტანგ VI-მ საჭაროდ დაიფიცა, რომ აღარასოდეს შეასრულებდა შაჰის ბრძანებას. მან ეს ფიცი შეასრულა¹².

XVIII საუკუნის 20-იან წლებში ირანი პოლიტიკურმა აგონიამ მოიცვა. ჩრდილო-აღმოსავლეთიდან დაიძრა ავღანთა ლაშქარი მირ-ვეისის ვაჟის მირ-მაჰმუდის ხელმძღვანელობით, ჩრდილოეთით ირანულ პროვინციებს შეუტეეს დაღესტნელებმა სურხაი ხანისა და ჰაჯი-დაუდის მეთაურობით, ირანის ყოფნა-არყოფნის საკითხი დადგა... ირანის დაცემა გამოიწვევდა პოლიტიკურ ძალთა გადაფასებას აღმოსავლეთში, ამ ქვეყნის საშინაო და საგარეო მდგომარეობა შესაბამის რეაქციას იწვევდა მეზობელ თურქეთსა და რუსეთში. ირანის სტაბილიზაცია გარკვეული აზრით იცავდა აღმოსავლეთ ამიერკავკასიის სტატუსს. თურქეთ-რუსეთის ურთიერთმეტოქეობა უშვებდა შედარებით სუსტი ირანის პოლიტიკურ ბატონობას ამ პროვინციებში. ამავე დროს რუსეთმა, დაასრულა რა წარმატებით ომი ჩრდილოეთში, თვალი მიაპყრო კავკასიას. ახლა უკვე რუსეთის სახელმწიფო უკავშირდება ქართლის მეფეს¹³. რუსეთსა და ქართლს შორის ერთობლივი საერთო მოქმედების გეგმა შემუშავდა, მაგრამ მას განხორციელება არ ეწერა.

თბილისის კრელ მოსახლეობაში ჯერ კიდევ ბევრი იყო ირანოფილური თუ თურქოფილური განწყობილების მოქალაქე. ასეთ ვითარებაში ვახტანგმა კვლავ ქრისტიანობა აღიარა, რაც თავისთავად ნიშნავდა ირანის „ხელღების“ უარყოფას. ამასობაში თბილისი თანდათან იქცეოდა რუსუ-

⁹ საქართველოს ისტორიის ნარკვევები, ტ. IV, გვ. 413.

¹⁰ იქვე.

¹¹ იქვე.

¹² ა. გ ა წ ე რ ე ლ ი ა. მასალები ვახტანგ VI-ის ბიოგრაფიისათვის 1712—1722 წწ. „მნათობი“, 1956. №1. გვ. 162—163.

¹³ ამ კავშირის შესახებ დაწერილებით იხ. საქართველოს ისტორიის ნარკვევები, ტ. IV, გვ. 410—428.

ლი ორიენტაციის მომხრეთა შემოკრების ცენტრად, აქ ჩამოდიოდნენ სომხეთის განმათავისუფლებელი მოძრაობის მოღვაწეები.

1722 წლის 3 აგვისტოს პეტრე I დარუბანდ-ბაქოსაყენ დაიძრა, ამოქმედდა თურქეთიც. თბილისში ერთდროულად ჩამოვიდნენ ელჩები სტამბოლიდან და პეტერბურგიდან. ამავე დროს ირანმა გვარდიის უფროსად (ე. ი. ყულარალასად) დანიშნა ბაქარ ვახტანგის ძე ბაგრატიონი და სთხოვა მას ეკისრა ავლანთა წინააღმდეგ ბრძოლის მოთავეობა. ცოტა ხნით ადრე თბილისში იმყოფებოდა განძასარის კათალიკოსი ესაია ჭალალიანი, რომელმაც ქართველებს ამიერკავკასიის გაერთიანება შესთავაზა რუსეთის მფარველობის გარანტიით. უალრესად რთული ვითარება იდგა. საჭირო იყო ზუსტი მოქმედება... ბაქარი და ზოგიერთი დიდებული ნადრეველ მიიჩნევდნენ აშკარად რუსეთის მხარეზე გამოსვლას — ბაქარმა გადაწყვიტა მიეღო ირანის გვარდიის მთავარსარდლობა. მაგრამ ვახტანგ VI-ს უკვე მიღებული ჰქონდა გადაწყვეტილება — მან არჩევანი რუსეთზე შეაჩერა. ერთობლივი გეგმის შესაბამისად, ვახტანგ VI დაიძრა განჯისაკენ. სადაც მას შეუერთდა სომეხთა სახალხო ლაშქარი. აქ ვახტანგ VI 3 თვე ამაოდ უტდიდა პეტრე I-ს; რუსეთის არმიამ დაიკავე კასპისპირეთის პროვინციები, რის შემდეგ პეტრე I რუსეთში გაბრუნდა. აღმოსავლეთ საქართველო აღმოჩნდა განრისხებული თურქეთისა და ირანის პირისპირ, მოკავშირის გარეშე. ვახტანგ VI-მ სცადა თურქეთთან მორიგება და მას პოლიტიკური კავშირი შესთავაზა; მეფე ამ ნაბიჯს სამანევრო ღონისძიებად მიიჩნევდა. იგი რუსეთის იმპერიის ერთ-ერთ მოხელეს სწერდა: „თურქეთს ვუთხარით, „გეყმობითო“, აქამდე რომ ფოცხერის ქანგისაგან გამოხსნას ვეხვეწებოდით, ახლა ბაბრის ქანგში არ შეგვაგდონ“¹⁴... მართლაც, მერმინდელი ვითარება ქართლისა და თბილისისათვის სავალალო აღმოჩნდა. „ბაბრი“ თავისი კლანჭებით აქეთკენ მოიწევდა.

თბილისი ოსმალობა-ჟიზილბაშოვის დროს

ოსმალთა გაბატონება თბილისში

XVIII საუკუნის 20-იან წლებში ამიერკავკასიაში პოლიტიკური სიტუაცია მეტად დაიძაბა. ირანში შაჰ ჰუსეინის ზეობის დროს (1694—1722 წწ.) კრიზისული მდგომარეობა შეიქმნა. ხელისუფლებას არაერთხელ აუჯანყდნენ ქვეშევრდომები. 1722 წ. ყანდაარის მფლობელმა ავლანელმა მირ-მაჰმუდმა ირანის პროვინციებს შეუტია, შაჰის არმია დაამარცხა,

¹⁴ შ. მესხია, და სხვ., თბილისის ისტორია, 1958, გვ. 184.

ქალაქი ისპაჰანი აიღო და თავი შაჰად გამოაცხადა. ტახტის კანონიერი მემკვიდრე 18 წლის თამაზი მისმა მომხრეებმა ყაზვინს გააპარეს და ისიც შაჰად აკურთხეს.

ოსმალეთის სულთანმა ეს სიტუაცია თავისი მიზნებისათვის ხელსაყრელად ჩათვალა. მირ-მაჰმუდს დახმარება შესთავაზა. ოსმალეთს სურდა. ხელთ ეგდო ირანის სამფლობელოები ამიერკავკასიაში, მათ შორის ქართლის და კახეთის სამეფოებიც. ამ მიზნისათვის იგი მომენტს შესაფერისად თვლიდა, დროს არ კარგავდა და საომარი მოქმედებისათვის ემზადებოდა. 1722 წელსავე კონსტანტინოპოლელ რუს რეზიდენტს ცნობა ჰქონდა, რომ ოსმალელებს განზრახული ჰქონდათ 50 000-იანი არმიით ქართლში შეჭრა და თბილისის აღება¹⁵.

თავისი მიზნები ჰქონდა ამიერკავკასიაში რუსეთსაც. შავ და კასპიის ზღვებს შორის მდებარე სახელმწიფო ერთეულებთან კავშირით თუ სხვა გზით იქ დამკვიდრება რუსეთისათვის გარანტია იყო ამ ზღვებზე კონტროლის დასაწესებლად, რასაც, გარდა ეკონომიკურისა, უდიდესი პოლიტიკური მნიშვნელობაც ჰქონდა.

აღმოსავლეთ საქართველო ამ დროს ორ სამეფოდ — კახეთისა და ქართლისად იყო გაყოფილი. კახეთის და ქართლის მეფეები ირანის შაჰის ხელდებულებად ითვლებოდნენ. მიუხედავად ამისა, მათი მიზნები და დამოკიდებულება მოვლენებისადმი სხვადასხვა იყო.

კახეთის მეფე კონსტანტინე (მაჰმადიანობაში მაჰმად-ყული ხანი) შაჰის ერთგული ყმა და მისი ნების ამსრულებელი იყო. ირანის შაჰის ჰუსეინის გარდაცვალების შემდეგ კონსტანტინე ტახტის კანონიერი მემკვიდრის თამაზის მხარეს იჭერდა და თავის ქვეყანაში მისი ინტერესების დამკველადაც გამოდიოდა. კონსტანტინე ქართლის სამეფო ტახტსაც უმიზნებდა, ქართლის სატახტო ქალაქი კი თბილისი იყო. ირანის პოზიციები XVIII ს. 20-იან წლებში თუმცა შესუსტებული იყო, კონსტანტინე დამხმარე ძალად მაინც მას ვარაუდობდა.

ქართლის მეფე ვახტანგ VI კი ირანის დამოკიდებულებისაგან თავის დასაღწევად დროს შესაფერისად თვლიდა და ირანს დიდ ძალას — პეტრე დიდის რუსეთს უპირისპირებდა. ქართლის მეფის კავშირი რუსეთთან, 1721—1722 წწ. კამპანიის შემდეგ, საყოველთაოდ ცნობილი გახდა. ეს საქმეს ართულებდა. ამიერკავკასიაში პირველობისათვის სწრაფი მოქმედება იყო საჭირო. ერთ-ერთი მტკიცენული საკითხთაგანი ძალთა კილილში თბილისის დაუფლების საკითხიც იყო.

თბილისი ამ დროისათვის არა მხოლოდ მნიშვნელოვანი ქალაქი იყო თავისი ეკონომიკური და სოციალურ-პოლიტიკური სტრუქტურითა და ყოფით, არამედ მნიშვნელოვანი „ციხეც“ თავისი სტრატეგიული მდე-

¹⁵ Очерки истории СССР, XVIII в. Первая четверть, М., 1954, с. 604.

ბარეობით. მისი დაპატრონება მთელ ამიერკავკასიაზე ბატონობის გარანტია იყო. ამიტომ ბრძოლა ამ ქალაქისათვის მნიშვნელოვან მასშტაბებს ლეზულობდა. ეს იყო ბრძოლა ამიერკავკასიაში პირველობისათვის, როდესაც ერთმანეთს შეეჯახა სამი უცხო სახელმწიფოს — რუსეთის, ირანისა და ოსმალეთის ინტერესები.

თბილისის კანონიერი პატრონების — ქართლის სამეფოს მესვეურთა წინაშე რთული ამოცანა დადგა: ქვეყნის გადასარჩენად მათ უნდა შეენარჩუნებინათ თბილისი. ქართლის მეფე იმედებს მოკავშირე ძალებზედაც ამყარებდა: „დიდმა კელმწიფემ არ დაგვაგდოს და არ უგულვებელგეყოს... მოგვეხმაროს“, — წერდა ვახტანგ VI რუსეთის დიდმოხელეებს¹⁶, მაგრამ დახმარება იგვიანებდა. თბილისისათვის ბრძოლა კი თანდათან მწვევდებოდა.

ამ ბრძოლების შესახებ ცნობები შემოინახეს როგორც ქართულმა, ისე არაქართულმა წყაროებმაც. სომეხ კათალიკოს ესაია ჯალალიანცის ცნობით, თბილისისათვის ბრძოლას აწარმოებდნენ დეკემბრის პირველიდან¹⁷. სომეხი ავტორი აქ 1722 წ. გულისხმობს.

1722 წ. 2 ნოემბერს გარდაიცვალა კახეთის მეფე დავითი (იმამ-ყული ხანი)¹⁸. კახეთის ტახტზე მისი ძმა კონსტანტინე (მაჰმად-ყული ხანი) ავიდა. იგი შაჰის ერთგული ყმა იყო. ქართლის მეფის ვახტანგ VI-ის რუსეთთან დაკავშირება კი ირანისათვის მიუღებელი სვლა აღმოჩნდა. ამ საქციელისათვის ირანს ვახტანგი უნდა დაესაჯა. სეხნია ჩხეიძის ცნობით, შაჰმა ქართლი ვახტანგს ჩამოართვა და კონსტანტინეს უბოძა. სეხნიას სიტყვებით, ეს მომხდარა 1723 წლის 10 იანვარს¹⁹. კონსტანტინეს ბრძანება ჰქონდა შაჰისაგან — ვახტანგ მეფე განდევნე და ქართლი დაიპყარიო. ქართლის წინააღმდეგ მას სწრაფად უნდა დაეწყო მოქმედება. ბრძოლები თბილისის დასაქერად 1723 წ. იანვარში დაიწყო²⁰. პირველ შეტევას თბილისზე დაზვერვის ხასიათი ჰქონდა.

ვახუშტი ბატონიშვილს თავის ისტორიაში თბილისისათვის ბრძოლის თარიღები არა აქვს მოცემული, ქრონოლოგიურ ცხრილში კი მიუთითებს, რომ მაჰმად-ყული ხანი ავლაბარს მთადგა 1723 წლის იანვარში²¹. სეხნია ჩხეიძის თხრობა თბილისისათვის ბრძოლების შესახებ მოსდევს 1723 წ. 10 იანვრის თარიღს²². ისე რომ აქაც, თბილისის დაუფლებისათვის

¹⁶ Броссе М., Переписка на иностр. языках грузинских царей с российскими государями, СПб., 1861, с. 149.

¹⁷ ვ. ნ ა ლ ბ ა ნ დ ი ა ნ ი, თბილისი ძველ სომხურ მწერლობაში, 1959, თბ., გვ. 149.

¹⁸ დ. მ ე გ რ ე ლ ა ძ ე, მასალები XVIII ს. 20-იანი წლების ქართლ-კახეთის ისტორიისათვის, მსკი, ნაკვ. 33, 1960, გვ. 168.

¹⁹ ს. ჩ ხ ე ი ძ ე, დასახ. ნაშრომი, გვ. 35; ვ ა ხ უ შ ტ ი, ქართლის ცხოვრება, IV, გვ. 911.

²⁰ ო მ ა ნ ხ ე რ ხ ე უ ლ ი ძ ე, ამბავნი ქართლისანი, 1981.

²¹ ქართლის ცხოვრება, IV, გვ. 911.

²² ს ე ხ ნ ი ა ჩ ხ ე ი ძ ე, დასახ. ნაშრომი, გვ. 35.

ბრძოლების დაწყების თარიღად 1723 წ. იანერის მეორე ნახევარი უნდა ვივარაუდოთ. იანერის 30-ს კახ-ბატონს კიდევ დაუჭერია თბილისის ერთი უბანი — ავლაბარი²³, მაგრამ პოზიცია ვერ შეუწარმუნებია. ვახტანგს მისი ვაჟი ბაქარი წამოშველებია. კახ-ქართლელთა შორის თავგანწირული ბრძოლა გაჩაღებულა. კახელი მეომრები უკუქცეულან, მცხეთას გასულან და იქ დაბანაკებულან. ქართული წყაროს ცნობით, კახელები თბილისს 1723 წ. თებერვლის გასულს გასცილან. მაშასადამე, კახ-ბატონი თბილისს ერთი თვის განმავლობაში ფლობდა.

მცხეთა სტრატეგიული პუნქტი იყო. მცხეთის ჩაკეტვით გზა ეკეტებოდა თბილისის დასახმარებლად წამოსულ ჯარს შიდა ქართლიდან. კახელების მიერ მცხეთის დაკავება ქართლის ძალების გათიშვას იწვევდა და დამხმარე ძალებს მანევრირებისათვის გზა ეკეტებოდათ. ასეთ შემთხვევაში მცხეთის ხელში ჩაგდებას თბილისის გადასარჩენად სასიცოცხლო მნიშვნელობა ენიჭებოდა. ამიტომაც ქართლელები მცხეთის დაკარგვას ადვილად ვერ შეურიგდებოდნენ. თბილისის დაუფლებისათვის მეტოქეობამ ტერიტორიულად მცხეთას გადაინაცვლა. წყაროები არაფერს ამბობენ, ჰქონდათ თუ არა მცხეთაში კახელებსა და ქართლელებს მწვავე შეტაკებანი, მაგრამ, ჩანს, კახელები მცხეთის დატოვებას ადვილად არ აპირებდნენ და თვენახევარზე მეტი ხნის განმავლობაში იქიდან ფეხს არ იცვლიდნენ. მაშინ ქართლელებს ბრძოლის გარკვეული ხერხისათვის მიუძართავთ. დიდი ხუთშაბათი თენდებოდა — 11 აპრილ²⁴.

მართლმადიდებელი კახელები სვეტიცხოვლის ტაძარში შევიდნენ სალოცავად. მცხეთელმა დეკანოზმა დანიელ ზუმბულიძემ მლოცველებს ეკლესიის კარი გარედან გადაუკეტა. მახლობლად ჩასაფრებულმა ქართლელებმა ხელთ იგდეს კახელები, თითო-თითოდ ხელშეკრულები გამოიყვანეს ეკლესიიდან და ქართლის მეფეს მიჰგვარეს თბილისს. კახელთა დაპატიმრების ოპერაციაში 600 კაცით მონაწილეობდა ვახტანგ VI-ის ვაჟიშვილი ვახუშტი ბატონიშვილი²⁵. საფიქრებელია, ვახუშტის მონაწილეობა შემთხვევითი არ იყო და ის, როგორც საბარათიანოს სარდალი, ქვემო ქართლის ლაშქრით ეხმარებოდა მეფე-მამას სამხედრო ოპერაციებში.

ამ ამბავს კახეთის მეფემ თბილისზე ახალი იერიშით უპასუხა. სეხნია ჩხეიძის ცნობით, კონსტანტინე სეიდაბადს დადგა, ხიდი აღადგინა, მტკვარზე გავიდა და თაბორი დაიჭირა²⁶. სეხნია მოგვითხრობს — „იყო

²³ საქართველოს ისტორიის ქრონიკები XVII—XIX სს. ტექსტები გამოსაცემად მოამზადა, გამოკვლევა. შენიშვნები და განმარტებები დაურთო ავ. იოსელიანმა, თბ., 1980. გვ. 54.

²⁴ იქვე.

²⁵ ქართლის ცხოვრება. IV, გვ. 502.

²⁶ ს ე ხ ნ ი ა ჩ ხ ე ი ძ ე, დასახ. ნაშრომი, გვ. 35—36.

სროლა უწყვეტელი და მიუმართეს ზარბაზანი ხიდსა ავლაბრისასა და დაკრეს ხიდისა ძელსა, გასწყვიტეს ძელი ხიდის და ჩაცვივდა წყალსა შიგან²⁷. სეხნიას ცნობა რამდენადმე ბუნდოვანია. კერძოდ, არ ჩანს ვინ „გასწყვიტა“ ავლაბრის ხიდი. საქმე ისაა, რომ სეიდაბადი, სადაც წყაროების მიხედვით კონსტანტინე დადგა, და თაბორი, რომელიც შემდეგ მანვე აიღო, მტკვრის მარჯვენა მხარეს მდებარეობს. კახეთიდან მოსული ჯარი კი თბილისს მტკვრის მარცხენა მხრიდან უნდა მოსდგომოდა. ამიტომ ხიდის ჩაწყვეტით ქართლელები უნდა ყოფილიყვნენ დაინტერესებული. სეხნიას თხრობას ავსებს „საქართველოს ისტორიის ქრონიკებში“ დაცული ერთი ცნობა, რომლის მიხედვითაც ავლაბრის ხიდს თელეთიდან უშენს ზარბაზანს მეფის ძე ბაქარი და ანგრევს კიდეც²⁸. ამის შემდეგ გასაგები ხდება, რომ კონსტანტინე იძულებულია სახელდახელო ხიდი გასდოს „ხალვათ გარისა ბოლოს“²⁹, ჯარი გადაიყვანოს მტკვრის მარჯვენა ნაპირზე და თაბორს შეუტეოს. კახელებმა თაბორი დაიჭირეს, მაგრამ მისი შენარჩუნება ვეღარ შეძლეს. ვახტანგის ჯარმა იმარჯვა, კახელები ამოწყვიტეს და საკუთარი ძალების დიდი მსხვერპლის ფასად თაბორი დაიბრუნეს. კონსტანტინე უკან გაბრუნდა, მტკვარზე გავიდა, მეფის ძე ბაქარი დაედევნა. ამ დროს ქართლელებში უთანხმოებამ იჩინა თავი. ქართლელ დიდებულთა ერთ ნაწილს ბაქარისათვის ხელი შეუშლია და იგი შეუჩერებიათ. კონსტანტინე დატყვევებას გადაურჩა, გაიქცა და დასახმარებლად უცხო ძალას — ქარელ ლეკებს მიმართა.

თაბორთან კონსტანტინეს დამარცხების თარიღში წყაროების მონაცემები თითქმის ემთხვევა ერთმანეთს. ვახუშტის ქრონოლოგიური ცხრილის მიხედვით, მაჰმად-ყული ხანი თაბორზე დამარცხდა აპრილის ივ (16 აპრილს)³⁰. ესაია ჯალალიანცის ცნობით, თბილისისათვის ბრძოლა 1722 წ. 1 დეკემბრიდან „ვიდრე წმინდა აღდგომის დღესასწაულამდე“ გრძელდებოდა³¹, ქართველების აღდგომა კი 1723 წ. 14 აპრილს მოდიოდა³². „საქართველოს ისტორიის ქრონიკების“ მიხედვით, ვახტანგ VI 12 აპრილს დაესხა თავს კახთ-ბატონს და გააქცია³³.

როგორც ვხედავთ, წყაროთა ჩვენებანი სულ 5 დღის სხვაობას იძლე-

²⁷ ს ე ხ ნ ი ა ჩ ხ ე ი ძ ე, დასახ. ნაშრომი, გვ. 35—36.

²⁸ საქართველოს ისტორიის ქრონიკები, დასახ. გამოც., გვ. 55.

²⁹ „ხალვათ გარის ბოლოს“ შესახებ იხ. თ ე ი მ უ რ ა ზ ბ ე რ ი ძ ე, ძველი თბილისის გარეუბნების ისტორია, თბ., 1977, გვ. 79, 84, 85.

³⁰ ქართლის ცხოვრება, IV, გვ. 502.

³¹ ვ. ნ ა ლ ბ ა ნ დ ი ა ნ ი, დასახ. ნაშრომი, გვ. 149.

³² ეს თარიღი დაგვიზუსტა აწ განსვენებულმა ვიქტორ გუჩუამ.

³³ საქართველოს ისტორიის ქრონიკები, დასახ. გამოც., გვ. 55.

ვიან: 12, 14, 16 აპრილს³⁴. ამიტომ თამამად შეიძლება ითქვას, რომ 1723 წ. აპრილის შუა რიცხვებში დასრულდა თბილისისათვის ბრძოლის ერთი ეტაპი, სადაც არცთუ ადვილი ბრძოლებით გაიმარჯვეს ქართლებმა.

მშვიდობა დიდხანს არ გაგრძელებულა. მალე ქარელი ლეკებით კონსტანტინე კვლავ მოადგა თბილისს. ამჯერად კონსტანტინეს ლაშქარმა სამპირად შეუტია ქალაქს. ქართლებმა მტკვარზე ხიდის აყრა ვერ მოასწრეს. სასტიკი ბრძოლა გაჩაღდა. ქართლები დამარცხდნენ. ვახუშტი ბატონიშვილი გულისტკივილით აღნიშნავს, რომ ქართლელთა დამარცხება ლალატის შედეგად მოხდაო: „იხილე ორგულობა... მუნ მდგომმა სუმონ (მეფის ძმამ—დ. მ.) არა აპყარა კიდი, არცა განამაგრნა საფარნი, ეგრევე ქართველთა დაუტევეს მეფე კელთა შინა მტრისათა“. ქართლებმა გაქცევით უშველეს თავს. მეჭინბემ მეფეს და მის ძეს ბაქარს სასწრაფოდ მიჰგვარა ცხენები³⁵.

თბილისის მოსახლეობის ნაწილი კვლავ ერთგული რჩებოდა ვახტანგისა. სეხნაის ცნობით, ლტოლვილ მეფეს მოქალაქეები დახვდნენ ქაშვეთს და „დაუწყეს წვევა ქალაქსა შიგან“. მაგრამ ქართლელთა ლაშქარი გატეხილიყო და ვახტანგს საკუთარი ძალების იმედი აღარ ჰქონდა. ქართლის მეფემ თბილისი დატოვა... ამის შემდეგ იგი დედაქალაქს აღარასოდეს დაბრუნებია.

ვახტანგი ფიქრობდა, რომ თბილისის დატოვება ჯერ კიდევ არ ნიშნავდა ქვეყნის მთლიანად დაკარგვას და კვლავ უცხო ძალას მოუწოდებდა დახმარებისათვის, მაგრამ უკვე გვიან იყო... ისტორიის შემდგომმა მსვლელობამ ვახტანგს საკუთარი ქვეყანაც დაატოვებინა...

კონსტანტინემ თბილისი დაიკავა. ვახუშტის ცნობით, ეს მოხდა 1723 წ. 4 მაისს.

კონსტანტინეს კახელ-ლექთა ლაშქარი ქალაქს შეესია. დაიწყო რბევა-ალაფობა, მშვიდობიანი მოსახლეობის აწიოკება, ხოცვა-ჟლეტა. „კახი ბატონი შეუხდა ქალაქსა, ააოხრა, ამოსწყვიტნეს მოქალაქენი, აიკლეს საქონელი ურიცხვი. შეუხდენ სიონსა, დასწვეს, შეაგინეს სიწმინდე, ხატი პატიოსნისა სიონთა ლუთისმშობელი წაიღეს, დღესაც არ ვიცით, რა

³⁴ თაბორთან ბრძოლაში დაღუპული გივი ამილახორის ძის ეპიტაფიაზე, რომელიც თავის დროზე პ. კარბელაშვილს გადმოუღია, მიწერილია: „1722 16 აპრილი“ (სცხა, პ. კარბელაშვილის პირადი არქივი, რე. 14, გვ. 35). 16 აპრილი აღებული უნდა იყოს ვახუშტის ქრონოლოგიური ცხრილიდან. ხოლო შეცდომა (1722 წელი და არა 1723) გადმოწერილი ეპიტაფიის ქორნიკონიდან — „უი — მომდინარეობს. ქორნიკონი უი მართლაც 1722 წელია. 1723 წელი კი იქნებოდა უია. შესაძლოა ბოლო კიდური ასო — ა — ეპიტაფიის წაკითხვის მომენტში უკვე წაშლილი იყო. თბილისისათვის ბრძოლაში გიორგი ამილახორის დაღუპვაზე მიუთითებს სეხნია ჩხეიძეც. გვ. 36.

³⁵ ვ ა ხ უ შ ტ ი. ქართლის ცხოვრება, IV. გვ. 503.

უყვეს...“ — გულისტყვილით მოგვითხრობს სეხნია³⁶, „იავარ-ყენეს და მრავალნი ტყვე-ყენეს“. გადმოგვეცემს ვახუშტი. შემოსეულ მტერს თბილისში მყოფი ყიზილბაშებიც წაშველებიან. ვახუშტის სიტყვებით, სიონის აკლესია სწორედ მათი საქმე იყო: „გამოვიდნენ მცველნი ციხის თათარნი (ე. ი. ყიზილბაშები—დ. მ.) და დაწუეს სიონი და შემეუსრეს ხატი ყოვლად წმინდისა ლუთისმშობლისა სიონისა“³⁷. ქართველი ისტორიკოსების ცნობებს ადასტურებს მომხდარი ამბების თვითმხილველი სომეხი კათალიკოსი ესაია ჭალალიანციც. მისი ცნობით, ლეკებმა თბილისი „გაძარცვეს, დააცარიელეს, დიდი ნადავლი წაიღეს, ყრმანი და ბავშვები, დედაკაცები და ქალები, თვალთ მოსაწონი, ტყვედ წაასხეს“³⁸.

სასტიკმა მოძალადეებმა ესეც არ იკმარეს და დაქირავებულმა ლეკებმა კონსტანტინეს შეპირებული ჭამაგირი 40 000 თუმანი მოსთხოვეს³⁹. სისხლისაგან დაცლილ ქალაქს კონსტანტინემ ეს თანხაც გამოსწოვა.

1723 წ. თბილისისათვის წარმოებული ბრძოლები გამოძახილი იყო იმდროინდელი საერთაშორისო მდგომარეობისა, როდესაც ამიერკავკასიაში პირველობისათვის ერთმანეთს გადაეჭაჭვა სამი დიდი სახელმწიფოს — რუსეთის, ირანისა და ოსმალეთის ინტერესები.

ამრიგად, თბილისისათვის ბრძოლები ფაქტიურად დაპირისპირებულ უცხო ძალებს შორის (ოსმალეთი, სპარსეთი) მიმდინარეობდა, მაგრამ ბედის დაცინვა ის იყო, რომ ამ ბრძოლებს მკვიდრი ძმები — ქართლელები და კახელები უმოწყალოდ ეწირებოდნენ.

მდგომარეობას ისიც ართულებდა, რომ ერთსულოვნება თვით ქართლელებსა თუ კახელებს შორისაც არ იყო. თუ კონსტანტინეს დადევნებულ ბაქარს „ზაკვთ“ ქართლელი დიდებულები გაუდგნენ და კახეთის მეფე დატყვევებას გადაარჩინეს, სამაგიეროდ, თბილისისათვის ერთ-ერთ ბრძოლაში გამარჯვებულ ვახტანგ VI-ს კახელი წარჩინებულები მიემხრნენ სეიდაბადს: „მოვიდნენ და მოერთუნენ მეფესა ყოველნი წარჩინებულნი კახნი სეიდაბადსა შინა“. კახელების ეს ჭგუფი უთუოდ პირადად კონსტანტინეს მოწინააღმდეგე და მეორე მხრით, ანტიირანულად განწყობილ პირთაგან იქნებოდა შემდგარი.

ქართლის მეფისადმი ერთგულებით ვერც ზოგიერთმა ქართლემა თავადმა გამოიჩინა თავი და, როდესაც თბილისს კონსტანტინე დაეუფლა, მას ქართლელი თავადები გიორგი ერისთავი, შანშე ქსნის ერისთავი, ბარათიანნი და ზოგიც საციციანონი მოუვიდნენ⁴⁰.

ერთსულოვნება არც თვით თბილისის მოსახლეობაში იყო. ქართველი

³⁶ ს ე ხ ნ ი ა ჩ ხ ე ი ძ ე, დასახ. ნაშრომი, გვ. 36.

³⁷ ქართლის ცხოვრება, IV, გვ. 503.

³⁸ ვ. ნ ა ლ ბ ა ნ დ ი ა ნ ი, დასახ. ნაშრომი, გვ. 151.

³⁹ იქვე.

⁴⁰ ე ა ხ უ შ ტ ი. ქართლის ცხოვრება, IV, გვ. 504.

თუ არაქართველი მოქალაქეები, ქრისტიანი თუ შიიტ-სუნიტი ვაჭარ-ხელოსნები, მკვიდრი ქალაქელები თუ შემოხიზნული სტუმრები, თბილისისათვის ბრძოლებში თავთავიანთი თვალთახედვით ხელმძღვანელობდნენ და მათი ორიენტაციისა თუ ამა თუ იმ მხარეზე ბრძოლებში მონაწილეობის მიღება იმაზე იყო დამოკიდებული, რამდენად „სარგებლიანი“ იქნებოდა მათთვის თბილისის ძველი თუ ახალი პატრონი. ეს გარემოება კი გარკვეულად ართულებდა ისედაც დაძაბულ მდგომარეობას.

ვახტანგ VI-მ, მართალია, თბილისი მტერს დაუტოვა, მაგრამ, როგორც ითქვა, იგი ბრძოლას ჯერ კიდევ საბოლოოდ წაგებულად არ თვლიდა და იმედს უცხო ძალებზე ამყარებდა. მას, თუმცა არ უნდოდა რუსეთთან საბოლოოდ ურთიერთობის გაფუჭება, რეალურ ძალად ამ კონკრეტულ შემთხვევაში იგი მაინც ოსმალეთს თვლიდა. ამიტომ დასახმარებლად ოსმალებს მიმართა: „ჩვენ ხომ ორის კელმწიფის ბრძოლა არ შეგვეძლო (ხონთქარისა და შაჰის), ჩვენ ხონთქარს ყმობა შეუთვალეთ“ — წერდა ვახტანგი პეტრე I-ს 1723 წ. 10 მაისს. მაგრამ იგი უკან დასახვე გზასაც იტოვებდა და დასძენდა — თუ შენი დახმარება იქნება, შენი ერთგული ვიქნებიო: „თუ მაგათი გამობძანება გველირსება, მანამდის თავს შევიინახავთ, მერმე მაგათი მოსამსახურე ვიქნებითო“⁴¹. სამწუხაროდ, რუსეთის დიპლომატიამ ვახტანგს მხარი ვერ აუბა. რუსეთიდან დახმარება იგვიანებდა. ქართველები მაინც რუსთა მოიმედედ რჩებოდნენ. ვახუშტი ბატონიშვილს, ბრძოლების უშუალო მონაწილესა და მეფე-მამის თანამოაზრეს, არაერთხელ აქვს აღნიშნული, რომ ვახტანგი ბოლომდე რუსთა მოიმედედ რჩებოდა და, მიუხედავად თავისივე მოწვევისა. ოსმალთა დაჟინებით თხოვნას ქართლში შემოსვლისას სხვადასხვა საბაბით აკიანურებდა. ოსმალეთი კი ჩქარობდა. მათ ისარგებლეს კონსტანტინეს თბილისში ყოფნით. მომენტი შესაფერისად ჩათვალეს — ვახუშტის სიტყვებით, „იხილა ჟამი მარჯუე“. ვახტანგს ყიზილბაშებისაგან თბილისის გათავისუფლება და ხონთქარისაგან ქართლის მეფედ დამტკიცება შესთავაზეს. ვახტანგი იძულებული იყო დათმობაზე წასულიყო. ოსმალეთმა მოქმედება დაიწყო. „დასახმარებლად“ წამოსული ოსმალთა დიდი ლაშქარი ტაშირს მოადგა. იქიდან — ყურყუთას (სოლანლულს).

ოსმალთა ლაშქარს მეფის ძე ბაქარი შეეგება. თბილისში მჭდომმა კონსტანტინემ მდგომარეობა შეაფასა, ოსმალებს ისიც მიეგება და მათ ქალაქის ციხის გასაღებიც მიართვა. „ერთგულების“ მიუხედავად, ოსმალებმა კონსტანტინე მაინც დააპატიმრეს. თბილისი და მთლიანად ქართლი ბაქარს გადასცეს. როგორც აკად. ს. ჯიქია აღნიშნავს, ოსმალები შეეცადნენ ამით ქართლის მოსახლეობაში ბაგრატიონთა სახლის ავტორიტეტი გამოეყენებინათ. ბაქარი გაამაჰმადიანეს, იბრეიმ ფაშა უწოდეს და საგან-

⁴¹ Броссе М. Переписка..., გვ. 148.

გებო ფირმანით ოსმალეთის სულთანმა აჰმედ III-მ ბაქარს თბილისის ვილაიეთის (ქართლის) ბეგლარბეგობა უბოძა და ნაბოძები ჟურთლუჯისა და ოჯალიკის წესით ჩააბარა. ეს კი იმას ნიშნავდა, რომ ბაქარს თბილისის ვილაიეთი მუდმივ სამემკვიდრეო მფლობელობაში ეძლეოდა⁴².

ოსმალთა დიდმოხელედ დანიშნულ გამაჰმადიანებულ ბაქარს (იგივე შაჰნავაზს ანუ იბრეიმს) ყოველ წელს ოსმალეთის ხაზინის სასარგებლოდ 40 000 ყურუმის გადახდა დაეკისრა⁴³.

ოსმალთა მიერ გაღებული ამ „მოწყალების“ საფასურად ვახტანგმა ხონთქარს ძვირფასეულობით დატვირთული 12 ჯორი გაუგზავნა⁴⁴.

თბილისში ოსმალები შემოვიდნენ. ქუჩუკ ჩელები ზადეს ცნობით, ქალაქში არეულობა დაიწყო. მოსულმა ოსმალებმა აქ მყოფ სპარსელ ვაჭრებს შეუტყეს. ადგილობრივ მოსახლეობაში გაზშირდა ბოროტმოქმედება. ბოროტმოქმედებს ოსმალთა მოხელეებმაც აუბეს მხარი. ქუჩუკ ჩელები ერთ-ერთი ოსმალთა მოხელის შესახებ აღნიშნავდა: „სიხარბემ სძლია, მხოლოდ და მხოლოდ ქონების სახვეჭად თბილისში დადგა 132 დღე, რამაც მოსახლეობა ააფორიაქა და ლაშქარი აღაშფოთა“⁴⁵. ასეთ პირობებში ადვილი წარმოსადგენია, რად უღირდა თითოეული დღე მრავლის მნახველ თბილისის 132 დღის განმავლობაში!

ოსმალთა პატიმარი კონსტანტინე მალე ციხიდან გაიპარა. ბაქარიბრეიმი თბილისში იჯდა. ოსმალურ გარემოცვაში, ოსმალ დიდმოხელის ტიტულით თბილისში ყოფნა მას უფრო პატიმრად აქცევდა, ვიდრე ქართლის მეფედ. მოსალოდნელი იყო დღეს ან ხვალ ოსმალებს ბაქარისთვისაც შეეციათ. ბაქარს თავი უნდა დაეღწია ამ მდგომარეობისათვის. ნადირობის საბაბით, ერთგული კაცებით იგი თბილისს გაეცალა. სამშვილდის ციხეში მივიდა, იქიდან კი რუსეთის გზაზე შემდგარ მეფე-მამასთან ცხინვალში გადავიდა.

ამრიგად, ოსმალებით სავსე თბილისის ბაქარმაც მტერს ჩაუტოვა ხელში. სეხნია ჩხეიძე თითქოს მალავს ბაქარის საქციელის ნამდვილ მიზეზებს და მისი გამართლებისათვის წერს, რომ იგი „ჩვეული იყო ლხინსა და ნადირობასა, ბურთაობასა და სიმხიარულესა“ და „ამათ შიგან არც ერთი არ ეგებოდა“ და ამიტომ შეექმნა ბაქარს „კმუნვა და შეუძლებლობა ურუმთ შიგანო“⁴⁶.

ომან ხერხეულიძე კი პირდაპირ მიუთითებდა ნამდვილ მიზეზზე — ბა-

⁴² ს. ჯ ი ქ ი ა, სულთან აჰმედ III-ის ფირმანი ბაქარ ბაგრატიონს. ქართული წყაროთმცოდნეობა, III, თბ., 1971, გვ. 278—282.

⁴³ ცნობები ქუჩუკ ჩელები ზადეს ისტორიიდან. იხ. გ უ რ ჯ ი ზ ა დ ე. თბილისის დაპყრობის წიგნი, გვ. 47—48.

⁴⁴ ვ ა ხ უ მ ტ ი, ქართლის ცხოვრება, IV, გვ. 505.

⁴⁵ გ უ რ ჯ ი ზ ა დ ე. დასახ. ნაშრომი, გვ. 48—49.

⁴⁶ ს ე ხ ნ ი ა ჩ ხ ე ი ძ ე, დასახ. ნაშრომი, გვ. 37.

ქარი ოსმალთა გარემოცვაში თვისი პრესტიჟის შელახვას ხედავდა. „ვინათგან არა ნებისაებრ ამეფეს იგი (ოსმალებმა), განივლტო მან ოსმალთაგან და მივიდა მამისა თვისისა თანა“⁴⁷.

ერთსულოვნება არც სამეფო ოჯახში სუფევდა და თუ ბაქარი ოსმალებს გადაუდგა და მამას გაჰყვა, ვახტანგის ძმამ იესემ ოსმალთა მხარე დაიჭირა, ოსმალთა რეჟული მიიღო, მუსტაფა დაირქვა, თბილისს დაჭდა და ოსმალთა ერთგულ კაცად იქცა.

1724 წ. თბილისის (და ერევნის) საბოლოოდ დასამორჩილებლად ხონთქარი რაჯაბ-ფაშას აგზავნის. ამ დროს ახალციხის ფაშა ისაყ და მეფის ძმა იესე-მუსტაფა ოსმალთა ლაშქრით ცხინვალს შეფარებულ ვახტანგს უტყვევენ. ვახტანგი ამალით რაქას გავიდა, იქიდან ჩერქეზეთს და დაღესტნის გავლით ასტრახანს ჩავიდა. -

1725 წ. ქართლი ხონთქარმა ისაყ ფაშას უბოძა.

თბილისი

„ოსმალობის“ დროს

ისაყ ფაშას რეზიდენცია თბილისი იყო. წარმოშობით იგი გამაჰმადიანებული ჯაყელების დინასტიიდან იყო და ახალციხის საფაშოს განაგებდა. ქართლში გამოგზავნილ ისაყ ფაშას ოსმალეთის კარმა შეუზღუდავი უფლებები მიანიჭა. ამიტომაც შენიშნავდა ვახუშტი, რომ იგი „დასუეს ვითარცა მეფე ტფილისსაო“⁴⁸.

ოსმალო დამპყრობლებმა თავიანთი წესებით დაიწყეს ბატონობა დაპ-

⁴⁷ ო მ ა ნ ხ ე რ ხ ე ლ ი ძ ე, მეფობა ირაკლი მეორისა მეფის თეიმურაზის ძისა. ზ. კიკინაძის გამოც., ტფ., 1913. გვ. 242.

⁴⁸ ქართლის ცხოვრება, IV, გვ. 503. აკად. ს. ჭიქიას მიერ გამოქვეყნებულ საბუთში ისაყ ფაშა იხსენიება როგორც თბილისის ციხისთავი და ევზირი (ს. ჭიქია, XVIII ს-ის ორი თურქული დოკუმენტი, თსუ შრ., ტ. 99, აღმოსავლეთმცოდნეობის სერია, III, 1962, გვ. 154—155). გურჯიზაძეს თბილისის დაპყრობის წიგნში. სამწუხაროდ, ისაყ ფაშა ისეა ნახსენები, რომ მისი ტიტულატურის გარკვევა ძნელია (იხ. გვ. 20). ქართულ წყაროებში კი იგი მაშინაც, როდესაც თბილისში ზის, „ახალციხის ფაშად“ იწოდება. ვახუშტი მას უწოდებს „ისაყ, ახალციხის ფაშას“ (ქართლის ცხოვრება, IV, გვ. 507). ასევე „ახალციხის ფაშას“ უწოდებს მას ტფილელ-ბოლნელი დომენტი (ი. დ. ო. ლ. ი. ძ. ე., ქართული სამართლის ძეგლები, III, გვ. 712). ტრადიციულად ახალციხის ფაშად იწოდება ისაყ ფაშას შვილი უსუფ ფაშა (საქართველოს სიძველენი, III, გვ. 545). ისაყ ფაშა ისე გარდაიცვალა (იგი მოკლეს 1735 წ.), რომ ჩვენთვის ცნობილ წყაროებში იგი არსად თბილისის ფაშად არ იწოდება, როდესაც ამავე დროს ძალიან მკაფიოდ ჩანს „გორის ფაშა“. ფაქტიურად ისაყი თბილისის ფაშას სახელს ფლობდა. მაგრამ საფიქრებელია, ოსმალეთის მთავრობა ფრთხილობდა თბილისის საფაშოდ გადაქცევისათვის ჭერჭერობით ოპრიდიული სანქციის მიცემას, რადგან შეიძლებოდა ამას მწვავე შედეგები მოჰყოლოდა და ირან-ოსმალეთს შორის ახალი კონფლიქტის საბაბიც გამზდარიყო.

ყრობილ ქვეყანაში. დაიწყო „ოსმალობა“, რაც იმას ნიშნავდა, რომ დაპყრობილ ქვეყანაში ოსმალური სოციალურ-ეკონომიკური წესები უნდა დამკვიდრებულიყო — ქართული მიწათმფლობელობა ოსმალურით უნდა შეცვლილიყო. უნდა შეცვლილიყო აგრეთვე ადგილობრივი საგადასახადო სისტემა, სასამართლო, სარწმუნოება, ყოფა-ჩვეულებანი, საქალაქო ცხოვრება და ა. შ. — ქართლი ოსმალეთის პროვინციად უნდა ქცეულიყო.

მეტად მძიმე იყო „ოსმალობა“ თბილისის მოსახლეობისათვის. თბილისის მოსახლეობის უმრავლესობა ვაჭარ-ხელოსნები იყვნენ. ირან-რუსეთის გამწვავებულმა ურთიერთობამ მათი საქმიანობა შეაფერხა. ამავე დროს თბილისში შემოსულმა ოსმალებმა ირანელ ვაჭრებს საგანგებო ანგარიშსწორება მოუწყვეს. ამით უკმაყოფილო ქალაქის ელემენტები იმთავითვე ქართველი მეფის მხარეზე დადგნენ და ოსმალ დამპყრობელთა წინააღმდეგ ქართლელთა ლაშქარს შეუერთდნენ (ჯალალიანცი).

ოსმალებმა მკაცრი კონტროლი დააწესეს თბილისის ეკონომიკაზე. 1727 წ. მათ აღწერეს ქართლი და შეადგინეს „თბილისის ვილაიეთის დიდი დავთარი“. ამ დავთარში შეტანილია იმდროინდელი ქალაქ თბილისის აღწერაც. დავთარში ქალაქის მოსახლეობა აღწერილია სამრევლოების მიხედვით. აღწერილია 14 ეკლესიის მრევლი. ამას ემატება არსენალის უბანი და ციხის რაბათი⁴⁹.

ოსმალ დამპყრობლებმა თბილისში გადასახადები დაადეს: სამღებროებს, წიქვილებს, ბალებს, ვენახებს... ოსმალებმა აღრიცხეს კრამიტისა და კირის, ზეთისა და სანთლის ქარხნები. ცალკე აღნიშნავენ ბოზხანეს (საყინულეს); აღნუსხული აქვთ აბანოები სეიდაბადის მიდამოებში და ციხის გარეთ; ცალ-ცალკე ასახელებენ ცხენისა თუ ტყვეთა ბაზრებს და სხვ.

დავთარში ჩამოთვლილია თბილისში მოსაქმე მრავალრიცხოვანი ოსმალ მოხელეები, აღნიშნულია მათი სახელოები და ყოველდღიური ულუფა-ხელფასის რაოდენობა; დასახელებულია ოთხი მეჩეთი (სუნიტური), მეჩეთის მსახური პირები და მათი დღიური ხელფასები.

ოსმალთა მიერ აღწერილი თბილისის დავთრის მოკლე ცნობებიდანაც კარგად ჩანს, რომ თბილისის მკვიდრ მოსახლეობას მძიმე ეკონომიკური პირობები შეექმნა და სხვადასხვა სახის გადასახადებისა თუ

⁴⁹ ნ. შენგელია, XV—XIX საუკუნეების საქართველოს ისტორიის ოსმალური წყაროები, თბ., 1974, გვ. 215. დღეისათვის ამ დავთრის ფოტოპირები თბილისშია და მას გამოსაქვეყნებლად ამზადებს ს. ჯიქია. ცნობები თბილისის შესახებ დავთრიდან ამოკრთვა, თარგმნა და გადმოგვცა ისტ. მეცნ. კანდიდატმა ცისანა აბულაძემ, რისთვისაც მას დიდ მადლობას მოვასხენებთ. ეს დავთარი შესანიშნავი წყაროა თბილისის ეკონომიკის, ისტორიული გეოგრაფიის, ონომასტიკის, ქალაქის ეთნიკური შემადგენლობის, მოსახლეობის საქმიანობის, ქალაქის შემოსავლ-გასავლის დასადგენად, სამოხელეო სისტემისა და მოხელეთა ფუნქცია-ანზღაურების საქმეში გასაკრვევად.

მრავალრიცხოვან მოხელეთა ჯამაგირები დაპყრობილ თბილისელებს მძიმე ტვირთად დააწვა.

ადგილობრივ საქალაქო მმართველობას ოსმალები იმთავითვე არ შეხებიათ. მაგრამ თბილისის ადგილობრივი მოხელეები მიიმხრეს და ფაქტიურად დაიქვემდებარეს კიდევაც. ვახუშტის ცნობით. ისაყ ფაშამ „განადიდა მელიქი ტფილისისა აშხარბეგ“⁵⁰. აშხარბეგი ჩამომავლობით თბილისელი მოქალაქე. გვარად ბებუთაშვილი იყო. ოსმალების თბილისში დამკვიდრების დროს იგი ქალაქის ორ სახელოს -- მელიქობასა და მამასახლისობას -- ითავსებდა. იგი თავიდანვე ოსმალების პოზიციებზე დადგა, ქართველ საზოგადოებას ზურგი აქცია და ადგილობრივი ფეოდალური ეთიკისათვის მიუღებელი საქციელითაც არაერთგზის გამოიჩინა თავი. ვახუშტი მოგვითხრობს, რომ აშხარბეგს, ოსმალთაგან ზურგგამაგრებულს, არ მიუღია სადარბაზოდ მისული ქართველი წარჩინებულები — სპასპეტი ლუარსაბ და სხვები. ჩვენ არ ვიცით, რა მიზნით მივიდნენ ქართლელი დიდებულები აშხარბეგთან, მაგრამ შედეგი სავალალო აღმოჩნდა: „მან არ მიხედნა, არცა იხილნა და გამოუტყვნა“⁵¹ დიდებულებიო.

ოსმალთა დამპყრობლები სასჯელის ყოველგვარ ზომებს მიმართავდნენ დაპყრობილი მოსახლეობის დასაშინებლად. მანუჩარ ყაფლანიშვილსა და გიორგი ქაეთარიშვილს ოსმალთა მოხელეებისათვის დაგვიანებით მიუერთმევიათ ცხენები, რის გამოც ოსმალები თვით მათზე შემსხდარან, ლაგამი გაუყეთებიათ და დეზებით ჩხვლეტდნენ⁵². უმნიშვნელო წინააღმდეგობისათვისაც კი ოსმალები სასტიკ ზომებს მიმართავდნენ, როგორც იყო დიდი ჭარბი — „ვერცხლი დიდძალი“, ჩამოხრჩობა და ძელზე გასმა. ვახუშტის მოთხრობილი აქვს, რომ დემეტრე ამილახორისშვილი ორი მსახურით ოსმალებმა ანძას ჩამოაცვეს.

მიუხედავად სასტიკი რეპრესიებისა, „ოსმალობის“ დროინდელი ქართული თბილისური დოკუმენტები გვამცნობენ, რომ თბილისის შეთხლებული მოსახლეობა ძველი ტრადიციებით აგრძელებდა ცხოვრებას. უძრავ-მოდრავი ქონების ყიდვა-გაყიდვის, ოჯახების გაყრა-გარიგების, ვალის თუ პირობის იურიდიულ აქტებზე ხელს ურთავდნენ ქალაქის მოხელეები მელიქი, მამასახლისი (ან მელიქ-მამასახლისი), მოურავი, ნაცვალი და ა. შ. თუ გავითვალისწინებთ, რომ „ოსმალების“ დროს ქალაქის მოხელეები ოსმალთა ხელისუფლებას ექვემდებარებოდნენ, მივიღებთ, რომ თბილისში ჩატარებული ყოველგვარი ოპერაცია ოსმალთა კონტროლის ქვეშ იყო.

ოსმალების დროს ქართლი სამ სასამართლო ერთეულად, თბილისის,

⁵⁰ ვ ა ხ უ შ ტ ი. ქართლის ცხოვრება. IV, გვ. 510.

⁵¹ იქვე.

⁵² იქვე.

გორისა და თრიალეთის საყადლოდ იყო დაყოფილი, სადაც სასამართლო განჩინებანი ოსმალურ საყადო სასამართლოს გამოჰქონდა. „ოსმალურ“ სამართალწარმოებას საფუძვლად ედო შარიათი, ე. ი. მუსლიმანური რელიგიური პრინციპები⁵³. ს. ჭიქიას გამოქვეყნებული აქვს ოსმალური პუჯათები (ამონაწერი ყადის სასამართლო წიგნიდან ყადის მიერ გამოტანილი განაჩენით), რომლებიც თბილისელ ქართველ მოქალაქეთა აღძრულ საჩივრებსა და საყადო სასამართლოს გადაწყვეტილებებს შეიცავენ⁵⁴. ზოგჯერ ასეთი ხასიათის გადაწყვეტილებები ქართულ ენაზედაც ფორმდებოდა. 1729 წ. ვინმე ზაალსა და შერმაზანს სიონის უბანში სახლზე სახლის ადრინდელი პატრონის განაყოფი ქალი წამოდავებია. საქმე ოსმალ მოხელეს უსუფ-ბეგს განუხილავს და სათანადო განაჩენიც გამოუტანია⁵⁵. ზოგჯერ ადგილობრივ ფეოდალურ ურთიერთობათა მოსაწესრიგებლად საქმეში უზენაესი ხელისუფალიც მონაწილეობდა. 1732 წ. ისაყ ფაშა ქალაქის მელიქს ამხარბეგს აცნობებდა, რომ ზაზა გარაყანიძის გლეხები, რომლებიც იყვნენ „ქალაქსა და ავლაბარში და გარეთუბანს“, აეყარა და პატრონისათვის მიებარებინა⁵⁶.

ოსმალები ცდილობდნენ სულიერადაც გაეტეხათ და აბუჩად აეგდოთ ადგილობრივი მოსახლეობა. ისაყ ფაშას ხონთქრის ფირმანი მოსვლია, რათა სიონი, რომელიც სასტიკად დაარბიეს კონსტანტინე კახთა მეფის მეომრებმა, მეჩეთად გადაექცია. ხონთქრის ამ სურვილს ქართველთა მედგარი წინააღმდეგობა დაუპირისპირდა. ქართველებმა დომენტი თბილისის მეთაურობით მოსალაპარაკებლად ისაყ ფაშას გივი ამილახორი მიუგზავნეს. გივი ამილახორს თავი გადაუდვია და „ფეშქაშიც მრავალი“, ე. ი. ქრთამი გაუღია და ისაყ ფაშას განზრახვისათვის ხელი აულებინებია. ეს ამბავი ახალკვირის შაბათს მომხდარა. ამიტომ ახალკვირის წინა შაბათი დღე დომენტი თბილელმა (ორბელიშვილმა) გივი ამილახორის მოსახსენებლად ჟამის წირვის დღედ დააწესა⁵⁷.

მართალია, ამჯერად თბილისის სიონი გადაურჩა მეჩეთად გადაქცევას, მაგრამ ოსმალებს მაინც მოუხერხებიათ და თბილისში 1727 წ. სამი მეჩეთი აუგიათ⁵⁸.

ქართულ ეკლესიას ოსმალებმა თავიდანვე უნდობლობა გამოუცხადეს. და, როგორც ჩანს, არც მთლად უსაფუძვლოდ. შიიტ ოსმალთა წინა-

⁵³ ნ. შენგელია, XV—XIX ს. საქართველოს ისტორიის ოსმალური წყაროები. თბ., 1974, გვ. 219; ს. ჭიქია, ოსმალური იურიდიული დოკუმენტები, აღმოსავლური ფილოლოგია, IV, 1976, გვ. 271.

⁵⁴ ს. ჭიქია, ოსმალური იურიდიული დოკუმენტები XVIII საუკ. პირველ ნახევრის ქართლში, აღმოსავლური ფილოლოგია, I, 1969, გვ. 165—189.

⁵⁵ დოკუმენტები თბილისის ისტორიისათვის (XVI—XIX სს.), თბ., 1962, გვ. 153.

⁵⁶ იქვე, გვ. 158—159.

⁵⁷ ი. დოლიძე, ქართული სამართლის ძეგლები, III, თბ., 1970, გვ. 712.

⁵⁸ ვახუშტი, ქართლის ცხოვრება, IV, გვ. 136.

აღმდეგ ბრძოლას ქართული ეკლესიის მეთაურობით შესაძლებელი იყო საკმაოდ მტკიცე ძალა დაპირისპირებოდა. ამიტომაც მოხდა, რომ ქართლის კათალიკოს-პატრიარქი დომენტი (ვახტანგ VI-ის ძმა) ოსმალებმა კონსტანტინოპოლში გაიწვიეს. წელიწად-ნახევრის საპატიო სტუმრობის შემდეგ იზოლაციაში მოაქციეს, ცხრა წელი „ექსორიაში“ და „დიდ ქირსა და მწუხარებას შინა“ ამყოფეს⁵⁹. დომენტის ნაცვლად ოსმალებმა კათალიკოსად თავიანთი კაცი დასვეს.

„ოსმალთა“ მეტად მძიმე უღელი იყო თბილისის მოსახლეობისათვის. დიდი ნაწილი თბილისისათვის წარმოებულმა სასტიკმა ბრძოლებმა შეიწირა. ნაწილი გახიზნულ მეფეს — ვახტანგ VI-ს გაჰყვა თან (გარდა სამეფო ოჯახის წევრებისა და სამეფო კარის სხვადასხვა რანგის მოხელე-მოსამსახურეებისა), ნაწილი კი ვაჭრობა-ხელოსნობისა და ალებ-მიცემობის შეფერხებამ, მძიმე ოსმალურმა გადასახადებმა და საერთო ეკონომიკურმა დაძაბუნებამ განდევნა ქალაქიდან. ამიტომაც მომხდარა, რომ „ოსმალთის“ დროს თბილისის მიმდებარე ზოგიერთი უბანი მთლად დაცარიელებულა. ქართულ დოკუმენტებში ვხვდებით მრავლისმთქმელ ლაკონიურ ცნობებს მაგალითად იმის თაობაზე, რომ „ავლაბარი ოსმალთას აქეთ ხარაბა ყოფილა“, ან რომ ოსმალებს გარეთუბანი „დაუქცევიათ“ და ა. შ. ოსმალთა ასეთი მოქმედება, ჩანს, იყო ერთ-ერთი ღონისძიება ქალაქის მოსახლეობის წინააღმდეგობის გასატეხად.

მოსახლეობის ნაწილი უკიდურეს ეკონომიურ და მორალურ გაჭირვებას განიცდიდა და იძულებული იყო ნებაყოფლობით ჩაბარებოდა ოსმალებს. ერთ-ერთ ასეთ მაგალითზე მოგვითხრობს 1725 წლის დოკუმენტი. ამ დოკუმენტში ბეჟან ბიძინაშვილი აცხადებს: „შიშშილმა და შიშმა დიად შეგვაღონა. მოვედით ქალაქს, ურუმთან მივდიოდით და ურუმს მივყვანდით...“ მაგრამ ამ დროს გამოჩენილა ვინმე დავით ამირასშვილი, რომლისთვისაც ბიძინაშვილს შვილი მიუყიდნია და ამით „სათათრო“ აღარ გამხდარა⁶⁰. ასეთი მაგალითები ერთეული არ უნდა ყოფილიყო.

თბილისი

„ყიზილბაშობის“ დროს

XVIII საუკუნის 30-იან წლებში მისუსტებულმა ირანმა კვლავ აღორძინება დაიწყო. მან მიზნად დაისახა ოსმალთა წინააღმდეგ საუკუნოვანი მეტოქეობის გადაჭრა. მოსალოდნელი იყო, რომ ბრძოლები ამჯერადაც ქართულ ტერიტორიაზე წარმოებელიყო და თბილისიც — ეს სტრატეგიული პუნქტი — ამჯერადაც ბრძოლის ასპარეზად ქცეულიყო.

⁵⁹ დომენტის ცხოვრების შესახებ იხ. იასე ტლაშაძის „კათალიკოს-პატრიარქი“.

⁶⁰ საქართველოს სიძველენი. III, გვ. 298; დოკუმენტები თბილისის ისტორიისათვის. გვ. 209. „ურუმთან მივდიოდით“ ამ შემთხვევაში ნიშნავს — ოსმალებთან მივდიოდით.

ირახმა მოქმედება დაიწყო ამიერკავკასიაში გაბატონებული ოსმალე-ბის წინააღმდეგ. 1734 წ. შირვანს შეუტია და შემახა აილო. ირანის გააქტიურებამ ქართველებს ოსმალებისაგან გათავისუფლების იმედი ჩაუსახა. გივი ამილახორის მეთაურობით ქართლში ოსმალთა წინააღმდეგ აჯანყება დაიწყო. ქართლს კახეთმაც აუბა მხარი. კახეთის მეფემ თეიმურაზმა ოსმალებს შეუტია და მათი მოკავშირე ჯარიც დაარბია.

1735 წ. ირანელი სარდალი თამაზ ხანი (შემდეგში ნადირ შაჰი) ყარსს მიაღდა. ირან-ოსმალთა შორის ბრძოლაში ქართველებმა ირანელთა მხარე დაიჭირეს. ქართველებს თანაუგრძნობდა თამაზ ხანის სარდალი ასლამაზ ხანი, წარმომობით ქართველი — ყაფლანიანთ სახლიდან. ქართველებმა თბილისის სამხრეთით ოსმალებს ბრძოლა გაუმართეს ასლამაზ ხანთან ერთად კოჯორ-წავკისის ხაზზე. ეს ბრძოლა ქართველებმა და ყიზილბაშებმა მოიგეს. ოსმალებმა გაქცევით უშველეს თავს. ბრძოლაში გადარჩენილებმა თბილისს შეაფარეს თავი⁶¹. ქალაქში შესულებს ქალაქის კარი დაუკეტიათ⁶². თბილისში ჩაკეტილი მოსახლეობა მძიმე მდგომარეობაში აღმოჩნდა. უკეთესი დღე არც გარეთ დარჩენილ თბილისელებს ადგათ. ამიტომ ნაწილმა სიცოცხლის შესანარჩუნებლად კახეთს შეაფარა თავი⁶³. ამრიგად, მიუხედავად ირანელთა წარმატებებისა, თბილისი ჯერ კიდევ ოსმალთა ხელში რჩებოდა.

თამაზ ხანს განსაკუთრებული საომარი ოპერაციების ჩატარება მოუხდა, ვიდრე ოსმალთა ძალებს გატეხდა ამიერკავკასიაში. საბოლოოდ ოსმალებმა პოზიციები დათმეს და ერევანი, განჯა, ლორე და თბილისიც ირანელებს დაუთმეს⁶⁴. ოსმალებმა თბილისი 1735 წ. 10 ივლისს დატოვეს. თამაზ ხანმა კახეთის მეფე თეიმურაზი და ქართველი ღიდებულები ერევანში იხმო. ქართლ-კახეთის მმართველად ალექსანდრე (დავითის — იმამ-ყული ხანის ძე) დანიშნა, დამხმარეებად კი გამაჰმადიანებული ქართველები: ასლამაზ ხანი (ორბელიანი) და ალი-ყული ბეგი (ამირეჯიბი) მიუჩინა.

ქართლ-კახეთში „ყიზილბაშობა“ დაიწყო. ეს მოვლენა მიზნად ისახავდა ქვეყნის ეკონომიკური შესაძლებლობების სრულ გამოყენებას და ადგილობრივი მმართველობის, საზოგადოებრივი ურთიერთობის, ყოფის, სულიერი კულტურის შეცვლას ირანული წესებით. მაგრამ ამ პოლიტიკის გატარებას ყიზილბაშები, ჩანს, ფრთხილად აპირებდნენ და ამიტომაც ღიდმობხელებად წარმომობით ქართველები დანიშნეს.

თამაზ ხანის ბრძანებით, ალექსანდრემ თბილისს 8000 თუმანი ხარკი შეაწერა, 3000 თუმანი ფულადი გადასახადი, ხოლო გლეხობას 3000 ხარ-

⁶¹ ს ე ბ ნ ი ა ჩ ხ ე ი ძ ე, დასახ. ნაშრომი, გვ. 46.

⁶² სცსა. ფ. 1448. №2396.

⁶³ იქვე.

⁶⁴ ე ა ხ უ შ ტ ი. ქართლის ცხოვრება, IV, გვ. 514.

ვალი (75 000 ფუთი) ხორბალი გადაახდევინა, გარდა ამისა, ქართლ-კახეთიდან 2000 მოლაშქრე გაგზავნეს ნადირთან. თბილისმა გადასახადებს ვერ გაუძლო. ამიტომაც მოსახლეობამ გაქცევით უშველა თავს. ანტიირანული განწყობილება მთელ ქართლში გაიზარდა. თამაზ ხანი ურჩთა დასასჯელად მოეშალა — ქართლისა და თბილისის საგანგებოდ აოხრება გადაწყვიტა, მაგრამ ამ დროს ოსმალთა ძალებმა აღმოსავლეთ ამიერკავკასიაში შემოუტყეს და იგი იძულებული გახდა მტრის დასახვედრად სასწრაფოდ წასულიყო⁶⁵. მოაგვარა რა საქმეები აღმოსავლეთ ამიერკავკასიაში, თამაზ ხანი თბილისს მობრუნდა. 6 ოქტომბერს თბილისში შემოვიდა, 25-ში კი იგი დატოვა და „ტფილისს ქალაქსა შინა“ ყიზილბაში ხანი დასვა⁶⁶. ამიერიდან თბილისს ყიზილბაში მოხელე უწყველად კონტროლს.

1736 წ. თამაზ ხანმა თავი შაჰად გამოაცხადა, სახელად ნადირ შაჰი დაირქვა და აღმოსავლეთში ხანგრძლივ ლაშქრობებს შეუდგა. თბილისში დარჩენილი ყიზილბაში მოხელები კი განუკითხავად მოქმედებდნენ. ქართველებს ძალიან უმძიმდათ ყიზილბაშური უღელი. იესე ოსეს ძე მოგვითხრობს, რომ ყიზილბაშებისაგან დაშინებული თბილისის მოსახლეობის ნაწილი თევობით სიონის აკლდამებში იმალებოდა: „ტყვეობის შიშით მუდამ აკლდამებში ვისხედით“, „ტყვეობის შიშით სამი თვეა, რომ სიონის აკლდამაში ვისხედით“, „სპარსთ შიშით აკლდამებში ორსა და სამს თვეს ვიმალებოდითო“ და ა. შ., — არაერთგზის იმეორებდა იგი თავის ანდერძში⁶⁷.

1741 წ. ნადირის ბრძანებით, აღმოსავლეთ საქართველო აღწერეს და დასარკეს. პაპუნა ორბელიანის სიტყვებით, „ყოველსფერს შენობას, ანუ ოხერს ადგილს ასეთი ხარჯი დასდევს, რომ ყოვლის კაცისაგან შეუძლებელი იყოო“. ქართლში ყიზილბაშთა ასეთი მოქმედების გამო უცმაყოფილება იზრდებოდა, შხადდებოდა აჯანყება. ნადირ შაჰი იძულებული გახდა დათმობაზე წასულიყო. 1742 წ. მან კახეთი გაათავისუფლა ყიზილბაშური ხარკისაგან, უფრო გვიან კი — ქართლიც.

ყიზილბაშობის დროს თბილისი ირანის მთავარი რწმუნებულის — ხანის რეზიდენციას წარმოადგენდა. აქვე იყვნენ მოკალათებული შაჰის კარიდან წამოსული მრავალრიცხოვანი მოხელები.

თბილისში მკდომი ხანი შაჰის ბრძანებით მოქმედებდა. თუ ერთი მხრივ იგი შაჰის ნების აღმსრულებელი იყო ქვეყანაში, მეორე მხრივ მისი ინფორმატორიც იყო. პაპუნა ორბელიანს მოთხრობილი აქვს: „მო-

⁶⁵ ე ა ხ უ შ ტ ი. ქართლის ცხოვრება. IV, გვ. 515.

⁶⁶ ო მ ა ნ ხ ე რ ხ ე უ ლ ი ძ ე. დასახ. ნაშრომი, გვ. 244.

⁶⁷ იესე ბარათაშვილის ცხოვრება-ანდერძი. გამოსცა ა. ოსელიანი. მსკი, ნაკვ. 28.

ვიდა ბრძანება ხელმწიფისა, ებრძანა ქართლის ხანისათვის ამილახვარზე გალაშქრება, აღასრულა ბრძანება, გავიდა ქალაქით...“

ომან ხერხეულიძე ცნობას გვაწვდის ქსნის ხეობაში არეულობის შესახებ. ამ არეულობით ისარგებლა გივი ამილახორმა და ქსნის ხეობის დაკავება განიზრახა. დასახმარებლად მან ოსმალებს მიმართა. „ესე ყოველი ამცნო ტფილისს მქდომმან ხანმან“ ნადირ-შაჰს⁶⁸. ასეთივე ხასიათისაა მეორე ცნობაც: როდესაც ოსმალები გივი ამილახორის დასახმარებლად წამოვიდნენ, ერეკლე 11-მ სასტიკად დაამარცხა ეს ლაშქარი. თბილისში მქდომმა ხანმა „ესე ყოველი ყოფილი და ქმნილი ირაკლის მიერ“ იისწერა ნადირ-შაჰსაო⁶⁹.

რადგან თბილისი ყიზილბაშობის დროს ირანელი ხანების ადმინისტრაციულ ცენტრს წარმოადგენდა, იგი მტკიცე და შეუწყალი ქალაქი უნდა ყოფილიყო. ამიტომ შაჰის ბრძანებით მისი აღდგენა-გამაგრება დაუწყიათ⁷⁰.

საერთოდ ყიზილბაშობის დროინდელი თბილისის სურათის აღსადგენად (ვაჟარ-ხელოსნობა, ადმინისტრაციული წყობა, მოხელეები, გადასახადები, ყოფა) ძალიან მწირი ცნობები გვაქვს. შ. მესხიას დადგენილი აქვს, რომ ყიზილბაშობის დროს თბილისის მმართველობაში ცვლილებები მომხდარა. პაპუნა ორბელიანის ცნობით, გაჩენილა ქალაქის ქალანთარის და ვეზირის სახელოები, რაც საქართველოსათვის უცხო იყო, მაგრამ ისინი ყიზილბაშთა ბატონობის მოსპობასთან ერთად აღარ იხსენიებიან.

ყიზილბაშობის დროს თბილისის მოსახლეობაზე დადებული ყოფილა „ქალაქის მალი და სატარულო“ გადასახადი⁷¹.

შემონახული გვაქვს 1735—1738 წწ. საბუთი, სადაც სამართალს ირანელი მოხელე — „ვექილი“ ალი-ყული ბეგი არჩევს. საფიქრებელია, რომ ყიზილბაშები ცდილობდნენ სასამართლო წარმოებაც თავიანთი უფლებისათვის დაექვემდებარებინათ.

მიუხედავად ირანელების მცდელობისა გაეტეხათ ქართველთა წინააღმდეგობა, ქართველ მოღვაწეთაგან თბილისის დაბრუნების საკითხი არასოდეს ყოფილა დავიწყებული.

1744 წ. ოსმალებმა კიდევ ერთხელ სცადეს ქართლში გაბატონება. მათ ლაშქარს გივი ამილახორი მიეგება. თეიმურაზ-ერეკლემ აქტიური მონაწილეობა მიიღეს ოსმალთა ამ ლაშქრობის განადგურებაში. ერთგულების სანაცვლოდ შაჰმა თეიმურაზი ქართლის, ხოლო ერეკლე თეიმურაზის ძე კახეთის მეფეებად დანიშნა. თბილისისათვის ამ მომენტს

⁶⁸ ო მ ა ნ ხ ე რ ხ ე უ ლ ი ძ ე, დასახ. ნაშრომი, გვ. 246.

⁶⁹ იქვე, გვ. 249.

⁷⁰ პ ა პ უ ნ ა ო რ ბ ე ლ ი ა ნ ი, ამბავნი ქართლისანი, თბ., 1981, გვ. 81.

⁷¹ დოკუმენტები თბილისის ისტორიისათვის, I, გვ. 246. აღნიშნული გადასახადების შესახებ სხვა ცნობა არა გვაქვს.

უაღრესად დიდი მნიშვნელობა ჰქონდა, ამიერიდან თბილისი უცხო დამპყრობელთა „საკუთრებას“ აღარ წარმოადგენდა.

1744 წ. 9 ივლისს თეიმურაზი თბილისს მოვიდა. ჰაპუნა ორბელიანს ვერცლად აქვს აღწერილი, როგორი ზემოთ მიიღეს თბილისელებმა საკუთარი მეფე: „მიგებნენ მოქალაქენი ანუ დასნი სამღვდელონი, შეასხეს ქება და შესწირეს მადლობა ღმერთსა, გაუშალეს მოქალაქეთა ფიანდაზი მძიმე ლართა, შეიქნა სროლა ზარბაზნთა, რომე ყურთა ჳმა აღარ იყო, აელაბრით ალაყაფის კარამდის მორთვეს ბაზარი და განაბრწყინვეს ჩირაღდნით. იყო სამი დღე და ღამე განუწყვეტლად მეკლისი და ლხინი უზომო, სიხარული ფრიადი. და მეფე მას შემდეგ, რაც ქართლით წაბრძანებულყო, 20 წელს გადაევლო და მემკვიდრე-მეპატრონე აღარაეინ მჭდარიყო ქართლსა. ამისთვის უფრო სიხარული ჰქონდათ, მემკვიდრე ქრისტეს მოყვარე მეფე დაუჭდათ და ამით ყოველი შექიპრება დაავეიწყდათ ქართველთა“⁷². 1745 წ. 1 ოქტომბერს თეიმურაზი მცხეთას ქრისტიანული წესით ეკურთხა მეფედ.

აკად. ნ. ბერძენიშვილის სიტყვით „... ეს ნადირ-შაჰის წყალობა როდი იყო. ეს იყო ქართველთა ასორმოცდაათწლოვანი მედგარი ბრძოლით მონაპოვარი უფლება. ქართველები გამარჯვებას ზეიმობდნენ. შეეფერებოდათ კიდეც“⁷³.

ნადირ შაჰის სახელმწიფო მუდმივმა ომებმა გამოფიტა. დაკლილი ხაზინის შევსებას იგი დამოკიდებული ქვეყნებისაგან აკრეფილი შემოსავლით ფიქრობდა. ამ მიზნით, 1747 წლის თებერვალში ნადირ შაჰმა უზომო ზარკი მოითხოვა ქართველი მეფეებისაგან. „ფურცელაანთ ქრონიკის“ ლაკონური ცნობით, 1747 წ. ნადირ შაჰმა „ქალაქს არბაბი სთხოვა და საქართველო და ქალაქი აიყარა“⁷⁴.

არბაბი მიწის უპირობო საკუთრების ფორმა იყო შუა საუკუნეების ირანში. ქართული ფეოდალური საზოგადოებისათვის ეს იყო უჩვეულო და მძიმე გადასახადი, რომლის გადახდა ქართველ მოსახლეობას ფიზიკურად არ შეეძლო. იესე ოსეს ძის ცნობით, ამის გამო თბილისის მოსახლეობა აყრილა და ქალაქს გასცლია⁷⁵. ნადირ შაჰის ფინანსური პოლიტიკა დაპყრობილი ხალხების უკმაყოფილებას იწვევდა და აჯანყებულმა ქვეშევრდომებმა იგი 1747 წ. კიდევაც გამოასალმეს სიცოცხლეს. ირანში ანარქია დაიწყო. ქართველებმა ყიზილბაშთაგან საბოლოოდ გათავისუფლებაზე დაიწყეს ფიქრი, მაგრამ ამ ხანებში ქართლის ტახტს ახა-

⁷² ჰ ა პ უ ნ ა ო რ ბ ე ლ ი ა ნ ი, ამბავნი ქართლისანი, თბ., 1981, გვ. 82.

⁷³ ნ. ბერძენიშვილი, XVIII ს. საქართველოს ისტორიიდან. საქართველოს ისტორიის საკითხები, II, თბ., 1965, გვ. 183.

⁷⁴ თ. ყორღანიძე, ქრონიკები, III, თბ., 1967, გვ. 626.

⁷⁵ იესე ოსეს ძის ანდერძი, დასახ. გამოც., გვ. 9.

ლი პრეტენდენტი. ვახტანგ VI-ის ძმის იესე-მუსტაფას შვილი — აბდულა ბეგი (არჩილი) გამოუჩნდა.

40-იანი წლების დამდეგს აბდულა ბეგი ქართლის გამგებლად ითვლებოდა და თბილისში მჭიდრო ირანელი ხანის ახლო მრჩეველი იყო. როდესაც 1747 წ. ნადირ შაჰმა თეიმურაზი ირანში გაიწვია, შაჰმა აბდულა ბეგს ერეკლეს დახმარება მიანდო. მან გამეფება მოინდომა. გამაგრდა თავის საუფლისწულო სამშვილდეში, ლეკებს მოუხმო და თბილისზე შეტევა დაიწყო. ბრძოლა მთელი წელი გრძელდებოდა. აბდულა ბეგს მხარს უჭერდნენ ირანის ტახტის მამიებლები და თბილისის ყიზილბაში მეციხოვნეები. მაგრამ „ტფილისის მოქალაქენი ჰბრძოდნენ ციხესა და მტკიცედ სდგნენ ერთგულებასა მეფის ირაკლისასა“. ყიზილბაშებმა თბილისის ციხე ჩაკეტეს. ერეკლემ ციხეს შეუტია, 1747 წ. 22 ივლისს კიდეც აიღო, ხოლო 10 აგვისტოს ქართველებმა ნარიყალა დაიკავეს⁷⁶.

თბილისი გათავისუფლდა ყიზილბაში მეციხოვნეებისაგან. მათ ყიზილბაში მოხელეებიც მიჰყვნენ. იგი ერეკლეს მეციხოვნეებმა დაიკავეს. აბდულა ბეგი გაიქცა და ყიზილბაშებთან ერთად სამშვილდეს შეათარა თავი. მალე ერეკლემ სამშვილდეც აიღო და ქართლში ყიზილბაშთა უკანასკნელი ბუდეც მოიშალა. ყიზილბაშობის ბატონობას ქართლში ბოლო მოეღო. ეს იყო არა მხოლოდ ყიზილბაშებზე გამარჯვება, არამედ დინასტიური ბრძოლის საბოლოო მოგებაც.

⁷⁶ იესე ოსეს ძის ანდერძი. დასახ. ნაშრომი, გვ. 11; საქართველოს ისტორიის ქრონიკები. დასახ. გამოც., გვ. 86.

XII

თბილისის სოციალურ-ეკონომიკური განვითარება XVIII საუკუნეში

თბილისის ტერიტორია და მოსახლეობა

თბილისის გეგმათა შორის ქრონოლოგიურად პირველი ვახუშტი ბატონიშვილის მიერ შესრულებული გეგმაა. ეს გეგმა მოთავსებულია ვახუშტის 1735 წ. ატლასში ჩანართის სახით ქართლის რუკის ტაბულაზე. გეგმის თავზე ცხრა სვეტში მოქცეული ექსპლიკაცია (განმარტება) შეიცავს 65 ნომერს არაბული ციფრებით და 16 ნომერს ქართული ასორიციხეებით აღნიშნულს. მოცემულია აგრეთვე პირობითი ნიშნების განმარტება. ამას გარდა, გეგმაზე დატანილია გზებისა და ტბის აღმნიშვნელი ათი წარწერა¹. ერთადერთი ობიექტი, რომელიც ვახუშტი ბატონიშვილს უნომროდ დარჩენია, არის განჯისკარი. მის ადგილას გეგმაზე დასმულია წრე, ციფრის ჩასმა კი ამ წრეში გეგმის შემდგენელს გამორჩენია. განჯისკარი გამორჩენილია ექსპლიკაციებშიც. ვახუშტის გეგმაზე საერთოდ არაა დატანილი ე. წ. აბანოს კარი, რომელიც კალას სეიდაბადთან აკავშირებდა.

მნიშვნელოვანია თავისი შინაარსით თბილისის 1785 წ. გეგმა, შესრულებული რუსი ოფიცრის, ტოპოგრაფ ალექსანდრე პიშჩევიჩის მიერ ფრანგულად². ამ გეგმაზე დატანილია კალა, საკუთრივ თბილისი, ავლაბარი და გარეთუბანი. გეგმაზე დატანილია 86 დასახელება არაბული ციფრებით. რომელთა ახსნა მოცემულია ექსპლიკაციებში. გარდა ამისა, გეგმა შეიცავს წარწერებსა და გზების აღნიშვნებს.

საინტერესოა კაპიტან ჩუიკოს მიერ 1800 წ. შესრულებული თბილისის გეგმა³. ამ გეგმაზე მოცემულია ქალაქის 12 ნაწილი, მას ერთვის ექსპლიკაციები ორ სვეტად და პირობითი ნიშნების ახსნა. გეგმაზე დატანილია 91 ობიექტი აღნიშნული არაბული ციფრებით. ამას გარდა, თვით გეგმაზე დატანილია 17 ობიექტი ორთაქალისა და სეიდაბადის ტერიტო-

¹ წინამდებარე გამოცემაში ვახუშტის გეგმის წარწერები შეცვლილია ციფრებით. ციფრების ახსნა კი განმარტებებშია გადატანილი (იხ. აქვე. ტაბ. 50 და განმარტებები, გვ. 459).

² დაბეჭდილია «Записки Императорского Одесского общества истории и древностей»-ს XXIV ტომში (იხ. აქვე. ტაბ. 59 და განმარტებები, გვ. 461).

³ გეგმის დედანი დაცულია მოსკოვის სამხედრო საისტორიო არქივში (ЦГВИА, ф. ВУА, №22660). გამოქვეყნებულია მაჰისა ბერძნიშვილის წიგნში: „თბილისის გარეგანი სახე XVIII ს-ში“ (თბ., 1965, დანართი).

რიაზე, 10 ობიექტი — გარეთუბანში, 14 — მტკვრის მარცხენა მხარეს, 2 — ქალაქის შიგნით. დასახლებული კვარტალები მთლიანი უჯრედებითაა მოცემული. ხოლო ის უბნები, რომლებიც გეგმის შედგენისას დანგრეულ-გაპარტახებული იყო, უფრო მუქი ფერით არის.

ეს სამი გეგმა გვიჩვენებს სამ განსხვავებულ პერიოდს XVIII ს. თბილისის ისტორიაში. ვახუშტის გეგმაზე გამოხატულია თბილისი „ოსმალობის“ წინ, ე. ი. მაქსიმალურ საზღვრებში, რომელსაც კი მიაღწია ქალაქმა XVIII ს.-ში. პიშჩევიჩის გეგმა გამოხატავს ოსმალობა-ყიზილბაშობის შედეგად შევიწროებული ქალაქის ხელახალი აღორძინების ხანას ერეკლე II-ის მეფობაში, 1800 წლის ჩუიკოს გეგმა კი გვიჩვენებს ქალაქის მდგომარეობას ალა-მაჰმად ხანის შემოსევის შემდეგ.

ტერიტორია

XVIII ს.-ში თბილისის ფარგლები გაიშალა, მოსახლეობა ქალაქის გალავნიდან სულ უფრო შორს მიიწევდა ჩრდილოეთისაკენ, იზრდებოდა ე. წ. გარეთუბნის ტერიტორია (გარეთუბანი ერქვა კალას გალავნის ჩრდილოეთით და დასავლეთით მდებარე რაიონს). გარეთუბნის გარეთა ზღვარი სხვადასხვა დროს სხვადასხვა იყო.

XVIII ს. პირველ მეოთხედში ვახუშტის გეგმის თანახმად, გარეთუბნის გარე ზღვარი ქაშვეთის ეკლესიის მიდამოებამდე აღწევდა. ქაშვეთამდე ვრცელდებოდა მკვიდროდ დასახლებული კვარტალების მიჯნა. ამ შემთხვევაში ქალაქის ზრდა, საერთოდ გავრცელებული წესისამებრ, მდინარის აღმა ხდებოდა. მკვიდროდ დასახლებულ კვარტალებში გარემიჯნებია (მტკვრიდან ზევით, ე. ი. დასავლეთით) მეიდნის სასახლე (№27), ქაშვეთი (№33), კალოუბანი (№34, ეს ეკლესია იდგა აწინდელ კინოთეატრ „რუსთაველის“ ადგილას), არაგვის ერისთავის სასახლე (№35, დაახლოებით ს. ჭანაშიას სახ. სახელმწიფო მუზეუმის შენობის ადგილას), მკვიდროდ დასახლებული უბნების იქით განცალკევებით იყო ციციშვილის სახლი (№32, დაახლოებით იქ, სადაც დღეს კავშირგაბმულობის სახლია). უკიდურესი მიჯნა ქალაქისა ამ მხარეს იყო ყაიბულას ბაღი (№29) — დღევანდელი ჭორჭიაშვილის ქუჩის ადგილას. აწინდელი თბილისის საბჭოს შენობის ზემოთა უბანი მთლიანად ბაღებს ეკავა. უკიდურესი ბაღი ქალაქის დასავლეთით ყოფილა თბილელის ბაღი (№42, დღევანდელი დავითაშვილის ქუჩის ბოლოში). გარეთუბნის ამ მონაკვეთში არსებულ შენობათაგან ვახუშტი უჩვენებს მხოლოდ ორს — ბეჟანას ქარვასლას (№37, დაახლოებით თბილისის საბჭოს შენობის ადგილას) და ამარათს (№41)⁴.

⁴ IX თავის I პარაგრაფში უკვე აღინიშნა, რომ ვახუშტისეული ამართი სამეფო სასახლე იყო.

გარეთუბნის მკიდრო დასახლებულობაზე. ვახუშტის გეგმის გარდა. დოკუმენტური მასალაც მეტყველებს. დასახლებულ კვარტლებს იქით მოსახლეობა ბალებსა და ვენახებს. ყანებსა და ბოსტნებს აშენებდა. თბილისელები სულ უფრო წინ მიიწევენ ქალაქის გალავნიდან ჩრდილოეთისაკენ. XVII—XVIII სს. მიჯნაზე მდ. ვერეს აუზი თბილისელთა ბაღვენახებს. წისქვილებსა და ყანებს ეკირათ⁵.

გარეთუბნის ტერიტორია თავის მხრივ იყოფოდა მიკროუბნებად. ქალაქიდან გარეთუბანში გამოძვალა ყველაზე ქვედა კარი. მტკვართან უახლოესი კარი იყო და მას „დაბლა კარი“. „ქვემოთ კარი“ ან „წყლის კარი“ ერქვა. ამ კართან გალავანში დატანებული იყო ბურჯი. რომელზედაც მუხრან-ბატონის სასახლე ყოფილა მიშენებული. ეს სასახლე XVIII ს-ის მთელ მანძილზე სულ იზრდებოდა მეზობლების ხარჯზე. მალე მუხრან-ბატონები გახდნენ ამ ადგილების ერთადერთი მფლობელები და სწორედ ამიტომ გარეთუბნის ამ ნაწილს მუხრანთუბანი შეერქვა. მუხრან-ბატონის სასახლემ. მრავალჯერ გადაკეთებულმა. იარსება XIX ს. მეორე ნახევრამდე. აქედან დაწყებული მტკვარამდე. ავანანთ ხევის⁶ ორივე ნაპირას მდებარე ტერიტორია მუხრან-ბატონთა საკუთრება იყო. შემდეგში ავანანთ ხევის ადგილას გამავალ ქუჩასაც და ამ ქუჩის ბოლოდან მტკვარზე გადებულ ხიდსაც მუხრანსკის სახელი შეერქვა.

მუხრანთუბნის ჩრდილოეთითა და დასავლეთით ვანქის უბანი მდებარეობდა. ეს სახელი ამ უბანს აქ მდებარე სომეხთა მონასტრის — ვანქის სახელის მიხედვით შეერქვა. ვანქი იღგა დღევანდელ პრესის ქუჩაზე. სომხური საშუალო სკოლის შენობის ადგილას. ეკლესიის დასავლეთით სომეხთა სასაფლაო იყო.

ვანქის უბნის გვერდზე. მტკვრის აღმა. ორბელიანთუბანი იყო გაშლილი. ორბელიანები ცხოვრობდნენ ქალაქის ცენტრში — ბატონის მოედანთან. ამავე დროს ისინი ადგილებს იძენდნენ გარეთუბანშიც. XVIII ს. ბოლოს ორბელიანებს ეკუთვნოდათ ტერიტორია ყაბახსა (ავლაბრის ბაღი) და მტკვარს შუა. ეს ადგილი გალავნით ყოფილა შემოზღუდული და ადრე. სანამ 1751 წ. თეიმურაზ II მას ორბელიანებს უწყალობებდა. სახასო სასახლის „ადგილად ითვლებოდა“.

⁵ დოკუმენტები თბილისის ისტორიისათვის. წ. 1 შეადგინეს ნიკო ბერძენიშვილმა და მამისა ბერძენიშვილმა. თბ., 1962. გვ. 279.

⁶ ავანანთ ხევი. იგივე სოლოლაის წყალ. კოჭრის მთებში იღებს სათავეს და თბილისის ტერიტორიაზე შემოდის ახლანდელი დაეთაშვილისა და თავისუფლების მოედნის. პუშკინისა და ბარათაშვილის ქუჩების გავლით. XIX ს. შუა ხანებში ეს ხევი მიწის ქვეშ ჩაიტანეს. ამ ხევის ვახუშტი თავის გეგმაზე „სალაქის წყალს“ უწოდებს (№ 43). ტექსტში კი ამ სახელით რატომღაც წაყვისის ხევის მოიხსენიებს.

⁷ დოკუმენტები თბილისის ისტორიისათვის. I. № 191.

ჩვენამდე მოაღწია ორბელიანთ მამულის ამ ზღურბლის ერთმა ნანგრევმა და. აგრეთვე, ორბელიანთ კარის ეკლესიამ.

ორბელიანთ უბანს დასავლეთით ყაბახი ესაზღვრებოდა⁸. ყაბახის დასავლეთით ქალაქის უკიდურესი ობიექტი ვახუშტის გეგმით ყაიბულას ბაღია (№29)⁹.

საბუთებში ხშირად იხსენიება ბოშის უბანი. ეს მიკროუბანი გარეთუბნის ნაწილია შუა კარის მიდამოებში. იგი იხსენიება XVIII საუკუნის მრავალ საბუთში და აგრეთვე XIX ს. პირველი ოცეულის თბილისურ დოკუმენტებში. უმეტეს წილად ეს უბანი სახელდებულია როგორც ბოშის უბანი. ზოგჯერ კი ამ ზოგად სახელს თან სდევს თვით ბოშის სახელიც: „ბოშა მურადანთ ფიროანთ სახლი“¹⁰, ან „ბოშის შვილი სოსიას სახლი“¹¹. ამ მიკროუბნის სალოკალიზაციოდ მხოლოდ ერთი ორიენტირი გვაქვს — 1815 წ. ერთ საბუთში ბოშის შვილის სახლთან მდებარედ მოიხსენიება თეკენამის ეკლესია¹². ეს ეკლესია ნახსენებია 1789—1815 წწ. შუალედის ზოგ საბუთში. ამასთან ყველა საბუთი მას მოიხსენიებს როგორც გარეთუბანს მდებარეს, უფრო კონკრეტული მინიშნება კი არსად გვხვდება. 1828 წ. შედგენილ თბილისის გეგმაზე იმ ადგილას, სადაც დღეს ბარათაშვილის ქუჩაზე ჩვენი საუკუნის 30-იან წლებში აშენებული დიდი სახლის ალაყათის კარი თუ გვირაბი გადის, დატანილია თეკენამის გაუქმებული ეკლესია. ამ ადგილს ადრე თეკენამის შესახვევი რქმევი — ეს იყო ბარათაშვილის ქუჩის პერპენდიკულარული პატარა ქუჩა, რომელიც ბარათაშვილის ქუჩიდან ვანქის შესახვევში (დღეს გოქჩის შესახვევში) გამოდიოდა. ამ ქუჩაზე თეკენამის ეკლესია მდგარა. თეკენამის შესახვევს შემდეგში „მებელნი პერეულოკი“ უწოდეს, 20-იან წლებში ჭანეთის შესახვევი დაერქვა. ამ სახელწოდებით იარსება ამ შესახვევმა 30-იან წლებამდე, როცა მთელი ეს მიდამოები დაინგრა ახალი სახლის ასაგებად.

ყველაზე მკიდროდ დასახლებული გარეთუბანში ჩანს ის მიკროუბანი, რომელიც დღევანდელი პუშკინის, მუზეუმისა და რუსთაველის ქუჩებს შორის მდებარეობდა. ამ სამკუთხედში ვახუშტის გეგმა გამოჰყოფს სომხის საყდარს (№36) და არაგვის ერისთავის სასახლეს (№35). ეს სასახლე მუზეუმის შენობის ადგილას უნდა მდგარიყო. იგი ოსმალებმა დაანგრიეს 1724 წელს. სომხის საყდარი კი არის ე. წ. ქამანთ საყდარი, რომელიც რუსთაველისა და ნატო ვაჩნაძის ქუჩების კუთხეში იდგა და

⁸ ვახუშტის გეგმის №28, პიშჩეიჩის გეგმის №75. 1800 წ. გეგმის «Площадь Кабахи».

⁹ 1712 წ. ნასყიდობის წიგნით ყაიბულანთ ქაიხოსრო ყიღის „ბაღს ყაბახს ზეით“, დოკუმენტები თბილისის ისტორიისათვის, №78.

¹⁰ სსსი, ფ. 1450, დავთ. 7, საბ. №90.

¹¹ იქვე, დავთ. 55, საბ. №42.

¹² იქვე, დავთ. 55, საბ. №43.

რომელიც 1927 წ. დაანგრის. თბილისური დოკუმენტები ამ საყდრის გვერდზე ასახელებენ ლამბარაანთ ქარვასლას. ამ ქარვასლასა და საყდარს შორის გამავალ ქუჩას კი იგივე დოკუმენტები „ქამაანთ საყდრის სათემო ქუჩას“¹³ უწოდებენ. ოსმალობის შემდგომი ხანის დოკუმენტები ამ საყდრის პირდაპირ „ნაოხარ“ ადგილებსა და ვენახებს ასახელებენ¹⁴.

ქალაქის შუა კარის პირდაპირ მდებარე ქუჩის პირას ჩამწკრივებული ყოფილა საკურკლე ქარხნები ანუ ქურახანები, ქესხანები თავისი დუქნებით.

ასეთი იყო მიკროუბანთა განლაგება გარეთუბანში.

XVIII ს. შუა ხანებიდან ქალაქი მკვეთრად იცვლის სახეს. როცა ერეკლე II-მ 1747 წ. მეტეხის ციხე, ნარიყალა და თაბორი სპარსელების გარნიზონისაგან გაათავისუფლა, მან მოხსნა ციხის კედელი, რომელიც ნარიყალადან მეტეხის ხილამდე ეშვებოდა: „ბძანა მეფემან და აღიღეს გალავანი ქალაქისა, რომელი იყო ციხესა და ქალაქს შუა და გააერთნეს ციხე და ქალაქი თბილისისა“¹⁵. ამით მან, გარდა იმისა, რომ ერთბაშად მოსპო სპარსელთა ქართლში ბატონობის სიმბოლო, მნიშვნელოვნად შეცვალა ქალაქის გარეგანი სახე.

ამავე ხანებში იწყება ახალი ადგილების ათვისება ქალაქგარეთ. ათვისება ხდებოდა ერთი მხრივ ბალ-ვენახებისა და მეორე მხრივ ეკლესიასასაფლაოების აშენების გზით. თბილისელები ჩეხავენ ქალაქგარეთ მდებარე ტყეებს, ავაკებენ კლდოვან ზედაპირს, გამოჰყავთ მთიდან წყალი არხებით თუ მილებით, და უშენ ადგილებს ბალად აქცევენ. ჩვენს ხელთაა თბილისელთა ამგვარი საქმიანობის ამსახველი არაერთი საბუთი. როგორც ითქვა, მდ. ვერეს აუზი თბილისელთა ბალ-ვენახებს, წისკვილებსა და ყანებს ეკირა. XVII ს-ის შუაში უკვე ჩანს მდ. ვერეზე ხოჯა ბეჭბუღას მიერ გადებული ხიდი.

გარეთუბნის ერთ-ერთი „კოლონიზატორი“ იყო ზირკინაანთ მილდისი სააკა. მას XVII ს-ის დასაწყისში, საბუთის სიტყვით რომ ვთქვათ, „ქაშვეთის იქიდან თავიანთვის სასაფლაო ეკლესია რომ აუშენებია, გარშემო ბალები ადგილებით და წყლით“. „დიდის ხარჯით შორე კლდიდან ქვიტიკრის მილებით წყალი“ გამოუყვანია „და ბალებიცა და აუზებიც გაუყეთებია“¹⁶. ზირკინაანთ სააკასაგან აშენებულმა ეკლესიამ ბოლო დრომდე იარსებდა. ეს ეკლესია იდგა დღევანდელი „ზარია ვოსტოკა“-ს რედაქციის შენობის უკან, გრიბოედოვის ქუჩაზე (ძველად ამ ქუჩას

¹³ დოკუმენტები თბილისის ისტორიისათვის. №194.

¹⁴ საქართველოს სსრ მეცნიერებათა აკადემიის ხელნაწერთა ინსტიტუტი. ფ. Hd, № 13003.

¹⁵ ვ ა ვ ე ნ ა ო რ ბ ე ლ ი ა ნ ი, ამბავნი ქართლისანი, ე. ცაგარეიშვილის გამოც. თბ., 1981, გვ 173.

¹⁶ სესია, ფ. 1450, დაეთ. 52, საბ. №98.

კომენდანტის ქუჩა ერქვა). ეს ეკლესია, როგორც ჩანს, 1713 წ. აუშენებულიათ.

როგორც საბუთის ზემომოყვანილი ნაწყვეტი აღნიშნავს, ეკლესიის გარდა. ზირკინაანთ სააკას გაუშენებია ბალები, რომელთა მოსარწყავად კლდიდან მილით წყალი გამოუყვანია; ეს წყალი სპეციალურ აუზში გროვდებოდა, აქედან კი ბალები ირწყვებოდა. ერთ-ერთი ასეთივე აუზი ზირკინაანთ ეკლესიის თავში, მის მალლა იდგა ლოინაანთ სიმოვანას ბაღში. ეს ბაღი დაახლოებით უნდა ყოფილიყო დღევანდელი ალ. ჭავჭავაძის და გრიბოდოვის ქუჩების კუთხეში. ამ ლოინაანთ სიმოვანასაც „დიდის ძალის თეთრის დახარჯვით“ „კლდიდამ წყალი ...ძირს ჩამოუტანია და აუზი აუშენებია და ბაღი გაუკეთებია და ალიზის გალავანი შემოუვლია“¹⁷. ეს ადგილი შემდეგში ხშირად საქეიფოდაც ყოფილა გამოყენებული: „ზირკინაანთ საყდრის თავში აუზი რომ არის, იქ ბევრჯელ გვისომს და რომელნიცა ხანდაზმულნი კაცნი იქმნებიან, ისინი თასს ხელთ დაიქერდნენ და ლოინაანთ სიმოვანას შენდობას ეტყოდნენ. წყალიც იმიქი ნასყიდი და გაკეთებულია და ეს აუზიცო“ — იგონებს 1802 წ. იოანე პენტელაშვილი¹⁸.

გარეთუბანში ჩნდება თავადთა და ბატონიშვილთა საცხოვრებლებიც. მაგალითად, ხორამზე ბატონიშვილმა 1712 წ. იყიდა სახლი გარეთუბანს, სააგურეს მახლობლად (ყაბახთან) შეიძინეს სახლები რევაზ ხერხეულიძემ, გედევან აბაშიძემ, ციციშვილმა, შერმაზანაშვილმა, თუმანიშვილმა¹⁹. აქვეა ამილახვართა საერთო საგვარეულო სასახლე, არაგვის ერისთავის სასახლე.

ასევე იზრდება თბილისის ტერიტორია მტკვრის მარცხენა მხარეს. მდინარის ამ ნაპირზე ქალაქის ძირითადი უბანი იყო ავლაბარი. ავლაბარს ორი გალავანი ერტყა: ერთი — მთელი ავლაბრის ტერიტორიის ირგვლივ და მეორე — მის შიგნით, მეტეხის გარშემო იყო შემოვლებული. ავლაბრის ამ ორი გალავნიდან პირველს საბუთები ავლაბრის გალავანს უწოდებენ, მეორეს — ქალაქის გალავანს. თბილისის 1782 წ. აღწერა კი პირველს უწოდებს „გარეთ ავლაბარს“, მეორეს — „შიგნით ავლაბრის ციხეს“.

ვახუშტის გეგმაზე მხოლოდ მეტეხის მოზღუდულობაა დატანილი. პიშჩევიჩისა და 1800 წ. გეგმები შემოზღუდულად უჩვენებენ ავლაბრის მთელ ტერიტორიას. ორივე ამ გეგმაზე ავლაბრის ტერიტორია შუაზე იყოფა სამხრეთიდან ჩრდილოეთისაკენ მიმავალი ქუჩით, რომლის ბოლოში ავლაბრის გალავანზე კარია დატანილი. 1800 წ. გეგმა ამ კარს მხო-

¹⁷ 1802 წ. საბუთი, სცსია, ფ. 226, საბ. №7752.

¹⁸ იქვე.

¹⁹ დოკუმენტები თბილისის ისტორიისათვის, №77 და №97.

ლოდ გრაფიკულად გამოხატავს, სახელწოდებას კი არ იძლევა. პიშჩევიჩის გეგმაზე კი მას ეწოდება: „ავლაბრის კარი დალესტნის დიდ გზაზე გამავალი“ (№71).

ავლაბრის გალავანი XVIII ს. მეორე ან მესამე მეოთხედში უნდა იყოს აგებული (ვახუშტის ქართლიდან წასვლის შემდეგ), მაგრამ პირდაპირი ცნობა ამ ფაქტის შესახებ არ მოგვეპოვება.

ვახუშტის გეგმა ავლაბრის ციხეზე ერთ კარს უჩვენებს (№იგ). პიშჩევიჩის გეგმაზე მკაფიოდ ჩანს მეტეხის მოზღუდულობის ორი ნაწილი — მაღალი და დაბალი ციხეები, ორივე ამ ნაწილს აქვს კარი. მაღალი ციხის კარი (ამ გეგმაზე უსახელო) ვახუშტის გეგმის ავლაბრის კარს (იგ) და 1800 წ. გეგმის «Авлабарские ворота»-ს (№21) უდრის. დაბალი ციხის კარი სხვა გეგმებზე არსად დატანილი არ არის. საბუთებში კი იგი ასახულია. 1773 წ. საბუთით მას „ნაკარევი“ ეწოდება. ეს ნაკარევი რიყის მხარესა ყოფილა ციხის კარის პირდაპირ. ამ ნაკარევის მიდამოებში მიკირტუმ თაყოაშვილმა „გორჯილისა და თოფის წამლის ქარხანა“ ააგო და დუქნებიც გახსნა თოფის წამლის გასაყიდად.²⁰

გზა კალას ტერიტორიიდან ავლაბარში მტკვარზე გადებული ხილით მიდიოდა. ხილიდან მაშინვე იწყებოდა აღმართი, რომელზედაც სირაჯების დუქნები იყო და ამიტომ მას სირაჯხანას უწოდებდნენ («Винный ряд» — „ღვინის აღმართი“ თანამედროვე ნომენკლატურით). ამჟამად ეს აღმართი დავაიკებულია. სირაჯხანის მარცხნივ, ზურგით მტკვრისაკენ, რიყე დევს. სირაჯხანის ბოლოს, გზის მარჯვნივ, დარეჯან დედოფალმა აიშენა სასახლე და ეკლესია. შემდეგში იგი მაცხოვრის ფერისცვალების სახელობის მონასტრად გადაკეთდა. მას „დარის მონასტერს“ უწოდებდნენ. დარეჯანის სასახლეს „საჩინოს“ ეძახდნენ, რადგან იგი კარგად ჩანდა ქალაქის მხრიდან. ამ სასახლესთან თავდებოდა თბილისის (მეტეხის) გალავანი და აქედან ავლაბრის კარით იწყებოდა ვაკე — საკუთრივ ავლაბრის ტერიტორია.

XVII ს-დან შეიმჩნევა ავლაბრის ტერიტორიის ზრდა ჩრდილოეთით რიყისა და ჩულურეთის მხრისაკენ და მახათის მთისაკენ. სამხრეთიდან და დასავლეთიდან ავლაბრის ტერიტორიას მტკვარი ეკვრის.

აღმოსავლეთიდან ავლაბარს ნავთლული და ღირსიქალა ემიჯნებოდა. ღირსიქალა მტკვრის პირას მდებარეობდა (მის მოპირდაპირე მხარეს, მტკვრის მარჯვენა ნაპირზე კი ორთაქალის ბაღები იყო გაშლილი). ღირსიქალას ჩრდილოეთიდან ჩამოუდიოდა ღომელაურის წყალი, რომელიც მას ნავთლულისაგან ჰყოფდა. ნავთლული და განსაკუთრებით ღირსიქალა თბილისელთა (ავლაბარელთა) ბაღ-ვენახებს ეჭირათ.

ჩაკე შეეხება ავლაბრის ზრდას ჩრდილოეთით, მახათის მთისაკენ,

²⁰ სცსია, ფ. 1450, დავთ. 18, საბ. №16.

აქაც, ისევე როგორც გარეთუბანში, სასაფლაოები და ეკლესიები იკაფადენენ გზას. მახათის მთის ქვეშ XVII ს-ში სასაფლაო იყო, რომელსაც როსტომ მეფე „ქალაქის სასაფლაოს“ უწოდებს. ეს სასაფლაო ყოფილა ზარაბთუხუცეს ხოჯა ბეჰბუდას „მამა-პაპათ ნაქონი სასაფლაო“. ამ სასაფლაოზე ხოჯა ბეჰბუდამ როსტომ მეფის დასტურით საყდარი ააშენა და ხევიდან წყალიც გამოიყვანა აქაურობის მოსარწყავად. ხოჯა ბეჰბუდას საყდარი (ხოჯავანქი) დატანილია ვახუშტის გეგმაზე მელიქის საყდრის სახელით (№59).

ხოჯა ბეჰბუდამ სასაფლაოს გვერდით ბაღიც გააშენა, ამ ბაღის მოსარწყავად წყალი მახათის მთიდან გამოიყვანა. ბაღი დატანილია ვახუშტის გეგმაზე „ბებუთას ბაღის“ სახელით (№60).

ბებუთას ბაღთან, როგორც ეს ვახუშტის გეგმითა და 1654 წ. წყალობის წიგნითაც ჩანს, ქალაქის შარა გადიოდა. ვახუშტი მას ლილოს გზას უწოდებს.

ვახუშტის გეგმით ავლაბრის ტერიტორიიდან რამდენიმე გზა მიემართებოდა სხვადასხვა მხარეს: მტკვრის გაყოლებით აღმოსავლეთისაკენ მიმავალ გზას იგი უწოდებს „ბაღების გზა ყარაისა“ (№69). ამ გზის პარალელურად მიმავალ გზას, რომელიც აღმოსავლეთით სულ უფრო სცილდებოდა ყარაისის გზას, ვახუშტი „კახეთის გზას“ უწოდებს (№70). შემდეგი პარალელური გზა „შუატბის გზად“ არის სახელდებული (№71). ჩრდილოეთით მიმავალ გზას კი, ბებუთას ბაღს რომ ჩაუვლის, „ლილოს გზას“ უწოდებს (№72). გეგმაზე დატანილია კიდევ ორი გზა — ავქალის გზა (№74) და ზედა გზა (№75).

თუ 1800 წლის გეგმით ვიმსჯელებთ, XVIII ს. ბოლოს ქალაქის (ავლაბრის) ტერიტორია საცხოვრებელ კვარტალებს დაუფარავთ ავლაბრის გალავნიდან ხოჯავანქამდე და ჩუღურეთამდე. ადრე ეს ტერიტორია — პიშჩევიჩისა და ვახუშტის გეგმების მიხედვით — დაუსახლებელი ჩანს.

მოსახლეობის სწრაფვა ქალაქის საზღვრების გაფართოებისა და შორს წასვლისაკენ ოსმალთა ბატონობამ შეაჩერა მრავალი წლით.

თბილისურ დოკუმენტებში ასახულია ოსმალთა შემოსევის მძიმე შედეგები ქალაქისათვის და განსაკუთრებით გარეთუბნისათვის. საბუთებში არაერთგზის იხსენიება ურუმობაში გარეთუბნის დაქცევის ფაქტი. „გარეთუბანი დააქციეს ურუმებმა, როცა ქართლი დაიჭირეს“²¹. ოსმალთა სისასტიკის შედეგად „გარეთუბანი აიყარა და ქალაქში შემოვიდა“. თბილისურ დოკუმენტებში ოსმალთაგან მიწასთან გასწორებულად მოიხსენიება ციციშვილის მამული შუა კართან, ავანანთ ხევის პირას. ეს

²¹ 1786 წ. საბუთი (სესია, ფ. 1450, დავთ. №2, საბ. №115). „ურუმობა“ აქ „ოსმალთა“ (ოსმალთა მიერ დაპყრობის) მნიშვნელობითაა ნახმარი.

ადგილი, საბუთის სიტყვით, „ოსმალებს გაესწორებინათ“ და დიდი ხნის მანძილზე ცარიელი იყო²². ავანანთ ხევის მარჯვენა ნაპირსა და ქალაქის გალავანს შორის მდებარე ნაგებობანი მთლიანად მიწასთანაა გასწორებული. ამ ადგილებში მოსახლეობა ხელახლა მხოლოდ 70-იან წლებში იკიდებს ფეხს. თუ ქალაქის გალავანთან მიუყუთულ უბანს ეს დაემართა, ადვილი წარმოსადგენია, თუ როგორ გავერანდებოდა გარეთუბნის უფრო მოშორებული რაიონები. ამ ტერიტორიაზე საბუთები 70-იან წლებამდე მრავლად ასახელებენ „ნასახლარებს“, „ხარაბა ადგილებს“, „ნავენახრებს“ და სხვ.

ზირკინანთ ეკლესია, მაგალითად, მთლიანად გახარაბდა. იქვე აშენებული ბალები მინდვრად იქცა, წყლის მილები და აუზები დაიმტვრა. ვერც ზირკინანთ ტერ-სააკამ და ვერც მისმა შვილმა გასპარამ ვეღარ მოახერხეს დანგრეულის განახლება. აქაც, ისევე როგორც გარეთუბნის სხვა ნაწილებში, ცხოვრების ხელახალი აღორძინება 60-იანი წლების ბოლოდან იწყება. 1768 წ. ზირკინანთ ოჯახს ზედსიძედ შემოპყავთ ტერ-არაქელა და მას ზირკინანთ სასაფლაოს საყდრისა და ბალების განახლებას ავალებენ²³. მაგრამ საერთო პირობები იმდენად არის შეცვლილი. რომ ეს საქმე ვერც ტერ-არაქელამ შეძლო მარტომ. 1792 წ. მან სხვა სამღედლო პირნიც გაიამხანაგა და საერთო ძალით, განსაკუთრებით კი მოსახლეობის მხარდაჭერის იმედით, „ამ ეკლესიისა, წყლისა და ბალების შენებას მიჰყო ხელი“²⁴.

ოსმალთა ბატონობის შედეგად ასევე გავერანდა ზირკინანთ ეკლესიის მალა მდებარე ულიონანთ ბალი თავისი სარწყავი მილებითა და აუზით. ოსმალებმა დაანგრიეს არაგვის ერისთავის სასახლეც: „ურუმებმა რომ ქართლი დაიპირეს, გარეთუბანი დააქციეს, ერისთავის სასახლეც დააქცივეს“. ამის შემდეგ არაგვის ერისთავს სასახლე აღარა ჰქონია თბილისში. როცა მომდევნო ხანებში ქალაქს ჩამოვიდა ავთანდილ არაგვის ერისთავი, ის იძულებული იყო გაჩერებულყო თავისი სიძის გიორგი ორბელიანის სახლში, სადაც მან თითქმის ორი წელი დაჰყო²⁵.

1785 წელს შედგენილი პიშჩევიჩის გეგმით, ავანანთ ხევის მარცხენა ნაპირზე საცხოვრებელი კვარტალები მხოლოდ ამ ხევის ქვედა ნაწილში, ვანქის უბანშია ნაჩვენები, დანარჩენი ნაწილი გარეთუბნისა კი თითქმის დაუსახლებელია. გარეთუბნის ტერიტორიაზე პიშჩევიჩის გეგმა უჩვენებს ვანქის სასაფლაოს (№74), ყაბახს (№75), ქაშუეთს (№76), ქამოანთ ეკლესიას (№78), კალოუბანს (№77), ავანანთ ხევის პირას გეგმაზე აღნიშნულია თოფისწამლის ქარხანა (№79).

²² 1786 წ. საბუთი. სსსია. ფ. 226, საბ. №7752.

²³ დოკუმენტები თბილისის ისტორიისათვის, №255.

²⁴ სსსია, ფ. 1450, დავთ. 52, საბ. №98.

²⁵ სსსია, ფ. 1450, დავთ. 2, საბ. №115.

ქალაქის აღმოსავლეთი ნაწილი. მტკვრის მარჯვენა ნაპირზე რომ მდებარეობდა, ცალკე უბანს წარმოადგენდა. კალასაგან იგი გამოყოფილი იყო წავკისის წყლით. წავკისის წყალი. იგივე დაბახანა. ლელვთა ხევის სახელითაცაა ცნობილი. ვახუშტი კი მას შეეცდომით სალალაკის წყალს უწოდებს. ვახუშტის ეს შეცდომა მხოლოდ მისი შრომის ტექსტშია. გეგმაზე კი სალალაკის წყალი ეწოდება ამ სახელის მატარებელ ხევს. სალალაკის წყალი სინამდვილეში ერქვა ავანანთ ხევს. რომელიც მიემართებოდა წავკისის წყლის პარალელურად. შემდეგ უხვევდა ჩრდილოეთით. გ. ლეონიძის ქუჩის გავლით თავისუფლების მოედანზე მიედინებოდა და პუშკინისა და ბარათაშვილის ქუჩებით მტკვარს უერთდებოდა მუხრანის ხიდთან. ეს მდინარე XIX ს. მეორე ნახევარში ქუჩის ქვეშ ჩაიტანეს. ვახუშტის ტექსტის ეს უზუსტობა, როგორც ითქვა. გასწორებულია გეგმაზე. აქ № 53-ით აღნიშნულია მდ. წავკისის წყალი. რომელიც სოლოლაკის ქედსა და თაბორის მთას შორის გადის და მტკვარს უერთდება აბანოების უბნის გავლით. სალალაკის წყალი ანუ ავანანთ ხევი გეგმაზე ვახუშტის სწორადააქვს დატანილი. აღნიშნულია № 43-ით და განმარტებულია როგორც სალალაკის წყალი.

წავკისის წყლის მარცხენა მხარეს მდებარე ტერიტორია ქალაქისა იყო საკუთრივ „ტფილისი“. ვახუშტი მას თავის შრომაში „ტფილისად“ მოიხსენიებს. გეგმის ექსპლიკაციებში კი „სეიდაბადს ანუ ტფილისს“ უწოდებს.²⁵

წავკისის წყალს აღმოსავლეთიდან უერთდებოდა კლდიდან გამომავალი ცხელი წყაროები. რომლებზედაც აბანოები იყო გაშენებული. თანამედროვე აბანოებისა და ბალნეოლოგიური კურორტის რაიონი შეადგენდა სეიდაბადს. ანუ საკუთრივ ტფილისს, ამ რაიონში საცხოვრებელი უბნები აბანოების მიდამოებსა და მთის კალთებზე იყო (ამჟამად სეიდაბადის მოედანი და ქუჩა) შეფენილი. ხოლო ამ ქუჩებსა და მტკვარს შორის მდებარე ტერიტორია ბალებით იყო დაფარული.

სეიდაბადი თაბორის მთის კალთებიდან მტკვრამდე მოზღუდული ყოფილა. ეს ზღუდე-გალავანი კარგად ჩანს ვახუშტის გეგმაზე. ამ ზღუდის ნანგრევები დღესაც იხილვება სეიდაბადისა და სანაპირო ქუჩათა შორის მდებარე ქალაქის ბაღში²⁵. ეს გალავანი დატანილია თბილისის 1800 წლის გეგმაზეც: «Разваленное крепостное строение Халатхан называется». ამ გალავანს იქით გადაშლილი იყო სეიდაბადის. კრწანისისა და ორთაქალის ბალები.

თუ ვახუშტისა და 1800 წლის გეგმებს ერთმანეთს შევეუდარებთ. ცხადი ხდება. რომ ამ მხარეს ქალაქს არ განუტოდა რაიმე არსებითი ცვლილება XVIII საუკუნის დასაწყისიდან მის ბოლომდე.

²⁵ ვ. ბ. რ. ი. ვ. მე-18 ს. თბილისი ვახუშტის გეგმის მიხედვით, ანალები, I, თბ., 1947, გვ. 132.

თბილისური სახლები XVIII ს-ში

1803 წელს თბილისში ჩატარდა საცხოვრებელი სახლებისა და მცხოვრებლების აღწერა. ამ აღწერით ქალაქი ოთხ ნაწილად იყოფოდა: I, II, III და IV, რუსულად „ჩასტ“-ებად. აღწერიდან არ ჩანს²⁷, თუ სახელდობრ ქალაქის რა ტერიტორია იგულისხმება ამ ნაწილებში, სამაგიეროდ, ამას გვირკვევს საბუთი, რომელიც ქალაქში 1803 წლის აღწერას შეეხება²⁸. ამ საბუთით ქალაქის ოთხი ნაწილი შემდეგნაირად არის განმარტებული: I — მუხრანის, II — წავკისის, III — მთის, IV — ავლაბრის.

ეს დაყოფა არ ეთანხმება ქალაქის ტრადიციულ დაყოფას (კალა, თბილისი, გარეთუბანი, ისანი), თუ არ ჩავთვლით მის მეოთხე ნაწილს, და არც იმ დაყოფას იმეორებს, რომელიც შემდეგ საფუძვლად ედება თბილისის საპოლიციო უბნებად დანაწილებას. მუხრანის უბანი უდრის გარეთუბანს და კალას ნაწილს, წავკისის უბანი—ძველ სეიდაბადს და აბანოების უბანს, მთის უბანი — კლდის უბანს და ქვემო უბანს (ორივე ეს უბანი კალას შემადგენელი ნაწილია), ავლაბრის უბანი — ავლაბარს.

ამ ნაწილთაგან ყველაზე მკიდროდ დასახლებული და ხალხმრავალი მუხრანის უბანი ყოფილა. 1803 წლის აღწერით მუხრანის უბანში 1010 სახლია, 4011 სული სახლობს, წავკისის უბანში 624 სახლია და 2940 სული, მთის უბანში 837 სახლია და 3061 სული, ავლაბარში 454 სახლია და 1075 სული.

ამ 2925 სახლიდან თითქმის არც ერთს არ მიუღწევია აღწერის ხანისათვის თავდაპირველი სახით. ყველა მათგანი ალა-მაჰმად ხანის შემოსევისას დანგრეული და XVIII ს-ის ბოლოს ხელახლა აღდგენილია. უმრავლესობა ამ სახლებისა ერთოთახიანია. ქალაქელთა დიდი ნაწილი ორ- ან სამოთახიან სახლებში ცხოვრობს. ხუთზე მეტი ოთახის მფლობელი მთელ ქალაქში ოცი ოჯახიც არ ჩანს.

ხუთი და ხუთზე მეტი ოთახის მფლობელებად გვევლინებიან თავდაზნაურობის წარმომადგენელნი, ეკლესიის წინამძღვრები და საერთოდ მაღალი სამღვდელოება, მდიდარი ვაჭრები და შეძლებული მოქალაქენი. ასეთივე სურათი იხატება ჩვენს წინ ოთხი ოთახის მესაკუთრე ქალაქელების სოციალური სახის გარკვევისას.

როგორი იყო აღნიშნული ოთახები გარეგნულად ანუ რას წარმოადგენდა თბილისური სახლი, ამის თაობაზე აღწერა არავითარ მასალას არ იძლევა. სხვა სახის მასალით კი XVIII ს. თბილისური სახლები ძირითადად ორი ტიპისა იყო: დარბაზი და შირვანული სახლი. თბილისუ-

²⁷ დაბეჭდილია ს. კაკაბაძის მიერ. — „საისტორიო მოამბე“, II, 1925, გვ. 77—104.

²⁸ AKAK, II, c. 1046.

რი დოკუმენტები ასახელებენ ქალაქური შენობების ამ ორ ტიპს. ჩვენამდე არ მოუღწევია ამ ორი ტიპის არც ერთ სახლს, თუ არ ჩავთვლით ფორაქიშვილების დარბაზს ავლაბარში, მეტეხის ქუჩაზე. მაგრამ ეს დარბაზიც მრავალჯერაა გადაკეთებული, იგი გვირგვინმოხსნილია და კედლებში ფანჯრებჩატანებული. ამიტომ იგი მხოლოდ ნაწილობრივ იძლევა დარბაზის თავდაპირველი სახის წარმოდგენის საშუალებას.

ვახუშტი ქალაქური სახლების შესახებ ამბობს, რომ „სახლნი ნაშენნი არიან ქვა-ტალახითა და გაღესილი ვაჭით, ზოგთა სპარსთა რიგისა, ზოგთა ქართული“²⁹. ვახუშტის „სპარსული რიგით“ ნაშენი სახლი თბილისურ დოკუმენტებში მოხსენიებულ „შირვანულ სახლს“ უდრის, ხოლო „ქართული რიგის“ სახლი — დარბაზს. თბილისური დარბაზი და შირვანული სახლი აღწერილია ალექსანდრე ნეგრის მიერ 1816 წ.³⁰

დოკუმენტური მასალა გვიჩვენებს, რომ ორსართულიანი სახლები საკმაოდ ხშირი ყოფილა თბილისში. ხშირად პირველ სართულზე დუქანი იყო მოთავსებული, მეორეზე საცხოვრებელი. ნეგრის აღწერილობით ბანიანი, ერთსართულიანი და უფანჯრო ნაგებობანი ქარბობს ქალაქის სახლებში, მაგრამ ამ ტიპის სახლები რომ არ ყოფილა თბილისისათვის აუცილებელი ნიშან-თვისება, ეს ჩანს ქალაქის ჩვენამდე მოღწეული ხედებიდანაც.

შარდენის მოგზაურობის აღწერას თან ერთვის რამდენიმე გრავიურა, ერთი მათგანია თბილისის ხედი (1673 წ.). ამ გრავიურაზე თბილისური სახლები ორი ტიპისაა: ორფერდა სახურავით გადახურული და კვადრატული ფორმის ერთსართულიანი ნაგებობა ზედ დადგმული ნახევარსფეროს ფორმის გუმბათით. ამ გრავიურაზე ბანიანი სახლები სრულიად არ ჩანან. შარდენის ხედი წარმოდგენას გვიქმნის თვით სასახლეთა ტიპების შესახებაც. თუ ჩვეულებრივი საცხოვრებელი სახლები ერთსართულიანია, სასახლეები ამ გრავიურით სამსართულიანია: არის თაღოვანი, სვეტებიანი, სწორფასადიანი სასახლეები, ზოგ სასახლეს კოშკი აქვს დადგმული და ოთახები ვერტიკალურადაა განლაგებული.

შარდენის გრავიურა შესრულებულია ქალაქის აღმოსავლეთი მხრიდან. თითქოს მისი დამხატვაი მტკვრის მარცხენა მხარეს, რიყის თავში ზის და იქიდან ხატავს მის წინ გადაშლილ ქალაქს. ქალაქის ხედზე აღნიშნულია მეფის მოედანი (ბატონის მოედანი), რომლის სამსრეთითა და ჩრდილოეთით სასახლის კორპუსებია მოთავსებული. ჩრდილოეთით მდებარე სასახლე სამსართულიანია, მესამე სართული უფრო ვიწროა, ვიდრე დანარჩენი ორი ქვედა სართული. მესამე სართულს კედლე ადგას

²⁹ ვახუშტი ბატონიშვილი, აღწერა სამეფოსა საქართველოსა, თბ., 1941, გვ. 54.

³⁰ მ. პოლიევქტოვი, გ. ნათაძე, ძველი თბილისი, ტფ., 1929, გვ. 73—74.

ფანჩატურის მსგავსი მანსარდა. ამ სასახლის მტკვრისკენ მიქცეული მხარე სვეტებით არის გარშემოვლებული. სვეტები I და II სართულზეა, თითქოს ეს სვეტები ღია აივანსა ჰქმნიან. ეს გაშლილი აივანი მტკვარს გადმოსცქერის. სწორედ ასეთი სასახლე აქვს სიტყვიერადაც აღწერილი შარდენს³¹.

ამგვარად აღწერილი სასახლე და მისი სანადიმო დარბაზი გამოხატულია შარდენის მომდევნო გრავიურაზე³². ეს გრავიურა ნათელ წარმოდგენას გვიქმნის ამ დარბაზის სეფის მოწყობილობაზე.

ცნობილია, რომ ადრე სამეფო სასახლეები თბილისში იყო ორგან — ისანში (მეტეხის პლატოზე) და თბილისში, ციხის ტერიტორიაზე. ციხეში არსებული „სასახლე მეფისა, პალატნი დიდ-დიდნი და შვენიერნი“ როსტომ მეფემ „დაუტევა“, „ჩამოზღუდა კალა ციხიდან ხიდის ყურემდე და მისცა სპარსთა“ „და თავისა თვისისათვის სამეფოდ აღაშენა სიონსა და ანჩისხატს შუა სასახლე, მტკვარს გარდაკიდებით, ყიზილბაშთა რიგისა“³³. როსტომ მეფის აშენებული ეს „ყიზილბაშური რიგის“ სასახლე არის სწორედ შარდენის „მოგზაურობაში“ აღწერილი „მეფის სასახლე“.

XVII ს. ბოლოს ერეკლე I-მა როსტომის სასახლეს ახალი კორპუსი მიაშენა. ამ სასახლეს აღწერს ერეკლე I-ის შვილი თეიმურაზ II:

„ერთი სრა მამის ჩემისა, მეფის ერეკლეს გებული, ხელმწიფეთ საკადრისი და ქვეყნისგან მოწონებული, სარკით და ოქროს ვარაყით შემთხვევით განათებული. და მეფეთ და დარბაისელთთვის სალხინოდ დამზადებული“³⁴.

1701 წ. თბილისში იმოგზაურა ტურნეფორმა, რომელმაც ქალაქის სხვა ნაგებობათა შორის მეტის სასახლეს დაათვალიერა. იგი შემდეგნაირად აღწერს მის მიერ ნანახ სასახლეს: „მთავრის სასახლე ციხის ქვემოთ, მდებარეობს, იგი ძალიან ძველია და ასეთი პატარა ქვეყნისათვის საკმაოდ კარგა გამოიყურება. სასახლის ბალები, საბაზიარო, სამწვეარ-სამეძებრო, მოედანი და ბაზარი სასახლის წინ დათვალიერების ღირსია. ჩვენ შეგვიყვანეს მომცრო დარბაზში, რომელმაც ჩვენზე საუკეთესო შთაბეჭდილება დასტოვა მიუხედავად იმისა, რომ იგი ხისგან არის ნაკეთები. მას ყოველ მხარეს აქვს ფანჯრები, რომლებშიაც ჩასმულია დიდი ზომის შუშები ლურჯი, ყვითელი, მოწითალო-მონაცრისფრო და

³¹ მ. პოლიექტოვი, გ. ნათაძე, ძველი ტფილისი, გვ. 19, 21.—23.

³² იქვე, გვ. 24.

³³ ვახუშტი, აღწერა..., 1941. გვ. 52.

³⁴ თეიმურაზ II, თხზულებათა სრული კრებული, გ. ჭაკობიას რედაქციით, თბ., 1939, გვ. 105.

სხვა ფერისა. არის რამდენიმე ვენეციური სარკეც..., კერი შემკულია მოვარაყებული ტყავით“³⁵.

ტურნეფორმაც დაგვიტოვა გრავიურა, რომელიც ქალაქის ხედს წარმოადგენს აღმოსავლეთიდან. მაგრამ ეს ხედი უფრო სტილიზებულია და მისი სამუალებით ქალაქის ნამდვილი იერის წარმოდგენა ცოტა გაჭირდება³⁶.

დაუბრუნდეთ სამეფო სასახლეებს. ვახუშტის თქმით, ვახტანგ VI-მ „აღაშენა სახლი მშვენიერი, სრულიად სარკითა და მოოქროვილი, დიდ-მხატვრობითა, ლაყვარდითა და მარმარილოს კედლითა“. ეს სასახლე სეხ-ნია ჩხეიძეს შემდეგნაირადა აქვს აღწერილი: „სახლი პატიოსანი მი-ქურტიისანისა და ოქროსა ვარაყითა შეთხზული... უმშვენიერესი სახლი არც ერანს შიგან მინახავს“³⁷. მოგვეპოვება ამ სასახლის პლატონ იოსე-ლიანისეული აღწერილობაც³⁸. ეს სასახლე 1725 წელს ოსმალებმა და-ანგრიეს.

სასახლის ტერიტორიაზე თეიმურაზ II-მ „ააგო სახლი ახალი... მტკვრის პირს, მშვენიერი და შემკული ყოვლით კერძო“³⁹. ამ სახლში 1750 წ. გადაიხადეს ერეკლე II-სა და დარეჯანის ქორწილი, რომელიც შვიდ დღე-ღამეს გრძელდებოდა⁴⁰.

ერთი სამეფო სასახლე აშენებული იყო სეიდაბადის აღმოსავლეთით. ვახუშტის გეგმაზე მას ხალანგარი ეწოდება (№48). ეს სასახლე დაათვა-ლიერა ტურნეფორმა და მისი შემდეგნაირი აღწერილობა დაგვიტოვა: „ოთახები ამ სასახლეში ანფილადად არის განლაგებული, მაგრამ, რო-გორც საერთოდ ამ ქვეყანაში მიღებულია, დაბალქერიანებია. ისინი შემ-კულია ფრიზით და ისტორიული სურათებით, ყველაფერი ეს მეტად უმნო გემოვნებისაა, უხეიროდ დახატული, ცუდად შეღებილი და უფრო ცუდად შეხამებული“⁴¹.

³⁵ მ. პ. ო. ი. ე. ვ. კ. ტ. ო. ვ. ი. გ. ნ. ა. თ. ა. ე. ძველი ტფილისი, გვ. 29. ტურნეფორის მიერ აღწერილი სასახლე თ. ბერიძეს მიანხია ერეკლე I-ის მიერ აშენებულ სასახლედ. თ. ბ. ე. რ. ი. ძ. ე. თბილისური სამეფო სასახლეების ისტორიისათვის, „ძველის მეგობარი“, 1982, №11, გვ. 102. მაგრამ რაკი ტურნეფორს მის შესახებ ნათქვამი აქვს, რომ იგი „ძალიან ძვე-ლია“, ცხადია, ერეკლე I-ის აშენებული ვერ იქნებოდა.

³⁶ ტურნეფორის მიერ შესრულებული თბილისის ხედი დაბეჭდილი აქვს ვ. ცინცა-ძეს წიგნში «Тбилиси. Архитектура старого города и жилые дома первой половины XIX столетия». Тбилиси, 1958, табл. XI.

³⁷ ს. ე. ხ. ნ. ი. ა. ჩ. ხ. ე. ი. ძ. ე. ცხოვრება მეფეთა, ზ. ჭიჭინაძის გამოცემით, თბ., 1913, გვ. 25.

³⁸ Иоселиани П. Описание древностей города Тифлиса, Тифлис, 1866, с. 248—249.

³⁹ ვ. ა. კ. უ. ნ. ო. რ. ბ. ე. ლ. ი. ა. ნ. ი. დასახ. ნაშრომი, გვ. 180.

⁴⁰ ამ სასახლის აგებას თ. ბერიძე 1749—1751 წლებით ათარიღებს. მისი საბოლოო შემკობა კი 1753 წ. დასრულებულა. „ძველის მეგობარი“, 1982, 11, გვ. 105.

⁴¹ მ. პ. ო. ი. ე. ვ. კ. ტ. ო. ვ. ი. გ. ნ. ა. თ. ა. ე. დასახ. ნაშრომი, გვ. 29.

მას შემდეგ, რაც როსტომმა სამეფო სასახლე ციხის უბნიდან სიონ-ანჩისხატის რიგზე გადმოიტანა, ამ ადგილებს საცხოვრებლად მიეტანა ქართველი თავადობაც.

პირველი თავადიშვილი, რომელმაც სასახლეთა ამ რიგზე დაიდო ბინა, იყო გივი ამილახვარი. გივი I ამილახვარს ცოლად ჰყავდა ვახტანგ V-ის ქალი თამარი, რომელსაც მზითვად მოჰყვა ანჩისხატის გვერდზე მდებარე სასახლე. მანამდე ეს სასახლე სამეფო იყო, იგი, როგორც „ამილახვრის სახლი“, დატანილია ვახუშტის გეგმაზე (№7) და ნახსენებია ზოგ საისტორიო წყაროში.

ამილახვრის სასახლე მდებარეობდა ანჩისხატის ჩრდილოეთი კედლის გვერდით. ერთი მხრივ იგი გადიოდა წყლის კარიდან ბატონის მოედნისაკენ მიმავალ ქუჩაზე (აწ. შავთელის ქუჩა) და მეორე მხრივ — მტკვარზე. გივი ამილახვარმა და მისმა მეუღლემ მზითვად მოყოლილი სასახლე გააფართოეს და შეაკეთეს. ამ სასახლეს სამხრეთით ანჩისხატის მხარეს დიდი დარბაზი ჰქონია. თამარ ბატონიშვილს დარბაზისათვის ახალი კარი გაუქრია ანჩისხატის მხარეს, მანვე ეს დარბაზი მთლიანად მოახატვინა მაშინდელ მხატვარს აბელ კალატოზიშვილს. აბელმავე ახლად გაჭრილი კარის თავზე გივისა და თამარის პორტრეტები დახატა მთელი ტანით: „ანჩისხატის გვერდზე კარი გამოჟლია თამარ ბატონიშვილს, კარს ზევით ცოლი და ქმარი სწერია, აბელ კალატოზიშვილის დაწერილია და ის მხარეც იმათი დახატულია“⁴².

ამ სასახლისათვის ახალ პატრონებს საყინულეც მიუმატებიათ. ამიერიდან ეს სასახლე ამილახვართა რეზიდენციად იქცა. დიმიტრი ამილახვარის ვაჟის ალექსანდრეს აღწერილობით, ეს სასახლე სამსართულიანი ყოფილა, სპარსულ ყაიდაზე ნაგები, იგი მტკვარს გადასცქეროდა და ეს სწრაფი მდინარე საძირკველს უთხრიდა მას. ამიტომ დიმიტრი ამილახვარი უკრძალავდა თავის ოჯახის წევრებს მტკვრისპირა ოთახებში ყოფნას. ერთ დღეს მართლაც ჩამონგრეულა მტკვრისპირა მხარე სასახლისა და იქ მყოფი ალექსანდრე ამილახვრის დედა ნანგრევებს ჩაუტანია მდინარეში⁴³. ეს მოხდა 1763 წელს. ამის შემდეგ ეს სასახლე აღარ განუახლებიათ. 1765 წ. შეთქმულების (რომლის მონაწილენიც იყვნენ დიმიტრი და ალექსანდრე ამილახვრები) გამომჟღავნების შემდეგ ამ სასახლის აღდგენაზე უკვე აღარავის უფიქრია. პიშჩევიჩის 1785 წ. გეგმაზე ამ ადგილას პატრიარქის სახლია დატანილი.

ვახუშტის გეგმაზე, ამილახვრის სასახლის გვერდით, ჩრდილოეთით, ნაჩვენებია „ბატონიშვილის სახლი“ (№8), შემდეგ „ლუარსაბისა“ (№9) და „მუხრან-ბატონის“ (№10) სახლები. ეს უკანასკნელი ამთავრებდა კა-

⁴² დოკუმენტები თბილისის ისტორიისათვის, №206.

⁴³ История Георгианская, СПб., 1770, с. 54—55.

ლას ტერიტორიას. იგი გალაუნის პირას ყოფილა აშენებული წყლის კართან. პიშჩევიჩის გეგმითაც ამ ადგილას რაღაც ნაგებობაა დატანილი, ოღონდ მოცემული არ არის მისი სახელი. შარდენის გრავეურით კი ამ ადგილას კახეთის მმართველის სასახლეა⁴⁴.

დღევანდელ შავთელის ქუჩაზე, გარდა ამილახვრისა და მუხრან-ბატონის სასახლეებისა, იყო აგრეთვე გერმანოზიშვილების, მეითრიშვილების, როკიკაშვილის, მროველის, გარეჯელის, დოდოს მონასტრის სასახლეები. ანჩისხატის ჩრდილოეთით მდებარე სასახლე XVIII ს. დასაწყისში დაიკავა კათალიკოსმა დომენტიმ. ამის შემდეგ იგი კათალიკოსთა რეზიდენციად იქცა 1795 წლამდე. ეს რეზიდენცია დატანილია პიშჩევიჩის გეგმაზე როგორც წყლისკარიდან მეორე, მუხრან-ბატონის სასახლის შემდეგი სახლი (№2).

ქუჩის მარჯვენა მხარეს კი მდგარა ჯვარისმამის წინამძღვრისა და შიომ ზედგენიძის სასახლეები. შავთელის ქუჩის პერპენდიკულარულია აწ. ავლევის (ადრე კვირაცხოვლის) ქუჩა, რომელზედაც იდგა ქაიხოსრო აბაშიძის, ქსნის ერისთავის, გედევანიშვილის და ციციშვილის სასახლეები. აქვე დასახლებულა XVIII ს-ში გათავადებული იესე ოსეს ძე.

ორბელიანები ბატონის მოედნის ჩრდილო-დასავლეთითა და დასავლეთით სახლდებიან.

სასახლეთა ადგილმდებარეობა, ასე თუ ისე, დგინდება, მაგრამ როგორი იყო ეს სასახლეები გარეგნულად, ამისი დანამდვილებითი ცოდნა არა გვაქვს. ვიცით, მაგალითად, რომ ბებუთაშვილების სასახლეს, რომელიც კლდისუბანში, ჯვარისმამის ეკლესიის ზემოთ, დღევანდელი ენგელისის ქუჩის დასაწყისში, იდგა, სხვადასხვა ნაგებობებითა და ეზობლით საკმაოდ ვრცელი ტერიტორია ეჭირა. ამ ტერიტორიაზე ყოფილა პატარა აუზი მარმარილოს ლომებით და, აგრეთვე, ქვის აუზი. ამ აუზებში წყალი სოლოლაკის მთიდან მოდიოდა მილებით, შაჰის ტახტის მხრიდან⁴⁵.

ბატონის მოედნის ჩრდილო-აღმოსავლეთ კუთხეში მდებარეობდა იოანე ნათლისმცემლის სახელობის ეკლესია, რომელიც ითვლებოდა ნათლისმცემლის უდაბნოს მეტოქედ ქალაქში. ამ ეკლესიის მეზობლად ორ-

⁴⁴ დოკუმენტურ მასალაში კახეთის მმართველის სასახლე არსადაა ფიქსირებული. მუხრან-ბატონის კუთვნილი სახლი კი ხშირად იხსენიება როგორც გალაუნის შიგნით, ისე გალაუნის გარეთ. მუხრან-ბატონებს აქ ვრცელი უბანი ეჭირათ. ამიტომაც ამ ადგილს მუხრანთებანს უწოდებდნენ. ხოლო მათი სასახლე, გალაუნთან მდებარე, ადრე გიორგი XI-ს ეკუთვნოდა. ამ მეფემ ეს სასახლე 1687 წელს თავის ბიძაშვილს თეიმურაზ მუხრან-ბატონს უბოძა (სცსია, ფ. 226, საბ. №61). ეტყობა, შარდენი სწორედ გიორგი XI-სეულ სასახლეს უწოდებს კახეთის მმართველის სასახლეს.

⁴⁵ სცსია, ფ. 1450, დავთ. 42, საბ. №1.

სართულიანი სასახლე ჰქონია ცნობილ სახელმწიფო მოღვაწეს სოლომონ ლეონიძეს.

როგორც საბუთებიდან ჩანს, ლეონიძის სახლი ორსართულიანს ყოფილა; მეორე სართულისათვის მას მიუშენებია „წამოკიდებული „ყავრული“, ანუ ფიცრული, რომლისთვისაც ფანჯარა და „რუსები“ დაუტანებია (ე. ი. აფიცრული აივანი)“. იგი საკმაოდ ფართო ყოფილა — მიწის კედელს აღღნახევრით გადაცილებული. ეს გადაკიდებული აივანი იმდენად მაღალი ყოფილა, რომ იქიდან ეკლესიის საკუთხეველში გადახედვაც შეიძლებოდა, რის გამოც 1792 წ. სოლომონისათვის უჩივლიათ კიდევ⁴⁶. ასეთი შემთხვევები, უთანხმოებანი მეზობლებს შორის და, საერთოდ, წესების დარღვევა სახლების შენებისას არცთუ ისე იშვიათი ყოფილა.

მოსახლეობა

ტურნეფორის ცნობით, 1700 წ. თბილისში ირიცხებოდა 20 000 მცხოვრები, ქართული მასალით კი — 1783 წ. აღწერით (ეს აღწერა შეეხება მხოლოდ ქალაქში მცხოვრებ ყმათა ოჯახებს) თბილისში ცხოვრობდა 3 478 კომლი ყმა. თუ კომლში საშუალოდ ხუთ სულს ვიანგარიშებთ. ქალაქის მთელი ყმა მოსახლეობა 17 390 სული იქნება. გამოდის, რომ თითქმის მთელი საუკუნის მანძილზე (1700—1783 წლებში) ქალაქში მოსახლეობის მატება არ მომხდარა. ამ ხნის განმავლობაში ქალაქმა გადაიტანა ოსმალობა, ყიზილბაშობა, შავი ქირის ეპიდემიები და ბუნებრივია, რომ ქალაქის მოსახლეობა არ გაზრდილა.

ალა-მაჰმად ხანის შემოსევის შედეგად ქალაქი განსაკუთრებით დაზარალდა. მთელი მოსახლეობა აიყარა და გაიხიზნა. მხოლოდ მოგვიანებით იწყო ხალხმა ქალაქში ხელახალი დენა.

1803 წელს ჩატარდა ქალაქის აღწერა. აღწერა ჩატარდა იმის გასარკვევად, თუ რა საშუალება ჰქონდა ქალაქს რუსის ჯარისა და ჩინოვნიკების მისაღებად. ამისათვის აღწერეს ქალაქში მყოფი სახლებისა და მოსახლეობის რაოდენობა. აღმოჩნდა, რომ მაშინ თბილისში მცხოვრებთა რაოდენობა დაახლოებით 12 000 ყოფილა, ე. ი. 1783 წ. აღწერასთან შედარებით მოსახლეობის რიცხვი საკმაოდ შემცირებულა. მაგრამ, კლაპროტის ცნობით, თბილისის მოსახლეობა, რუსთა გარნიზონისა და ჩინოვნიკების გამოკლებით, 18 000 სულს შეადგენდა. მოსახლეობის რიცხვს თუმცა საგრძნობლად უმატია, მაგრამ მაინც ვერ მიუღწევია ალა-მაჰმად ხანის შემოსევამდე არსებული დონისათვის.

⁴⁶ ისტორიული საბუთები, ს. კაკაბაძის გამოც., V, გვ. 111.

ქ. თბილისის ჩრდილო-დასავლეთიდან სოფელი ვერეანუვერა ესაზღვრებოდა. ქალაქის შემოგარენში პირველად სიტყვა „ვერე“ ხევის სახელად — „ვერისახევი“ — XIII ს. გვხვდება. აღნიშნულ ხევში მოედინებოდა მდ. ვერე, რომელიც მტკვარს მარჯვენა მხრიდან ერთვოდა. XVI ს. მეფე სიმონ I-ის მიერ გაცემულ სიგელში მოხსენიებულია „ვერის ხევის“ ტარულა. ცალკე სოფლის სახელად „ვერე“-ს ვხვდებით XVIII ს-ში. იგი საგაბაშვილო სოფელია.

გაბაშვილთა გვარს თბილისის პირას პირველად XVI ს. ვხვდებით, კერძოდ, მთაწმინდაზე, წმ. დავითის სახელზე აგებულ ეკლესიასთან დაკავშირებით. 1542 წ. შედგენილი საბუთის მიხედვით, აქ ეკლესია აუგიათ ძმებს—ნიკოლოზ და დავით გაბაშვილებს.

ვერეს ადრეული სახელია სკვირეთი, სკორეთი.

ვახუშტი ამბობს: „ხოლო კოყრის ჩრდილოთ კერძ არს სკვრეთის მდინარე, აწ წოდებული ვერე; გამოსდის დიდგორის მთას, მოდის აღმოსავლით, ერთვის მტკუარს დასავლიდამ, ტფილისის ჩრდილოდ კერძ. შესართავსა ზედა არს ლურჯი მონასტერი“⁴⁷.

სოფელ ვერეს საზღვრებზე XVIII ს. სიგელ-გუჯრებში დაცული ცნობები კონკრეტულად არას გვაძეცობენ. დადგენილი მიჯნები უფრო ქალაქთან ახლოს მდებარე საგაბაშვილო მამულს ეხება, ვიდრე კონკრეტულად სოფელ ვერეს. ამ დროს (XVIII ს-ში, შეიძლება XVII ს-შიც), ვერეც უფრო ადგილის ზოგადი სახელი იყო და მოიცავდა ამჟამინდელ საბურთალოს, დელისს, ვაკეს.

XVIII ს. ვერე შემოიფარგლებოდა სამხრეთიდან—გაბაანთხევით (ამჟამინდელი გაბაშვილის ქუჩის ნაწილი, ვერის დაღმართი), დასავლეთიდან—ვარდისუბნის მთით (სემიონოვკის დასახლება), ჩრდილოეთიდან—საბურთალოთი, აღმოსავლეთიდან — მტკვრით.

ვერე თბილისის მახლობლად ერთ-ერთი მთავარი სასოფლო-სამეურნეო უბანი იყო, რომლის ბალ-ვენახებსა და ყანებში მოწეული ჭირნახულით მარაგდებოდა ქალაქის ბაზარი.

ბალ-ვენახებისა და ყანების გარდა, მდ. ვერეზე ბევრი წისქვილი იდგა. მათი მფლობელები იყვნენ — ქალაქის მელიქი დარჩია, თბილელი, ორბელიანები, მელიქიშვილი, ყორღანაშვილი და სხვ. ვერაზე და საზოგადოდ ქალაქის სიახლოვეს წისქვილთა სიმრავლე მაჩვენებელია თბილისის შემოგარენის სოფლის მეურნეობის ინტენსიურობისა და დაწინაურების. წისქვილი დიდ შემოსავალს იძლეოდა, ამიტომაც მისი მეპატრონე იყო არა მარტო უბრალო მოქალაქე, ან ვაჭარი, არამედ მეფენი და

⁴⁷ ვახუშტი, ქართლის ცხოვრება, IV, გვ. 329.

თავადაზნაურებიც. რომლებსაც იჯარით ჰქონდა გაცემული თავიანთი წისქვილები.

„ქალაქის მოურავის სარგოს“ მიხედვით. მოურავს წილი ვერის ბალებიდანაც ერგებოდა. ვერის ხუროთმოძღვრული ძეგლებიდან დღესაც დგას „ლურჯი მონასტერი“. ვერაზე მდგარა კიდევ ერთი ეკლესია „წმ. ესტატეს“ სახელობის. XII—XIII სს-სა.

ვერაზე გადიოდა ქალაქიდან წამოსული „დიღმის გზა“ — ერთ-ერთი უმნიშვნელოვანესი საქალაქთაშორისო და საქარავენო გზა (ამჟამინდელი მერაბ კოსტავას ქუჩა) ვერის ხევზე. ქვითა და ქართული აგურით ნაგებ ოთხბაღიან „ვერის ხიდზე“. რომელიც XVII ს. 40—50-იან წწ. აუგია თბილისელ ვაჭარს ხოჯა ბეკბუდას (თავად ბებუთაშვილების წინაპარს) დღევანდელი ზოპარკის ახლოს.

მეორე გზა, რომელიც ვერაზე გადიოდა. წყნეთის გზა (აწინდელი მელიქიშვილის ქუჩა და ილია ჭავჭავაძის გამზირი) იყო.

XIX ს. ძველი ვერის-საგაბაშვილოს ტერიტორიაზე ჩნდება რამდენიმე სოფლური დასახლება—საბურთალო. ვარდისუბანი. ვაკე.

ვარდისუბნისა და ვაკისაგან განსხვავებით. საბურთალო XVIII ს. შედგენილ წყაროებში გვხვდება. საბურთალო „დასტურლამალში“ დიღომთან დაკავშირებითაა მოხსენიებული: „კარი 28. დიღმისა და მისის მოხელეებისა“. ქვეთავში „დიღმის გამოსალები“ წერია — „საბურთალის ზერებს ჰური კოდი 36. სხვა ჯერ არ დადებულა“.

აღნიშნულ დროს წერილობით წყაროებში სახელ საბურთალოს მსაზღვრელად თან ახლავს სიტყვა ველი. მიწდორი. ესე იგი. ამ დროს (XVIII ს.) საბურთალო. როგორც დასახლებული პუნქტი. არ არსებობდა. „მის (ვერის) სამხრით არს ველი საბურთალისა. ამას შინა ყოფილა რუ. ვერიდამ მოტანლი. და აწ უმისოდ უნაყოფო არს“.—მოგვითხრობს ვახუშტი⁴⁸.

მამასადამე. საბურთალოს ველი ირწყვებოდა მდინარე ვერედან გამოტანილი რუს საშუალებით. რომელიც. ეტყობა. ქვეყნის ავბედობის ჟამს მოიშალა. რადგანაც იგი ვახუშტის დროს უკვე აღარ მოქმედებდა.

აღსანიშნავია. რომ საბურთალოს ველი განვითარებულ შუა საუკუნეებში (XI—XIII სს.) მკიდროდ ყოფილა დასახლებული. რაზეც მეტყველებს აქ აღმოჩენილი ნუმიზმატიკური მასალა—მონეტები. თიხისა თუ ლითონის ნივთები.

ქალაქის შემოგარენში. მის უკიდურეს ჩრდილო-დასავლეთით. XVIII ს. მდებარეობდა სოფელი ვ ე ძ ი ს ი. აღებულ ხანაში ვეძისს სამხრეთიდან და აღმოსავლეთით უშუალოდ „საგაბაშვილო“ ემიჯნებოდა. ხოლო დასავლეთით და ჩრდილოეთით—ნახშირ-გორისა და დიღმის მამუ-

⁴⁸ ვ ა ხ უ შ ტ ი, ქართლის ცხოვრება, IV, გვ. 339.

ლები (ამჟამად სოფელ ვეძისის მამულის ადგილი კანდელაკის სახელობის ქუჩას და მის მიმდებარე ტერიტორიას უკავია).

ვეძისი XVIII ს. 20-იან წლებამდე სახასო სამეფო მამულია. 1723 წ. გაცემული წყალობის სიგელით, ქართლ-კახეთის ტახტის მპყრობელ მეფეს კონსტანტინეს ციციშვილებისათვის უბოძებია ვეძისი.

ვეძისში, ციციშვილების გარდა, ყმა-მამული ჰქონდათ თარხნიშვილებს, სოლოლაშვილებს, თუმანიშვილებს და სხვ.

სოფელი კ რ წ ა ნ ი ს ი თბილისის სამხრეთით, მდ. მტკვრის მარჯვენა ნაპირზე მდებარე ერთ-ერთი გარეუბანთაგანია. პირველად ქალაქის მახლობლად კრწანისი გვხვდება 1392 წ. შედგენილ მცხეთის საკათალიკოსო სითარხნის გუჯარში — „ქალაქს ვაქრებთა კრწანისი“, იგი ვითარცა საკათალიკოსო მამული თბილისის მეტეხის ღვთისმშობლის ეკლესიას შეწირული მამულია.

XVIII ს. კრწანისის საზღვრებია: სამხრეთითა და სამხრეთ-დასავლეთიდან — ხატის თელეთი და შინდისი, ჩრდილოეთით—სეიდაბადი და აღმოსავლეთით—მდ. მტკვარი. მის ფარგლებშია ორთაქალა.

კრწანისის ისტორიის შემცველი გვიანი დოკუმენტური მასალა ძირითადად აქ არსებული ბალ-ვენახების ყიდვა-გაყიდვასა და წყალობით გაცემას ეხება.

ამ სოფლის მოურავისა და მამასახლისის სახელოების ბოძება და ჩამორთმევა საქართველოს კათალიკოსის უშუალო კომპეტენციამი შედიოდა, თუმცა ზოგჯერ აღნიშნულ სახელოებს მეფეც ამტკიცებდა.

კრწანისის მოურავის სახელო მემკვიდრეობითი იყო. მას ფლობდა თაზიშვილის გვარის ერთ-ერთი წარმომადგენელი.

კრწანისში ადგილობრივ მოხელეებთან ერთად (მოურავი, ხასადარი, მამასახლისი, მებეგრე, მეკულუხე, ზედამხედველი) სხვადასხვა დარგის ხელოსნებიც ყოფილან: ხარაზი, მკერვალი, მესანთლე, ფეიქარი და სხვ. ხელოსნობის განვითარებას აქ ხელს უწყობდა ქალაქის სიახლოვე. კრწანისელი ხელოსანი სოფელში დამზადებულ ნაწარმის ნაწილს თბილისის ბაზარზე ჰყიდდა.

კრწანისში ბალები ჰქონდათ ქალაქელებს და მეფის ოჯახის წევრებს ბატონიშვილებს. „დასტურლამალში“ საგანგებო პარაგრაფი აქვს დათმობილი „ქალაქის მწვანილის ბაჟის“ საკითხს. აქ ლაპაარაკია იმ ვალდებულებებზე, რაც ეთხოვებოდათ ვალმა ჰქალის მეპატრონე-მებალებს: რა რაოდენობის ბოსტნეული და ხილი (კიტრი, ლობიო, ბადრიჯანი, ნიორი, თავი ხახვი, კომბოსტო, კარხალი, ნესვი, საზამთრო) უნდა ჩაებარებინათ ყოველდღიურად მეფის ქარხანაში (საწყობში); მათ ეკრძალებოდათ გასაყიდი მწვანილის დათესვა, ე. ი. კარბი მოსავლის მიღება.

დამოწმებულ საბუთში საუბარია ქალაქის ვალმა ჰქალის ბაჟზე. იგივე მითითება ეძლეოდათ აქეთა ჰქალის მეპატრონეებსაც — „კრწანისის ბო-

ლოს რომ ბალები არის, იმისას ასრე იქმოდენ“-ო. საბუთში მოხსენიებული კრწანისის ბოლოში არსებული ბალი ორთაქალაა. თბილისის სანახებში გეოგრაფიულ სახელად „ორთაქალა“ XVIII ს. მეორე ნახევარში გაჩნდა. მანამდე მას „ქალის ბალი“ ეწოდებოდა. „ორთაქალა“ შუა ქალას ნიშნავს. ორთაქალა დოკუმენტურ წყაროებში, როგორც ცალკე ერთეული, იშვიათად გვხვდება. ის უფრო ხშირად სოფელ კრწანისთანაა მოხსენიებული — „ჩვენს სოფელს კრწანისის ორთაქალას“, ანდა „გიბოძეთ კრწანისის ორთაქალას“ და ა. შ. მათ ჰყავდათ ზედამხედველი, მელაღე და მეკულუხე, მოურავიც და მამასახლისიც.

ქართლის უკანასკნელი მეფის გიორგი XII-ის სიკვდილისა და მისი მემკვიდრის დავით ბაგრატიონის რუსეთში გადასახლების შემდეგ მათი კუთვნილი ორთაქალის ბალები გადაეცა ფიცხელაურ დოსითეოსს — არქიეპისკოპოსს.

კრწანისის და ორთაქალის ზვრები, ბაღა-ბალები ირწყებოდა რუებით, ჩარხის წყლით, საგანგებოდ მოწყობილ საგუბრებში ჩამდგარი თუ დაგროვილი წყლით, მტკვარზე წყლის საქაჩი დიდი დოლაბებიც — ბორბლებიც იყო მოწყობილი.

ორთაქალის ბალებში მისვლა მდინარე მტკვრის მარჯვენა ტოტზე გადებული, კოფოებზე შემდგარი ხის ხიდის საშუალებით შეიძლებოდა. ხანდახან ნავითაც გადადიოდნენ, რომელსაც ემსახურებოდა საგანგებოდ მიჩენილი მენავე.

მტკვრის მარჯვენა ნაპირზე, სამხრეთის მხრიდან კრწანისის შემდეგ თბილისს ესაზღვრებოდა ყ უ რ ყ უ თ ა, შემდგომში სოფ. სოღანლული.

სოფ. სოღანლული სს სახელი XVII—XVIII სს. სიგელ-გუჯრებში და საისტორიო ლიტერატურაში სხვადასხვა ფორმით გვხვდება— ყურყუთა, სონღალუხი, სოღალუხი, სონღალული, სოღანლული. ბოლო დროს მას საკუთარ სახელად სოღანლული დაემკვიდრა. სახელი სოღანლული უცხოა—თურქულია და ქართულად სახახვეს თუ სახახვეთს ნიშნავს.

სოფ. სოღანლული თბილისის სამხრეთით მტკვრის მარჯვენა ნაპირზე მდებარეობდა. სოღანლულს თბილისისაგან თელეთის მთა ჰყოფდა. თელეთის მთის აღმოსავლეთი კალთა მტკვრისაკენ ეშვებოდა და მდინარესთან ქმნიდა პატარა გამავალ ყელს. და, აი, სწორედ ამ ვიწრო ყელით უკავშირდებოდა სოღანლული ქალაქს. ამ ვიწრო ყელზე გადიოდა ერთ-ერთი მთავარი, სამხრეთისაკენ მიმავალი „განჯის გზა“. სოღანლული თბილისის სამხრეთის მისადგომებთან სწორედ ამ გზის ჩამკეტი პუნქტი იყო. აღსანიშნავია, რომ სოღანლულს „გზის კარს“ უწოდებდნენ.

იყო ორი სოღანლული — პატარა და დიდი, რომლებსაც ერთმანეთისაგან შულაერის გზა ჰყოფდა. სოღანლულს გარს ერტყა ლელვის ხევი, ტაშხარყანა, მტკვარი, შულაერის და ყახახის გზები, ყოჩის ქვა, სანგრის

გორა. ხანლუხდარეს მეორე ხევი, ამილახვრების თელეთი, ტალის (თა-
ლის) ქვა და ისევ ლელვის ხევი.

ამგვარად, სოღანლულს ეკავა წყლისპირეთი, მტკვრის მარჯვენა ნაპი-
რის ქალები და თელეთის (ამილახვრების) მახლობელი ველ-მინდვრები.

პირველად სოღანლულის ადრეული სახელი „ყურყუთა“ სპარსეთში
გიორგი სააკაძის წასვლასთან დაკავშირებით გვხვდება. 1612 წ. გიორგი
საკაძე ღამით ლილოებზე გავლით თბილისს ჩრდილო-აღმოსავლეთიდან
ჩაუვლის. მტკვრის ფონით ყურყუთას გავა და აღჭაყალას მიდის. აქედან
კი დევნილი თბილისის მოურავი ირანის მბრძანებლის შაჰ აბას I-ის
კარს ეახლება.

როსტომ მეფის გარდაცვალების (1658 წ.) შემდეგ ირანის შაჰი აბას
II ქართლის ტახტს ვახტანგ V-ს, შაჰნავაზად წოდებულს, აძლევს. ამ
ამბავთან დაკავშირებით სარდალ პაპუნა ციციშვილის ხელით გამოგზავ-
ნილი შაჰის რაყამი და ხალათი ვახტანგ V-მ სოღანლულში მიიღო. 1723 წ.
კონსტანტინე კახეთის მეფე ოსმალებს სოღანლულში მიეგება და იქ გადას-
ცა ქალაქის კლიტე.

სოღანლულში სახლობდნენ ქართველები, სომხები და მაჰმადიანები—
თურქები.

სოღანლული სამეფო მამული იყო. XVIII ს. მიწურულს ის ქართველი
ბატონიშვილების ხელში გადავიდა. სოღანლული ხან იულონ, ხან კიდევ
ფარნაოზ ბატონიშვილების კუთვნილი გახდა. ყმა-მამული იქ ამილახ-
ვრებსაც ჰქონდათ.

ქართლ-კახეთის მეფემ ერეკლე მეორემ სოღანლულში 1765—1772
წლებში ააგო ციხე, რომლის ადგილმდებარეობის შესახებ მიგვანიშნებს
ქვემო ქართლში 1772 წ. მიმავალი გიულდენშტედტი⁴⁹: „24 მაისი. მე გა-
ვათენე მტკვრის ნაპირზე სოღანლულის ციხის ქვემო“. ამგვარად, ვიგებთ,
რომ სოღანლულის ციხე მდგარა მტკვრის სიახლოვეს. ასევე, გიულდენ-
შტედტის მიერვე შედგენილ „საქართველოს 1772 წ. რუკაზე“ დატანი-
ლია სოფ. სოღანლული, როგორც დასახლებული ციხესიმაგრე.

აღსანიშნავია, რომ სოღანლულში ეკლესიაც მდგარა, რომელმაც,
სამწუხაროდ, ჩვენამდე ვერ მოაღწია, იგი XIX საუკუნეში უკვე დანგრე-
ული იყო.

XVIII ს. სოღანლული ქალაქის სანახებში იმ გარეუბანთა რიცხვს
მიეკუთვნება, რომლებიც თბილისის ბაზარს ამარაგებდნენ სასოფლო-
სამეურნეო პროდუქტებით. სოღანლულში სოფლის მეურნეობის დაწინა-
ურებაზე მეტყველებს სოფლის ზვრების, ხოდაბუნებისა და ბაღჩა-ბა-

⁴⁹ გიულდენშტედტის მოგზაურობა საქართველოში, თარგმნა და გამოცა გ. გულაშვილ-
მა. ტ. 1, თბ., 1962, გვ. 67.

ლების მოსარწყავად მტკვრიდან გამოყვანილი ორი — დიდი და პატარა — სარწყავი არხი.

1797—1799 წწ. ერეკლე II-ისა და გიორგი XII-ის ნებართვითა და სურვილით იოანე ბატონიშვილმა ქართლის სოფლები აღწერა. დავთარში სოფლების გარდა შეტანილია — „ქ. სამოვარნი ადგილნი და სათიბნი მინდორნი და მთებნი და სანადირო ადგილნი სამეფო“. ამ ადგილთა სიაში შეტანილია — „სოღალულის ქალა“⁵⁰.

გვიან შუა საუკუნეებში, თბილისის შემოგარენში მტკვრის მარცხენა ნაპირზე ქალაქის უახლოესი გარეუბნები იყო ლომელაური, ნავთლული, ჩულურეთი, ახალსოფელი (კუკია), დიდუბე. XVIII ს. ავლაბარსა და ნავთლულს ერთმანეთისაგან ჰყოფდა სოფელი ლომელაური და ღირსიქალის ბაღები.

ლომელაური, როგორც სოფელი, XVII ს. უკვე არსებობს, შემდეგ ის გახარაბებულია, მისი განახლება XVIII ს. მოხდა და, როგორც დასახლებული პუნქტი, აღნიშნული საუკუნის ბოლომდე გვხვდება.

ღირსიქალაში მხოლოდ ბაღები იყო გაშენებული. ღირსიქალის ბაღების მესაკუთრენი იყვნენ როგორც ქალაქელები, ასევე ახლომახლო სოფლელები — ავლაბრელები, ლომელაურელები, ნავთლულელები და სხვა.

ღირსიქალის ბაღები გაშენებული იყო ლომელაურის დასავლეთით, მტკვრის მარცხენა ნაპირზე, ხევის დაბოლოებაზე, მის ქვემო წელზე.

სოფელი ნავთლული თბილისის აღმოსავლეთით, მდ. მტკვრის მარცხენა ნაპირზე მდებარეობდა.

ნავთლულსაც, ისევე როგორც ზოგიერთ ქალაქისპირა სოფელს, ორი სახელი ჰქონდა—ნავთლული და ერეკლეს ციხე. სახელი ნავთლული ადრეულია, ხოლო „ერეკლეს ციხე“ — გვიანი, თუმცა ეს უკანასკნელი არ დამკვიდრდა, ციხე-გალავნის დანგრევასთან ერთად ისიც დავიწყებას მიეცა და სოფელს ისევ თავისი ძველი სახელი დაუბრუნდა.

ადგილის სახელი ნავთლული ორი სიტყვის ნაზავს წარმოადგენს — ნავთი-ლული. ნავთი აღმოსავლური სიტყვაა, ლული—თურქული და ადგილს ნიშნავს, ე. ი. ნავთლული — ნავთის ადგილს, ნავთისას, სანავთეს აღნიშნავს. თბილისის სანახებში ამ სახელის მქონე პუნქტი როდის გაჩნდა, ზუსტად არ ვიცით.

თუ ადგილის ადრეული სახელის — „ნავთლულის“ წარმოშობის ზუსტი დრო არ ვიცით, ბედნიერ გამონაკლისს წარმოადგენს მისი მეორე სახელი — „ერეკლეს ციხე“. აი, მის შესახებ რას წერს გიულდენშტედტი: „სოფელი ნათლული მდებარეობს მტკვრის მარცხენა ნაპირას, შესდგება დაახლოებით 50 სახლისაგან და, გარდა ამისა, აქაური ჩვეულების მი-

⁵⁰ ხელნაწერთა ინსტიტუტი, ფ. S-3729.

ხედვით, ბევრი მიწურისაგან (რუსულად „ზემლიანკა“). მოსახლეობა ქართველებია. ახლანდელმა მეფემ შემოარტყა ოთხკუთხა კედელი ადგილს, დიამეტრით 80 ნაბიჯი, და დაატანა მრგვალი კოშკი. ამიტომ მას დაარქვეს ერეკლეს ციხე⁵¹.

„ერეკლეს ციხეს“ ადგილის სახელად პირველად 1770 წელს ვხვდებით. ისე როგორც ბევრი ქართული სოფელი, მტერთა არაერთგზის შემმუსკრელი შემოსევის შედეგად, ნავთლულიც გაუჟაცრიელებულა. გახარაბებული ნავთლული XVIII საუკუნის მეორე ნახევარში სხვადასხვა სოფლებიდან მორეკილი ყმა გლეხებით მეფე ერეკლე მეორემ დაასახლა და შემდეგ, XVIII ს. დასასრულს, თავად სუმბათაშვილებს უწყალობა.

სოფლის მოურავის სახელოც სუმბათაშვილებს ეკავათ.

1776—1780 წწ. მოწყობილ სოფელთა აღწერის ნუსხის მიხედვით, „ერეკლეს ციხეში“ 62 კომლი ყმა გლეხი ცხოვრობდა.

თბილისს მტკვრის მარცხენა ნაპირზე, ჩრდილოეთით ესაზღვრებოდა სოფელი ჩ უ ლ უ რ ე თ ი.

ვახუშტი ბაგრატიონის „თბილისის 1735 წლის გეგმაზე“ დატანილი დასახლების აღმნიშვნელი უჯრედების მიხედვით, ჩულურეთი საკმაოდ მკიდროდ დასახლებული სოფელია.

პირველად სოფლის სახელად თბილისის მახლობლად ჩულურეთს ვხვდებით 1716 წ., უფრო ადრე, 1707 წელს, გაცემული წყალობის სიგელში ის იხსენიება როგორც ჩუხური.

ჩულურეთი ნაწარმოებია თურქული სიტყვიდან „ჩუკორ“, „ჩყურ“, „ჩუხურ“ — ორმო, ფოსო, ღრმა, ხრამი, ფლატე, დაბლობი, დაცემული ადგილი.

ვახუშტის შემდეგ ჩულურეთს თითქმის XVIII ს. დასასრულამდე აღარა ვხვდებით, თუ არ ჩავთვლით 1765 წ. შედგენილ კათალიკოსის ყმათა ნუსხაში მოხსენიებულ ჩულურეთელ მეჭურჭლე თომას.

აღსანიშნავია, რომ ჩულურეთი საქართველოს რუკაზე არც გიულდენ-შტედტს და არც პიშჩევიჩს თბილისის 1785 წლის გეგმაზე დატანილი არა აქვთ.

XVIII ს. ჩულურეთი ასე შემოისაზღვრებოდა: ჩრდილოეთით — დიდხევი, სამხრეთიდან — ჩულურეთის ხევი (ამჟამინდელი კიბალჩიჩის ხევი), აღმოსავლეთით — ხევი და დასავლეთიდან — მტკვარი.

ჩულურეთს ორად, აღმოსავლეთ და დასავლეთ ნაწილებად ჰყოფდა მასზე გამაჟალი „ავკალის გზა“, რომელიც იწყებოდა ავლაბრის გალავანში დატანებულ „პატარა კარიდან“ და მიემართებოდა მდინარე არაგვის მარცხენა ნაპირისაკენ.

⁵¹ გიულდენშტედტის მოგზაურობა საქართველოში. დასახ. გამოცემა, ტ.1, გვ.17, 65.

1795 წ. დეკემბერში მეფე ერეკლე მეორემ თავისი კუთვნილი სამეფო სოფელი ჩულურეთი თავად ამატუნს უწყალობა.

ძველი თბილისის ჩრდილო-აღმოსავლეთით, ჩულურეთის უბნის აღმოსავლეთით, ჩულურეთის (კიბალჩიჩის, სურბ-კარაპეტას) ხევისა და რკინიგზის გადასკვეთ ტერიტორიას — რკინიგზის გადაღმა მხარეს ელია ეწოდება. ელია ქართულ აპოკრიფულ მოთხრობებსა და სასულიერო ლექსებში „ღრუბელთა წინამძღვარია“, ე. ი. ის განაგებს სეტყვას, ელვა-ქუხილს, წვიმას, გვალვას.

უბანი ელია ემიჯნება მახათის მთას, რომელზეც იდგა წმინდა ილიას სახელობის ეკლესია.

გვიან შუა საუკუნეების ხანის თბილისს მტკვრის მარცხენა მხარეზე, ჩრდილოეთის მხრიდან, სოფ. ჩულურეთის შემდეგ, ესაზღვრებოდა ახალსოფელი (შემდეგდროინდელი სოფ. კუკია).

თბილისისპირა ახალსოფელი წერილობით წყაროებში პირველად ვახუშტის „აღწერა სამეფოსა საქართველოსაში“ მოთავსებულ სოფელთა სიაში გვხვდება.

ვახუშტი ბაგრატიონს „თბილისის 1735 წლის გეგმაზე“ ახალსოფელი დატანილი აქვს №64-ით. აღმნიშვნელი უჯრედების მიხედვით იქ დასახლება მეჩხერი ყოფილა.

გეგმით ახალსოფელი მტკვრის ნაპირის სიახლოვესაა გაშენებული. გზა (№74), რომელიც დატანილია ქალაქიდან და მიემართება ჩრდილოეთისაკენ, ახალსოფელს ჩაუდის მოშორებით, აღმოსავლეთიდან. ეს ის გზაა, რომელიც მოგვიანო ხანის საბუთებში, საქართველოს რუკებსა და თბილისის გეგმებზე გვხვდება „დიდი ავქალის გზის“ სახელით (დღევანდელი საბჭოს ქუჩა).

ახალსოფელს 1772 წ. ჩვენში ჩამოსული გიულდენშტედტი კუკიას უწოდებს. მას ის დანგრეული და გაპარტახებული დახვედრია. ხელმეორედ კუკია უფრო მოგვიანებით დასახლდა.

სოფ. კუკია სადედოფლო მამული იყო. ბუნებრივია, დედოფალი დაინტერესებული იყო თავის მამულში სოფლის მეურნეობა, ხელოსნობა და ვაჭრობა ფეხზე წამოეყენებინა და განვითარებისთვის საჭირო მწარმოებელი ძალა, მიწის მუშა გლეხი ჰყოლოდა. ამიტომ ის ყოველნაირად ცდილობდა და ხელს უწყობდა სოფლის მოსახლეობის ხელოვნურ ზრდას. ამ მიმართებით და მიზნით მეფე ერეკლე II-ის მეუღლემ დარეჯან დედოფალმა თავის კუთვნილ სომხით-საბარათიანოში მდებარე სადედოფლო სოფელ წინწყაროდან ქალაქისპირა სოფ. კუკიაში გადმოსახლა 30 კომლი გლეხი და 16 კომლი განჯელი სომხის ოჯახი. ეს მოხდა თბილისში გიულდენშტედტის ჩამოსვლის (1772 წ.) ცოტა მოგვიანებით, რადგანაც 1781 წ. მომხდარი აღწერის მიხედვით, კუკიას მოლაშ-

ქრის გამოყვანა აქვს შეწერილი. ამ დროს სოფელ კუჯიაში 48 კომლი ყმა გლეხი სახლობდა.

კუჯია მოქცეული იყო ბუნებრივ საზღვრებს შორის: სამხრეთიდან — კვირაცხოველი (დიდხევი), რომელიც კუჯიას ჩულურეთისაგან ჰყოფდა, ჩრდილოეთიდან—უსახელო ხევი (დაახლოებით ამჟამინდელი მარჯანი-შვილის სახელობის ქუჩა), დასავლეთიდან — მდ. მტკვარი და აღმოსავლეთიდან—ხელოვნური, მიწაყრილიანი თხრილი.

ადგილის სახელი — ახალსოფელი თვითონ ლაპარაკობს თავის თავზე. ის ახლად გაჩენილი დასახლებული პუნქტია. ახალსოფელი XVII და XVIII სს. მიჯნაზე წარმოშობილი სოფელია.

ახალსოფელმა თავისი მეორე სახელი კუჯია გვიან მიიღო. სოფლის სახელი თბილისის შემოგარენში პირველად გიულდენშტედტთან გვხვდება (1772 წ.).

კუჯია, როგორც ადგილის საკუთარი სახელი, უფრო ადრე გვხვდება „დასტურლამალში“, თრიალეთთან დაკავშირებით.

საფიქრებელია, რომ თბილისისპირა ადგილს სახელი „კუჯია“ მიღებული უნდა ჰქონდეს თრიალეთის სოფელ კუჯიიდან აყრილი და ქალაქისპირას გადმოსახლებული ყმა გლეხების გამო XVIII ს. 40—50-იან წლებში, როცა სომხით-საბარათიანოს სოფლები მასობრივად აიყარა და გაიხიზნა.

1791 წ. შედგენილი საბუთით ირკვევა, რომ სოფ. კუჯიას ქერის მოსავლიდან უნდა გამოეღო 5 საპალნე და ბზის საფასური მანეთი. იოანე ბატონიშვილის მიერ 1797—1799 წწ. შედგენილი ქართლ-კახეთის სოფლების აღწერა სოფ. კუჯიას მოიხსენიებს როგორც ნაშენს „ქ. კუჯია, შენი, მოსახლენი“.

თბილისს, მტკვრის მარცხენა ნაპირზე, ჩრდილოეთის მხრიდან, ჩულურეთისა და ახალსოფლის (კუჯიის) შემდეგ ემიჯნებოდა სოფელი დ ი დ უ ბ ე. დიდუბის ადრეული (V ს.) სახელი ც ხ ე ნ ი ს ტ ე რ ფ ი ა .

დიდუბე თბილისისპირას მდებარე ადგილის სახელწოდებად რამდენჯერმე გვხვდება XII ს-ში, კერძოდ, თამარ მეფის და დავით სოსლანის დაქორწინების ამბებთან დაკავშირებით. „... და მოვიდეს სრასა დიდუბისასა, სანახებსა ტფილისისასა. და მუნ ქმნეს ქორწილი“⁵².

XII საუკუნეში დიდუბეში მდგარა მეფის სასახლე და კარის ეკლესიაც.

XIII ს. სახელი „დიდუბე“ ქართულ საისტორიო წყაროებში კარგა ხნით, თითქმის მთელი ოთხი საუკუნით, ქრება.

სოფელი დიდუბე ხელახლა დასახლებულა ვახტანგ V-ის დროს (1658—1676 წწ.). ამის შემდეგ დიდუბე აღარ მოშლილა. იგი ხალხმრავ-

⁵² ქართლის ცხოვრება, II, გვ. 122, 128.

ვალი და ეკონომიურად ღონიერი სოფელი გამხდარა. მას ვახუშტი ბაგრატიონი „ქრისტიანთ დაბას“ უწოდებს.

დიდუბის მოურავის სახელი 1740 წელს მეფე თეიმურაზ მეორემ თავად გურგენიძეს უბოძა.

XVIII ს. სოფ. დიდუბეს სამხრეთ-აღმოსავლეთიდან ესაზღვრებოდა ჩულურეთის და კუჯიის მიწები, თელისხევიდან გაუყვებოდა ჩრდილოეთის მიმართულებით მელის გორა, სწორხაზოვნად გახიდილი გორა (ულელტეხილი), ყეენის გორა (ყეენისი), სათათრო გზა, ხევძმარი და აქედან ჩაუყვებოდა მდინარე მტკვარს. დასავლეთიდან მას ესაზღვრებოდა მდ. მტკვარი.

სოფ. დიდუბე ქართლის უკიდურესი ჩრდილოეთი საზღვარია. ქართლისა და კახეთის „სამძღვარი, კევძმარის ყუთელი ფლატე...“ გვამცნობს „დასტურლამალი“. როგორც აღვნიშნეთ, ხევძმარი დიდუბეს ჩრდილოეთიდან ესაზღვრებოდა და მას ჰყოფდა სოფ. აკპალისაგან.

1721 წელს ჩატარებული აღმოსავლეთ საქართველოს მოსახლეობისა და სოფელთა აღწერის ნუსხის მიხედვით სოფ. დიდუბეს შეეძლო გამოეყვანა 30 მოლაშქრე.

ოსმალთა-ყიზილბაშობის დროს (1723—1747 წწ.) ქვეყანა ისევ ნაოხრად და ვერანად იქცა. თავადაზნაურთა მიერ ძმათა სისხლის ღვრას, უმა გლეხთა მოტაცებას და უცხოეთში გაყიდვას დაერთო ლეკთა გამუდმებული თარეში—აბრაგობა, რომელიც ყველაზე მეტად აწუხებდა და ილაჭს უწყვეტდა ქართველ ხალხს. მოსახლეობის რიცხვი საბედისწეროდ შემცირდა.

XVIII ს. 60-იანი წლების შემდეგ, თითქმის საუკუნის დასასრულამდე (1796 წ.) დიდუბე ქართულ საისტორიო წერილობით წყაროებში აღარა გვხვდება. გიულდენშტედტი თავის ნაშრომში დიდუბის დანგრეულ ციხეს ახსენებს. მისივე საქართველოს 1772 წ. რუკაზე დატანილია დიდუბის გაპარტახებული ციხე. მოგზაურის მიერ დიდუბის ციხე-გალავნის ასეთ მდგომარეობაში ნახვა ლეკთა რბენა-ნამუსრევზე უნდა მიგვანიშნებდეს.

ქალაქის სოციალურ-ეკონომიკური განვითარება

XVIII ს. 40—80-იან წლებში

ოსმალთა და ყიზილბაშთა ბატონობის შედეგები ქართლ-კახეთისათვის მეტისმეტად მძიმე აღმოჩნდა. მოსახლეობის დიდი ნაწილი მტერს შეაკვდა, ნაწილი ძმათა სისხლისმღვრელ შინაფეოდალურ ომებში გაწყდა. მძიმე აღმოჩნდა გადარჩენილთა ხვედრიც — აუტანელი ექსპლოატაციით ილაჭგაწყვეტილი და დატყვევების შიშით შეპყრობილი ქართლის გლეხობა თითქმის ერთიანად აიყარა და ხიზნად შეეკედლა მტერთაგან შედარებით დაცულ კახეთს, „არღარა დამთა მსახლობალნი მუ-

ხრანს, ქართლს, საციციანოს და ადგილთა საბარათიანოს სომხითსაცა“⁵³, ეს მაშინ, როცა სულ ცოტა ხნის წინათ, XVIII ს. 20-იან წლებში, მხოლოდ ქვემო ქართლში 40 000-ზე მეტი მცხოვრები იყო.

მოიშალა ქვეყნის ეკონომიკა. მტერმა ქვეყნიდან ერთიანად გაზიდა ყველაფერი. რისი წაღებაც კი შეიძლებოდა — ოქრო-ვერცხლი, სურსათ-სანოვავე. მეწველი და გამწვევი პირუტყვი. მეურნეობის ნორმალური კლავწარმოება შეუძლებელი გახდა. უზომოდ დაბეგრულ მამულს მწარმოებელმა ზურგი შეაქცია. გლეხკაცი იქამდე მივიდა, რომ „ვენახსა და ბაღებს თავისი ხელით კაფდის და აოხრებდის“⁵⁴. მამული გაპარტახდა, მკვიდრი გლეხობის დიდი ნაწილი ბოვანოდ, ხიზნად, გლახაკად იქცა.

სოფლის მეურნეობის დაცემამ, ცხადია, დამლუპველად იმოქმედა საქალაქო ცხოვრებაზე — მრეწველს ნედლეული მოაკლდა, ვაჭარს საქონელი. თბილისი, რომელსაც აღტაცებაში მოჰყავდა მნახველი თავისი სიდიდით, ხალხმრავლობით, სიმდიდრითა და სილამაზით, მტერებმა პირწმინდად გაძარცვეს და ისე საშინლად მოაოხრეს, რომ ამის შემდეგ უცხოელი დამკვირვებლები მას „მცირე“ ან „უმნიშვნელო“ ქალაქად იხსენიებენ. თბილისელ ვაჭართა საკმაოდ დიდი ნაწილი მოზდოკსა და ასტრახანში გადასახლდა. ვაჭრის პოზიციიდან ეს იყო სრულიად ბუნებრივი ნაბიჯი — მან თავი შეაფარა სახელმწიფოს, რომელსაც შეეძლო მისი საქმიანობის, ქონებისა და პიროვნების დაცვა.

ქვეყნის აღორძინება მრავალმხრივ და ფართო ხასიათის ღონისძიებებს მოითხოვდა. საკუთარი ძალებით მათი განხორციელება შეუძლებელი ჩანდა. დიპლომატიური არხებით გაიკვია, რომ ამ დროისათვის დასავლეთ ევროპის არც ერთ სახელმწიფოს არ გააჩნდა ჩვენს ქვეყანასთან შემხვედრი პოლიტიკური თუ ეკონომიკური ხასიათის ინტერესები. ერთადერთი სახელმწიფო, რომლისთვისაც საქართველოს შეეძლო დახმარების სანაცვლო გარანტიების მიცემა, რუსეთი იყო. ირანისა და თურქეთის წინააღმდეგ ბრძოლაში საქართველო რუსეთს სთავაზობდა მეტად მოხერხებულ პლაცდარმსა და საკმაოდ ქმედით სამხედრო-პოლიტიკურ კავშირს.

ქართლ-კახეთის მესვეურებმა არ დააყოვნეს. 1752 წ. რუსეთში გაიგზავნა ელჩობა ათანასე ამილახორიშვილისა და სიმონ მაყაშვილის შემადგენლობით. ელჩებს გულისყურით მოუსმინეს, მაგრამ სამხედრო დახმარებასა და ფულადი სესხის მიცემაზე მოკრძალებული უარი უთხრეს და მხოლოდ მდიდრული საჩუქრებით გამოისტუმრეს. სამეფო ხელისუფლებამ გაიმეორა ცდა. ახლა თვით თეიმურაზ II ეახლა იმპერატორ ელისაბედს, მაგრამ რუსეთის აღმოსავლური პოლიტიკა არც ამჯერად

⁵³ ვახუშტი, ქართლის ცხოვრება, IV, გვ. 512.

⁵⁴ კაპუნა ორბელიანი, ამბავნი ქართლისანი, თბ., 1981, გვ. 46.

ითვალისწინებდა ირანთან ურთიერთობის გამწვავებას და თეიმურაზ II-ს დახმარება მხოლოდ სამომავლოდ აღუთქვეს.

რუსეთის დახმარების იმედი არც ერეკლე II-ს დაუქარგავს, მაგრამ რეალისტი პოლიტიკოსისათვის აშკარა გახდა, რომ რუსეთის მხრივ ქმედითი დახმარება გაცილებით შორეული პერსპექტივა იყო, სხვა გზა არ ჩანდა — ქვეყანა მკვდრეთით უნდა აღმდგარიყო ისევ და ისევ ეროვნული ენერჯის ხარჭზე. აღმოჩნდა, რომ სისხლისაგან დაკლილ ქვეყანას ჯერ კიდევ შერჩენოდა თავდაცვის უნარი. უფრო მეტიც, მან სულ მოკლე ხანში მეტად თვალსაჩინო წარმატებებს მიაღწია სამხედრო-პოლიტიკურ სარბიელზე. ქართლ-კახეთი ერთ სამეფოდ გაერთიანდა და ირანისგან ფაქტიურად სრული დამოუკიდებლობა მოიპოვა. დაიმორჩილა და დახარკა ერევნის, განჯისა და ნახჭევანის სახანოები. აღმოსავლეთ ამიერკავკასიაში ქართლ-კახეთის სამეფოს პოლიტიკური უპირატესობა აშკარა გახდა.

ენერჯიულმა მეფემ საკმაო წარმატებით გადაჭრა საშინაო ხასიათის მეტად რთული პოლიტიკური და სოციალურ-ეკონომიკური პრობლემებიც: გააუქმა არაგვისა და ქსნის თითქმის დამოუკიდებელი საერისთაოები და თავისად დაიკირა; ყაზახი, ბორჩალო და ბაიდარი სამოურავოებად აქცია; ოსმალთა-ყიზილბაშობის დროს ფეოდალების მიერ მიტაცებული სამეფო ყმა-მამული „მოიკითხა“; გაანადგურა რეაქციონერ ფეოდალთა ოპოზიცია; მკვეთრად ჩაერია ბატონისა და ყმის სამამულო თუ პირად ურთიერთობაში და „ბატონყმური რიგი“ აღადგინა; სასტიკად აკრძალა „უღების დაღება“ და გლეხის უმიწოდ გაყიდვა; ტყვეობიდან დაბრუნებულთ უფლება მიანიჭა თვითონვე აერჩიათ სასურველი ბატონი; წაახალისა ყმის გამრავლებით დაინტერესებული ფეოდალები: „უცხო ქვეყნიდან ვინც კაცს მოიყვანს... მომყვანისა იქნება, ვისიც ყმა უნდა იყოს“, — ნათქვამია მეფის ბრძანებაში⁵⁵. თვით მეფემ სამეფო სახსრებით ათი ათასამდე ტყვე გამოიხსნა, რაც მას 400 000 მანეთი დაუჯდა.

ქვეყნის თავდაცვისუნარიანობის განსამტკიცებლად საჭირო იყო ძირეული ცვლილებების შეტანა სამხედრო საქმის ორგანიზაციაში. ტრადიციული ფეოდალური ლაშქარი ლეკთა ყაჩაღური თავდასხმების მოსაგერიებლად მოუხერხებელი აღმოჩნდა. დაქირავებული ჯარის შენახვა კი მეტისმეტად ძვირი ჯდებოდა. დაცარიელებული სამეფო ხაზინა, ცხადია, ვერ უზრუნველყოფდა ასეთ ხარჯებს. საქმე იქამდეც მივიდა, რომ შექი-შირვანის მფლობელის თავდასხმის მოსაგერიებლად „გამოიტანეს მეფეთა ჩვენთა თვისსა სალართი ოქროსა და ვერცხლის იარაღი, მისცეს ზარაფხანაში, მოაქრევინეს ფლური (ოქროს მონეტა) და თეთრი

⁵⁵ სსსა, ფ. 1448, საბ. №444, 1768.

(ვერცხლის მონეტა) და აძლევენ ჩარს⁵⁶. შექმნილ პირობებში დარბაზმა „ყველასაგან უკეთესად და უმჯობესად გამოარჩია“ შეექმნათ მორიგე ლაშქარი. „მორიგის ლაშქრობის განაჩენით“⁵⁷ ყველა ბრძოლისუნარიანი მამაკაცი (მცირე გამოწაკლისის გარდა) ვალდებული იყო საკუთარი იარაღითა და სურსათით წელიწადში ერთი თვით „მორიგეში“ გასულიყო. მორიგე ლაშქარი რეგულარული ჩარის სისტემაზე გარდამავალი საფეხური იყო⁵⁸. მისი ნორმალური ფუნქციონირების პერიოდში, რაც სამწუხაროდ დიდხანს არ გაგრძელებულა თავადური რეაქციის ბოიკოტის გამო, ლეკთა თარეშმა საქართველოში საგრძნობლად იკლო.

ჩარის რეორგანიზაცია, ცხადია, სანახევროდაც ვერ სწყვეტდა თავდაცვის პრობლემას. საჭირო იყო სამხედრო მრეწველობისათვის მტკიცე ეკონომიკური ბაზის შექმნა. სახელმწიფო სესხის მისაღებად გატარებული ყველა დიპლომატიური ღონისძიება უშედეგოდ დამთავრდა. მაშინ ერეკლე მეორემ „არა აქენდა რა პირდაპირი ძალი არცა ჩართა და არცა ხაზინითა და თვინიერ სიმხნისა კიდე... ფრიადისა ღონისძიებითა და შრომითა ეძება მამულსა თუისსა მიწა ოქროსი და ვერცხლისა, რომელმანცა იპოვა და მოიყვანა საბერძნეთით ბერძენნი მცირედნი, გამომდნობელნი ოქროსა და ვერცხლისა მიწისანი, ვითარცა დაიწყო მადნისა მის მუშაკობა, ისარგებლა მით ფრიად“⁵⁹.

1763 წელს დაიწყო ახტალის ვერცხლის საბადოების დამუშავება. ახტალის ვერცხლის სადნობი ქარხნის საშუალო წლიური შემოსავალი შეადგენდა 200 ლიტრ ვერცხლს, ხოლო თითო ლიტრა ვერცხლიდან იღებდნენ 46 მისხალ ოქროს⁶⁰. წარმოებიდან სამეფო ხაზინის სუფთა შემოსავალი შეადგენდა 48 281 მანეთს⁶¹.

ალავერდის სპილენძის მადაროებიდან 200 ათასამდე ფუთი მადანი ამოჰქონდათ, რაც 12 000 ფუთ სუფთა სპილენძს იძლეოდა. მისი ღირებულება აღწევდა 150 ათას მანეთს⁶².

კაპიტან იაზიკოვის ცნობით, აღნიშნული საწარმოებიდან მეფის წლიური შემოსავალი შეადგენდა 150 000 მანეთს⁶³, სხვა ცნობით 400 000 მანეთს⁶⁴. როგორც ჩანს, მეორე ცნობა ეხება საწარმოო პროდუქციის

⁵⁶ ვ ა ა კ ე ნ ა ო რ ბ ე ლ ი ა ნ ი, დასახ. ნაშრომი, გვ. 196.

⁵⁷ ქართული სამართლის ძეგლები, II, გვ. 378.

⁵⁸ ნ. ბერძენიშვილი, საქართველოს ისტორიის საკითხები, VI, თბ., 1973, გვ. 436.

⁵⁹ საქართველოს ცხოვრება, ზ. კვიციანი გამოცემა, 1913, გვ. 269.

⁶⁰ Э с а д з е С. Очерк истории горного дела на Кавказе, Тифлис, 1910, с.313.

⁶¹ დ. გოგოლაძე, სამთამადნო, სამთო-საქარხნო მრეწველობა საქართველოში და კაპიტალიზმის გენეზისის ზოგიერთი საკითხი, თბ., 1966, გვ. 15.

⁶² დ. გოგოლაძე, დასახ. ნაშრომი, გვ. 16.

⁶³ Ц а г а р е л и А. Грамоты..., I, с. 187.

⁶⁴ Б у р н а ш е в С. Д. Картина Грузии или описание состояння царств Карталинского и Кахетинского, Тифлис, 1896, с. 5—6.

წლიურ ღირებულებას, საიდანაც შემდგომ ხდებოდა წარმოების საკმაოდ დიდი ხარჯების დაფარვა, და არა სამეფო ხაზინის წლიურ შემოსავალს.

ადგილობრივი სამთამადნო წარმოების ბაზაზე თბილისში აშენდა ლითონის ჩამომსხმელი ქარხანა. გამოშვებული პროდუქციის ნაწილი სამხედრო მრეწველობას ხმარდებოდა (ზარბაზნებისა და მორტირების ჩამომსხმელი ქარხანა), დანარჩენი ნედლეულით უზრუნველყოფდა არა მარტო შესაბამისი დარგის (ძირითადად სპილენძის ქურჭლის) ადგილობრივ საწარმოებს, არამედ ზოდების სახით საკმაოდ დიდი რაოდენობით გადიოდა უცხოეთის ბაზარზე.

სამთამადნო წარმოებიდან მიღებულმა შემოსავალმა საგრძნობლად შეავსო სამეფო ხაზინა (იგი მთელი სახელმწიფო შემოსავლის 1/5 ნაწილს უდრიდა⁶⁵), რაც, უწინარეს ყოვლისა, ძირითადად ისევ ქვეყნის სამეურნეო ცხოვრებისა და თავდაცვისუნარიანობის განმტკიცებას ხმარდებოდა.

ტრადიციულად სახელმწიფო ფულადი შემოსავლის ერთ-ერთი ძირითადი წყარო იყო ხელოსნური წარმოება და ვაჭრობა. მათი ხელახალი აღორძინება, პირველ რიგში, მოითხოვდა სავაჭრო-საქარაევანო გზების დაცვასა და ქალაქის მოსახლეობისათვის მშვიდობიანი ცხოვრების უზრუნველყოფას. სამეფო ხელისუფლებას ცდა არც ამ მიმართულებით დაუკლია, მაგრამ გამუდმებული „ლეკიანობის“ პირობებში უსაფრთხოების სრული მიღწევა შეუძლებელი ჩანდა. თანამედროვეთა თხზულებებში ლექთა მიერ ქარავენების ძარცვის, გზების შეეკრის, სოფლისა თუ ქალაქის მოსახლეობის ტყვევნა-დაწიოკების უამრავი ფაქტია დადასტურებული: „წამოვიდა ჭარი ლეკისა განჭიდამ და დადგა სომხითის ქვეყანაში და დაუწყო ცემა აქა-იქ და დადგა გზაზე, მრავალი მიმსვლელ-მომსვლელი ქარავენი წაახდინა... წავიდა ეს ლეკის ჭარი და ჭავახეთის მთებზე ავიდა, შეკრა გზები“⁶⁶, „ხაშზე ქარავენს დაეცნენ, სულ აიკლეს“, „თრიალეთზე დიდი ქარავენი წაახდინეს“. გაძარცვეს „ქარავენი არზრუმს მიმავალი ალგეთზე“⁶⁷.

შიდა სამიმოსვლო გზების ჩაკეტვის შედეგად ხშირად ფერხდებოდა ქალაქის მოსახლეობის მომარაგება სურსათ-სანოვაგით; „შეიკრა გზები მტრისაგან (ლექთაგან), რომ მგზავრი აღარ გაატარეს, აღარც ზემო ქართლიდამ ჩამოუშვეს და აღარც ახალციხისა ქვეყნიდამ ქარავენი: ამით ქალაქს თბილისს ძვირობა შეიქმნა და ხალხი დიად შეწუხდნენ“⁶⁸. ზოგჯერ ლეკები თბილისის გარშემო სოფლებსა და თვით თბილისზეც აწყობდნენ

⁶⁵ ნ. ბერძენიშვილი, დასახ. ნაშრომი. გვ. 441.

⁶⁶ პ ა პ უ ნ ა ო რ ბ ე ლ ი ა ნ ი, დასახ. ნაშრომი. გვ. 225.

⁶⁷ იქვე, გვ. 175.

⁶⁸ იქვე, გვ. 217.

თავდასხმებს: „ავლაბრის მხარეს... მტკუარის პირზედ მჩითავებსა ჩითები ჰქონდათ გაფენილი და წყლით თურმე ნამავდნენ. ამ დროს ჩულურეთისა და ავლაბრის შუა ხევიდან დაქვეითებული ლეკები წამოეპარნენ, მჩითავები მტკუარში შეცურდნენ, ლეკებმა ჩითები დაიტაცეს და გაიქცნენ“⁶⁹.

მოტანილი მაგალითები ცხადყოფენ, თუ რა ძნელ პირობებში უხდებოდა სამეფო ხელისუფლებას საქალაქო ცხოვრების აღორძინება. თბილისმა ამჟერადაც გაუძლო განსაცდელს, თანდათან მომძლავრდა და ყიზილბაშობის გადავარდნიდან სულ ორიოდ ათეული წლის შემდეგ იგი როგორც მოსახლეობის რაოდენობის, ისე მრეწველობისა და ვაჭრობის განვითარების მხრივ არა თუ დაუბრუნდა აღრინდელ (იგულისხმება XVIII ს. პირველი მეოთხედი) დონეს, არამედ რამდენადმე გაუსწრო კიდევ მას.

თბილისის სამრეწველო განვითარება XVIII ს. 40—80-იან წლებში

XVIII ს. მეორე ნახევრიდან თბილისში საგრძნობლად მომრავლდა მანუფაქტურული ტიპის შედარებით მსხვილი საწარმოები, რომლებიც საისტორიო წყაროებში „ფაბრიკებად“ და „ქარხნებად“ იწოდებიან. ისინი ძირითადად მეფისა და სამეფო სახლის წევრთა საკუთრებას შეადგენდნენ და, როგორც წესი, სხვადასხვა პირებზე იჯარით იყო გაცემული.

თბილისის ლითონჩამომსხმელი ქარხნის ბაზაზე აშენდა ზარბაზნებისა და მორტირების ჩამომსხმელი ქარხანა.

ახტალის ვერცხლის სადნობი ქარხნის ამუშავებასთან დაკავშირებით საგრძნობლად გაფართოვდა თბილისის ზარაფხანა. იაზიკოვის ცნობით, ზარაფხანის საიჯარო შემოსავალი ყოველწლიურად შეადგენდა 30 000 მანეთს⁷⁰. XVIII საუკუნის შუა წლებში ზარაფხანის მოიჯარადრე იყო მსხვილი ვაჭარი ხოჭა ბეჰბუდა. მოგვიანებით 1792 წლიდან ზარაფხანა იჯარით ჰქონდათ აღებული ამხანაგობას მელიქიანთ შაქარაშვილ გასპარას მეთაურობით⁷¹.

XVIII საუკუნის მეორე ნახევრიდან თბილისის ზარაფხანამ თავი დააღწია ირანის სამონეტო ჰეგემონიას. იგი უკვე აღარ იყო ირანის ზარაფხანის ფილიალი. ეს მნიშვნელოვანი მოვლენა, უწინარეს ყოვლისა, აისახა იმ ფაქტში, რომ XVIII საუკუნეში თბილისის ზარაფხანის მიერ

⁶⁹ აღ. ჭ ა მ ბ ა კ უ რ - ო რ ბ ე ლ ი ა ნ ი, დალესტნისაგან ლეკების გამოსვლა, ს. კაკაზაძის გამოცემა, 1914, გვ. 20.

⁷⁰ Ц а г а р е л и А. Грамоты..., I, с. 189.

⁷¹ სცსია, ფ. 1450, დავთ. 24, საბ. №75.

გამომწვევებულ მონეტებზე ქართული ასოებით ჯერ შემოკლებულად, ხოლო შემდეგ სრულად აღნიშნულია ქართველ მეფეთა სახელები⁷², ხოლო 1757 წლის შემდეგ ირანის შაჰის სახელი მათზე აღარასოდეს აღბეჭდილა⁷³.

თბილისის ზარაფხანაში ძირითადად იჭრებოდა ვერცხლისა (ექვსშაურიანი, აბაზიანი, ორშაურიანი — უზალთუნი, შაურიანი) და სპილენძის (შაური, ბისტი, ნახევარი ბისტი, ფული, ნახევარი ფული) მონეტები⁷⁴. თბილისის სამონეტო ბიზარზე დიდი რაოდენობით ტრიალებდა უცხოური ოქროს მონეტაც. საქართველოში ოქროს ყოველგვარ მონეტას ფლურს უწოდებდნენ⁷⁵. უცხოური ოქროს მონეტები (ასლანი, ფლური, ვენეტიკური სეკინი, დუკატი) დაახლოებით 3,5 გ იწონიდა და მცირედი დამრგვალებით უტოლდებოდა 50 გ მაღალსინჯიან ვერცხლს. ერთი „ფლური“ დაახლოებით უდრიდა 7 ქართულ აბაზს. როგორც ვხედავთ, ოქროსა და ვერცხლის შეფარდებითი ღირებულებაა 1:14 — 1:15, ანუ სწორედ ისეთი, როგორც იყო ამ დროს მსოფლიო ბიზარზე⁷⁶.

1749 წელს თბილისის სტამბამ განაახლა მუშაობა. ეს საწარმოც იჯარით იყო გაცემული. იჯარის ფასში მეფე იღებდა მოგების ნახევარს, მაგრამ სტამბის ქალაღდით მომარაგება მასვე ევალეებოდა.

თბილისის შედარებით მსხვილი სამეფო საწარმოებიდან აღსანიშნავია აგრეთვე მარილსაწმენდი, მინის, თიხის კურკლის, საპნის ქარხნები და სხვ.

წარმოების გაფართოებისა და ახალი ტექნოლოგიით აღჭურვის მიზნით სამეფო ხელისუფლება ყოველმხრივ ახალისებდა და ხელს უწყობდა საკუთარ ქვეშევრდომთა თუ უცხოელთა კერძო ინიციატივასაც.

1770 წელს მოქალაქე ისაია თაყუაშვილმა მეფის ნებართვით თოფისწამლის ქარხანა ააშენა. საწარმო მონოპოლისტურ ხასიათს ატარებდა, რადგან თაყუაშვილების „მეტი კაცი ვერაინ დაანაყინებდა და ვერც გვარჯილასა და თოფის წამალს გაჰყიდა“⁷⁷. მკვეთრად გაუმჯობესდა თოფისწამლის დამზადების საქმე. საწარმო საკმაოდ დიდ მოგებას იძლეოდა და ალბათ ამიტომაც მალე იგი მეფემ თაყუაშვილებს უკანვე გამოსთხოვა და საკუთრად დაიჭირა. 1795 წელს ალა-მამად ხანმა თბილისის თოფისწამლის ქარხანა გადაწვა, მაგრამ მომდევნო წელს ისაია თაყუაშვილს კვლავ მოუხერხებია მისი აღდგენა.

⁷² ნ. ქოიავა, ფულის მომოქცევა, კრედიტი და ფინანსები XVIII საუკუნის ქართლ-კახეთში, თბილისი, 1963, გვ. 45.

⁷³ თ. ქუთელია, თბილისის ზარაფხანა 1736—1757 წლებში (ვერცხლის ფული). საქართველოს სახელმწიფო მუზეუმის მოამბე, XXXV, თბ., 1981, გვ.47.

⁷⁴ დ. კაპანაძე, ქართული ნუმისმატიკა, გვ.94.

⁷⁵ ივ. ჭავჭავაძე, ქართული საფას-საზომთა მკვლევება, გვ. 54.

⁷⁶ ნ. ქოიავა; დასახ. ნაშრომი, გვ. 71—72.

⁷⁷ სესია, ფ. 1450, დავთ. 18, საბ. №15ა.

კერძო საწარმოებიდან უნდა აღინიშნოს აგრეთვე ზეთსახდელი, თიხის კურკლისა და აგურის ქარხნები, რომლებიც, შესაბამისად, იოსებ ყორღანაშვილს, იოანე პენტელაშვილსა და გლახა გაბაშვილს ეკუთვნოდათ⁷⁸.

ერეკლე II-ის ცხოველი მიმოწერა ჰქონდა გაჩაღებული ინდოელ სომეხ დიდუკარ შაჰამირ აღასთან. მოლაპარაკება ეხებოდა მის საქართველოში გადმოსახლებას შაქრის წარმოების დანერგვის მიზნით. სამწუხაროდ, ამ მიმართულებით ერეკლე II-ის ხანგრძლივმა მეცადინეობამ შედეგი ვერ გამოიღო.

თბილისში მრეწველობის ყველაზე განვითარებული დარგი იყო საფეიქრო წარმოება. ტუჩკოვის გადმოცემით, საქართველოში „საკმაოდ ჩინებულად ამზადებენ სხვადასხვა სახის, ფერისა და მოხატულობის აბრეშუმისა და ბამბის ქსოვილებს, რომელთა ნახატი კარგია, ხოლო საღებავი ერთობ მაგარი და ცოცხალი“. იგივე ავტორი თბილისში ასახელებს სამღებროებსა და ფაბრიკებს, სადაც სხვადასხვა სახის ბამბეულის ქსოვილები მზადდებოდა⁷⁹.

საფეიქრო წარმოების ფართო მოცულობაზე მეტყველებს ის ფაქტი, რომ წარმოებას უკვე აღარ აკმაყოფილებს ნედლეული და იგი დიდი რაოდენობით შემოაქვთ. ეს მაშინ, როცა ბამბის წარმოება საქართველოში ამ დროისათვის საგრძნობლად გაიზარდა. დოკუმენტის მოწმობით, მარტო ერევნიდან 70 000 ფუთი ნედლი ბამბა შემოუტანიათ თბილისში⁸⁰, რისგანაც საფეიქრო წარმოებას შეეძლო 21 მილიონი არშინი ქსოვილის დამზადება⁸¹.

როგორც წარმოების მოცულობის, ისე შრომის ორგანიზაციის თვალსაზრისით საგანგებო აღნიშვნის ღირსია სამღებრო წარმოება. თბილისის მრავალრიცხოვანი სამღებროები დიდი დატვირთვით მუშაობდნენ და ეს სრულიად გასაგებია ზემოთ აღწერილ საფეიქრო წარმოების ფონზე. ამჯერად ჩვენთვის განსაკუთრებით საყურადღებოა ის ფაქტი, რომ სამღებრო წარმოების მაგალითზე ჩვენ შესაძლებლობა გვაქვს თვალი გავადევნოთ ხელოსნურ-ამქრული წარმოების მანუფაქტურულ წარმოებად ტრანსფორმირების პროცესს.

თბილისის სამღებროები იჯარით იყო გაცემული. როცა იჯარადარი ლეხვის ოსტატია, სამღებრო ითვლება ჩვეულებრივ ფეოდალურ სახელოსნოდ, თუნდაც ქარგალ-შეგირდთა რიცხვი საკმაოდ საგრძნობი იყოს, მაგრამ, როცა სამღებროს ოსტატს თვითონ ქირაობს მოიჭარადარე,

⁷⁸ სესია, ფ. 1450, დავთ. 23, საბ. №32; ფ. 1451, დავთ. №1—ა, გვ. 25, საბ. №1; ფ. 1450, დავთ. 42, საბ. №198.

⁷⁹ Тучков, Сочинения, I, IV, с. 206.

⁸⁰ Рожкова М. К. Экономическая политика царского правительства на Среднем Востоке во второй четверти XIX века и русская буржуазия, 1949, с. 111.

⁸¹ შ. საშსონაძე, საქართველოს სოციალურ-ეკონომიკური განვითარება XIX ს. პირველ მესამედში, თბ., 1980, გვ. 297.

თავისთავად იგულისხმება, რომ დაქირავებულნი უნდა იყვნენ სხვებიც — ქარგალი, შეგირდი. ასეთი წარმოება უკვე მანუფაქტურაა და არა შუა საუკუნეების სახელოსნო, რადგან ოსტატისა და ქარგალ-შეგირდთა ურთიერთობის აღნიშნული ფორმა წარმოების ძველი წესისაგან სრულიად განსხვავებულია⁸².

ქსოვის სხვადასხვა სახეობათა მიხედვით ცალკე სპეციალობებს ქმნიდნენ მენარმეები, მელაინეები, მეჩითეები, თარფჩები, ლეჩაქების დამამზადებლები, მეპირსახოცეები, შარბამჩები, მეილაჩეები და ა. შ.⁸³

დაქირავებული შრომის გამოყენება, წარმოების გაფართოება და შრომის შემდგომი დანაწევრება საკმაოდ ფართოდ ინერგება სხვა საწარმოთა (სამთამადნო წარმოება, ლითონჩამომსხმელი და იარაღის დამამზადებელი ქარხნები, ზარაფხანა) პრაქტიკაშიც.

მართალია, მანუფაქტურული ტიპის საწარმოები მრეწველობაში წამყვან როლს კიდევ ვერ ასრულებდნენ, მაგრამ ასეთ საწარმოთა არსებობის თვით ფაქტი ფეოდალურ-ბატონყმური სისტემის რღვევის უტყუარი მოწმობაა, მოწმობა იმისა, რომ წარმოების ბურჟუაზიული მიმართულებით განვითარება უკვე დროის მოთხოვნა იყო.

აღსანიშნავია ისიც, რომ საქართველოში აღნიშნული პროცესი მიმდინარეობდა მსოფლიო-ისტორიული თვალსაზრისით ახალ ეპოქაში, ეს კი ობიექტურად შესაძლებელს ხდიდა, მზა ფორმების შემოტანით, ბურჟუაზიულ ურთიერთობათა განვითარების საწყისი ეტაპების დაჩქარებული ტემპით გავლას.

ახალი ტიპის გაფართოებულ საწარმოთა ზრდა-განვითარების მიუხედავად, თბილისის ეკონომიკურ ცხოვრებაში წამყვან როლს მაინც წვრილი ხელოსნური წარმოება ინარჩუნებდა. თბილისში ამ დროისათვის ცნობილი იყო ხელოსნობის თითქმის ყველა დარგი, რასაც ერთხმად აღნიშნავდნენ უცხოელი დამკვირვებლებიც (იაზიკოვი, მურავიოვი, გიულდენშტედტი და სხვ.).

იოანე ბატონიშვილის „კალმასობაში“ მოცემულია თბილისის ბაზრის მეტად ცოცხალი სურათი. სახელოსნო, დუქანი და ბაზარი წარმოადგენენ განუყოფელ მთელს, ხელოსნობის ერთი და იგივე ან მსგავსი დარგები ქმნიან ცალკეულ „რიგებს“. რიგად ჩამწკრივებულ სავაჭრო თუ სახელოსნო დუქნებში მყიდველებს თავიანთ ნახელავს სთავაზობდნენ ხარაზები (ფეხსაცმელს), სარაჯები (ცხენის აკაზმულობას), ბაზაზები (ფარჩასა და მაუდს, ჩითს, მოვსა და ლაინს), მექოშეები (ქოშსა და მაშისა), ყაზაზები (ძაფს, ბაფთს, ზონარს), დაბალები (ტყავს), ჩილინდრები (გასაღებებსა და სხვა მსგავსთ).

⁸² ნ. ბერძენიშვილი, საქართველოს ისტორიის საკითხები, ტ. IV, 1967, გვ. 325.

⁸³ გ. სამსონაძე, დასახ. ნაშრომი, გვ. 204.

აქვე ვხვდებით ოქრომჭედლებს, კალატოზებს, ხუროებს, ღურგლებს, ხარატებს, მეჩახმახეებს, მეთოფეებს, მეხანჯლებს, ფეიქრებს, ქვის მთლებს, ალაფებს (მეპურეებს), დალაქებს და სხვ.⁸⁴

აღსანიშნავია, რომ XVIII ს. მეორე ნახევრიდან შეინიშნება ხელოსნობის ცალკეულ დარგთა შემდგომი დიფერენცირება. „მკერვალები“ სპეციალდებიან ქართული, კავკასიური და ევროპული ტანსაცმლის კერვის მიხედვით, ასევე დანაწილდა მექუდეთა, მეფეხსაცმელეთა და სხვათა ხელობაც. ჩნდება ხელობის ახალი დარგებიც (მეფუნთუშეობა, ეპოლეტების კეთება).

ს. ბურნაშოვის ცნობით, XVIII ს. 80-იან წლებში თბილისში იყო 500-მდე დუქანი⁸⁵ (საუკუნის პირველ მეოთხედში მათი რიცხვი ორასს არ აღემატებოდა)⁸⁶. ალა-მაჰმად ხანის შემოსევის შედეგად სავაჭრო-სახელოსნო ნაგებობები თითქმის მთლიანად განადგურდა, მაგრამ სულ მალე, კერძოდ, 1803 წელს, თბილისში უკვე 574 დუქანია აღრიცხული⁸⁷, აქედან 310 სახელოსნო იყო, ხოლო 264 სავაჭრო დუქანი⁸⁸. ამ ოდნავ მოგვიანო ცნობის ანალოგიით შეიძლება დაგვეშვა, რომ XVIII ს. მეორე ნახევარში არსებული 500 დუქნიდან დაახლოებით 300 სახელოსნო დუქანი უნდა ყოფილიყო. რაკი არ გავაჩნია სათანადო სტატისტიკური მონაცემები, დღეისათვის მიახლოებითაც კი შეუძლებელია მათი საწარმოო სიმძლავრეების განსაზღვრა, მაგრამ ერთი რამ დაბეჭდვით შეიძლება ითქვას — თბილისის სახელოსნოების პროდუქცია არა მარტო მთლიანად აკმაყოფილებდა ადგილობრივი ბაზრის მოთხოვნებს, არამედ დიდი რაოდენობით გადიოდა მეზობელ ქვეყნებშიც.

თბილისელი ხელოსნები, ისევე როგორც ქალაქის თითქმის მთელი მოსახლეობა, ამქრებში იყვნენ გაერთიანებულნი⁸⁹. ამქრებს ცალ-ცალკე ქმნიდნენ ხელოსნები (ხუროები, კალატოზები, დაბალები, ხარაზები, ნალბანდები, მექვაბეები, ოქრომჭედლები, მესაათეები, ქონები, მჭედლები, მკუპრავეები და ა. შ.). ცალკეულ ამქრებში ერთიანდებოდნენ ერთი და იმავე საქონლით მოვაჭრენიც (ბაზაზები, ყასბები, ბაყლები, სარაჯები, მეწერილმანეები და სხვ.). გვხვდება მტკირთავეების, თულუხჩების (წყლის მზიდავეები), მედროგეების, დლიური მუშების, მკურნალებისა და სხვა პროფესიის წარმომადგენელთა ამქრებიც⁹⁰. ამქარს თავს ვერ

⁸⁴ იო ა ნ ე ბ ა ტ ო ნ ი შ ვ ი ლ ი, კალმასობა, თბ., 1936, გვ. 193—195.

⁸⁵ Б у р н а ш е в С. Д. Картина Грузии..., Тифлис, 1896, с. 3.

⁸⁶ ქართული სამართლის ძეგლები, გამოსცა ი. სურგულაძემ, თბ., 1970, გვ. 537.

⁸⁷ АКАК, II, с. 106.

⁸⁸ შ. მ ე ს ხ ი ა, საისტორიო ძიებანი, II, თბ., 1983, გვ. 247.

⁸⁹ დაწერილებით ქართული ამქრის შესახებ იხ. შ. მ ე ს ხ ი ა, დასახ. ნაშრომი. აქვეა მოცემული საკითხის საკმაოდ სწული ისტორიოგრაფია.

⁹⁰ საქართველოს სიძველენი, ე. თაყაიშვილის რედ., ტ. III, თბ., 1910, გვ. 56—57.

აღწევდნენ ქალაქში დროებით მცხოვრები სამეფო-სახასო თუ კერძო საბატონო ყმა ხელოსნებიც. გვაქვს ცნობა, რომ თბილისში XIX ს. პირველ ნახევარში მათხოვრებიც კი ამქრებად გაერთიანებულან⁹¹.

ამქარს ხელმძღვანელობდა ამქრის თავი, რომელსაც ამქარბაშს (ამქრის თავს), ან კიდევ უსტაბაშს (ოსტატთა თავს) უწოდებდნენ⁹². წყაროებში ოსტატს ხშირად ცვლის „სირაჯ ბაში“, „ბაყალ ბაში“ და ა. შ. იმის მიხედვით, თუ მოცემულ შემთხვევაში კონკრეტულად რომელი დარგის ამქრის თავი ჰყავთ მხედველობაში.

შუა საუკუნეების თბილისში უსტაბაშს თვით ამქარი ირჩევდა. არჩევნებში მონაწილეობდა ამქრის ყველა სრულუფლებიანი წევრი, მაგრამ მას შემდეგ, რაც ქალაქზე მთლიანად გაბატონდა ფეოდალური არისტოკრატია (XVIII ს. მეორე ნახევრიდან) ამქარს მხოლოდ უსტაბაშის კანდიდატურის წამოყენების უფლება დაუტოვეს. კანდიდატს უშუალოდ მეფე ამტკიცებდა. ცხადია, მეფესვე რჩებოდა ამქრის თავის თანამდებობიდან გადაყენების უფლება⁹³. „თქვენის ბრძანებით ასლანს უსტაბაშობაზე ხელი ააღებინეთ, ჩვენ უიმისოდ იოლს ვერ წავსულვართ, გვედრებით მოწყალეობა მოილოთ, იმისი დანაშაული ჩვენ გვაპატიოთ და ისევ იმაზედ უსტაბაშობის მოწყალეობა მოილოთ და გვიბოძოთ“⁹⁴, — სთხოვდნენ თბილისელი მეწვრილმანები გიორგი XII-ს.

მეფემ ამჯერად მეწვრილმანეთა თხოვნა შეიწყნარა⁹⁵, მაგრამ თვით ის ფაქტი, რომ საკითხის გადაწყვეტა მთლიანად მეფის ნება-სურვილზე იყო დამოკიდებული, თავისთავად ნათელს ხდის, თუ რამდენად იყო შელახული გვიანი შუა საუკუნეების თბილისში ამქრული ორგანიზაციისათვის დამახასიათებელი „დემოკრატიზმი“ და „მმართველობის შინაგანი იმუნიტეტი“.

ოსტატის უფლება-მოვალეობანი ამქრის წევრთა მიმართ იმდენად მრავალმხრივი და ყოვლისმომცველი იყო, რომ ამქარში იგი „მამაღ“ იწოდებოდა. ოსტატი ანაწილებდა ამქრის წევრთა შორის სამუშაოს, ამოწმებდა მათ საქმიანობას, იღებდა ამქარში ახალ წევრს. ოსტატთან შეთანხმებით ხდებოდა ამქრის წევრის მიერ შეგირდის აყვანა. ოსტატი არჩევდა ამქრის წევრთა შორის წარმომობილ სადავო საკითხებს, თვალყურს ადევნებდა, რომ ამქარში ყოფილიყო წესრიგი, სიმშვიდე და კეთილგანწყობილება. ოსტატი დახმარებას უწევდა ამქრის ავადმყოფ და

⁹¹ «Кавказ», 1851, № 30.

⁹² შ. მ. ე. ს. ი. ა., დასახ. ნაშრომი, გვ. 532.

⁹³ შ. მ. ე. ს. ი. ა. და სხვ., თბილისის ისტორია, 1958, გვ. 287.

⁹⁴ სცსია, ფ. 227, საბ. № 823.

⁹⁵ იქვე, საბ. № 825.

უძლურ წევრებს, რელიგიური დღესასწაულების დროს უზრუნველყოფდა. ეკლესიებში ამქრის წევრთა დასწრებას ლოცვებზე და ა. შ.⁹⁶

ქართული ამქრული წყობისათვის უცხო იყო რელიგიური დისკრიმინაცია. ერთსა და იმავე ამქარში შეიძლებოდა მოხვედრილიყო მართლმადიდებელი, გრიგორიანელი, კათოლიკე, მაჰმადიანი და სხვა რწმენისა თუ ნაციონალური კუთვნილების წარმომადგენელი⁹⁷. ერთი მოგვიანო ცნობით, დაბაღების ამქარში გაერთიანებული ყოფილან „ალიხანი მაჰმუდის შვილი“, „ისაიაშვილი აყოფა ერევნელი“ და „ბერუაშვილი ფარსადან“⁹⁸.

ამქრული ორგანიზაციის ეკონომიკური პოლიტიკა მიზნად ისახავდა წარმოების მონოპოლიზაციას და რეგლამენტაციას. რეგლამენტაცია არა მარტო წარმოებისა და ფასების, არამედ ეთიკისა და მორალის სფეროებსაც მოიცავდა, რითაც ამქარი ცდილობდა შინაგანი მთლიანობისა და ამქრის წევრთა თანასწორუფლებიანობის შენარჩუნებას როგორც ეკონომიკური, ისე უფლებბრივი თვალსაზრისით.

გვიანი შუა საუკუნეების თბილისში რეგლამენტაცია მიზანს ველარ აღწევდა, რადგან ერთსა და იმავე ამქარში გაერთიანებული იყვნენ განსხვავებული უფლებბრივი მდგომარეობისა და ეკონომიკური შეძლების ხელოსნები.

თავისუფალსა და ყმას, მდიდარსა და ღარიბს ამქარში, ცხადია, არ შეიძლება ჰქონოდათ ერთნაირი ინტერესი. მდიდრები, ბუნებრივია, მეტი შეღავათებითა და პატივით სარგებლობდნენ და უსტაბაშებადაც ჩვეულებრივ მათ ირჩევდნენ.

სწორედ ამქრის შინაგანი სოციალურ-ეკონომიკური დიფერენციაცია იყო იმის ძირითადი მიზეზი, რომ ამქრულმა ორგანიზაციამ ვერ მი-აღწია წარმატებას ქალაქის ფეოდალურ-ბიუროკრატიული მმართველობის წინააღმდეგ ბრძოლაში⁹⁹.

თბილისის სავაჭრო კაპიტალი

XVIII ს. 40—80-იან წლებში

თბილისში თავს იყრიდნენ სავაჭრო-საქარავენო გზები, რომლებიც, ერთი მხრივ, მას აღმოსავლეთ ამიერკავკასიისა და ირანის ქალაქებთან აკავშირებდა, ხოლო, მეორე მხრივ, ერევან-არზრუმზე ან ახალქალაქ-ახალციხეზე გავლით—სტამბოლთან.

XVIII საუკუნეში აღნიშნული სავაჭრო გზები თანაბარი მნიშვნე-

⁹⁶ შ. მესხია და სხვ., დასახ. ნაშრომი, გვ. 288.

⁹⁷ М е с х и а. Ш. А. Города и городской строй феодальной Грузии, Тбилиси, 1959, с. 330.

⁹⁸ სცსია, ფ. 229, დავთ. 42, საბ. №178.

⁹⁹ М е с х и а. Ш. А. Города..., с. 385.

ლობის არ ყოფილა თბილისელი ვაჭრებისათვის. უპირატესობა ამ დროისათვის კასპიისპირეთის მაგისტრალს ენიჭებოდა, რომელსაც თბილისი უკავშირდებოდა მეტად მოხერხებული განჯა-შუშისა და ნუხა-შემახის გზებით.

თბილისზე გავლით დასავლეთისა და აღმოსავლეთის ურთიერთდაკავშირების ცდებს მნიშვნელოვანი წარმატება არ მოჰყოლია. ფრანგი მოგზაურის პეისონელის აზრით, „თბილისი წარმოადგენდა ყველაზე უფრო ხელსაყრელ პუნქტს სპარსეთთან ვაჭრობის დასამყარებლად, რადგან თბილისის მდებარეობა ხდის მას სპარსეთის ყველა ქალაქის კლიტე-გასაღებად“¹⁰⁰.

პეისონელის მიხედვით ირანთან დასავლეთ ვეროპოლის დამაკავშირებელი მარშრუტი ასეთი უნდა ყოფილიყო: ბათუმი-ახალციხე-თბილისი, შემდეგი განშტოებებით: განჯა-შემახა ან ერევანი-თავრიზი-არზრუმი, მოხდა კი პირიქით, — წინა აზიის სავაჭრო მაგისტრალმა კიდევ უფრო სამხრეთით გადაინაცვლა — ირანი-ბაღდადი-ალეპო-ხმელთაშუა ზღვა.

1750 წლიდან გაიხსნა დარიალის (იგივე „ოსეთის“), „რუსეთის“ გზა, რომლითაც საქართველო მოხერხებულად უკავშირდებოდა რუსეთის მსხვილ სავაჭრო ცენტრებს. აღსანიშნავია, რომ ახალმა გზამ იმთავითვე ვერ მიიპყრო თბილისელ ვაჭართა ყურადღება. კასპიისპირეთის მაგისტრალზე გასვლას ისინი კვლავ აღმოსავლეთ ამიერკავკასიის შეღარებით გრძელი, მაგრამ კარგად ათვისებული და ნაკლებად საშიში გზებით ამჯობინებდნენ. სამეთო ხელისუფლებამ ვაჭრის შიშს მისივე სიხარბე დაუპირისპირა — ოსეთის გზით შემოტანილ საქონელზე შეღავათიანი ბაჟი დააწესა¹⁰¹. შედეგმა არ დააყოვნა. სულ მალე ახალი სავაჭრო გზის უპირატესობა იმდენად აშკარა გახდა ვაჭრებისათვის, რომ მათ შეღავათიანი ბაჟის გაუქმების შემდეგაც კი მისთვის ზურგი არ შეუქცევიათ¹⁰².

სატრანზიტო და ადგილობრივი სავაჭრო გზები თავს იყრიდნენ თბილისის ექვს ძირითად კართან (კოჯრის, დიღმის, მეიღნის, ქვემო კარი, განჯისა და აბანოს კარი). -

ბაჟის გადახდა ყველა კართან აუცილებელი იყო. საბაჟო ტარიფების დღეისათვის შემორჩენილი ნუსხების მიხედვით შესაძლებლობა გვაქვს საკმაოდ სრულად აღვადგინოთ თბილისის ბაზრის ასორტიმენტი.

ადგილობრივი წარმოების საქონლიდან აღსანიშნავია შემდეგი: ლითონის სხვადასხვა სამეურნეო და საოჯახო ნაკეთობანი, საფეიქრო ნაწარმი — ბამბეულის, აბრეშუმის და შალის ქსოვილები, მატყლი, სელი,

¹⁰⁰ ს. კ ა კ ა ბ ა ძ ე, საფრანგეთის სავაჭრო კაპიტალი საქართველოს მიმართ მე-18 საუკუნეში, ქუთაისის პედ. ინსტ. შრომები, I, 1940, გვ. 117.

¹⁰¹ AKAK, II, c. 1136.

¹⁰² შეღავათიანი ბაჟი 1771 წელს გაუქმდა ერეკლე I-ის ბრძანებით, AKAK, II, c. 1136.

ნედლი ბამბა, სურსათ-სანოვაგე, მარცვლეული, პირუტყვი, ღვინო, ხორცი, ფრინველი, ზეთი, ერბო, ქონი, თაფლი, ხილი, ბოსტნეული, აგრეთვე ენდრო, თამბაქო და სხვა მრავალი.

გაცილებით მრავალფეროვანი იყო იმპორტული საქონლის ასორტიმენტი: აბრეშუმის ქსოვილები (დარაია, ტაფტა, ატლასი), შალის ქსოვილები (ქირმანის შალი), შალის სარტყლები, უხეში შალი, ნაბდები (დალესტინიდან), ბამბის ქსოვილები, უმთავრესად მალალი ხარისხის — წმინდა მიტკალი, ნოხები (ნუხის), ვერცხლით ქსოვილი ფარჩა (თურქეთიდან), ევროპული ქსოვილები — გარნითური ფლორი, ლემური ნიმი, შპანკის მაუდი, რუსული ჩითი, სხვადასხვა სახის ბეწვეული (წავისა და თახვის ქურქები, მელიისა და კვერნის ბეწვი), ფოლადი, რკინა, გვარჯილა, ქაღალდი, თოფ-იარაღი, ძვირფასი თევლები (ალმასი, მარგალიტი, იაგუნდი, ზურმუხტი და სხვ.), წვრილმანი ხელოსნური ნაწარმი — მაგიდის სერვიზი, რუსული „სტოლის სერვიზი“, ფერადი შუშები, სარკე, საპონი და სხვ., კვების პროდუქტები: მარილი, შაქარი, ყავა, ლიმონი, თამბაქო, ძვირფასი თევზეული, ხიზილალა, სანელებლები — მიხაკი, დარიჩინი, პილპილი, ვარდისა და ზეითუნის ზეთი, ზეთის ხილი და სხვ.

კონკურენცია ადგილობრივსა და უცხოურ საქონელთა შორის თითქმის არ შეიმჩნეოდა, რადგან ადგილობრივი მრეწველობა აწარმოებდა ფართო მოხმარების პროდუქციას, რომელიც ძირითადად საზოგადოების დაბალი ფენების მოთხოვნებს პასუხობდა, მაშინ როცა იმპორტული საქონლის მოხმარებელი არსებითად ფეოდალური ზედაფენა იყო. გარდა იმისა, რომ იმპორტული საქონელი ხარისხით სჯობდა ადგილობრივს, ფსიქოლოგიური თვალსაზრისით მას დამატებითი „ღირსებაც“ ენიჭებოდა — საქონელი რაც უფრო უცხო იყო, რაც უფრო შორიდან იყო მოტანილი, მით უფრო ძვირად ფასობდა.

კლასობრივი განსხვავება ცხოვრების ყველა სფეროში შეიმჩნეოდა და მათ შორის, ცხადია, ყოფაშიც. გაბატონებული ზედაფენის საცხოვრებელი, ავეჯი, ტანსაცმელი, სამკაულები, კვების რაციონი და სხვა განსხვავებული უნდა ყოფილიყო და იყო კიდევ. მეორე მხრივ, სწორედ იმის გამო, რომ ადგილობრივი საწარმოები ამზადებდნენ ნახევარფაბრიკატებსა და შედარებით დაბალი ხარისხის მზა პროდუქციას, მისი მასობრივი გასაღება უფრო მეტად იყო გარანტირებული. ფართო მოხმარების თბილისური სამრეწველო პროდუქცია მეზობელ ქვეყნებშიაც საღებოდა.

ქართული სამრეწველო პროდუქციისათვის „საშინაო ბაზარს“, უწინარეს ყოვლისა, კავკასიის მთიანეთი წარმოადგენდა. აქ მას კონკურენტი არ ჰყავდა და საკმაოდ დიდი რაოდენობით საღებოდა. ბურნაშოვის მიხედვით, კავკასიის ყველა ხალხი თბილისელი სომხების „შრომის-მოყვარეობით სარგებლობენ“. საექსპორტო საქონელი იყო: სპილენძის

ქურჭელი, ბამბის ქსოვილები, რკინის ნაწარმი, ცხენის აკაზმულობა, ტანსაცმელი და სხვ.¹⁰³

თბილისური ნაწარმი ადგილობრივად დიდი რაოდენობით საღებოდა კავკასიის მთიელებზე. ვაჭრობა ამ შემთხვევაში უმეტესწილად წარმოებდა გაცვლის ფორმით. მაგრამ მაშინაც კი, როცა მთიელები თავიანთ ნაწარმს (მაუდი, ნაბადი, იარაღი, მეცხოველეობის პროდუქტები და სხვ.) უშუალოდ ფულზე ყიდდნენ, ამ ფულით ისევ და ისევ მათთვის უკმარ და უცხო ადგილობრივ საქონელს იძენდნენ, სამშობლოში ფულის გატანას მათთვის არავითარი აზრი არ ჰქონდა, რადგან საქონელგაცვლაში იქ ფული საერთოდ არ მონაწილეობდა: „არა უწყიან თეთრი, არამედ თეთრისა წილ ნაბადი, ჩოხა, ხამი შალი, ცხვარი, ძროხა და ტყვე და ვაჭრობდნენ ურთიერთ შინა ამით“, — შენიშნავს ვახუშტი¹⁰⁴.

ადგილობრივი ნაწარმი საკმაოდ დიდი რაოდენობით გადიოდა სხვა მიმართულებითაც. მარტო ერთი თვის განმავლობაში თბილისელ ვაჭრებს მოზდოკში 3273 თოფი ბამბის ქსოვილი ჩაუტანიათ. XIX ს. დასაწყისში საქართველოდან რუსეთში (მოზდოკის კარანტინის გავლით) 52 230 თოფი სხვადასხვა ქსოვილი და 200 ფუთამდე ბამბის ნართი შეიტანეს. დაახლოებით 800 000 არშინი¹⁰⁵.

თბილისელ ვაჭრებს რუსეთში გაჰქონდათ აგრეთვე ბეწვეული, ნედლი და ამოხვეული აბრეშუმი, შალი, საფეიქრო ნაწარმი (თავსაფრები, სუფრები, ქისები და სხვ.)¹⁰⁶.

საექსპორტო ნედლეულიდან განსაკუთრებით უნდა აღინიშნოს ენდრო. XVIII ს. მიწურულისათვის სპარსეთსა და თურქეთში გატანილი ენდროს წლიური ღირებულება 10 000 მანეთს აღწევდა¹⁰⁷.

დიდი რაოდენობით გაჰქონდათ თბილისელ ვაჭრებს ადგილობრივი წარმოების სპილენძი და სპილენძის ნაკეთობანი. 1797 წელს თბილისელ ავეტიკას და იოანეს შემახიას გაუგზავნიათ შვიდ ურემ-ნახევარი სპილენძი, ანუ 840 ბათმანი¹⁰⁸. გვაქვს ცნობა, რომ ყუბელები თბილისში ყიდულობდნენ სპილენძის ზოდებს და არა სპილენძის ქურჭელს, რაც იმით აიხსნება, რომ სპილენძის ნაკეთობათა გატანა ზოდებთან შედარებით მოუხერხებელი და წამგებიანი იყო. საექსპორტო საქონელი იყო თუთუნიც. ვაჭარ ფარსადანას საკმაოდ დიდი რაოდენობით თუთუნის წაუღია „საამხანაქოთ“ მოსკოვს¹⁰⁹.

¹⁰³ ს. ბურნაშოვი, დასახ. ნაშრომი, გვ. 12.

¹⁰⁴ ვახუშტი, ქართლის ცხოვრება, IV, გვ. 640.

¹⁰⁵ შ. ს. მ. ს. ნ. ა. ძ. ე, დასახ. ნაშრომი, გვ. 130.

¹⁰⁶ Документы по взаимоотношению Грузии с Северным Кавказом в XVIII в.. изд. В. Гамрекели, Тбилиси, 1968, с. 222, 227, 228.

¹⁰⁷ სესია, ფ. 2, აღწ. 1, საქ. 344, ფურც. 15.

¹⁰⁸ სესია, ფ. 1448, საბ. №5315.

¹⁰⁹ შ. მ. ე. ს. ი. ა. დასახ. ნაშრომი, გვ. 375 (რუსულ ენაზე).

სავაჭრო ოპერაციები მკვეთრად არ იყო დიფერენცირებული. ერთი და იგივე ვაჭრები ან სავაჭრო ამხანაგობები ერთდროულად ეწეოდნენ თითქმის ყველა სახის (ექსპორტი, იმპორტი, რეექსპორტი და სხვ.) ვაჭრობას.

ამ თვალსაზრისით ნიშანდობლივია ერთი საკმაოდ მსხვილი სავაჭრო ამხანაგობის საქმიანობა. ამხანაგობაში გაერთიანებული იყო რამდენიმე კაცი. მასში ძირითადი ფიგურა ყოფილა რომელიღაც ალა, რომელიც თბილისში საქმიანობდა. ამხანაგობის სხვა წევრები ასტრახანში ეწეოდნენ სავაჭრო ოპერაციებს. ესენია სტეფან ასლანოვი, ალას ძმა კარაპეტა, შაროა და ქევოა. ვაჭრობა მოიცავდა ექსპორტ-იმპორტის სფეროებს. ალამ თბილისიდან ასტრახანში გაგზავნა ფარჩა და ბეწვეული (800 მანეთის ღირებულების), თავის მხრივ, ასლანოვმა ალას გაუგზავნა ჯერ 5 000, შემდეგ კი 3 000 მანეთის საქონელი. მეორე მხრივ, ასლანოვმა 16 000 მანეთის საქონლით კარაპეტა გაისტუმრა ბაქოში. კარაპეტამ საქონელი იყიდა კრედიტით და აბრეშუმის ქსოვილით დაბრუნდა ასტრახანში¹¹⁰.

როგორც ვხედავთ, ამხანაგობა ერთდროულად ემსახურებოდა თბილისისა და კასპიისპირეთის ბაზრებს. თბილისელი ვაჭრები ფართოდ მისდევდნენ საშუაშაგლო ვაჭრობასაც.

1775 წელს დერბენდთან დაიღუპა ენზელიდან ასტრახანს მიმავალი გემი, რომელიც სეკორცოვს ეკუთვნოდა. გემი დატვირთული იყო ასტრახანელი და თბილისელი ვაჭრების თითქმის ნახევარი მილიონი მანეთის ღირებულების საქონლით¹¹¹.

ერთი ცნობით, თბილისელ ვაჭარს თავრიზიდან თბილისის გავლით მოჰქონდა საქონელი და ყიდდა მას საქართველოს პირველსავე მოსაზღვრე ქალაქ ბაილაკანში. აქ მას უნდა ეყიდა აბრეშუმში და ჩაეტანა ასტრახანში¹¹². როგორც ვხედავთ, საქართველო ამ შემთხვევაში მხოლოდ „სატრანზიტო გზას“ წარმოადგენს.

ბურნაშოვის ცნობით, ქართველ ვაჭრებს რუსული საქონელი საქართველოზე გავლით გაჰქონდათ სპარსეთისა და ინდოეთის ბაზრებზე. საწინააღმდეგო მიმართულებით კი გაცილებით დიდი რაოდენობის საქონელი შემოჰქონდათ¹¹³.

თვალსაჩინო ადგილი ჰქონდა რეექსპორტსაც — განსაკუთრებით მარილით. ტრანზიტისა და რეექსპორტის შესახებ საყურადღებო ცნობაა

¹¹⁰ მასალები საქართველოს ეკონომიური ისტორიისათვის, წიგნი II, თბ., გამოსცა ბ. ბერძენიშვილმა, 1953, გვ. 182.

¹¹¹ Документы по взаимоотношению Грузии с Северным Кавказом в XVIII в., с. 38; А б д у л л а е в Г. Азербайджан в XVIII в. и взаимоотношения его с Россией. Баку, 1915, с. 570.

¹¹² სესია, ფ. 1448, დავთ. 34, საბ. №16.

¹¹³ ს. ბ უ რ ნ ა შ о ვ ი, დასახ. ნაშრომი, გვ. 47 (რუსულ ენაზე).

დაცული კოვალენსკის მიერ კნორინგისადმი გაგზავნილ მოხსენებით ბართში. ბართი თარიღდება 1801 წლით.

„თუ რუსეთიდან, სპარსეთიდან, თურქეთიდან შემოტანილი საქონლის გადატანას მოისურვებს მისი მფლობელი, მან შემოტანაზე გადახდილ მთელ ბაჟს გარდა გატანაზე ნახევარი ბაჟი უნდა გადაიხადოს, მაგრამ თუ შემოტანილი საქონლის შესყიდვა ადგილზევე მოხდა (იგულისხმება არა მომხმარებელზე, არამედ ისევ ვაჭარზე მისი შემდგომი გატანისა და რეალიზაციის მიზნით) ამ უკანასკნელმა მთელი ბაჟი უნდა გადაიხადოს“¹¹⁴.

აღნიშნული სახის სავაჭრო ოპერაციებს სხვა მასალაც ადასტურებს. 1800 წელს თბილისელ ვაჭარ დიმიტრის ინდოეთიდან ჩამოაქვს 13 680 მანეთის სხვადასხვა ქსოვილი და რამდენიმე ათასი მანეთის ღირებულების ძვირფასი ქვები. ჩამოტანილი საქონლის ერთი ნაწილი, კერძოდ, 9830 მანეთის ქსოვილი და 12 030 მანეთის ძვირფასი ქვები შეისყიდა ადგილობრივმა ვაჭარმა ალა ზურაბოვმა¹¹⁵. ცხადია, ამ უკანასკნელმა საქონელი შეისყიდა მისი საზღვარგარეთ რეალიზაციის მიზნით — ადგილზე ათეულ ათასობით მანეთად ღირებული ძვირფასი საქონლის გასაღებას იგი ვერ შეძლებდა, ამას გარდა, ეს რომ შესაძლებელი ყოფილიყო, ამას თვით დიმიტრი გააკეთებდა, მოგებაში ასე უბრალოდ სხვა ვაჭარს არ დაუღებდა წილს. როგორც ჩანს, დიმიტრიმ ჩამოტანილი საქონლის მხოლოდ ის ნაწილი დაიტოვა, რომლის ათვისებაც ადგილობრივ ბაზარს შეეძლო.

აღსანიშნავია ის ფაქტიც, რომ თბილისელი ვაჭრები ცდილობდნენ უმეტესად ოქრო შემოეტანათ, ვიდრე საქონელი. როგორც ჩანს, ერთი მხრივ, საშინაო ბაზარი ვიწრო იყო იმპორტისათვის, მეორე მხრივ, გამორიცხული არაა, რომ მსხვილი ვაჭრები სამეფო ხელისუფლების დავალებითაც მოქმედებდნენ ასე.

1792 წელს ხუთ ქართველ ვაჭარს ასტრახანში ჩამოართვეს 20 000 მანეთის ღირებულების ოქროს მონეტები. ერეკლე II-ის შუამდგომლობით აღნიშნული თანხა დაუბრუნეს ვაჭრებს. 1797 წელს ასევე ასტრახანში დავით კანკილამოვსა და რევაზ გიორგიევს ჩამოართვეს 700 ნახევარიმპერიალი, 700 მანეთი, 4200 მანეთის ოქროს მონეტა და სხვა საქონელი¹¹⁶.

სამეფო ხელისუფლება აქტიურად ერეოდა მსხვილ სავაჭრო ოპერაციებში, თავისი ინტერესების შესაბამისად წარმართავდა მათ და იცავდა

¹¹⁴ АКАК. т. I, № 583.

¹¹⁵ Документы по взаимоотношению Грузии с Северным Кавказом, დასახ. გამოც.

შესაძლო დაბრკოლებებისაგან. ერეკლე II-მ პოტიომკინთან უჩივლა ფათალი ხანს, რომ მისი მიზეზით ქართველმა ვაჭრებმა 60 000 მანეთის ზარალი ნახეს¹¹⁷.

სავაჭრო ურთიერთობათა მნიშვნელოვან წარმატებებზე მიუთითებს ის ფაქტი, რომ თბილისელი ვაჭრები, ერთი მხრივ, მაქსიმალურად იყენებენ ადგილობრივი მრეწველობის შესაძლებლობებს და შესაბამისად ექსპორტს საკმაოდ დიდი ადგილი უჭირავს მათ სავაჭრო ოპერაციებში, ხოლო, მეორე მხრივ, არ კმაყოფილდებიან ამით და ფართო საშუაშაველო ვაჭრობას ეწევიან მსხვილ სავაჭრო-ეკონომიკურ რეგიონებს შორის.

სავაზშო კაპიტალი. კრედიტი

თბილისში საკმაოდ ფართოდ ფუნქციონირებდა სავაზშო კაპიტალიც. სავაზშო ოპერაციებს ძირითადად ეწეოდნენ ვაჭრები, ეკლესია და ფუ-
ლადი კაპიტალის მფლობელთა ის ნაწილი, რომელსაც გარკვეული მი-
ზეზების გამო შესაძლებლობა არ ჰქონდა სავაჭრო ოპერაციებში ჩაება
თავისი კაპიტალი¹¹⁸ (იგულისხმებიან ქვრივები, მოხუცები, უძლურები
და ა. შ.)¹¹⁹. ეს ფაქტი იმაზეც მიუთითებს, რომ განსახილველ პერიოდში
სავაჭრო კაპიტალის მოგება გაცილებით მეტი იყო, ვიდრე სავაზშო კა-
პიტალის პროცენტი, მიუხედავად იმისა, რომ შეინიშნებოდა არა მარტო
სესხის პროცენტის, არამედ გასესხებული თანხის ზრდაც.

მსესხებლები იყვნენ გლეხები, ხელოსნები, ვაჭრები, თავადაზნაურო-
ბა, მეფის ოჯახის წევრები და თვით მეფეც, თუმცა სამეფო სახლი უმეტეს-
წილად სავალდებულო სესხს მიმართავდა და პროცენტის გადახდას თავს
არიდებდა.

1790 წელს გიორგი XII ერთ თავის თბილისელ ყმას სწერდა: „20 თუ-
მანი რომ არ გვასესხო, არას გზით არ შეიძლება, ვერც უარს გვეტყვი,
სესხად გთხოვთ. თუ ეს შეიტყო ვინმემ ჩვენს მეტმა, შენს მეტმა და
ფეტიაშვილის მეტმა, ასე უნდა იცოდე, რომ ჩვენი მოსისხლე იქნები.
ნუ შეწუხდები, ხომ იცი, რომ ბატონს დასჭირდება, ყმამ უნდა მისცეს,
ყმას დასჭირდება ბატონმა უნდა მისცეს. მაგაზე წყრომა როგორ იქნე-
ბა“¹²⁰.

თეიმურაზ II-სა და ერეკლე II-ს ვაჭარ მელიქ მილდისის 8600 მინალ-
თუნი ჰქონიათ ვალად. ერეკლე II-ს ვაჭარ გიორგი ნაზარბეგაშვილისა-

¹¹⁷ შ. მ ე ს ხ ი ა, დასახ. ნაშრომი., გვ. 218 (რუსულ ენაზე).

¹¹⁸ შ. ს ა მ ს ო ნ ა ძ ე, დასახ. ნაშრომი, გვ. 78.

¹¹⁹ დ. უ ჩ ა ნ ე ი შ ვ ი ლ ი, დოკუმენტები საქართველოს ეკონომიური ისტორიისათვის, თბ., 1967, გვ. 57; ნ. ბ ე რ ძ ე ნ ი შ ვ ი ლ ი, მასალები საქართველოს ეკონომიური ისტორიისათვის, II, გვ. 48, 104, 107.

¹²⁰ სესხია, ფ. 229, დავთ. 11, საბ. № 49, 50.

გან 4791 მანეთი უსესხებია, გიორგი XII-ის ვალები 400 თუმნამდე აღწევდა¹²¹.

კრედიტი XVIII საუკუნის თბილისში ჯერ კიდევ უმთავრესად მობმარებაზე მოდიოდა და უმნიშვნელო რაოდენობით ხმარდებოდა წარმოებას¹²². სესხის დაფარვა ხდებოდა მსესხებლის ქონებით და არა წარმოებიდან მიღებული მოგებით, რაც, ცხადია, მსესხებლის გაჩანაგებას იწვევდა.

აღნიშნულის პარალელურად საკმაოდ ხშირად გვხვდება ფულის გასესხების პროგრესული ფორმებიც, როცა მსესხებლებად გამოდიან მსხვილი ვაჭრები ან სავაჭრო ამხანაგობები და, შესაბამისად, კრედიტის პროცენტი იფარება სავაჭრო კაპიტალის მოგებით.

„ავილე მე ტერ-ასატურაშვილმა არაქელამა, შენ თუმანიშვილის მდივნისა მანუჩარისაგან ოთხმოცი თუმანი... ეს თეთრი... ჩემთვის ვიმუშაო... ამის ხეირსა და ზიანში შენ საქმე არ გქონდეს... შენმა ოთხმოცმა თუმანმა რაც ჩემს ხელთ დაჰყოს, წელიწადში ათი თორმეტნახევრად გურჯელად მოგცე“¹²³.

ზნირია შემთხვევები, როდესაც კრედიტორი უარს ამბობს პროცენტზე, ხოლო ვაჭარი-მსესხებელი უშუალოდ მოგებაში უდებს მას წილს. მსესხებელი ასეთ პირობას აძლევს კრედიტორს, შენი „თეთრი მე თავნათ დავიჭირო და ალებ-მიცემობაში ვამუშავო და რაც ღმერთმა მომცეს ხეირი თუ შარი, თავნი ხომ თქვენ უნდა მოგაბარო და მონაგებისა ხეირი და შარი ორივესი უნდა იყოს“¹²⁴.

მოსახლეობის სოციალური დიფერენციაცია

*და კლასობრივი ბრძოლა

XVIII ს. პირველ მეოთხედში თბილისში დაახლოებით 20 000 მცხოვრები იყო. ამავე საუკუნის 30-იანი წლებიდან უკვე აშკარად შეინიშნება თბილისის მოსახლეობის კლების პროცესი, რომელმაც შემდგომში საქალაქო ცხოვრების განვითარებისათვის კიდევ უფრო საშიში ხასიათი მიიღო. თბილისის მოსახლეობის ვაჭრული ფენა მასობრივად სტოვებდა ქალაქს და სამუდამოდ სახლდებოდა ასტრახანში, ყიზლარსა და მოზდოკში.

აღნიშნული პროცესის ძირითადი მიზეზი ის იყო, რომ ვახტანგ VI-ის პრორუსული ორიენტაციით განაწყენებულმა ირანმა თბილისელ ვაჭრებს

¹²¹ Пурцеладзе Д. Крестьянские грамоты, Тифлис, 1882. с. 13.

¹²² ნ. კოიავა, კრედიტი XVIII ს. საქართველოში, თსუ შრომები, XXXIV, გვ. 21—45.

¹²³ ნ. ბერძენიშვილი, მასალები საქართველოს ეკონომიური ისტორიისათვის.

II, გვ. 58.

¹²⁴ იქვე, გვ. 40.

შეუწყვიტა შეღავათიანი საბაჟო ტარიფი. რუსეთის მოქალაქეობის მიღებით თბილისელი ვაჭრები ავტომატურად იღებდნენ რუსი ვაჭრების პრივილეგიებს ირანის ბაზრებზე. რუსეთისავე თბილისელი ვაჭრების ლტოლვას არანაკლებ აპირობებდა ის ფაქტიც, რომ საქართველოში ოსმალებისა და ყიზილბაშების განუკითხავი ბატონობის პირობებში ნორმალური სავაჭრო საქმიანობა შეუძლებელი გახდა. უფრო მეტიც, ამ დროისათვის თბილისში თვით ვაჭრის ქონებისა და სიცოცხლის დაცვა არაფრით არ იყო გარანტირებული.

ერეკლე II-ს მრავალმხრივი და საკმაოდ მკვეთრი ღონისძიებების გატარება მოუხდა იმისათვის, რომ როგორმე შეენელებინა თბილისელ მოქალაქეთა მიგრაციის პროცესი. 1770 წელს მან აღადგინა ვახტანგ VI-ის დროს დაკანონებული და უცხოელი ოკუპანტების მიერ მოშლილი ე. წ. „საკუთრების ქალაქური წესი“. სავაჭრო საქმიანობის გამოცოცხლების მიზნით, ვაჭართა ზედაფენას საგრძნობი შეღავათები დაუწესა. ხელმოკრედ და უფრო ზუსტად განისაზღვრა თბილისის მოხელეთა უფლებამოვალეობანი და სარგო. მკვეთრად აღიკვეცა მოხელეთა თვითნებობა თუ აშკარა ძალადობა მოქალაქეთა მიმართ. დაბოლოს, 1784 წელს, საგანგებო ბრძანებით, თბილისელ მოქალაქეებს საერთოდ აეკრძალათ საცხოვრებლად სხვაგან გადასვლა¹²⁵.

აღნიშნულმა ღონისძიებებმა სასიკეთო შედეგი გამოიღო — XVIII ს. მეორე ნახევრისათვის თბილისში უკვე 20 000-ზე მეტი მცხოვრები იყო¹²⁶. 1770 წლის ოფიციალური ცნობის თანახმად, თბილისში 4000 კომლი ქართველი, სომეხი, თათარი და ფრანგი ცხოვრობდა¹²⁷. ოფიციალურ მონაცემებს არ ეწინააღმდეგება გიულდენშტედტის ცნობაც, რომელიც გვაუწყებს, რომ 1770 წელს თბილისში 20 000 მცხოვრები იყო; ეს მას შემდეგ, რაც ამავე წელს აქ გაჭრცილებულმა ეპიდემიამ 4000 სული იმსხვევრკლა¹²⁸. მომდევნო ხანისათვის თბილისის მოსახლეობის რაოდენობის შესახებ სანდო ცნობები აღარ გავაჩნია.

მოსახლეობის სოციალური შემადგენლობის მიხედვით თბილისი XVIII ს. მეორე ნახევარშიც ფეოდალურ-ბატონყმურ ქალაქად რჩებოდა, თუმცა ამავე დროიდან გარკვეული სიახლეებიც შეინიშნება ქალაქის სოციალურსა და ეკონომიკურ ცხოვრებაში. უწინარეს ყოვლისა, უნდა აღინიშნოს ფეოდალური არისტოკრატის ქალაქისავე ლტოლვა. მი-

¹²⁵ Пурцеладзе Д. დასახ. ნაშრომი, გვ. 42.

¹²⁶ აშკარად გადაჭარბებულია პეისონელის ცნობა, რომლის მიხედვითაც თბილისში XVIII ს. 60-იანი წლებისათვის თითქოს 40 000 მცხოვრები იყო. — ს. კაკაბაძე, საფრანგეთის სავაჭრო კაპიტალი საქართველოს მიმართ მე-18 საუკუნეში, ქუთაისის პედ. ინსტიტუტის შრომები, I, 1940, გვ. 117.

¹²⁷ ქართული სამართლის ძეგლები, ტ. II, თბ., 1965, გვ. 421.

¹²⁸ გიულდენშტედტის მოგზაურობა საქართველოში, ტ. I, თბ., 1962, გვ. 89.

უხედავად იმისა, რომ ფეოდალთა ეკონომიკური საყრდენი ძირითადად ისევ ყმა-მამული იყო, ქალაქი უკვე აღარ წარმოადგენდა მათთვის მხოლოდ და მხოლოდ რეზიდენციას. ამერიიდან ისინი ცდილობდნენ აქ საკუთრება გაეჩინათ და აქტიური მონაწილეობა მიეღოთ ქალაქის ეკონომიკურ ცხოვრებაში.

ქალაქის ეკონომიკური მართვის სადავეები კვლავინდებურად სამეფო სახლს ეპყრა, თბილისში ყმათა ყველაზე დიდი მფლობელი მეფე იყო. სამეფო ყმათა რაოდენობა 1500 კომლს აღწევდა¹²⁹. ამავე დროს, როგორც ზემოთ აღინიშნა კიდევ, თბილისის ყველაზე მნიშვნელოვანი და მომგებიანი საწარმოები მეფის საკუთრებას შეადგენდა.

ღარეჯან დედოფალს თბილისში ჰყავდა 248 კომლი ყმა. თბილისის სამღებროები დედოფალს 7 000 მანეთამდე შემოსავალს აძლევდა წელიწადში, 12 თუმანს იღებდა ქალაქის ბალების იჯარის ანგარიშში, ასევე 12 თუმნად ჰქონდა მას გაცემული ყასაბხანა და ა. შ.

ყმები ჰყავდათ თბილისში ბატონიშვილებსაც. 1783 წლის აღწერით საბატონიშვილო ყმების რიცხვი 350-მდე კომლს შეადგენდა. ყველაზე მეტი ყმა ჰყავდა ტახტის მემკვიდრეს გიორგი ბატონიშვილს — 145 კომლი. შემდეგ მოდიოდნენ ბატონიშვილები ალექსანდრე (50 კომლი), დავითი (49 კომლი), იულონი (46 კომლი), ფარნაოზი (37 კომლი), ალმასხანი (17 კომლი), მირიანი (3 კომლი). ბატონის ასულებს — მარიამს, სოფიოს და ქეთევანს მხოლოდ თითო-ოროლა ყმა თუ ჰყავდათ თბილისში¹³⁰.

ბატონიშვილები თბილისში სხვადასხვა საეკპრო ნაგებობებსა (დუქანი, ქარვასლა) და სარეწაოებსაც ფლობდნენ. მარტო დავით ბატონიშვილს თათრის მოედანზე 12 დუქანი ჰქონდა, საიდანაც 400 მანეთზე მეტ შემოსავალს იღებდა. 650 მანეთს აძლევდა მასვე სიონის მახლობლად არსებული ქარვასლა ყოველწლიურად¹³¹.

თბილისში საკმაოდ მრავლად იყვნენ საეკლესიო ყმებიც. კათალიკოს-პატრიარქს აქ 198 კომლი ყმა ჰყავდა. საკათალიკოსო ყმების გამოკლებით ქართული ეკლესია-მონასტრების კუთვნილ ყმებად XVIII ს. 70-იან წლებში თბილისში აღრიცხული იყო 167 კომლი, სომხური ეკლესიების წილად მოდიოდა 72 კომლი და ა. შ.¹³²საქალაქო მეურნეობა ეკლესიის შემოსავლის მნიშვნელოვანი წყარო იყო. საეპარისია ითქვას, რომ მხოლოდ სიონის ეკლესიას თბილისში 14 დუქანი, ქარვასლა, აბანო, დაბახანა და წისქვილი ჰქონდა¹³³.

¹²⁹ ქართული სამართლის ძეგლები, ტ. IV, გვ. 336.

¹³⁰ სესია, ფ. 226, საბ. № 1148.

¹³¹ სესია, ფ. 229, დავთ. 51, საბ. № 24.

¹³² ქართული სამართლის ძეგლები, ტ. IV, გვ. 336.

¹³³ სესია, ფ. 226, საბ. № 1148.

თბილისში უძრავ-მოდრავ ქონებას კერძო ფეოდალებიც ფლობდნენ. ერთ-ერთ მათგანს, კერძოდ, ბებუთაშვილების საგვარეულოს, სასახლისა და რამდენიმე სახლის გარდა, 13 დუქანი, დიდი ქარვასლა, დიდი და პატარა აბანო, ავლაბრისა და სეიდაბადის ბალები ეკირა¹³⁴.

XIX ს. დასაწყისში თბილისში უკვე მუდმივად ცხოვრობდა 23 სხვადასხვა გვარის 70-ზე მეტი თავადი (ბაგრატიონები, ორბელიანები, ციციშვილები, ერისთავები, ბარათაშვილები, ჭავჭავაძეები, თუმანიშვილები, ბეგთაბეგიშვილები, სუმბათაშვილები, ფალავანდიშვილები, აბაშიძეები, ხერხეულიძეები, მაჩაბლები, შალიკაშვილები, ჩიქოვანები, გურამიშვილები და სხვა)¹³⁵. დოკუმენტში აღრიცხულია მხოლოდ მამრობითი სქესის წარმომადგენლები. საგრძნობლად გაიზარდა ქალაქში მუდმივად მცხოვრებ აზნაურთა რაოდენობაც¹³⁶.

ქალაქზე ფეოდალური არისტოკრატის ორიენტაცია, ცხადია, შემთხვევითი არ იყო. ეს ფაქტი აშკარად მიგვანიშნებს ფეოდალური მეურნეობის რღვევაზე. ექსპლოატაციის ტრადიციული ფორმა—რენტა—უკვე აღარ აკმაყოფილებდა ფეოდალის გაზრდილ მოთხოვნილებებს; საქალაქო მეურნეობა მისთვის შემოსავლის გაცილებით მომგებანი წყარო გახდა. უფრო მეტიც, ზოგიერთი (უპირატესად მცირე ყმა-მამულის მქონე) ფეოდალი მთლიანად წყვეტდა კავშირს სოფელთან, მუდმივად ქალაქში სახლდებოდა და არ თაკილობდა მისი მაღალი ღირსებისათვის შეუფერებელ სავაჭრო საქმიანობასაც. ერთ-ერთ განცხადებას, რომელიც XIX ს. პირველ წლებს განეკუთვნება, თბილისში მოვაკრე 17 „კეთილშობილი აზნაური“ აწერს ხელს¹³⁷.

ფეოდალური არისტოკრატის ენერგიულმა ჩარევამ თბილისის ეკონომიკურ ცხოვრებაში ერთი შეხედვით კიდევ უფრო განამტკიცა მისი პოლიტიკური ბატონობა ქალაქზე. მაგრამ სულ მალე აშკარა გახდა, რომ ქალაქის ვაჭრულ ზედაფენასთან კომპრომისების გარეშე იგი ვერ შეძლებდა საქალაქო ცხოვრების მართვას. ფეოდალური არისტოკრატის სურვილები ადრე თუ გვიან საქალაქო ცხოვრების წამყვანი ძალის ნებას უნდა დაჰყოლოდა.

თბილისის მოსახლეობის უმეტეს ნაწილს ვაჭრები და ხელოსნები შეადგენდნენ. პროფესიული თვალსაზრისით, ფეოდალური სამართალი ვაჭრებს განიხილავდა ერთიან ფენად.

სოციალური ნიშნის მიხედვით, იგივე ფეოდალური სამართალი ვაჭართა ფენას მიაკუთვნებდა გლეხობას. ამ შემთხვევაში მნიშვნელობა

¹³⁴ სსსი, ფ. 226, საბ. №1057.

¹³⁵ შ. მ. ე. ს. ხ. ი. ა. და სხვ., დასახ. ნაშრომი, გვ. 256.

¹³⁶ სსსი, ფ. 230, საბ. № 1126.

¹³⁷ იქვე.

არ ჰქონდა ვაჭრის ეკონომიკურ მდგომარეობას. ვაჭარი, დიდიც და მცირეც, სოციალურად გლეხი იყო, პირადად არათავისუფალი და გამონაკლისი შემთხვევები, როცა დიდვაჭარი წარჩინებულის (აზნაურის, თავადის) ტიტულს ფლობდა, განიხილებოდა როგორც მეფის წყალობა და არა ვაჭართა ფენის სოციალური დიფერენციაციის შედეგი.

ვაჭართა ფენა 4 ეკონომიკურ კატეგორიად იყოფოდა: დიდვაჭარი, შუა ვაჭარი, ქვემო ვაჭარი და ამაზე დაბალი.

ვაჭართა შეძლებული ფენის როლი უპირატესად დიდი იყო არა მარტო საქალაქო, არამედ სახელმწიფო ეკონომიკაშიც, რის გამოც სამეფო ხელისუფლება საკუთარი ინტერესებიდან გამომდინარე მფარველობდა და საკმაოდ დიდ პრივილეგიებსაც ანიჭებდა მას.

ვაჭართა ფენის სისხლის განსაზღვრისას ფეოდალურმა სამართალმა წინ წამოსწია ეკონომიკური მომენტი. აქედან გამომდინარე სოციალურად ვაჭართა ერთიანი ფენა ფეოდალური სამართლის სისხლის რიგში განსხვავებულ სოციალურ ჯგუფებში აღმოჩნდა განაწილებული — „დიდვაჭრის სისხლი თან უწერია შუა აზნაურის სისხლს, მეორე ვაჭრის სისხლი ცალმოკვი აზნაურის, მესამე ვაჭრის სისხლი მსახურის სისხლს, ხოლო მეოთხე ვაჭრის სისხლი გლეხის კაცის სისხლს“¹³⁸.

სისხლით აზნაურთან გათანასწოებული დიდვაჭარი წოდებრივად ჯერ კიდევ არ იყო აზნაური, ამისათვის მას პირადად მეფისაგან აზნაურის ტიტული უნდა მიეღო. თუმცა ფაქტიურად იგი უკვე აზნაურის თითქმის ყველა პრივილეგიით სარგებლობდა.

XVIII ს. მეორე ნახევრიდან მნიშვნელოვანი ცვლილებები ხდება ვაჭართა ფენის სოციალურ მდგომარეობაში, რაც ქვეყნის ეკონომიკურ ცხოვრებაში სავაჭრო კაპიტალისა და საერთოდ საქალაქო ცხოვრების მნიშვნელობის ზრდის უშუალო შედეგი იყო. დიდვაჭრები ეკონომიკურ კეთილდღეობას აღარ სჭერდებიან და ცდილობენ წარჩინებულებს გაუტოლდნენ არა მხოლოდ სისხლით, არამედ წოდებრივადაც. ფინანსურად ხელმოკლე სამეფო კარი ფულადი სესხის, ქრთამისა თუ საჩუქრების სანაცვლოდ არა თუ აზნაურის, არამედ თავადის წოდებასაც კი ურიგებს ცალკეულ დიდვაჭრებს. მეფის წყალობის საფუძველზე თავადის წოდება დაიმკვიდრეს აბიმელიქოვმა, ბებუთაშვილმა, თუმანიშვილმა, მელიქიშვილმა. აზნაურები გახდნენ ივანგულოვი, არშიევი, მელიქოვი და სხვ. გააზნაურებული და გათავადებული ვაჭრების უმრავლესობა კვლავ სავაჭრო საქმიანობას განაგრძობდა, რაც უკვე მნიშვნელოვან სიახლეს წარმოადგენდა სავაჭრო საქმიანობისადმი ფეოდალური არისტოკრატის დამოკიდებულების თვალსაზრისით. მაგ., თავადი აბიმელი-

¹³⁸ ქართული სამართლის ძეგლები, II, გვ. 431.

ქოვი როგორც ვაჭარი და მოქალაქე შეტანილი იყო ქალაქის გამო-საღების დავთარში და იხდიდა მახტას¹³⁹.

ამრიგად, ვაჭართა ფენა, რომელიც აქამდე მხოლოდ ეკონომიკური ნიშნით იყოფოდა, სოციალურად იწყებს დაშლას. ამიერიდან დიდვა-ჭრები, რომლებმაც მიიღეს წარჩინებულის წოდება, პიროვნულადაც თავისუფალნი ხდებიან. ასეთი ვაჭარი უკვე სიუზერენის ვასალი იყო და არა ყმა.

დიდვაჭართა მეორე ნაწილი (უმრავლესობა), დიდი პრივილეგიების მიუხედავად, დამოკიდებულ ვაჭრად რჩებოდა.

ვაჭარ-აზნაურთა ფენის გაზრდა სოციალური გადაჯგუფების გზითაც შეიმჩნეოდა. როგორც ზემოთ აღინიშნა, ხელმოკლე აზნაურთა ერთმა ნაწილმა თავი მიანება სოფლის მეურნეობას და ქალაქში გადასახლდა თავისი მცირერიცხოვანი ყმებით. XIX ს. დასაწყისში თბილისში 24 აზნა-ურს ჰყავდა სულ 54 ყმა. იყვნენ ისეთი აზნაურებიც, რომლებსაც არც ერთი ყმა არ გააჩნდათ¹⁴⁰. ასეთი აზნაურები თვითონ მისდევდნენ ვაჭრობას, მოქალაქეებად აღირიცხებოდნენ და დაბალი შეძლების, მცირე „სამთავნოს“ გამო დიდვაჭართა ეკონომიკურ კატეგორიაში ვერც ხვდებოდნენ.

ამრიგად, დიდვაჭართა ერთი ნაწილი კიდევ უფრო მკვეთრად გამო-ეყო ვაჭართა დანარჩენ კატეგორიებს, ფეოდალურ არისტოკრატიაში გაითქვიფა და ბატონად მოევლინა გუშინდელ თანამოძმეს. აღსანიშნავია ისიც, რომ მათ ბატონობას მხოლოდ სოციალური და ეკონომიკური მომენტი არ განსაზღვრავდა. სამეფო ხელისუფლება სწორედ დიდვაჭარ მოქალაქეთა წრიდან ნიშნავდა ქალაქის მოხელეთა უმეტესობას. სახელო კი პოლიტიკური ბატონობის არა მარტო სიმბოლო, არამედ რეალური საფუძველიც იყო.

XIX ს. დასაწყისში მოქალაქეთა ერთი ნაწილი 50 000 მანეთზე მეტ ფულად კაპიტალს ფლობდა. ასეთი იყო სულ 8 მოქალაქე. 10 000 მან. მეტი კაპიტალის მფლობელად აღირიცხულია 61 მოქალაქე, 1000 მან. მეტი კაპიტალის მფლობელად 114 მოქალაქე, ვაჭარ მოქალაქეთა უმრავ-ლესობა დაბალი შეძლების იყო. მათი ფულადი კაპიტალი არ აღემა-ტებოდა რამდენიმე თუმანს¹⁴¹.

თბილისის მოსახლეობის ძირითად ბირთვს ხელოსნები შეადგენდნენ. სოციალურად ეს ფენა კიდევ უფრო სუსტად იყო დიფერენცირებული. მართალია, XVIII საუკუნის მეორე ნახევრიდან საგრძნობლად გაიზარდა თავისუფალ ხელოსანთა რიცხვი, მაგრამ ყმა ხელოსნები ჯერ კიდევ დი-

¹³⁹ სცსია, ფ. 229, დავთ. 13, საბ. №65.

¹⁴⁰ სცსია, ფ. 16, საქ. 2164, ფურც. 4.

¹⁴¹ სცსია, ფ. 229, დავთ. 13, საბ. №68.

დად სპარბობდნენ მათ. ეკონომიკური მდგომარეობით ხელოსნები მკვეთრად ჩამორჩებოდნენ ვაჭართა შეძლებულ ფენებს. ამ განსხვავებას ნათელყოფს XIX ს. დასაწყისის ერთ-ერთი საგადასახადო დაეთარი (დაეთარი ეხება მხოლოდ საპოლიციო გადასახადს). ბაზაზების (ფართოულით მოვაჭრეთა) დუქნებზე წლიურად შეწერილი იყო თითოეულზე 10 მანეთი. ბაყლების, მეწვრილმანეებისა და ქურჩების დუქნები იხდიდნენ 5 მანეთს. ეს მაშინ, როდესაც მკერვალების, ოქრომკედლების, დურგლების, მჩითავეების, მენაბდეების, კონებისა და დაბალების სახელოსნო დუქნები 2 მანეთით იყვნენ დაბეგრილნი. მკალაეები, მეჩახმახეები, მელაინეები, მკუპრავეები, ნალბანდები კიდევ უფრო ნაკლებს იხდიდნენ — 1 მან. 50 კაპ.¹⁴² სხვაობა საეაქრო და სახელოსნო დუქანთა საგადასახადო განაკვეთში უშუალოდ ასახავდა მათ შორის არსებულ ფაქტიურ განსხვავებას შემოსავლის სფეროში.

აღნიშნული დაეთარის მიხედვით, გადასახადი მხოლოდ დუქნებზე კი არა, ცალკეულ პირებზეც იყო გადაკვეთილი. ქალაქზე დადებული გადასახადი ქალაქის მცხოვრებლებს შორის ნაწილდებოდა მათი შეძლებისდაგვარად. ყველაზე შეძლებული მოქალაქე ყველაზე მეტს იხდიდა და იგი საგადასახადო დაეთარში პირველი ეწერა. ამ შემთხვევაში ქონებრივი დიფერენციაცია კიდევ უფრო შთამბეჭდავი ჩანს. ცალკეულ შეძლებულ ვაჭრებს 15 მანეთის გადახდა ევალეობდათ, ღარიბ ხელოსნებს 10 შაურის. როგორც ვხედავთ, ვაჭრის გადასახადი 30-ჯერ აღემატება ხელოსნისას.

თბილისის მოსახლეობის გარკვეული ნაწილი მომსახურების სფეროში იყო დასაქმებული. ჩვეულებრივ ესენი იყვნენ მსახურები და ყმა გლეხები, რომლებიც სხვადასხვა სამსახურს ასრულებდნენ სასახლის, სასულიერო თუ საერო ფეოდალების კარზე. თბილისში მუდმივად მცხოვრებ 59 თავადს სულ 254 კომლი ყმა ჰყავდა. აქედან დაახლოებით მესამედი, 80 კომლი, შინამოსამსახურე იყო¹⁴³.

თბილისში ისეთი ყმა გლეხებიც ცხოვრობდნენ, რომელთაც თავიანთი სამეურნეო პროფილის მიხედვით არაფერი ჰქონდათ საერთო საქალაქო ცხოვრებასთან. ისინი აქ სოფლის მეურნეობას მისდევდნენ და სოფლის ყმა გლეხთა მსგავსად იხდიდნენ ჩვეულებრივ ფეოდალურ რენტას.

პირადად თავისუფალი ხელოსნები და ვაჭრები თბილისის მოსახლეობის უმნიშვნელო უმცირესობას შეადგენდნენ და, ცხადია, ვერავითარ გავლენას ვერ ახდენდნენ საქალაქო ცხოვრებაზე. ქალაქს თავისუფლება ჯერ კიდევ ვერ მოჰქონდა, პირიქით, თავისუფალი მოსახლეობის ერთი

¹⁴² სსსია, ფ. 226. საბ. №9128.

¹⁴³ იქვე, საბ. № 8958.

ნაწილი კვლავ ბატონყმურ უღელში ებმებოდა, რადგან პირადი თავისუფლებისა და საკუთრების დაცვა ქალაქზე ფეოდალური არისტოკრატის განუკითხავი ბატონობის პირობებში არაფრით არ იყო გარანტირებული, ამიტომაც იყო, რომ თავისუფალი მწარმოებელი ხშირად თავისივე ნებით მიუღიოდა ბატონს. ასეთ შემთხვევებს ქალაქშიაც ჰქონდა ადგილი¹⁴⁴.

თბილისში მრავლად იყვნენ აგრეთვე გლახაკნი ანუ „უქმად მოსიარულენი“, რომლებიც მათხოვრობით ან შემთხვევითი სამუშაოებით ირჩენდნენ თავს.

მოსახლეობის სამეფო, საბატონო და სამოხელეო გადასახადები

თბილისში სახელმწიფო გამოსაღები ედო გადახდისუნარიანი მოსახლეობის ყველა ფენას, ფეოდალური არისტოკრატის გამოკლებით. ერთი ყველაზე მნიშვნელოვანი სამეფო (იგივე სახელმწიფო) გამოსაღები იყო მახტა. მახტას იხდიდნენ მხოლოდ სახასო ყმები წელიწადში 4000 მანეთის რაოდენობით¹⁴⁵. მახტის გამომღები მოქალაქეები გადახდისუნარიანობის მიხედვით 17 ჯგუფად იყო დაყოფილი. პირველ ჯგუფში მოხვედრილი მოქალაქეები მახტის ანგარიშში იხდიდნენ 40 მანეთს. უკანასკნელი, მე-17 ჯგუფი — 1 მანეთს¹⁴⁶.

თბილისის მოსახლეობა იხდიდა აგრეთვე სახელმწიფო ფულად გადასახადს — მალს. მახტისაგან განსხვავებით, იგი კომლზე კი არა, თავზე იყო გადაკვეთილი. სრულსაკოვანი მამაკაცი დაქორწინებიდან ერთი წლის შემდეგ იხდიდა „მთელ მალს“ — 1 მან. 20 კაბ., ასეთი თავი კომლში შეიძლება რამდენიმე ყოფილიყო.

თბილისის ვაჭარ-ხელოსანთა ის ნაწილი, რომელთაც დუქნები ჰქონდათ, მეფის სასარგებლოდ იხდიდნენ შაურს: გადასახადი დუქანზე იყო შეწერილი ყოველთვიურად და ამიტომ მას „თვის შაურსაც“ უწოდებდნენ. ფულადი გამოსაღები იყო „სამასპინძლოც“. დასტურლამალის მიხედვით, თბილისის მოსახლეობა სამასპინძლოს იხდიდა მეფის ქალაქიდან გასვლის შემთხვევაში — 12 თუმანს.

თბილისის ნატურალური გამოსაღებიც ედო მეფის სასარგებლოდ. ასეთი იყო „სურსათი“ (კომლზე ორი კოდი პური და 1 კოდი ქერი), „სარუსო“ (ეს გამოსაღები საქართველოში მყოფ რუსთა ჯარის შესანახად იყო განკუთვნილი) და „სალეკო“ (ლექთა დაქირავებულ ჯარს ხმარდებ-

¹⁴⁴ სცსია, ფ. 16, დავთ. 497, ფურც. 108; ფ. 229, დავთ. 5, საბ. № 75.

¹⁴⁵ სცსია, ფ. 2, დავთ. 466, საბ. №39, ფურც. 39, 43, 88.

¹⁴⁶ სცსია, ფ. 1, დავთ. 193, ფურც. 56—57.

ბოდა). სალევო შერეული გადასახადი იყო — მოსახლეობა მას იხდიდა როგორც ფულით, ისე ნატურით.

თბილისის მოსახლეობა შრომით ბეგარასაც უხდიდა მეფეს. ასეთი იყო „ულაყი“. ეს ბეგარა მოსახლეობას ავალებდა საკუთარი მუშა პირტყვივითა და ინვენტარით გადაეზიდა ტვირთი. გარდა ამისა, თბილისელთა ვალდებულებას შეადგენდა ქალაქის კედლების, ციხეების, ხილდების, მოედნების, გზების და ქალაქის სხვა საზოგადოებრივ ნაგებობათა საკუთარი ხარჯით აღდგენა-შეკეთება.

მოქალაქეები არც სამხედრო ბეგარისაგან იყვნენ თავისუფალნი. გამონაკლისს შეადგენდნენ მხოლოდ მდიდარი მოქალაქეები, რომელთაც უფლება ჰქონდათ ლაშქარში თავიანთი „მაგიერი“ კაცი გაეყვანათ. ამ გამონაკლისის მიზანი მარტივი ასახსნელია — მდიდარი ვაჭრის თუნდაც დროებით მოწყვეტა სავაჭრო საქმიანობისაგან საგრძნობ გაელენას ახდენდა ხაზინის შემოსავალზე. ესეც რომ არა, სამხედრო საქმის უმეცარ ვაჭარს მაგიერი კაცი ხომ დიდად სჯობდა. თბილისში მცხოვრები კერძო მებატონეთა ყმები კიდევ უფრო მძიმედ იყვნენ დაბეგრულნი, რადგან, საბატონო გამოსაღებთა გარდა, მათ სახელმწიფო თუ სამოხელეო გადასახადების გარკვეული ნაწილიც უნდა გადაეხადათ.

ორდინარული — სახელმწიფო, სამოხელეო თუ საბატონო გადასახადები მიახლოებით წარმოდგენასაც ვერ გვიქმნის მწარმოებელთა ექსპლოატაციის სიმძიმეზე. სავალდებულო ფულადი და ნატურალური სესხი, მრავალრიცხოვანი ჯარიმები, „უღების დადება“, მებატონეთა თუ ქალაქის მოხელეთა თვითნებობა, ხშირად აშკარა ძალადობაც. ჩვეულებრივ მოვლენად იქცა. „დღეის აქომამდე ქალაქებსა შინა მედუქნეებსთ, ვაჭართა და ხელოსანთა, დიდი ძალა ადგასთ. ...სახელს ნისიათ არქმევდნენ, ბარათიც ეძლეოდათ, მაგრამ უკუნისამდე ველარ აიღებდნენ იმნაირს ნისიას“, — გულწრფელად აღიარებს XIX ს. დასაწყისში შედგენილი ერთ-ერთი ოფიციალური საკანონმდებლო ძეგლი¹⁴⁷. სწორედ ექსპლოატაციის მძიმე ფორმები და უაღრესად განშტოებული საგადასახადო სისტემა იყო ძირითადი მიზეზი იმისა, რომ ქალაქის ვაჭრულ-ხელოსნური მოსახლეობის უმრავლესობა ვერ ახერხებდა ვაჭრობისა და წარმოების გაფართოებას, ვერ აგროვებდა რამდენადმე მანც საგრძნობ ფულად კაპიტალს, რაც ფეოდალურ-ბატონყმური ექსპლოატაციისაგან თავის დაღწევის ერთადერთი პირობა იყო.

ცალკე უნდა აღინიშნოს ე. წ. „სამოქალაქო გამოსაღები“, რომლის გადახდა მხოლოდ ქალაქის დავთარში „დაწერილ“ მოქალაქეებს ევალებოდათ.

¹⁴⁷ სამოქალაქო სჯულელება, II, გამოსცა დ. ფურცელაძემ, თბ., 1966. გვ. 138.

მოქალაქეებად ითვლებოდნენ მხოლოდ მკვიდრი თბილისელები, ძირითადად სამეფო-სახასო ვაჟრები და ხელოსნები, რომლებსაც ქალაქში ჰქონდათ უძრავ-მოძრავი ქონება და ამ ქონების ფლობის საფუძველზე ქალაქის დავთარში იყვნენ აღრიცხულნი.

ამ თვალსაზრისით, თბილისში ერთმანეთს უპირისპირდებოდა მოქალაქე და „გარეშე კაცი“, ანუ მოქალაქე და „ისე მსახლობელი“.

„ვინც გარდმოესახლოს უცხონი ქალაქთა შინა, მისცეს ხარკი მოქალაქეთა და მსახლობელთა შორის, ვინცა ვინ ვითარ დაეწეროს“¹⁴⁸.

„ისე მსახლობელთ“ თბილისში უძრავ-მოძრავი ქონება არ გააჩნდათ, უმეტესწილად თავიანთ მებატონეთა კარზე ცხოვრობდნენ და ძირითადად მომსახურების სფეროში იყვნენ დაკავებულნი.

ერთ-ერთ მოხსენებით ბარათში დარეგან დედოფალი აღნიშნავს: „ტფილისში სადედოფლო ჩემი ყმები მოქალაქენი კომლი 50. ამას აქვს ჩემი მახთა წელიწადში 50 თუმანი. ქალაქში ჩემი ყმანი, გარეშე სოფლებისა მოკრეფილნი კაცი კომლი 18, ამათგან საჩემო გამოსაღები წელიწადში 5 თუმანი“.

მახტის გადახდის საფუძველი რომ მოქალაქის გარკვეული შემოსავლის მომცემი უძრავ-მოძრავი ქონება იყო, სხვა მასალებითაც დასტურდება.

მოქალაქეებს ვინმე დანღუზაშვილი ქალაქის დავთარში შეუტანიათ. დანღუზაშვილს მოქალაქეთა ასეთი გადაწყვეტილება უსამართლოდ მიაჩნია. „ქონს ვუდგივარ მოჯამაგირეთ — არც ბალი მაქვს, არც დუქანი და ზითვის სახლში ვდგევარ“ — ჩემი მოქალაქეთ დაწერა როგორ იქნებაო. მოქალაქეები თავიანთი მხრივ აღნიშნული გადაწყვეტილების სისწორეს შემდგენაირად ასაბუთებენ: „დანღუზაშვილი მოჯამაგირე კი არ არის, არამედ თვით ქონია, აქვს სახლები და დუქნები“ და ქალაქის დავთარში სამართლიანად დაეწერეთო¹⁴⁹. ამ შემთხვევაში მნიშვნელობა არა აქვს რომელი მხარე ტყუის. ორივე მხარე არსებითად ხომ იმას ასაბუთებს, რომ მახტის გადამხდელი უსათუოდ უძრავი ქონების მფლობელი უნდა ყოფილიყო.

„ისე მსახლობელნი“ ქალაქში ხშირად ხელოსნობასა და სავაჭრო საქმიანობასაც მისდევდნენ, საქალაქო ხარჯში კი მონაწილეობას არ იღებდნენ. „მრავალი ქალაქებისა და ჩვენი ურგები მრევლნი არიან დაგროვებულნი ქალაქსა შინა და მათგნით დიდი ზარალიც გამოდის... ისინი ქალაქსა შინა ხარჯის მომცემთ ალებ-მიცემაში და სხვას საქმეში ერევიან, ისინი უკეთაც ვაჭრობენ და მათს მოქალაქეების მოგებასა ისინი ართმევენ. მოქალაქენი ხარჯს აძლევენ, ისინი არაფერს,

¹⁴⁸ სამართალი ბატონიშვილის დავითისა, გამოსცა დ. ფურცელაძემ, 1964, გვ. 200.

¹⁴⁹ სცსია, ფ. 16, დავთ. 497, ფურც. 99.

თვითო კაცი ვისმეს შეეკედლებულნი არიან...“ — კვითხულობთ სამოქალაქო სჯულეილებაში¹⁵⁰.

სამეფო ხელისუფლება ამ კონფლიქტს შემდეგნაირად წყვეტს: „გარეშე მსახლობელთ“ მხოლოდ იმ პირობით აძლევს ხელოსნობისა და ვაჭრობის უფლებას, თუ ქალაქის დაეთარში დაეწერებიან და მოქალაქეთა თანასწორ ხარჯს გაიღებენ¹⁵¹.

მოქალაქეებად არ აღირიცხებოდნენ და, შესაბამისად, არც მოქალაქეებად იწოდებოდნენ თბილისში დროებით თუ მუდმივად მცხოვრები ფეოდალური არისტოკრატის წარმომადგენლები. მოქალაქის საგადასახადო დაეთარში ფეოდალებს, ცხადია, ვერავინ შეიტანდა და მოქალაქეებადაც ვერავინ მოიხსენიებდა, რადგან მოქალაქეობა ამ დროისათვის მაღალი ფენისათვის შეურაცხმყოფელ სოციალურ ნიშანს შეიცავდა. ამ მხრივ გამონაკლისს შეადგენდნენ მხოლოდ ის გააზნაურებული თუ გათავადებული დიდვაჭრები, რომლებიც კვლავ განაგრძობდნენ სავაჭრო საქმიანობას. ასეთი ვაჭრები ქალაქის საგადასახადო დაეთარში პირველ ვაჭრებად იყვნენ აღრიცხულნი. აღსანიშნავია ისიც, რომ ასეთი დიდვაჭრები, სხვა მოქალაქე ყმა ვაჭრებისაგან განსხვავებით, ოფიციალურ მიმართევებში უსათუოდ თავიანთი ახალი ტიტულით იხსენიებოდნენ: „მოქალაქე ბატონი ბებუთოვი“, „მოქალაქე ბატონი თუმანოვი“ და ა. შ.

კლასობრივი ბრძოლა

თბილისის მოსახლეობის ეთნიკური და რელიგიური სიჭრელე, მკვეთარი სოციალური და ეკონომიკური უთანასწორობა და, რაც მთავარია, მუდმივმოქმედი საგარეო საფრთხე იწვევდა კლასობრივი და შიდაკლასობრივი ბრძოლების დაქსაქსულობასა და სისუსტეს.

კლასობრივი ბრძოლა ქალაქზე პოლიტიკური ბატონობისათვის ფეოდალურ არისტოკრატისა და ვაჭრულ ზედაფენას შორის საკმაოდ მტკივნეულად წარიმართა, მაგრამ სამეფო ხელისუფლების გამაწონასწორებელი პოლიტიკის შედეგად კომპრომისით დამთავრდა: მართვის აპარატის ძირითადი სახელოები არისტოკრატებმა შეინარჩუნა, მაგრამ იძულებული გახდა ქალაქის მმართველობაში დიდვაჭრებისთვისაც დაედო წილი.

დიდვაჭრებმა გაცილებით დიდ წარმატებას მიაღწიეს ეკონომიკურ სარბიელზე. ქალაქის სავაჭრო და სავაზშო კაპიტალის უდიდესი ნაწილი მათ ხელში იყო მოქცეული და ამ მძლავრ იარაღს მოხერხებულადაც

¹⁵⁰ სამოქალაქო სჯულეილება, გვ. 121.

¹⁵¹ იქვე, გვ. 122.

იყენებდნენ ფეოდალურ არისტოკრატიასთან საბრძოლველად — მათ კლანკებში ექცეოდნენ არა მარტო რიგითი ფეოდალები, არამედ სამეფო სახლის წევრები და ზოგჯერ თვით მეფეც.

ქალაქში ფეოდალური არისტოკრატის ბატონობის პირობებში კლასობრივმა ბრძოლამ არსებითად ანტიფეოდალური ხასიათი მიიღო. „ქალაქის მოსახლეობის მძიმე სახელმწიფო და კერძო-საბატონო ვალდებულებანი, ცალკეულ მებატონეთა მიერ ისედაც მძიმე საბატონყმო ნორმების დარღვევა და ყმა ხელოსანთა და ვაჭართა ორმაგი ექსპლოატაცია, სამეფო მოხელეთა მიერ ქალაქის მოსახლეობის დაუნდობელი ძარცვა... ქალაქის ძირითადი მოსახლეობის ყველა ფენაში ერთნაირად იწვევდა ანტიფეოდალურ გამოსვლებს“¹⁵².

კლასობრივი ბრძოლის პასიური ფორმა — ჩივილი მეფის სასამართლოში — დიდ ეფექტს არ იძლეოდა, რადგან, უკეთეს შემთხვევაში, ჩივილს მოსდევდა მხოლოდ ფეოდალური ექსპლოატაციის რეგლამენტირება, დარღვეული ბატონყმური რიგის აღდგენა.

მოქალაქეთა მხრივ კლასობრივი ბრძოლის შედარებით აქტიური ფორმა იყო აყრის მუქარა ან თვით აყრა-გაქცევა. აყრის მუქარა ისედაც მცირერიცხოვან ყმათა მფლობელ ფეოდალს აიძულებდა რამდენადმე შეეკეცა მადა; წინააღმდეგ შემთხვევაში ყმა შეასრულებდა მუქარას, მისი ხელახალი დაბრუნება კი, როგორც ამას დოკუმენტური მასალა მოწმობს, იშვიათად თუ ხერხდებოდა.

კლასობრივი ბრძოლის აღნიშნული ფორმები, ცხადია, პრინციპულად არაფერს ცვლიდა არსებულ წარმოებით ურთიერთობებში. თავდახსნის ფორმით პირადი თავისუფლების მოპოვების ფაქტები იშვიათი იყო — გაზრდილი ექსპლოატაციის პირობებში ყმა ვაჭარ-ხელოსანთა უმრავლესობას სათანადო სახსრები არც გააჩნდა. ესეც რომ არა, ხელახალი დაყმევების პერსპექტივა ყმას აიძულებდა თავი შეეკავებინა თითქმის უაზრო ხარჯებისაგან. არსებითი მაინც ის იყო, რომ მოქალაქეთა სხვადასხვა სოციალურ ფენებს განსხვავებული კლასობრივი და ეკონომიკური ინტერესები ამოძრავებდა და მათ შორის საერთო ენის გამონახვა აშკარად ჭირდა. აღნიშნული მიზეზით თბილისის მოსახლეობის ანტიფეოდალური მოძრაობა ძირითადად პასიურ ხასიათს ატარებდა და განსახილველ პერიოდში მან რამდენადმე ფართო მასშტაბები ვერ მიიღო.

საგანგებოდ უნდა აღინიშნოს ის ფაქტი, რომ თბილისის მოქალაქეთა ანტიფეოდალური გამოსვლები ხშირად ნაციონალური თუ რელიგიური კონფლიქტებისა თუ ურთიერთბრძოლის სამოსელში ეხვეოდა. ცნობილია, რომ თბილისელ ვაჭართა უმრავლესობას სომხები შეადგენ-

¹⁵² შ. მ ე ს ხ ი ა, საისტორიო ძიებანი, II, გვ. 371.

დენ. ფეოდალური არისტოკრატის გაგებით კი „ვაჰარი“ და „სომეხი“ თანაბარი მნიშვნელობის ცნებები იყო. ამას ისიც ადასტურებს, რომ ქართველს, რომელიც ვაჰრობას მისდევდა, ქართველი ფეოდალი „გასომეხებულს“ ეძახდა¹⁵³.

ფეოდალური არისტოკრატის მტრული დამოკიდებულება „სომეხთა“ მიმართ სინამდვილეში წარმოადგენდა ქალაქის პოლიტიკური და ეკონომიკური სადავეებისათვის ბრძოლას ფეოდალურ არისტოკრატისა და ვაჰრულ ზედაფენას შორის. ამ ურთიერთმტრობას ამწვავებდა ის გარემოება, რომ სამეფო ხელისუფლება, ქვეყნის ეკონომიკური ინტერესებიდან გამომდინარე, დიდვაჰრებს განსაკუთრებულ მფარველობას უწევდა და, არც თუ იშვიათად, აზნაურისა თუ თავადის წოდებასაც ანიჭებდა მათ.

„გაკეთილშობილებული“ ვაჰარი ახლა უკვე ისე „გათავხედდა“, რომ პოლიტიკურ მმართველობაშიც კი შეეცილა „ძირძველ“ ფეოდალურ არისტოკრატის: „უღმრთონი სომეხნი... ვაჰარნი ვაჰრულად და ცოდვისათვის ჩვენისა მეფისა პალატსა შემოცეენილნი... მთავრობა და მეფობა აღძარცილნი და ყოველსა პირსა ქვეყნისასა ლუთის მიერ მონად მიცემულნი, საქართველოში უფლად და გამგედ და აზნაურათ დაუდგენიათ... ნახეთ აღმოსავლეთი, დასავლეთი, ბღვარი (სამხრეთი) და ჩრდილო, სადა აქეს სომეხსა აზნაურება? ღმერთმა განხეთქა, კაცმა ვით აღადგინოს!“¹⁵⁴.

იესე ბარათაშვილის ეს გულისწყრომა ფეოდალის პოზიციიდან სრულიად მარტივი ასახსნელია. იგი ჩივის: პოლიტიკური ძალაუფლება ოდითგან ხომ ფეოდალთა პრივილეგიაა, ეს ასეა ყველგან, აღმოსავლეთშიც და დასავლეთშიც, ჩრდილოეთშიც და სამხრეთშიც. მაშ როგორ, ან რატომ მოხდა რომ საქართველოშიც.. უფლად“, „გამგედ“ და „აზნაურად“ სომეხებია დადგენილი?! იესე ბარათაშვილისათვის, ისევე როგორც ნებისმიერი ფეოდალისათვის „სომეხი“ „ვაჰრის“ სინონიმია, შესაბამისად სომეხთა „უფლება“ ვაჰართა „უფლებაა“, ეს კი ფეოდალთა პოლიტიკური ბატონობის აღსასრულია. იესე ფერებს ამუქებს. სინამდვილეში ამ დროისათვის „სომეხთა“ (ვაჰართა) პოლიტიკური წონა ჯერ კიდევ უმნიშვნელო იყო, მაგრამ მას უდავოდ სწორად აქვს დაქერილი ის საშიში ტენდენცია, რასაც უქმნიდა ვაჰართა ფენა ფეოდალურ სისტემას.

არც მოწინააღმდეგე მალავდა კლასობრივ სიძულვილს. როცა „სომეხებს“ (ვაჰრებს) ხელსაყრელი შემთხვევა მიეცათ, არ დააყოვნეს და ჩასაქოლად გაიმეტეს „ქართველები“ (მოლალატე დიდგვაროვანი ფეოდალები). „დაიწყეს ქვეყანაზე ზახილი: — ზაალ ჩავკიროთო და იესეც მის

¹⁵³ შ. შ. ე. ს. ი. ა., დასახ. ნაშრომი. გვ. 383—384.

¹⁵⁴ იესე ბარათაშვილის ცხოვრება-ანდერძი, გამოსცა ა. იოსელიანმა, თბ., 1950. გვ. 67.

ვერდიტო ჩავეროთო. აღადგინეს სომეხნი მოქალაქენი, იძახდნენ ქონები, მკუპრავები — მოგვეციო, მოგვეციო“¹⁵⁵. აქ იესე მისდაუნებურად უკვე ბოლომდე ხსნის „სომხის“ შინაარსს. მისთვის სომეხები ეხლა მარტო ვაქრები კი არ არიან, არამედ ხელოსნებიც (მკუპრავები, ქონები).

როგორც ვხედავთ. ფაქტიურად თბილისის მთელი ვაქრულ-ხელოსნური მოსახლეობა აღმდგარა ქალაქის ფეოდალური არისტოკრატიის მათთვის ყველაზე საძულველი წარმომადგენლების წინააღმდეგ. ესაა მკვეთრად გამოხატული კლასობრივი ბრძოლა, რომელშიც ნაციონალური შუღლის, ნაციონალური დაპირისპირების მომენტი მხოლოდ და მხოლოდ ფორმალურ ხასიათს ატარებდა.

თბილისის მოქალაქეთა ანტიფეოდალურ გამოსვლებს მნიშვნელოვანწილად ასუსტებდა შიდაკლასობრივი ბრძოლა. მოქალაქეთა ინტერესები გაითიშა. „გაკეთილშობილებული“ დიდვაქრები, რომლებმაც ხელში ჩაიგდეს სხვადასხვა სამოხელეო თანამდებობები (მამასახლისი, ნაცვალი, გადასახდთა ამკრები და სხვ.), ექსპლოატატორებად მოველინენ გუშინდელ თანამოძმეებს. თანამდებობის ბოროტად გამოყენება, მექრთამეობა, ხშირად აშკარა ძალადობა ეკონომიკურად სუსტ და სოციალურად უუფლებო ყმა ვაქარ-ხელოსანთა მიმართ მათი საქმიანობის ყოველდღიურ ნორმად იქცა. მახტის ამკრები „გამორჩეული მოქალაქეები“ აკრეფილი თანხის მნიშვნელოვან ნაწილს ითვისებდნენ და, ბოროტმოქმედების დეფარვის მიზნით, სათანადო დოკუმენტებს სპობდნენ. ერთ-ერთმა „გამორჩეულმა მოქალაქემ“ იოსებ ყორღანაშვილმა მოსახლეობისაგან აკრეფილი 1070 მანეთიდან 820 მანეთი მიითვისა, ბეჟანა ხატისოვმა და სოლომონ ნაზარბეგოვმა — 2586 მან., მიკირტუმ მუთიევემა და სტეფანე გურგენბეგოვმა — 1805 მან. და ა. შ. მსგავსი ფაქტები მრავლად გამოავლინა რუსეთის მმართველობის პირველ წლებში შექმნილმა „აღმორჩეულ მოქალაქეთა“ საქმიანობის შემმოწმებელმა კომისიამ¹⁵⁶.

თბილისის მოსახლეობა არაერთხელ აღმდგარა საძულველი მოხელეების წინააღმდეგ. მათი ერთიანი და კატეგორიული მოთხოვნით, ხელისუფლებმა იძულებული გამხდარა „ფარვით მტაცებლობის“ გამო თბილისის ნაცვალი გადაეყენებინათ, მაგრამ მოქალაქეებს სულ მალე სანაწყველი გაუხდათ „წარმატება“, რადგან ახლად დანიშნული ნაცვალი ჯერა თაყუაშვილი... „ცხადად მტაცებელი“ აღმოჩნდა.

ბუნებრივია, რომ ხელისუფალთა ასეთ განუკითხაობას თბილისის მოსახლეობა კლასობრივი ბრძოლის ასევე აშკარა თუ ფარული ფორმებით პასუხობდა¹⁵⁷.

¹⁵⁵ იესე ბრათაშვილის ცხოვრება-ანდერძი, გვ. 68.

¹⁵⁶ შ. მუსხელიანი, ნაშრომი, გვ. 391—392.

¹⁵⁷ იქვე, გვ. 393.

თბილისი საქართველოსა და ამიერკავკასიის პოლიტიკური ბაერტიანობისათვის ბრძოლაში

1745 წლის 1 ოქტომბერს თეიმურაზ II ქრისტიანული წესით ეკურთხა მეფედ მცხეთაში. ამ დღეებში დიდი სახალხო ზეიმი გაიმართა ქ. თბილისშიც. 1632 წელს როსტომ მეფის მოსელის შემდეგ საქართველოს დედაქალაქში ქრისტიანი მეფე აღარ მჯდარა. ყიზილბაშობის სასტიკი რეჟიმის მიუხედავად, 1735—1745 წლებში ქ. თბილისმა კვლავ მოიკრიბა შესაფერი ძალა, აღადგინა ძველებური სავაჭრო კავშირები, გაიზარდა მოსახლეობაც; გაიხსნა სკოლები (ანჩისხატის, სიონის და ა. შ.); თანდათანობით თბილისი ისევ იბრუნებდა საერთო-ქართული კულტურული ცენტრის მნიშვნელობას. 1746 წ. თეიმურაზ II-მ და ერეკლე II-მ აღადგინეს სტამბა, გაიხსნა ზარაფხანაც.

საერთო წარმატებებს მკვეთრად ზღუდავდა „ლეკიანობა“ და ნადირ შაჰის საგადასახადო პოლიტიკა. 1747 წ. თებერვალში შაჰმა ქართლსა და კახეთს შეაწერა 2 მილიონი მანეთი. თეიმურაზ II მაშინვე გაეცალა თბილისს, ანანურში გაიხიზნა, კახეთშიც დაიწყო საომარი მზადება. აღმოსავლეთ საქართველოს XVIII საუკუნეში არასოდეს გადაეხადა ესეოდენ დიდი გადასახადი, თანაც 30-იან და 40-იანი წლების დასაწყისში დალესტან-თურქეთის წინააღმდეგ წარმოებულ ირანის ომების დროს ქვეყანა ეკონომიურად განადგურდა. დიდად დაზარალდა თბილისიც. ახლა გადასახადის საკმაროდ დიდი წილი ქალაქზე მოდიოდა. აღორძინების გზაზე დამდგარი ქვეყანა დიდი განსაცდელის წინაშე აღმოჩნდა. ნადირ შაჰმა გადაწყვიტა სასტიკად დაესაჯა ქართლ-კახეთი, გაამზადა ლაშქარი, რომელსაც თბილისის აღება დაევა, მაგრამ ირანელებმა ვერ შეძლეს განეხორციელებინათ განზრახვა. მალე აჯანყება დაიწყო ირანის უშუალო პროვინციებშიც. შაჰი კომპრომისზე წავიდა. ქართლ-კახეთი გაათავისუფლა გადასახადებისაგან და მეფეები თავისთან დაიბარა.

საგანგებო თათბირზე თბილისში გადაწყდა გაეძლიერებინათ თავდაცვა. ერეკლე II საომრად მომზადებული დარჩა საქართველოში, თეიმურაზ II კი ირანს გაემგზავრა. ქართლს მმართველობა (ნაიბობა) არჩილ იესეს ძეს (აბდულა ბეგს) დაევა, მაგრამ ერეკლე II-ის საერთო ხელმძღვანელობა მაინც ძალაში რჩებოდა.

საბედნიეროდ, ირანში 1747 წ. ჩასულ თეიმურაზ II-ს უნდობელი ნადირ I შაჰი მოკლული დახვდა. მის მაგიერ ტახტზე ავიდა ადილ შაჰი (ნადირ შაჰის ძმისწული), რომელიც თეიმურაზ II-ის სიძე იყო. ადილ შაჰის სიკვდილის შემდეგ გაუაყენდა იბრემ შაჰი, ეს უკანასკნელი შეცვალა შაჰროჰმა, მერე კი გამოჩნდა საიდ მუჰამედი. ყველა ესენი უკვე ცდილობდნენ თეიმურაზს მიმხრობოდნენ, რაც შემთხვევითი არ იყო. ამჯერად თეიმურაზ II-ის უკან იდგა ერეკლე II. ასეთ შემთხვევაში

ყველას სურდა „გურჯისტანის“ მოკავშირეობა. „გურჯისტანის ვალის“ განაწყენებამ თავის დროზე გადამწყვეტი როლი შეასრულა სეფიანთა ირანის დამხობაში და მისი ორიენტაცია ახალ პირობებში შეიძლება კვლავ დიდმნიშვნელოვანი გამხდარიყო. ამასთანავე თეიმურაზ II-ის ირანში ყოფნა, მეზობლების თვალში — განსაკუთრებით თურქეთის თვალში. ხდიდა კანონიერს ერეკლე II-ის მოქმედებას საქართველოში, ე. ი. აქცევდა ირანის ფარგლებში და ანელებდა ქართველთა სამხედრო წარმატებით გამოწვეულ დიდ ხმაურს. თეიმურაზ II ირანში ყოფნისას ყოველთვის მხარს უჭერდა ტახტზე მყოფ პიროვნებას. იგი მხარს უჭერდა ოფიციალურ ირანს და ამით თითქოს გამოხატავდა იმპერიის ერთიანობის იდეას. თავის მხრივ ეს „კანონიერი შაჰები“ წყალობის თვალით უყურებდნენ ერეკლე II-საც.

ქართლის ტახტისათვის მებრძოლმა აბდულა ბეგმა ვერ მიიღო ოფიციალური ირანის მხარდაჭერა, ვერც ქართულ-ქრისტიანული მოსახლეობის აღიარება, თვით ქვემო ქართლშიც აღმოჩნდა მძლავრი წინააღმდეგობა. აღსანიშნავია, რომ აბდულა ბეგს არ მიმხრობია საწყის ეტაპზე ქ. თბილისის მაჰმადიანობა და არც თბილისის მაჰმადიანური გარნიზონი. ისინი აბდულა ბეგის მხარეზე მოგვიანებით გადავიდნენ. როდესაც საომარი სამზადისი დასრულდა, აბდულა ბეგმა ერეკლე II-ს ქართლის სამეფოზე ხელის აღება მოსთხოვა. თავის მხრივ ერეკლემაც კონტრზომები მიიღო¹⁵⁸.

ერეკლე II-მ ქ. თბილისში გადმოიტანა თავისი რეზიდენცია. დაიწყო სასტიკი შინაომი, რომელიც უმთავრესად წარმოებდა ქ. თბილისის დაუფლებისათვის. აბდულა ბეგმა რამდენჯერმე სცადა ქალაქის აღება, მაგრამ აშაოდ. მალე მას ახალი მფარველი გამოუჩნდა, ამირ ასლან ხანმა ჩრდილოეთი ირანი შემოიმტკიცა. ერეკლე II-მ იგი არ სცნო. სამაგიეროდ, აბდულა ბეგმა უყოყმანოდ აღიარა თვითმარქვეია „შაჰის“ უფლებები ირანის ტახტზე. ამირ ასლან ხანმა 8000 კაცი მიაშველა აბდულა ბეგს და თბილისის გარნიზონს დაავალა ერეკლე II-ის წინააღმდეგ გამოსვლა. ამიერიდან გადავა თბილისის ყიზილბაშური გარნიზონიც, რამაც დამატებითი სიძნელეები შექმნა.

აბდულა ბეგის ლაშქარი თბილისს თაბორის მხრიდან მიადგა. გააფთრებულ ბრძოლაში ერეკლე II-მ სასტიკი მარცხი მიაყენა მოწინააღმდეგეს, რომელმაც 1700-ზე მეტი მეომარი დაკარგა. ქალაქში გამარჯვების აღსანიშნავად დიდი ზეიმი გაიმართა. ახალგაზრდა მეფეს „მიეგებნენ დასნი საღმრთონი და ანუ გუნდნი ერთანი და შეასხმოდნენ ქებას“. მეფე „დაჯდა ნადიმად, ნახა ლხინი და გასცა საბოძვარი“. თაბორის ციხესთან გამარჯვების შემდეგ ერეკლე II-მ შეუტია აბდულა

¹⁵⁸ საქართველოს ისტორიის ნარკვევები, ტ. IV, გვ. 608.

ბეგის მოკავშირეებს, მან დალაშქრა ყაზახი, ბორჩალო-ბაიდარი... ამ მხარეებს მიეტევათ დანაშაული; ადგილობრივი ქეთხუთხები მძევლებად წამოიყვანეს თბილისში. დაარბიეს სამშვილდის მხარეც. ამ წარმატებებმა დიდი შთაბეჭდილება მოახდინა მეზობლებზე: „შევიწინდა აღრიბეჯანის ქვეყანას, ყველამ დაუწყო ერეკლეს ზევწნა შერიგებისა“¹⁵⁹.

მიუხედავად აღნიშნული გამარჯვებისა, თბილისის ციხესიმაგრეში საკმაოდ ძლიერი ირანული გარნიზონი იდგა. ირანელებს ჰქონდათ აქტიური დახმარება გარედან. მეორე მხრივ, პოლიტიკური თვალსაზრისით, შეტევას ირანულ გარნიზონებზე მიიჩნევდნენ ირანზე შეტევად. თბილისის ციხეები ირანული გავლენის სიმბოლოს წარმოადგენდა. საერთოდ შინაფოდალური, შინაღინასტიური ბრძოლები არ ეხებოდა გარნიზონის სტატუსს, — ყველა შემთხვევაში ეს სტატუსი უცვლელი რჩებოდა. 1541 წლის შემდეგ, მთელი 200 წლის მანძილზე, მოკლევადიანი გამონაკლისების გარდა, თბილისის ციხეები გადაქცეული იყო ქართლ-კახეთის დამამორჩილებელ პლაცდარმად.

ერეკლე II-მ თბილისში თავი მოუყარა ერთგულ ჯარებს და ირანულ გარნიზონებს ალყა შემოარტყა. „გაჩაღდა დაუნდობელი ომი მეტეხისა და თაბორის ციხეთა გარშემო. ციხეებში ჩამქდარი ირანელები მეფის სასახლესა და სიონის მონასტერს ზარბაზანს უშენდნენ — „მეფის საჯდომი სასახლე ყუმბართთ აავსეს და ზარბაზნითა დაამტერიეს, ყუმბართთ ერთი ქვის სროლა შემოიღეს, რომ ქალაქი სულ ქვით აავსეს“¹⁶⁰.

მაშინდელ ირანულ არტილერიას თავისი „ქვის ყუმბართით“ არ შეეძლო დაენგრია მოალყეთა საფრები, მაგრამ გაძლიერებულ საარტილერიო კანონადას ჰქონდა მოსახლეობაზე ფსიქიკური ზემოქმედების დანიშნულება.

თბილისის ციხეების ალება დიდხანს გაგრძელდა. აბდულა ბეგის მიერ დაქირავებულ ლეკ მარბიელებთან ბრძოლა მოითხოვდა ძალთა მობილიზაციას და ყურადღებას. ერეკლე II-მ თბილისში მოიწვია თუშფშაე-ხევსურთა, ქიზიყელთა, მთიულთა, არაგველთა რჩეული ლაშქარი, ზემო ქართლის სარდალს ამირინდო ამილახვარს გორიდან დიდი ზარბაზანი, მეტსახელად „ბოკორმა“, ჩამოატანინა (ეს ცნობილი ზარბაზანი ნადირ შაჰმა თურქებს წაართვა, ჩამოატანინა გორში, მისი ტრანსპორტირების სიძნელის გამო დარჩა აქ, იტენებოდა 10 ლიტრი ტყვიით და შესაფერისი რაოდენობის დენთიც სჭირდებოდა). პაპუნა ორბელიანის ცნობით, ამ საშინელი ხმის და ძალის მქონე იარაღმა გადაწყვიტა ციხე-

¹⁵⁹ პ ა პ უ ნ ა ო რ ბ ე ლ ი ა ნ ი. გვ. 407 (იხ. ქართლის ცხოვრება, დ. ჩუბინაშვილის გამოც., ტ. II).

¹⁶⁰ იქვე: საქართველოს ისტორიის ნარკვევები, ტ. IV. გვ. 610.

ების ბელი; „რა ეს ზარბაზანი ნახეს ციხელებმა, მაშინვე შეშინდნენ, დიდად აქცევდა, საცა მოხედის“. დიდი ზარბაზანი პირველად თაბორის ციხეს მიმართეს: „დაუშინეს ეს დიდი ზარბაზანი, მეოთხე რომ ჰკრეს, უყვეს იერიში“. გააფთრებული შეტაკების შემდეგ თაბორი აღებულ იქნა. ამ სახალხო ბრძოლაში უკვე გამოჩნდნენ ნამდვილი გმირები, მაგ., თაბორის აღების დროს თავი გამოიჩინა ყმა გლეხმა შავერდა მღებრიშვილმა, რითაც საერთო აღიარება დაიმსახურა. ერეკლე II-მ თაბორი შეაკეთა, გალავანი შემოავლო და კახთა რაზმები ჩააყენა.

თაბორის ციხის დაცვამ გაამძაფრა დაღესტნელი აბრაგების თარეში. ლეკები თბილისამდე უწევდნენ. აბდულა ბეგიც თავს ესხმოდა ქალაქს ავქალის, თაბორის, ნარიყალასა და მეტეხის მიდამოებიდან. ერეკლე II ენერგიულად იგერიებდა მოთარეშეებს ისე, რომ არ ანელებდა შეტევას სპარსულ გარნიზონზე. მეფის სამხედრო სიქველემ გატეხა მეტეხის დაცვა. მეტეხელებმა შემოთვალეს: „კაცი გვიბოძე, ციხეს მოგართმევით“. ერეკლე II-მ ციხის ჩაბარება დაავალა სულხან ეშიკადასბაშს და ჭიმშერ ჩოლოყაშვილს, თუშთა მოურავს.

ლამით კახეთის ჭარებმა მეტეხს ალყა შემოარტყეს, აყრილი მეტეხის ხიდის ნაცვლად სპეციალური ნაგები გააკეთეს, დილით კი კახთა რაზმები ციხის გალავანში შევიდნენ. ეს სასიხარულო ამბავი ელვის სისწრაფით გავრცელდა ქალაქში, სულ მოკლე ხანში ქართლის ნაწილებმა და მოქალაქეებმა მეტეხი დაიკავეს. ეს იყო 1748 წლის ზაფხულში. მალე თბილისის მთავარი ციტადელი ნარიყალაც დაიკავეს. გამარჯვებულმა მეფემ მოწინააღმდეგენი არ დასაჯა. ბრძოლის მონაწილე ისტორიკოსი ამას ერეკლეს კაცთმოყვარეობის მიზეზით ხსნიდა¹⁶¹.

ნარიყალის დაცლის შემდეგ ერეკლე II-მ ქალაქში დაასახლა აბდულა ბეგის ვაჟი ალასი, საბარათიანოს კაცი, ციხის მინბაში თავისი თაბუნით (ე. ი. რაზმით), მეციხოვნეები და ყადი — ბევრი მათგანი ოჯახითურთ¹⁶². ფაქტიურად „თაბუნი“ უკვე დიდი ხნის წინ თბილისის ორგანულ ნაწილად იქცა.

1748 წელს ერეკლე II-მ უკანასკნელად გაუგზავნა ირანის შაჰს ხაკი — ასამდე მეომარი ყულის ჭარისათვის ასან მირზას (დავით იმამ-ყული ხანის ვაჟის) მეთაურობით.

1749 წელს თეიმურაზ II საქართველოში დაბრუნდა, მან ჩამოიტანა ფირმანი ყაზახ-ბორჩალოს, საქართველოს ამ ისტორიული მხარის, დაბრუნების შესახებ.

1749 წელს გაიმართა საეკლესიო კრება თბილისში. იგი მიზნად ისა-

¹⁶¹ კ ა კ უ ნ ა ო რ ბ ე ლ ი ა ნ ი, დასახ. ნაშრომი, გვ. 413.

¹⁶² იქვე: საქართველოს ისტორიის ნარკვევები, ტ. IV, გვ. 612.

ხავდა ქართული ეკლესიის განწმენდას. სამხედრო წარმატებებს ეფექტური შედეგი მოჰყვა. დაიწყო გამაჰმადიანებული ქართველი არისტოკრატების ქრისტიანულ სარწმუნოებაზე გადმოსვლა. მონათვლა ხდებოდა საჯაროდ, თბილისში, ანჩისხატთან, მტკვრის მარჯვენა სანაპიროზე.

1749 წელს ერეკლე II-ის ინიციატივით დედაქალაქში აშენდა საარტილერიო ქარხანა—„ჯაბახანა“, სადაც ასხამდნენ თოფ-იაჩრალს, ზარბაზნებს, ზამბულაკებს, ციხის თოფებსა და ზარებს... ამავე პერიოდში დაიწყო თბილისის თავდაცვითი ზღუდეების სრული შეკეთება, აღებულ იქნა კედელი, რომელიც ციხეს გამოჰყოფდა ქალაქისაგან, დაწესებულ იქნა მოქალაქეთა სამხედრო სამსახური, თანდათან ჩამოყალიბდა თბილისელ მოქალაქე-მოლაშქრეთა ფენა, დასახლებულ იქნა გარეუბნები.

1749—1752 წლებში ქართლ-კახეთის სამეფო ჩაება ამიერკავკასიაში ჰეგემონობისათვის ბრძოლაში. ერეკლე II-მ საბოლოოდ გაანადგურა აბდულა ბეგი, განდევნა თავრიზის მხარეში, აიღო ქვემო ქართლის ციხეები, წარმატებული ბრძოლების შემდეგ აღმოსავლეთ საქართველო გახდა ამიერკავკასიის მტკიცე ჰეგემონი. მას მუხარკეობის საფუძველზე დამორჩილდნენ ერევნის, ნახჭევანის, განჯისა და ყარაბაღის სახანოები. ეს სიტუაცია შესანიშნავ პერსპექტივებს შლიდა ქ. თბილისის წინაშე. XVIII საუკუნის 50-იანი წლებიდან იგი ამიერკავკასიის ცენტრად გადაიქცა პოლიტიკური, ეკონომიკური და კულტურული თვალსაზრისით. თბილისში ისახებოდა სომხეთის განთავისუფლების პერსპექტიული პროექტები, სხვადასხვა პოლიტიკური ერთეულების ურთიერთკავშირის იდეები.

ირანის აშლილობა ქმნიდა ხელსაყრელ პირობებს ქართული სახელმწიფოს დამოუკიდებლობის განმტკიცებისათვის.

1749—1752 წლებში ქართველებს მოუხდათ სასტიკი ბრძოლა აზატ ხან ავღანთან, ფანა ხანთან, ორგზის აზერბაიჯანის გაერთიანებულ სახანოებთან (აგრის-წყალი, ყირ-ბულახი, ყარათაფა). ცხარე ომების ამ ციკლში ქართველები გამარჯვებულნი გამოვიდნენ, შეინარჩუნეს ჰეგემონობა და დაიცივეს დამოუკიდებლობა. ამ ბატალიებში უაღრესად აქტიური როლს ასრულებდა თბილისის მოსახლეობა. თეიმურაზ II-მ და ერეკლე II-მ თბილისელთაგან 3000-კაციანი რაზმი შექმნეს გივი ამილახვარის მეთაურობით.

ამ პერიოდში ირანიდან ახალდაბრუნებული გივი ამილახვარი ქ. თბილისის მოურავი იყო. თბილისელი მოლაშქრეები ებრძოდნენ მოთარეშე ლეკებს ქართლის ტერიტორიაზე.

1762 წელს, თეიმურაზ II-ის გარდაცვალების შემდეგ, ერეკლე II-მ ოფიციალურად გააერთიანა ქართლისა და კახეთის სამეფოები. 1763 წლიდან რუსეთის იმპერიამ დიპლომატიურად აღიარა ქართლ-კახეთის გაერთიანება და ერეკლე II სცნო მეფედ. ამით პეტერბურგი იური-

დიულად გაემიჯნა რუსეთში გადახვეწილ „მუხრანელ“ ბაგრატიონებს, რომლებიც ერეკლეს სამეფო ტახტში ეცილებოდნენ.

ამ პერიოდში თბილისი გახდა სომხეთის სახალხო-გამათავისუფლებელი მოძრაობის ერთ-ერთი ცენტრი. 1763 წელს ინგლისიდან თბილისში ჩამოვიდა ინდოეთის სომხური ბურჟუაზიის წარმომადგენელი იოსებ ემინი, რომელმაც გაერთიანებული ქართული-სომხური სახელმწიფოს პროექტი ჩამოიტანა. ერეკლეს ნებართვით, იოსებ ემინმა თბილისში დაიწყო საქმიანობა თავისი გეგმის პრაქტიკული ხორცშესხმისათვის; თბილისელი სომხებისაგან შექმნა სპეციალური შეიარაღებული რაზმიც (800 კაცის შემადგენლობით). მისი ხელმძღვანელობით ამზადებდნენ სომხური მოსახლეობის გრანდიოზულ შეიარაღებულ გამოსვლას თურქეთის სომხეთში. ამავე დროს საქართველოსთან პოლიტიკური კავშირის იდეა წარმოიშვა თურქეთის იმპერიის ბევრ ქრისტიან და არათურქ ხალხში. თბილისში ინტენსიურად ჩამოდიდოდნენ ასირიელთა, იეზიდ-ქურთთა, მაჰმადიან-ქურთთა დელეგაციები, აგრეთვე წარმომადგენლები ეგვიპტელი და ერაყელი მამულეებისა და ა. შ.

ქალაქში მომრავლდნენ ევროპელი მისიონერები, ევროპელი და რუსი სპეციალისტები, კარგად იყო ორგანიზებული საერთაშორისო ინფორმაციის წყაროები. XVIII საუკუნის 60-იანი წლების თბილისში თვალყურს ადევნებდნენ აღმოსავლეთის ქვეყნების პოლიტიკურ სიტუაციებსაც და დასავლეთ ევროპის ამბებსაც. გაერთიანებული ქართლ-კახეთის სამეფო განუხრელი აღმავლობის გზით მიდიოდა.

ქართლ-კახეთის სახელმწიფოს გაძლიერებასთან დაკავშირებით სულ უფრო და უფრო იზღუდებოდა ქედმაღალ ფეოდალთა თვითნებობა. თავს იჩენდა წინააღმდეგობა ფეოდალთა ბანაკში ქვეყნის გამაერთიანებელ და გამთიშველ ძალთა შორის. ახლა, როცა ქვეყნის საგარეო მდგომარეობა განმტკიცდა, თავი იჩინა დინასტიურმა ბრძოლამ. ფეოდალთა ერთი ჯგუფი კვლავაც უარყოფდა „კახი“ ბაგრატიონების უფლებებს ქართლის ტახტზე. ეს ჯგუფი მუხრანელ ბაგრატიონთა ხელისუფლების აღდგენისათვის იბრძოდა. ერეკლეს პოლიტიკის მოლაღატე თავადები ვახტანგ VI-ის უკანონო შვილის — პაატას გარშემო დაჯგუფდნენ და სახელმწიფო გადატრიალებას ამზადებდნენ¹⁶³. მაგრამ ამჯერადაც პროგრესისათვის მებრძოლი ძალები უფრო ძლიერი აღმოჩნდნენ. შეთქმულება ჩაიშალა. ეს იყო 1765 წლის დეკემბერში.

შეთქმულთა გასამართლებამ და დასჯამ თბილისში ცხადყო, რომ ქალაქის მოსახლეობის ძირითადი ფენები ერეკლეს გამაერთიანებელ პოლიტიკას უჭერდნენ მხარს.

ერეკლე II-მ შეთქმულნი საჭაროდ გაასამართლა. მოწვეულ იქნა

¹⁶³ საქართველოს ისტორიის ნარკვევები. ტ IV. გვ. 632.

სამეფო დარბაზის გაფართოებული სხდომა, რომელსაც დაესწრნენ თავადაზნაურობისა და სამღვდლოების წარმომადგენლებთან ერთად „პირველი სახლის გლეხნი“, „მთის პირველი კაცები“ და „მოქალაქენი“. სახელმწიფოს მეთაური, მეფე გამოვიდა არა ბრალმდებლის ან მოსამართლის, არამედ მომჩივანის როლში. მან დაჩოქილმა მოახსენა სახალხო შეკრებულებას, თუ როგორ აპირებდნენ შეთქმულნი მთელი მისი ოჯახის ამოწყვეტას. ამის შემდეგ მეფემ დამსწრეთ მოაგონა მისი თავდადება ქართლის დასაცავად: „ღმერთს თავდებად გაძლევთ, თუ ჩემზე უკეთეს მეფეს იშოვით საქართველოს ბედნიერებისათვის, მე ჩემს გვირგვინს იმას დაუვლოცავ...“ ერეკლე II-ს სიტყვები შემთხვევით არ წარმოუთქვამს. მან შესანიშნავად იცოდა, რომ საჯარო სასამართლოზე იჩივრდა არა მხოლოდ შეთქმულთა კონკრეტული დანაშაული, არამედ მისი მმართველობის განმსაზღვრელი პოლიტიკური კონცეფცია, ამ კონცეფციის ვარგისიანობა და პერსპექტივა. მეფემ ამხილა შეთქმულთა ანტისახელმწიფოებრივი საქმიანობა¹⁶⁴.

1765 წლის 15 დეკემბერს თბილისში მოეწყო შეთქმულთა საჯარო დასჯა. დასჯის პროცედურა ხდებოდა სამ ადგილას: მეტეხის ციხის ძირში, რიყეზე და ანჩისხატის ეზოში. პაატა ბაგრატიონს თავი მოკვეთეს, ასევე დასაჯეს დავით აბდულა ბეგის ძე, დემეტრე ამილახვარი დასაჯეს „სამოქალაქო სიკვდილით“, ვირზე უკულმა შესვეს და მთელი ქალაქი შემოატარეს თავზე ნაცარდაყრილი, ალექსანდრე ამილახვარს მოჭრეს ცხვირი და გადაუჭრეს მუხლის ძარღვები, დიასამიძეს აღმოხადეს ცალი თვალი და მოჭრეს ცერი. გლაზა ციციშვილს ამოშანთეს ენა, არდაშელ თაქთაქიშვილს მოჭრეს მარჯვენა და სხე.¹⁶⁵

შეთქმულთა განადგურებამ კიდევ ერთხელ ცხადყო, რომ ერეკლე II-ის ბრძოლა ხელისუფლების ცენტრალიზაციისა და ქვეყნის გაერთიანებისათვის დიდ იმედებს იძლეოდა.

70-იანი წლების დასაწყისიდან ქ. თბილისი განსაკუთრებულ საერთაშორისო ვითარებაში მოექცა. დაიწყო 1768—1774 წწ. რუსეთ-თურქეთის ომი, რომელშიც ქართლ-კახეთისა და იმერეთის სამეფოები გამოვიდნენ რუსეთის მოკავშირეებად. 1770 წლიდან ქართულმა პოლიტიკურმა ერთეულებმა დაიწყეს სამხედრო მოქმედება თურქთა წინააღმდეგ. საქართველოში შემოვიდა რუსეთის დამხმარე საექსპედიციო კორპუსი. რუსული არმიის სამოქმედო ასპარეზი ასცდა ქ. თბილისს. მაგრამ ომის მსვლელობაში ქალაქში განლაგებული იყო რეგულარული არმიის ცალკეული ნაწილები, სამხედრო და დიპლომატიური კურიერების მკველი რაზმები. აღსანიშნავია, რომ რთულ ვითარებაში ერეკლე II-მ მოახერხა ირანის

¹⁶⁴ ნ. ბერძენიშვილი, საქართველოს ისტორიის საკითხები, ტ. II, გვ. 210.

¹⁶⁵ საქართველოს ისტორიის ნარკვევები, ტ. IV, გვ. 634.

ნეიტრალიზება და დაღესტნელი მთიელების შედარებით დაშოშმინება. გაძლიერდა თურქეთის იმპერიის ქრისტიანული და არათურქული მოსახლეობის ლტოლვა საქართველოსაკენ.

ქ. თბილისში მასობრივად ჩამოდიოდნენ პოლიტიკური ემისრები ანატოლიიდან, ერაყიდან. მამულუქთა სამფლობელოებიდან. საომარმა მოქმედებამ შეათერხა სავაჭრო-ეკონომიკური ურთიერთობანი თურქულ პროვინციებთან, სამაგიეროდ, სავაჭრო კაპიტალმა სცადა გზის გაკაფვა დასავლეთ საქართველოში. დაიწყო საერთო ეროვნული ბაზრის ჩამოყალიბების ნელი პროცესი. საერთო-ქართული ეროვნული ბაზრის შემაერთებელი ხდებოდა ქ. თბილისი. პარალელურად უფრო ინტენსიური გახდა ვაჭრობა დასავლეთ საქართველოსთან. გაიხსნა დარიალის გზა, რომელმაც ქ. თბილისი კიდევ უფრო დაახლოვა როგორც სამხრეთ რუსეთის ქალაქებთან, ისე ჩრდილო კავკასიის ხალხებთან.

XVIII ს. 70-იანი წლებიდან ქართლ-კახეთში ჩამოყალიბდა ე. წ. „მორიგე ჭარი“. იგი მორიგეობის წესზე იყო აგებული. „მორიგეობა“ შეეხო ქალაქსაც, რომელსაც შეეძლო გამოეყვანა 3600-მდე მოლაშქრე. მორიგეობდა ყოველთვიურად 500-მდე თბილისელი¹⁶⁶. მოლაშქრეთა თავისუფალი ფენა, რომელიც მზად იყო დასაქირავებლად, ივსებოდა უმთავრესად ქართველი მოსახლეობიდან და ნაწილობრივ ქვემო ქართლის მაჰმადიანებისაგან.

თბილისელმა მოლაშქრეებმა დიდი როლი შეასრულეს ქალაქისა და მისი შემოგარენის დაცვაში. 1772 წლის გაზაფხულზე თბილისს მოულოდნელად დაესხა ლეკ-ოსმალთა ცხენოსანი ლაშქარი, ქალაქის მორიგეებმა, მეფის პირად ამალასთან ერთად, ადვილად დაამარცხეს მოთარეშეები. მდგომარეობა გაართულა რუსული საექსპედიციო კორპუსის საქართველოდან გასვლამ, რაც გენერალმა სუხოტინმა დაასრულა 1772 წლის ივლისში. რუსულ კორპუსს ჩამორჩა ძალზე ბევრი დეზერტირი, რომელთა დიდი ნაწილი უშუალოდ ქალაქში დარჩა და შეერია ხელოსანთა რიგებს.

70-იანი წლებიდან ქ. თბილისი უფრო მკაფიოდ გამოიკვეთა როგორც „ყოველი საქართველოს“ პოლიტიკური ცენტრი. 1773 წლის თებერვალში აქ მოეწყო ერეკლე II-ისა და სოლომონ I-ის შეხვედრა თურქთა წინააღმდეგ ერთობლივი ოპერაციების კოორდინაციისათვის. ქალაქის სწრაფმა ზრდამ, მოსახლეობის ახალი ტალღების შემოხიზვნამ გაღატაკებინა კომუნალური მეურნეობა. შეინიშნებოდა სივიწროვე, ანტისანიტარია. ამის შესახებ ხაზგასმით მიუთითებდა რუსეთის საიმპერატორო

¹⁶⁶ 3000 მოლაშქრესთან შედარებით 500-მდე მორიგე საკმაოდ დიდია, ეს აიხსნება იმით, რომ პროფესიონალი ვაჭარ-ხელოსნები ქირაობდნენ სანაცვლო მორიგეებს.

აკადემიის წევრი, გერმანელი მოგზაური გიულდენშტედტი¹⁶⁷. ამიტომაც მოულოდნელი არ იყო 1773 წელს თბილისში გაჩენილი დიდი ქირიანობა, რომელმაც ერთბაშად შეწყვიტა ქალაქის განუხრელი აღმავლობა. ქირიანობამ უშუალოდ ქალაქში 6000 კაცი იმსხვერაპლა. ქირი გავრცელდა ახალციხიდან. ამ სენმა მეტად გააძნელა ეკონომიკური კავშირები, შეასუსტა ქალაქის დაცვა. რა თქმა უნდა, სენმოდებულ ქალაქზე არავინ გაბედავდა თავდასხმას, მაგრამ ქირიანობამ ხელები გაუხსნა პოლიტიკურ პატიმრებს, სწორედ ამ დროს გაიპარა ქალაქიდან 1765 წლის შეთქმულების აქტიური მონაწილე ალექსანდრე დიმიტრის ძე ამილახვარი, რომელმაც შემდეგში დიდი როლი შეასრულა ერეკლე II-ის წინააღმდეგ მოწყობილ ინტრიგებში. ქირიანობამ გარკვეული ზარალი მიაყენა ქალაქის ეკონომიკას, შეცვალა ქალაქის სახე. მოსახლეობამ მასობრივად დაწვა ყველა ის საცხოვრებელი, სადაც ავი სენის კერა იყო ჩაბუდებული.

სავალალო შედეგები გამოწვეულ იქნა თვით სენის სალიკვიდაციო ღონისძიებათა სიმკაცრითაც. მოქალაქეებმა შექმნეს სპეციალური შეიარაღებული რაზმები, რომლებიც შავი ქირით დასნეულებულ ოჯახებს მთლიანად ერეკებოდნენ გალავნის გარეთ, მინდორში, სადაც მათი დიდი ნაწილი იღუპებოდა სიცივისა და შიმშილისაგან. ორი საშინელი თვე გაატარა დაავადებულმა თბილისმა. 60 დღე განუწყვეტლივ რკვდნენ მწუხრის ზარები.

მთლიანად დაიცალა სამეფო პალატები, მეფის კარი ქ. თელავში გადავიდა. ქალაქიდან გახიზვნაც არ იყო ადვილი. ყველა ერიდებოდა ხიზნების მიღებას, ამიტომაც მოქალაქეები თავს აფარებდნენ ქალაქის შემოგარენის ტყეებს. გვიანი შემოდგომისთვის შავი ქირის ეპიდემია ჩაცხრა, ქალაქი ყოველდღიურ საქმიანობას დაუბრუნდა.

¹⁶⁷ გ ი უ ლ დ ე ნ შ ტ ე დ ტ ი, მოგზაურობა საქართველოში, თარგმ. გერმანულიდან გ. გელაშვილისა, ტ. 1, 1982, გვ. 89.

XIII

თბილისის პოლიტიკური ვითარება
XVIII ს. 80—90-იანი წლების მიჯნაზე

რუსეთის საზარველში შესვლა
1783 წ. და მისი პირველი შედეგები

ქართლ-კახეთის სახელმწიფოს არაჩვეულებრივი გაძლიერების შესაბამისად, ძლიერდებოდა თბილისის მნიშვნელობა საქართველოსა და მთელ ამიერკავკასიაში. იგი აღმოსავლეთისა და ევროპის დიდი სახელმწიფოების ყურადღებას იპყრობდა. მიუხედავად დიდი წარმატებებისა, პატარა სახელმწიფოს, შეზღუდული ეკონომიკური ბაზისით, უჭირდა დამოუკიდებელი საგარეო პოლიტიკის წარმართვა. ამ დროისთვისაც თბილისელ პოლიტიკოსთა წინაშე მწვავედ იდგა საგარეო დახმარების ძიების საკითხი. ოსმალეთ-ირანის მხრიდან საფრთხე არ მოხსნილა. ერეკლე II-მ ერთხელ კიდევ სცადა დახმარების მიღება ევროპის სახელმწიფოებისაგან, მაგრამ უშედეგოდ. ამავე დროს ძველი მოკავშირე რუსეთის სახელმწიფო თანდათანობით მოიწვედა ამიერკავკასიისაკენ.

როგორც ჩანს, ქართველ პოლიტიკოსებს მხედველობიდან არ გამოჩენიათ რუსეთის სამეფო კარზე შემუშავებული ფართო გეგმები, რომლებიც მიზნად ისახავდნენ გავლენის სფეროების გაფართოებას ახლო აღმოსავლეთში. ერეკლეს მიერ ევროპაში დახმარების ძიება რუსეთის პოლიტიკოსებში აჩქარებდა საქართველოს მიმართ აქტიურ პოზიციებზე გადასვლას. რუსეთ-საქართველოს შემდგომი დაახლოების სიტუაცია მწიფდებოდა.

დიდხნოვანმა გამოცდილებამ დაადასტურა, რომ ვერც დასავლეთ ევროპის ქვეყნები და ვერც შედარებით ჩამორჩენილი მაჰმადიანური ირანი თუ ოსმალეთი საქართველოს მფარველად ვერ გამოდგებოდნენ. საქართველოს დაუფლებისათვის მებრძოლ სახელმწიფოთაგან დიდი უპირატესობა ჰქონდა რუსეთს, რომელიც უკვე XVI საუკუნიდან მნიშვნელოვან ძალად იქცა საერთაშორისო პოლიტიკაში და ამიერკავკასიის საზღვრებსაც დაუახლოვდა (ვოლგის ნაპირებზე გასვლა...). რუსეთი — ცენტრალიზებული, აღმავალი სახელმწიფო, თავისი სოციალურ-ეკონომიკური წყობითა და ქრისტიანული რელიგიით საქართველოს ენათესავებოდა. კერძოდ, ქრისტიანულ-მართლმადიდებლური სარწმუნოება იმ ეპოქაში ზოგჯერ „უცხოობის“ ზღვარსაც კი შლიდა ერთმორწმუნეთა შორის და ერთ-ერთი მძლავრი ფაქტორი იყო, რუსეთზე ორიენტაციას რომ ასაზრდოებდა.

გასაგებია, რომ რუსეთის თვითმპყრობლურ იმპერიასთან საქართველოს კავშირის როგორც 1783 წ. ტრაქტატამდე, ისე მის შემდეგაც თან სდევდა ფეოდალურ სინამდვილეში ძლიერისა და სუსტის ურთიერთობისათვის დამახასიათებელი ჩვეულებრივი მოვლენა: ძლიერი თავისი მიზნებისათვის იყენებდა დახმარების მთხოვნელის თანამშრომლობას, ზოგჯერ ბრძოლის ველზედაც კი მიატოვებდა თავის მოკავშირეს, რომელიც „მფარველის“ პოლიტიკის მსხვერპლი ხდებოდა. მაგრამ რუსეთთან ურთიერთობის მაგისტრალური მიმართულება, ამ ჩრდილოვანი მხარეების მიუხედავად, გამართლებული იყო; მან საუკუნეებს გაუძლო¹.

რუსეთის მთავრობის მიერ მაშინ მომარჩვებულ „ქრისტიანთა მფარველობის“ პოლიტიკას დიდი მორალური და არსებითი მნიშვნელობა ჰქონდა ირან-ოსმალეთის ძალმომრეობისაგან გათავისუფლებისათვის მებრძოლი ხალხებისათვის. მაგალითად, რუსეთ-ოსმალეთის ომის დროს (1768—1774 წწ.) და მის შემდეგაც არაერთგზის, ქართული სამეფოების არსებობის პერიოდში, ქართველი და რუსი ხალხების წარმომადგენლები ერთად ებრძოდნენ საგარეო მტრებს, ამარცხებდნენ საქართველოს წინააღმდეგ ამხედრებულ ძალებს (ამავე საუკუნის 80-იან წლებშიაც). ასე იქედებოდა ორი მოძმე ხალხის დაახლოება, რაც დიდი პერსპექტივების მაუწყებელი იყო.

1783 წ. ტრაქტატი — „მფარველობითი“ თუ „მეგობრულ-მოკავშირეობითი“ ხელშეკრულება — ორმხრივი ინტერესების საფუძველზე აღმოცენდა. ამ შემთხვევაში ინიციატივა მოდიოდა რუსეთის მხრიდან, რომელსაც ახლო აღმოსავლეთში შორს მიმავალი ინტერესები ამოძრავებდა. ტრაქტატი გაფორმდა სწორედ იმ პერიოდში, როცა ფაქტობრივად დამოუკიდებელი ქართლ-კახეთი ინარჩუნებდა თავის უპირატესობას ამიერკავკასიაში.

საქართველოსათვის 1783 წ. ტრაქტატი იყო დიდი მნიშვნელობის დოკუმენტი, რომელიც ასახავდა საუკუნოვან მისწრაფებას სტაბილური მშვიდობის მოპოვებისა და ქვეყნის ძველი ძლიერების აღდგენა-განვითარებისაკენ; ტრაქტატი აირეკლავდა საოცნებო მომავალს, როცა რუსეთის დახმარებით ფართო გზა უნდა გახსნოდა ერეკლეს სამეფო კარზე შემუშავებულ პროგრესულ სოციალურ-პოლიტიკურ გარდაქმნათა გეგმების განხორციელებას: საქართველოს მთლიანობის აღდგენა, უცხოელ დამპყრობთა მიერ მინატაცები ტერიტორიების დაბრუნება, სხვა რიგის რეფორმები. მომავალი განვითარებისათვის აუცილებელი იყო საქართველოს მტრული გარემოცვის გარღვევა, კავშირის გაძლიერება ევროპულ სოციალურ-კულტურულ სამყაროსთან, შინაგანი გარდაქმნები. ასეთი ამოცანების გადაჭრა იხსნიდა საქართველოს, ზოლო საკუთარი ძალებით

¹ საქართველოს ისტორიის ნარკვევები, ტ. IV, გვ. 17 (შესავალი).

ბით მას „ლონე არ შესწევდა... უზრუნველყო ქვეყნის გამოსხნა-აღდგომის საქმის გამარჯვება. ტრაქტატი სწორედ ამ გარემოების აღიარება იყო“².

1783 წ. „პროგრესისათვის მებრძოლმა საქართველომ, — წერდა აკად. ნ. ბერძენიშვილი, — თავის დამხმარედ (მფარველად) პროგრესული რუსეთი მოიწვია“. „საქართველოს ისტორიაში ეს იყო უდიდესი მნიშვნელობის პოლიტიკური აქტი... ამ აქტით საქართველო გაემიჯნა აზიურ (ოსმალურ-ყიზილბაშურ) ჩამორჩენილობას და გადაჭრით პირი მიაქცია პროგრესული ჩრდილოეთისაკენ.

აღნიშნულ ვითარებაში 1783 წ. ტრაქტატს ხელი უნდა შეეწყო ჩენი ქვეყანის პროგრესის გზით განვითარებისათვის³.

ფართო იყო, აგრეთვე, რუსეთის იმპერიის გეგმები ახლო აღმოსავლეთში („საბერძენეთის პროექტი“, თურქეთის განდევნა ევროპის კონტინენტიდან...), რისთვისაც დიდ მნიშვნელობას ანიჭებდნენ საქართველოს. ამიტომაც ეკატერინე II-ის მთავრობა საკუთარი ინტერესების პოზიციებიდან გამოეხმაურა ერეკლე II-ის სახელმწიფო მიზნებს.

1783 წ. ტრაქტატის საფუძველზე ერეკლე ქვეყნის საშინაო საქმეებში ინარჩუნებდა სუვერენულ უფლებებს. მეფის რუსეთი არ უნდა ჩარეულიყო მის საშინაო საქმეებში, ხოლო აქ შემოყვანილი რუსთა ჯარი ადგილობრივ ხელმწიფეს უნდა დამორჩილებოდა. ამავე დროს ერეკლე საგარეო საქმეებში რუსთ ხელმწიფის უზენაესობას აღიარებდა, რაც მისი დამოუკიდებლობის შეზღუდვას გამოხატავდა. სამაგიეროდ, ქართლ-კახეთის მეფემ მიიღო ქვეყნის აღდგომა-გამოსხნისათვის ბრძოლის ერთი უმთავრესი პირობა—გარანტია სტაბილური მშვიდობის მოსაპოვებლად, მფარველის მზადყოფნა, რომ იგი მიიღებდა ზომებს საქართველოს მიერ დაკარგული მიწა-წყლის დასაბრუნებლად.

ამიერიდან საქართველო და რუსეთი უნდა გაერთიანებულყოყნენ საერთო მტრების წინააღმდეგ ბრძოლაში. ზემოაღნიშნული პირობები გულისხმობდა ნებაყოფლობით შეერთებას⁴, რასაც, რა თქმა უნდა, იმ ეპოქისათვის დამახასიათებელი წინააღმდეგობანი ახლდა.

„1783 წ. ტრაქტატი არსებითად გამოხატავდა ქართლ-კახეთის ნებაყოფლობით შეერთებას რუსეთთან“. ამ აქტის დიდი პროგრესულობის გვერდით, იგი შეიცავდა „უმცირეს ბოროტებას“, რაც იმაში გამოიხა-

² ნ. ბერძენიშვილი. საქართველოს რუსეთთან შეერთების ისტორიული მნიშვნელობისათვის. — ნ. ბერძენიშვილი, შრომები, ტ. V, გვ. 179.

³ იქვე.

⁴ ასე ესმოდა იგი ერეკლე მეორესაც. — საქართველოს ისტორიის ნარკვევები, ტ. IV, მ. დუმბაძე, პოლიტიკურ წინააღმდეგობათა სახიფათო კვანძი, გვ. 707.

ტებოდა, რომ მფარველობაში აყვანილი სახელმწიფოს სუვერენიტეტი იზღუდებოდა⁵.

XVIII ს. 80-იანი წლების საერთაშორისო ვითარებაში 1783 წ. ტრაქტატს რუსეთის სახელმწიფოს დიდ გამარჯვებად მიიჩნევდნენ. აქ ნათლად იჩენდა თავს რუსეთის საგარეო მოწინააღმდეგეთა მტრული პოზიცია, რომლებიც ამ შემთხვევაში საქართველოს ინტერესებზე როდი ფიქრობდნენ. თუმცა ისიც უნდა აღინიშნოს, რომ ეკატერინე II-ის სახელმწიფომ ტრაქტატის განხორციელებით დიდი და საიმედო პლაცდარმი მოიპოვა. მან უომრად გადმოლახა კავკასიონის მთაგრებილი და უშუალოდ დაემუქრა ირან-ოსმალეთის პოლიტიკური გავლენის სფეროებს ამიერკავკასიაში⁶. ყოველივე ეს, აგრეთვე, კარგ მომავალს როდი უქადა ამიერკავკასიელი ხალხების „მოკეთებებს“ — ინგლის-საფრანგეთს თუ ირან-ოსმალეთს. ევროპელ „მზრუნველებს“ მათთვის მომგებიანი აღმოსავლური ბაზრების დაკარგვა მოელოდათ, ხოლო ირან-ოსმალეთი საბოლოოდ უნდა გამოთხოვებოდა ამიერკავკასიას.

1783 წ. 2 დეკემბერს საზეიმოდ მორთული თბილისი აღტაცებით შეხვდა რუსთა ჯარის ორ ბატალიონს, რომელიც აღნიშნული ტრაქტატის საფუძველზე გამოგზავნეს. ჯარს რუსეთის სახელმწიფოს ოფიციალური წარმომადგენელი პოლკოვნიკი ბურნაშოვი მოუძღოდა. ორიოდ თვის შემდეგ ტრაქტატის საბოლოო გაფორმება-დამტკიცების მიზნით, სპეციალური მისიით, თბილისში საჩუქრებით დატვირთული პრლკოვნიკი ტამარა მოავლინეს. მისი მოსვლა, 1784 წ. 22 იანვარს, ზარბაზნების გრიალით აუწყეს თბილისელებს.

23 იანვარს ტამარამ ერეკლესა და მისი სამეფო სახლის წევრებს იმპერატორის მიერ გამოგზავნილი სამეფო რეგალიები, საჩუქრები და სამფარველო სიგელი გადასცა. ამასთან დაკავშირებით ისევ 101-ჯერ დაიქუხეს რუსულმა ზარბაზნებმა და ამით კიდევ ერთხელ გამოხატეს რუსეთის მამველი ჯარის შემოსვლა საქართველოს დედაქალაქში.

საზეიმო ცერემონიალი გაგრძელდა სიონის ტაძარში, სადაც ორივე მხარის მიერ ხელმოწერილი ტრაქტატის ტექსტები გაცვალეს, ხოლო ერეკლე მეფემ ხელშეკრულების დებულებათა ერთგულებაზე დაიფიცა. ნიშანდობლივი იყო ამ დღეს „ქრისტიანთა მფარველის“ ეკატერინე II-ის სახელის ხსენებასთან დაკავშირებით ატეხილი ზარ-ზეიმი თბილისის ეკლესიებში⁷.

რუსული ზარბაზნების ხმაურის ექო თბილისიდან ქართლის მეზობლებს მისწვდა, ამიერკავკასიის ფარგლებსაც გასცდა და შორეულ კონსტანტინოპოლში სულთნის მთავრობაც შეაშფოთა. აფორიაქდნენ

⁵ საქართველოს ისტორიის ნარკვევები, ტ. IV, გვ. 55.

⁶ იქვე, გვ. 696.

⁷ Д у б р о в и н Н. История войны и владычества русских на Кавказе, т. I, с. 22.

ირანის ვასალურ დამოკიდებულებაში მყოფი სახანოები აღმოსავლეთ ამიერკავკასიაში⁸; „განძვინდა ფაშა ახალციხის სულეიმან ათაბაგი, აღუწოდა ლეკთა და იწყო ოხრება ქართლისა“⁹.

ახალციხის საფაშო, ქარ-ბელაქანი (საინგილო) და დაღესტანი მაშინ ერთი მთლიანი ლერძი იყო, რომელსაც სათავე კონსტანტინოპოლში ჰქონდა. ოსმალეთი არ სცნობდა რუსეთის ხელისუფლებას „თბილისის ხანზე“. ასე იხსენიებდა ბრახმორეული სულთნის საბჭო ერეკლე II-ს და ამით თითქოს ესარჩლებოდა ღონემიხდილი ირანის პრეტენზიებს ქართლ-კახეთის სამეფოზე.

თანდათანობით მწიფდებოდა რუსეთ-თურქეთის მორიგი ომი. ოსმალეთი ემზადებოდა 1783 წ. დაკარგული ყირიმის დაბრუნებისათვის. ახლა, ამას ისიც შეემატა, რომ, რუსთა ჩარის თბილისში დამკვიდრებით, ოსმალეთს მის მიერ მიტაცებული ქართული და სომხური ისტორიული პროვინციების დაკარგვა მოელოდა.

ქართლ-კახეთს უკვე ლეკ-ოსმალთა საკმაოდ მრავალრიცხოვანი რაზმები უტევენ. მათ წინააღმდეგ ქართველები და რუსები მხარდამხარ იბრძოდნენ. ერთობლივი ბრძოლა 1784—1785 წლებში მეტნაკლები წარმატებით მიმდინარეობდა.

1785 წ. ოსმალეთის წაქეზებით განხორციელდა საკმაოდ დიდი ლაშქრობა საქართველოს წინააღმდეგ. ამ შემოსევას სათავეში ჩაუდგა დაღესტნის (ავარიის) მფლობელი ომარ ხანი, რომელმაც ახალციხის ფაშას დახმარებით 20 ათასამდე კაცი გამოიყვანა. მძარცველთა არმია შეესია ქვემო ქართლს. თითქმის მთლიანად მოსპო ახლად ჩასახული სამთამადნო მრეწველობა. მართალია, ომარ ხანმა ვერ გაბედა თბილისზე თავდასხმა, მაგრამ, ჩაკეტა რა სამხრეთისაკენ მიმავალი კომუნიკაციები, საგრძნობლად დააზიანა მისი ეკონომიკა. XVIII ს. 50-იანი წლების შემდეგ ქართლ-კახეთს ასეთი ინტენსიური თარეში არ განუტლია.

დაღესტნელთა და ახალციხის საფაშოს ხელქვეითი თურქული მოსახლეობის მუდმივმა თარეშმა მოშალა სოფლის მეურნეობა, ვაჭრობა. „საქართველო უკიდურესად ნადგურდება, — წერდა თბილისში მყოფი რუსეთის რეზიდენტი, პოლკოვნიკი ბურნაშოვი, — იმის გამო, რომ გზებზე მიმოსვლა საშიშია, ვაჭრობა მთლიანად შეწყდა, პურის მოყვანა შეფერხებულია, რადგან მოსახლეობას სახელმწიფო სამუშაოებზე ან სამხედრო სამსახურში იწვევენ და სოფლები დაცარიელებულია. მის უმაღლესობას (ერეკლე II-ს) არ შეუძლია შეგროვილი ჩარის დიდხანს შენახვა, რადგან ფული არა აქვს, მისი ფული თითქმის გაქრა“¹⁰.

⁸ შ. დუშბაძე, პოლიტიკურ წინააღმდეგობათა სახიფათო კვანძი. — საქართველოს ისტორიის ნარკვევები, ტ. IV, გვ. 694—695.

⁹ ქართლის ცხოვრება, ჩუბინაშვილის გამოც., II, გვ. 510.

¹⁰ საქართველოს ისტორიის ნარკვევები, ტ. IV, გვ. 705.

არასრული მონაცემებით, 1784—1787 წლებში აღმოსავლეთ საქართველომ დაკარგა 20—25 ათასი კაცი, სხვა სახის დანაკარგი თითქმის 250—300 ათას მანეთს შეადგენდა.

თბილისი დროებით თითქმის მოწყდა აღმოსავლეთის ქვეყნებთან სავაჭრო გზებს. შეუფერხებლად მოქმედებდა მხოლოდ რუსეთთან დამაკავშირებელი დარიალის გზა. ამ გარემოებას მოჰყვა თბილისელ ვაჭართა ეკონომიკური ორიენტაციის ერთგვარი გადანაცვლება, რამაც გარკვეული სიძნელეები წარმოშვა. შეფერხდა ქალაქის მომარაგება საჭირო საქონლით. ამავე დროს გახშირებული თავდასხმები აიძულებდა მოსახლეობას, რომ ქალაქის სიმაგრეებში შეხიზნულიყო.

ნორმალური განვითარების პირობებში, შესაძლებელი იყო თბილისს ადვილად დაეძლია ეკონომიკური ორიენტაციის შეცვლით გამოწვეული სიძნელე და გამხდარიყო აღმოსავლეთის ბაზრებსა და რუსეთის ქალაქებს შორის საშუაშელო ხიდი, მაგრამ ქართლ-კახეთის სამეფოს პოლიტიკური მდგომარეობა ამის საშუალებას ნაკლებად იძლეოდა. ინტენსიური თარეში აიძულებდა მოსახლეობას თბილისში შემოხიზნულიყო, რაც აძნელებდა ქალაქის მომარაგებას.

სამთამადნო მრეწველობის განადგურებისა და ნაყოფიერი სასოფლო-სამეურნეო რაიონების აოხრების გამო, მეფე იძულებული ხდებოდა გაედიდებინა გადასახადები მოქალაქეებზე; დამძიმდა სამხედრო და სახელმწიფო იძულებითი სამუშაოებიც (მღვეარში გასვლა, საყარაულო სამსახური, თავდაცვითი ნაგებობების შენება და ა. შ.).

ომარ ხანის თარეშის შემდეგ ერეკლე II-მ სამი წლით გაათავისუფლა ქართლ-კახეთის მოსახლეობა სახელმწიფო გამოსაღებისაგან. ამან დროებით გამოასწორა ქალაქის მომარაგების საქმე. მაგრამ საერთო ეკონომიკური კრიზისის შეჩერება შეუძლებელი ხდებოდა.

XVIII ს. 80-იანი წლების მიწურულს საქართველოს საგარეო-პოლიტიკური ვითარება რამდენადმე შეიცვალა. დაიწყო რუსეთ-ოსმალეთის ომი და რუსეთმა საქართველოში ტრაქტატის საფუძველზე შემოყვანილი ჯარი გაიყვანა, მაგრამ გაფორმებული ხელშეკრულება ოფიციალურად არ გაუტყმებია. ამიერიდან ერეკლეს თავისი ურთიერთობა ამიერკავკასიელ მეზობლებთან საკუთარი ძალებისა და შესაძლებლობის მიხედვით უნდა მოეგვარებინა. მდგომარეობა იმითაც გართულდა, რომ ირანში დიდი ხნის წინათ დაწყებულ „ანარქიას“ ბოლო ეღებოდა. შაჰის ტახტისათვის მებრძოლ ძალებს შორის თანდათანობით იმარჯვებდა ალა-მაჰმად ხანი, რომელიც ქართლ-კახეთის სახელმწიფოზე ირანის ძველ უფლებათა აღდგენისათვის ემზადებოდა.

ერეკლე II ფხიზლად ადევნებდა თვალს სამხრეთის ამბებს. ქ. თბილისში იფარავდნენ ნადირ შაჰის შვილიშვილს ნაზარ ალა ხანს, რომელიც სურდათ ალა-მაჰმად ხანის დასაპირისპირებლად გამოეყენებინათ საჭირო

შემთხვევაში. რუსთა ჯარების გასვლის შემდეგ, „საკუთარი ძალების ამარა“ დარჩენილი ერეკლე II კიდევ ერთხელ გააქტიურდა, კიდევ ერთხელ გაიბრწყინა მისმა დიპლომატიურმა ნიჭმა, რომელიც საკმაოდ კარგად ერკვეოდა „აზიურ ემპაქობაში“ (ზ. ავალიშვილი).

ამავე დროს ერეკლე არ კარგავდა იმედს, რომ საქართველოსაც შეეძლო ესარგებლა რუსეთ-ოსმალეთს შორის დაწყებული ომით და, ვინ იცის, სამცხე-საათაბაგოს დაბრუნების საკითხიც საბედნიეროდ გადაწყვეტილიყო. აღნიშნულ სიტუაციაში ამ მოლოდინს გარკვეული საფუძველი გააჩნდა.

უპირველეს ყოვლისა, ქართველი პოლიტიკოსების საზრუნავი იყო უცმაყოფილო მეზობლებთან მორიგება. ქართლ-კახეთის მეფემ, შეიძლება ითქვას, წარმატებით დააღწია თავი ურთულეს სიძნელეებს. აღდგენილ იქნა თბილისის ძველი ავტორიტეტი, გააქტიურდა საქართველოს პოლიტიკური მთლიანობის აღდგენისათვის მებრძოლი პროგრესული დასის საქმიანობა.

თბილისსა და ქუთაისში ეძებდნენ ერეკლეს მეთაურობით ერთიანი ქართული სამეფოს აღდგენის ხელსაყრელ გზებს, მსჯელობდნენ საგარეო-პოლიტიკური ორიენტაციის გადასინჯვაზე, სახავდნენ ქვეყნის სოციალურ-ეკონომიკური განვითარების გეგმებსაც და სხვ.

საქართველო პოლიტიკური გაერთიანების გეგმა ვერ განხორციელდა, მაგრამ ამ მიმართულებით ბრძოლის ერთი დიდი მონაპოვარი იყო ერეკლეს შვილიშვილის დავით არჩილის ძის (შემდეგში სოლომონ II) გამეფება იმერეთში, რაც 1790 წ. ერეკლე II-ის მხედრობამ დააგვირგინა. ასევე დიდი მნიშვნელობა ჰქონდა საქართველოს მეფემთავართა კავშირის განმტკიცებას. 1790 წ. გაფორმდა „ტრაქტატი ივერიელთა მეფეთა და მთავართაგან დამტკიცებული ქართლისა, კახეთისა, იმერთა, ოდიშისა და გურიისა, აღწერილი სამეფოსა ქალაქსა თფილისს“¹¹. მოკავშირეები 1783 წ. ტრაქტატის პრინციპებს იზიარებდნენ, აღიარებდნენ ერეკლე მეფის თაოსნობას და მასვე ანდობდნენ რუსეთთან ურთიერთობის დამყარებას¹²; თბილისს საქართველოს დედაქალაქად აცხადებდნენ.

რუსეთ-ოსმალეთის ომის დასრულებამ (1791 წ.) ქართლ-კახეთის სახელმწიფოს სანუგეშო ვერაფერი მოუტანა. 90-იანი წლებიდან ერეკლეს სამეფო კარიც საშინაო განხეთქილებამ მოიცვა, რაც ცენტრალური ხელისუფლების შესუსტების აშკარა გამოხატულება იყო. ამას ემატებოდა ირანთან ურთიერთობის გამწვავება.

¹¹Цагарели А. Грамоты..., II, кн. I, с. 183—185.

¹² საქართველოს ისტორიის ნარკვევები, ტ. IV, გვ. 729—730.

XVIII ს. 90-იან წლებში ქართლ-კახეთის სამეფოს პოლიტიკურმა და სოციალურ-ეკონომიკურმა კრიზისმა ზენიტს მიაღწია.

1794 წლისათვის ირანი ძირითადად გაერთიანდა ალა-მაჰმად ხანის მმართველობის ქვეშ. ირანის წინაშე მთელი სიმწვეავით დადგა „გურჯისტანის“ საკითხი, რომელსაც ირანისათვის არსებითი მნიშვნელობა ენიჭებოდა. ალა-მაჰმად ხანს ერეკლე II-ის დამარცხებით საკუთარი ძალაუფლების განმტკიცება სურდა არა მხოლოდ კავკასიაში, არამედ აღმოსავლეთის მაჰმადიანურ სამყაროში.

1795 წელს ალა-მაჰმად ხანმა ქ. არდებილი აქცია საქართველოზე თავდასხმის პლაცდარმად. ერეკლე II ჯერ კიდევ იმედოვნებდა რუსეთის დახმარებას. მან რამდენჯერმე აცნობა წინა კავკასიაში განლაგებული რუსთა ჯარების სარდალს გენ. გუდოვიჩს მოსალოდნელი საფრთხის შესახებ და სამხედრო დახმარება ითხოვა. გენ. გუდოვიჩს დამოუცილებლად საკითხის გადაწყვეტის უფლება არ ჰქონდა. მან ერეკლე II-ის თხოვნა მთავრობას აცნობა და დაელოდა პეტერბურგიდან შესაბამის განკარგულებას¹³.

1795 წლის ივნისში ქართველთა ლაშქარმა ალექსანდრე ერეკლეს ძე ბაგრატიონის სარდლობით ყარაბაღში სასტიკად დაამარცხა ირანის 8000-იანი კორპუსი, რომელიც ამიერკავკასიის სახანოების დასამორჩილებლად მოდიოდა¹⁴. ალა-მაჰმად ხანის გაძლიერებამ ძალთა გადაჭრუფება გამოიწვია ამიერკავკასიაში. ყარაბაღისა და ერევნის სახანოები ახლა უკვე ერეკლე II-ის გარშემო დაირაზმნენ, ირანის მხარეზე გადავიდნენ განჯის ხანი ჯავადი და ყარაბაღის ორი სომეხი მელიქი — აბოვი და მეჯღუმი.

1795 წლის ივლისში ირანელთა ლაშქარმა არაქსი გადმოლახა და ბაქო-ყუბნის, ყარაბაღისა და ერევნის მიმართულებით დაიწყო შეტევა.

ავგისტოს თვე ალა-მაჰმად ხანმა ყარაბაღის ქ. შუშასთან ბრძოლას მონაწილეობა. მართალია, მან შუშის ციხესიმაგრე ვერ აიღო, მაგრამ დრო ტყუილად არ დაუკარგავს; იგი ზვერავედა როგორც ქართლ-კახეთს, ასევე ჩრდილოეთ კავკასიას.

ალ. ორბელიანის გადმოცემით, „თითქმის ქალაქ თბილისის მახლობ-

¹³ ირანელთა 1795 წ. შემოსევის შესახებ იხ. ი. ცინცაძე, ალა-მაჰმად-ხანის თავდასხმა საქართველოზე, თბ., 1963; ივ. შაიშველაშვილი, კრწანისის ომი — ეურნ. „მნათობი“, 1964, № 7—8; საქართველოს ისტორიის ნარკვევები, ტ. IV, გვ. 754—768, სადაც მითითებულია სათანადო წყაროები და ლიტერატურა.

¹⁴ საქართველოს ისტორიის ნარკვევები, ტ. IV, გვ. 757.

ლად მოვიდა ალა-მაჰმად ხანი, (რუსთა) ჯარი კი არსად ჩანდა მეფის ირაკლისათვის, ყოველის მხრიდან აიყარნენ ქართველები და მაგარს ადგილებში გაიხიზნენ: თავადნი თუ აზნაურნი, ან გლეხნი სულ ერთიან. ამისათვის იტყვიან. ციხე შიგნიდან გატყუდებოა. ასე იყო მაშინ საქართველოს საქმე. მეფის ირაკლის მტრობის გულისათვის ის უსინდისონი, სადაც იმ დროს მთელს საქართველოში მეფის ირაკლის მტრები ჩუმად დაწანწალებდნენ და ხალხს აშინებდნენ: ალა-მაჰმად ხანი ორასი ათასი ჯარით მოდის, დაიხიზნენით, თორემ სულერთიან წაგვლეკავსო“¹⁵.

ირანელთა თავდასხმა, რუსეთისაგან დამხმარე ჯარის მოლოდინისა და მტრის სწრაფი მანევრირების პირობებში, თითქოს უეცარი იყო.

1795 წლის 10 სექტემბრისათვის ირანელთა ლაშქარი კრწანისის მიხდორზე დაბანაკდა. ამ ლაშქრის საერთო რიცხვი არ აღემატებოდა 35—40 ათას კაცს.

თბილისი დიდი განსაცდელის წინაშე აღმოჩნდა. ქალაქი დატოვა სამეფო კარმა (დედოფალი დარეჯანი, მკირეწლოვანი უფლისწულები, კანცელარია), არისტოკრატთა ოჯახებმა, მდიდარმა მოქალაქეებმა. — ამან გააძლიერა პანიკა, მოსახლეობის მხოლოდ ერთი ნაწილი გავიდა ბრძოლის ველზე.

9—10 სექტემბერს თბილისში გაიმართა სამხედრო თათბირი. ერეკლე II-მ გაითვალისწინა გეოგრაფიული მდებარეობა და ჯარის ნაწილები შემდეგნაირად განალაგა: მთავარი ძალა სეიდაბადის ბალების ბოლოს ჩაასაფრა; აქ ქართველებმა სამი დიდი სანგარი გათხარეს. მარჯვენა ფრთა ჩააბარა დავით გიორგის ძე ბატონიშვილს 6 ზარბაზნითა და 400 მხედრით; იგი მოვალე იყო განემტკიცებინა ქართველთა მთავარი ძალების ზურგი. მოწინავე ნაწილს სარდლობდა იოანე გიორგის ძე ბაგრატიონი. მარცხენა ფრთაზე იდგა იოანე მუხრან-ბატონი, მას უნდა დაეცვა მტკვრის მარჯვენა ნაპირი. თვით მეფე იდგა ცენტრში, მასთან იყვნენ ზურაბ წერეთელი იმერთა რაზმით, ერეკლე II-ს ზურგს უმაგრებდნენ ვახტანგ ერეკლე II-ის ძე ბაგრატიონი, ოთარ ამილახვარი, ქალაქის მისასვლელში იდგა იმერეთის მეფე სოლომონ II¹⁶. ალა-მაჰმად ხანმა ლაშქარი 12 გუნდად დაჰყო. ჯარის ავანგარდს შეადგენდნენ ირანელები, რომელთაც მოჰყვებოდნენ თურქმანები. ცალკე ლაშქარს ჰქმნიდა ყარაბაღელთა რაზმი მელიქ მეჩლუმისა და მელიქ აბოვის სარდლობით. მათ ნაბრძანები ჰქონდათ კოჯრის გზიდან მიეტანათ იერიში ქართველებზე.

¹⁵ შ. მ. ხ. ი. ა. და სხვ. თბილისის ისტორია, გვ. 217.

¹⁶ იქვე. გვ. 218.

10 სექტემბერს ირანელთა ლაშქრის მოწინავე ნაწილი 3000 კაცის შემადგენლობით თითქმის მთლიანად მოსპევს ქართველებმა ტაბახმელასა და შინდისის ხეობებს შორის. პირველმა მარცხმა მეტად შეაშფოთა საქურისი შაჰი. არსებობს ცნობა, რომ იგი უკან დახევას იწყებდა, მაგრამ, გაიგო რა ქართველთა ლაშქრის მცირე რაოდენობის შესახებ, გადაწყვიტა შეტევის განახლება¹⁷.

11 სექტემბერს ადრიანი დილიდან დაიწყო გააფთრებული ბრძოლები კრწანისის ველზე. ირანელებმა დიდხანს ვერ მოახერხეს ცენტრალური ფრონტის გარღვევა. აქ სარდლობდა თვითონ ერეკლე II, რომლის სიახლოვე გმირული ბრძოლის სურვილით აღანთებდა ქართველ მებრძოლებს. ალა-მაჰმად ხანმა ისარგებლა თავისი ლაშქრის მრავალრიცხოვნებით და ქართველთა რაზმებს შინდისის მხრიდან, ზურგიდან, მოუარა. ამ ფანდმა გაკრა. ჯერ დავით ბატონიშვილის მარჯვენა ფრთა მოიშალა, შემდეგ მთელმა ფრონტმა უკან დაიხია მეოთხე სანგრისაკენ. გააფთრებული ბრძოლების შემდეგ მტერმა მეოთხე სანგარიც აიღო; იმერთა რაზმებმა ადრე დაიწყეს უკან დახევა; ცენტრალური ფრონტის გარღვევის შემდეგ ზურაბ წერეთელმა უნაყოფოდ ჩათვალა ბრძოლა და 2000 იმერელი ქალაქიდან გაიყვანა.

კრიტიკულ მომენტში სანგრის დამცველებს მიეშველა თბილისელ მოქალაქეთა რაზმი, „სასახლის კომედიანტის, მსახიობისა და მუსიკის კაცის“ მჩაბლის ხელმძღვანელობით. მჩაბელი სიმღერით ამხნევებდა მებრძოლებს. ბრძოლამ უაღრესად გააფთრებული ხასიათი მიიღო. გმირულად დაიღუპნენ ამ დღეს 300 არაგველი, დავით ბატონიშვილის არტილერიისტები, გაბრიელ მაიორი, მოქალაქე ალაღუა, განსაკუთრებით თავი გამოიჩინა გიორგი გურამიშვილმა. აი, როგორ აგვიწერს ამ უკანასკნელის გმირობას ალ. ორბელიანი: „ზარბაზნების უფროსმა, მაიორმა გიორგი გურამიშვილმა... ნახა, რომ სიკვდილი მისულიყო იმათზე, ყველას ხმამაღლა შესძახა: „ქართველებო, ძმებო!“ ცხადად ვხედავთ, აუცილებელი სიკვდილი მოსულა ჩვენზე. მაგრამ ესეც შეგვიძლია უნამუსოდ დავნებდეთ ყიზილბაშებს. აბა, რომელი გინდათ: სახელით სიკვდილი მამულისათვის და კარგის მეფისათვის, თუ უნამუსოდ სიცოცხლე? — ყველამ ერთპირად უპასუხა: ჩვენს მამა-პაპასა უნამუსობა არა ჰქონიათ და ჩვენც იმათი შვილები ვართ. სიკვდილი გვიჩვენია უნამუსოდ სიცოცხლეს“. — „გმადლობთ ძმებო! რაც თქვენს კაცობას ეკადრება, სწორედ იმისთანა გული გაქვთ. მაგრამ სამი თითით ყველამ მიწა ავიღოთ, შევკვამოთ; ეს იყოს წმინდა საიდუმლოს მაგიერი. მას უკან საიქიოს წავედგეთ სახელოვ-

¹⁷ საქართველოს ისტორიის ნარკვევები. ტ. IV, გვ. 762.

ნათ¹⁸. გიორგი გურამიშვილმა თანამემამულეებს თვითონ მისცა გმირული სიკვდილის მწგალითი, ოთხი მომხდური განგმირა ხმლით და ზარბაზანზე გადახვეული დაიღუპა.

1795 წელს მოხუცმა მეფემ უკანასკნელად მოიქნია ხმალი საგარეო მტრების წინააღმდეგ; კიდევ ერთხელ თვალსაჩინოდ დაუმტყიცა შთამომავლობას, რომ მას შესწევდა უნარი თავი გაეწირა სამშობლოს თავისუფლებისა და დამოუკიდებლობისათვის. 11 სექტემბერს, თბილისის კარიბჭესთან საბედისწერო ბრძოლაში, როცა ცხადი გახდა, რომ ირანელი დამპყრობლები იმარჯვებდნენ, ერეკლე ხმალამოწედილი მუსრავდა თავდამსხმელებს. ბრძოლის მონაწილის გადმოცემით, იგი „თუმცა-ღა იყო ფრიად მოხუცებულ (75 წლის), გარნა ბრძოლასა შინა ყოფაქცევა მისი იყო მრავალთა ქაბუჯთაგან სანატრელ“¹⁹. სიკვდილი ან ტყვეობა მოელოდა დიდ ბაგრატიონს, რომ იგი ერთვულ მეომრებს არ გამოეყვანათ ხელჩართული ბრძოლიდან.

ავლაბრის ხიდზე შეაგდო ცხენი გამარჯვებას ჩვეულმა და აწ დამარცხებულმა სარდალმა. ის 150 კაცი, რომელნიც ახლა მას მიაცილებდნენ, თითქმის ყველა დაჭრილი იყო. წამით შედგა ერეკლე და უკან მოიხედა. სპარსელები თანამებრძოლთა გვამებზე გადადიოდნენ და ქალაქისაკენ მიიწევდნენ²⁰. თბილისის არსახული ტრაგედია იწყებოდა. გულამღვრეული გმირი მეფე ისევ გაიჭრა საომრად გარღვეული ფრონტისაკენ, სადაც მას უეჭველი სიკვდილი მოელოდა, მაგრამ მხლებლებმა გზა გადაუღობეს და ძალით გადაიყვანეს მეტეხის ხიდის გაღმა, მარცხენა ნაპირზე. სწორედ „იქ, კლდოვან ნაპრალზე გამოსახული ჭვარის წინ ჩამოხტა მეფე, დაიწოქა და ქრისტიანობისათვის წამებულ აბოს ნეშტს შეავედრა „ქრისტეს ჭვრისათვის ჭვარცმული ერი“²¹. ეს იყო ნამდვილად უიშვიათესი ეპიზოდი, რომელიც უკვდავი შარავანდელით მოსავდა მეფე-მეომრის პიროვნებას.

1795 წლის 11 სექტემბერს ღამით თბილისში შეიჭრნენ ალა-მაჰმად ხანის მრავალრიცხოვანი ურდოები. დაიწყო დაუნდობელი რბევა-აწიოკება. აღსანიშნავია, რომ 1721 წლის კონსტანტინე-კახთა მეფის რბევის შემდეგ (რაც ძირითადად ძარცვაში გამოიხატა), ქალაქს არ განუცდია ასეთი საშინელება.

თბილისში შესულმა ყიზილბაშების ჯარმა, მირზა იუსუფ ყარაბაღელის გადმოცემით, „დაიწყო ქალაქის ძარცვა-რბევა“ და „სიხარულის

¹⁸ ქ ა მ ბ ა კ უ რ ო რ ბ ე ლ ი ა ნ ი, ალ. ვახტანგის ძე, ალა-მაჰმად-ხანის შემოსევა ქ. ტფილისში (ეურნ. „მოამბე“, 1895, № 8).

¹⁹ საქართველოს ისტორიის ნარკვევები, ტ. IV, გვ. 763.

²⁰ იქვე.

²¹ იქვე, გვ. 763—764.

სახლი“ ტირილისა და შეშფოთების სავანედ აქცია, ქალაქის მცხოვრებთაგან, ზოგი პრიალა ხმლის ლუკმა გახდა, ზოგიც ტყვეობის ბორკილებში მოქცეა. ყველა ფერიის სახიანი (ქალწული) — ურჩხულის გარეგნობის მქონე არსებათა მიერ იქნა შეპყრობილი და ყოველი ბროლმკერდიანი (ქალი) მტარვალთა ტყვე გახდა. ძვირფასი მოწყობილობა გელესიებისა გაძარცულ-წაბილწული იქნა და მომხიბვლელი სასახლეების ნივთები ემშაყების ბრბოთა მიერ იქნა დატაცებული“²².

„ამ შევბენელ დროს ალა-მაჰმად ხანი თავისი შავი და ბნელი გულით შვიდ დღეს დარჩა იქ და ის ქალაქი მთლად დაანგრია და მწუხარებით აავსო, ხოლო მაღალი და დიდებული შენობები ცოცხალი არსებისაგან დააცარიელა“²³.

ალა-მაჰმად ხანი გულგრილი გეგმაზომიერებით სპობდა მთელ ქალაქს, სკლიდა მცხოვრებლებისაგან, წვეადა შენობებს. შაჰმა ქალაქის განადგურება დაიწყო 12 სექტემბრიდან; თბილისში შემოსვლისთანავე განჯის ხანის ჯავად ზიად-ოღლის თანხლებით გაემართა სამეფო პალატებისაკენ, დაათვალიერა მთელი შენობა. სამეფო სალარო, სამხედრო ქარხნები, რაც მოეწონა, თვითონ აიღო, დანარჩენი ლაშქარს მისცა გასაძარცვავად. გასცა ბრძანება, აეოხრებინათ ეკლესიები, სასახლეები. ცეცხლს მისცეს ერეკლე მეფის ბრწყინვალე სასახლე თავისი ფლიგელებით, სამეურნეო შენობებით, მდიდარი წიგნსაცავითა და ხელნაწერებით.

ქალაქში შემოსვლისას ალა-მაჰმად ხანს, სეიდაბადის კარებთან დახვედრიან მოქალაქეთა წარმომადგენლები, რომელთაც მცხოვრებთა უვნებლობა უთხოვიათ მისთვის, მაგრამ უარი მიუღიათ — ისეთ გასამართლებას უნდა მოელოდეთ, როგორც ღვთის სამსჯავროში ხდება საკუთარი ცოდვებისათვისო. გელესიის მსახურებს თავი მოუყარეს, ხელები შეუკრეს და ადიდებულ მტკვარში გადაყარეს²⁴.

კრწანისის ომში ყიზილბაშებმა თითქმის 13 000 კაცი დაჰკარგეს, საკმაოდ ბევრი დაიღუპა ორივე მხრიდან ქალაქში ბარიკადული შეტაკებების დროს. მტერს გააფთრებით ებრძოდნენ ქალებიც. აღსანიშნავია რუსეთში წასული ქართველი თავადის გარსევან ამილახვარის მეუღლის მაგალითი: მამაცმა ქალმა ორი მომხდური გაისტუმრა საიქიოს და თავად მხოლოდ დაჭრილი დანებდა მტერს. ირანელებმა არნახული დარტყმა

²² შ. მესხია და სხვ., თბილისის ისტორია, 1958, გვ. 221. ავტორებს, როგორც ჩანს, უსარგებლიათ ყარაბაღელის თხზულების — „თარიხე საფის“ ვ. ფუთურდიისეული ქართული თარგმანით, რომელიც ჯერ კიდევ არაა გამოქვეყნებული..

²³ იქვე.

²⁴ იქვე, გვ. 221—222.

მიაყენეს თბილისს. დაახლოებით 15—18 ათასი კაცი ტყვედ წაიყვანეს, დანარჩენი მოსახლეობის დიდი ნაწილი გაწყდა²⁵.

ალა-მაჰმად ხანმა მეორეჯერ გაანადგურა ახტალის სამთამადნო მრეწველობა, აქ 700 ბერძენი მემადნე მოჰკლეს და 836 ტყვედ წაიყვანეს²⁶.

XVII—XVIII საუკუნეების მთელ მანძილზე ირანულ დამპყრობლებს არაერთგზის აუღიათ თბილისი, მაგრამ თითქმის არასოდეს შეხებიათ ვაქარ-ხელოსანთა ფენას. საქმე ისაა, რომ XVIII ს. მეორე ნახევარში თბილისი ფაქტობრივად მოწყდა ირანულ ბაზრებს, აქედან გამომდინარე ალა-მაჰმად ხანი ანგრევდა არა ირანული ორბიტის ქალაქს, არამედ სრულიად განსხვავებულ, პოლიტიკურად და ნაწილობრივ ეკონომიკურად „გაუცხოებულ“ ქალაქს. ებრძოდა რა რუსეთის დამკვიდრებას ამიერკავკასიაში, მან საბოლოოდ და სრულად ჩატეხა ხიდი ირანსა და საქართველოს შორის. ეს შესანიშნავად დაინახა XIX საუკუნის ქართველმა საზოგადოებამ. შემთხვევით არ იყო, რომ ნიკოლოზ ბარათაშვილმა თავის პოემაში „ბედი ქართლისა“ რუსეთთან საქართველოს შეერთება უშუალოდ კრწანისის ტრაგედიას დაუკავშირა; როგორც ჩანს, მისი შეხედულებით, 1801 წლის აქტი უშუალოდ გამომდინარეობდა 1795 წლის სექტემბრის ტრაგედიიდან.

1795 წლის შემოსევით ალა-მაჰმად ხანმა უდიდესი პოლიტიკური დარტყმა მიაყენა თვით ირანის ინტერესებს ამიერკავკასიაში.

თბილისის ტრაგედიამ დიდი რეზონანსი პოვა აღმოსავლეთის ქრისტიანულ სამყაროში, განსაკუთრებით სომხურ მოსახლეობაში²⁷.

თბილისისა და თბილისელების უბედურება გულწრფელად დაიტრია იმდროინდელმა სომეხმა მწერალმა სერობმა. მის „ანდერძ-მინაწერიდან“ ვიგებთ, რომ ირანელი ჭარისკაცები ყოველ მოკრილ თავში იღებდნენ 3 თუმანს. მნიშვნელოვანი გარემოებაა ისიც, რომ ყველაზე სასტიკად

²⁵ ერეკლეს ცნობით ტყვეთა რაოდენობა 30 000 უდრიდა (ა. ც ა გ ა რ ე ლ ი, დასახ. ნაშრომი, ტ. II, ნაკვ. II, გვ. 167); ნ. დუმბროვინი ასახელებს 10 000 კაცს (ნ. დ უ მ ბ რ ო ვ ი ნ ი, დასახ. ნაშრომი, ტ. III, გვ. 43); პ. ბუტკოვის მიხედვით 10 000 ტყვედ წაასხეს ირანელებმა, ამდენივე მათმა მოკავშირეებმა (პ. ბ უ ტ კ ო ვ ი, დასახ. ნაშრომი, ტ. II, გვ. 34); ზ. შარაშენიძე ირანულ წყაროებზე დაყრდნობით ასახელებს 15 000-ს; მ. დუმბაძეს ეს ციფრი მიაჩნია უფრო სწორად, რადგან არასამხედროვალდებული მოსახლეობა მახლობელ მთებში დაიხივნა (ემყარება იოანე ქართველიშვილის მემუარებს; იხ. საქართველოს ისტორიის ნარკვევები, ტ. IV, გვ. 765).

²⁶ Э с а л з С. Очерк историн горного дела на Кавказе, Тифлис, с. 14.

²⁷ 1795 წელს ალა-მაჰმად ხანის ჭარების მიერ თბილისის აოხრების შესახებ სომხური ლიტერატურული ძეგლების ბიბლიოგრაფია, მათი სრული დახასიათება მოცემული აქვს პროფ. ლ. მელიქსეთ-ბეგს თავის მნიშვნელოვან სტატიაში „ანონიმი ისტორიკოსის ახლად აღმოჩენილი ნაშრომი თბილისის აოხრების შესახებ 1795 წელს“, იხ. სსრკ მეცნ. აკად. სომხეთის ფილიალის მოამბე, 1941, № 3—4 (8—9) სომხურ ენაზე, იხ. აგრეთვე ვ. ნ ა ლ ბ ა ნ დ ი ა ნ ი, თბილისი ძველ სომხურ მწერლობაში, თბ., 1959, გვ. 160—170.

ეწამნენ მაშინ „თბილისის მაკმადიანები“. ასეთი ცნობა დაცული აქვს სხვა სომეხ მწერალსაც. ირანელებს ებრძოდნენ სომეხი გრიგორიანებიცა და მაკმადიანებიც, რომლებიც ბუნებრივად თავს თვლიდნენ საქართველოს მოქალაქეებად. თბილისის უბედურება დაიტირეს კონსტანტინოპოლის, ვენეციის, ვალარშაპატისა და სხვ. სომეხებმა. უაღრესად შთამბეჭდავია უშუალოდ ამბების მომსწრე შამჩი-მელქოს მწუხარე ლირიკა. იგი მწარედ დასტირის შრომისმოყვარე, ხალისიანი, მხიარული ქალაქის განადგურებას, საზ-ქამანის, ლხინისმოყვარე თბილისელების ამოწყვეტას. განსაკუთრებით მტრულადაა განწყობილი შამჩი-მელქო მელიქ მეჯლუმის მიმართ, ის წერს:

„მელიქ-მეჯლუმ, ძალის კერძო, ჭავთ-ხანო ლევო ყურშაე!
ივარ-ქმნილ ჩვენს ქალაქში თქვენ-ლა ჰყრიხართ ბაიყუშად...
თავეანწირვის ფიცი. დასდევს ხვესურმა და ჩაჩქ-თუშმა
რომ გულმეკრდით დიციადნენ ვით ლომებო დედაქალაქს“.

შამჩი-მელქო მისტირის გარეკილ ტყვეებს, რომლებიც „ვინ შაქს მოხედა, შირვანს, ყუბას, ვინ დაღესტანს მიაღწია, ვინ სად — თავრიზ-თეირანში, ზოგმა არაბისტანს“. „ეჰ, სადა ხართ ჭეღვებო, ვინც კშვენოდით კოხტა ქალაქს, ვინც ერთმანეთს ძმებს ეძახდით, სეირნობდით მყუდრო ალაგს“.

აღსანიშნავია ისიც, რომ კრწანისი საყვარელ თემად იქცა მომდევნო თაობის სომხური ლიტერატურისათვისაც. ხაჩატურ აბოვიანმა შექმნა ნაწარმოები „უკანასკნელი გამოსათხოვარი მხნე მეფის ირაკლისა“²⁸.

XIX საუკუნის დასაწყისიდან, ქართული ეროვნული სახელმწიფოებრიობის დაცემის შემდეგ განვითარდა ისტორიული რომანტიზმი, რომელმაც აიტაცა ე. წ. „კრწანისის სევედა“. ეს თემა ბევრი პატრიოტი ქართველის შთაგონების წყაროდ იქცა.

1795 წლის სექტემბერში თბილისის რბევისას ალა-მაკმად ხანმა სცადა მოლაპარაკება დუმეთში გახიზნულ ერეკლე II-თან. რასაკვირველია, ეს დიპლომატიური ნაბიჯი უდავოდ მიუთითებდა ალა-მაკმად ხანის, როგორც პოლიტიკოსის შეზღუდულობაზე. მის მიერ გამოჩენილი სისასტიკე გამორიცხავდა რაიმე მორიგებას საქართველოსთან. თბილისის აოხრებით საქურისმა შაჰმა საფუძველი გამოუთხარა ქართულ სახელმწიფოს, მაგრამ ამავე დროს დაასამარა ქართულ-ირანული კავშირი.

20-21 სექტემბერს ალა-მაკმად ხანი თბილისს გაეცალა ისე, რომ

²⁸ ვ. ნ ა ლ ბ ა ნ დ ი ა ნ ი, დასახ. ნაშრომი, გვ. 170.

არც უცდია მისი შენარჩუნება, ქართლ-კახეთში არ მოიძებნა ისეთი ძალა, რომელიც მას გამოადგებოდა საყრდენად. ირანთან დამოკიდებულების აღდგენის მომხრე ამ დროისათვის თითქმის არავინ იყო.

1795 წლის ოქტომბრიდან ერეკლე II-ის განკარგულებით დაიწყო თბილისის აღდგენითი სამუშაოები, რომლის მთავარ მეთვალყურედ გიორგი ბატონიშვილი დაინიშნა. სამუშაო კოლოსალური მოცულობის იყო. მოკლე ხანში ირანელებმა მოახერხეს თითქმის მთელი ქალაქის საძირკვლიანად დანგრევა.

გიორგი ბატონიშვილმა ენერგიულად მოჰკიდა ხელი საქმეს. ერეკლე II-მ მას ფართო რწმუნებანი მიანიჭა. ამ საქმეში გიორგის მორიგეობით ეხმარებოდნენ ძმები: ალექსანდრე, ვახტანგ (იგივე ალმასხან) ბატონიშვილები, აგრეთვე ვაჟები: მემკვიდრე უფლისწული დავითი და განსაკუთრებით ენერგიული იოანე. თბილისის აღდგენა მთელი ქვეყნის საქმედ იქცა, დაწესდა საგანგებო ბეგარა, დაიწყო სახსრების გამოძებნა. პირველ რიგში აღადგენდნენ ხიდებს, საზოგადოებრივ დაწესებულებებს — აბანოებს, წისკვილებს და, რა თქმა უნდა, სამეფო პალატებს. მაგრამ, სანამ უშუალოდ აღდგენას დაიწყებდნენ, საჭირო იყო შესაბამისი ბაზის შექმნა.

გიორგი ბატონიშვილის განკარგულებით ჩადგეს საკირეები, განაახლეს აგურ-კრამიტის ქარხნები. უსახსრობა და შესაბამისი ბაზის უქონლობა ძალზე დიდ სიძნელეებს უქმნიდა დაწყებული საქმის განხორციელებას. მალე გამოირკვა, რომ ძირითადი სიძნელე მდგომარეობდა შემოსევის შედეგად გაძარცულ თბილისელთა განწყობილებაში. აღდგენითი სამუშაოების დაწყების წინ გიორგი ბატონიშვილთან, მის რეზიდენციაში ავლაბარში, გამოცხადდა გადარჩენილ მოქალაქეთა დელეგაცია, რომელიც თავის სავალალო ხვედრზე ჩიოდა და ბრალს სდებდა მთავრობას, რომელმაც მოქალაქეთა დაცვა ვერ უზრუნველყო.

ცოტათი მოგვიანებით, მეტეხის ხიდის აღდგენის გაჭიანურებისას, გიორგი ბატონიშვილს კვლავ მოუხდა შეჩახება მოქალაქეთა აშკარა, გამომწვევ გამოხვლასთან. იგი იძულებული გახდა სპეციალური საჩივრით მიემართა მამა-მეფისათვის, მაგრამ ერეკლე II, გრძობდა რა სიტუაციის სირთულეს, თავს იკავებდა მკაცრი ზომების გატარებისაგან ისედაც გაუბედურებული მოქალაქეების მიმართ. მით უმეტეს, რომ, როგორც გამოირკვა, მოხელეები უსინდისოდ ატყუებდნენ სამეფო ხელისუფლებასაც და მოქალაქეებსაც. ისინი აღდგენითი სამუშაოებისათვის გამოყოფილ თანხებს ითვისებდნენ. გიორგი ბატონიშვილმა დიდი გულმოდგინება, სათანადო უნარი და მონდომებაც გამოიჩინა, მაგრამ შეუძლებელი იყო დანგრეულის მთლიანად აღდგენა.



1795 წლის კრწანისის ტრაგედიამ საფრთხე შეუქმნა რუსეთის აღმოსავლურ პოლიტიკას. ეკატერინე II-ის მთავრობა მიხვდა, რომ ალა-მაჰმად ხანის მოქმედების უპასუხოდ დატოვებას შესაძლოა გაეძლიერებინა ანტირუსული განწყობილება ქართლ-კახეთის სამეფოში. პეტერბურგში დაიგეგმა ირანზე ლაშქრობა ალა-მაჰმად ხანის დასჯის საბაბით. ლაშქრობის მთავარსარდლად დაინიშნა გრაფი ზუბოვი. ამ უკანასკნელის გეგმით ქართლ-კახეთიდან და დარუბანდ-ბაქოს სახანოებიდან უნდა შეკრილიყო ირანის სიღრმეში.

1796 წლის აპრილში გრაფმა ზუბოვმა დასძრა თავისი არმია ამიერკავკასიისაკენ; სწრაფი მარშით აიღო დერბენდი, ბაქო, შემახა და დაცაყა აზერბაიჯანის მთელი კასპიისპირა პროვინციები. ქართლ-კახეთის სამეფოს ავტორიტეტი დროებით კვლავ გაიზარდა, საქართველოში იმყოფებოდა ორი რუსული ბატალიონი, რაც მის უშიშროებას გარანტირებულს ხდიდა.

1796 წლის 6 ნოემბერს გარდაიცვალა ეკატერინე II. ახალმა იმპერატორმა პავლე I-მა რუსეთის კასპიისპირეთის საექსპედიციო კორპუსი სასწრაფოდ უკან გაიწვია, მაგრამ მან დატოვა საქართველოში უკვე მყოფი პოლკები. მისი დამოკიდებულება კარგად გამოიხატა მის წერილში გენ. ვულოვიჩისადმი: არ გაეწყვიტა კავშირი ქართლ-კახეთის მეფესთან. გენ. ზუბოვმა ჯარის გაყვანის ბრძანება მიიღო 1796 წლის 6 დეკემბერს.

აღნიშნული ჯარების ევაკუაცია ყოვლდებოდა ზამთრის პირობების გამო. არც რუსეთი ჩქარობდა. ერეკლე II-მ სასწრაფოდ მიავლინა პეტერბურგში თავისი ელჩი გარსევან ჰავკავაძე²⁹. მეფე მოითხოვდა გამოეგზავნათ საქართველოში 4000 მეომარი. ერეკლე II-მ ამ თხოვნას ალა-მაჰმად ხანის ახალი მუქარის წერილიც თან დაურთო უფრო მეტი შთაბეჭდილების მოსახდენად. რუსეთის მთავრობამ გადაწყვიტა საქართველოში დაეტოვებინა ის ორი ბატალიონი, რომლებიც 1796 წლის დეკემბერში შემოვიდა დარიალის გზით. ირანის შაჰი ემზადებოდა კვლავ შემოჭრილიყო საქართველოში, მაგრამ 1797 წლის 6 ივლისს იგი შეთქმულებმა მოკლეს.

1797 წლის შემოდგომაზე საქართველოში მდგომი რუსთა ჯარიც გაიყვანეს.

1797 წლის 31 დეკემბრის ნოტიო გარსევან ჰავკავაძე რუსეთის მთავრობისაგან გადაჭრით მოითხოვდა — ან შეესრულებინათ 1783 წლის

²⁹ Бутков П. Материалы для истории Кавказа, ч. III, СПб., 1869, с. 324.

ტრაქტატით გათვალისწინებული პირობები, ან საერთოდ უარი ეთქვათ მასზე³⁰. ერეკლე II-ის ელჩის ეს ულტიმატუმი ემყარებოდა რეალური სიტუაციის ჭანსად შეფასებას. გადიოდა დრო, სულ რაღაც 13—14 წლის განმავლობაში ქართლ-კახეთის მოსახლეობა 350 ათასი კაციდან 200 ათასზე ჩამოვიდა³¹. ერეკლე II-ის პრორუსული პოლიტიკით გამოწვეული უმაყოფილება მოედო არამარტო უმაღლეს არისტოკრატბას, არამედ საქალაქო წრეებსაც.

1797 წელს ქ. თბილისში გამომქვანდა მეფის საწინააღმდეგო შეთქმულება, რომელშიც უმთავრესად მონაწილეობდნენ თბილისელი მრეწველ-ვაჭრები ან მათთან დაახლოებული ფეოდალები. სავაჭრო კაპიტალის მონაწილეობა მეფის საწინააღმდეგო შეთქმულებაში აიხსნებოდა წმინდა ეკონომიკური მოსახზრებებით. მეფის პოლიტიკამ თბილისის სავაჭრო კაპიტალს შეუზღუდა აღმოსავლური (ირანული და თურქული) ბაზრები³².

ქართლ-კახეთის სახელმწიფოს მდგომარეობა კიდევ უფრო გაუარესდა მშინ, როცა მას ერეკლე II-ის დიდი ავტორიტეტი და გამოცდილება მოაკლდა. იგი გარდაიცვალა თელავში, 1798 წ. 11 იანვარს, 78 წლის ასაკში³³.

„ძალზე რთული და დაუძლეველი აღმოჩნდა ის წინააღმდეგობანი, რომელთა გადალახვა წილად ხედა ერეკლესა და მის სახელმწიფოს. და თითქოს თანამიმდევრული თუ ავბედითი სტიქიის ძალით ქართლ-კახეთმა ერეკლეს გარდაცვალებიდან სამიოდე წლის შემდეგ თავისი სახელმწიფოებრიობა დაჰკარგა“³⁴.

უარესად დაიძაბა პოლიტიკური სიტუაცია აღმოსავლეთ საქართველოში. ერეკლეს მემკვიდრის — გიორგი XII-ის ავადმყოფობამ კიდევ უფრო გააღრმავა ანარქია. ბატონიშვილები ერთმანეთს დაერივნენ ხელისუფლებისათვის ბრძოლაში. გაჩნდა ტახტისათვის ბრძოლის ორი მთავარი დაჯგუფება: იულონ ბატონიშვილისა (მხარს უჭერდნენ დარეჯან დედოფალი და ერეკლე II-ის სხვა შვილები) და დავით ბატონიშვილის (მხარს უჭერდნენ ძმები, ე. ი. მეფე გიორგის ძენი). ამ დაჯგუფების მომხრე იყო თბილისის მოსახლეობის უდიდესი ნაწილიც.

1799 წლის 18 აპრილს იმპერატორმა განაახლა 1783 წლის ტრაქტატი, მეფედ გიორგი XII დაამტკიცა, ტახტის მემკვიდრედ კი — დავით გი-

³⁰ საქართველოს ისტორიის ნარკვევები, ტ. IV, გვ. 773.

³¹ იქვე, გვ. 774.

³² Натадзе Г. Крестьяне «Сахасо» в Восточной Грузии в конце XVIII столетия. — მასალები საქართველოს და კავკასიის ისტორიისათვის, 1937, ნაკვ. V, გვ. 364—365.

³³ საქართველოს ისტორიის ნარკვევები, ტ. IV, გვ. 774.

³⁴ იქვე, გვ. 777.

ორგის ძე ბაგრატიონი. რასაკვირველია, ამ აქტით არ შენელებულა და აჯგუფებათა ურთიერთბრძოლა თბილისში, მაგრამ მაინც რუსეთის მთავრობის ოფიციალურმა პოზიციამ, ასე თუ ისე, განამტკიცა გიორგი XII-ის და მისი ოჯახის მდგომარეობა. საშინაო ბრძოლა კვლავ გრძელდებოდა.

თბილისელი ვაჰკრების უმრავლესობა მხარს უჭერდა რუსეთის ბატონობის დამყარებას საქართველოში³⁵. „ვაჰკრებს თავიანთი ინტერესები ჰქონდათ. ისინი ხომ რაც შეიძლება დიდი სავაჰკრო მოგებისათვის იბრძოდნენ და ფიქრობდნენ, რომ ძლიერი ხელისუფლება უკეთ დაიცავდა მათ ინტერესებს. ხოლო რუსული და ევროპული საქონლით სპეკულაციური ვაჰკრობის გაფართოებით ნაღდი მოგებისათვის ფართო ასპარეზი გაიხსნებოდა“³⁶. ძლიერი ხელისუფლების მომხრე იყო გლეხობაც, ხანგრძლივი ძნელბედობით დაღლილი და შეწუხებული „გლეხები გულგრილად უყურებდნენ ქართლ-კახეთის სახელმწიფოს მომავალ ბედს, რომლის განქვერგება მათ არ შეეძლოთ“³⁷.

1799 წლის ნოემბერში საქართველოში რუსეთთან ხელშეკრულებით გათვალისწინებული დამხმარე ლეგიონი შემოვიდა გენ. ლაზარევის სარდლობით; მას მოჰყვა რუსეთის-მუდმივი ელჩი ქართლ-კახეთის სამეფოს კარზე — მინისტრი კოვალენსკი.

1799 წლის 26 ნოემბერს, თბილისიდან 3 ვერსზე, გიორგი XII საზეიმოდ შეხვდა გენ. ლაზარევსა და მინისტრს კოვალენსკის, რუსეთის 46-ე ეგერთა პოლკს. „10000-ზე მეტი კაცი მიისწრაფოდა ქალაქს გარეთ, რომ რუსთა რაზმების შემოსვლა ენახა. თბილისის თითქმის ყველა სახლის სახურავე... სავსე იყო ქალებით. რომლებსაც ერთფეროვანი თეთრი ტანსაცმელი ეცვათ. კრიალა და შხით გაბრწყინებული ცის ქვეშ განფენილი ეს ბანაკი პოეტურ სანახაობას მიაგავდა“.

„ზარბაზნების სროლა და ყველა ეკლესიაში ზარების რეკვა ატყობინებდა ქართველ ხალხს დაწყებული ზემის შესახებ. ხალხის მოძრაობა, მისი აღმაფრენის შეძახილები ავსებდნენ ძმური მიღების ამაღელვებელ სურათს და ამკლავებდნენ რუსეთისადმი გულწრფელ ერთგულებას.“ ასე აცნობებდა ამ აქტს მინისტრი კოვალენსკი გენ. კნორინგს 1799 წლის 2 დეკემბერს³⁸.

დამხმარე ჯარის შემოსვლიდან 100 წლისთავზე დიდი ქართველი

³⁵ Джавахишвили И. Политическое и социальное движение в Грузии в XIX в., СПб., 1906. 10.

³⁶ საქართველოს ისტორიის ნარკვევები. ტ. IV, 804.

³⁷ იქვე.

³⁸ კოვალენსკის მოხსენება გენ. კნორინგს 1799 წ. 2 დეკემბერს. — Дубровин Н. История войны и владычества русских на Кавказе, III, с. 251; საქართველოს ისტორიის ნარკვევები, ტ. IV, გვ. 804—805.

მწერალი ილია ჭავჭავაძე წერდა: „მეფის კარიდამ დაწყებული უკანას-
კნელ ქოხამდე სიხარულმა გაშალა თვისი სანატრელი ფრთა, სიხა-
რულმა ხსნისამ და ნუგეშისამ. დიდი ხანია საქართველოს ამისთანა
პოწყინვალე დღე აღარ ენახა“³⁹. ეს სიხარული შემთხვევითი არ იყო.
მძინე კრიზისში მყოფი ქვეყანა ხსნის მთელ იმედებს ძლიერი მოკავშირის
დახმარებაზე ამყარებდა.

მიუხედავად აღნიშნული იმედებისა, XVIII საუკუნის მიწურულში
სამეფო კარზე კრიზისული ვითარება გრძელდებოდა. მძიმედ დასნეუ-
ლებული გიორგი მეფე, როგორც ჩანს, სათანადოდ ვერ ერკვეოდა რუ-
სეთის იმპერიის საგარეო პოლიტიკაში. იგი რუსთა დამხმარე ლეგიონს
ეყრდნობოდა. 1800 წ. 28 დეკემბერს გიორგი გარდაიცვალა... შექ-
მნილი ვითარება მარჯვედ გამოიყენეს რუსეთის იმპერიის დიპლომატებ-
მა თავიანთი დამპყრობლური გეგმების სარეალიზაციოდ, სამეფო ტახ-
ტის შემკვიდრეს დავით ბაგრატიონს მეფედ დამტკიცება არ აღირსეს.
1801 წ., იმპერატორის ბრძანებით, ქართლ-კახეთის სამეფო რუსეთის
გუბერნიად გამოცხადდა.

XIX ს. I მესამედში რუსეთმა დაიმორჩილა მთელი საქართველო და
ამიერკავკასია. თბილისი შემოერთებული „განაპირა მხარის“ ადმინის-
ტრაციულ ცენტრად იქცა.

.

³⁹ ილ. ჭავჭავაძე, თხზ., ტ. II, 1941, გვ. 428; საქართველოს ისტორიის ნარკვე-
ვები. ტ. IV. გვ. 805.

XIV

თბილისის კულტურული ბანვითარება XVIII საუკუნეში განათლება და მეცნიერება თბილისის კულტურული აღმავლობა XVIII ს. პირველ მეოთხედში

ქართული კულტურის მესვეურები ხედავდნენ, რომ XVII ს. მეორე ნახევრიდან „შეერიათ ქართველთა“ ყიზილბაშური, „უგვანო“ წეს-ჩვეულებანი. საჭირო იყო ეროვნული ქართული კულტურის შენარჩუნებისათვის ბრძოლის გაჩაღება. ამ საქმეში უდიდესი როლი შეასრულა ვახტანგ VI-მ. მან თავის ირგვლივ დარაზმა კულტურის მოღვაწეთა საკმაოდ მრავალრიცხოვანი დასი, რომელმაც დიდი სამუშაოები გაშალა. თბილისის სამეფო კარი „ერთგვარ პატარა აკადემიად“ იქცა (ა. ბარამიძე).

„სწორედ გასაოცარი ხანა იყო ეს ხანა. — წერდა ივ. ჭავჭავაძე. — ასეთი დაუღალავი მედგარი მუშაობა, რომელსაც ერთი საზოგადო მიმართულება ჰქონდა, ფართო და ღრმა ნიადაგი ეპყრა, უფლებას გვაძლევს ქართული მწერლობის ამ ხანას ენციკლოპედიური დავარქვათ სახელად. თითქმის ყველა იმდროინდელი მოღვაწის აზრი და გონება იმ ფიქრისაკენ იყო მიმართული, რომ ქართველი ხალხის შემოქმედებითი ნიჭის მრავალი საუკუნის ნამუშევარი და ნაჭირნახულევი შეეკრიბათ, შეესწავლათ და შთამომავლობისათვის დამთავრებული, ყოველმხრივი წარმოდგენა და ცოდნა გადაეცათ. იმ დიდი საქმის მოთავედ და სულჩამდგმელად დიდებული, დაუვიწყარი ვახტანგი იყო“¹.

აღნიშნული დიდი საქმის ძირითადი ცენტრი იყო თბილისი. XVIII საუკუნის პირველ მეოთხედში ქართული ფეოდალური კულტურის მოღვაწენი იყვნენ: თვით ვახტანგ VI, სულხან-საბა ორბელიანი, ონანა ქობულაშვილი, დომენტი ბაგრატიონი. გივი თუმანიშვილი და სხვა მრავალი. „ამ კულტურულ გარემოში გაიზარდა აგრეთვე ქართველ მეცნიერთა და მწერალთა ის სახელოვანი თაობა, რომელმაც შემდეგში რუსეთში განაგრძო თავისი ნაყოფიერი საქმიანობა“².

ეროვნული კულტურის მძლავრი კერის ჩამოყალიბება ქ. თბილისში უპირატესად საჭირო იყო, რადგან, ვახტანგ VI-ის სიტყვებით რომ ვთქვათ,

¹ ივ. ჭავჭავაძე, ქართული სამართლის ისტორია. I, 1928. გვ. 116.

² ლ. მეუნაბდე, ძველი ქართული მწერლობის კერები. I, ნაკვ. I. გვ. 158.

იმ დროს საქართველო „მრავალგზის მტერთაგან მოოხრებული იყო და არა დაშთომილ იყო ქართულსა ენასა ზედა სწავლა ესე ფილოსოფოსთა“. [რის გამოც] „სხვათა ენის კაცნი ქართველთა ეკიცხებოდნენ“³.

ვახტანგი იყო „ყრმათათვის დიდად მოღვაწე და სწავლა-შემატების გულს-მოდგინე“⁴.

სწავლა-განათლების განვითარებაში განსაკუთრებული წვლილი შეიტანა სულხან-საბა ორბელიანმა. მის მიერ შედგენილი საყოველთაოდ ცნობილი ლექსიკონი („სიტყვის კონა“) სასწავლო წიგნად იყო გამოიზნული. ასევე დიდი მნიშვნელობა ჰქონდა საბას მიერვე დაწერილ წიგნს — „სიბრძნე სიცრუისა“. იგი წარმოადგენს დიდაქტიურ-მორალისტური ხასიათის ნაწარმოების ნიმუშს, რითაც ავტორმა „ახალი“, ორიგინალური იდეები წამოაყენა მომავალ თაობათა აღზრდა-განათლების დარგში და პედაგოგიური აზროვნება მეცნიერულ ნიადაგზე დაამკვიდრა⁵.

განათლებისა და მეცნიერების წარმატების საყრდენი გახდა თბილისში დაარსებული სტამბა. იგი მოეწყო რუმინეთის საეკლესიო-პოლიტიკური მოღვაწის — წარმოშობით ქართველის — ანთიმოზ ივერიელის აქტიური დახმარებით. ამისთვის ანთიმოზმა აქ მოავლინა თავისი მოწაფე უნგრო-ვლახელი მიხაილ იმტევანოვიჩი.

ქართული სტამბა 1708—1709 წლებში მოეწყო. სტამბისათვის მეფის სასახლესთან ააგეს „სახლები“ ანჩისხატისა და სიონის ტაძრებს შორის.

1709—1712 წწ. თბილისის სტამბაში დაიბეჭდა 14 წიგნი, რომელთაგან 11 სასულიერო ხასიათისა იყო, 2 — სასწავლო სახელმძღვანელო. 1712 წ. გამოიცა შოთა რუსთაველის გენიალური ქმნილება „ვეფხისტყაოსანი“. მისი პირველი მეცნიერული გამოცემა პირადად ვახტანგ მეფემ განახორციელა; ამისათვის მან დიდი ფილოლოგიურ-რედაქციული სამუშაოები ჩაატარა.

„ვეფხისტყაოსნის“ გამოცემას ვახტანგმა დაურთო ბოლოსიტყვაობა, რომელსაც „თარგმანი“ (განმარტება) უწოდა; დაასაბუთა გამოცემის აუცილებლობა, დასაბამი დაუდო უკვდავი ძეგლის მეცნიერულ-კრიტიკულ შესწავლას და მეცნიერულ რუსთველოლოგიას⁶. „ვეფხისტყაოსნის“ გამოცემას დიდი მნიშვნელობა ჰქონდა ქართული ლიტერატურის მომავალი განვითარებისათვის.

³ მ. ქ ი ქ ო ძ ე, ქ. ჩ ხ ა ტ ა რ ა ი შ ე ი ლ ი, ქართული კულტურა XVIII ს-ის I ნახ-ში. — იხ. საქართველოს ისტორიის ნარკვევები, ტ. IV, გვ. 498.

⁴ ქ. შ ა რ ა შ ი ძ ე. ქართული ნაბეჭდი სახელმძღვანელოები მეთვრამეტე საუკუნეში, გვ. 37. — კრებულში „სწავლა-აღზრდის ისტორია საქართველოში“, I, 1937.

⁵ გ. თ ა ვ ზ ი შ ე ი ლ ი, სულხან-საბა ორბელიანის პედაგოგია. — წიგნი: სულხან-საბა ორბელიანი, საიუბილეო კრებული, 1969, გვ. 116.

⁶ გ. ი მ ე დ ა შ ე ი ლ ი, რუსთველოლოგია, 1941, გვ. 114.

XVIII ს. პირველ მეოთხედში ფართოდ გაიშალა მეცნიერული მუშაობაც. ცენტრალური ხელისუფლების ინიციატივით გარკვეული გარდატეხა მოხდა საისტორიო მეცნიერებაში. შეიქმნა ე. წ. „სწავლულ კაცთა კომისია“ ბერი ეგნატაშვილის მეთაურობით, რომელსაც დაევალა „ქართლის ცხოვრების“ რედაქტირება-გამართვა და გაგრძელება⁷.

საქართველოს ისტორიის მოთხრობის გამგრძელებლებმა განიხილეს საქართველოს ისტორიის ზოგი არსებითი საკითხი (საქართველოს პოლიტიკური დაშლა, სათავადოები, რუსეთთან ურთიერთობა და სხვ.). ისინი ძირითადად მაინც ქართლის წარსულს გადმოსცემდნენ⁸.

მშობლიური ისტორიის შესწავლაზე მუშაობდა აგრეთვე XVIII ს. დიდი ქართველი ისტორიკოსი ვახუშტი ბაგრატიონი, რომელმაც თავისი კაპიტალური ნაშრომი „აღწერა სამეფოსა საქართველოსა“, ანუ საქართველოს ისტორია, მოსკოვში დაასრულა 1745 წ. ახალგაზრდობის წლებში, როცა იგი თავის სახელოვან მამას მხარს უმაგრებდა ქვეყნის მმართველობაში (XVIII ს. 10—20-იან წლებში), როგორც ჩანს, საფუძვლიანად სწავლობდა საქართველოს გეოგრაფიას, ქართველი ხალხის ზნე-ჩვეულებებსა და მისი წარსულის საკითხებს. ვახუშტიმ ისარგებლა არა მარტო ქართული დოკუმენტური წყაროებით, არამედ რუსეთში არსებული რუსული და უცხოური ლიტერატურითაც. ისტორიის გამართვისადმი მისი მიდგომა სრულიად ახლებური იყო ქართული ისტორიოგრაფიისათვის. ამ მხრივ ვახუშტი იმდროინდელი ევროპისა და რუსეთის დაწინაურებულ დონეს უტოლდებოდა⁹.

ვახუშტიმ რუსულიდან თარგმნა მსოფლიო გეოგრაფიის სახელმძღვანელო, რომელსაც 21 ფერადი რუკა დაურთო და საქართველოს შესახებ ცნობებს თავისი შენიშვნები დაუმატა¹⁰.

XVIII ს. პირველი მეოთხედის მეცნიერებს უყურადღებოდ არ დაუტოვებიათ სხვა დისციპლინებიც. ვახტანგ VI-მ შეადგინა ასტრონომიკოსმოგრაფიის მოკლე კურსი, რომელშიაც განმარტებულია სხვადასხვაგვარი ცნებები თუ ტერმინები¹¹.

ვახტანგ VI-ს შეუდგენია აგრეთვე „წიგნი ზეთების შეზავებისა და ქიმიის ქმნისა“¹²; იგი თვითონაც აწარმოებდა ქიმიურ ცდებს. ამავე სა-

⁷ მ. ქ. ქ. ძ. ე. ქ. ჩ. ხ. ა. ტ. ა. რ. ი. ლ. დ. სახ. ნაშრომი, გვ. 502.

⁸ იქვე. გვ. 503.

⁹ იხ. ე. ვ. გაბაშვილი. ვახუშტი ბაგრატიონი. თბ., 1969; საქართველოს ისტორიის ნარკვევები, ტ. IV, გვ. 503—505.

¹⁰ საქართველოს ისტორიის ნარკვევები, ტ. IV, გვ. 505.

¹¹ სპარსეთში ხანგრძლივი ყოფნის დროს. 1712—1719 წწ. ვახტანგ VI-ს უთარგმნია XV ს. ცნობილი ასტრონომის ულუღ ბეგის „ვარსკვლავთმრიცხველობა“. რომელიც ქართლში სახელმძღვანელოს მნიშვნელობას ასრულებდა.

¹² ვახუშტი VI-ის წიგნი — ზეთების შეზავებისა და ქიმიის ქმნის. გამოსაცემად მოამზადეს თ. ენუქიძემ და ე. კოკიაშვილმა. თბ., 1981.

ხელმძღვანელოზე უმუშავნია ვახუშტი ბატონიშვილსაც, რომელსაც მისთვის ფიზიკისა და ქიმიის დარგში ცდების საწარმოებლად მაშინ ხმარებულ ხელსაწყოთა ზოგიერთი ნახაზი დაურთავს.

განსახილველ პერიოდში გარკვეულად მოჩანს თბილისელთა დინტერესება ფილოსოფიური აზრის საკითხებითაც. ეს გამოიხატა ბერძენ-რომაელ ფილოსოფოსთა გადმოქართულებასა და მათ გავრცელებაში. ქართულად ითარგმნება სოკრატეს, პლატონის, არისტოტელეს, არისტოფანეს. ეპიკურეს აფორიზმები და სენტენციები, ადგენენ მათ შეხედულებათა კრებულებს. ღრმა ფილოსოფიური განსწავლულობა მოჩანს სულხან-საბას „ლექსიკონში“, სადაც მნიშვნელოვანი ადგილი ეთმობა ფილოსოფიურ ცნებათა ახსნას და სხვ.¹³ ქართული ლიტერატურაც ამ დროს მრავალჯანროვანი და მალალმხატვრული გახდა.

კულტურული ცხოვრების ბაირახტარი მეფე ვახტანგი იყო „მრავალფეროვანი და ნაყოფიერი მწერალი-მწიგნობარი, მთარგმნელი, რედაქტორი. კომენტატორი, პოეტი“¹⁴.

ვახტანგისა და საბას შრომის შედეგად ქართველ მკითხველთათვის ხელისმისაწვდომი გახდა ძველ სპარსულ იგავ-არაკთა კრებული „ქილილა და დამანა“.

მას შემდეგ, რაც 1724 წ. განათლებისა და მეცნიერების წამყვან მოღვაწეთა დიდი დასი სამშობლოს მოწყდა და რუსეთს გაიხიზნა, თბილისში დიდი ხნის განმავლობაში ჩაკედა კულტურულ-საგანმანათლებლო საქმიანობა. თბილისი დიდხანს, თითქმის 20 წელზე მეტი ხნის განმავლობაში გმინავდა ოსმალთა და ყიზილბაშთა ბატონობისას. ქალაქში ცხოვრება ქირდა და მეცნიერულ-საგანმანათლებლო საქმისათვის არავის ეცალა.

განათლება და მეცნიერება თბილისში XVIII ს. 40—90-იან წლებში

მდგომარეობა მკვეთრად შეიცვალა ქართლში თეიმურაზ II-ისა და კახეთში ერეკლე II-ის გამეფების (1744 წ.), უფრო ზუსტად, ნადირ შაჰის გარდაცვალების შემდეგ (1747 წ.).

ქვეყნის კულტურული განვითარების მთავარი მზრუნველი და ხელშემწყობი ერეკლე II იყო, რომელსაც მხარში განათლებული ბატონიშვილი — ანტონ I ედგა. ერეკლესა და ანტონს მიაჩნდათ, რომ საქართველოს დაწინაურებისათვის საჭიროა „მამულსა შინა ჩუენსა განმრავლდნენ მეცნიერებითნი ნათელნი“¹⁵, ერეკლესა და ანტონის ასეთი საქმიან-

¹³ საქართველოს ისტორიის ნარკვევები. ტ. IV. გვ. 508.

¹⁴ ვახტანგ VI, ლექსები და პოემები. წინასიტყვაობა ალ. ბარამიძისა, გვ. VII.

¹⁵ ავ. როგავა. სახალხო განათლება ერეკლე მეორის ხანის ქართლ-კახეთში და ანტონ I. 1950. გვ. 15.

ნობა უკვე 40-იანი წლებიდან დაიწყო, მაგრამ მას საგარეო-პოლიტიკური ვითარება დიდხანს აფერხებდა.

შედარებით უფრო ხელსაყრელი პირობები განათლებისა და მეცნიერების განვითარებისათვის 70-იან წლებში შეიქმნა. ეს პერიოდი დაახლოებით 1770—1785 წწ. მოიცავდა: „უამსა ამას, ფრიად ბედნიერებასა შინა იყო წარმართებულ სამეფო ქართლისა და კახეთისა; რამეთუ განველო წელსა რაოდენსამე, რომელ არღარა მიეღო ოხრება არცა უცხო თესლთაგან, არცა სრვისა და არცა სიყმილისგან, ხოლო უმეტეს ყუაოდა შორის ყოველსა საქართველოსა ქალაქი ტფილისი ყოვლითა წარმართებითა“¹⁶. მაშინდელი საზოგადო მოღვაწენი დიდად აფასებდნენ ერეკლე II-ის როლს „საქართველოსა შინა მეცნიერებითისა ოქროსა საუკუნოისა შემოყვანისათვის“¹⁷.

XVIII ს. თბილისი კვლავ რჩებოდა ამიერკავკასიის მთავარ პოლიტიკურ, ეკონომიკურ და კულტურულ ცენტრად. ტრადიციული ქართული ტოლერანტული პოლიტიკის წყალობით. თბილისში თავშესაფარს და უშიშარ სამყოფელს პოულობდნენ როგორც სომეხი, ისე აზერბაიჯანელი და აღმოსავლეთის სხვა ხალხების კულტურის მოღვაწეებიც.

განათლებისა და მეცნიერების დონე

XV—XVIII სს. ქვეყნის საგარეო და საშინაო პოლიტიკური ვითარების სიმძიმის გამო საქართველოს განათლებისა და მეცნიერების დონე საგრძნობლად ჩამორჩებოდა მაშინდელი ევროპის მოწინავე ქვეყნების დონეს. კულტურულ ტრადიციებს იცავდნენ, მაგრამ შემოქმედებითი საქმიანობის წინსვლა-განვითარება შეფერხებული იყო. ოსმალეთი ევროპასთან კონტაქტების საშუალებას არ იძლეოდა. ამის საშუალება საქართველოს მხოლოდ XVIII ს. 60-იანი წლებიდან, რუსეთის გზით მიეცა. ამ დროიდან ქართველობა ევროპის მოღვაწეთა მხოლოდ იმ ნაწილს ეცნობოდა, რასაც რუსეთი, მაგრამ ესეც კი საკმაო აღმოჩნდა, რომ პროგრესისაკენ ლტოლვა ჩვენში კვლავ ახალი ძალით განახლებულიყო. 60-იანი წლებიდან გაიზარდა კონტაქტები ევროპასთან, გაიზარდა კულტურულ-სამეცნიერო ინფორმაცია, გაფართოვდა ინტერესების სფერო. თუ აქამდე თბილისში ქალაქის მოსახლეობის ეთნიკურ-კონფესიური სიჭრელის გამო საგრძნობი იყო აღმოსავლური კულტურულ-ყოფითი ელემენტები, XVIII ს. შუა წლებიდან საქართველოს დედაქალაქი მტკიცედ დაადგა ევროპული ორიენტაციის გზას.

¹⁶ იოანე ქართველიშვილი. მემუარები. ა. იოსელიანის რედ., 1952. გვ. 66—67.

¹⁷ დ. ლაშქარაძე. ევროპეიზმის პრობლემა ქართულ ლიტერატურაში, 1977. გვ. 113—114.

ეს ერეკლე II-ის პოლიტიკური ხაზის შედეგი იყო. რუსი დიდმოხელე ს. ბურნაშოვი, რომელიც 1783—1787 წწ. დიპლომატიური მისიით თბილისში იმყოფებოდა, წერდა, რომ ერეკლე II „არაფრისაყენ ისე არ მიისწრაფვის. როგორც თავისი ხალხის ევროპულად გარდაქმნისაყენ“¹⁸.

განვლილ საუკუნეთა მსგავსად, XVIII ს. მთელ სივრცეზე განათლებისა და მეცნიერების განვითარება ჩვენში ეკლესიის ხელმძღვანელობითა და მეთვალყურეობით მიმდინარეობდა. ყურადღების ცენტრში თეოლოგია იდგა, მაგრამ ეპოქა უკვე „საქმითი“ (პრაქტიკული) მეცნიერების დარგების განვითარებას მოითხოვდა და მათი ცოდნაც ჩვენში ნელ-ნელა ვრცელდებოდა. თეოლოგია-ფილოსოფიის ცოდნის წყაროდ ჩვენში ანტიკური და შუა საუკუნეებრივი ლიტერატურა რჩებოდა, გამოყენებით მეცნიერებათა ცოდნას კი ქართველები ევროპიდან (რუსეთის გზით) იძენდნენ.

სახალხო განათლება

XVIII ს. მეორე ნახევარი თბილისის ისტორიაში განათლების წარმატების პერიოდია. დავით ბატონიშვილი არ აქარბებდა, როცა ერეკლე II-ის დროინდელ საქართველოში სახალხო განათლების არსებობაზე წერდა¹⁹. ერეკლე II-სა და ანტონ I-ს განათლების განვითარება უმნიშვნელოვანეს სახელმწიფო საქმედ მიაჩნდათ.

კათალიკოს ანტონ I-ის აზრით, განათლების შუქი თანაბრად უნდა ეფინებოდეს „მალალთა და მდაბალთა“. განათლების განვითარების თვალსაზრისით მას იდეალად ესახებოდა ის მდგომარეობა, რაც მაშინ „რუსთა..., ფრანცისთა..., ანგლიელთა, პრუსიელთა“ ქვეყნებში არსებობდა²⁰.

სწორედ ამ მოსაზრებით იყო გაპირობებული ერეკლე II-ისა და ანტონ I-ის პოლიტიკა განათლების დარგში, რასაც სულ მოკლე ხანში საყურადღებო შედეგი მოჰყვა; ყველაზე უფრო თვალსაჩინოდ ეს შედეგი სამეფოს დედაქალაქში გამოჩნდა.

1755 წ. 1 იანვარს თბილისში, ანჩისხატის ეკლესიის ეზოში, გაიხსნა „სემინარია ფილოსოფიისა“ — უმაღლესი სასულიერო სასწავლებელი. სემინარია მეფის ხარჯზე არსებობდა. მას განაგებდა მეფის დანიშნული რექტორი. სემინარიაში ასწავლიდნენ ქართულ წერა-კითხვას, გრამატიკას, რიტორიკას, სქოლასტიკას, ისტორიას, ფილოსოფიას (საკუთრივ ფილოსოფიას, ფიზიკას, მეტაფიზიკას, მორალის ფილოსოფიას, ლოგიკას),

¹⁸ Б у р н а ш е в С. Д. Картина Грузии или описание политического состояния царств Карталинского и Кахетинского. Тифлис, 1896, с. 10.

¹⁹ ა. როგავა, დასახ. ნაშრომი, გვ. 22.

²⁰ იქვე, გვ. 6--19.

თეოლოგიას, მღვდელთმსახურების წესებს, არითმეტიკას, მათემატიკის საფუძვლებს... სემინარიის სახელმძღვანელოები (ორიგინალური ან კომპილაციური) შექმნა ანტონ I-მა. სემინარიის პროგრამა რუსეთის სემინარიების პროგრამათა მიხედვით იყო შედგენილი. სწავლება წარმოებდა ლექციური სისტემით, სწავლის დამთავრებისას ეწყობოდა აქტი, — საზეიმო შეკრება-გამოცდა, რომლის დროსაც იმართებოდა კურსდამთავრებულთა პაექრობა-შეჯიბრი. აქტს ზოგჯერ მეფე და კათალიკოსიც ესწრებოდნენ.

თბილისის სემინარიაში თავადაზნაურთა და სასულიერო პირთა შვილებს ლებულობდნენ, მდაბიონი სემინარიაში იშვიათად ხვდებოდნენ²¹.

1741—1755, 1763 წლებში თბილისში არსებობდა კათოლიკეთა სასწავლებელი, რომელშიაც გარდა საღვთისმეტყველო საგნებისა ასწავლიდნენ ლათინურ, იტალიურ. ფრანგულ და ქართულ ენებს, არითმეტიკას...²²

არსებობს ცნობა, რომ 1780—1781 წწ. ი. რაინეგსი და კათოლიკე პატრები მეფის სასახლეში სამეფო ოჯახის წევრებს ასწავლიდნენ ლათინურ, იტალიურ, ფრანგულ და გერმანულ ენებს²³. იმავე ცნობით, რაინეგსს თბილისში გაუხსნია სამედიცინო სკოლა²⁴. ამ სკოლაში პატრებისაგან მედიცინის საფუძვლები შეუსწავლიათ. სხვათა შორის, ცნობილ ქართველ ექიმებს — ანტონ და თათულა ყარაშვილებს და სოლომონ I-ის ექიმს ისარლოვს.

XVIII ს. მეორე ნახევრის თბილისში არსებობდა კერძო დაწყებითი სასწავლებლების ფართო ქსელი. ქართველთათვის ასეთი სკოლები იყო ნათლისმცემლის, კალოუზნის, სიონის, ქაშვეთის, მეტეხისა და ანჩისხატის ეკლესიებთან. სკოლებში ასწავლიდნენ: საღვთო სჯულს, ქართულ წერა-კითხვას, არითმეტიკას, გალობას, უფრო დაწინაურებულ მოსწავლეებს — გრამატიკას, ძველ ისტორიას და ფილოსოფიასაც. ამ სასწავლებლებში 400-მდე მოსწავლე იყო. სკოლების მუშაობას ზოგჯერ თვით მეფე ამოწმებდა²⁵.

ჩვენამდე მოღწეულია რამდენიმე ცნობა იმის შესახებ, თუ რას სწავლობდნენ XVIII ს. მეორე ნახევრის თბილისის ქართველ არისტოკრატ-

²¹ ქ. კ ე ე ლ ი ძ ე . ქართული ლიტერატურის ისტორია, 1941. I, გვ. 41; ან. როგაეა, დასახ. ნაშრომი, გვ. 31-33. 36-69; პ. კარბელაშვილი ანჩისხატის ტაძარი ქ. თბილისში, 1902. გვ. 8; 28; Баградиони Д. Обзорение Грузии по части прав и законоположения. Пол. ред. А. А. Рогова, 1959, с.252.

²² ან. როგაეა, დასახ. ნაშრომი, გვ. 75—76.

²³ ზ. კიკინაძე. გერმანელი დოქტორი იაკობ რაინეგსი მეფე ერეკლეს კარზედ რუსთაგან კომისრათ და მინისტრათ დანიშნული საქართველოში, 1920. გვ. 9—10.

²⁴ იქვე. გვ. 11.

²⁵ პლ. იოსელიანი. ცხოვრება გიორგი მეცამეტისა. ა. გაწერელის გამოც., 1936, გვ. 179; Баградиони Д. Обзорение..., დასახ. ნაშრომი, გვ. 252.

თა შვილები. გიორგი ბატონიშვილს (შემდეგ გიორგი XII) შეუსწავლია: ქართული წერა-კითხვა და გრამატიკა, თურქული, ბერძნული და სომხური ენები, საქართველოს ისტორია („ქართლის ცხოვრება“), ფილოსოფია, ბიბლია, სახარება, გალობა...²⁶ იოანე ქართველიშვილსაც თავისი დროისთვის კარგი განათლება მიუღია, შეუსწავლია სამეცნიერო წიგნები. იოანე დამასკელის ნაშრომები, ფილოსოფიური ტრაქტატი — პორფირი ტირელის „არისტოტელეს კატეგორიათა შესავალი“ და სხვ.²⁷

თბილისში კერძო დაწყებითი სასწავლებლები ჰქონდათ სომხებს და მაჰმადიანებსაც. ამ სკოლებში სწავლება მათს მშობლიურ ენებზე იყო.²⁸

საგარეო ურთიერთობათა გაცხოველებამ საჭირო გახადა უცხო ენების მცოდნეთა მომრავლება. XVIII ს. თბილისელებს შესაძლებლობა ჰქონდათ შეესწავლათ ფრანგული, იტალიური, ლათინური, გერმანული, რუსული და აღმოსავლური ენები. 1788 წ. ახლო ხანებში თბილისში ქართველთათვის გაიხსნა კერძო სკოლა, რომელშიაც რუსულ ენას ასწავლიდნენ²⁹.

განსაკუთრებით აღსანიშნავია თბილისში ქალთა განათლების განვითარება, რასაც ჩვენში უძველესი ტრადიცია ჰქონდა. თბილისელი ქალები საშინაო განათლებას ღებულობდნენ; მათ ასწავლიდნენ წერა-კითხვას, ლოცვებს, არითმეტიკას, ხელსაქმეს... იოანე ბატონიშვილს მიაჩნდა, რომ ქალს „ნამდვილად უნდა ასწავლონ ყოველი მეცნიერება, ლეოლოგია, ზნეთსწავლულება, არითმეტიკა, ხელთსაქმეობა და იკონომია“³⁰.

განათლებაზე ზრუნვა ქართლ-კახეთის სამეფოს გაუქმებამდე რჩებოდა ცენტრალური ხელისუფლების ყურადღების ცენტრში. 1783 წ. ტრაქტატის დადების შემდეგ, რასაც ქართველ პოლიტიკოსთა ვარაუდით ქართლ-კახეთის სამეფოს აყვავება უნდა მოჰყოლოდა, ჩვენმა სახელმწიფო მოღვაწეებმა საჭიროდ მიიჩნიეს ძირეული რეფორმების ჩატარება, მათ შორის განათლების დარგშიც. დავით და იოანე ბატონიშვილების რეფორმათა პროექტებით თბილისში სახელმწიფო ხარჯზე უნდა გახსნილიყო საერო და სასულიერო სკოლები: მაღალი კატეგორიისა — თავადაზნაურთა და წარჩინებულ მოქალაქეთათვის, დაბალი — მსახურთა და ვაჭართა შვილებისათვის³¹.

²⁶ პლ. იოსელიანი, დასახ. ნაშრომი, გვ. 5, 7.

²⁷ იოანე ქართველიშვილი. მემუარები. ა. იოსელიანის რედ., 1958, გვ. 66—70, 71, 76—77.

²⁸ Багратиони Д. Обзорные..., დასახ. ნაშრომი, გვ. 252.

²⁹ ა. როგავა, დასახ. ნაშრომი, გვ. 95.

³⁰ ი. ბატონიშვილი, კალმასობა. ა. ბარამიძის და კ. კეკელიძის რედ., ტ. I, 1936, გვ. 242.

³¹ იოანე ბატონიშვილი, სჯულდება. ივ. სურგულაძის რედ., 1957, გვ. 27; სამართალი ბატონიშვილის დავითისა, დ. ფურცელაძის რედ., 1964, გვ. 171.

მელი“ და დავით ბატონიშვილის „ნარკვევი“ — საქართველოს ისტორია. 1802 წ. იქვე დაიბეჭდა გენ. კნორინგის განცხადება ქართველებისადმი ქართლ-კახეთის სამეფოს გაუქმების შესახებ³⁹.

წიგნების გადაწერა. ბიბლიოთეკა-წიგნსაცავები

თბილისის სტამბა წიგნებზე გაზრდილ მოთხოვნილებას ვერ აკმაყოფილებდა, ამიტომ კვლავ გრძელდებოდა წიგნების ხელით გადაწერა-გამრავლების ტრადიცია. როცა წიგნზე დიდი მოთხოვნილება იყო, წიგნების გამრავლებას აჩქარებდნენ: ერთი მკითხველი (მოკარნახე) ერთდროულად 20—30 ვადამწერს კარნახობდა. განთქმული ვადამწერნი იყვნენ: იესე ოსეს ძე, ნიკოლოზ მაღალაძე, ტრიფილე, იოანე მოძღვრიშვილი და სხვანი. ზოგჯერ ვადამწერით მთელი ოჯახები იყო დასაქმებული, მაგ. განთქმული იყო კალიგრაფ მესხიშვილთა ოჯახი⁴⁰.

განათლებისა და მეცნიერების განვითარებას დიდად უწყობდა ხელს თბილისში არსებული წიგნსაცავ-ბიბლიოთეკები. მდიდარი ბიბლიოთეკა ჰქონდა სამეფო კარს. საპატრიარქოს წიგნსაცავში 76000 წიგნი იყო⁴¹, წიგნსაცავი ჰქონდა თითქმის ყველა ეკლესიას. მრავალი წიგნი იყო განათლებულ საერო პირთა, მაგ. იესე ოსეს ძის, მზეკაბუჯ ორბელიანის, დავით ორბელიანის და სხვათა ბიბლიოთეკებში⁴².

მეცნიერების ცალკეული დარგები

XVIII ს. მეორე ნახევრის თბილისში ქვეყნის სამეურნეო-ეკონომიკური განვითარების ჩამორჩენის გამო ტექნიკური, გამოყენებითი მეცნიერებანი სუსტად ან სულ არ იყო განვითარებული.

მათემატიკის სახელმძღვანელოები, რაც ჩვენამდეა მოღწეული, რუსეთის ქართულ კოლონიებშია თარგმნილი და თბილისში გამოგზავნილი, ისიც XVIII ს. მიწურულს⁴³.

XVIII ს. მეორე ნახევრის საქართველოში ფიზიკის ცოდნის გავრცელება ანტონ I-ის სახელთანაა დაკავშირებული. მან 1772 წ. რუსეთში ყოფნისას ლომონოსოვისეული რუსული თარგმანიდან ქართულად თარგმნა გერმანელი ფილოსოფოსის ქრისტიან ვოლფის ვრცელი ნაშრომი,

³⁹ პ. იოსელიანი, ცხოვრება გიორგი მეცამეტისა, 1936, გვ. 166.

⁴⁰ ა. როგავა, დასახ. ნაშრომი, გვ. 143; იესე ბარათაშვილის ცხოვრება-ანდერძი, გვ. 6.

⁴¹ ქ. ქეკელიძე, ქართული ლიტერატურის ისტორია, 1941, გვ. 59.

⁴² ა. როგავა, დასახ. ნაშრომი, გვ. 155.

⁴³ Ц х а к а я Г. История математических наук в Грузии с древних времен до начала XX века, 1959; Л. М е л н и к с е т - Б е к о в, К истории точных наук в Армении и Грузии, с. 204 (Вопросы философии и социологии марксизма, 1930).

რომლის ცალკეულ ნაწილებს შეადგენდა „ექსპერიმენტული ფიზიკა“ და „თეორიული ფიზიკა“. თბილისში დაბრუნებულმა ანტონმა ვოლფის თხზულების თარგმანი გაამრავლებინა და თბილისისა და თელავის სემინარიებში სახელმძღვანელოდ დააწესა. თბილისის სემინარიაში ფიზიკის კურსს თვით ანტონი კითხულობდა⁴⁴. ვოლფის „ფიზიკა“ ანტონ I-მა შეავსო სხვა ფიზიკოსთა ნაშრომებიდან და საკუთარი მოსაზრებანი და შენიშვნები დაურთო⁴⁵.

XVIII ს. შუა წლებიდან ფართოდ გაიშალა მუშაობა ფილოსოფიაში⁴⁶. ფილოსოფიის ცოდნა განსწავლულობის საზომად იყო მიღებული. მაშინდელ ქართველ ფილოსოფოსთა საქმიანობის შინაარსს შეადგენდა ანტიკური და შუა საუკუნეების ფილოსოფიური ნააზრების შესწავლა-კომენტირება. ფილოსოფიური შემოქმედება შეფერხებული იყო ორი გარემოებით: 1. ქართველთათვის უცნობი, მიუწვდომელი რჩებოდა იმდროინდელი ევროპის ფილოსოფიურ აზროვნებაში მომხდარი დიდმნიშვნელოვანი ძვრები და 2. ფილოსოფია მკაცრი საეკლესიო ცენზურის მეთვალყურეობით ვითარდებოდა.

ფილოსოფიური ცოდნისა და განათლების ცენტრად საქართველოში თბილისი რჩებოდა. აქ იყო (1755 წლიდან) „სემინარია ფილოსოფიისა“ და აქვე მოღვაწეობდნენ ღრმად განსწავლული ფილოსოფოსები: ანტონ I, იუსტინე მალალაშვილი, მზექაბუჯ (ქაბუა) ორბელიანი, იოანე ორბელიანი, ტიმოთე და ზაქარია გაბაშვილები და სხვანი. რომელთაც სამეცნიერო-შემოქმედებითი ურთიერთობა ჰქონდათ თბილისელ სომეხ ფილოსოფოსებთან — ფილიპე ყაითმაზაშვილსა და ზაქარია მადინაშვილთან.

ფართოდ გაიშალა მთარგმნელობითი საქმიანობა. ქართულ ენაზე ითარგმნა არისტოტელეს, პორფირი ტირელისა და სხვა ძველ ფილოსოფოსთა ნაშრომები. ფილოსოფოსთა საქმიანობას სათავეში ანტონ I ედგა. მან ჭერ კიდევ 1752 წ. შექმნა ვრცელი ნაშრომი „სპეკალი“ („ძვირფასი ქვების კრებული“), რომელშიაც ორიგინალური ფორმით იყო გადმოცემული და კომენტირებული არისტოტელეს. პლატონის, პროკლეს, ალბერტ დიდის, იოანე სკოტ ერიუგენას. იოანე დამასკელის, სიმეონ ჭულფელის, იოანე პეტრიწის და სხვათა ფილოსოფიური ნააზრევი. ანტონმა თარგმნა ან გადმოაკეთა რამდენიმე ფილოსოფიური ნაშრომი და შექმნა

⁴⁴ საქართველოს ფიზიკოსები, 1982, გვ. 13.

⁴⁵ იქვე, გვ. 15—17.

⁴⁶ მონაკვეთს ფილოსოფიის შესახებ საფუძვლად უდევს შემდეგი ნაშრომები: ი. ბ ა - ტ რ ა ნ ი შ ვ ი ლ ი, კალმასობა, II, 1948; კ. კ ე კ ე ლ ი ძ ე, ეტრუდები ძველი ქართული ლიტერატურის ისტორიიდან, I, 1956; შ. ნ უ ე უ ბ ი ძ ე, ქართული ფილოსოფიის ისტორია, II, 1958; აპ. რ ო გ ა ვ ე ა, სახალხო განათლება ერევალ მეორის ხანის ქართლ-კახეთში და ანტონ პირველი, 1950.

ორიგინალური თხზულებანი თბილისისა და თელავის სემინარიებში ფილოსოფიის შემსწავლელთა სახელმძღვანელოდ.

XVIII ს. 60—70-იან წლებში თბილისის სწავლული საზოგადოება ანტონის საშუალებით გაეცნო მ. ლომონოსოვისა და გერმანელი ფილოსოფოსების — ქრ. ვოლფისა და ფ. ბუმაისტერის ნაშრომებს, რომელთა თარგმანებსაც ანტონმა ვრცელი საყურადღებო კომენტარები დაურთო. ამ ნაშრომებში ახალი არაფერი იყო, — მათში სისტემაში იყო მოყვანილი კლასიკური ფილოსოფიური მემკვიდრეობა. მიუხედავად იმისა, რომ ამ პერიოდში ანტონისათვის აშკარა გახდა სქოლასტიკური ფილოსოფიის ნაკლოვანებანი. იგი ბოლომდე სქოლასტიკის თვალსაზრისზე დარჩა და ამაოდ ცდილობდა თეოლოგიისა და ფილოსოფიის შერიგებას.

აღსანიშნავია, რომ XVIII ს. მეორე ნახევრის თბილისში კლასიკური ფილოსოფიის ცოდნა ხელმისაწვდომი გახდა შედარებით ფართო წრისათვის: ფილოსოფიას, სემინარიის გარდა, ზოგიერთ სასულიერო თუ საერო სკოლაშიაც ასწავლიდნენ.

განსაკუთრებით ნაყოფიერი მუშაობა გაჩაღდა ქართული ენის გრამატიკისა და ლექსიკის შესასწავლად. XVIII ს. მიწურულს ლექსიკოგრაფიულ ნაშრომებს ქმნიდნენ იოანე და დავით ბატონიშვილები⁴⁷. ქართული ენის გრამატიკას იკვლევდა ანტონ I. მან ორჯერ — 1753 და 1767 წლებში შეადგინა ქართული ენის გრამატიკის მოკლე და ვრცელი სახელმძღვანელოები⁴⁸. XVIII—XIX სს. მიჯნაზე შეიქმნა გაიოზ რექტორის, დავით ბატონიშვილისა და სხვათა გრამატიკული ნაწარმოებებიც.

XVIII ს. თბილისში მოღვაწეობდნენ მეფის კარის ისტორიკოსები: სეხნია ჩხეიძე, პაპუნა ორბელიანი და ომან ხერხეულიძე. სეხნია ჩხეიძემ თხზულებაში „ცხოვრება მეფეთა“ აღწერა აღმოსავლეთ საქართველოს ისტორია ვახტანგ V-ის გამეფებიდან 1739 წლამდე⁴⁹. პ. ორბელიანმა ნაშრომში „ამბავნი ქართლისანი“ აღწერა ქართლ-კახეთის სამეფოს ისტორია 1739—1758 წლებისა⁵⁰. ომან ხერხეულიძის თხზულებაში „მეფობა ირაკლი მეორისა“ აღწერილია 1722—1780-იანი წლების ამბები⁵¹. სამივე ეს ნაწარმოები უღარესად სანდო საისტორიო წყაროა. საქართველოს ისტორიას იკვლევდნენ დავით და იოანე ბატონიშვილებიც.

⁴⁷ ლ. ქუთათელაძე, დავით და იოანე ბატონიშვილების ლექსიკოგრაფიული ნაშრომები, 1967; ლ. ქუთათელაძე, იოანე ბატონიშვილის „ქართული ლექსიკონი“, 1975.

⁴⁸ ე. ბაბუნაშვილი, ანტონ პირველი და ქართული გრამატიკის საკითხები, 1970. გვ. 6—9.

⁴⁹ ქართლის ცხოვრება, ტ. II, დ. ჩუბინაშვილის რედ. სპბ., 1854, გვ. 307—342.

⁵⁰ ივ. ჭავჭავაძის თხზულებანი, ტ. VIII, ქართული საისტორიო მწერლობა, 1977. გვ. 363; პაპუნა ორბელიანი, ამბავნი ქართლისანი. ელ. ცაგარეიშვილის რედ., 1981, გვ. 29—41.

⁵¹ ივ. ჭავჭავაძის თხზულებანი, დასახ. ნაშრომი, გვ. 371.

თბილისში შეიქმნა საყურადღებო ლიტერატურულ-საისტორიო წყაროები — იესე ოსეს-ძისა და იოანე ქართველიშვილის მემუარები⁵².

ქართველ სწავლულებს აინტერესებდათ უცხო ქვეყნების ისტორიაც. XVIII ს. თბილისში ხელნაწერების სახით ვრცელდებოდა ძველი ქვეყნებისა და ევროპის ისტორიის ნაკვევები (გ. კურასის, რ. ოსტრატოს, შ. როლენის და სხვათა ნაშრომები)⁵³.

თბილისშივე შეიქმნა ტიმოთე გაბაშვილის ისტორიულ-გეოგრაფიული ხასიათის თხზულება „მიმოსვლა“, რომელიც უაღრესად საყურადღებო ცნობებს შეიცავს XVIII ს. შუა წლების მახლობელი აღმოსავლეთის ქვეყნების შესახებ⁵⁴. XVIII ს. 70-იან წლებში დავით რექტორმა რუსეთის მთავრობის თხოვნით შეადგინა საქართველოს მეზობელ მხარეთა აღწერა⁵⁵. ჩვენს სიძველეთა საცავებში ინახება XVIII ს. მეორე ნახევრის თბილისში თარგმნილი რამდენიმე გეოგრაფიული თხზულება.

მას შემდეგ, რაც აღმოსავლეთ საქართველო რუსეთის მფარველობაში შევიდა, შეიქმნა რამდენიმე მეტად საყურადღებო იურიდიული ძეგლი — დავით და იოანე ბატონიშვილების საკანონმდებლო პროექტები, რომლებშიაც აირკლა იმდროინდელი საქართველოს პოლიტიკურ მოღვაწეთა იურიდიული ცოდნის მაღალი დონე⁵⁶.

საკმაოდ სრულ წარმოდგენას XVIII ს. მიწურულის თბილისის ქართველი საზოგადოების მეცნიერული ცოდნის მოცულობასა და დონეზე გვიქმნის იოანე ბატონიშვილის ენციკლოპედიური ნაშრომი „კალმასობა“, რომელიც XIX ს. პირველ მეოთხედშია შექმნილი. ამ ნაწარმოებში მოცემულია ცნობები ფილოსოფიის, იურისპრუდენციის, თეოლოგიის, მათემატიკის, ფიზიკის, ლოგიკის, გრამატიკის, მეტეოროლოგიის, მითოლოგიის, მეტროლოგიის, ქრონოლოგიის, ისტორიის, ეთიკის, ასტრონომიის, მედიცინის, პოეტიკის, გეოგრაფიის, ჰერალდიკის, ბუნებისმეტყველების, მინერალოგიის, ხელოვნების, მუსიკის, ნავიგაციის, კომერციის და სხვა დარგების შესახებ⁵⁷. დიდი ნაწილი ამ ცნობებისა, როგორც „კალმასობის“ ტექსტზე დაკვირვება გვიჩვენებს, კარგად იყო ცნობილი XVIII ს. მიწურულის განათლებული ქართველობისათვის.

⁵² იესე ბარათაშვილის ცხოვრება-ანდერძი. — მსკი, 1950, ნაკვ. 28; იოანე ქართველიშვილის მემუარები. 1952.

⁵³ საქართველოს ისტორიის ნაკვევები. ტ. IV. 1972, გვ. 785—786.

⁵⁴ ტ ი მ ო თ ე გა ბ ა შ ვ ი ლ ი, მიმოსვლა. ელ. მეტრეველის რედ., 1956.

⁵⁵ ლ. მ ე ლ ი ქ ს ე თ - ბ ე გ ი, საქართველოს მეზობელ მხარეთა აღწერა XVIII საუკუნის მეორე ნახევრისა, როგორც მასალა ამიერკავკასიის საისტორიო გეოგრაფიისათვის. 1936.

⁵⁶ ი ო ა ნ ე ბ ა გ რ ა ტ ი ო ნ ი, სჭულდება. 1957; სამოქალაქო სჭულვილება. დ. ფურცლაძის რედ., 1966; სამართალი ბატონიშვილის დავითისა. დ. ფურცლაძის რედ., 1964.

⁵⁷ ი ო ა ნ ე ბ ა ტ ო ნ ი შ ვ ი ლ ი, კალმასობა. აღ. ბარამიძისა და კ. კვეციანის რედ., ტ. I. 1936; ტ. II, 1948.

საგარეო კულტურულ-სამეცნიერო კონტაქტები

როგორც ზემოთ აღინიშნა, XVIII ს. 40-იანი წლებიდან საქართველოს კულტურულ ცხოვრებაში აშკარად გამოიკვეთა მიბრუნება ევროპული სამყაროსაკენ. ევროპის მიღწევების გაცნობას ქართველები საქართველოშივე მყოფი ევროპელების ან პეტერბურგისა და მოსკოვის ქართული კოლონიების საშუალებით ახერხებდნენ.

XVIII ს. თბილისში აქტიურად მოღვაწეობდნენ ევროპელი კათოლიკე მისიონერები, რომლებიც კულტურულ-საგანმანათლებლო საქმიანობასაც ეწეოდნენ⁵⁸. ევროპელი საერო პირები თბილისში მეტწილად რუსეთის გზით მოდიოდნენ. 1768—1774 წლებში რუსეთის მთავრობის დავალებით, სამხედრო-ეკონომიკური დაზვერვის მიზნით, პეტერბურგის მეცნიერებათა აკადემიამ მოაწყო სამეცნიერო ექსპედიცია საქართველო-სა და ამიერკავკასიაში⁵⁹. ამ ექსპედიციის ერთ-ერთი წევრი ი. გიულდენშტედტი 1771—1772 წლებში საქართველოში იმყოფებოდა. მას მეცნიერული კონტაქტები ჰქონდა ქართველ სწავლულებთან⁶⁰.

1774—1783 წწ. თბილისში იმყოფებოდა რუსეთის პოლიტიკური წარმომადგენელი; გერმანელი (ავსტრიიდან) იაკობ რაინეგსი, რომელმაც მნიშვნელოვანი კვალი დატოვა თბილისის სამეცნიერო-საგანმანათლებლო ცხოვრებაში. რაინეგსი გერმანულ ენას ასწავლიდა პატრების სკოლაში. მან თბილისში გახსნა სამედიცინო სასწავლებელი და ე. წ. საბატონიშვილო სკოლა. იგი ქართველ სამხედრო პირებს ასწავლიდა საარტილერიო საქმეს და იყო დავით ბატონიშვილის ერთ-ერთი მასწავლებელიც⁶¹.

80-იან წლებში დავით ბატონიშვილის მასწავლებლად რუსეთიდან მოწვეული იყო გერმანელი (ავსტრიიდან) გეტინგი; იგი, როგორც ჩანს, იოანე ბატონიშვილსაც ასწავლიდა⁶².

„ევროპეიზაციის“ ერეკლესეული პოლიტიკისათვის განსაკუთრებით დამახასიათებელია 1781 წ. ერეკლე II-ისა და ი. რაინეგსის მიერ ცნო-

⁵⁸ ა. როგავა, დასახ. ნაშრომი, გვ. 75—76.

⁵⁹ Полиевктов М. А. Европейские путешественники XIII—XVIII вв. по Кавказу, 1935, с. 122; Ватейшвилл Дж. Из истории грузино-русского научно-и культурного сотрудничества в XVIII в., с. 72. — მაცნე, ისტორიის, არქეოლოგიისა და ეთნოგრაფიის სერია, 1975, №4; გიულდენშტედტის მოგზაურობა საქართველოში, თარგმანი გ. გელაშვილისა, ტ. 1, 1962, გვ. 010.

⁶⁰ მ. პოლიევქტოვი, დასახ. ნაშრომი, გვ. 12; გიულდენშტედტის მოგზაურობა, ტ. 1, გვ. 024.

⁶¹ ზ. კიკინაძე, გერმანელი დოქტორი იაკობ რაინეგსი, გვ. 9.

⁶² გ. დედაბრიშვილი, იოანე ბატონიშვილის „კალმასობის“ ფილოსოფიური ნაწილის გამოკვლევა და ლექსიკონი, გვ. 5. — ქართული ფილოსოფიური აზრის ნარკვევები, IV, 1974.

ბილი ავსტრიელი კაპერალისტის (სახელმწიფო მეურნეობის მართვის სპეციალისტის) იოზეფ ზონენფელსის (1733—1817 წწ.) ნაშრომის „საპოლიციო, საეკონომიკო და საფინანსო მეცნიერების საფუძვლები“ ნაწილის თარგმნა, რომელიც დაიბეჭდა თბილისის სტამბაში. ზონენფელსი განათლებული აბსოლუტიზმისა და მერკანტილიზმის მქადაგებელი იყო. მას საჭიროდ მიაჩნდა ბატონყმობის გაუქმება, ფეოდალური პრივილეგიების მოსპობა, სახელმწიფო მიწების გლეხებისათვის დანაწილება, მრეწველობის განვითარებისათვის ხელის შეწყობა, სახელმწიფო საბაჟოების დაწესება, მოსახლეობის გამრავლებაზე ზრუნვა, დაუმუშავებელი მიწების ათვისება, განათლების განვითარება, სასტიკი სასჯელების გაუქმება და ა. შ.⁶³ ერთი ცნობით, ერეკლე II-ს განზრახული ჰქონია ზონენფელსის მოძღვრების, ნაწილობრივ მანის, პრაქტიკულად განხორციელება⁶⁴. ეს ფაქტი ნათლად გვიჩვენებს იმ იდეურ-პოლიტიკურ სიტუაციას, რომელიც XVIII ს. 80-იანი წლების თბილისში არსებობდა.

ქართველები დიდ ინტერესს იჩენდნენ ამ დროისათვის მოწინავე ევროპული კულტურის, მეცნიერებისა და ტექნიკის მიღწევებისადმი. 1783 წ. ძმები მონგოლფიების საჰაერო ბურთით გაფრენამ საქართველოში ისეთი დაინტერესება გამოიწვია, რომ 1785 წ. ერეკლე II-ის დაკვეთით ითარგმნა ამ გაფრენის შესახებ ვენეციაში გამოსული წიგნი⁶⁵.

ქართული საზოგადოებრივი აზრის განვითარების თვალსაზრისით, განსაკუთრებით საყურადღებოა ის ფაქტი, რომ XVIII ს. მიწურულს განათლებულ საზოგადოებაში ცნობილი და პოპულარული გახდა ფრანგ განმანათლებელთა იდეები. ამას ძირითადად ხელი შეუწყო იმ დროს თბილისში პარიზის აკადემიის ენციკლოპედიის გამოჩენამ, რომელშიც თავმოყრილი იყო ფრანგ განმანათლებელთა ნააზრევი⁶⁶. განმანათლებელთა იდეები, კერძოდ, მონტესკიეს შეხედულებანი სახელმწიფო მმართველობასა და განათლებულ აბსოლუტიზმზე, ასახული იყო ალექსანდრე ამილახვრის სოციალურ-პოლიტიკურ ტრაქტატში „ბრძენი აღმოსავლეთისა“ (დაიწერა დაახლ. 1780 წ.)⁶⁷. მაშინდელ ევროპაში განათლებული აბსოლუტიზმის მომხრე სწავლულები სპეციალურ ნაშრომებს — „ხელ-

⁶³ შ. რ ე ვ ე შ ე ი ლ ი, მეფე ერეკლე და ზონენფელსი. — ეურნ. განთიადი, 1976, №2 გვ. 155—156.

⁶⁴ ზ. კ ი კ ი ნ ა ძ ე, გერმანელი დოქტორი იაკობ რაინფის..., გვ. 9; შ. რ ე ვ ე შ ე ი ლ ი, დასახ. ნაშრომი, გვ. 157.

⁶⁵ გ. ქ ი ქ ო ძ ე, ერეკლე მეორე, 1941, გვ. 113.

⁶⁶ ტ. რ უ ხ ა ძ ე, დასახ. ნაშრომი, გვ. 24.

⁶⁷ პ. გ ე ლ ე ი შ ე ი ლ ი, მე-18 ს. საქართველოს ლიტერატურის მეკვიდრეობიდან. აღ. ამილახვარი, როგორც პოლიტიკური მოღვაწე, მწერალი და მოაზროვნე, 1936; გ. ა კ ო - ფ ა შ ე ი ლ ი, XVIII ს. საქართველოს პოლიტიკური აზროვნების ისტორიიდან. — ივ. ჭავჭავიძის სახ. ისტორიის ინსტიტუტის შრომები, I, 1955; ლ. ა ს ა თ ი ა ნ ი, ვოლტერისა და საქართველოში, 1933.

მწიფეთა სახელმძღვანელოებს“ კმნიდნენ მონარქებისათვის. სწორედ ასეთი „სახელმძღვანელო ხელმწიფისათვის“ იყო სოლომონ I-ისადმი მიძღვნილი „ბრძენი აღმოსავლეთისა“.

რუსეთიდან დაბრუნებულმა დავით ბატონიშვილმა თბილისში ჩამოიტანა და თავის ოთახში დაჰკიდა ვოლტერის სურათი. დავითი ვოლტერის ნაწერების გავლენით საეკლესიო წესების შესრულებას გაუბრბოდა. როცა გიორგი XII-მ მას ვოლტერის იდეების უარყოფა უბრძანა, დავითმა უარით უპასუხა. მაშინ განრისხებულმა მეფემ მსახურები გაგზავნა და ვოლტერის სურათი ცეცხლში დააწვევიანა⁶⁸. „ვოლტერის მოწაფედ“ იხსენიება თელავის სემინარიაში გაზრდილი დავით ესტატეს ძე ციციშვილი⁶⁹.

ყოველივე ზემოთქმული იმის დამადასტურებელია, რომ XVIII ს. მეორე ნახევრის თბილისის ქართველი მოსახლეობის იდეურ-კულტურული ორიენტაცია ევროპისაკენ იყო მიმართული. ამის გამო დღითიდღე უფრო ღრმავდებოდა ის წინააღმდეგობა, რაც საქართველოსა და მის მეზობელ მაკმადიანურ სამყაროს შორის არსებობდა როგორც პოლიტიკურ, ისე კულტურულ-იდეოლოგიურ სფეროში. თბილისის იდეურ-პოლიტიკური სიტუაცია გადამწყვეტ გავლენას ახდენდა მთელ საქართველოზე. სწორედ ეს იყო ერთ-ერთი იმ ძირითადი ფაქტორთაგანი, რამაც საქართველოს შემდგომი ბედი განაპირობა.

ლიტერატურა

ლიტერატურული საქმიანობა თბილისში კვლავ გამოცოცხლდა XVIII ს. 50-იანი წლებიდან, როცა ქართლ-კახეთის სახელმწიფო ირანის ხელქვეითობიდან გამოვიდა და ქალაქში შემოქმედებითი საქმიანობის პირობები და განწყობილება გაჩნდა. ცნობილია, თუ რა დიდი ენთუზიზმი გამოიწვია ქართლისა და კახეთის ტახტზე ქრისტიანი მეფეების ასვლამ. მწერლობა, განსაკუთრებით პოეზია, ერთბაშად გამოცოცხლდა. მელექსეობა მოდად იქცა. ძველი თბილისის ლიტერატურის მკვლევარს ი. გრიშაშვილს XVIII—XIX სს. მიჯნის თბილისში ლიტერატურის სარბიელზე მოღვაწე 50-მდე პირი ჰყავს დაძებნილი. მისი სიტყვით: „ეს მწერლები, რომლებიც ლექსაობდნენ მეფერამეტე საუკუნის დასასრულში და მეცხრამეტე საუკუნის დასაწყისს, გადარეულნი იყვნენ ანბანთა-ქებით, მუხამბაზებით და მაჯამებით“, მაგრამ მათი ნაწერები დაბალხარისხოვანი და ერთიმეორის მსგავსი იყო⁷⁰. XVIII ს. მეორე ნახევრის თბილისი პოეტთა ქალაქი იყო, მაგრამ იმდროინდელი პოეზია, იშვიათ გამოჩაყლის გარდა, მაღალი მხატვრული დონით არ გამოირჩეოდა.

⁶⁸ ლ. ასათიანი, დასახ. ნაშრომი, გვ. 64—65, 67.

⁶⁹ იქვე, გვ. 79.

⁷⁰ ი. გრიშაშვილი, საიათნოვა, 1938, გვ. 26.

XVIII ს. მეორე ნახევრის ქართლ-კახეთში მკაცრი სასულიერო ცენზურა არსებობდა, მაგრამ იგი ძირითადად ნაბეჭდ პროდუქციაზე ახდენდა გავლენას. ამავე ეპოქისათვის დამახასიათებელია აგრეთვე ბრძოლა ე. წ. „მაღალი სტილის“ დამკვიდრებისათვის. საქართველოში საერო მწერლობის ტრადიციები ისე ძლიერი იყო (ეს მწერლობა ხალხისათვის გასაგებ ენას იყენებდა), განსაკუთრებით სულხან-საბა ორბელიანისა და ვახტანგ VI-ის ლიტერატურული სკოლის მოღვაწეობის შემდეგ (ამ სკოლიდან გამოვიდა დავით გურამიშვილი), რომ „მაღალი სტილი“ — „ძველი ქართულის თავისებური სუროგატი — ენა დაღვლარქნილი, რთულ წინადადებათა მოტრფიალე, მიმღეობებით მდიდარი, ზმნებით ლარიბი, გასაგებად ძნელი“⁷¹, ძირითადად მხოლოდ სასულიერო მწერლობაში დამკვიდრდა; საერო მწერლობაზე მისი გავლენა მეტად უმნიშვნელო იყო, თუმცა ცალკეული მიმდევრები „მაღალ სტილს“ აქაც გაუჩნდა. მის დიდ გავლენას განიცდიდა ბესარიონ გაბაშვილი (ბესიკი). თბილისში მოღვაწე საერო მწერალთა შემოქმედებაზე „მაღალი სტილის“ გავლენა დიდად შეამკირა ქალაქის მოსახლეობის ეროვნულმა, სარწმუნოებრივმა და სოციალურმა სიკრულემ, ქალაქური ქართული ხალხურ-ენოვანი ფოლკლორის ძლიერებამ. ასეთ ვითარებაში პოპულარული ვერ გახდა და ხელნაწერ ფოლიანტებში იკარგებოდა დრომოკმული ფორმითა და არქაიზებული სტილით შექმნილი თხზულებანი.

დრომოკმული სტილით წერდნენ სახოტბო ლექსებს, წმინდანთა, მეფეთა და უფლისწულთა მაღალფარდოვან შესხმებს დავით რექტორი, ამბროსი წილკნელი და სხვანი, ძირითადად სასულიერო პირები⁷².

იმდროინდელ თბილისში ფართოდ გაშლილ საერო ლიტერატურულ შემოქმედებას აღმოსავლური, ძირითადად ირანული გავლენის დადი ესვა. გავრცელებული იყო სპარსული, კლასიკური ხანისა თუ თანადროული, სიუჟეტები, ლექსის ფორმები (მუხამბაზი, მუსტაზადი და სხვ.), ოსმალური ბაიათი⁷³. მაშინდელ ქართველებს „ამგვარი ლექსები უწერიათ სპარსულის და ოსმალურის სიმღერების ხმის მიხედვით და ამის გამო იმ ლექსებსაც სამღერელ სახელებით იხსენიებდნენ“⁷⁴. გ. ლეონიძემ სწორად შენიშნა, რომ ბესიკის ლირიკული ლექსები სიმღერები იყო. იოანე ბატონიშვილის სიტყვითაც ეს ლექსები იყო „სიმღერის ლექსები“, „სპარსთა ხმასა ზედა სამღერელი ქართულისა ენითა“⁷⁵. მისივე სიტყვით,

⁷¹ ა. ჩიკობავა, ახალი სალიტერატურო ქართული ენის წარმოქმნისათვის. — ქართული ენის განმარტებითი ლექსიკონი, ტ. I. 1950. გვ. 021.

⁷² ლ. მენაბდე, ძველი ქართული მწერლობის კერები, ტ. I. ნაკვეთი I, 1961, გვ. 166.

⁷³ ქართული პოეტის ქრესტომათია. გ. შიკაძის რედ., 1954. გვ. 144—145.

⁷⁴ იქვე, გვ. 149.

⁷⁵ იოანე ბატონიშვილი, კალმასობა. კ. კვეციძისა და ალ. ბარამიძის რედ., ტ. II, 1948, გვ. 204.

ერეკლე II-ის დროს თბილისში „გახშირდა სპარსთა ხმების საკრავნი და სიმღერანი და ამის მიბაძვით ეცადნენ რაოდენნიმე გვაზნი და გააყეთეს ქართულის ლექსებით ხმასა ზედა სპარსთასა და დაუკრევდიან ჩონგურთა და სხვათა საკრავთა ზედა და დაემღერებოდნან, ხოლო პირველ შემომღებნი ამა ხმისანი ქართულად იყვნენ სომეხთა მოსაკრავენი“, ხოლო შემდეგ მათ ქართველებმაც მიჰბაძეს⁷⁶. რაკი ლექსები ამა თუ იმ სპარსულ კილოზე სასიმღეროდ იქმნებოდა, მათ ხშირად სათანადო განმარტებასაც ურთავდნენ: „თეჯლისი“, „რასტის გუშა“, „გულ ჰამანუმ — ჰამანუმის ხმა“, „სანსან სანისის ხმა“ და ა. შ. ასე წერდნენ არა მარტო საიათნოვა ან ბესიკი (ნაწილობრივ), არამედ ბატონიშვილები თუ სხვა წარჩინებულნიც, მაგ. ლევან ბატონიშვილს დაუწერია ლექსი „თახმისის ხმაზე“, მის დას — მარიამს — „თურქთა ხმასა ზედა სათქმელი მუხამბაზი“⁷⁷, ქეთევან ბატონიშვილს — „გაფი დუგაში სათქმელი“⁷⁸ და სხვა. სპარსულ კილოებზე შეთხზული ლექსების დიდ პოპულარობაზე მიგვიჩვენებს იოანე ბატონიშვილის მოწმობა — იოანე მათ „საამო ხმებს და ლექსებს“ უწოდებს⁷⁹. მუსიკა, რომლის თანხლებითაც ამ ლექსებს მღეროდნენ, „სპარსულ-არაბულ-ქართული“ იყო⁸⁰.

აღმოსავლური გავლენის შედეგი იყო XVIII ს. მეორე ნახევრის თბილისში ე. წ. აშულური პოეზიის გაფურჩქვნა. სასიმღეროდ შეთხზული აშულური ლექსები ძირითადად ზეპირად ვრცელდებოდა, მაგრამ წერილობითი კრებულების სახითაც შემოინახა. თბილისელი აშულები ჩვეულებრივ რამდენიმე ენაზე წერდნენ და მღეროდნენ⁸¹.

თბილისში დროდადრო იმართებოდა აშულთა შეკრებანი, რომელშიც ადგილობრივ აშულებთან ერთად ამიერკავკასიის სხვა ქალაქებიდან ჩამოსული აშულებიც მონაწილეობდნენ. „აშულებმა ქართულ მწერლობაში შემოიტანეს თბილისის ვაჰარ-ხელოსნური წრეების ენობრივი ჟარგონი, ბაზრების, საწვრილმანოებისა და მოედნების ლექსიკა, ვაჰარ-ხელოსანთა ქალაქური პროფესიული ტერმინოლოგია“⁸². თბილისელ აშულთა შემოქმედებაში „არეულია არაბულ-სპარსული, ქართულ-სომხური ხმათა კი-

⁷⁶ იოანე ბატონიშვილი, კალმასობა, კ. კვეციანისა და ალ. ბარამიძის რედ., ტ. 1, 1936, გვ. 296.

⁷⁷ ლ. ასათიანი, ძველი საქართველოს პოეტიკალები. 1936, გვ. 197.

⁷⁸ იქვე, გვ. 238.

⁷⁹ ი. ბატონიშვილი, კალმასობა, ტ. 1, გვ. 300.

⁸⁰ დ. არაყიშვილი, ქართული ხალხური მუსიკა, გვ. 242. — ეურნ. „კავკასიონი“, 3—4, 1924.

⁸¹ კ. კეკელიძე, ალ. ბარამიძე, ძველი ქართული ლიტერატურა, ტ. 1, 1954, გვ. 470 (ქართული ლიტერატურის ისტორია, ტ. 1).

⁸² იქვე, გვ. 469.

ლოვნება“, რის გამოც, როგორც სამართლიანად შენიშნა ი. გრიშაშვილმა, „აშულები ქართველთა სიამაყენი არასოდეს არ იქნებიან“⁸³.

იმავე დროს თბილისში არსებობდა ეროვნული, ქართული ხალხური პოეზია, ტრადიციული ლექსთწყობითა და ხალხური სიმღერის კილოსთან შეხამებული...⁸⁴ უცხოური კილოები ქალაქის ვაჭრულ ფენას, „აღებ-მიცემის“ კაცებს ემსახურებოდა, ნაწილობრივ ქართული არისტოკრატიის ზოგ წრესაც, ხალხური კილო კი ქალაქის მდაბიო მოსახლეობას⁸⁵.

XVIII ს. მიწურულის თბილისის ლიტერატურული იერიშათვის დამახასიათებელი იყო მეტად მნიშვნელოვანი სიახლე — ევროპული გავლენის შემოქრა⁸⁶. რუსეთთან გაცხოველებულ პოლიტიკურ კონტაქტებს გაცხოველებული კულტურული კონტაქტებიც მოჰყვა. ქართველები ევროპის ცივილიზაციის მიღწევებს რუსეთის გზით ეცნობოდნენ, ამის გამო რუსულის გავლენა დაეტყო ქართულ სალიტერატურო ენას და ლიტერატურულ თემატიკასა და ენარებსაც⁸⁷. რუსულიდან ითარგმნებოდა როგორც ევროპელ, ისე რუს მწერალთა ნაწარმოებები. დავით ჩოლოყაშვილმა თარგმნა რასინის ტრაგედია „იფიგენია“⁸⁸, გიორგი ავალიშვილმა — ა. პ. სუმაროკოვის პიესები: „რქის მატარებელი მამაკაცი“, „დედა რაყიფი ქალისა“, „საჩხუბარი“ და „მკვდართა უბნობა“; უცნობმა პირმა — სუმაროკოვის „ცრუ-დიმიტრი“⁸⁹. გ. ავალიშვილსვე უთარგმნია მ. შ. ხერასკოვის დრამატული ტრილოგია ანტიკურ თემებზე⁹⁰, აგრეთვე ერაზმ როტერდამელის ოთხი ნაწარმოები⁹¹. ერეკლე II-ის დროს ითარგმნა ჟან-ფრანსუა მარმონტელის „ველისარიონი“⁹². თბილისელთათვის ცნობილი ხდებოდა რუსეთში მცხოვრებ ქართველთა მიერ თარგმნილი ისეთი ნაწარმოებები, როგორც იყო მონტესკიესა და ვოლტერის თხზულებანი და ა. შ.

რაკი საერო მწერლობის ნიმუშები სტამბური წესით იშვიათად გამოიცემოდა, ისინი ძირითადად ხელნაწერი სახითა და ზეპირად ვრცელდებოდნენ. პოეტური ნაწარმოებების ნაწილი ექსპრომტად ითქმებოდა არისტოკრატთა თუ საშუალო ფენების თავმჯეყრა-მეჭლისების დროს.

⁸³ ი. გრიშაშვილი. საიათნოვა, 1938, გვ. 9.

⁸⁴ გ. ლეონიძე. ბესიკი, 1953, გვ. 74 (ა. ცაგარელის წერილიდან).

⁸⁵ იქვე.

⁸⁶ ქ. კეკელიძე, ქართული ლიტერატურის ისტორია, ტ. I, 1941, გვ. 62.

⁸⁷ იქვე, გვ. 71.

⁸⁸ ტ. რუხაძე. ძველი ქართული თეატრი და დრამატურგია, 1949, გვ. 169.

⁸⁹ იქვე, გვ. 211.

⁹⁰ იქვე, გვ. 310.

⁹¹ ტ. რუხაძე, ქართულ-რუსული ლიტერატურული ურთიერთობიდან, 1960, გვ. 339.

⁹² იქვე, გვ. 243.

ასეთ თავყრილობებზე გავრცელებული იყო ეპიგრამების, ზმებისა და პოეტური გაპაექრების უნარები.

ასე რთული და მრავალფეროვანი იყო XVIII ს. მეორე ნახევრის თბილისის ლიტერატურული ცხოვრება.

იმდროინდელ თბილისში მოღვაწე საერო მწერალთაგან შემოქმედების თემატიკითა და დონით მკვეთრად გამოირჩევა ორი პოეტი — ბესარიონ გაბაშვილი (ბესიკი, 1750 — 1791, თბილისში მოღვაწეობდა 1778 წლამდე) და არუთინ საიათნოვა (გარდაიცვალა 1801წ.)⁹³.

რთული და მძიმე იყო დაქვეითებული ძირძველი არისტოკრატიული გვარის შვილის, თავისი დროისათვის დიდად განათლებული პიროვნების ბესარიონ გაბაშვილის ცხოვრების გზა. თანამედროვის სიტყვით იგი იყო „ცოდნით შენასრული“, „მეცნიერებათა შინა გამოცდილი“, შესანიშნავი მოქართულე, იცნობდა ანტიკურ და ახალ ევროპულ ლიტერატურას (ლესაჟი, მარმონტელი,...)⁹⁴, იცოდა სპარსული და თურქული ენები, შემდეგ რუსულიც შეისწავლა. ანტიკურ მწერალთაგან მის ნაწარმოებებში იხსენიებიან: არისტოტელე, პლატონი, პროკლე, დიოგენი, პომპროსი... უკვე ახალგაზრდობაში ბესიკი ცნობილი გახდა როგორც შესანიშნავი პოეტი, დამკვრელი და მომღერალი. იოანე ბატონიშვილის სიტყვით, „ბესარიონ გაბაშვილი იყო... უცხო პიიტეოს-მოშაირე, მსგავსი რუსთაველისა, რომელმაც მრავალნი საამო შაირნი დასწერა სპარსთა ხმათა ზედა სამღერელი ქართულითა ენითა და აგრეთვე სხვანიცა ლექსნი“⁹⁵. ბესიკი თბილისელთა საერთო სიყვარული იყო. მას ერთნაირი წარმატება ჰქონდა როგორც არისტოკრატიულ წრეებში (თვით მეფის კარზე), ისე მდაბიო ფენებშიაც. „მელექსეთბაშად“ აღიარებული პოეტი მუდამ ეკონომიურ სივიწროვეს განიცდიდა და ზოგჯერ იძულებული იყო მდიდარ თბილისელთა ღხინში დაქირავებული მომღერლის როლში გამოსულიყო. მისი პოლიტიკური და პოეტური მეტოქე დიდი მოხელე ჭაბუა ორბელიანი ბესიკს დასცინოდა, რომ იგი „დაჰყავთ მუდამ ქირით“⁹⁶. 1777 წ. პოლიტიკურ საფუძველზე მეფესთან დაპირისპირების გამო ბესიკი იძულებული გახდა თბილისი მიეტოვებინა და იმერეთს გადახვეწილიყო. შემდეგ იგი იმერეთის მეფის დიპლომატიურ დავალებებს ასრულებდა, იასაში გარდაიცვალა და იქვეა დამარხული.

ბესიკის ლიტერატურული შემოქმედება მრავალფეროვანია. მიუხედავად იმისა, რომ ხარკს უხდიდა ანტონ კათალიკოსისეულ „მალალ სტილს“, ბესიკი, როგორც ბრწყინვალე ლირიკოსი, რითმის ჯადოქარი,

⁹³ საიათნოვას გარდაცვალების თარიღის შესახებ იხ. ი. ბატონიშვილი, კალმასობა, 1, გვ. 223—227; ლ. მელექსეთბეგი, საიათნოვა, 1930, გვ. 138.

⁹⁴ გ. ლეონიძე, ბესიკი, 1953, გვ. 6—7.

⁹⁵ ი. ბატონიშვილი, კალმასობა, II, 1948, გვ. 204.

⁹⁶ გ. ლეონიძე, ბესიკი, გვ. 52.

ლექსის ოსტატი, უაღრესად პოპულარული იყო. მის პოეზიას დიდად აჩნდა აღმოსავლური გავლენა — იგი ლექსებს მეტწილად მუხამბაზისა და მუსტაზადის ფორმით წერდა. ბესიკისთვის დამახასიათებელი იყო ლექსის გარეგანი ფორმით გატაცება⁹⁷, მისი ლექსები უაღრესად მუსიკალურია (სასიმღერო) და რიტმული. მრავალფეროვანია ლექსის ფორმებიც. „ქართული წყობილსიტყვაობის გამდიდრების საქმეში მას ისეთი ღვაწლი მიუძღვის, როგორც არცერთს ქართველ მგოსანს, გარდა დავით გურამიშვილისა“⁹⁸; იგი წერდა ანბანთაქებებს, მაჯამებს, ოდებს, ზმებს, საგმირო-საისტორიო პოემებს, ელეგიებს, სატირებს („ლათაია“) და ა. შ. მხატვრული თვალსაზრისით მისი შემოქმედება ზოგჯერ წინააღმდეგობრივია — ტექნიკას (ბრწყინვალე ალიტერაცია, თითქმის მუსიკასთან მიახლოებული რიტმი...) მსხვერპლად ეწირება აზრი, შინაარსი.

ბრწყინვალეა ბესიკის სატრფიალო ლირიკა; სატრფოსადმი მიძღვნილი მისი ლექსები, შინაგანი რითმებითა და მკლერადი ალიტერაციით შემკული უმაღლესი პოეტური ოსტატობის ნიმუშებია:

„ტანო ტატანო, გულწამტანო, უცხოდ მარებო,
ზილფო კაეებო, მომკლავებო, ვერ საკარებო,
წარბ-წამწამ-თვალნო, მისათვალნო. შემაზარებო,
ძოწ-ლალ-ბაგეო. დამდაგეო, სულთ-წამარებო,
პირო მთეარეო, მომიგონე მზისა დარებო“.

(„ტანო ტატანო“).

ასევე სიტყვებში განხორციელებული მუსიკაა „სევდის ბაღს შეველ“, „მუხამბაზი“ და მრავალი სხვა ლექსი.

„ბესიკის პოეზია მუსიკიდან გამომდინარეობს, ბესიკი სმენის ოსტატია, მისი პოეტური პრინციპი მუსიკაა“⁹⁹. ამიტომაა, რომ თანამედროვენი დიდად აფასებდნენ ბესიკს როგორც მომღერალს, „ტყბილზმონანს“¹⁰⁰.

მან შექმნა რამდენიმე ტრაგიზმით აღსავსე ელეგია, პატრიოტული და ისტორიული პოემა. უკანასკნელ შემთხვევაში იგი სათანადო ეროვნულ ტრადიციულ ფორმას — 16-მარცვლოვან შაირს იყენებდა. პოემაში „ასპინძისათვის“ ბესიკმა ქება შეასხა ასპინძის ბრძოლის გმირს, თავის მეგობარს, დავით სარდალს (ორბელიანს). მაღალი ოსტატობითაა შექმნილი ისტორიულ-პატრიოტული პოემა „რუხის ბრძოლა“, რომელშიაც პატრიოტული მგზნებარებითაა შექმებული რუხის ბრძოლის (1779 წ.)

⁹⁷ კ. კ ე ე ლ ი ძ ე . ა . ბ ა რ ა მ ი ძ ე . ქართული ლიტერატურის ისტორია, ტ. I, 1954, გვ. 493.

⁹⁸ ბესიკი, ს. გორგაძის რედ., 1912, გვ. XVIII.

⁹⁹ გ. ლ ე ო ნ ი ძ ე , ბესიკი, 1953, გვ. 4.

¹⁰⁰ იქვე.

გმირები, პროთურქული კოალიციის წინააღმდეგ თავდადებით მებრძოლი ქართველი მეომრები.

ლალი, ხალასი იუმორითაა აღსავსე ბესიკის სატირულ-იუმორისტული პოემა „რძალ-დედამთილიანი“, რომელშიაც ხალხური პოეზიის ტრადიციული ხერხებითაა აღწერილი თბილისის ქალაქური ყოფის გროტესკული სურათი.

არუთინ საიათნოვა (1712?—1801 წწ.) თბილისში დაიბადა და აღიზარდა. ვახუშტი ბაგრატიონის სიტყვით, თბილისელი სომხები, რომლებიც ქართველებთან ერთად ციხის გარეთ, ქალაქში ცხოვრობდნენ, იყვნენ „ქცევა-ზნითა ქართულითა“¹⁰¹. თბილისელ სომეხთა სალაპარაკო ენა, ჩვეულებრივ, ქართული იყო; მათი უმრავლესობა სომხურს სუსტად ფლობდა¹⁰². ამან სათანადო ელფერი მისცა საიათნოვას შემოქმედებას: საიათნოვა ლექსებს წერდა ქართულ, სომხურ და აზერბაიჯანულ ენებზე¹⁰³.

საიათნოვა ჯერ ერეკლე II-ის, შემდეგ კი გიორგი ბატონიშვილის ყმა იყო. ახალგაზრდა ხელოსანი, რომელსაც პოეტის, მუსიკოსის და მომღერლის ხალასი ნიჭი ჰქონდა მომადლებული, ამ ნიჭის წყალობით ადრე გახდა ცნობილი და დაწინაურდა როგორც (მისივე სიტყვით) მეფის კარის „ხუმარი“ და „მეფის საზანდარი“. იოანე ბატონიშვილს საიათნოვას ნაამბობი ჩაუწერია 1800 წელს: „მე ვიცოდი ჩონგური კარგად და ამასთან სპარსულ ხმებზედ გავაკეთე... მეფემან ირაკლი ინება მეჭლიში და მიგვიყვანეს მესაკრავენი. მაშინ მე სპარსულის ხმით ქართულად ვიმღერე, ბატონს დიდად ეამა და ხალათიც მიბოძა და მერეთ სხვათაც მრავალთა თქვეს და მომბაძეს“¹⁰⁴.

აშული საიათნოვა აქტიურად მონაწილეობდა თბილისის საზოგადოებრივ თუ კულტურულ ცხოვრებაში. თავისუფლად მოაზროვნე პოეტი დაუპირისპირდა სომხურ კლერიკალურ წრეებს (როგორც ჩანს, ასე უნდა გავიგოთ პლ. იოსელიანის ცნობა)¹⁰⁵. მათი დაუინებით მოხუცი საიათნოვა იძულებული გახდარა „ცოდვათა მოსანანიებლად“ ბერად აღკვეცილიყო და თავისი სიცოცხლე ახპატის მონასტერში დაემთავრებინა.

¹⁰¹ ვახუშტი, ქართლის ცხოვრება, IV, 1973, გვ. 338.

¹⁰² Кандеев И. К., Очерки закавказской жизни, т. I, СПб, 1902, с. 99.

¹⁰³ ი. გრიშაშვილი, საიათნოვა, 1918, გვ. 42. საიათნოვა თხზავდა თბილისის არაქართულ მოსახლეობაში გავრცელებულ თავისებურ კილოზე. რომელშიაც ქართული შეზავებული იყო აღმოსავლური ენების ლექსიკითა და ნაწილობრივ მათივე სინტაქსური წყობითაც ხასიათდებოდა. ამის გამო საიათნოვას ლექს-სიმღერების გავრცელების არე თბილისით შემოიფარგლა. საიათნოვას ქართული სიმღერების გამომცემელმა ი. გრიშაშვილმა ამ სიმღერებს „ზედმეტი ხორცები მოაცილა“ და მათი ენა ქართულ სალიტერატურო ენას დაუახლოვა (იქვე, გვ. 45).

¹⁰⁴ ი. ბატონიშვილი, კალმასობა, I, გვ. 227.

¹⁰⁵ ვ. იოსელიანი, ცხოვრება მეფე გიორგი მეცამეტისა, 1978, გვ. 256.

საიათნოვა იყო ბრწყინვალე ლირიკოსი, მუხამბაზის უბადლო ოსტატი, ქალაქის დაბალი ფენების ფიქრთა მესაიდუმლე. იგი მღეროდა:

„ღამეხსენი, ავკაცობა არ მინდა,
ქვეყანაზე გაფენობა არ მინდა...
ერთგული ვარ, ორგულობა არ მინდა,
მე გლეხი ვარ, თავადობა არ მინდა“¹⁰⁶.

ეკლესიისადმი თავისი დამოკიდებულება ბერად შემდგარმა საიათნოვამ ასე გამოხატა:

„შე საწყალო ჩემო თავო, რა იქენ?
ქვეყანაში სასაცილო შაიქენ,
საითაც გაიქეც, იქითაც წაიქეც,
ბოლოს დროსა ბედოვლათიც შაიქენ.
ბრინჯი ვიყავ. ქერობა რად მინდოდა?
ქორი ვიყავ, ძერობა რად მინდოდა?
ერი ვიყავ. მღვდელობა რად მინდოდა?
მოღი მითხარ, ბერობა რად მინდოდა?“¹⁰⁷

საიათნოვას პოეტური ბუნება მშვენიერად ჩანს იოანე ხელაშვილთან 1800 წელს მის საუბარში. იოანეს რჩევაზე — თუ ბერი ხარ, საკრავებზე ხელი უნდა აილოო, საიათნოვას უპასუხია: „ვინემ ეს სიმები ამ ჩონგურს ასხია და არ დაუწყდება, ხელს არ ავიღებ, ამისთვის, რომ ოდეს მაკურთხეს, ეს სიმები უბეში დამრჩომოდა და ესეც ჩემთან ეკურთხა და ამ ნაკურთხს სიმებზედ ვუკრავ ხმებს“¹⁰⁸.

თანამედროვეთა მოწმობით, საიათნოვა ისე დიდი პოეტი არ იყო, როგორც იმპროვიზატორ-შემსრულებელი, დამკვრელი და მომღერალი. აშულთა შეჯიბრში იგი ყოველთვის გამარჯვებული გამოდიოდა¹⁰⁹. არსებობს ცნობა, რომ საიათნოვამ სომხურად თარგმნა ბესიკის რამდენიმე ლექსი¹¹⁰.

საიათნოვას ხალასმა პოეტურმა ნიჭმა, პირუთენელობამ და დემოკრატიულმა სულმა მას თბილისელთა შორის დიდი ავტორიტეტი მოუპოვა. დიდად აფასებდა მას მაღალი საზოგადოებაც. თეიმურაზ ბატონიშვილის სიტყვით, საიათნოვას ლექსები „აზრიანი და შესაბამიერია; თუმცა ლიტონი სტიხებია მდაბიურს გვარზე, მაგრამ დიდად მოსაწო-

¹⁰⁶ ი. გ რ ი შ ა შ ვ ი ლ ი . საიათნოვა. 1918, გვ. 116.

¹⁰⁷ იქვე, გვ. 107.

¹⁰⁸ ი. ბ ა ტ ო ნ ი შ ვ ი ლ ი ; კალმასობა. 1, გვ. 227.

¹⁰⁹ ი. გ რ ი შ ა შ ვ ი ლ ი . საიათნოვა. 1918, გვ. 11 და 47.

¹¹⁰ გ. ლ ე ო ნ ი ძ ე . ბესიკი. 1953, გვ. 53.

ნია¹¹¹. საიათნოვას მუხამბაზების ზემოქმედებითი ძალა ისეთი იყო, რომ მან განაპირობა მუხამბაზის დიდი პოპულარობა.

XVIII ს. მეორე ნახევრის თბილისში მოღვაწე სხვა მწერალთაგან აღსანიშნავია დავით ორბელიანი, რომელმაც შეთხზა ფართოდ გავრცელებული სიმღერა „პირზედ გაქვს ხალი“ და სხვა ლექსები¹¹², პოეტი ქალი მანანა, მზექათბუე ორბელიანი, „კატის ომის“ მთხზველი ისაკ მცირე, სატირული ლექსებისა და მუხამბაზების მთხზველი დავით რექტორი (ალექსიშვილი), „მოსტიხენი“: დავით ჩოლოყაშვილი, პეტრე ლარაძე, იოსებ გაბაშვილი, ბარძიმ ბარათაშვილი და „სხვანი ყმაწვილნი კაცნი ქართველნიცა და სომეხნიცა“¹¹³.

პოეტურ ნაწარმოებებს ქმნიდნენ სხვა ბატონიშვილებიც: ლევანი, დავით გიორგის ძე, მარიამ ერეკლეს ასული („ისეთი მოლექსე, რომ ამბობდნენ. — დიდის მეფის თეიმურაზის ნიჭი გამოჰყვა ამ ქალსაო“)¹¹⁴, ქეთევან და თეკლა ერეკლეს ასულები. ორიგინალურ თხზულებებს ქმნიდნენ: სოლომონ მესხიშვილი („დავით ბატონიშვილის შესხმა“, „ეტრფის მთიებსა“ და სხვ.)¹¹⁵, ეფრემ მესხიშვილი¹¹⁶ და სხვანი. მაღალმხატვრული „მოთქმით ტირილი საქართველოს მეფის ღერკულეს ნეტარის ღირსისა“ (ერეკლე II-ის გლოვა) შექმნა სოლომონ ლეონიძემ¹¹⁷.

XVIII ს. მეორე ნახევრის თბილისში გრძელდებოდა ქართული სასულიერო მწერლობის ტრადიციები. უხვად იქმნებოდა მეტაფრასტული ჰაგიოგრაფიული ნაწარმოებები. განსაკუთრებით ნაყოფიერად საქმიანობდა კათალიკოსი ანტონ I (1720—1788 წწ.), რომელმაც მრავალრიცხოვან თეოლოგიურ და ფილოსოფიურ ნაშრომებთან ერთად შექმნა ვრცელი „მარტირია“ — ქართველ მოწამეთა ცხოვრების კომპენდიუმი¹¹⁸, მანვე შეთხზა ვრცელი ორიგინალური ნაშრომი „წყობილსიტყვაობა“ — პოეტური „სახელმძღვანელო საქართველოს გამოჩენილ მეფეთა და წმინდანთა ცხოვრება-წამებისა და ქართველ მწერალ-მოღვაწეთა ლიტერატურული საქმიანობის გასაცნობად“, რომლითაც სკოლებსა და სემინარიებში ხელმძღვანელობდნენ¹¹⁹.

¹¹¹ ქ. ქეკელიძე, აღ. ბარამიძე, ძველი ქართული ლიტერატურა (V—XVIII სს.), გვ. 478 (ქართული ლიტერატურის ისტორია, ტ. 1, 1954).

¹¹² ქართული სიტყვაკაზმული მწერლობის ანთოლოგია, II, გვ. 267; ლ. მენაბდე, დასახ. ნაშრომი, გვ. 165.

¹¹³ ბატონიშვილი, კალმასობა, II, გვ. 204; ლ. მენაბდე, დასახ. ნაშრომი, გვ. 164.

¹¹⁴ ლ. ასათიანი, ძველი ქართული პოეტი ქალები, 1936, გვ. 197.

¹¹⁵ ლ. მენაბდე, დასახ. ნაშრომი, გვ. 171.

¹¹⁶ იქვე, გვ. 172.

¹¹⁷ იქვე, გვ. 166.

¹¹⁸ იქვე, გვ. 168.

¹¹⁹ იქვე.

XVIII ს. მეორე ნახევრის თბილისში შეიქმნა ორიგინალური სახის პროზაული ნაწარმოები — იესე ოსეს ძის (ბარათაშვილის) „ცხოვრება-ანდერძი“ — მემუარული ხასიათის ვრცელი თხზულება, რომელიც მდიდარ მასალას შეიცავს იმდროინდელი აღმოსავლეთ საქართველოს პოლიტიკური და სოციალურ-ეკონომიკური ისტორიისათვის¹²⁰.

ზემოთქმულიდან ცხადია, რომ XVIII ს. მეორე ნახევრის თბილისში გაცხოველებული და მრავალფეროვანი ლიტერატურული შემოქმედება იყო გაჩაღებული. ამ შემოქმედებისათვის, იშვიათ გამონაკლისს გარდა (ბესიკი) ნოვატორობა ან ორიგინალობა არ იყო დამახასიათებელი. ლიტერატურა, როგორც მაშინდელი საზოგადოება, ძველისა და ახლის მიჯნაზე იდგა: ერთმანეთს ებრძოდა ძველი, დრომოკმული, ჩამორჩენილი აღმოსავლური რუტინა და ახალი, მოწინავე ევროპული ნაკადი. ამავე დროს გრძელდებოდა ძველი ეროვნული, ქართული ტრადიცია, რომელსაც ევროპული განვითარების ტენდენცია სუსტად, მაგრამ მაინც ეტყობოდა.

ხელოვნება

XVIII ს-ის განმავლობაში, მით უფრო თეიმურაზ II-ისა და ერეკლე II-ის დროს, თბილისში სამშენებლო ღონისძიებები უმეტესად სათავდაცვო ნაგებობათა აღდგენისაკენ იყო მიმართული. თვით ქალაქის ხასიათისა და საცხოვრებელთა ხუროთმოძღვრებაზე, წინა ხანასთან შედარებით, პრინციპულად ახალი არაფერია სათქმელი. კვლავ წერილობითი ცნობების მიხედვით ვიცით, რომ სამეფო სასახლე წინანდელთან შედარებით ამ დროს გაზრდილი იყო, რამდენიმე კორპუსისგან შედგებოდა; ცალ-ცალკე იხსენიება მეფის, დედოფლის, ბატონიშვილის, აგრეთვე კათალიკოსის და რამდენიმე დიდი ფეოდალის სასახლეები — ყველა ანჩისხატის უბანში იყო თავმოყრილი — ეს იყო არისტოკრატიული უბანი. სამწუხაროდ, აღა-მაჰმად ხანის შემოსევის დროს მეფის სასახლისგან ქვა ქვაზე აღარ დარჩენილა (XIX ს. დასაწყისის ერთი ავტორის სიტყვით, კიშკრის გარდა აღარაფერი ჩანდა). ამ ხანას ეკუთვნოდა ზოგი ეკლესია (ქართული და სომხური), ამავე საუკუნეში ხელშეორედ აშენდა ქვაშენთის ეკლესია (გივი ამილახორმა ააშენა), მეტეხის ციხიდან 1748 წელს სპარსელთა განდევნის შემდეგ შეკეთდა და ამოკმედდა დიდი ხნის წინათ მიტოვებული მეტეხის ეკლესიაც; ისანში კვლავ აშენდა დარეჯან დედოფლის სახლი, რომელიც დღესაც ჩიტის ბუდესავით ჩანს მტკვრის მარცხენა ნაპირზე, რიყის უბნის ზემოთ, ციცაბო კლდეზე დაკიდული. სა-

¹²⁰ იესე ბარათაშვილის ცხოვრება-ანდერძი. გამოსცა ავ. იოსელიანმა (მასალები საქართველოსა და კავკასიის ისტორიისათვის, 1950. ნაკვეთი 28).

მინიატურო მხატვრობა ამ დროს საბოლოოდ დაქვეითებულია, მაგრამ კალიგრაფიული ხელოვნება კვლავ მაღალ დონეზე დგას. მიუხედავად სტამბის დაარსებისა, ხელნაწერი წიგნი საქართველოში XIX ს-მდის ინარჩუნებს მნიშვნელობას.

XVIII ს. მიეკუთვნება ზემოთ უკვე მოხსენიებული ალექსი-მესხი-შვილთა მოღვაწეობა. გვარის ყველაზე მნიშვნელოვანი წარმომადგენლები იყვნენ: ანჩისხატის დეკანოზი ალექსი გრიგოლის ძე (XVIII ს. შუა ათეული წლები). იოანე ბატონიშვილის „კალმასობაში“ მის შესახებ შემდეგია ნათქვამი: „ესე იყო მეცნიერი კაცი, მოძღუარი, სულიერი ანტონი კათალიკოზისა, მწერალი ხუცურისა და მხედრულისა, რომელიც ღირს ქებისა არის ნაწერებისაგან. ამან მრავალნი საღმრთო წერილნი და ისტორიანი გადასწერნა“. ალექსის გადაწერილი სასულიერო და საერო შინაარსის წიგნები კარგად არის ცნობილი და მოწმობს, რომ მას სავსებით დამსახურებული ჰქონდა თავისი საქმის დიდი ოსტატის სახელი. განსაკუთრებით ლამაზია მისი ნუსხური ნაწერი. ყველაზე მდიდრულად მორთული (ჩარჩოები, თავსამკაულები, ხლართული ასოები) მის წიგნთა შორის 1743 წელს კათალიკოს-პატრიარქის ნიკოლოზის შეკვეთით გადაწერილი ოთხთავია¹²¹. ბევრ მის წიგნს მინიატურებიც ახლავს. ასეთებია ჟამნი, წმინდანთა ცხოვრება, — ქართველ წმინდანთა 24 გამოსახულება, ოთხთავი, საბას ლექსიკონი საბას პორტრეტით¹²².

აღნიშნულ ნახატთაგან ზოგი ევროპული მხატვრობის გავლენას ამჟღავნებს — ეს უკვე წინა საუკუნის ქართულ მინიატურებშიც იყო შესამჩნევი, მაგრამ რეალისტური ევროპული მხატვრობის ფორმალური საშუალებები — პერსპექტივი, მოცულობის გადმოცემა და სხვ. — ალექსისთვის მაინც უცხოა. ამ მინიატურებს კულტურულ-ისტორიული ღირებულება უფრო აქვს (მით უფრო, პორტრეტებს), ვიდრე მხატვრული. პ. კარბელაშვილის ცნობით, ალექსი გარდაცვლილა 1766 წელს და ანჩისხატშივე დაუკრძალავთ.

სოლომონ ალექსის ძე (1742—1808 წწ.), რომელიც 1791—1808 წლებში აგრეთვე ანჩისხატის დეკანოზი იყო. იოანე ბატონიშვილი. კალმასობაში ალექსის ვაჟების შესახებ წერს: „ამათაც ისწავლეს ხუცურისა და მხედრულის წერა, გარნა მხედრულის წერასა შინა ჭერეთცა არც ძველად და არც ახლად არეინ თქმულან უკეთესი ამათსა, და მეტადრე სოლომონ დეკანოზისა“. ხოლო თეიმურაზ ბაგრატიონის (გიორგი XII-ის ძის) ბიბლიოთეკის კატალოგში, რომელიც თეიმურაზისვე შედგენილია, სოლომონის მიერ გადაწერილი ერთი წიგნის შესახებ ნათქვამ-

¹²¹ აკად. კ. კეკელიძის სახ. ხელნაწერთა ინსტ., ფ. H, №1666.

¹²² იხ. იქვე. ფ. S, №1096; ფ. H, №2077 და №1666.

მია: „...მრგვალის ხელით ესრეთი წერილი არის, რომელ დღესაც, რომელნიც ქართველთაგანნი წერის ხელოვნებაში ქებულნი არიან, ყოველთავე ასე უთქვამს და ასე იტყვიან, რომელ ეგვიპტის მშვენიერი ხელით წერილი ძნელად შესაძლებელ არს, რომ დაეწეროს ვისმე, რომელნიც რჩეულნი და ჩინებულნი მწერალნი არიან ანუ ყოფილანო“. სოლომონ ალექსი-მესხიშვილის ვირტუოზული დახელოვნების ბევრი ნიმუშის დასახელება შეიძლება, ერთი ამათგანია ვახუშტის საქართველოს ისტორია, 1787 წელს გადაწერილი, რომელიც ერთი ულამაზესი მხედრული წიგნთაგანია XVIII საუკუნეში.

ალექსის შვილია აგრეთვე დავით რექტორი, ქართული კულტურის ერთი თვალსაჩინო მოღვაწეთაგანი, რომელიც მშვენიერი კალიგრაფიც იყო. ასევე სახელმოხვეჭილია, როგორც კალიგრაფი, მიქაძეთა გვარის წარმომადგენელი ნიკოლოზი, სიონის დეკანოზი (1720—1780), რომელიც წიგნებს წერდა თეიმურაზ II-ის, ვახტანგ VI-ის სიძის, ანუკა ბატონიშვილის მეუღლის, ვახუშტი აბაშიძის, ანტონ კათალიკოსის, ეპისკოპოსთა და სხვათა შეკვეთით. ნიკოლოზს თავისი ვირტუოზული ოსტატობით თავი მოჰქონდა კიდევ. გიორგი XII-ის კონდაკის მინაწერში იგი ამბობს: „მოიხსენეთ, რომელ ერთის გამოჭრილის კალმით დამიწერია, რომ არ გამომიცვლია კალამი, და ჩვენმა შემდგომად ვინც ეს ასე მწერლობა ეცადინოს, საქებელ იყავნო“. აი იოანე ბატონიშვილის აზრი მის შესახებ: იგი „იყო საღმრთო წერილში გამოცდილი, ხეცურის ხელის მწერლობაში პირველი, რომელ ჯერეთ არავინ ყოფილა ამისთანა მშვენიერის ხელით მწერალი. ვითარცა ესე და აგრეთვე ხელჩამრთველი მშვენიერად“.

XVIII ს-ის საუკეთესო ქართული ხელნაწერები მოწმობს ეროვნული ხელოვნების ამ დარგის დიდ სიმტკიცეს ამ გვიან ხანაშიაც. აქა-იქ მათს მორთულობას ირანული მოტივები მაინც ერევა, შესამჩნევია აგრეთვე, როგორც აღენიშნეთ, დასავლეთ-ევროპული მოტივების შემოქონვეაც. ეს არ არის შემთხვევითი. როგორც ცნობილია, რუსული და ევროპული კულტურისა და ხელოვნებისადმი ინტერესი, ევროპული და რუსული მწერლობისა და სწავლა-განათლებულობისადმი მისწრაფება ერეკლე II-ის გარემოცვაში სრულიად აშკარა იყო. სრული დარწმუნებით ძნელი სათქმელია, ვისი შესრულებულია საქართველოს მეფეთა ოჯახის წევრებისა და არისტოკრატიის წარმომადგენელთა რეალისტური პორტრეტები XVIII ს-ის მიწურულისა და XIX ს. დასაწყისისა (დარეჯან დედოფალი, „საქართველოს მეფის ირაკლის მეორის ასული თეკლა“, გარსევან ჭავჭავაძე და მისი მეუღლე), მაგრამ დამახასიათებელი ის არის, რომ ეს უკვე ევროპული ხასიათის პორტრეტებია, რაც აშკარად მოწმობს რადიკალურ ცვლილებებს ამდროინდელ გემოვნებასა და მოთხოვნილებაში, თვით კულტურულ დონეშიაც. გამოთქმულია მოსაზრება, აეტო-

რები ქართველები იყვნენო, უკვე გაცნობილნი რუსულ პორტრეტულ მხატვრობასო (საბუთებში იხსენიება ქართველი მხატვარი ნიკოლოზ აფხაზი. რომლის ნაწარმოებებს დარწმუნებით არ ვიცნობთ). როგორც არ უნდა იყოს პასუხი. უეჭველია, რომ ეს სამეფო კარის ახლებური ხელოვნებაა. რომელიც წინასწარ მოასწავებს ქართული მხატვრობის განვითარებას XIX საუკუნეში.

აქვე უნდა მოვიხსენიოთ, რომ საბუთები ადასტურებს ერეკლე II-ის დროს თბილისში მხატვრის იონათან ონათანიანის მოღვაწეობას. საარქივო მასალებში აღმოჩნდა ცნობები ქართველ მხატვარ გეგელიძეთა მთელი დინასტიის შესახებაც — მისი უფროსი წარმომადგენლები პირველად სწორედ ერეკლეს დროს ჩნდებიან: ქრისტესია და დავით გეგელიძეები, ადრე დაობლებულნი. ერეკლესა და დარეჯანის კარზე აღუზრდიათ და ხსენებულ იონათანისთვის მიუბარებიათ სასწავლად. მაგრამ გეგელიძეების ჩვენთვის ცნობილი ნამუშევრები უკვე XIX ს. მიეკუთვნება. დასასრულ, შეიძლება გავიხსენოთ პლატონ იოსელიანის მიერ მოტანილი ერთი ცნობაც: გიორგი XII-ის დროს თბილისში მოუწვევიათ ერთი გერმანელი ხუროთმოძღვარი, რომელსაც სასახლის პროექტი უნდა შეედგინა. მართალია, მისი მოღვაწეობის კვალი აღარსად ჩანს (ალბათ, ვერც ვერაფერი მოასწრო), მაგრამ თვით ეს ფაქტი, რომელიც ახალი დროის მიჯნას მიეკუთვნება, ნიშანდობლივია.

სახიობა და თეატრონი თბილისში XVII—XVIII სს.

სახიობა

იმ მცირეოდენი ცნობებით, XIV—XVI საუკუნეთა სახიობას რომ შევხება, თბილისში არსებობდნენ დასები, რომელთაც „მესტირეთა, მენალარეთა უხუცესნი“ მეთაურობდნენ, დასთა შემადგენლობაში ირიცხებიან მომღერალნი, მეშუშპარენი, მოშაითნი, მესტირენი, მენობათენი, მენალარენი, მეჩანგენი, მელაფდაფენი¹²³.

საეკლესიო დღესასწაულზედაც კი მეფეს თან ახლდა სახიობის დასი: „წესი არის, — რომე მეფე სადაც იყოს... დიდი დროშა ააბან და მენობათენი წინათ და დროშა განალამცა წინა ამართული“¹²⁴. XIV—XVI საუკუნეებში, სასახლის კარზედაც კი, მიუხედავად ეკლესიისაგან დევნისა და აკრძალვისა, შენარჩუნებული იყო მთვარის ღვთაების დღესასწაული. მონადირენი ანთებული ლამპრებით სასახლისაკენ მიემართებოდ-

¹²³ საქართველოს სიძველენი, ტ. II, გვ. 14, 23, 37, 44.

¹²⁴ ე. თ ა ყ ა ი შ ვ ი ლ ი. ხელმწიფის კარის გარიგება, გვ. 2.

ნენ და მეფეს, დედოფალს და დიდებულებს ლამპარს მიაართმევდნენ, პროცესიის მონაწილენი უნდა დაესაჩუქრებინათ. ხელმოკერილ და პურძვირ ხელისუფლებს არ ინდობდნენ, მათ გინება-ბასრობით ამხელდნენ. ამის შემდეგ იმართებოდა ხალხური სანახაობანი „რგვალი“ (ფერხული), სიმღერითა, გულუხვთა ქებისა და პურძვირთა კიცხვა-ძაგების გაშიარებით¹²⁵.

მცხეთაში სვეტიცხოვლის ტაძრის სამხრეთ კედელზე მოხატულია საფერხულო შესრულების სახიობა, ქალთა ფერხული, შუაში მოცეკვავე სოლისტი და ვაჟთა დამკვრელ მუსიკოსების ორი დასტა. ეს კედლის მხატვრობა XV ს. თარიღდება. ვ. კოტეტიშვილი ამ ფრესკას „სამიას“ გამოხატულებად მიიჩნევდა¹²⁶.

XV საუკუნის ბიზანტიელ ისტორიკოსს და დიპლომატს სფრანძქეს იბერიაში მისი ელჩობის დროს თან ზღვებია მთელი დასი მომღერალ-მგალობელთა და სხვადასხვა სამუსიკო საკრავებზე დამკვრელთა შემადგენლობით. თბილისში მათ კონცერტები გაუმართავეთ, მაყურებლებს დიდი ინტერესი გამოუჩენიათ ბიზანტიელების „საკვირველებათა სანახავად“. ამ საკვირველებათა შორის ყოფილა ორლანი პორტატივი — ხელსაკიდი გადასატანი ორლანი, რაც XV საუკუნეში გავრცელდა, განსაკუთრებით ბიზანტიაში.

ბიზანტიის ელჩის თანზღვები დასის კონცერტებს ისეთი ინტერესი გამოუწვევია. რომ მას არა მარტო თბილისის, არამედ მის გარშემო მდებარე მხარეთა მცხოვრებლებიც ესწრებოდნენ¹²⁷. შესაძლებელია, თბილისში ასეთი სანახაობებისათვის განკუთვნილი ნაგებობაც კი იყო.

თბილისის თეატრონი

XVII ს. დამდეგს ლუარსაბ II-ს ირანში წამების წინ წარმოუთქვამს — „არა შეწყალვის მეფობა და შარავანდედობა ჩემი... არცა ბრძოლასა შინა მხნეობა და სიმავრე მკლავისა და არცა. თ ე ა ტ რ ო ნ ს ა შინა მორბედობა ცხენთა და მსწრაფლმავლობა...“¹²⁸ პოეტი არჩილი თავის თხზულებაში „გაბაასება თეიმურაზისა და რუსთაველისა“ ათქმევიანებს თეიმურაზს შემდეგ სიტყვებს:

¹²⁵ ვ. თ ა ყ ა ი შ ვ ი ლ ი . ხელმწიფის კარის გარიგება, გვ. 11—12; ივ. ჭ ა ე ა ხ ი შ ვ ი ლ ი . ქართული მუსიკის ისტორიის ძირითადი საკითხები, გვ. 230; დ. ჭ ა ნ ე ლ ი ძ ე . ქართული თეატრის ისტორია უძველესი დროიდან XVIII საუკუნემდე, გვ. 518—523.

¹²⁶ ვ. კ ო ტ ე ტ ი შ ვ ი ლ ი . ხალხური პოეზია, ქუთაისი, 1934. გვ. 325.

¹²⁷ გეორგიკა, ბიზანტიელი მწერლების ცნობები საქართველოს შესახებ, ს. ყაუხჩიშვილის გამოცემით, თბ., 1970, ტ. VIII, გვ. 49; დ. ჭ ა ნ ე ლ ი ძ ე . სახიობა, წიგნი III, თბ., 1980, გვ. 150—152.

¹²⁸ ე გ ნ ა ტ ა შ ვ ი ლ ი ბ ე რ ი . ახალი ქართლის ცხოვრება, ივ. ჭაუხიშვილის რედაქციით, თბ., 1940, გვ. 139.

„არც მე მინდოდა ბაასი. მითქვამს, აქებდეთ რუსთველსა, მის ხარბად ენა-მეტყველსა, ვით ტყბილი მოსდის თვე სთველსა, მაგრამ თეატრონს ავსებენ, ასპარეზსა და კვლავ ველსა, ბაასობენ და გვადრიან. ვხედავ ხანდახან თვალ-სველსა“¹²⁹.

სულხან-საბა ორბელიანის განმარტებით: „თეატრონი რომელ არს სახედველი ზღუდე-მოვლებულად აღმენებულნი სამღერლად დიაცთა და მროკავთა მუშაითათვისჲ მკვეცთა და მორკინალთათვის, მუნ სტანჯვიდიან წმინდათა მოწამეთა ყოველთა დასანახველად“¹³⁰.

თბილისის თეატრონი უნდა ყოფილიყო ისეთი ნაგებობა, რომელიც გამოიყენებოდა სახიობის (გაბაასებათა) წარმოდგენისათვის, „სამღერლად დიაცთა, მროკავთა და მუშაითათვის“, აგრეთვე „ცხენთა მორბედობი“-სა და „მკვეცთა და მორკინალთა“ სასპორტო და საციკრო სანახაობათა საჩვენებლად. როდესაც თბილისი მტერთა ხელში იყო, თეატრონში „სტანჯვიდიან წმინდათა მოწამეთა ყოველთა დასანახველად“.

თბილისის თეატრონის რეპერტუარის შესახებ ნათელ წარმოდგენას გვიქმნის თეიმურაზ პირველის ლექსი: „მკვრელნი, მთქმელნი და რიტორნი, მგოსანნი, მოშაითენი, „ვარდ-ბულბულს“ გაიძახიან ყოველი სული იმთენი“¹³¹. სახიობის ლირიკული და ალეგორიული („ვარდ-ბულბულიანი“, „ხილთა ქება“, „შედარება გაზაფხულისა და შემოდგომისა“) შინაარსი გამდიდრებულა პოლემიკური დრამატურგიით, რომელსაც თეატრონში, იპოდრომზე და სახალხო მოედნებზე. არჩილის მოწმობით, მთავარი ადგილი დაუკავებია.

XVII ს. ქართული პოეტური თეატრონის პოლემიკურ ბუნებას კარგად გვისურათებს თეიმურაზი: „ზოგი დავწერე სახუმაროდ სალხინო საკამათენი“¹³² და ამ ლექსითაც:

„შინახავს ამ საქმეზედა ქეჩ-ბაასობა, ცილობა:

—არ ესე სჯობსო. არ ესე — შუღლი, ყამყამი, ყრილობა.

ვერ შემოწმება სიტყვისა, ვერც არას გაადვილობა“¹³³.

თეიმურაზისათვის სახიობა იყო „საწვრთნელი სულისა გასანათენი“¹³⁴, ე. ი. ის აღიარებდა სახიობის აღმზრდელობით, საგანმანათლებლო დაინშნულებას.

¹²⁹ არჩილიანი, ა. ბარამიძის და ნ. ბერძენიშვილის რედაქციით, ტ. II, 1937, გვ. 9.

¹³⁰ ს-ს. ო რ ბ ე ლ ი ა ნ ი, თხზ., ტ. IV, ილ. აბულაძის გამოც., თბ., 1965, გვ. 311.

¹³¹ თ ე ი მ უ რ ა ზ პ ი რ ვ ე ლ ი, თხზულებანი, აღ. ბარამიძის და გ. ჭაკობის რედაქციით, თბ., 1934, გვ. 11.

¹³² იქვე, გვ. 112.

¹³³ იქვე, გვ. 100, სტროფი 10.

¹³⁴ იქვე, გვ. 112, სტროფი 107.

თეატრონისა და სასახლის კარის სახიობის წარმოდგენები შეიცავდა როგორც ნიღბოსანთა, ასევე გრიმით მოთამაშე მსახიობთა გამოსვლებს, მომღერლებისა და მუსიკოს-დამკვრელების მონაწილეობით. კ. კეკელიძის მიერ აღმოჩენილი „სიბილაიანას“ ხელნაწერის მიხედვით, სახიობის წარმოდგენის ერთ-ერთ სცენაში მონაწილეობს 16 მუსიკოსი — მომღერალ-დამკვრელი და 15 მსახიობი სხვადასხვა ცხოველის ნიღბით. მთავარ როლს თამაშობს სირინოზის ნიღბოსანი მომღერალი. სირინოზის მომჭადობელი სიმღერით აღტაცებული ცხოველები ერთმანეთს ებრძვიან სირინოზისათვის¹³⁵.

პოეტი არჩილი მიჩნეულ უნდა იქნეს სახიობის პოეზიის ერთ-ერთ საუკეთესო წარმომადგენლად. მან შემოგვინახა ცნობა თბილისში თეატრონის არსებობაზე და თანაც მისი დროის ბერიკაობის აღწერილობა¹³⁶. ამ დროს მკვიდრდებოდა ხალხის პატრიოტული სულისკვეთების გამომხატველი საგმირო-სალაშქრო ხასიათის სიუჟეტები. სულხან-საბა ორბელიანმა დაგვიტოვა აღწერილობა თეატრონის სალაშქრო შინაარსის წარმოდგენისა, რომელშიც მთავარი მოქმედი პირი ომში გამირულად იღუპება. მას მოჰყვება გმირის დატირების მასობრივი სცენა, ბოლოს მთავრდება გამარჯვებული გმირის უვნებლად დაბრუნებითა და მისი დაჯილდოებით. ეს წარმოდგენა თავისი ძირითადი ნიშან-თვისებებით მაგალითია ბერიკაობის ტრადიციული სიუჟეტის გამოყენებისა თეატრონის რეპერტუარისათვის¹³⁷. ამ დროის ბერიკაობასა და ფერხულებში მთავარ თემას წარმოადგენს თემა ხალხის ერთობლივი ბრძოლისა დამპყრობელთა წინააღმდეგ (არჩილის მიერ აღწერილი ბერიკაობა და ხალხური ფერხული „შავლეგო“).

პოეტი ფეშანგი თავის პოემაში „შაჰნავაზიანი“ აგვიწერს თბილისის თეატრონისა და სასახლის კარის სახიობას. სახიობანი იმართებოდა ლირსშესანიშნავ მოვლენათა სადიდებლად. სასახლის კარის სახიობაში, ფეშანგის მოწმობით, მონაწილეობდნენ: მოთამაშე, მუტრიბი, მოჩანგე-მომღერალი, მგოსანი. სახიობა მოიცავს არა მარტო მუსიკას, არამედ, რაც მთავარია, თამაშს და საშაიას. ფეშანგის მეფის ამაღლაში მოხსენიებული ჰყავს სახიობის მსახიობები — „მობძანდა მეფე, ლუთით გუირ-გუინოსანი; ახლავს ურიცხუი თავადი, ნაქები მეტად კლმოსანი: მოსდევდნენ მოშაითენი, მომღერალნი და მგოსანნი“¹³⁸.

1673 წლის 13 თებერვალს ვახტანგ V-ის სასახლის კარზე თბილისში

¹³⁵ კ. კეკელიძე. გართობა-სანახაობათა ისტორიისათვის ძველ საქართველოში. ტ. II, თბ., 1945, გვ. 55.

¹³⁶ არჩილიანი. დასახ. გამოც., ტ. I, თბ., 1936, გვ. 258.

¹³⁷ ს-ს. ო რ ბ ე ლ ი ა ნ ი. სიბრძნე სიკრუსა, თბ., 1938, 117—118.

¹³⁸ ფეშანგი, შაჰნავაზიანი, გ. ლეონიძის და ს. იორდანიშვილის რედაქციით. თბ., 1935, სტროფი 335.

ერთ-ერთი ძისი ხათესავის ქორწილზე, სტუშრებს უჩვენებს სახიობა, რომელშიაც ქართველ მსახიობებთან და მუსიკოსებთან ერთად მონაწილეობდა ევროპელი. რომელმაც სპინეტზე (ვიოლინო) იტალიური და ესპანური მელიოდები შეასრულა. ამ სასახიობო კონცერტის აღწერილობა და ნახატი სალხინო დარბაზისა დაგვიტოვა ფრანგმა მოგზაურმა შარდენმა¹³⁹.

საქართველოში სანახაობრივი დასები განაგრძობდნენ მოსვლას ისეთი შორეული ქვეყნებიდან, როგორც არის ინდოეთი. პოეტმა არჩილმა დაგვიტოვა აღწერილობა ინდოელი მუშაითების წარმოდგენისა, რაც იმის დასტურად შეიძლება ჩაითვალოს, რომ ქართული სანახაობის კავშირი ინდოეთის სანახაობრივ ხელოვნებასთან მეჩვიდმეტე საუკუნეშიაც არ წყდება. არჩილი თავის აღწერილობაში არ ივიწყებს, რომ ქართველებს ამ დარგის ხელოვნებაში თავისი ტრადიცია აქვთ და რუსთაველს იმოწმებს: „ვერ ხედავთ ფრიდონისასა, მუშაითობას ჩემულობს“. როდესაც ქართველები ინდოელი მუშაითის საკვირველ ხელოვნებას გაეცნენ, მოიწადინეს, რომ ეს ინდოელი ოსტატი საქართველოში დარჩენილიყო და ქართველი ახალგაზრდობისათვის ესწავლებინა თავისი ხელოვნება¹⁴⁰.

სახიობა XVIII საუკუნის

პირველ ნახევარში

ქართული სახიობა და თეატრი თბილისში საფრთხეში იყო. მას უტევედა ეკლესია, რომელიც საერო გართობა-სანახაობათა წინააღმდეგი იყო, რათა მორწმუნეებს „ქვემარტი აღსარება“ არ დაევიწყებინათ. სახიობის გამოსარჩლება და დაცვა თბილისში თავს იღვა ვახტანგ VI-ის ირგვლივ დარაზმულმა მოწინავე დასმა.

სასახლის კარის და აგრეთვე მთელი თბილისის სახიობას სათავეში ედგა საზანდარბაში გიორგი. ქალაქის საზანდრები გაერთიანებული იყვნენ ცალკე ამქარში (თაბუნში). ცალკე არსებობდა ნალარახანა (სამხედრო ორკესტრი). ნალარახანის შემადგენლობაში ქართველებთან ერთად სომეხი და აზერბაიჯანელი დამკვრელებიც შედიოდნენ. საინტერესოა, რომ ისე როგორც ეს ამქარულ წყობას შეჰფერის, ნალარახანაში არსებობდა შეგირდობის ინსტიტუტი, დასტურლამალში მოხსენიებული არიან ნალარახანის მენლარეთა და მეზურნეთა შეგირდები¹⁴¹. ვახტანგ VI-ს

¹³⁹ ეან შარდენის მოგზაურობა სპარსეთსა და აღმოსავლეთ ქვეყნებში. თარგმნა და გამოსცა მ. მგალობლიშვილმა, თბ., 1975, გვ. 345.

¹⁴⁰ არჩილიანი, ტ. I, გვ. 5.

¹⁴¹ ქართული სამართლის ძეგლები, II, გამოსცა ი. დოლიძემ, თბ., 1965, გვ. 245—247; Д ж а в е л и д з е Д. Грузинский театр..., 1959, с. 245.

სალხინო სახლი („სახლი სარკისა“) აუგია¹⁴². იგი ხელს უწყობდა სახიობის მოყვარულობას, რათა სასახლის კარის ახალგაზრდობა ყოფილიყო „მეჭლიმსა და ლაღობაში შშვენიერი საშხერელად“, რომ მათ ეჩვენებინათ „მეფეთ წინაშე საჩენი ყველა რამეანი, წიგნი, შაირი, კაი ხმა, ხუმრობა: სასიამენი“¹⁴³. მეფე დიდად აფასებდა მგოსანთა ოსტატობას გაბაასებაში და მათ აღარებდა ამ მხრივ ჩინელ მომღერალ მსახიობებს¹⁴⁴. ვახტანგ VI ქებით იხსენებს საკრავიერი და ხმეირი მუსიკის თანაშემწეობას¹⁴⁵, საფერხულო ცეკვებსა და პანტომიმურ წარმოდგენებს¹⁴⁶, დიდ მოწონებაში უნდა ყოფილიყო გაწვრთნილ ცხოველთა თამაშიც¹⁴⁷.

1724 წელს ვახტანგისა და მისი მრავალრიცხოვანი ამაღლის რუსეთში გარდახვეწასთან დაკავშირებით, თბილისიდან ქართველობამ თან წაიღო შშობლიური მრავალსაუკუნოვანი კულტურის ტრადიციები. XVIII საუკუნის 30-იან წლებში მოსკოვში ქართული სანახაობრივი კულტურის კერა გაჩაღდა. ვახტანგის კარზე იმართებოდა სახიობის წარმოდგენები. აქ პოეტურ სახიობაში გაშიირებით, ზმობით თუ გალობა-სიმღერით სახელი გაითქვა პოეტმა დავით გურამიშვილმა.

ეროვნული სახიობის განვითარებისათვის დიდი მნიშვნელობა ჰქონდა მწერლების, პოეტების და მეცნიერების: სულხან-საბა ორბელიანის, ვახუშტის, დავით გურამიშვილისა და მამუკა ბარათაშვილის მოღვაწეობას. სულხან-საბა ორბელიანმა ქართული ენის ლექსიკონში განსაზღვრა და განმარტა თეატრალური ტერმინები¹⁴⁸. ვახუშტიმ პირველმა ქართველმა მეცნირთაგან გააშუქა ძველი ქართული სახიობის გენეზისი, აღნიშნა ხალხურ სანახაობათა საწყისები, ამასთანავე განმარტა და ნათელი მოჰფინა ძველ თეატრალურ ტერმინებს¹⁴⁹.

დავით გურამიშვილი საუკეთესო წარმომადგენელია ამ დროის დრამატული პოეზიისა. მან განაგრძო თეიმურაზ პირველისა და არჩილის ტრადიცია, გამოიყენა დასავლეთ ევროპის, უკრაინის და რუსული სასკოლო დრამის მიღწევანი და შექმნა სასახიობო ტრილოგია, რომელიც შედგება ერთი მონოლოგიური და ორი დიალოგიური სახიობისაგან: „გოდება დავითისა, საწუთრო სოფლის გამო ტირილი“, „სიკვდილისა და კაცის შელაპარაკება და ცილობა“, „კაცისა და საწუთროსაგან ცილო-

¹⁴² ვახტანგ VI, ლექსები და პოემები. აღ. ბარამიძის რედაქციით, თბ., 1947, გვ. 64.

¹⁴³ იქვე, გვ. 76—77.

¹⁴⁴ იქვე, გვ. 95.

¹⁴⁵ იქვე, გვ. 167.

¹⁴⁶ იქვე, გვ. 58.

¹⁴⁷ იქვე, გვ. 36.

¹⁴⁸ დ. ჭანელიძე, სახიობა, ტ. II, თბილისი, 1972, გვ. 230—249.

¹⁴⁹ იქვე, გვ. 26.

ბა და ბჰობა. ერთმანეთის ძვირის ხსენება“. ამ ნაწარმოებებში დ. გურამიშვილს გამოთქმული აქვს ანტიცარისტული შეხედულებანი. მან სახიობის დრამატურგიაში გაამძაფრა კონფლიქტის სიმწვავე და მოგვცა მისი განსჯისა და გადაჭრის ცდა. დ. გურამიშვილის თხზულება გამოირჩევა ქმედითი სიმძაფრით და თითოეული პერსონაჟის (კაცის, სიკვდილის, საწუთროს) გარკვეული მინიშნებით. გურამიშვილი სარგებლობს ხალხური ნიღბების თეატრის — ბერიკაობის ტრადიციით და ამასთანავე იყენებს უკრაინული სასკოლო დრამის ცოდნას.

თეიმურაზ II-მ აღწერა თავისი დროის საქორწილო სანახაობანი, ძეობის წეს-ჩვეულებანი, თბილისის სასახლის კარის სახიობა და საასპარეზო სახილველი. XVIII საუკუნის პირველი ნახევრის სახიობისათვის დამახასიათებელია მკაფიოდ გამოხატული პატრიოტული მიმართულება; სახიობის ეროვნული ტრადიციის განვითარების მიზნით მისი ხალხური საწყისების გამოცოცხლება; რეპერტუარში ხალხური მელოდიების ქარბად შეტანა და ხალხურ სალხინო სანახაობათა, წეს-ჩვეულებათა გამოყენება, თანდათანობით შეზღუდვა აღმოსავლურ-ირანული მოტივებისა და სხვ.

სახიობა და თეატრი XVIII საუკუნის მეორე ნახევარში

თბილისის თეატრალური ცხოვრების ახალი მიმართულებით წარმართვას დიდად შეუწყო ხელი მეცნიერული ცოდნის განვითარებამ, ფილოსოფიური სემინარიის დაარსებამ თბილისში (1755 წ.), სიტყვაკაზმული მწერლობის აღმავლობამ. ამ დროისათვის, თბილისელი ქართველი ახალგაზრდობის მიერ ახალი თეატრალური კულტურის ათვისებას განაპირობებდა ისიც, რომ მოსკოვის ქართული კოლონიიდან გამოსული, წარმოშობით ქართველი მოღვაწეები რუსულ თეატრალურ ცხოვრებაში მნიშვნელოვან როლს ასრულებდნენ: მაგალითად, შეიძლება დავასახელოთ პეტერბურგისა და მოსკოვის თეატრების გამოჩენილი მსახიობი სილა ზანდუკელი (სანდუნოვი) და მისი ძმა დრამატურგი ნიკოლოზ ზანდუკელი (სანდუნოვი, მოსკოვის უნივერსიტეტის პროფესორი)¹⁵⁰, ამათთან ერთად. სარატოვის გუბერნატორი — ალექსი ფანჩულიძე, რომელიც სარატოვის მუდმივი თეატრის დამაარსებლად ითვლება¹⁵¹.

¹⁵⁰ გ. რ ა ტ ი შ ვ ი ლ ი, მკირედი რაიმე მოთხრობა როსიისა. კრ. „ქართველი მწერლები რუსეთის შესახებ“. შეადგინა ვ. შადურმა, თბ., 1965. გვ. 273—275; ნ. შ ა ლ უ ტ ა - შ ვ ი ლ ი, ძმები ზანდუკელი-სანდუნოვები. თბ., 1965.

¹⁵¹ Жюри. Театр и искусство, СПб., 1902, №44.

თბილისში ვითარდება დრამატურგია. პოეტი ქალი მანანა ცნობილია, როგორც სახიობის დრამატურგი და აგრეთვე ხალხურ მესტერიებთან გაშიარებაში თავგამოდებული მოპაექრე. მისი სასახიობო ნაწარმოები „ციებისა და ქალის გაბაასება“ დაწერილია კვებარატი იუმორის გრძნობით, მხატვრული გამომსახველობით, ხალხურ ენასთან დაახლოებით. ხასიათის მკაფიო და შთამბეჭდავი გამოხატვით¹⁵². ალექსანდრე ამილახერის (1750—1802 წწ.) „მოქმედება ასტრახანში“ შესრულებულია სასახიობო დრამატურგიის ფორმის მიხედვით და წარმოადგენს მეთვრამეტე საუკუნის პოლიტიკური ვითარების ამსახველ გაბაასებას. პიესის გააზრებაში მოჩანს ევროპულ და რუს მოწინავე მოაზროვნეთაგან შეთვისებული პროგრესული მიმართულება, ხოლო დრამატურგიული ნაწარმოების წყობას აჩნია ევროპული და რუსული იმდროინდელი დრამატურგიისაგან შეთვისებული სტრუქტურული ნიშან-თვისებანი¹⁵³.

საქართველო-რუსეთის ურთიერთობის საკითხში პროგრესულ და რეაქციულ ძალთა ბრძოლის ამსახველია ანონიმური პიესა „სამსახეობა რაინდისა“. ამ „სასახიობე წიგნში“ ანუ „სათეატრო სახიობაში“ აირეკლა ბრძოლა ძველსა და ახალ თეატრალურ მიმართულებათა შორის. ახალი მიმართულების წარმომადგენელი თავკეპე ძველი სახიობის სამხილებლად ამბობს: „მაღალ ფრასზედა, რას ვარგა შაირობა? შაირი უნდა ყოველს კაცსა ესმოდეს“. პიესაში წარმოდგენილია სახიობის მრავალჯანრიანობა: მახვილსიტყვაობა, ხუმრობა, გაშიარება, სიმღერა ჩანგურზე და ქნარზე ხმაშეწყობით, საფერხულო წყობის სანახაობა. „სამსახეობა რაინდისა“ მოწმობს თუ რა ფართოდ იყენებდა სასახლის კარის სახიობა ხალხურ შემოქმედებას (მაგ., „მზე შინა“)¹⁵⁴. სასახლის კარის სახიობა იმართებოდა სასახლის დარბაზში. რომელსაც ეწოდებოდა „სალხინო პალატი“¹⁵⁵.

ერეკლე მეფის დროს სასახლის კარის სახიობას მეთაურობდა „უფროსი მსახიობთა... რომელსა სახელს დებდენ მაჩაბლად“¹⁵⁶. ის ცნობილი საზანდარიც იყო: ქართველი დიდებულები მას ხშირად იწვევდნენ ქორწილებსა და ღებინებებში¹⁵⁷. ამ დროს სახიობას მაჩაბლის გარდა წარმოდგენდნენ იარალი შანშიაშვილი და საიათნოვა — მეფე ერეკლეს კარის

¹⁵² ლ. ა ს ა თ ი ა ნ ი . პოეტი ქალები, 1936. გვ. 74.

¹⁵³ ტ. რ უ ხ ა ძ ე . ძველი ქართული თეატრი და დრამატურგია. თბ.. 1949. გვ. 491—499; ჯ. ი ო ს ე ლ ი ა ნ ი . კომიზმი და ქართული კომედიის ნიღბები. თბ.. 1982. გვ. 20—24.

¹⁵⁴ „სამსახეობა რაინდისა“, ს. იორდანაშვილის რედაქციით. თბ.. 1947. გვ. 12. 58.

¹⁵⁵ კ. კ ე კ ე ლ ი ძ ე . ეტიუდები. ტ. 1. თბ.. 1956. გვ. 228—229.

¹⁵⁶ ტ. რ უ ხ ა ძ ე . დასახ. ნაშრომი. გვ. 111—112.

¹⁵⁷ ტ. რ უ ხ ა ძ ე . იქვე. გვ. 82; დ. ჭ ა ნ ე ლ ი ძ ე . სახიობა და თეატრი XVIII ს. მეორე ნახევარში. საქართველოს ისტორიის ნარკვევები. ტ. IV. თბ.. 1973. გვ. 780.

საზანდარი და „ხუმარი“. მაჩაბელი კრწანისის ბრძოლაში თბილისელთა ერთ-ერთ რაზმს მეთაურობდა და მეომრებს თავის სახიობით, სიმღერითა და თამაშით საბრძოლოდ ალაფრთოვანებდა. ის ამ ბრძოლაში გმირულად დაიღუპა.

ერეკლე II-ის მეფობაში ვახტანგ VI-ის სასახლის კარის კულტურული ტრადიციები გამოცოცხლდა და განვითარდა. თბილისისა და თელავის სემინარიებში პიიტციკის და რიტორიკის კლასებში ეწყობოდა საჯარო გამოსვლები სიტყვებით, დიალოგებით, ქება-შესხმით, წარმოდგენდნენ დრამატულ ნაწარმოებებს. სემინარიის წესდებისდა მიხედვით, სემინარიელებს შეეძლოთ „დაკურა მუზიკურისა იარაღისა... შექცევა პატროსნებითა თამაშობათა“ და, რაც მთავარია, წესდება ითვალისწინებდა სასკოლო დრამის წარმოდგენების გამართვას: „შესაძლებელ არს ორგზის წელიწადსა შინა ანუ უმეტეს ქმნა რომელისამე მოქმედებისა ბაასისა, კომედისა და რიტორულის გამოცდილებისა“¹⁵⁸. ამრიგად, მეთვრამეტე საუკუნის მეორე ნახევარში თბილისში შეიქმნა სასკოლო დრამა, რომელიც განსაკუთრებით დავალებული იყო დავით აღმაშენებლის თეატრალური მოღვაწეობით.

რუსეთში სასწავლებლად გაგზავნილი ახალგაზრდები ახლოს ეცნობოდნენ პეტერბურგის და მოსკოვის თეატრებს, თბილისში ჩამოსული ვენის თეატრის ანტრეპრენიორის გრაფი კოპარის და მისი დასის ყოფილი მსახიობის იაკობ რაინეგის მეშვეობით თბილისში ითვისებდნენ დასავლეთ ევროპის თეატრალური ხელოვნების* გამოცდილებასაც¹⁵⁹. თბილისელ ახალგაზრდობას გულისტკივილით უნდა შეეგრძნო, რომ მშობლიური სახიობა, ქართული თეატრონი როგორც თავის რეპერტუარით, ისევე განსახიერების ოსტატობით ბევრით ჩამორჩებოდა ევროპულ სასცენო ხელოვნებას. ახალმა თაობამ მოინდომა თანამედროვე ცხოვრების ამსახველი დრამატურგიის შექმნით და აქტიორული ოსტატობის მიღწევების შეთვისებით გაემდიდრებინა ქართული სასცენო ხელოვნება.

ერეკლე II-ის ელჩის ამალიდან ვინმე გაბრიელი სამშობლოში მაიორის წოდებით დაბრუნდა. გაბრიელ მაიორს თბილისში სასახლის ახლოს გაუმართავს თეატრი. მაყურებელი ამ თეატრის წარმოდგენებს ესწრებოდა ბილეთებით, რომელსაც ჰქონდა წარწერა: „შაური ორი. გაბრიელ მაიორი“.

მეთვრამეტე საუკუნის 90-იან წლებში სულ რამდენიმე წლის მანძილ-

¹⁵⁸ ტ. რუხაძე, ძველი ქართული თეატრი და დრამატურგია, გვ. 82.

¹⁵⁹ ვ. კეკელიძე, ძველი ქართული მწერლობის ისტორია, ტ. II, თბ., 1958, გვ. 694; გ. ჯიქოძე, ერეკლე II, თბ., 1942, გვ. 174.

ზე თბილისში ახალი დრამატული მწერლობაც შეიქმნა და სცენის მოყვარეთა დასიც ჩამოყალიბდა გიორგი ავალიშვილის მეთაურობით. არსებობა იწყო კლასიციკლური მიმართულების ქართულმა თეატრმა. გიორგი ავალიშვილი იმ დროის გამოჩენილი რუსი დრამატურგის ა. სუ-მაროკოვის კომედიების გადმოთარგმნით არ კმაყოფილდება, წერს ორი-გინალურ ქართულ კომედიას „თეიმურაზ მეფე“ და წარმოადგენს კი-დეც. გიორგი ავალიშვილს თავისი თეატრის პირველ და შემდეგ წარ-მოდგენებზე სიმღერით წაუჯიბთხავს თავისი ლექსი, რომელშიც ნათქვა-ბია:

„თუ ხართ ვინმე მოსურნენი, თეატრს სმენად ანუ ცნობად.
შეიმატებთ განდიდებას, ბრძენთა აგებთ თქვენდა მკობად...
მერწმუნებით, არ მას ეუბნობ მქონდეს მეტი მისივე ვრდობა,
მაგრამ მწადის განჩინება კიცხვითა და ქვემო ჩაობა“...¹⁶⁰

დავით ჩოლოყაშვილი, რომელიც ბესიკის შემდეგ პირველ „მესტი-ხედ“ იყო მიჩნეული¹⁶¹ და რომელსაც თეიმურაზ ბატონიშვილი, რო-გორც „მოხუშმარს და უცხო პიიტიკოს“¹⁶² იხსენიებს, არის ტრაგედია „ეფილენია“-ს მთარგმნელი, რითაც დრამატულმა მწერლობამ ახალი სარბიელი მოიპოვა.

XVIII საუკუნის დასასრულს თბილისში რუსული წარმოდგენების დამდგმელი წრეც არსებულა, მასში რუსებთან ერთად ქართველებიც მონაწილეობდნენ.

გიორგი ავალიშვილის თეატრი, მიუხედავად მისი ხანმოკლე არსე-ბობისა, დიდი მნიშვნელობის კულტურული მოვლენა იყო. ამ თეატრის შექმნით განმტკიცდა და გაღრმავდა რუსულ-ქართული კულტურული ურთიერთობა. ამ თეატრით იწყება ახალი დრამატული მწერლობის და სასცენო ხელოვნების ისტორია. გიორგი ავალიშვილის თეატრმა ქართუ-ლი სახიობა საკაცობრიო კულტურის წიაღს დაუბრუნა, რუსული და ევროპული სცენური კულტურის მიღწეეების ათვისებით განაახლა. თუ თბილისის ავალიშვილისეული სცენა სრულქმნილი ხელოვნების ბრწყინ-ვალეობით არ იყო მადლმოსილი, სამაგიეროდ, მან ქართული კულტუ-რის ისტორიაში ახალი საწყისის შემოტანით მარადსახსოვარი სახელი მაინც დაიმკვიდრა.

¹⁶⁰ ზ. კიკინაძე, მოკლე ისტორია ქართული თეატრისა, თბ., 1906, გვ. 8.

¹⁶¹ იოანე ბატონიშვილი, კალმასობა, ტ. II, კ. კველიძის და ალ. ბარამი-ძის რედაქციით, თბ., 1948, გვ. 204.

¹⁶² მკირე უწყებანი ქართველთა მწერალთათვის, ივ. ლოლაშვილის რედაქციით, თბ., 1982, გვ. 220.

XVII—XVIII საუკუნეების თბილისი ნახევრად აგრარული ქალაქი იყო. მოსახლეობა ქალაქურ ცხოვრებას მიწათმოქმედებასაც უთავსებდა. თბილისელებს საკუთარ სახლებთან ან ცოტა მოშორებით პირად სარგებლობაში ჰქონდათ სახნავ-სათესი მიწები. ბალ-ბოსტნები, ვენახები. სასმელი წყაროები თუ სარწყავი რუ-არხები¹⁶³.

თბილისში. ისევე როგორც წინა საუკუნეებში, გარდა ქართველები-სა. სხვა ეროვნების ხალხიც მოსახლეობდა. ამ დროს უკვე გამოკვეთილი ჩანდა მოსახლეობის გარკვეული ეთნიკურ-კონფესიური ნიშნის მიხედვით გამოყოფილი უბნები. თბილისელები ძირითადად თავთავიანთი სალოცავის მახლობლად სახლდებოდნენ (იქნებოდა ეს ქართველთა, სომეხთა თუ კათოლიკე ქრისტიანთა ეკლესია, სუნიტ თუ შიიტ მუსლიმანთა მეჩეთი. ებრაელთა სინაგოგა), შესაბამისად იქმნებოდა უბნებიც. ასე ჩნდებოდა თბილისში პატრების ანუ „ფრანგების“, სომეხთა, ებრაელთა და მუსლიმანთა უბნები.

თბილისური სახლისათვის აუცილებელი იყო ეზო. ეზოში, გარდა საცხოვრებელი ნაგებობისა, იდგა სამეურნეო დანიშნულების ნაგებობანიც: სათორნე, მაზანი მისი ჭურებით, საჭინბო, საბძელი¹⁶⁴. ზოგიერთ საცხოვრებელ ნაგებობას აივანიც ჰქონდა, სარდაფიც, საყინულეც, ხოლო ეზოს — კიშკარი¹⁶⁵. გამორჩეული იყო თავისი ბრწყინვალეობით მეფე-დიდებულთა სასახლეები.

ა ვ ე ჯ ი . ივ. ჯავახიშვილი შენიშნავდა, რომ ავეჯეულობის ისტორია ყველაზე უფრო ღარიბია XVII—XVIII სს. ამის ერთ-ერთი მიზეზი სპარსეთის გავლენა იყო¹⁶⁶. XVII—XVIII სს. უცხოელი თუ რუსი მოგზაურები ერთად აღნიშნავენ, რომ საქართველოში ხმარებაში არაა მაგიდა და სკამები. შარდენის მოგზაურობის წიგნში ჩართული სურათის მიხედვითაც, სადაც მოცემულია ნადიმი თბილისში ვახტანგ V-ის კარზე. სტუმრები ფეხმორთხმულები სხედან¹⁶⁷.

XVII—XVIII სს. მზითვის წიგნებში ხშირად იხსენიება „თახჩაფუშები“. რაც თახჩის ფარდას, თახჩის ჩამოსათარებელს ნიშნავს. თახჩები დამახასიათებელი იყო თბილისური სახლის შიდა ნაწილისათვის. გიორგი XIII-ის საძილე ოთახში აღმოსავლეთის მხარეს დიდ თახჩაში ხა-

¹⁶³ დოკუმენტები თბილისის ისტორიისათვის, I. თბ., 1962. გვ. 10, 12, 13, 17. ამასვე ადასტურებდა თბილისში XVIII ს. 70-იან წლებში ნაყოფი გიულდენშტედტი (იხ. მისი მოგზაურობა საქართველოში. 1962. ტ. I. თბ., გვ. 87).

¹⁶⁴ დოკუმენტები თბილისის ისტორიისათვის, I. გვ. 19, 29—30.

¹⁶⁵ იქვე. გვ. 75.

¹⁶⁶ ივ. ჯ ა ვ ე ჯ ი ლ ი . მასალები საქართველოს მატერიალური კულტურის ისტორიისათვის. თბ., 1965. გვ. 8—9.

¹⁶⁷ იხ. იქვე. ტაბ. №25.

ტები ესვენა¹⁶⁸. სხვა შემთხვევებში თახჩებში საოჯახო ნივთები ინახებოდა, ამიტომ თახჩა ავეჯის როლს ასრულებდა. საძილე ავეჯის შესახებ ცნობები არ გაგვაჩნია, მაგრამ ივარაუდება, რომ ხის ავეჯი იხმარებოდა. საკეების. ქურქლეულის, ტანისამოსის შესანახად კი სკიერებს, ზანდუკებსა და კილობნებს ხმარობდნენ.

ქ უ რ ქ ე ლ ი . ივ. ჭავჭავიძის სიტყვით, „მაშინაც, როდესაც საქართველოს ძველი კულტურა დაკარგული ჰქონდა და მისი სიმდიდრე განიავებული იყო, ხელმწიფის კარის გარიგებისა და რუსი ელჩების მოხსენებების წაკითხვა ადამიანს განცვიფრებაში მოიყვანს, იმდენად მრავალგვარი ქურქელი იყო ჭერაც შემონახული საქართველოში“¹⁶⁹. ივ. ჭავჭავიძელი ქურქელს აჯუფებდა მასალის, დანიშნულებისა და აღნაგობა-მოყვანილობის მიხედვით. უცხოელ ავტორებს ანცვიფრებდათ მეფისა თუ დიდგვაროვანთა ნადიმებზე მოხმარებული. კეთილშობილი ლითონისაგან დამზადებული ნაირსახეობის ქურქელი — ოქრო-ვერცხლის თევშები, თუ ჭამ-ფიალები, ლეინის ნაირსახეობის სასმისები, სურები და სხვ. ივ. ჭავჭავიძელს მოტანილი აქვს მაგალითები ფეშანგის პოემიდან, თუ რაოდენ ძვირფასი ქურქელი ტრიალებდა ვახტანგ V-ის სასახლეში თბილისში მეჭლისისა თუ ქორწილის დროს¹⁷⁰.

თბილისში მყოფ შარდენს ვახტანგ V-სთან გამართულ ნადიმზე განსაკუთრებული ყურადღება მიუქცევია ძვირფასი ლითონების ნაკეთობებზე. მისი ცნობით, ნადიმების დროს „მთელი დარბაზი ორმოცი დიდი ჩირაღდნით იყო განათებული, ოთხი მათგანი, რომელიც მთავართან (ე. ი. მეფესთან) ახლოს იდგა, ოქროსი იყო, დანარჩენი კი ვერცხლისა. ერთი ცალი ასეთი ჩირაღდანი ჩვეულებრივად ორმოც გირვანქას იწონის“¹⁷¹. შარდენს ყურადღება მიუქცევია აგრეთვე სუფრაზე გამოტანილი ვერცხლის დიდი ლანგრებისათვის: „ვეროპაში ასეთ დიდ ლანგრებს არ აკეთებენ, ასეთი ლანგარი ხუფიანად ჩვეულებრივ ორმოცდაათ ან სამოც მარკას იწონის“, — აღნიშნავდა ფრანგი ვაჰარი¹⁷². შარდენს არც სხვა ქურქელი გამოჩენია მხედველობიდან. იგი წერდა: „აქ იყო დაახლოებით ასოცი ფიალა, თასი. ხელადა და ყანწი, სამოცი სურა და თორმეტი აზარფეშა. თითქმის ყველა აზარფეშა ვერცხლისა იყო. სურები ან სადა ოქროსი იყო, ან მომინანქრებული ოქროსი. თასები და ხელალები ზოგი ოქროთი იყო დაფერილი, ზოგიც ოქროთივე მოხატული, ზოგსაც ძვირფასი ქვები და ვერცხლის მოქედილობა აშვეენებდა. ყანწებიც თასების მსგავსად იყო მოზარნიშებული“¹⁷³.

¹⁶⁸ პლ. იოსელიანი. ცხოვრება გიორგი მეცამეტისა. ტფილისი. 1936. გვ. 37.

¹⁶⁹ ივ. ჭავჭავიძელი. დასახ. ნაშრომი. გვ. 41.

¹⁷⁰ იქვე. გვ. 61.

¹⁷¹ ვან შარდენი. დასახ. ნაშრომი. გვ. 344.

¹⁷² იქვე. გვ. 346.

¹⁷³ იქვე. გვ. 347.

მეფის სასახლეში ყოველდღიურად სახმარი — სანიდაგო კურკელიც ჰქონდათ. რომელსაც „უმეჭლისო“ რქმევი¹⁷⁴. ასეთი კურკელი იყო სპილენძის, თიხისა და ხის. სპილენძის, თიხისა და ხის იყო მთლიანად მეფედღებულთა სამზარეულოს კურკელი: სხვადასხვა ზომის ქვაბები, ქოთნები, ტაფები, კოვზ-ჭაფქირები, ჯამები, თასები და ა. შ. სპილენძისა იყო აგრეთვე საბანოვე კურკელი: წყლის სათბობი ქვაბები და თუნგები, სხვადასხვა ზომის ტაშტები და სხვ.

თბილისის მოსახლეობას ან არ ჰქონდა, ან ძალიან იშვიათად, კეთილ-შობილი ლითონებისაგან დამზადებული კურკელი. ისინი ძირითადად სპილენძის, თიხისა და ხის კურკელს ხმარობდნენ. თბილისელი ხელოსნების — მეკურკლე ალექსას (1659 წ.), მეკურკლე მამუქას (1683 წ.), მეკურკლე სულხანას (1753 წ.), მექვაბე ფასუას (1719 წ.), მექვაბე დათუას (XVIII ს. პირველ ნახევარში)¹⁷⁵ და სხვათა კერამიკული თუ სპილენძის ნაკეთობანი პირველ რიგში თბილისის მოსახლეობის ფართო ფენების მოხმარებისათვის იყო გამიზნული.

ს უ ფ რ ი ს წ ე ს ე ბ ი . ქართული სუფრის წესების შესახებ საინტერესო მასალები აქვთ ფეშანგი ფაშვიბერტყაძეს, მეფე-პოეტ არჩილს, თეიმურაზ მეორეს, საქართველოში მყოფ უცხო ავტორებს და სხვ. მაგრამ მათი აღწერილობანი უმთავრესად მეფე-დიდებულთა საზეიმო სუფრებს — მეჭლის-ნადიმებსა თუ ქორწილებს შეეხება.

სამწუხაროდ, წყაროებში თითქმის არაფერია უბრალო ხალხის ყოველდღიური, ყოველჭერადი პურობის შესახებ. „შაჰნავაზიანში“ (XVII ს. 60-იანი წწ.) აღწერილია ვახტანგ V-ისა და როსტომ მეფის ქვრივის, მარიამის ქორწილი თბილისში. ამ აღწერილობაში მეტი ყურადღება აქვს დათმობილი მეფის ქებას და ქორწილის ბრწყინვალეების აღწერას. მაგრამ მაინც შეიძლება ჩვენთვის საინტერესო მასალის ამოკრეფა. კერძოდ, აქ არ ჩანს, რომ ქალები და მამაკაცები განცალკევებით იხსდნენ სუფრასთან. პირველად ავტორი მოგვითხრობს, რომ ქორწილზე მოსულ დიდ თავადებს თან ახლდნენ ქალებიც: „მოვიდნენ დიდნი თავადნი, თან ბანოანნი ჰყუებოდა“, ამის შემდეგ კი „ბანოანებს“ დიდებულებთან ერთად იწვევენ სუფრაზე:

„შემოიხსეს ბანოანნი, ყულა მნათობთ დასადარე,
შეიწვიეს დიდებულნი, იგი ლხინით დაუმცდარე“.

შემდეგ კი ავტორი განაგრძობს: „კაცი და ქალი მორთუით ზის ეტყობის არა კლებანი“.

ქორწილისა და ძეობის დროს პურობის ამბები დაწერილებით აქვს აღწერილი თეიმურაზ II-საც. მისი აღწერილობით სუფრის გარკვეული

¹⁷⁴ ივ. ჯ ა ე ხ ი შ ვ ი ლ ი . დასახ. ნაშრომი. გვ. 45.

¹⁷⁵ დოკუმენტები თბილისის ისტორიისათვის. გვ. 22, 41, 115, 225, 257.

წესი არსებობდა. ზოგჯერ ქალები და მამაკაცები სუფრასთან ერთად სხდებოდნენ, სუფრასთან ერთად მსხდომთ თეიმურაზი „მეერთჳამეებს“ უწოდებს, ხოლო თვით ერთად პურობის პროცესს „ერთჳამას“ (ერთად ჳამას). თეიმურაზის მიხედვით „ერთჳამა“ ხდება ქორწილში, ქალის ოჯახში¹⁷⁶.

ასევე ერთად სხედან სუფრასთან ქალები და მამაკაცები ძეობის გადახდის დროსაც. მაგრამ გახანგრძლივებული ქორწილის დროს ვაჟის სახლში ქალები და მამაკაცები სუფრასთან უკვე ცალ-ცალკე სხდებიან. ასევე დილის პურობაზე ვაჟის სახლში: „სადილსა სჳამენ ცალ-ცალკე, სუფრას მალ აიღებდესო“.

საინტერესო დაკვირვებები აქვს ქართული სუფრის შესახებ ჟან შარდენსაც. მისი ცნობით, საქართველოში ქალები და მამაკაცები ერთად ჳამენ¹⁷⁷, ერთად არიან ისინი საახალწლო ზეიმზედაც¹⁷⁸, მაგრამ ჳირის სუფრაზე და აღდგომა დღეს ქალები და მამაკაცები სუფრასთან ცალ-ცალკე სხდებიან¹⁷⁹.

შარდენი განცვიფრებული დარჩენილა ქართული სუფრისათვის დამახასიათებელი წესრიგით და მომსახურეობით, რაც მას თბილისში ვახტანგ V-ის კარზე უნახავს. იგი წერდა: „კერძები საოცარი წესრიგითა და უხმაუროთ შემოჳქონდათ. ყველა უხმოდ ასრულებდა თავის საქმეს. ერთ მაგიდაზე მსხდომი სამი ევროპელი უფრო მეტს ხმაურობს, ვიდრე ამ ნადიმზე მყოფი ას ორმოცდაათი კაციო“¹⁸⁰. მართლაც მეფის სასახლეში სტუმრის მიღების თუ ყოველდღიური პურობის მკაცრად შემუშავებული, ჩამოყალიბებული და წერილობით გაფორმებული ეტიკეტი არსებობდა და ამ წესების შესრულება მეფის კარზე სავალდებულო იყო¹⁸¹.

სუფრაზე ქალებისა და მამაკაცების განცალკევების ჩვევას შარდენი საქართველოში სპარსეთის გავლენას მიაწერდა: „მას აქეთ, რაც ქართველები სპარსეთს დამორჩილდნენ, აქაურ ქალებს მამაკაცებთან ყოფნა ეკრძალებათ. ქალების თავისუფლება აქ თანდათანობით იკვეცება და ეს მშვენიერი სქესის წარმომადგენლები იძულებული არიან მისდიონ წესს და განცალკევებით მოიყარონ თავი“¹⁸².

ქართულ სამეფლისო სუფრაზე ჩვეულებად იყო მხიარულება. „შაჳანავაზიანში“ მოთხრობილია როგორ ილხენდნენ ვახტანგ V-ის ქორწილზე:

¹⁷⁶ „ერთჳამა“ ნახსენები აქვს არჩილსაც. როცა აღწერს მეფე თეიმურაზის ქორწილს. არჩილიანი, II, თბ., 1937, სტრ. 293.

¹⁷⁷ ჟ ა ნ შ ა რ დ ე ნ ი, დასახ. ნაშრომი, გვ. 120.

¹⁷⁸ იქვე, გვ. 187.

¹⁷⁹ იქვე, 191, 193, 202.

¹⁸⁰ იქვე, გვ. 347.

¹⁸¹ დასტურლამალი, ქართული სამართლის ძეგლები, II, გვ. 251—255.

¹⁸² ჟ ა ნ შ ა რ დ ე ნ ი, დასახ. ნაშრომი, გვ. 344.

„მომღერალთა ჩანვი მორთეს, იმღერიან ტყბილის კმითა;
ჩაღანა და უღ ქამანჩა მულნი დაშურა ამა თქმითა;
დაპირაზე მოთამაშებ ხლტომა შექმნის თურა ქნითა“¹⁸³.

აქ მოტანილი ადგილი სავსებით ამართლებს თეიმურაზ II-ის ნათქვამს, რომ სამეჯლისო სუფრაზე მონაწილეობდნენ პროფესიონალი მუსიკოსები — „მკვრელები“. ითქმებოდა ლექსები, „თამაშობდნენ“ — ე. ი. ცეკვავდნენ, მღეროდნენ და გალობდნენ¹⁸⁴.

შარდენის ცნობითაც, ვახტანგ V-ის კარზე მეჯლისის დროს სუფრასთან ლხინს თან ახლდა მუსიკალური ნაწარმოებების მოსმენა. საინტერესოა, რომ XVII ს. 60-იან წლებში თბილისელებისათვის უკვე ცნობილი იყო კათოლიკე მისიონერების მიერ იტალიიდან მოტანილი ნატიფი მუსიკალური ინსტრუმენტი ვიოლინო¹⁸⁵. და თუ ამ დროს ჭერ კიდევ არ იყო ვიოლინოზე ქართველი შემსრულებელი, ირანის გავლენაში მოქცეული ქართველი მსმენელები დიდი სიამოვნებით ეზიარებოდნენ ევროპულ მუსიკას.

სუფრის წევრებისათვის ზოგჯერ გართობა-სანახაობანიც იმართებოდა: ბურთაობა, ცხენბურთი, კიდაობა, „მუშაითობა“—ჯამბაზობა და ა. შ.

სამწუხაროდ, ჩვენთვის სრულიად უცნობია ქალაქის უბრალო მოსახლეობის სუფრის წესები. მაგრამ, ვფიქრობთ, თუ უბრალო თბილისელთა ლხინ-ქორწილებს ისეთი მასშტაბები არ ჰქონდათ, როგორც მეფე-დიდებულთა ქორწილ-მეჯლისებს, მათი სალხინო სუფრებიც არ უნდა ყოფილიყო მოკლებული შნოსა და ლაზათს და სიმღერა-შაირობა. ქალაქური მუსიკა, მახვილსიტყვაობა და ცეკვა-თამაში თბილისელთა ლხინის თანმხლები უნდა ყოფილიყო.

თ ბ ი ლ ის ე ლ თ ა კ ვ ე ბ ა . XVII—XVIII სს. ბაჟის, ნიხრების თუ თბილისელ მოხელეთა სარგოს წიგნები საშუალებას გვაძლევენ გავეცნოთ თბილისური ბაზრების საქონელს — კერძოდ, კვების პროდუქტებს. რადგან ამ ხანებში თბილისი ნახევრად აგრარული ქალაქი იყო, მოსახლეობას თვითონვე ჰქონდა მიწის პატარა ნაკვეთებზე გაშენებული ბაღ-ბოსტან-ვენახები, თუ პურეულის ყანები და ჰყავდა შინაური ფრინველი და ცხოველებიც, ამიტომ სოფლის მეურნეობის პროდუქტების ზედმეტი ნაწილი—ხილი, ბოსტნეული, მწვანილი, პურეული, ხორცი თუ რძის ნაწარმი თვით ქალაქელებსაც შეეძლოთ გაეტანათ ბაზარზე, სოფლის მეურნეობის პროდუქტების ნაწილი ადგილობრივ, სპეციალურად ბაზრისთვის მზადდებოდა (თუმანიშვილები), ხოლო ნაწილი ახლო სოფლები-

¹⁸³ შანკვაზიანი, გვ. 38.

¹⁸⁴ თეიმურაზ II. თხზულებათა სრული კრებული, გ. ჯაკობიას რედ., 1939, გვ. 55—56.

¹⁸⁵ ე ა ნ შ ა რ დ ე ნ ი . დასახ. ნაშრომი, გვ. 348. ავტორი ერთხელ ახსენებს შპინეტს. მეორედ კი ვიოლინოს. შპინეტი ვიოლინოს უახლოესი წინაპარია. დ. შ.

დან თუ შორეული ქვეყნებიდან შემოდოდა. თბილისის ბაზარზე კვების პროდუქტების დიდი ნაირსახეობა იყო: პური და ლეინო-არაყი, ბატკანი თუ კედილა, ბრინჯი და ერბო, შაქარი და ნუღლი, სამარხო ნიგვხით, ზეთისხილი, ძვირფასი თევზეული -- გელაქნური*, ორაგული, ზუთხი, ხრამელი, ფიჩხული, ხმელი თევზი -- ზურგელი, დომ... ბიზილალა და სხვა მრავალი¹⁸⁶; სანელებლები: ზაფრანა, ილი, ბადიანი (სურმელოვანი სანელებელი), მიხაკი, დარიჩინი, ლაბლაბო და სხვ.¹⁸⁷

მეფის სასახლეში ნადიმზე მყოფი შარდენი ალტაცებაში მოუყვანია არა მხოლოდ წესრიგს, არამედ მშვენიერ კერძებსაც. სამი სახის პურს, ხორციან თუ შაქრით, დარიჩინით და ზაფრანით შეზავებულ ყვითელ, ბროწეულის წვენიტ შეზავებულ წითელ და თეთრ ფლავებს, ღვეზელებს, მოხრავულ ხორცს მოტკბო და მომჟავო საწებლით. მშრალად შემწვარ ხორცს: ნანადირევ ხოხობს, კაკაბსა და ფურ-იონის ხორცს. რაც უხვად იყო მეფის სუფრაზე.

სამწუხაროდ, ჩვენ არ ვიცით, როგორ მზადდებოდა მეფის სუფრაზე მირთმეული კერძები, მაგრამ „დასტურლამალიდან“ ვგებულობთ, რომ კეოძების დასამზადებლად მსხვილფეხა და წვრილფეხა საქონელსა და ქათმის ხორციან ერთად იხმარებოდა ხახვი, ნიგოზი, ერბო, ხოლო საერთოდ კერძების შესაზავებლად ზაფრანა, ქიშმიში, ნუში, თაფლი, ძმარი და ა. შ.¹⁸⁸.

XVIII ს. ერთი საბუთის მიხედვით, ქათამი ორგვარად მზადდებოდა — ჩიხირთმად და გატენილი. ცხვრის ხორცი კეთდებოდა ყალიათტყემლით და ბორნათ-ერბოთი, ხოლო 140 კონა...ქარხლის მკლავის მხალის“ შესამზადებლად ოთხი ლიტრა მაწონი ყოფილა საქიოო¹⁸⁹. ეს ცნობები, რასაკვირველია, სრული არაა.

წყაროებში დასახელებული სანელებლები იმაზე მიგვანიშნებენ, რომ თბილისელებს გემრიელად შეზავებული კერძები უყვარდათ. მაგამ გემრიელად შეზავება ყველა თბილისელს როდი შეეძლო. შორი გზიდან მოტანილი სურნელოვანი სანელებლები საკმაოდ ძვირადაც ფასობდა და საზოგადოების შეძლებული ნაწილი თვლიდა, რომ ძვირადღირებული კერძები მათი პრივილეგია იყო და არა მოსახლეობის დაბალი ფენებისა. იოანე ბატონიშვილი აღნიშნავდა: გლუხებსაო „პუოი და სხუანი ს ა გ - ლ ე ხ ო კ ა მ ა დ ნ ი , უმეტეს საამოდ განაძლობს... და წყალი და ლეინო უფროს შეერგებისთ. მათ, ვიდრელა მდიდართა სხვადასხვა სასმელები და შარბათებიო“¹⁹⁰.

¹⁸⁶ ქართული სამართლის ძეგლები. II. გვ. 493—499.

¹⁸⁷ გიულდენშტედტის მოგზაურობა, დასახ. გამოც., II. გვ. 376—379.

* გელაქუნის (სევანის) ტბის კალმახი, იშხანი.

¹⁸⁸ ქართული სამართლის ძეგლები. II. გვ. 265.

¹⁸⁹ ხელნაწერთა ინსტიტუტი, ფ. Qd. № 7675.

¹⁹⁰ იოანე ბატონიშვილი, კალმასობა, ტ. I, 1936, გვ. 230.

თუ საზოგადოების დაბალი ფენები იძულებული იყვნენ „საგლეხო კამადნიო“ დაკმაყოფილებულიყვნენ, სასულიერო პირები საგანგებოდ შერჩეული, უკვე რიტუალის თვალსაზრისით, კერძებით იკვებებოდნენ. შარდენს მოთხრობილი აქვს, რომ იმ მდიდარ სუფრაზე, სადაც მრავალფეროვანი მდიდრული კერძები შემოჰქონდათ, სამღვდელთათვის თევზი, კვერცხი და მწვანილი იყო¹⁹¹.

მარხვის დღეებში ქრისტიანული რჯული ზღუდავდა ან სულაც კრძალავდა ციოველური საკვების ხმარებას. ასეთ დღეებში ქართველები მცენარეული საკვებით იკვებებოდნენ, რასაც ზოგადად სამარხო (სახსნილოს საპირისპიროდ) ეწოდებოდა. სამარხო მცენარეული ზეთით ან ნიგვზით შეზადებოდა ხოლმე¹⁹². სამარხო კერძი ზოგჯერ რამდენიმე შემადგენელისაგან მზადდებოდა. იოანე ბატონიშვილის ცნობით, ცხრაგვაოი საძარბოსაგან დამზადებულ შექამანდს ცხრაწვენა ეწოდებოდა¹⁹³.

კერძებთან ერთად ქართულ სუფრაზე აუცილებელი იყო ღვინო. სამეფო კარზე მოტანილმა ღვინოებმა შარდენი ალტაცებაში მოიყვანა. მეფე-დიდებულთათვის ღვინო სალხინო სასმელი იყო, ხოლო ღარიბი მოსახლეობისათვის, პურთან ერთად, ყოველდღიური კვების პროდუქტი.

XVII—XVIII სს. თბილისში მეარაყეების არსებობა და „დასტურლამალში“ დაწესებული არაყხანის იჯარა იმაზე მიგვანიშნებს, რომ ამ დროს თბილისის მოსახლეთა შორის არაყს საკმაოდ ბევრი მომხმარებელი ჰყავდა.

დარეჯან დედოფლის შემოსავლის ანგარიშში ნათქვამია, რომ ზემო ხოდაშნის ზვრიდან დედოფალი სამ საპალნე არაყს ღებულობდა, რისი რეალიზაციაც, სავარაუდოა, ძირითადად თბილისის ბაზარზე ხდებოდა.

თბილისის ბაზარი საკვები პროდუქტის ნაკლებობას არ განიცდიდა, მაგრამ კვების ნორმები და საკვების სახეობა ქალაქის შეძლებული და ღარიბი მოსახლეობისათვის ერთნაიოი არ იყო.

თ ბ ი ლ ის უ რ ი ა ბ ა ნ ო ე ბ ი . თუ X—XV სს. თბილისური აბანოების შესახებ ძირითადად უცხოელთა ცნობები გვაქვს, XVII—XVIII სს. ჩნდება ქართული დოკუმენტური მასალაც, საიდანაც ირკვევა, რომ თბილისური აბანოების დიდი ნაწილი კერძო პირთა საკუთრებას წარმოადგენდა და ესა თუ ის აბანო თბილისში თავისი პატრონის სახელით იყო ცნობილი: მელიქ ენალას, დაუთხანის, ყიასა ვეზირის აბანო და ა. შ. ან ზოგადად იწოდებოდა სახასო აბანოდ, ციხის აბანოდ, დიდ აბანოდ, პატარა აბანოდ და ა. შ.

აბანოთი სარგებლობისათვის ნიხრები იყო დაწესებული, რითაც აბა-

¹⁹¹ ე ა ნ შ ა რ დ ე ნ ი , დასახ. ნაშრომი, გვ. 346—347.

¹⁹² ქართული სამართლის ძეგლები, II, გვ. 494, 498.

¹⁹³ ი ო ა ნ ე ბ ა ტ ო ნ ი შ ვ ი ლ ი , კალმასობა, I, გვ. 93.

ნოს პატრონებს გარკვეული შემოსავალი ჰქონდათ. ამიტომ მთელი XVII — XVIII სს. მანძილზე თბილისური აბანოები ან თერმული წყლით სარგებლობის უფლება ყიდვა-გაყიდვის, ჩუქება-ბოძების, მზითვის თუ გაყოფა-დავის საგანი იყო.

აბანოების ნაწილში მხოლოდ ქართველობა დადიოდა. ზოგიერთ აბანოში ქრისტიანებთან ერთად მაჰმადიანებიც დადიოდნენ. ზოგი აბანო კი მხოლოდ მაჰმადიანებისათვის იყო განკუთვნილი. აბანოთი სარგებლობისათვის კვირის გარკვეული დღეები იყო დაწესებული ქალებისათვის თუ მამაკაცებისათვის. თბილისურ აბანოებს არა მხოლოდ ჰიგიენური დანიშნულებისათვის ხმარობდნენ, არამედ ადრევე შენიშნული ჰქონდათ გოგირდოვანი აბანოების სამკურნალო თვისებები. შარდენის ცნობით, თბილისში გოგირდის წყალს სამკურნალოდ იყენებდნენ¹⁹⁴. თბილისური აბანოს სამკურნალოდ გამოყენება უცდია სხეულ კახეთის მეფეს იამყული ხანსაც. მას არც კი დაუცდია ქართლის გამგებლის ვახტანგის ნებართვისათვის და „უცნობლად ვახტანგისა“ მისულა თბილისს საეკურნალოდ. მაგრამ ვახტანგა ეს ამბავი აწყენია და იამყული იაი იძულებული გამხდარა ბოღნივით გაბრუნებულიყო უკან¹⁹⁵.

ვფიქრობთ. სანეკურნალოდ დადიოდა იმდროს ავადმყოფი გიორგი XII-ც გოგირდის აბანოში. და ბოლოს. თბილი აბანოების სამკურნალო სასწაულმოქმედების მითით გამო მოხდა, რომ 1795 წ. გოგირდის წყლით განუკურნებელმა საქუთოსმა ალა-მაჰმად ხანმა ისინი ნაცარტუტად აქცია.

თბილისური აბანოები არა მარტო ჰიგიენუო-სამკურნალო დაწესებულებები იყო, არამედ ხალხის თავშეყრის. აზოთა გაცვლა-გამოცვლის. საკირბოროტო თუ ყოფითი საკითხების გადაწყვეტის და გაოთობის ადგილიც.

თბილისელ ქალებს გარდა ძირითადი მოვალებებისა — შვილების აღზრდისა და საოჯახო საქმეებისა, კოპწილობაც უყვარდათ. მოხდენილ ტანსაცმელთან და ლამაზ სამკაულებთან ერთად მათთვის უცხო არ იყო პირის კანის და წარბ-წამწამ-თმის შეღებვა და მოვლა-გალამაზება.

თბილისელ ქალებს პირად საკუთრებაში ჰქონდათ დაბანვის პროცედურასთან დაკავშირებული „აბანოს იარაღები“ და „საპირისფარეშო იარაღები“ — პირის კანისა და წარბ-წამწამ-თმის მოვლისათვის განკუთვნილი საგნები.

აბანოში მიმავალ თბილისელ ქალებს თან მიჰქონდათ „აბანოს ბოლჩებში“ გამოკრული „აბანოს იარაღები“ — საპნები, ქისები, „ფეხის ქვე-

¹⁹⁴ უ ა ნ შ ა რ დ ე ნ ი, დასახ. ნაშრომი, გვ. 38—39. როგორც სამართლიანად შენიშნავს შარდენის თხზულების ქართულად მთარგმნელი და გამომცემელი მ. მგალობლიშვილი, ეს ცნობა აბათილებს გიულდენშტედტის განცხადებას. თითქოს მან პირველმა შემოიღო თბილისის გოგირდოვანი წყლების სამკურნალოდ გამოყენება.

¹⁹⁵ ქართლის ცხოვრება, IV. გვ. 613.

ბი“ — ლითონით შემკული მინქაფისაგან (ნემა) დამზადებული ფეხის სახეხები. ინის დასაღობი ჭამები. საეარცხელ-თმისსაყოფები. შესამ-შოალებელი თუ დასაფენი ზეწარ-სუზანები, „აბანოს პერანგები“ და ა. შ.

ბანაობის შემდეგ საგანგებო საღებავებით (ფერით — წითელი საღებავითა და უმარილით — მათეთრებელით) ხდებოდა პირის კანის დამუშავება. წარბ-წამწამ-თმის შესაღებად კი ხმარობდნენ ინას, გუნდის ხის ნაყოფს. სურმას და მურს (კვარტლს). საღებავები ოქრო-ვერცხლისაგან ან სხვა მასალისაგან დამზადებულ მომცრო ნატიფად ნაკეთებ კოლოფებში ან საგანგებოდ დამზადებულ პარკებში ინახებოდა.

უმარილის მომზადება პირის კანზე წასასმელად ორსაგდულიანი მოლუსკის ნიჟარაზე ხდებოდა. რასაც ქართულ წყაროებში სადაფი ეწოდებოდა. იგი ზოგჯერ სრულიად უბრალო იყო. ზოგჯერ კი ოქრო-ვერცხლით მოკედლილი და ძვირფასი თვლებით შემკული. სადაფზე წყალში იხსნებოდა ფხვიერი უმარილი და იღესებოდა სპეციალური საღესით — კონუსური ფორმის ბროლით. ბროლიც მოკედლილი იყო ლითონით და დამშვენებული მინიატურული დეკორატიული ქანდაკებით ან თვალმარგალიტით.

სახის და წარბ-წამწამ-თმის საღებავებს თბილისის მოსახლეობის ყველა ფენის ქალები ხმარობდნენ. განსხვავებული იყო მხოლოდ საღებავების და ღებვისათვის მოსახმარი საგნების ხარისხი.

გ ა რ თ ო ბ ა - თ ა მ ა შ ო ბ ა ნ ი . XVII—XVIII სს. საქართველოში სხვადასხვა სახის გართობა-თამაშობანი არსებობდა. სულხან-საბა ორბელიანს თავის ლექსიკონში „თამაშობა“ ექვს სახეობად აქვს წარმოდგენილი: ასპარეზობა, მღერა. ფუნდრუკი, ხუნტრუკი, როკვა და შექცევა.

საქართველოში თამაშის ერთ-ერთი გავრცელებული სახეობა იყო ყაბახი. საბას განმარტებით, ყაბახი მოედნის შუა ადგილი იყო. სადაც „ძველად“ მაღალ ანძაზე ოქროს ან ვერცხლის თასს დადგამდნენ და დღესასწაულზე და ყველიერში ცხენოსანი მეფე და დიდებულები ისრის სროლით როგ-რიგად გაუვლიდნენ. ვინც თასს ჩამოაგდებდა. თასიც მისი იყო.

თეიმურაზ II-ის სიტყვებით კი, ანძაზე ოქროს ვაშლი იყო. ვინც ჩამოაგდებდა ვაშლს. მეფეს მიართმევდა, მეფე კი გამარჯვებულს აჭილდობებდა.

თბილისში ყაბახის არსებობა თბილისური ტოპონიმითაც — „ყაბახი“ დასტურდება (ყოფ. ალექსანდრეს, დღევანდელი 26 კომისრის ბაღის ტერიტორიაზე). ყაბახი დიდი პოპულარობით სარგებლობდა, მაგრამ ეს არ იყო საყოველთაო-სახალხო გასართობი და XVII—XVIII სს. მასში მხოლოდ მეფე და დიდებულები მონაწილეობდნენ.

ასევე პრივილეგიური კლასის გასართობი თამაშობა იყო ცხენ-ბურთი. თეიმურაზ II-ს მოცემული აქვს თამაშის ორი სახეობა: I. ჩოგნით. სადაც თითო მხარეს თორმეტ-თორმეტი მოთამაშე იყო და II. სადაც 3—4

მოხუცებული მონაწილეობდა. ორივე ზემოხსენებული თამაში ასპარეზად იწოდებოდა. ეს იყო სპორტული თამაშობანი, რომლებიც სამხედრო წვრთნის ელემენტებსაც შეიცავდნენ: ისრის სროლა მიზანში, ჭირითი, ფიზიკური გამძლეობის გამოცდა და ა. შ.

ეს თამაშობანი მხოლოდ მამაკაცებისათვის იყო გათვალისწინებული, მაგრამ XVII—XVIII სს. საქართველოში იყო ისეთი სათამაშოები, რომლებითაც თამაშობდნენ როგორც მამაკაცები, ისევე ქალები. ასეთები იყო ჭადრაკი, ნარდი, განჯათა (ეს იყო დღევანდელი სათამაშო ქალაქის — კარტის მსგავსი ძვლის ფირფიტები) და ა. შ. ამიტომ ასეთ სათამაშოებს ქალებს ხშირად მზითვეში ატანდნენ¹⁹⁶. განსაკუთრებით მდიდარია სათამაშოებით ანუკა ბატონიშვილის მზითვის წიგნი (1712 წ.). იქ გარდა ჩვენთვის ცნობილი სათამაშოებისა — ჭადრაკისა და განჯათისა, ჩამოთვლილია ჩვენთვის ნაკლებად ცნობილი სათამაშოები „საჯი სუნრი“, „კურდღელი და ავაზა“, „თაგვფიშიგი“ და „კიდევ სხუა წურილი სათამაშოები“¹⁹⁷.

XVII—XVIII სს. ცნობილი მზითვის წიგნებიდან ჭადრაკი დამოწმებული გვაქვს მხოლოდ სამჯერ. 1667 წ. ჭადრაკი მზითვეში გაუტანებიათ შაჰნავაზის ასულისათვის, 1712 წ. ანუკა ბატონიშვილისათვის (ვახტანგ VI-ის ასული), ხოლო 1766 წ. ერთი ძვირფასი ჭადრაკი „თევზის კბილისა“ და ფრანგული ნაკეთობის კუს „ძვლის“ დაფით — ელისაბედ ბატონიშვილისათვის. ნიშანდობლივია, რომ სამივე ქალი თბილისელია — მეფის ასულები. როგორც ჩანს, სამეფო კარზე ჭადრაკი გარკვეული პოპულარობით სარგებლობდა. ჭადრაკი გონებისმიერ თამაშობად ითვლებოდა და მისი თამაში ფულზე იშვიათად თუ იქნებოდა. თეიმურაზ II-მ სპეციალური თავი მიუძღვნა განჯათის, ჭადრაკისა და ნარდის თამაშობებს. სადაც აღნიშნავდა, რომ „ჭადრაკსა ითამაშებენ ისე თეთრზედა ძვირად“¹⁹⁸.

თუ ჭადრაკის ფულზე თამაში „ძვირად“ — იშვიათად ხდებოდა, სამაგიეროდ ნარდს, განჯათს, ბანქოს ძირითადად ფულზე თამაშობდნენ. თეიმურაზ II აღნიშნავდა, რომ ამ თამაშებით ბევო ფულს ატრიალებენ. ორი-სამი დღე გადაბმული თამაშობენ და „დალაღვას არ გაიგებენო“¹⁹⁹.

ეს სათამაშოები საკმაოდ გავრცელებული იყო და არსებობდა აგრეთვე თამაშისათვის შედგენილი წერილობითი ინსტრუქციებიც.

განსაკუთრებით აუგად ითვლებოდა ყომარის თამაში. თეიმურაზ II

¹⁹⁶ მასალები საქართველოს სოციალურ-ეკონომიკური ისტორიისათვის (მზითვის წიგნები). გვ. 33, 47, 67, 87 და სხვ.

¹⁹⁷ ამ სათამაშოების შესახებ იხ. ი. გ რ ი შ ა შ ვ ი ლ ი, ძველი თბილისის ლიტერატურული ბოქემა, 1927.

¹⁹⁸ თ ე ი მ უ რ ა ზ II, დასახ. გამოც., გვ. 96.

¹⁹⁹ იქვე.

ყომარის თამაშს, ისევე როგორც ნარდისა. „კაცის შესაქცევ“ გასართობ საქმედ თვლიდა, მაგრამ იესე ოსეს ძე დიდად დასაძრახისად მიიჩნევდა ყომარის თამაშს. იესემ თავის შვილებს უანდერძა: — ყომარის თამაშობასა და ლოთობას არ მიეჩვიოთ²⁰⁰.

იესე ოსეს ძე თავის ანდერძში უკრძალავდა შვილებს ყომარის თამაშს და ფიცავდა მათ წინაშე, რომ ყომარის თამაშში „სრულიად გამოუცდელი იყო ჩემგანო“. იესე არ იყო გულწრფელი. ანდერძის სხვა ადგილიდან ირკვევა, რომ იგი ყომარს თამაშობდა, მაგრამ უარყოფდა ფულზე თამაშს. „არცა ჩემს ქაშში ყუმარი მითამაშნია თეთრზედო“. „კალმასობაში“ მოთხრობილია ამბავი, როცა წირვაზე მოსული ბერი იოანე ხალხის სიმრავლის გამო თბილისის სიონის შენობაში ვერ შევიდა, კარიბჭესთან დადგა და დაინახა, რომ ერთ კუთხეში ოთხი კაცი მიყუყულიყო, „სათამაშოს ქალაღლებს სჩხრეკდნენ და თამაშობდნენ. იოანემ დაბლად სთქო: დიდი ვნება არ არის, რომ წირვის მოსმენაც ვერ მოუთმენიათ და აქ ყომარბაზობენ, შინ კი არ ეყოფათ ოცდაოთხი საათი საყომარბაზედ?“ ამ სიტყვებზე დიმიტრი თუმანიშვილს (ერთ-ერთ მოთამაშეს) უკან მოუხებდნია და იოანესათვის თავის მართლებით უპასუხნია: „ჩვენ ყომარზედ არ ვთამაშობთ, ამა ჩემთა ამხანაგთა წიგნი არ იციან და ამა ზედა ლოცვას ვასწავლიო“²⁰¹.

ყომარი (ყუმარი) განმარტებული არაა არც საბასთან. არც ნ. ჩუბინაშვილთან. ქართული ენის განმარტებით ლექსიკონში კი ყომარი განმარტებულია როგორც: 1. ოთხი კოჭის თამაში; კოჭის ერგვარი თამაში ფულზე. 2. კამათლის თამაში ფულზე, მაგრამ, როგორც კალმასობიდან მოტანილი ადგილიდან ჩანს, ყომარში ქალაღდის თამაში იგულისხმება: — „სათამაშოს ქალაღლებს სჩხრეკდნენ და თამაშობდნენ“. ყომარის (ყუმარის) ფულზე თამაში აზარტული თამაში იყო და ამდენად საძრახისიყ. ყომარის მოთამაშეს ყომარბაზი ეწოდებოდა. ყოველივე ზემოთქმულს მხარს უჭერს თეიმურაზის სიტყვებიც:

„ვინც აჰობებს, გამოართმევს, მოგებულს წინ დაიდებენ.
ყუმარბაზნი ხალისითა დალაღვას არ გაიგებენ,
ორი-სამი ღლე მოებას, ყუმარს აღარ აიღებენ“.

XVIII ს. საქართველოში ფულზე თამაში, როგორც ჩანს, გავრცელებული იყო. 1782 წ. მანუჩარ თუმანიშვილს თავის დანახარჯის ნუსხაში შეუტანია ჩანაწერი: „დ. ქალაღდის თამაშობაში მივე“²⁰². მეფის კარზედაც კი „თამაშში დახარჯვა“, ე. ი. ფულზე თამაში, ჩვეულებრივი მოვლენა იყო²⁰³.

²⁰⁰ იესე ბარათაშვილი, ცხოვრება-ანდერძი, დასახ. გამოც., გვ. 50.

²⁰¹ იოანე ბატონიშვილი, დასახ. გამოც., გვ. 189.

²⁰² ხელნაწერთა ინსტიტუტი, ფ. Qd, №7722.

²⁰³ საქართველოს სიძველენი, ტ. II, 1920, გვ. 205.

აზარტული თამაშობანი (ფულზე თამაში) არა მხოლოდ ოჯახებში იმართებოდა, არამედ არსებობდა სათამაშო საზოგადოებრივი სახლებიც. საბას განმარტებით, სახლს, „სადა მარადის იმღერიან“, სამორინე ეწოდება. საბასვე განმარტებით, „მღერაში“ სხვა თამაშობებთან ერთად შედიოდა „კადრაკის, ნარდის და სხვა სამორინოთა თამაშობა...“ ასეთი სათამაშო სახლები უდავოა ქალაქებში უნდა ყოფილიყო და, პირველ რიგში, თბილისში, რომელიც ამიერკავკასიის სავაჭრო ცენტრს წარმოადგენდა. სადაც ფულიც დიდი რაოდენობით ტრიალებდა. ფულზე მოთამაშეები თბილისში მოსახლე მაღალი ფეოდალური წრის თუ ქალაქის შეძლებულ ვაჭარ-ხელოსანთა წარმომადგენლები და ზოგჯერ უცხოელი სტუმრებიც იყვნენ.

„კალმასობის“ ზემომოტანილი ადგილიდან ოთხი მოთამაშიდან ერთი დიმიტრი თუმანიშვილია — ფეოდალთა კლასის წარმომადგენელი. ერთი ფეიქარი, ერთი მკერავი. მხოლოდ ერთის საქმიანობაა გაურკვეველი. ამ შემთხვევაში ფეიქარი და მკერავი ის პირები არიან. ვისაც თავიანთი ხელობით შემოსავალი აქვთ და ისი დახარჯვაც თავიანთ ნებაზე არაფრად მიაჩნიათ, თუმცა მათი შეიოსავალიც შეზღუდული იყო.

სათამაშო-სამორინე სახლებთან ერთად ქალაქებში არსებობდა სამოსმურო სახლებიც. რაც, საბას განმარტებით. „შემთვრალეთ შესაკრებელი“ იყო, სადაც მოსმურნი — ლეინის მსმელები იკრიბებოდნენ. სამოსმურო სახლი (თუ სახლები) თბილისშიაც არსებობდა. იესე ოსეს ძის განცხადება — „მომღერლებთან სმა“ ჩემთვის „სრულიად გათოუცდელი იყო“²⁰¹ — ეფიქრობთ. სწორედ ასეთ სამოსმურო სახლში დროსტარებას გულისხმობდა. ასეთ სახლებში დროსტარება „შესაქცევად“ — გასართობად სიარული ხარჯებთან იყო დაკავშირებული და ის მხოლოდ ხელგაშლილ თბილისელ მდიდარ-წარჩინებულთა უპირატესობა იყო.

ქალაქის უბრალო მოსახლეობას თავისი ხალხური თამაშობა-გასართობები ჰქონდა: სალა, ჩილკა. რიკი. ვევი (კოჭაობა) და სხვა მრავალი. რაც მოკლებული არ იყო გონებამახვილობასა და ფიზიკური შესაძლებლობების გამოცდას.

ცალკე არსებობდა საბავშვო სათამაშოებიც. XVIII ს. მიწურულს. როდესაც ალა-მაჰმად ხანმა თბილისი აიღო და დაარბია. თუმანიშვილების დანაქარგის ნუსხაში გამოჩნდა „პატარა ქალების სათამაშო კუცები და მათი ტანისამო“.

ქალაქის სანიტარული მდგომარეობა. იესე ოსეს ძეს მითხრობილი აქვს, თუ როგორ წვალებით ჩამოიყვანა მან კახეთიდან ძროხა თბილისს. სადაც მისი ოჯახი ცხოვრობდა და დასძენს: „ჩვენნი ნუგემისცემა ორი წელიწადი ამ ძროხისაგან იყო. ყმაწვილებს აოჩენ-

²⁰¹ იესე ოსეს ძე ბარათაშვილი, დსახ. გამოც., გვ. 2.

და და მოსამსახურეს და ვმადლობდი ღმერთსა“. XVIII ს. თბილისის ეზო-ებში მეწველი საქონლის არსებობა ჩვეულებრივი ამბავი იყო. თბილისური სახლების ეზოებში დასახლებული საჯინბოები და საბძელები იმაზე მიგვანიშნებენ. რომ მოსახლეობას ოჯახებში ჰყავდა აგრეთვე გამწვევი თუ სატრანსპორტო საქონელიც.

1703—1724 წწ. შედგენილ მორდლის განწესებაში დადგენილია სამორდლო გამოსავალი შინაურ ცხოველებზე: აქლემზე, ულავ ცხენზე, ქაკ ცხენზე, ძროხაზე, ვირზე, კამეჩზე, ჭორზე, ცხვარზე და ღორზე²⁰⁵. ვფიქრობთ. აქ ჩამოთვლილიც ცხადყოფს, რომ თბილისში შინაური ცხოველების ნაკლებობა არ იყო.

თუ იმასაც გავითვალისწინებთ, რომ თბილისი სავაჭრო მაგისტრალზე მდებარე ერთ-ერთი უმნიშვნელოვანესი პუნქტი იყო და შორეული ქვეყნებიდან მოსული თუ გზად მიმავალ-მომავალ უომების თუ საპალნონანი საქონლის დიდი ქარავნებიც აქ ისვენებდნენ, ადვილად წარმოვიდგენთ ანტისანიტარიის მიზეზებს.

თბილისურ ეზოებში იყო საპირფარეოებიც. 1679 წ. თბილისში გაიყიდა სახლები თავისი აბხანით (საპირფარეოთი) და შესავალ-გასავლით²⁰⁶, მაგრამ თბილისს ქალაქშივე ჰქონდა საზოგადოებრივი ნაგავსაყრელები და მოსახლეობა საოჯახო ნარჩენებს თუ ნაქელს უსისტემოდ ყრიდა ქალაქის ნებისმიერ კუთხეში. 1710 წ. ისაია მანველაშვილმა სახლები გაყიდა, სადაც საზღვრებად მონიშნულია „ქვეითი მხარი ზარაბხანის კარზედ რომ ნეხვი ჰყრია, იმის კერძადო“²⁰⁷. თბილისის ჰიგიენურ ყოფაზე უარყოფითი აზრისა იყო გიულდენშტედტიც. ქალაქის დანაგვიანება იწვევდა ხშირ ეპიდემიებს, რაც მოსახლეობის საგრძნობ ნაწილს ანადგურებდა.

ამავე დროს თბილისში იმ დროისათვის არაერთი განსწავლული ექიმი ცხოვრობდა და მოღვაწეობდა. XVIII ს. დოკუმენტებში მოხსენიებული არიან: მაჰმუდა აქიმშივილი, ექიმი ოსეფა, ექიმი თათულა, „დოხტური“ (რაინეგსი), ალექსანდრე აქიმი, პატრი უფროსი (აგრეთვე ექიმი) და ა. შ. მაგრამ მათ მოვალეობას მხოლოდ ავადმყოფების მოვლა და წამლების მიცემა შეადგენდა და არა ქალაქის ჰიგიენური პირობების დაცვა.

1770 წ. თბილისში შავი ქირის ეპიდემიამ იფეთქა. მსხვერპლიც დიდი იყო — 4000 კაცი. 1798 წ. კვლავ იფეთქა ეპიდემიამ. ანჭერად ქალაქის მესვეურები ეპიდემიის წინააღმდეგ „დოხტურის“ მითითებებით მოქმედებდნენ. მაგრამ როგორც ვხედავთ, ქალაქის სანიტარული მდგომარეობა მაინც სავალალო იყო.

²⁰⁵ დოკუმენტები თბილისის ისტორიისათვის, I, გვ. 35.

²⁰⁶ იქვე.

²⁰⁷ იქვე. გვ. 153.

საკუთრივ თბილისის XVIII ს. ბოლომდე
ისტორიის შესახებ გამოკვებულნი წყაროებისა და
ნარკვევების სია

I. წყაროები

- დავით აღმაშენებელი და თბილისი (ისტორიული ცნობა), გაზ. „საქართველო“, 1916, №252.
- დიონიზო კარლი, თბილისის აღწერა, იტალიური ტექსტი თარგმნა და შენიშვნები დაურთო ბ. გიორგაძემ, მსკი, ნაკვ. 29, თბ., 1951.
- დოკუმენტები თბილისის ისტორიისათვის (XVI—XIX სს.), წ. I, შეადგინეს ნიკო ბერძენიშვილმა და მამისა ბერძენიშვილმა, თბ., 1962.
- ევლია ჩელეზი, იხ. ფუთურიძე გ., ველია ჩელეზის ცნობები თბილისის შესახებ (თბილისი 1500, საიუბილეო კრებული), თბ., 1958.
- თბილისის ქალაქის მოურავის მოხსენება (მდგომარეობის გასაუმჯობესებლად წამოყენებული მოთხოვნები), „მოგზაური“, 1905, №20, გვ. 316—317.
- იბნ ჰალკალი, იხ. სიხარულიძე ე., იბნ ჰალკალი თბილისის შესახებ, საქართველოს ისტორიის აღმოსავლური მასალები, წ. I, 1976.
- კაკაბაძე ს., ტფილისის მოსახლეობის აღწერის ნუსხა 1780—1781 წწ., ახლო დროისა, „საისტორიო მუამბე“, 1925, წ. I.
- კაკაბაძე ს., ქ. ტფილისის აღწერა 1803 წ., „საისტორიო მუამბე“, 1925, წ. II.
- კალანკატუელი მოსე, იხ. დავლიანიძე ლ., ხაზართა ლაშქრობა თბილისისა და ალბანეთში მოსე კალანკატუელის „ალბანთა ისტორიის“ მიხედვით, „ქართული წყარომცოდნეობა“, ტ. I, 1965.
- მელიქსეთ-ბეგი ლ., მასალები ტფილისისა და „სომხთის“ სიძველეთა ისტორიისათვის, „ჩვენი შეცნობები“, 1923, №1.
- ქალაქის მოურავის სარგო, საქართველოს სიძველენი, ტ. II, ე. თაყაიშვილის რედაქტორებით, ტფ., 1909.
- Ал-Фарик, иб. Из «Истории Майафарикина» Ибн-ал Азрака ал-Фарика, пер. с. арабского Мамедова А. Д. Труды Института истории АН Аз. ССР, т. XII, Баку, 1957 (თბილისის მმართველობის შესახებ).

II. ნარკვევები

I. რევოლუციამდელი პერიოდი

- თბილელი, თბილისიდან (მკითხავეების წინააღმდეგ ბრძოლა XVIII ს. ერეკლე მეფის დროს), „მწეემსი“, 1886, №21, გვ. 6, 7.
- კარბელაშვილი პ., ძველი ანჩისხატის ტაძარი ქ. ტფილისში, ტფ., 1902.
- ჯანაშვილი მ., საქართველოს დედაქალაქი ტფილისი, ქუთაისი, 1899.
- Бакардзе Д. и Бердзенов Н., Тифлис в историческом и этнографическом отношениях, Тифлис, 1870.

- Бакрадзе Д., Археологические разыскания в Тифлисском уезде, Изв. Кавк. отд. ИРГО, 1872—1873 гг., т. I.
- Венденбаум Е., Тифлис 1796 и 1829 годов (иллюстрированное приложение к газете «Тифлисский листок», 1899, №1).
- Иоселиани П., Древние памятники Тифлиса, Журнал Мин. внут. дел, 1844, ч. V, кн. I.
- Иоселиани П., Города, существовавшие и существующие в Грузии, Тифлис, 1856.
- Иоселиани П., Описание древностей города Тифлиса, 1866.
- Иоселиани П., Путевые записки от Тифлиса до Мухеты, 1871.
- История Тифлиса. Краткие ист. сведения от основания его в 433 г. до 1806 г. и описание города в 1831 г. («Тифлисские Ведомости», 1831, №24, 25, 26).
- Краткий исторический очерк Тифлиса с двумя видами по Шардену (1670 г.) и Турнефору (1701 г.) с копией плана Царевича Вахушти (1735 г.), Тифлис, 1880.

2. რევოლუციის შემდგომი პერიოდი

- აბრამიშვილი რ., დიდი თბილისის არქეოლოგიური ექსპედიციის ძირითადი შედეგები. თბილისი, არქეოლოგიური ძეგლები, თბ., 1978.
- ანთელავა ი., თბილისი ქართველი ხალხის გარეშე მტრებთან ბრძოლის ისტორიაში (1801 წლამდე), ჟურნ. „ლიტერატურული აფხაზეთი“, სოხუმი, 1958, №11.
- აფაქიძე ა., ქალაქები და საქალაქო ცხოვრება ძველ საქართველოში, I, თბ., 1963.
- აფრასიძე გ., საქართველოს შუა საუკუნეების ქალაქები (XI—XIII სს.), თბ., 1984.
- ბეჟანიშვილი გ., თბილისის ხიდები, „მეცნიერება და ტექნიკა“, თბ., 1950, №11.
- ბეჟანიშვილი გ., ძველი და ახალი თბილისი, „მეცნიერება და ტექნიკა“, თბ., 1950, №5.
- ბეჟანიშვილი გ., თბილისის აივნები, „მეცნიერება და ტექნიკა“, თბ., 1951, №5.
- ბეჟანიშვილი გ., თბილისის ტრანსპორტის ისტორიიდან, „მეცნიერება და ტექნიკა“, 1953, №4.
- ბეჟანიშვილი გ., თბილისის ქუჩების სახელწოდებანი, „მნათობი“, თბ., 1957, №2.
- ბერიაშვილი თ., რეფორმადელი ხანის საქართველოს ქალაქების სოციალური ფენები (თავი I, მოქალაქეთა ფენის წარმოქმნისათვის), თბ., 1964.
- ბერძენიშვილი ნ., ძველი თბილისის ტოპონომიიდან (აგარანი), საქართველოს ისტორიის საკითხები, წ. I, 1964.
- ბერძენიშვილი მ., ძველი თბილისის ტოპონომიიდან: „რასტაბაზარი“ და „ჩორსუ“, მსკი, ნაკვ. 33, თბ., 1960.
- ბერძენიშვილი მ., თბილისის გარეგანი სახე XVIII ს-ში, თბ., 1965.
- ბერიძე ვ., XVIII ს. თბილისი ვახუშტის გეგმის მიხედვით, „ანალები“, ტ. I, 1947.
- ბერიძე ვ., თბილისის „ლუჩჯი მონასტერი“, „ქართული ხელოვნება“, 1948, №2.
- ბერიძე ვ., თბილისის ხიდები, „დროშა“, 1951, №5.
- ბერიძე ვ., თბილისის მეტეხი, „მეცნიერება და ტექნიკა“, 1952, №2.
- ბერიძე ვ., ძველი ქართველი ხუროთმოძღვრები, თბ., 1956.
- ბერიძე ვ., ქალაქის არქიტექტურა, წიგნში თბილისი (ეკონომიურ-გეოგრაფიული და-ხასიათება), თბ., 1957, გვ. 349—368.
- ბერიძე ვ., XVI—XVIII სს. ქართული ხუროთმოძღვრება, ტ. I, თბ., 1983. — თბილისის ხუროთმოძღვრება, გვ. 48—63.
- ბერიძე თ., ძველი თბილისის მიკროტოპონომიიდან (დიდუბე), „მნათობი“, 1971, №8.
- ბერიძე თ., ძველი თბილისის შემოგარენის ისტორიიდან (აელაბარი), „ციცქარი“, 1975, №12.

- ბერიძე თ., სოღანლული (ძველი თბილისის ტოპონიმოიკიდან), „მნათობი“, 1976, №1.
- ბერიძე თ., ძველი თბილისის გარეუბნების ისტორია, თბ., 1978.
- ბერიძე თ., ... და აღმოცენდა თბილისი, თბ., 1977.
- ბერიძე თ., სეიდაბად-ხარფუხი, ჟურნ. ქართული ენა და ლიტერატურა სკოლაში, №4, 1983.
- გაბაშვილი ვ., თბილისი XVI—XVII სს. აღმოსავლურ წყაროებში. თსუ შრომები, აღმოსავლეთმცოდნეობის სერია, ტ. 99, 1962.
- გაბაშვილი ვ., თბილისის მმართველობა X—XI სს., თსუ შრომები, აღმოსავლეთმცოდნეობის სერია, ტ. 108, 1964.
- გაბაშვილი ვ., ქალაქ თბილისის სოციალური ისტორიიდან (ვაშთაღმწერლის ერთი ცნობის განმარტება), ნარკვევები მახლობელი აღმოსავლეთის ქალაქების ისტორიიდან, I, 1966.
- გაბაშვილი ვ., თბილისის „მოქალაქეთა“ პოლიტიკური და კლასობრივი მისწრაფებანი XVI—XVII სს., ნარკვევები მახლობელი აღმოსავლეთის ქალაქების ისტორიიდან, II, 1970.
- გაბაშვილი მ., თბილისი 1082—1122 წლებში, ქართული წყარომცოდნეობა, IV, 1973.
- გაბაშვილი მ., XII ს. თბილისის ისტორიისათვის, ძიებანი საქართველოს და კავკასიის ისტორიიდან, 1976.
- გაბაშვილი მ., საქართველოს ქალაქები XI—XII საუკუნეებში, თბ., 1981.
- გამსახუძე დია თ., თბილისის ციხის უძველესი სახელწოდებისათვის. „მნათობი“, 1968, №4.
- გვრიტიშვილი დ., მესხია შ., დუმბაძე მ., სურგულაძე ა., თბილისის ისტორია, თბ., 1958.
- გვრიტიშვილი დ., მესხია შ., თბილისის ისტორია, 1952.
- გრიშაშვილი ი., ძველი თბილისის ლიტერატურული ბოქეა, თბ., 1927.
- გრიშაშვილი ი., თბილისის ისტორიისათვის. ლიტერატურული ნარკვევები. 1957.
- გძელიშვილი ი., ძველი ხიდი თბილისში მდ. ვერეზე, საქ. მეცნ. აკადემიის „მოამბე“, 1950, ტ. XI, №2.
- გძელიშვილი ი., ქ. თბილისის მატერიალური კულტურის ძეგლთა „ქართული აგურის“ დათარიღების ცდა, საქ. მეცნ. აკად. „მოამბე“, 1948, ტ. IX, №9—10.
- გძელიშვილი ი., სამოქალაქო და საწარმოო ნაგებობათა საძირკვლების ამოყვანის პირობები ქ. თბილისში, საქ. მეცნ. აკად. „მოამბე“, 1946, ტ. VII, №6.
- გძელიშვილი ი., ტყეშელაშვილი ო. ადრეფეოდალური ხანის მატერიალური კულტურის ძეგლები თბილისიდან. ისტორიის ინსტიტუტის შრომები, V, ნაკვ. I, თბ., 1960.
- გუგუშვილი პ., მანუფაქტურული წარმოების ისტორიისათვის ამიერკავკასიაში. — მსკი, 1938, ნაკვ. III.
- დონდუა დ., სამი სურათი ძველი თბილისის ცხოვრებიდან. „მნათობი“, თბ., 1957, №9.
- დონდუა დ., საქართველოს დედაქალაქი ტფილისი. ტფ., 1932.
- ზარდალიშვილი გ., თბილისისა და მისი მიდამოების ტოპონიმოიკა, თბ., 1978.
- თოფური პ., ამიერკავკასიის ქალაქები, X—XIII სს. პირველი შეთხზი (გარეგანი სახე, ხელოსნური წარმოება). თბ., 1985.
- კაციტაძე დ., ირან-საქართველოს ურთიერთობის ისტორიიდან (შაჰ-ისმაილის თბილისში ლაშქრობის შესახებ), თსუ შრომები, ტ. 108, 1964.
- კპანაძე დ., X ს-ის თბილისური დრამა ალი ბენ ჭაფარისა. საქართველოს სახელმწიფო მუზეუმის მოამბე, ტ. 12—13, თბ., 1944.

- კეკელიძე კ., თბილისი ძველ ქართულ ლიტერატურაში (თბილისი 1500 წ. საიუბილეო კრებული). თბ., 1958.
- კონიძე რ., XI—XIII სს. თბილისის ისტორიიდან, ისტ. ინსტ. შრომები, V, ნაკვ. I, თბ., 1960.
- კირკველია თ., თბილისის არქიტექტურა, თბ., 1982.
- კირკველია თ., ძველი თბილისური დასახლებანი, თბ., 1985.
- კობალიანი ვ., თბილისელთა ორიენტაციის საკითხისათვის 1121—1122 წწ. (თბილისი 1500 წ. საიუბილეო კრებული). 1958.
- კუცია კ., თბილისისა და აღმოსავლეთ ამიერკავკასიის ქალაქების სავაჭრო ურთიერთობა XVII—XVIII სს., ძიებანი საქართველოსა და კავკასიის ისტორიიდან, თბ., 1976.
- კუცია კ., ამქრები XVII—XVIII სს. საქართველოს ქალაქებში, თბ., 1984.
- ლორთქიფანიძე მ., თბილისის საამიროს ისტორიიდან, „მომომხილველი“, II, თბ., 1951.
- ლორთქიფანიძე მ., ძველი თბილისის ისტორიული გეოგრაფიიდან (სოლდებილი), მსკი, 30, თბ., 1954.
- ლორთქიფანიძე მ., თბილისის ციხე, თბ., 1955.
- ლომოური ნ., უძველესი უცხოური ცნობა თბილისის შესახებ (თბილისი 1500 წ. საიუბილეო კრებული), თბ., 1958.
- ლომთათიძე გ., არქეოლოგიური გათხრა თბილისში, მასალები საქ. და კავკასიის არქეოლოგიისათვის, ტ. I, 1955.
- ლომთათიძე გ., არქეოლოგიური გათხრები საქართველოს ძველ დედაქალაქში, თბ., 1945.
- ლომთათიძე გ., გძელიშვილი ი., ახალი მასალები თბილისის არქეოლოგიისათვის, „მეცნიერება და ტექნიკა“, თბ., 1956. №8.
- ლომთათიძე გ., თბილისის არქეოლოგიური შესწავლილობა, ისტორიის ინსტიტუტის შრომები, V, ნაკვ. I, 1960.
- ლომაშვილი ჯ., რატომ ქვია თბილისის ციხეს „ნარიყალას ციხე“, „მნათობი“, 1968, №9.
- მათურელი ი., სად და როდის გამოქვეყნდა პირველად თბილისის გეგმა, „მეცნიერება და ტექნიკა“, 1960, №4.
- მელიქსეთ-ბეგი ლ., ტფილისის ვანქის დაარსების საკითხისათვის, თსუ „შოამბე“, IV, 1924.
- მელიქსეთ-ბეგი ლ., ძალისი-თბილისი-ჟაიდაკარათი (თბილისი 1500 წ. საიუბილეო კრებული), თბ., 1958.
- მენაბდე ლ., თბილისი—ცენტრი ძველი ქართული მწერლობისა (თბილისი 1500 წ. საიუბილეო კრებული), თბ., 1958.
- მესხია შ., თბილისის როლი ქართველი ხალხის ცხოვრებაში (თბილისი 1500 წ. საიუბილეო კრებული), თბ., 1958.
- მესხია შ., ქალაქის ისტორიული წარსული, წიგნი „თბილისი (ეკონომიურ-გეოგრაფიული დახასიათება)“, თბ., 1957, გვ. 65—101.
- მესხია შ., საქალაქო კომუნა შუა საუკუნეების თბილისში, თბ., 1962.
- მესხია შ., ქალაქები და საქალაქო წყობილება XVII—XVIII სს. საქართველოში, თბ., 1983.
- მესხია შ., მკირე შენიშვნა ძველი თბილისის ტომონიმიიდან (ნიმუტურების მდებარეობის საკითხი). იხ. მისი „საისტორიო ძიებანი“, ტ. III, თბ., 1986.
- მესხია შ., „მელიქის“ სახელოსათვის XVI—XVII სს. თბილისში, „მაცნე“ (ისტ. სერია). IV, 1978.

- მესხია შ., XVI—XVII სს. თბილისის ისტორიისათვის, „მაცნე“ (ისტ. სერია), II, 1979.
- მინდაძე გ., ძველი თბილისის წყლით მომარაგება (თბილისი 1500 წ. საიუბილეო კრებული), თბ., 1958.
- მიწიშვილი მ., მოკიჭული კერამიკის საწარმო შუა საუკუნეების თბილისში (X—XIII სს.), თბ., 1979.
- მუსხელიშვილი დ., თბილისის ამირთ-ამირობის ინსტიტუტისათვის, კრებულში „საქართველო რუსთაველის ხანაში“, 1966.
- მშენიერაძე დ., უძველესი წყალსადენი თბილისში, „მეცნიერება და ტექნიკა“, თბ., 1951, №10.
- მშენიერაძე დ., ძველი ქართული სამშენებლო ხელოვნების ზოგიერთი საკითხი, „ტექნიკა და შრომა“, თბ., 1950.
- ნაღბანდიანი ვ., თბილისის ძველ სომხურ მწერლობაში, თბ., 1959.
- რუხაძე ტ., თბილისი ძველ ქართულ და რუსულ ნათარგმნ ლიტერატურაში (თბილისი 1500 წ. საიუბილეო კრებული), თბ., 1958.
- საყვარელიძე რ., ქართული თეატრის ისტორიიდან (ერეკლე II-ის თეატრიდან გორგი ერისთავის თეატრამდე), თბ., 1956.
- ტყეშელაშვილი ო., თბილისში 1956 წ. აღმოჩენილ გემაზე გამოსახული პიროვნების ეინაობისათვის, „საბჭოთა ხელოვნება“, 1962, №5.
- ტყეშელაშვილი ო., არქეოლოგიური დაზვერვები თბილისსა და მის მიდამოებში, თბილისის მუზეუმის შრომები, II, თბ., 1966.
- ფირცხალაიშვილი ა., „მოქალაქეთა“ საკითხზე, თსუ შრომები, XXXV, 1949.
- ფუტურაძე ვლ., არაბი ისტორიკოსი XII ს. თბილისის შესახებ, ენიშკის შოამბე, ტ. XIII, თბ., 1942.
- ქოიავა ნ., თბილისის სამონეტო ბაზარი XVIII ს. (თბილისი 1500 წ. საიუბილეო კრებული), თბ., 1958.
- ქორიძე დ., თბილისის არქეოლოგიური ძეგლები, I, 1956.
- შანიძე ა., საქართველოს დედაქალაქის სახელწოდებისათვის (თბილისი 1500 წ. საიუბილეო კრებული), თბ., 1958.
- შარაშიძე ქ., პირველი სტამბა საქართველოში (1709—1722 წწ.), თბ., 1955 (დაწვრილებითაა საუბარი თბილისის სტამბაზე).
- ჩანტლაძე ვ., საქალაქო ფინანსები რეფორმამდელ აღმოსავლეთ საქართველოში, ეკონომიკის ინსტ. შრომები, ტ. III, 1944.
- ჩხეტია შ., ტფილისის ისტორიისათვის, მსკი. ნაკვ. I, თბ., 1938.
- ცინცაძე ვ., თბილისი (თბილისი 1500 წ. საიუბილეო კრებული), თბ., 1958.
- ცქიტიშვილი ო., ძველი თბილისის ისტორიიდან (ისანის საკითხისათვის), საქ. მეცნ. აკად. „შოამბე“, თბ., 1963, №6.
- ქილაშვილი ლ., ქალაქები ფეოდალურ საქართველოში, ტ. I, თბ., 1968; ტ. II, თბ., 1970.
- ქიქინაძე ზ., ძველი ტფილისი, აღწერანი და მცხოვრებთა რაოდენობა, ვახ., „საქართველო“, 1917, №153, 154.
- ხახუტაიშვილი დ., იბერიის ქალაქთა ისტორიის საკითხები, თბ., 1966.
- ხუციშვილი გ., ჩემი თბილისი ქალაქი, ფბ., 1980.
- ჯავახიშვილი ივ., ქალაქები და საქალაქო წეს-წყობილება და ცხოვრების ვითარება საქართველოში XVII—XVIII სს., „შრომთე“, თბ., 1918, №1.
- ჯანაშია ს., ფეოდალური რევოლუცია საქართველოში, შრომები, ტ. I, 1949 (ტფილისის ისტორია, გვ. 10—13).
- ქალაღანიანი ი., თბილისში მოკრილი პირველი უსახელო მონღოლური დრამები (XIII ს. 30—40-იანი წწ.), „მუზეუმის შოამბე“, ტ. 19—B, თბ., 1956.

- ჯალღანია ი., მონღოლური დროის უცნობი თბილისური დრამები, „მუზეუმის მოამბე“, ტ. XVIII-B. თბ., 1954.
- ჯაფარიძე ვ., XI—XIII სს. თბილისის კერამიკა (თიხის კურკელი). აკად. ს. ჯანაშიას სახ. საქართველოს მუზეუმის მოამბე, ტ. XVI—B. თბ., 1950.
- ჯაფარიძე ო., „განჯის კარის“ 1948 წ. გათხრის ანგარიში, მასალები საქართველოს და კავკასიის არქეოლოგიისათვის, ტ. I, თბ., 1955.
- Абаев В., Тбилиси и Осетия (к 1500-летию столицы Грузии), Тбилиси, 1959.
- Бадриашвили Н., Тбилиси, 1957.
- Бадриашвили Н., Тифлис, кн. I. От основания города до XIX в., Тифлис, 1934.
- Джандеридзе Н., Мачабели К., Тбилиси, Мцхета, Художественные памятники, Изд. «Искусство», 1981.
- Какабадзе С., К истории названия г. Тифлиса, «საისტორიო კრებული», წ. II, ტფ., 1928.
- Кинцурашвили С., Маршруты старого Тбилиси, Путеводитель, Тбилиси, 1966.
- Меликсет-Бекоев Л., Старый Тифлис по описаниям А. Негри (1817 г.) и М. Медичи (1824—1830 гг.), Отд. отт. из журн. (Тифлис), 1918, № 2—3, с. 104—113.
- Меликсет-Бекоев Л., О междоусобице в Тифлисе 1197 г., Изд. КИАИ, Тифлис, 1925.
- Меликсет-Бекоев Л., Тифлис, его основание и краткий исторический очерк (Путеводитель «Тифлис и его окрестности», под. ред. И. Асланишвили), Тифлис, 1925, с. 3—24.
- Месхия Ш. А., Города и городской строй феодальной Грузии, XVII—XVIII вв., Тбилиси, 1959.
- Орбели И., Фрагмент крестного камня с арабской подписью в Тифлисе, «Христианский Восток», IV, 1918.
- Полиевктов М. А. и Натядзе Г., Старый Тифлис, Тифлис, 1938.
- Чхетия Ш. К., Тбилиси в XIX столетии, Тбилиси, 1942 (Краткий очерк истории Тбилиси V—XVIII вв., с. 17—84).
- Шмерлинг Р., Долидзе В., Барнавели Т., Окрестности Тбилиси, Архитектурный путеводитель, Тбилиси, 1960.

კახუშტის 1735 წლის ბეგმის განმარტება

ეს გეგმა (იხ. აქვე, ტაბულა №50) ჩანართის სახით მოცემულია ვახუშტის 1735 წლის ატლასის ქართლის რუკაზე (ატლასი დაცულია საქართველოს სსრ მეცნიერებათა აკადემიის ხელნაწერთა ინსტიტუტში, ფონდი H №2079). ჩანართის ქვემო მხარეზე მოთავსებულია სვეტებად განლაგებული ვახუშტის ხელით შესრულებული შემდეგი განმარტებები:

- | | |
|-----------------------------|-------------------------------|
| 1. შეფის სასახლე | 36. სომხის საყდარი |
| 2. დედოფლის სასახლე | 37. ბეჟანას ქარვასლა |
| 3. კარის საყდარი | 38. მამასახლისის ბაღი |
| 4. შეფის მოედანი | 39. დედოფლის ბაღი |
| 5. ბატონიშვილის სასახლე | 40. შეფის დიდი ბაღი |
| 6. ანჩისხატი | 41. ამარათი |
| 7. ამილახურის სახლი | 42. თბილელის ბაღი |
| 8. ბატონიშვილის სახლი | 43. სალაღაჯის წყალი |
| 9. ლუარსაბისა | 44. იშუტრუქი |
| 10. მუხრან ბატონისა | 45. მთაწმინდა |
| 11. სიჯნი | 46. ტფილისის ხიდი ციხიდან |
| 12. თბილელის ქარვასლა | 47. ტფილისის ბაღი სეიდაბადისა |
| 13. მელიქის ქარვასლა | 48. ხალანგარი |
| 14. შეფის ფუნდუკი | 49. მთაბორი |
| 15. ციხის მოედანი | 50. თათართა საფლავი |
| 16. ნიკოლოზის საყდარი | 51. ციხის ბაღი |
| 17. ციხის საყდარი | 52. ოქუნთ ხიდი |
| 18. მაღალი ციხე | 53. წავციის წყალი |
| 19. სტამბოლის გოდოლი | 54. კრწანისის ბაღი |
| 20. შაჰის ტახტი | 55. მეტეხი ციხით |
| 21. კოფრის კარი | 56. ავლაბარი. ისანი |
| 22. დიომის კარი | 57. სომხის საყდარი |
| 23. მეიდნის კარი ხილით | 58. ბერძნის საყდარი |
| 24. ქვემო კარი ხილით | 59. მელიქის საყდარი |
| 25. ვანქი | 60. ბებუთას ბაღი |
| 26. სასაფლაო სომეხთა | 61. სომხის საყდარი |
| 27. მეიდნის სასახლე | 62. ჩუღურეთი |
| 28. მეიდანი ანუ ასპარეზი | 63. კვირაცხოველი |
| 29. ყაიბულას ბაღი | 64. ახალსოფელი |
| 30. საბაზიერო მეფისა | 65. ახალი ბაღი მეიდნისა |
| 31. სასაფლაო თათრისა | ა. კალა ანუ ტბილისი |
| 32. ციციშვილის სახლი | ბ. მამასახლისის საყდარი |
| 33. ქაშვეთი | გ. სომხის საყდარი |
| 34. კალოუბანი | დ. ლათინთ საყდარი |
| 35. არაგვის ერისთავის სახლი | ე. ბეჟანას ბაღი |

ვ. მოღნისი
ზ. კლდის უბნის საყდარი
ც. ციხე დაბალი
თ. მაღალი ციხე
ი. სეიდაბადი ანუ ტბილისი
ია. ხიდი აელაბრისა
იბ. გარეთუბანი
იგ. აელაბრის კარი
იდ. მდინარე მტკვარი
.... გზა
III ლელე
იე. თხრილი
გორა
ივ. ფრანგის საფლავი

დედანზე მოთავსებული წარწერები
ჩვენს გამოცემაში შეცვლილია ციფრებით,
რაც ქვემოთ მოგვეყავს:

66. კუმისის გზა
67. კოქრის გზა
68. კოქრის გზა
69. ბაღების გზა ყარაისა
70. კახეთის გზა
71. შუატბის გზა
72. ლილოს გზა
73. მახათა
74. ავკალის გზა
75. ზედა გზა

1785 წლის

თბილისის გეგმის განმარტება

გეგმის ავტორია რუსი ოფიცერი ალექსანდრე სტეფანეს ძე პიშჩევიჩი. გეგმა (იხ. აქვე, ტაბულა №59) და მისი განმარტებები შესრულებულია ფრანგულ ენაზე. გეგმა ავტორის შვილიშვილის შვილმა პ. ი. ბელოვენცმა გადასცა ისტორიისა და სიძველეთა ოდესის საზოგადოებას, რომელმაც იგი კიდევაც გამოაქვეყნა 1902 წელს «Записки Императорского Одесского общества Истории и Древностей»-ს XXIV ტომში¹.

მოგვეყვას გეგმის სათაურისა და განმარტების ქართული თარგმანი:

გეგმა დახაზულია ალექსანდრე პიშჩევიჩის მიერ 1785 წელს წმინდა გიორგის ციხეში, კავკასიის შთების ხაზზე.

„გეომეტრიული გეგმა თბილისისა, საქართველოს დედაქალაქისა, რომელიც მდინარე მტკვრის ნაპირას მდებარეობს და წარმოადგენს საქართველოს მფლობელის — მეფე ირაკლის რეზიდენციას.

თბილისი იყოფა სამ ნაწილად, რომელთაგან ჩრდილოეთით მდებარეს ეწოდება კალა... მეორე ნაწილი სამხრეთით მდებარეობს, ეწოდება საკუთრივ თბილისი... მესამე ნაწილი აღმოსავლეთითაა, ქალაქისაგან გამოიყოფა მდინარე მტკვრით და აელაბარი ეწოდება.

პირველი ნაწილი,
რომელიც ჩრდილოეთითაა და
კალა ეწოდება

1. წყალთან მდებარე კარი სახელწოდებით წყლისკარი
2. საქართველოს პატრიარქის სახლი
3. საპატრიარქო ტაძარი
4. ქართული ეკლესია ანჩისხატი
5. ქართული ეკლესია წმიდა გიორგისა
6. სამლოცველო მეფე ერეკლესი
7. სამეფო კარი და მეფის რეზიდენცია
8. სამეფო ოჯახის აპარტამენტები
9. გიორგი ბატონიშვილის აპარტამენტები
10. ლეთისშობლის ტაძარი
11. მეფე ერეკლეს აპარტამენტები
12. სტამბა
13. ქართული ეკლესია ნათლისმცემელი
14. ცხელი აბანო, რომელიც მუშაობს ცხელი წყლით
15. მეჩახმახეთა და ზეინკალთა დუქნები
16. მეჩეთი

¹ ამ გეგმის მსგავსი გეგმა 1782 წლის თარიღით დაცულია მოსკოვში. ЦВИА, ფ. ВУА, № 22656.

17. მღებავთა ქუჩა
18. ოქრომკედელთა ქუჩა
19. სომეხთა ეკლესია სურფნიშანი
20. თოფხანა
21. სომეხთა ეკლესია ჭიგრაშენი
22. კარი, სახელით „მალა“, რაც ნიშნავს ზემოთ მდებარეს
23. დიღმის კარი, სოფლის სახელის მიხედვით, რომელიც გადის რუსეთისაკენ მიმავალ დიდ გზაზე

მეორე ნაწილი,
სამხრეთით მდებარე,
საკუთრივ თბილისი

24. კათოლიკური ეკლესია
25. სომეხების ახალი ეკლესია
26. მაუღით მოვაკრეთა ღუქნები
27. რკინეულობის და აბრეშუმის ღუქნები
28. მეფეხსამელეთა ღუქნები
29. ქართული ეკლესია ნათლისმცემელი
30. სიონი
31. მეფის ქარვასლა
32. სომეხთა ეკლესია ნორაშენი
33. ქართული ეკლესია ჭვარისმამა
34. მეჩეთი
35. მექვაბუების ღუქნები
36. ქარვასლა, სადაც ჩერდებიან ვაქრები
37. სომეხთა ეკლესია საპაკაშენი
38. მეჩეთი
39. სომეხთა ეკლესია მოღნინი
40. თოფხანა
41. სომეხების ეკლესია კოზმანი
42. სომეხების მონასტერი
43. სომეხების ეკლესია ფეთხაინი
44. ებრაელთა სინაგოგა
45. სომეხების ეკლესია კლდისსაყდარი
46. თათრის ბაზარი ბოსტნეულისა და სხვადასხვა სანოვაგის
47. ზარაფხანა
48. მეჩეთი
49. კურკლის ქარხანა
50. სომეხების ეკლესია ციხის საყდარი
51. საბაჟო
52. სომეხების ეკლესია
53. საბაჟო
54. ცხელი აბანო
55. მეჩეთი თურქთა
56. ციხისკარი სამოცი საეწინის სიმაღლეზე, სადაც წინათ იყო სპარსეთის ხანის რეზიდენცია
57. წყლის რეზერვუარი, სადაც წყალი გროვდება პატარა არხით, რომელიც იმავე სიმაღლეზეა და მოემართება მთიდან

- 58. ქართული ეკლესია
- 59. ცივი აბანო
- 60. საპატიმრო
- 61. ჯანჯისკარი სპარსეთის გზისაყენ
- 62. ცხელი აბანო
- 63. დაბახანა
- 64. წისკვილი

მესამე ნაწილი —
 აელაზარე

- 65. ხის ხიდი მტკვარზე. რომელსაც ძველად კიროსს უწოდებდნენ.
- 66. სომხის ეკლესია შეტხი
- 67. სანოეაგის ბაზარი
- 68. სახლი გიორგი ბატონიშვილისა
- 69. ეკლესია
- 70. წისკვილი
- 71. აელაზარის კარი. დაღესტნის დიდ გზაზე გამაველი

მონასტრის გარეუბანი

- 72. სომეხი ბერების მონასტერი
- 73. წისკვილი
- 74. ვანქის სასაფლაო
- 75. საასპარეზო
- 76. ქართული ეკლესია ქაშუეთი
- 77. ქართული ეკლესია კალუბანი
- 78. სომეხების ეკლესია ქამოანთი
- 79. ვერცხლისა და სხვა მინერალების სადნობი ქარხანა
- 80. პატარა წისკვილები მთის კალთაზე
- 81. საქართველოს მეფის ძველი რეზიდენციის ნანგრევები
- 82. თათრების სასაფლაო
- 83. ველი, სადაც ხალხი მიდის ქვის სამტრეველ
- 84. ცივი წყარო, მინერალური
- 85. ქართველთა მონასტერი
- 86. სომეხების მონასტერი“

შემოკლებათა ახსნა

АКАК — Акты, собранные Кавказской Археографической Комиссией, Издание Архива Главн. упр. наместника Кавк., ред. А. П. Берже, Тбилиси, 1866—1904 гг., т. I—XII.

ა ნ - ნ ა ს ა ვ ი — Шахн ад-Дин Мухаммед ан-Насави, Жизнеописание султана Джелал ад-Дина Манкуберди. Перевод с арабского З. М. Бунятова, Баку, 1973.

გეორგია — გეორგია. ბიზანტიელი მწერლების ცნობები საქართველოს შესახებ. ბერძნული ტექსტი ქართული თარგმანითურთ გამოსცა და განმარტებები დაურთო ს. ყაუხჩიშვილმა. თბ., ტ. I—VII.

ენიქის მოამბე — ნ. მარის სახ. ენის, ისტორიისა და მატერიალური კულტურის ინსტიტუტის მოამბე.

ვახუშტი, „აღწერა“ — ვახუშტი ბატონიშვილი, აღწერა სამეფოსა საქართველოსა. თ. ლომოურის და ნ. ბერძენიშვილის რედ., თბ., 1941.

ვ ა ხ უ შ ტ ი. ქართლის ცხოვრება, IV — ქართლის ცხოვრება, ტ. IV. ბატონიშვილი ვახუშტი, აღწერა სამეფოსა საქართველოსა. ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ, თბ., 1973.

ВДИ — журнал «Вестник Древней истории». М., 1938—1985.

თსუ შრომები — თბილისის სახელმწიფო უნივერსიტეტის შრომები, თბ., 1920—1985.

იბრაჰიმ ფეჩევი — იბრაჰიმ ფეჩევის ცნობები საქართველოსა და კავკასიის შესახებ. ტექსტი ქართული თარგმანითურთ გამოსცა სერგი ჩიქიაშვილი, თბ., 1964.

ი ბ ნ ა ლ - ა ს ი რ ი — არაბულ და სპარსულ მწერალთა გეოგრაფიული და ისტორიული ცნობები საქართველოს შესახებ. ცნობები იბნ ალ-ასირისა („მოამბე“, 1898, №2).

ი ს კ ა ნ დ ე რ მ ე ნ შ ი — ისკანდერ მენშის ცნობები საქართველოს შესახებ, ვ. ფუთურიძის გამოცემა, თბ., 1969.

მსკი — მასალები საქართველოსა და კავკასიის ისტორიისათვის.

М е с х и а . Ш. А. Города — Ш. А. Месхиа, Города и городской строй феодальной Грузии XVII—XVIII вв., Тбилиси, 1959.

შ. მ ე ს ხ ი ა და სხვ. — შ. მესხია, დ. გვრიტიშვილი, შ. დუმბაძე, ა. სურგულაძე, თბილისის ისტორია, თბ., 1958.

„სამყაროს საყვირელებათა ცნობები“ — სამყაროს საყვირელებათა ცნობები საქართველოსა და კავკასიის შესახებ. სპარსული ტექსტი ქართული თარგმანით, შესავლითა და შენიშვნებით გამოსცა რ. კიკნაძემ, თბ., 1978.

საქ. ისტ. ნარკვევები — საქართველოს ისტორიის ნარკვევები. ტ. I — VIII, გ. მელიქიშვილის რედ., თბ., 1970—1980.

სცსია — საქართველოს სსრ ცენტრალური სახელმწიფო ისტორიული არქივი.

ქართ. სამართლის ძეგლები — ქართული სამართლის ძეგლები. ტექსტები გამოსცა ი. დოლიძემ, ტ. I—VIII, თბ., 1963—1985.

ქსე — ქართული საბჭოთა ენციკლოპედია.

ქართლის ცხოვრება — ქართლის ცხოვრება, ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ. ტ. I, თბ., 1955; ტ. II, თბ., 1959.

ქრონიკები — თ. ყორღანია, ქრონიკები და სხვა მასალა საქართველოს ისტორიისა და მწერლობისა, შეკრებილი; ქრონოლოგიურად დაწყობილი და ახსნილი თ. ყორღანიას მიერ. თბ., ტ. 1, 1892; ტ. 2, 1897; ტ. 3, 1967.

- Ц а г а რ ე ლ ი ა. Грамоты — Грамоты и другие исторические документы XVIII столетия, относящиеся к Грузии. Под ред. Л. А. Цагарели, т. I—II (вып. I—II), 1891—1902.
- ძვ. ქართ. აგიოგრ. ლიტ. ძეგლები — ძველი ქართული აგიოგრაფიული ლიტერატურის ძეგლები, წ. I—VI.
- ჭ უ ე ე ნ ი — ჭუეეინის ცნობები საქართველოს შესახებ, თარგმნა და გამოსცა რ. კიენაძემ, თბ., 1974.
- კ ი შ ა ტ ა კ ა რ ა ნ ე ბ ი — სომხურ ხელნაწერთა ანდერძების ცნობები საქართველოს შესახებ (XIV—XV სს.), თარგმნა და გამოსცა ა. აბდლაძემ, თბ., 1978.

საძიებელი

პირთა სახელები

- აბაშიძე გედევან 322
აბაშიძე ვახუშტი 429
აბაშიძე ქაიხოსრო 332
აბალა ყაენი 180
აბდალაძე ალ. 193
აბდალ-ლატიფ ფაშა 228
აბდულა ბეგი 316
აბიშელიძე 365, 366
აბოვი 391, 392
აბოვიანი ხ. 26, 397
აბო თფილელი 71, 72, 86, 87, 90, 394
აბუბაქარი 106
აბულ აბასი 66
აბულ ასანი 151
აბულ კასიმი 67—68, 130
აბულაძე ი. 130
აბულაძე ც. 308
აბუსაიდი 183
აბულ-ქასან ბეიჰაკი 136—137
აბულ ქეიჩა 95
ადარნასე 57, 79
ადილ შაჰი 375
ავაგ მხარგრძელი 176
ავალიშვილი გ. 421, 439
ავალიშვილი ზ. 390
ავგუსტ კეისარი 38, 39, 135
ავთანდილ არაგვის ერისთავი 325
აზატ ხან ავლანი 379
ალ-ამინი 64
ალბერტ დიდი 413
ალექსანდრე I (1412—1442) 18, 190—191
ალექსანდრე (ექიმი) 452
ალექსანდრე ბატონიშვილი 363, 391, 398
ალექსანდრე (დავით იმამ-ყული ხანის ძე) 312
ალექსანდრე შაყედონელი 135
ალექსი (ხელოსანი) 442
ალვენდი 196
ალი იბნ-ჩაფარი 67—68
ალი-ყული ხანი 222, 312, 314
ალი შუბის ძე 65
ალიხანი მაჰმუდის ძე 354
ალი ჩაფარის ძე 68
ალ-კადარი 68
ალ-მამუნი 63, 65
ალმასხან ბატონიშვილი 363
ალ-ფარიფი 98, 113, 116, 126, 136
ალფ-არსლანი 97, 180
ალ-ჩაუზი იხ. სიბტ იბნ ალ-ჩაუზი
ალ-ჰამევი 137
ალ ჰუსეინი 163, 172
ამატუნი 341
ამბროზიო კონტარინი 193, 200
ამბროსი წილქენელი 419
ამილახვარი ალექსანდრე 24, 245, 331, 381, 383, 417, 437
ამილახვარი ამირინდო 377
ამილახვარი გარსევან 395
ამილახვარი დიმიტრი 331, 381
ამილახვარი ოთარი 392
ამილახორი ბეჟან 235
ამილახორი გივი 288, 303, 310, 312, 314, 331, 379, 427
ამილახორი ნიკოლოზ 288
ამილახორისშვილი დემეტრე 309
ამილახორიშვილი ათანასე 344
ამირ ასლან ხანი 376
ამირასშვილი დავითი 311
ამონიოს ჰერმიასი 139
ანა 186
ანასტასი სინელი 139
ანთიმოზ ივერიელი 404
ან-ნასაევი 170, 175
ანტონ I 406, 408—409, 412—414, 426
ანტონ II 393

* საძიებელი შეადგინეს გ. აფრასიძემ, შ. ბაღრიძემ და ელ. ქაჭაიაძემ.

- ანუკა 429, 449
 არაქელ დავრიყეცი 258
 არდაშირ იბნ ჰასანი 111
 არეოპაგელი 139, 145
 ართილაყვა ვ. 43
 არისტობულე 129
 არისტოტელე 133, 139—140, 143, 406, 410, 413, 422
 არისტოფანე 406
 არსენ იყალთოელი 139, 143
 არლუნ ნოინი 179—181
 არლუნ ყაენი 181, 202
 არშიევი 365
 არჩილ მეფე (პოეტი) 273, 275, 277—279, 431—435
 არჩილ დავითის ძე 390
 არჩილ იესეს ძე (აბდულა ბეგი) 375—379
 ასან მირზა 378
 ასან-ჩალალი 202
 ასატურაშვილი არაქელა 395
 ასლან (უსტაბაში) 353
 ასლამაზ ხანი 312
 ასლანოვი სტეფან 358
 ატ-ტაი 67—68
 აფრასიძე გ. 8, 10
 ალა 358
 ალა ზოპრაბ ლარიჭანი 230
 ალაღუა 393
 ალა-მაჰმად ხანი 284, 318, 327, 333, 349, 352, 389, 391—397, 399, 411, 427, 447, 452
 აღასი 378
 აღბულა 109
 აღსართანი (ყახეთის მეფე) 96—97
 აღსართან II (შირვანშაჰი) 135, 154
 ამოტ ბაგრატიონი 64
 ამხარბეგი (თბილისის მელიქი ბებუთა-შვილი) 309—310
 ახვერდოვა ა. ნ. 6
 ახუნდოვი მ. 26
 აჰმედ III 306
 ბაგრატ III (იმერეთის მეფე) 92, 215, 216
 ბაგრატ IV 72—73, 93—98, 101, 109, 123, 124, 145, 150, 162, 163
 ბაგრატ V 18, 20, 186—187
 ბაგრატ VI (1466—1478) 193—194
 ბაგრატ დაუდ ხანის ძე 230
 ბაგრატ მუხრანბატონი 213, 279
 ბაგრატიონი ანტონ 24
 ბაგრატიონი ბაქარ ვახტანგის ძე 295—296, 298, 301—306
 ბაგრატიონი დავით 24
 ბაგრატიონი დავით გიორგის ძე 337, 363, 392—393, 398, 400—401, 408, 410—412, 414—416, 418, 426
 ბაგრატიონი დომენტი (კათალიკოსი) 403
 ბაგრატიონი ვახტანგ (ალმასხან) ერეკლეს ძე 392, 398
 ბაგრატიონი ვახუშტი 5, 24, 41, 91, 236, 240, 245, 247, 284, 300—301, 303—304, 309, 317—320, 322—324, 326, 328, 330—331, 334, 343, 405—406, 424, 429, 435
 ბაგრატიონი იოანე 24, 339, 351, 392, 398, 410, 414—416, 419, 420, 422, 424, 428
 ბაგრატიონი იული 363, 400
 ბაგრატიონი ქაიხოსრო 293
 ბადრიაშვილი ნ. 7
 ბადრიძე შ. 10
 ბათო ყაენი 178
 ბაქიხანოვი 26
 ბარათაშვილი ბარძიმა 426
 ბარათაშვილი იესე 313, 315, 332, 373—374, 412, 415, 427, 450, 452
 ბარათაშვილი მამუკა 435
 ბარათაშვილი ნ. 396
 ბარათაშვილი ნიკოლოზ 26
 ბარათაშვილი საჩინო 221
 ბარათაშვილი ქაიხოსრო 250
 ბარათაშვილი ჰასანბეგ 235
 ბარამიძე ალ. 130
 ბასილ დიდი 129
 ბასილი (აბულ ასანის ძმა) 148
 ბასილი (თამარის ისტორიკოსი) 146
 ბუშისტერი ფ. 414
 ბაქრაძე დ. 5—6
 ბებუთაშვილი 309, 365
 ბებუთოვი 371
 ბერაძე გ. 112
 ბერუაშვილი ფარსადან 354
 ბერქა ყაენი 180
 ბერძენიშვილი ნ. 7—8, 237, 315, 386
 ბერძნიშვილი ნ. („ბერზენოვი“) 5—6

ბერძნული მ. 8—10, 317
ბეკა 109
ბეკა ოპიზარია 148
ბიჩო ნონი 202
ბიძინაშვილი ბეჟან 311
ბორა 202
ბოცო 167
ბურნაშვილი ს. 352, 358, 387—388, 408
ბუტკოვი ჰ. 396
ბულა 184
ბულა თურქი 14, 65, 66, 72, 73

ბაბაშვილი ბესარიონ (ბესიცი) 24, 419—
420, 422—425, 427

გაბაშვილი გლახა 350
გაბაშვილი დავით 334
გაბაშვილი ე. 8, 100, 254
გაბაშვილი ზაქარია 413
გაბაშვილი იოსებ 426
გაბაშვილი მ. 8, 98
გაბაშვილი ტიმოთე 413, 415
გაბულაძე 66, 67
გაბიძაშვილი ე. 151
გაბრიელ შაიორი 393, 438
გაგიცი 95
გაიოზ რექტორი 414
გარაყანიძე ზაზა 310
გასპარა 325
გეგელიძე დავით 430
გეგელიძე ქრისტესი 430
გელაშვილი გ. 9
გერმანოზაშვილი ფარეშათ 219
გეტინგი 416
გვრიტიშვილი დ. 7, 173, 177
გიორგაძე ბ. 9, 239
გიორგი II 101
გიორგი III 105, 119—122, 146, 148,
153
გიორგი V (ბრწყინვალე) 18, 183—184,
199—200, 204
გიორგი VII 187—190
გიორგი XI 239, 264, 274, 279—280, 289—
290, 292—293
გიორგი XII 25, 337, 339, 353, 360—361,
363, 398, 400—401, 410—
411, 418, 424, 430, 447
გიორგი ბატონიშვილი (სიმონ I-ის ცოლის-
ძმა) 218—219

გიორგი (დავით ულუს შვილი) 211
გიორგიევი რევაზ 359
გიორგი (ვახტანგ V-ის შვილი) 273
გიორგი (თბილისის ბეგლარბეგი) 223
გიორგი (კახეთის მეფე) 213
გიორგი მეფე (1525—1527) 215
გიორგი (საზანდარბაშ) 434
გიორგი (ქართლის მეფე, სიმონ I-ის შვილი)
228
გიულდენშტედტი 338, 351, 362, 383, 416,
452
გოგოლაძე დ. 346
გილაძე ე. 53, 57
გორგაძე ს. 141
გორგიჯანიძე ფ. 185, 236, 260, 277
გრიბოედოვი 26
გრიგოლ აქანელი 177
გრიგოლ ბაკურიანის ძე 142
გრიგოლ დიდი (რომის პაპი) 85
გრიგოლ ხლათელი 188
გრიშაშვილი ი. 6, 418, 421, 424
გურამ (აშოტ კურაპალატის ძე) 67, 70
გურამ ერისთავი 55, 78—79, 83
გუდოვიჩი 391, 399
გულბათი (ციხისთავი) 216
გურამიშვილი გიორგი 393—394
გურამიშვილი დავით 24, 419, 423, 435—
436
გურანდუხტი (დავითის მეუღლე) 101
გურგენბეგოვი სტეფანე 374
გურგენ მირზა 234
გუჩუა ე. 174
გუელიშვილი ი. 80

ჴადიანი ლევანი 236, 277, 287
დავით IV (ალმაშენებელი) 15—16, 18,
98—104, 107, 113, 116—
119, 128—130, 135—137,
142—143, 148, 151, 160
დავით VI (ნარინი) 177, 179—180, 205
დავით VII (ულუ) 177—199, 202—203,
205, 211—212
დავით VIII 181—182
დავით X 213—215, 256
დავით XI 276
დავით ამირასპევილი 311
დავით არჩილის ძე (შემდეგში სოლომონ II)
397

დავით ბატონიშვილი (გიორგი XII-ის შვილი) იხ. ბაგრატიონი
დავით
დავით გარეჯელი 83
დავით რექტორი (ალექსი-მესხიშვილი) 415, 419, 426, 428—429, 438
დავით სოსლანი 122, 128, 132, 134, 154, 163
დავითი (აბდულა ბეგის ძე) 381
დავითი (ბაგრატ V-ის შვილი) 186
დავითი (თეიმურაზ I-ის შვილი) 237
დავითი (იმამ-ყული ხანი) 300, 312, 378
დავლიანიძე ლ. 9
დათუა (ხელოსანი) 442
დარეჯან დედოფალი 323, 330, 363, 392, 400, 429—430, 446
დარჩია 334
დაუდ ხანი 220—222, 254, 270
დაუდ ხანი უნდილაძე (ალავერდი ხანის შვილი) 233—235
დაჩი 53, 70, 83, 89
დემეტრე I 105, 107, 129, 136—138
დემეტრე II 181, 199, 204—205
დემოკრიტე 139
დიასამიძე ედომონ 291, 381
დიმიტრი (ალექსანდრე I-ის შვილი) 191
დიმიტრი (თბილელი ვაჟარი) 359
დიოგენი 422
დიონიზო კარლი 239, 247, 265
დოდაშვილი ს. 142
დომენტი თბილელი (ორბელიშვილი) 310
დომენტი (კათალიკოსი) 285, 291—292, 311, 332
დონდუა ვ. 177
დონდუა ნ. 6
დუმბროვინი ნ. 396
დუმბაძე მ. 7, 396
მეგაზაროვი ს. 6
ეგნატაშვილი ბერი 218, 405
ევლია ჩელები 260, 266
ევსტათე მცხეთელი 47, 87
ვატერინე II 386, 387, 399
ელიას-ბეგი 214
ელისაბედ ბატონიშვილი 449
ელისაბედი (რუსეთის იმპ.) 344

ენეა გაზელი 139
ეპიკურე 406
ერაზმ როტერდამელი 421
ერეკლე I 239—240, 264, 289, 292—293, 329
ერეკლე II 22—25, 236, 245, 314, 316, 318, 321, 330, 339—341, 345—346, 350, 359—360, 362, 375—394, 397—400, 406—408, 411, 416—417, 420—421, 424, 426—427, 429—430, 437—438

ერისთავი გიორგი 304
ესაია ჰასან ჯალალანცი 297—298
ფრეგმე მცირე 139—141

მაგიფი 23
ვამეე II დადიანი 194
ვარსკენ პიტიაშვილი 147
ვახტანგ III 182
ვახტანგ V (შაჰნავაზი) 238—239, 259, 261, 263—264, 273—274, 277, 285, 331, 338, 342, 414, 433, 440—444
ვახტანგ VI 21, 23, 269, 273, 279—282, 285, 288—306, 307, 311, 316, 330, 361—362, 380, 403—406, 411, 419, 429, 434—435, 438, 449
ვახტანგ გორგასალი II—12, 14, 40—41, 43, 49, 51—55, 69—70, 74, 81, 83, 147

ვესპასიანე 129
ვიდადი 23
ვიქტორი 258
ვოლტერი 23, 418, 421
ვოლფი ქრისტიან 412—414

ზაალ 310, 373
ზაალ ერისთავი 235—236
ზაგურსკი ლ. 6
ზანდუკელი (სადუნოვი) ნიკოლოზ 436
ზანდუკელი (სადუნოვი) სილა 436
ზანქან ზორაბაბელი 109
ზაქარია ალ-კაზვინი 111—112
ზედგენიძე შიომ 245
ზირაქი (არაბი სარდალი) 66

ზორკინაანთ სააკა 322
 ზონენუელსი ი. 417
 ზუბოვი 399
 ზუმბულიძე დანიელ 301
 ზურაბ არაგვის ერისთავი 234
 ზურაბოვი ალა 359

 შაკეკაძე 437
 თათულა (ეკიმი) 452
 თამაზ ხანი იხ. ნადირ შაჰი
 თამარი (დავით IV-ის შვილი) 101
 თამარი (ვახტანგ V-ის ასული) 288, 331
 თამარ მეფე 15—16, 18, 105—106, 122, 128—129, 133—135, 146—148, 151—154, 163, 211
 თანიაშვილი ბეგთაბეგ 280, 287
 თანიაშვილი სულხან 280
 თარხნიშვილი ავთანდილ 250
 თაქთაქიშვილი არდამელ 381
 თაყაშვილი მიქიტუმ 323
 თაყუაშვილი ისაია 349, 374
 თევდორე (მხატვარი) 143
 თეიმურაზ I 20, 228—230, 232—236, 276—278, 426, 432, 435
 თეიმურაზ II 312, 314—316, 319, 329—330, 343—345, 360, 375—376, 378—379, 406, 411, 427, 429, 436, 443—444, 448—450
 თეიმურაზ ბატონიშვილი 425, 428, 439
 თეკლა ბატონიშვილი 426, 429
 თემურლენგი 18, 20, 184—190, 200, 204
 თეოფანე 53
 თექეში (ხორეზმ შაჰი) 111
 თისილ არაბი 104
 თომა არწრუნი 48, 74
 თომაზო მინალოი 255
 თომა მეწოფელი 186, 188
 თორღვა პანკელი 178
 თოფურია პ. 8
 თოხთამიშ უაენი 185—187
 თუმანიშვილი 322, 361, 365
 თუმანიშვილი გივი 403
 თუმანიშვილი დიმიტრი 450—451
 თუმანიშვილი მანუჩარ 451
 თუმანოვი 371
 თურმანიძე ხოსრო 276

ნაზიკოვი 348, 351
 იაყუბი 194—196
 იბნ ალ-ასირი 165—168, 171—173
 იბნ ალ-ჟაუზი 116, 126, 137
 იბნ ისფანდიარი 111
 იბნ რუზბეჰანი 195—196
 იბნ ჰაუკალი 73, 126
 იბრეიმ შაჰი 375
 იესე ალი-ყული ხანი 295
 იესე-მუსტაფა 307, 316
 ივანგულიოვი 365
 ივანე აბაზას ძე 93
 ივანე ათაბაგი 166
 ივანე მრისხანე 221
 ივანე ციხისკვარელი 176
 იმამ-ყული ხანი 312, 447
 იონანე XXII 184, 200
 იონანე (ბერი) 450
 იონანე დამასკელი 139, 140, 410, 413
 იონანე იტალოსი 142
 იონანე მუხრანბატონი 392
 იონანე ნათლისმცემელი 280
 იონანე პეტრიწი 139—140, 142—143, 413
 იონანე საბანის ძე 14, 71—72, 86—87
 იონანე სკოტ ერიუგენა 413
 იონანე ტარიქის ძე 139
 იონანე შაეთელი 132, 134—135
 იოსაფატ (ქოსაფატ) ბარბარო 193—194
 იოსებ ემინი 380
 იოსებ თბილელი იხ. სააკაძე იოსებ
 იოსებ ფლაიუესი 129
 იოსელიანი პლატონ S, 147, 330, 424, 430
 ისააკი 274
 ისაიაშვილი აკოფა 354
 ისაყ მციკრე 375
 ისარლოვი 409
 ისა ხან ყორჩიბაში 231—233
 ისაყ ფაშა 307, 309—310
 ისთაჰრი 73
 ისმაილ იბნ შუაბი 64—65
 ისქანდერ მუნში 228—232, 234, 235
 იულონ ბატონიშვილი 363
 იური ანდრია ბოგოლიუბსკის ძე 109, 153
 იუსუფ ფაშა 224
 იმტევანოვიჩი მიხაილ 404

ბავადი 75

ბაკაბაძე ს. 8, 50, 362

ბალატოზიშვილი აქელ 331

ბანილაშვილი დ. 359

ბაბანაძე დ. 182

ბარაბეტი 358

ბარბელაშვილი პ. 303, 428

ბარტერაიტი 256

ბატაძე (დავით IV-ის შვილი) 101

ბატრონიძე 104

ბაყაძე ა. 9

ბაყრაძე დ. 189

ბაგდადიანი კ. 7, 130, 135, 433

ბაგდადიანი რ. 9, 174, 195

ბაგდადიანი განძაკელი 168—169

ბაგდადიანი I 84—86

ბაგდადიანი II 172

ბაგდადიანი III 333

ბაგდადიანი VIII 226

ბაგდადიანი 359, 401, 412

ბაგდადიანი 359, 401

ბაგდადიანი I 190

ბაგდადიანი II 195—196, 213

ბაგდადიანი (კახეთის მეფე, იგივე მაჰმად-
ყულიხანი) 21—22, 310,
394

ბაგდადიანი იმპერატორი 129

ბაგდადიანი მონომახი 95, 299—306

ბაგდადიანი ვ. 431

ბაგდადიანი 438

ბაგდადიანი გ. 415

ბაგდადიანი კ. 8

ბაგდადიანი 401

ბაგდადიანი მუსტაფა ფაშა იბ. მუსტაფა ლალა
ფაშა

ბაგდადიანი პეტრე 426

ბაგდადიანი გიორგი 132, 154, 161, 166, 204,
210, 212

ბაგდადიანი ბატონიშვილი 426

ბაგდადიანი ვახტანგის ძე ბაგდადიანი 273,
280, 289

ბაგდადიანი გ. 419

ბაგდადიანი მ. 26

ბაგდადიანი 422

ბაგდადიანი სოლომონ 24, 333, 426

ბაგდადიანი (კლდეკარის ერისთავი) 93—96

ბაგდადიანი ბერთაყვა 288

ბაგდადიანი გ. 51, 80

ბაგდადიანი ბ. 177

ბაგდადიანი მ. 414

ბაგდადიანი თ. 182

ბაგდადიანი დ. 67

ბაგდადიანი ა. 140

ბაგდადიანი I 19, 214—219, 274, 431

ბაგდადიანი II 228—230

ბაგდადიანი (სპასპეტი) 309

ბაგდადიანი 83

ბაგდადიანი ზაქარია 413

ბაგდადიანი შაჰი 137

ბაგდადიანი 442

ბაგდადიანი (პოეტი ქალი) 437

ბაგდადიანი კ. 104

ბაგდადიანი (ხალიფა) 63, 95

ბაგდადიანი ჭაფარის ძე 68

ბაგდადიანი ათაბაგი 224

ბაგდადიანი 361

ბაგდადიანი გრ. 9

ბაგდადიანი ნ. 130, 133

ბაგდადიანი დედოფალი (როსტომ მეფის
მეუღლე) 274, 277, 442

ბაგდადიანი (ერეკლეს ასული) 363, 420, 426

ბაგდადიანი პოლო 199

ბაგდადიანი იუსტიანი 413

ბაგდადიანი ნიკოლოზ 412

ბაგდადიანი სიმონ 344

ბაგდადიანი დავით (მსახიობი) 393, 437—
438

ბაგდადიანი (ხალიფა) 63

ბაგდადიანი აქიმოშვილი 452

ბაგდადიანიშვილი მ. 9

ბაგდადიანი დ. 10

ბაგდადიანიშვილი მანუჩარ 244

ბაგდადიანიშვილი 334, 365

ბაგდადიანიშვილი გ. 8, 9, 79

ბაგდადიანიშვილი 365

ბაგდადიანიშვილი ლ. 8, 9, 396

ბაგდადიანი 167, 168

ბაგდადიანი ლ. 276

ბაგდადიანი ჭიჭუაძე 178, 199, 203, 205

ბაგდადიანი შ. 7, 116, 119, 314, 352

ბაგდადიანი პეტრე (მღვდელი) 287

ბაგდადიანი ალექსი 428

ბაგდადიანი ეფრემ 426

ბაგდადიანი სოლომონ 428, 429

მეკლემი 391, 392, 397
 მეკმედ ფაშა 222
 მირან შაჰი 187
 მირზა იუსუფ ყარაბაღელი 394
 მირზა შაფი ვაჟინი 26
 მირიან ბატონიშვილი 363
 მირ-შაჰმუდი 297—299
 მიქაელ ასუი 168
 მიქაელ კსელოსი 139
 მიქაძე იესე 288
 მიქაძე ნიკოლოზ 429
 მილდისი 360
 მონტესკიე 417, 421
 მირვეისი 293, 297
 მოსე ელივარდელი 86
 მოსე კალანკატუელი 77
 მოლის ედ-დინი 173
 მომღვრიშვილი იოანე 412
 მოჰამედ-სულთან შაჰს ად-დინლუ 228
 მოჰამედ-ყული ხანი 232
 მუთაჟაქილი (ხალიფა) 65
 მუთიევი მიკირტუმ 374
 მურავიოვი 351
 მურვან იბნ მუჰამად 60
 მურვან ყრუ 60
 მუსტაფა ალი 255
 მუსტაფა ლალა ფაშა 222—223, 255
 მუსხელიშვილი დ. 9, 121
 მუხასძე 176
 მუჰამად იბნ-ათაბაგი 65
 მუჰამად იბნ-ხალილ შაიბანიანი 66
 მუჰამედი ხორეზმშაჰი 165—166
 მღებრიშვილი შაეერდა 378
 მხითარ აირივანელი 53

 ნადირ შაჰი 312—316, 375, 377, 406
 ნაზარბეგაშვილი გიორგი 360
 ნაზარბეგოვი სოლომონ 374
 ნათაძე გ. 6, 330
 ნალბანდიანი ვ. 8, 396
 ნემესიოს ემესელი 139
 ნერსე 63, 80, 86
 ნეჟმ ად-დინ ილ-ლაზი 102
 ნიზამ ალ-მულქი 62, 98
 ნიზამ განჯევი 16, 130, 131, 135
 ნიკოლაძე ნიკო 27
 ნიკოლოზ (კათალიკოს-პატრიარქი) 290,
 291

ნიკოლოზ აფხაზი 430
 ნიორაძე გ. 43
 ნუცუბიძე შ. 141

• მენათიანი იონათან 430
 ოზდემირ ოღლუ ოსმან ფაშა 224
 ოლეარიუსი ადამ 256, 258
 ოლჯაითუ ყაზან ყაენი 183
 ომარ ხაიამი 161
 ომარ ხანი 308
 ომერ ფაშა 224
 ორბელიანი ალ. 391, 393
 ორბელიანი გიორგი 325
 ორბელიანი დავითი 412, 423, 426
 ორბელიანი იოანე 413
 ორბელიანი შზეკვაბუე (კაბუა) 412—413,
 422, 426
 ორბელიანი შაჰუნა 313—315, 377, 414
 ორბელიანი ს-ს. 142, 267, 273, 275, 279,
 281—282, 403—404, 406,
 419, 432—433, 435, 448,
 450—451

ოსეფა 452
 ოსტრატი რ. 415

შაატა (ვახტანგ VI-ის უკანონო შვილი)
 380, 381

შაატა ბეგი 250
 შავლე I 399
 შანარეტოსი მიქელ 186, 200
 შარშენიძე 143
 შატრიძე რ. 199
 შატრი ყარლო 239, 248
 შატრი უფროსი 452
 შახომოვი ე. 182
 შვეტინგერი კ. 47
 ჟეისონელი 355
 ჟენტელაშვილი იოანე 322, 350
 ჟეროზი 75
 ჟეტრე დიდი 21, 298, 305
 ჟეტრე იბერი 139, 141
 ჰიშევიჩი ალ. 317, 318, 322—325, 331,
 332
 ჰლატონი 133, 139, 143, 406, 413, 422
 ჰლოტინი 143
 ჰლუტარქე 130
 ჰოლიევექტოვი მ. 6, 330
 ჰორფირი ტირელი 410, 413

- პორფირიუსი 139, 143
 პოტიომკინი 350
 პროკლე 139, 142, 413, 422
 პტოლემეოსი 129
 პუშკინი ალ. 26
- შან-ფრანსუა მარმონტელი 422
 ვან შარდენი 238, 262—263, 284—285, 332, 434, 441, 443, 447
 ყორდანია გ. 9
- რაინეგსი ი. 409, 416, 438, 452
 რამაზი (დავით X-ის შვილი) 214
 რასინი 421
 რაშიდ ად-დინი 174, 182
 რაჭაბ ფაშა 307, 335
 რიდვან (რეზვან) ფაშა 224
 როლენი შ. 415
 როსტომ მეფე 20, 147, 235, 238, 245, 247, 248, 259—262, 264, 266, 270, 277, 284, 324, 331, 338, 375, 442
 რუსუდანი (დემეტრე II-ის ასული) 181
 რუსუდანი (თამარ მეფის მამიდა) 128
 რუსუდანი მეფე 154, 166—168, 173—174, 176—177
 რუქნადინი 134, 171
- სააკაძე გიორგი 20, 229—233, 250, 275, 281, 338
 სააკაძე იოსებ 275, 281—282, 287
 სააკაძე პაატა 232
 სააკაძე როსტომ 236
 სააკაძე სიაუმ 250
 საბაშვილი სერაპიონ 276
 საგინაშვილი ელისე 274, 285
 საიათნოვა ა. 23, 420, 422, 424—426, 437
 საიდ-მუჰამედი 375
 სამოელი 83, 86
 სანჯარი 137
 სარგის ჭაყელი 179—180
 სარკაეაგი იოანე 16
 საპაი 14, 65—66, 72—74, 83
 საპიბ აშ-შურატი 62
 სელომ ხანი 235—236
 სერობი 396
 სიბტ იბნ ალ-ჯაუზი 98
- სითილ არაბი 97
 სიმეონ ჯულფელი 413
 სიმონ I 19, 217—227, 229—250, 255, 270, 274, 330
 სიმონ ხანი 230, 231, 233, 234
 სინან ფაშა 223—224, 255
 სიხარულიძე ე. 9, 65
 სეკორცოვი 358
 სოკრატე 406
 სოლომონ I 382, 409, 418
 სოლომონ II 390, 392
 სოფიო ბატონიშვილი 363
 სტეფანოზი (ქართლის ერისთავი) 156—157
 სტეფანოზ III 59
 სუბუდეი 166
 სულეიმან აბაბაგი 388
 სულეიმან ბეგ ბაიათი 218
 სულხან (ხელოსანი) 442
 სულხანა (ვაჟარი) 378
 სუმაროკოვი ა. 421, 439
 სუნდუკიანი გ. 26
 სურგულაძე ა. 7
 სურსათი ხანი 297
 სუხოტინი 382
 სურანძე 431
- ტაბარი 66, 74
 ტაბატაძე კ. 190
 ტავერინე 263
 ტამარა 387
 ტარსაიკ ორბელი 202
 ტერ-არაქელა 325, 361
 ტერ-გევონდიანი ა. 66
 ტერ-სააკა 325
 ტიკაძე შ. 8
 ტიტუსი 129
 ტოლსტოი ლ. 26
 ტოლრილი 173
 ტრიფილე 412
 ტურნეფორე 248, 265, 284, 329—330, 333
 ტუჩკოვი 350
 ტყეშელაშვილი ო. 80
- უზუნ ქასანი 192—194, 196, 200
 ულუღ ბეგი 405
 უელეზა დ. 32
 უმევი 202, 204

- უსეიდ იბნ-იაზიდი 64
 უპენსკი 142
 უსუფ ბეგი 310
 უსუფ ფაშა 307
 უტანესი 77, 84—86
- ზათალი ხანი 296, 360
 ზადლონი 97
 ზანა ხანი 379
 ზანჩულიძე ალექსი 436
 ზარნაოზ ბატონიშვილი 338, 363
 ზასუა 442
 ზემეიბერტყაძე ფემანგი 433
 ზეტიაშვილი 360
 ზიცხელაური დოსითეოსი 337
 ზრიკი 17
 ზსეველი-დიონისე არეოპაგელი 141
 ზსეველი შაპუბ ბაგრატიონი 48
 ზუთურიძე ვ. 9, 162
- მათარიშვილი გიორგი 309
 ქაიხოსრო II 217
 ქართველიშვილი იოანე 396, 410, 415
 ქაჭაია ე. 10
 ქეცაია 358
 ქეთევან ბატონიშვილი 363, 420, 426
 ქობულაშვილი ონანა 403
 ქრამ ხუბოზ ზარდი 50, 52
 ქუჩუკ ჩელები ზადე 306
- შაზან ყაენი 181, 183
 შაზან-ხანი 223
 შაითშაშაშვილი ფილოპე 413
 ყარა იუსუფი 190
 ყარაშვილი ანტონ 409
 ყარაშვილი თათულა 409
 ყარჩიხა-ხანი 231, 232
 ყაუხჩიშვილი ს. 7
 ყაფლანიშვილი მანუჩარი 309
 ყორღანაშვილი 334
 ყორღანაშვილი იოსებ 350, 374
 ყორღანაშვილი კახაბერ 220—221
 ყურაყურაე II 194
 ყუთლუ-არსლანი 105, 115, 117
- შაკვერდი სულთან ზიადოღლი ყაჭარი 218—219
 შათირმ შაჰი 231
- შამჩი-მელქო 397
 შანიძე ა. 7, 47
 შანშე ერისთავი 304
 შანშიაშვილი იარალი 437
 შარაშენიძე ზ. 396
 შარადე ალ-მულქი 172—173
 შარდენი იხ. ეან შარდენი
 შაროა 358
 შაქარაშვილი გასპარა 348
 შახაბადინი 202
 შაჰამირ ალა 350
 შაჰ აბას I 20, 226, 227, 229—234, 257—259, 270, 277
 შაჰ აბას II 338
 შაჰ ბენდე ხანი 233
 შაჰ თამაზ I 215—217, 221
 შაჰ თამაზ II 299
 შაჰ ისმაილი 196, 213—215, 256, 276
 შაჰროჰი 190—191, 375
 შაჰ სეფი 234, 236—237
 შაჰ ჰუსეინი 294—295, 297—298
 შედადთან აბულ-ასვარი 96
 შენგელია ნ. 308
 შერმაზანაშვილი 322
 შერმაზანი 310
 შოთა რუსთაველი 15—16, 132, 135, 138—140, 143—145, 152, 404, 422, 434
 შოშიაშვილი ნ. 177
 შუშანიცი 147
- ჩახრუხაძე 132—135, 152
 ჩინგის ხანი 165—166, 179
 ჩოზან-ნოინი 183
 ჩოლოყაშვილი დავით 421, 426, 439
 ჩოლოყაშვილი ჭიმშერ 378
 ჩორმალანი 175, 202
 ჩუბინაშვილი გ. 83
 ჩუბინაშვილი ნ. 450
 ჩუიკო კ. 317
 ჩხატარაიშვილი ქ. 9
 ჩხეიძე სენხია 414
 ჩხეტია შ. 7...:
- ცაგარეიშვილი ე. 8, 53
 ცაგარელი ა. 396
 ციციშვილი გლახა 381

ციციშვილი დავით 418
ციციშვილი მანუჩარ 250
ციციშვილი ნოდარ 236, 277
ციციშვილი პაპუნა 235, 338
ციციშვილი ფარსადან 236
ციციშვილი ქაიხოსრო 195
ცოტნე დადიანი 177
ცურტაველი იაკობ 14
ცქიტისშვილი ო. 9, 71

ძიძიგური გ. 9

წერეთელი აკ. 27
წერეთელი გ. 27
წერეთელი ზ. 392—393

შავეკავაძე ალექსანდრე 26
შავეკავაძე გარსევან 399, 429
შავეკავაძე ილ. 27—28, 402
ჭილაშვილი ლ. 8, 70—71

ხალილბეგი 194—195
ხალილ იბნ-იაზიდი 65
ხალილ მირზა 194
ხასიტოვი ბეენ 374
ხელაშვილი იოანე 425
ხერასკოვი მ. 421
ხერხეულიძე ომან 306, 314, 414
ხერხეულიძე რევაზ 322
ხეარამზე 280
ხითარიშვილი ფემანგი 277
ხოსრო ანუშირვანი 71
ხოჯა ბექბულა 4, 247, 266, 321, 324, 348

ჯაეად ხანი 391, 397
ჯაეად ზიად-ოღლი 395
ჯავახიშვილი ივ. 6, 85, 130, 138, 158, 170,
173, 182, 184, 189, 205,
209, 440—441

ჯავახიშვილი ჯავარი 195
ჯალალიანცი ისაია 300, 302, 304
ჯანაშვილი მ. 6
ჯანაშია ნ. 8
ჯანაშია ს. 7, 50, 305
ჯარაბი 60
ჯათარ ალის ძე 67—68, 93—95
ჯათარ მანსურის ძე 68
ჯაჰან ბანუ 231
ჯებე 166
ჯებუ ხაკანი 57
ჯეალ ელ-დინი 17, 114, 118, 123, 136,
166—170, 172—175, 198
ჯეჰან შაჰი 191, 200
ჯიგდა ხათუნი 178
ჯიქია ს. 9, 119, 307—308, 310
ჯუანშერი 89

ჯაბიბ იბნ-მასლამა 59
ჯადომ ქასან ფაშა 224
ჯარუნ არ-რამიდი 63
ჯასან ფაშა 223
ჯაჭო-დაული 297
ჯერაკლე კეისარი 56—58, 70, 79, 89
ჯიშამი 60
ჯოეანეს ერზინცილი 204
ჯოდუდ ალაღემი 74
ჯომეროსი 133, 422
ჯულაგუ ყაენი 179—180
ჯუსეინი 296, 299

გეოგრაფიული და ეთნიკური სახელები

აბანოების ქუჩა 243
აბანოს კარი 243
აბანოს უბანი 89, 327
აგარანი 97
აგრის-წყალი 379
აენანთ ხევი 242, 319, 324—326
ავლაბარი 14, 37, 39, 71, 95, 241—242,
246, 300—301, 310—311,
317, 322—323, 327, 348

ავლაბრის ციხე 242, 322—323
ავლაბრის ხიდი 19, 215, 302, 394
ავლევის ქუჩა 332
ავსტრია 416
ავლანეთი, ავლანელები 165, 289—290,
292—294
ავქალა 37, 64, 343
ავქალის გზა 36, 324, 340
აზერბაიჯანი 12, 15, 22, 32, 45, 67, 105—

- 106, 113, 166, 173, 187,
190, 192, 261, 379, 399
- აზია 39, 105
- აზოვის ზღვა 200
- ალავერდი 346
- ალამუტის ციხე 222
- ალბანეთი. ალბანელები 12, 61, 65, 93
- ალგეთი 232
- ალგეთი (მდ.) 93, 195, 226, 228
- ალეპო 255, 257, 355
- ალინჯის ციხე 187, 189
- ამიერკავკასია 12—16, 18, 21—23, 26,
28—29, 32, 47, 50, 56,
58, 61—65, 74, 76, 92, 93,
99, 104—105, 107, 115,
166, 175, 216, 221, 223,
227—228, 234, 254, 257—
259, 261, 265, 291, 296,
298, 300, 304, 312, 379,
384—385, 387, 391, 396,
399, 416, 451
- ანაკოფიის ციხე 93,95
- ანანური 375
- ანატოლია 382
- ანისი 15, 76, 95, 104—105, 170, 172
- ანჩისხატის ეკლესია 21, 69—70, 78—79,
83, 93, 128, 147, 244—245,
284, 288, 331, 375, 381,
408
- არაბეთი, არაბები 13, 58—61, 70, 86—87,
113, 128, 136, 263
- არაბთა სახალიფო 58, 63, 65
- არაბული ერაყი 192, 214, 232
- არაგვის საერისთავო 234, 345
- არაგვის ხეობა 187
- არაქსი (მდ.) 35, 93, 227, 391
- არგვეთი 97
- არღებილი (ქ.) 391
- არეზი (მდ.) 166
- არზრუმი 171, 173, 354—355
- არმაზი 54, 70
- არმაზციხე 48
- არმენია 62, 64
- არტანი 170
- არტანუჯი 12, 14, 16
- არტანუჯის ციხე 54
- არტაშატი 48
- ასტრახანი 307, 358—359
- ასტრახანის სახანო 18, 221, 256
- აფრიკა 21, 216, 257, 264
- აფხაზეთის ქვეყანა 172
- აღმოსავლეთ ამიერკავკასია 54, 61, 65,
227, 237, 254, 256—257,
259, 264, 294, 313, 385
- აღმოსავლეთ ევროპა 77
- აღმოსავლეთ საქართველო 44—45, 61—62,
76—77, 178, 180, 183, 187,
213, 216—217, 227, 229—
231, 237—238, 259—260,
262, 266, 270, 277, 298—
299, 313, 400, 415
- აღჯაყალა 214—215, 228, 232, 338
- ახალდაბა 179
- ახალქალაქი 227, 256, 354
- ახალციხე 16, 224, 227, 256, 307, 354
- ახალციხის საფაშო 307, 383
- ახლო აღმოსავლეთი 25, 106, 108, 110,
113, 179, 192, 198, 213,
237, 266—270
- ახტალა 396
- ახუნდოვის ქუჩა 243
- აზალეთი 20, 233—234
- აიღარი 345, 377
- აილაკანი 358
- ბალტიისპირეთი 29
- ბამბაკის ხეობა 167
- ბარათაშვილის ქუჩა 71, 89, 241—243,
319—320, 326
- ბარათაშვილის ხიდი 14
- ბარდა-ბარდავი (ჭეროზაპატი) 12, 73, 76—
77, 93, 113, 296
- ბასიანი 164
- ბატონის მოედანი 244—245, 331
- ბაქო 298, 358, 391, 399
- ბაქტრიის სამეფო 39
- ბაღდადი 63—64, 68, 138, 355
- ბეთანია 148
- ბელორუსია 29
- ბელუჯები 292
- ბერძენები 130, 262
- ბიზანტია, ბიზანტიელები 12—13, 15,
55—59, 61, 73—74, 76, 82,
84, 87, 92—93, 96, 99, 101,
142, 149, 155
- ბიზანტიის იმპერია 54, 56, 58, 98, 192

- ბირთვისი 64, 93
 ბოლნისი 174—175, 230
 ბოლნისის სიონი 90
 ბოლნისის ქუჩა 243
 ბორჩალო 345, 377
 ბოსფორის სამეფო 39
 ბოტანიკური ბაღი 70, 72, 243
 ბოშის უბანი 320
 ბრესტი 29
 ბურიატები 165

 ბაბაანთ ხევი 26, 33, 334
 გაგის ველი 167
 განჯა 77, 94, 97, 123—124, 168, 172—173,
 218, 227, 232, 243, 256—
 257, 260, 295, 298, 345—
 346, 411
 გარდაბანი 77, 219
 გარნისი 166, 185
 გელათის აკადემია 142
 გილანი 183
 გლდანი 30, 43
 გლდანის ტბა 33
 გობის უდაბნო 165
 გოგჩის შესახვევი 320
 გოლოვინის პროსპექტი 27
 გონიოს ციხე 232
 გორგასლის ქუჩა 243
 გორი 19—20, 183, 194, 218, 222, 224,
 227, 237, 252, 264, 310, 337
 გორის ციხე 226, 236
 გრემი 230, 255, 257
 გრიბოედოვის ქუჩა 322
 გურია 390

 ჭავჭავაძის ქუჩა 318
 დავით აღმაშენებლის გამზ. 27, 37
 დავით გარეჯის მონასტერი 245
 დამასკო 199, 255
 დარიალი 113, 123, 389, 399
 დარიალის კარი 54, 187
 დარიის მონასტერი 323
 დარიჭელის ციხე 95
 დარუბანდი 16, 73—74, 76, 106, 296,
 298, 399
 დასავლეთ ევროპა 12, 21, 88, 192, 200,
 257, 438
 დასავლეთ ირანი 190, 192
 დასავლეთ საქართველო 22, 36, 63, 94,
 97, 159, 176, 179, 180, 183,
 189, 193, 217, 229, 231, 237
 დაღესტანი 106, 296—297, 307, 388
 დელისი 35, 334
 დერბენდი 113, 185, 187, 399
 დიინი 12, 58, 76, 82, 93, 105, 166, 167, 230
 დიარბეკირი 105, 174, 263
 დიდგორი 97, 102
 დიდგორის ველი 15
 დიდგორის მთა 216, 334
 დიდუბე 34—35, 37, 39, 122, 154, 163,
 210, 342—243

 დიოსკურია 11
 დირსიკალა 246, 323, 339
 დილომი 35, 38, 45, 145, 220, 242, 335
 დილმის ველი 30, 38—39, 64, 94
 დილმის კარი 355
 დილმის ხევი 38
 დმანისი 14, 16, 61, 64, 100, 124, 176, 183,
 223—224, 228
 დმანისის ციხე 221, 228
 დოდოს მონასტერი 242
 დურძუკები (ძურძუკები) 174
 დუშეთი 397

 მბრაელები 103, 107, 156, 160, 262
 ეგვიპტე 39, 58, 113, 166, 181, 183, 263
 ევრაზია 5
 ევროპა 18, 29, 39, 165, 192, 200, 216,
 239, 257—259, 384, 386,
 408, 417—418

 ეკალხევი 33
 ენგელსის ქ. 332
 ერაყი 187, 190, 382
 ერევანი 307, 312, 345, 354—355, 394
 ერეკლე II-ის სახ. მოედანი 40, 69—70, 79
 ერეკლე II-ის ქ. 244
 ერეკლეს ციხე 339—340
 ერზურუმი 93, 105—106, 153, 227, 256
 ერზინჯანი 106

 შაზიანი 30
 ვაკე 37—39, 334, 335
 ვანი II
 ვანის ტბა 93
 ვანქის ეკლესია 248
 ვანქის სასაფლაო 325
 ვანქის უბანი 319, 320

ვაჟა-ფშაველას გამზ. 35
 ვარაზის ხევი 33
 ვარდისუბანი 33
 ვარდისუბნის მთა 334—335
 ვარკეთილი 30
 ვაშლიჭვარი 43
 ველიამინოვის ქ. 247
 ველისციხე 211
 ვენა 233, 438
 ვენეცია 257—258, 417
 ვერე (მღ.) 17, 33, 122, 247, 319, 335
 ვერე (სოფ.) 334
 ვეძისი 335—336
 ვოლგა (მღ.) 256, 384
 ვოლგა-ასტარხანის გზა 257
 ვოლგისპირეთი 221

 ზაგემი 230, 255, 257
 ზემო ავქალა 43
 ზემო ხოლაშენი 446
 ზენჭანი 113

 შაბარისტანი 111
 თაბორი 95, 301—303, 321, 326, 376,
 378—379
 თაბორის მთა 246
 თაბორის ციხე 123
 თაერიზი 166—167, 179, 185, 191—192,
 194, 196, 200, 227, 263,
 356, 358, 379
 თათრის მოედანი 243, 245
 თბილისი 48, 69
 თბილისის ვილაიეთი 219, 306—308
 თბილისის საამირო 15, 53, 64, 97, 118
 თბილისის ციხე 40—42, 186—188, 215—
 216, 255, 316
 თეთრიწყვარი 227
 თეკემანის საყდარი 320
 თელავი 400
 თელეთი 302, 338
 თელეთის მთა 337
 თელეთის ქედი 214
 თელისხევი 343
 თელოვანი 43
 თრელიგორები 35—36, 38
 თრიალეთი 64, 67, 93, 170, 310
 თრიალეთის ქედი 32, 123
 თურქეთი, თურქები 21, 45, 57, 189, 192—

193, 222, 225, 257, 263,
 298—299, 344, 358, 380,
 382, 386
 თურქმანები 195, 200, 392
 თურქ-სელჩუკები 15, 96, 98—101, 104—
 105, 107, 116
 თურქ-ხაზარები 58, 61, 63, 70, 73

 იბერია 15, 48, 53, 431
 იერუსალიმი 85
 იეორთა 148
 იმერეთი 235, 290
 იმერეთის სამეფო 25, 192, 195, 381, 390
 ინგლისი 387
 ინდოეთი 18, 21, 113, 187, 257—259,
 263—264, 270—271, 289,
 358—359, 434
 ინდოეთის ოკეანე 257, 259
 იორი (მღ.) 33, 170
 იორის ზეგანი 32
 ირანი 12, 17, 19—21, 24, 45—46, 50—58,
 71, 115, 165—166, 168,
 190, 198, 200, 213—219,
 221—227, 229—235, 237,
 240, 254—259, 263, 277,
 293—294, 296—300, 311—
 312, 315, 344—345, 354—
 355, 375—377, 379, 381,
 384, 387, 391, 398, 431
 ისანი (ავლაბარი) 14, 37, 71—72, 74, 121—
 122, 124, 145, 159, 163,
 168, 199, 241, 327
 ისნის ველი 64, 97, 115
 ისნის ციხე 73, 123—124
 ისპაჰანი 174, 257—258, 263, 280, 294,
 299

 ჯაენი 176
 კავკასია 15, 25, 29, 36, 66, 105—106,
 110, 121, 297, 391
 კალა 14, 40, 50, 52, 55, 57, 69—71, 89,
 145—146, 225—236, 241,
 243, 247, 260, 323, 326—
 327
 კალოუბნის ეკლესია 248, 318, 325, 409
 კამბეჩიანი 170
 კარი (ყარსი) 172, 185, 312

- კარინი 202
 კარნიფორა 170
 კასპი 11
 კასპოს ზღვა 13, 26, 39, 92-93, 221, 299
 კასპისპირეთი 298, 355, 358
 კაფა 192
 კახეთი 14, 32, 45, 64, 67, 90, 180, 192,
 196—197, 213, 226—230,
 233—235, 237, 240, 255,
 257, 276—279, 283, 299,
 300, 312, 314, 343, 375,
 378—379
 კახეთის მთიანეთი 63
 კეირაცხოვლის სახ. ეკლესია 244, 342
 კიბაღჩის აღმართი 246
 კიევი 29
 კლდის უბანი 245, 332
 კოლხეთი 11
 კომენდანტის ქ. 322
 კონსტანტინოპოლი 18, 142, 192, 311, 388
 კობტასთავი 177
 კოჯორი 232, 243, 312, 334
 კოჯრის გზა 392
 კოჯრის კარი 355
 კოჯრის ციხე 195
 კრწანისი 37, 242, 336, 393, 395—397
 კრწანისის ბალები 246
 კუკია 26, 33
 კუმისი 195
 კუს ტბა 33
 ლაზიკა 13
 ლეკები 22, 296—297, 302, 304, 348, 378
 ლეონიძე გ. ქუჩა 326
 ლესელიძის ქ. 285
 ლელვა ხევი 33, 39, 326, 337, 338
 ლილოს გზა 324
 ლისის გზა 324
 ლისის ტბა 33
 ლიხი 176
 ლორე 167, 176, 224, 228
 ლურჯი მონასტერი 17, 122, 147—148,
 158, 285, 334, 335
 მაიაფარიკინი 102
 მარაბდა 232—233
 მარდინი 102
 მარნეული 228
 მარტყოფის ეკლი 231, 233
 მახათას შთა 32, 37, 246, 323—324
 მახლობელი აღმოსავლეთი 45, 56, 58, 115,
 136, 171, 173, 187, 254
 მეიდნის კარი 355
 მელის გორა 343
 მელიქის საყდარი 324
 მელიქიშვილის ქ. 335
 მესხეთი 19, 176, 187
 მერაბ კოსტავას ქ. 335
 მეტეხის პლატო 11, 241—242, 322, 329
 მეტეხის ტაძარი 91, 124, 128, 146—147,
 199, 206, 368, 409, 427
 მეტეხის ციხე 18, 39, 236, 246, 260, 284,
 285, 321, 391, 427
 მეტეხის ხიდი 170, 321
 მთაწმინდა 31, 37, 125
 მიღია 263
 მიცვეიჩის ქ. 34
 მიხეილს (დავით აღმაშენებლის) გამზ. 27,
 37
 მოზდოკი 357
 მოვაკანი 199
 მონღოლები 17. 165—166. 174—183, 198,
 201—202
 მოსკოვი 29, 221, 435—436, 438
 მოსკოვის ხევი (თბილისში) 26
 მოლნისის ეკლესია 244
 მოლნისის უბანი 245
 მტკვარი (მდ.) 12—14, 17, 21, 26, 31—33,
 35—37, 41, 51—52, 57, 64,
 66, 69, 71—73, 77, 89, 91,
 94—95, 121—122, 125, 147,
 160, 162, 170, 190, 207,
 238, 241, 244, 246—247,
 255, 284, 301—303, 317,
 319, 323—324, 326, 328,
 329, 331, 334, 336—340,
 342—343, 348, 379, 392.
 მუხათგვერდი 93, 219
 მუხიანი 30
 მუხრანი 97, 188, 224
 მუხრანთ უბანი 319, 327
 მუხრანის ხიდი 326
 მკორე აზხა 84, 200 .
 მსხეთა 11—12, 44—45, 48—49, 51—54,
 70, 80, 84, 216, 218, 301, 431

- ნათელული 36—37, 323, 339
 ნათლისმცემლის ეკლესია 244, 332, 409
 ნამგალა მიწა 43
 ნარიყალა 18, 40, 69, 231—232, 241, 243,
 284, 321, 378
 ნაძალადევი 36—37
 ნაქარმავევი 174
 ნახიდური 226
 ნახქვეანი 172, 187, 189, 227—228, 257,
 345
 ნეკრესი 11
 ნიკოპოლი 84
 ნიკოფსია 16
 ოდიში 193, 390
 ორბეთი 64, 196
 ორბეთის ციხე 94
 ორთაქალა 14, 17, 37, 39, 143, 246, 317
 ორთაქალის ბაღი 26, 246, 336—337
 ორხევი (მღ.) 36
 ორხევის მინდორი 36
 ოსეთი, ოსები 87, 174, 291
 ოსშალეთი, ოსშალეები 19—22, 213—218,
 221—229, 232—233, 237,
 246, 254—257, 299—300,
 304—305, 307—309, 311—
 312, 320, 325, 384, 387
 ოქროს ურდო 178—182, 186—187, 189,
 198, 200
 ოქროყანა 34
 ოძრაზე (ოძრახე) 11
 პალესტინა 58
 პეტერბურგი 391, 399, 438
 პეტრიწონი 142
 პრესის ქ. 319
 ჭუშკინის ქ. 241, 243, 326
 შინვალი 16
 რაქა 307
 რეი 128
 რიყე 242, 323, 328, 381
 რომი 85
 რომის იმპერია 39, 49
 რუის-ურბნისი 151
 რუმის სასულთნო 166, 174
 რუსეთი, რუსები 21—22, 25—28, 77,
 109, 113, 221, 256—257,
 291, 297—300, 304—305,
 344, 355, 357, 359, 362,
 379—381, 384—387, 389,
 392, 396, 399, 401, 407—
 408, 412, 415—417, 421,
 435, 438
 რუსთაველის გამზ. 25, 27, 320
 რუსთავი 11, 14, 49, 61, 64, 97, 100—101
 საბარათიანოს ველაიეთი 218
 საბარათიანოს სომხეთი 344
 საბერძნეთი 39, 67, 84, 128
 საბურთალო 34, 37, 39, 334—335
 საბჭოს ქ. 341
 საგოდებელი 71—72
 საგურამოს ქედი 32
 სამადლო 220
 სამარყანდი 166, 184
 სამასი არაგველის სახ. ბაღი 39—40, 111,
 243, 246
 სამეზა (ეკლესია) 248
 სამშვილდე 14, 100—101, 176, 183, 191,
 316, 377
 სამცხე 170, 180, 182
 სამცხე-თრიალეთის მთიანეთი 32
 სამცხე-საათაბაგო 17, 183, 185, 196—197,
 214, 216—217, 221—222
 სამხრეთ აზერბაიჯანი 296
 სამხრეთ-დასავლეთ საქართველო 64, 67
 სამხრეთ ირანი 258
 სამხრეთ რუსეთი 382
 სამხრეთ საქართველო 181, 183
 სამხრეთ ციმბირი 165
 სარკინე 11
 საფრანგეთი 387
 საფურცლე 43
 სალამოვანკის მონასტერი 113
 სეიდაბადი 241—243, 246, 302, 304, 317,
 326—327, 330, 337, 392,
 395
 სენანეთი 48, 148
 სეტიციხოვლის ტაძარი 292, 301, 431
 სიონ-ანჩისხატის უბანი 75
 სიონი 23, 215, 244, 284, 310, 313, 375
 სიონის ტაძარი (ეკლესია) 21, 69—71, 78—
 79, 81, 83—85, 90, 128,

147, 170, 285. 303—304,
409

სირია 58, 181

სკანდა 194

სკვირეთი (სკორეთი) 334

სკუტრი (სქუდრია) 84

სმოლენსკი 29

სოლოლაკი 37, 247

სოლოლაკის ქედი 89, 326

სოლოლაკის ხევი 33

სომხეთი, სომხები 12, 17, 22, 32, 45, 48,
58—65, 76, 85, 95, 98—99,
103, 105, 107, 113, 156,
183, 185, 187, 190—192,
256, 258, 261—263, 374,
379—380, 410

სომხითი 170, 194

სოღანლული 337—339

სოღდებილი 71, 121

სოხუმი 11, 14—15

სპარსეთი, სპარსელები 13, 20—21, 80, 85,
113, 171, 228, 243—245,
258, 263, 304, 306, 338,
355, 358—359

სპარსეთის ყურე 257, 259

სტალინგრადი 29

სტამბოლი 226—227, 298, 354

სტამბოლის ციხე 227

სურამის ციხე 20, 218, 230, 236

სურბ-კარაპეტის ხევი 246

სურბ-სტეფანეს სახ. ეკლესია 244

ტაბახმელა 214, 232, 392

ტანგუტები 165

ტაო 93, 165

ტაო-კლარჯეთი 88

ტაშირი 305

ტაშისკარი 229

ტაშხარყანა 337

ტიბერია 73

ტრაპეზუნტი (ტრაპიზონი) 11, 93

ტრაპიზონის იმპერია 16, 106, 134

ტრაპიზონის სამეფო 192

შკარინა 23

ურბნისი 11

ურბნისის ტაძარი 90

ურმიის ტბა 93

უჯარმა 49, 54—55

უჯარმის ციხე 74

ზაზისი 11

ფაიტაკარანი 48

ფარცხისი 64, 220

ფარცხისის ციხე 94, 97

ფითუანთ უბანი 245

ფიტარეთი 148

ჭაბული 289

ჭამონთ ეკლესია 325

ქართლი 13, 19—20, 48, 50—54, 56—57,
59—63, 67, 71, 73, 81, 84,
86—87, 92—93, 120, 170,
182, 192, 196, 213—215,
217, 220, 222, 225—238,
240, 258—259, 262, 290—
291, 293—300, 307—308,
312—314, 343—344, 376,
379, 406

ქართლ-კახეთი 20, 22, 25, 51, 228—229,
232, 234

ქართლ-კახეთის სამეფო 25, 213, 345—
376, 379, 381, 389—390,
398—399, 401—402, 410,
418—419

ქაშეთის ეკლესია 83, 90—91, 122, 147,
247—248, 318, 321, 326,
409, 427

ქერმანი 113, 172

ქეთახევი 148

ქვემო ქართლი 99, 195, 217, 220—221,
224, 230, 233, 254, 295,
338, 345

ქსნის საერისთავო 345

ქსნის ხეობა 233, 314

ქუთაისი 14, 16, 104, 167, 172, 175—176,
189, 194, 249, 390

ქცია (მდ.) 226, 260

ღომელაურის ხევი 246, 323, 339

ღრმალევი 36, 39

შაბაზი (საასპარეზო) 319—320

ყაზანის სახანო 18, 221, 256

ყაზარი 345—347
ყაზინი 220, 221, 299
ყანღარი (ქ.) 289—290, 298
ყოაბალი 186—187, 216, 227, 297, 391
ყრათავა 379
ყარაის გზა 324
ყენის შთა 32, 343
ყო-ბულახი 379
ყაზილბაგები 214, 216, 219, 223, 304,
312, 316, 394
ყოლოგინები 165
ყორიმი 18
ყოლომის ნახევარკუნძული 39
ყუბა 391
ყრუყუთა (სოღანლული) 305, 337

შაეთელის ქ. 224, 244, 331—332
შავი ზღვა 13, 18, 26, 113, 134, 200, 299
შავშეთ-კლარჯეთი 64
შაიტახტი 332
შამი 166, 174
შამქორი 77, 164, 296
შარვანი (შირვანი) 92—93, 103, 105—106,
180, 190, 216, 222, 312

შაქი 187, 190, 217
შემახა 103, 106, 227, 256—257, 263, 296,
312, 357, 399

შიდა ქართლი 32, 64, 301
შინდისი 336, 392
შუა აზია 18, 165, 184, 190
შუა აღმოსავლეთი 108, 113, 171, 179,
187, 192, 213

შუა ბაზარი 244
შურის ციხე 40, 52
შუშა (ქ.) 391
შუშის გზა 355

ჩალაუბნის ქ. 243
ჩალიპირაგორები 43
ჩახრუხაძის ქ. 242, 319
ჩერქეზეთი 307
ჩინეთი 113
ჩრდილოეთ აზერბაიჯანი 257
ჩრდილოეთ ირანი 296, 376
ჩრდილოეთ იტალია 200
ჩრდილოეთ კავკასია 16, 18, 45, 60—61,
70, 99, 185, 198, 382, 391
ჩრდილოეთ ჩინეთი 165
ჩუღურეთი 323—324, 340—342

ჩუღურეთის ხევი 26, 33, 246, 340—341

ცენტრალური აზია 165
ციხის უბანი 24, 245—246, 331
ციხედირი 218, 220
ციხნეალი 306—307
ცხუმში 14

ძეგამი 296
ძეგვი 218
ძეძვის შთა 32
ძველი გეაზი 90
ძველი ჭულა (ჭულფა) 256—257

წავკისის უბანი 327
წავკისის წყალი 33, 71, 243, 312, 326
წავკისის ხეობა 89
წანარეთი 63
წინწყარო 341
წინა აზია 15—16, 18, 82, 112, 146, 355
წმინდა გიორგის სახ. ეკლესია 246, 248
წმინდა ეკატერინეს სახ. ეკლესია 244
წმინდა ესტატეს სახ. ეკლესია 335

შანღარი (ჩანღარი) 195
კარ-ბელაქანი 296, 388
კერემი 54
კერემის ციხე 72

ხაზარეთი, ხაზარები 13, 57, 60—61, 77,
87, 113

ხარფუხი 243
ხევქმარი 343
ხლათი 93, 171—175
ხმელთაშუა ზღვა 355
ხორეზმი, ხორეზმელები 112, 165—166,
169, 171—175

ხორჯავანქი 338, 324
ხუნანი 11, 61

ჯაეახეთი 84, 93, 95, 170, 177, 217, 346
ჯეარისმამის ეკლესია 244, 285, 332
ჯიგრაშენის სახ. ეკლესია 244
ჯორჯიაშვილის ქ. 318
ჯულფი (ქ.) 227

ჰერეთი (ჰერათი) 51, 61, 64, 180
ჰოლანდია 258

ტოპონიმიკური სახელები

- აბანოს კარი 243, 317, 355
 აგარანი 97
 ავანანთ ხევი 242, 319, 324—326
 ავლაბარი 14, 19, 37, 71, 95, 215, 241—
 242, 246, 300—302, 310—
 311, 315, 317, 322—324,
 327—328, 339—340, 348,
 364, 398
 ავლაბრის კარი 323
 ავკალა 36, 37, 64, 342, 378
 ავკალა ზემო 42—43
 ავკალის გზა 324, 340—341
 ანჩისხატის უბანი 70—71, 75, 245, 261
 ახალსოფელი (იგივე ეჯვია) 339, 341, 342

 ბატონის მოედანი (იგივე „ზემო მოედანი“,
 იგივე „ციხის მოედანი“)
 243—244, 319, 328, 331—
 332
 ბებუთას ბაღი 324
 ბოშის უბანი 320

 ბაბანთ ხევი 33, 334
 „განჯის გზა“ 337
 განძის კარი 122, 168
 განჯის კარი 40, 121, 243, 317, 355
 გარეთუბანი 122, 247, 248, 261, 310,
 311, 317—325
 „გარეთუბნის მოედანი“ 247
 გზის კარი 337
 გლდანი 30, 43
 გლდანის ტბა (ახლანდელი „თბილისის
 ზღვა“) 33

 ღაბახანა 89, 326
 დაბლა კარი 242, 319
 დარიჯელი 95, 123
 დედაციხე 13, 40—42
 დელისი 35, 334
 დიდუბე 34—35, 37, 39, 122, 146, 154,
 339, 342—343
 დიდხევი 342, 440
 დირსიკალა 246, 323, 339
 დიღმის ველი 37, 39, 94, 150
 დიღომი 35, 38, 45, 145, 220, 235
 დიღმის კარი 145, 242, 335, 355

 დიღმის ხევი 64
 შლია 341
 ფრეკლეს ციხე 339—340

 შაქე 37—39, 334—335
 ვანჭის უბანი 247, 319, 325
 ვაშლაჭვარა 43
 ვაზისუბანი 30
 ვარაზის ხევი 33
 ვარკეთილი 30
 ვერე (მდ.) 17, 33, 122, 247, 319, 321
 ვერე (სოფ.) 334—335
 ვერისხევი 334—335
 ვეძისი 335—336

 ზედა გზა 324
 „ზემო ბაზარი“ 244
 „ზემო უბანი“ 243, 248

 შაბორი 25, 301, 321, 376, 378
 შაბორის მთა 123, 246, 326
 შაბორის ციხე 123, 376—378
 შათრის მოედანი 241, 243—245
 თელეთი 336, 338
 თელეთის მთა 337
 თელისხევი 342
 თელოვანი 43
 თოფლის 48
 „თრელიგორები“ 35, 37, 38

 მსანი 14, 37, 71—73, 93—95, 97, 114,
 120, 145—146, 168, 199,
 205, 241
 ისნის ველი 64, 115, 122

 ძალა 40, 50, 52, 55, 57, 69—71, 73, 89,
 145—146, 235—236, 241,
 243, 317—318, 323, 326,
 329, 332
 კალთუბანი 186, 325
 კარის კარი 74
 კახეთის გზა 324
 კლდის უბანი 245, 332
 კოჭრის კარი 243, 355
 კრწანისი 37, 243, 246, 326, 336—337

- კუკია 26, 339, 341—343
 კუკიის ხევი 33
 კუს ტბა 33
- ლელეთა ხევი, იხ. წავეისის წყალი
 ლულის ხევი 337—338
 ლოლოები 338
 ლლოს გზა 324
 ლოსის გზა 324
 ლოსის ტბა 33
- შაიდნის კარი 74, 242
 მამა დავითის ქელი 33
 „მაღალი ციხე“ (ნარიყალა) 284
 მაღლა კარი (იგივე კოჯრის კარი) 242
 მახათას შთა 32, 37, 246—247, 266, 323—
 324, 341
- მეიდნის კარი 355
 მელის გორა 342
 მოსკოვის ხევი 26
 მოღინის უბანი 245
 მუხიანი 30
 მთაწმინდა 37, 125
 მუხრანის უბანი 247, 327
 მუხრანთ უბანი 319, 332
 მუხრანის კარი (იგივე „დაბლა კარი“) 242
- ნავთლული 36—37, 323, 339
 ნაკარევი 242, 323
 ნამგალა მიწა 43
 ნარიყალა 18, 40, 69, 231, 241, 243, 284,
 316, 324, 378
 ნაძალადევი 37
 ნახშირგორა 335
- მქროყანა 34
 ორბელიანთ უბანი 319—320
 ორთაქალა 17, 37, 39, 243, 246, 317, 326,
 336—337
 ორხევი 36
- რაბადის კარი 74
 რიყე 242, 323, 381
 რიყის უბანი 427
- საასპარეზო 247
 საბურთალო 34, 37, 39, 334—335
 საგოდებელი 71—75, 147
 სადილეგო 73, 147
- სანგრის გორა 337—338
 სათათრო გზა 343
 სეიდაბადი 241, 243, 246, 301—302, 304,
 308, 317, 325, 326, 330,
 336, 364
 სიონის უბანი 70, 75, 261
 სირაქხანა 323
 სოლოლაკი 37
 სოლოლაკის შთა 332
 სოლოლაკის ქელი 89, 241
 სოლოლაკის წყალი 326
 სოლოლაკის ხევი 32
 „სომხის ბაზარი“ 244
 სოღალუხი 337
 სოღანლელი 337, 338
 სოღდებილი 71—74, 121
 სოღდებილის კარი 74
 სურბ-კარაპეტის ხევი 246
- ტალის ქვის ხევი 338
 „ტამოქენნაია“ 243
 ტაშხარყანა 337
 ტილიდა 48
- შაიტაკარანი 48
 ფითუნთ უბანი 245
 ფილადო 48
- „ჭეემო ბაზარი“ 294
 ქეემო კარი 242, 319, 355
 ქეემო უბანი 243, 245, 248
- ლომელაური 339
 ლომელაურის ხევი 246
 ლომელაურის წყალი 323
 ღრმადლე 37, 39
- შაბახი 246, 319—320, 322, 325
 ყარაის გზა 324
 ყეენის გორა 343
 ყეენის შთა 32
 ყოჩის ქვა 337
 ყურყუთა 305, 337—338
- შაისტახტი 241, 332
 შინდისი 336
 „შუა ბაზარი“ 244
 „შუა კარი“ (იგივე დიღმის კარი) 242, 324
 შუატბის გზა 324

შურის ციხე 40, 52

ჩალიბირიგორები 43

ჩულურეთი 26, 323—324, 339—343, 348

ჩულურეთის ხევი 33, 246, 340

ჩუხური (იგივე ჩულურეთი) 440

„ციხის მოედანი“ 244

ციხის უბანი 22, 24, 245, 246, 331

„ცოცხალანთ ბურჯის“ უბანი 245

ცხენის ტერფი 342

წავეკისის უბანი 327

წავეკისის წყალი 33, 243, 326

წავეკისის ხეობა 89, 312

წყალუნი 95, 123

წყლის კარი 242, 244, 247, 319, 331—332

წყნეთის გზა 335

ძეძვის მთა 32

შალა 43

შალანგარი 246, 330

შალვათხანა (იგივე შალანგარი) 246

შანლუხდარეს ხევი 338

შარფუხი 243

ხეეშმარი 342, 343

ხოდის უბანი 124

ხოჭვეანქი 247, 324

ბერძინები

ამილი 62, 119—120

ამირა 13—14, 60—68, 72—73, 89, 90—
94, 97—98, 108, 114—115,
119—120, 124, 156, 249—
250

ამირათ-ამირა 120, 148, 249—250

ამქარი 16, 23, 236, 352—354, 434

ამქარბაში 353

ამქრის თავი 353

არბაბი 315

ასასბაში 253

ასასი 253

ასისთავი 291

„ასნაფი“ 251—252, 267

ბაეი 108, 179, 260, 336

ბაეი სიმიზაშო 253

ბაყალბაში 353

ბეგლარბეგი 223, 226, 232, 306

ბერები 94—96, 98, 101, 115—116, 120,
122—123, 150

ბეთალმანი 240, 264

ბლახაკნი 110, 182, 344, 368

დაბახანა 89, 326

დამლა (იხ. ტამლა)

დარბაზი 181, 346

დასტურლამალი 259, 262, 336, 368, 434.

445, 446

„დაცივის სიგელი“ 59

დედაციხე 41, 42

დიდეკარი 108—110, 117, 202, 256, 266—
270, 365—366, 371, 373—
374

მრისმთავარი 13, 55—56, 59, 61, 63—64,
70, 73, 75, 78—79, 83, 86,
89

ერისთავთა მთავარი 55

ეშიკალასბაში 378

ვაზირი 176, 181, 211—212

ვაკარი(შუა) 268, 365

ვაკარი (ქვემო) 69, 365

ვაკართუხუცესი 108

ვალე 20, 62, 64, 235, 280, 294, 376

ვეზირი 183, 249, 307, 314

ვექილი 230, 314

ზარათუხუცესი 246, 266, 324

ზარაფხანა 60, 75—76, 266—267, 284,
345, 348—349, 351, 375

თაბუნი 251, 378, 434, 452

თბილელი 120

თოფჩიბაში 295

- ძარავი 105, 114
 მამასახლისი 109, 251—252, 309, 336—
 337, 374
 მალი 252, 269, 314, 368
 მარჯანი 13, 52, 55—56, 80—81, 85
 მახთა, მახტა 366, 368, 370, 374
 მებავე 253
 მებევრე 336
 მეკულეხე 336—337
 მელიქი 251, 309—310, 334
 მესტუმრე 178, 203
 მელაღე 337
 მეჭურჭლეთუხუცესი 136
 მინბამი 230, 234, 253, 261, 378
 მორდალი 452
 მორიგეები (თბილისის) 382
 მოურავი 121, 250, 335—337
 მოურავი დიდუბის 342
 მოურავი თბილისის 229, 249, 250—252,
 379
 მოურავი თუშთა 378
 მოურავი ნავთლელის 340
 მოქალაქე 108—109, 268, 270
 „მუშრიბანა“ 253
 მუშრიბი 62, 119
 მუჰთასიბი 62, 119—120
 მწერალი (ქალაქის) 253

 „ნათალი“ 203
 ნაღარხანა 434
 ნაცვალი 309
 ნაცვალი ბატონის 253
 ნაცვალი მოურავის 251, 253
 ნოქარი 259, 382

 ორტალი 110
 ოსტატი 267

 პრტიახში 50, 52—53
 პრეფექტი 239

 რაბათი 74, 109, 157, 308
 რაისი 63, 94, 115—116, 120
 რინდები 118, 161

 ხაამირო დარბაზი 62, 73, 124, 150, 16
 „საგოდებელი“ 91
 საზანდარბაში 434
 „სადილეგო“ 73, 91
 „სალეკო“ 368—369
 სარუხო 368
 სარქარი 288
 „სატარულო“ 314
 სახლთუხუცესი 250
 საჰიბ ამ-მურატ 62
 „სურსათი“ 368
 სირაჯ-ბაში 353
 სპასალარი 154, 240
 სპარსეთი 154, 309

 ტამლა 178, 198
 „ტარულა“ 249, 334

 „შლაყო“ 369
 უსტა 266—267
 უსტაბაში 267, 353—354
 უშური 225—226
 „უხუცესი“ 115

 ფოლოცი 124, 169, 182

 მალანთარი 314
 ქარავან სარაი 260
 ქარეასლა 363, 364
 ქეთხული 376
 ქულბაქი 108, 199, 203

 შადი 63, 120, 310, 378
 ყასახანა 363
 „ყაფანდარი“ 253
 ყულარალასი 298

 შუკა 124
 შურტა 62, 119

 „ჩელიეჟი“ 251

 ციხისთავი 56, 62, 205, 215—216, 231,
 307

ჯაბახანა 379

ხასადარი 336

ხასინჯუ 180

ხატიბი 137

„ბელოსანთ უფროსი“-267

ხოყები 257, 259--260, 267

ჯანიშინი 283, 290, 291, 295

„ქარჩი“- 253

„ქარჩიბაში“- 253

ჯიზია 59

ილუსტრაციების სია

ა. ფ ე რ ა დ ი

- ტაბ. 1. 1. მოკიქული თიხის კურკელი თრელის სამარხიდან, ძვ. წ. VIII—VII სს., 2. წარჩინებული მეომრის ოქროს სამაჯური თრელის სამარხიდან. ახ. წ. III ს., 3. ოქროს სამკაულები ვაშლაჭვარას სამარხებიდან.
თბილისი, არქეოლოგიური ძეგლები, I, 1978, „მეცნიერება“.
- ტაბ. 2. მოკიქული თიხის კურკელი ერეკლე II-ის მოედნიდან, IX—X სს.
ი. გპელიშვილი, ო. ტყეშელაშვილი, თბილისის მატერიალური კულტურის ძეგლები, თბ., 1961.
- ტაბ. 3. თამარ მეფე.
- ტაბ. 4. თამარ მეფის გულსაკიდი ჭვარი.
საქართველოს ხელოვნების სახელმწიფო მუზეუმი.
- ტაბ. 5. ჭამები თბილისის კერამიკული სახელოსნოდან, XIII—XIV სს.
საქართველოს ისტორიის ნარკვევები, ტ. III, თბ., 1979.
- ტაბ. 6. 1—2. კურკელი თბილისის კერამიკული სახელოსნოდან, XIII—XIV სს.
საქართველოს ისტორიის ნარკვევები, III, თბ., 1979.
- ტაბ. 7. 1. იმპორტული კურკლის ფრაგმენტი თბილისის დედაციხიდან, XVI—XVII სს.,
2. მოკიქული კურკელი თბილისის დედაციხიდან.
თბილისის სახელმწიფო ისტორიულ-ეთნოგრაფიული მუზეუმი.
- ტაბ. 8. მარიამ დედოფლის მიერ თბილისის სიონისათვის შეწირული ღვთისმშობლის ოქროს ხატი, XVII ს.
საქართველოს ხელოვნების სახელმწიფო მუზეუმი.
- ტაბ. 9. ენქერი. მაღალი თანამდებობის სასულიერო პირთა შესამოსელის ნაწილი. თბილისური ნაქარგობის ნიმუში, XVII ს.
საქართველოს ხელოვნების სახელმწიფო მუზეუმი.
- ტაბ. 10. მოკიქული კურკელი თბილისის დედაციხიდან, XVII—XVIII სს.
თბილისის სახელმწიფო ისტორიულ-ეთნოგრაფიული მუზეუმი.
- ტაბ. 11. ვახტანგ VI-ის დროშა, XVIII ს.
ს. ჭანაშვიას სახ. საქართველოს სახელმწიფო მუზეუმი.
- ტაბ. 12. ვახტანგ VI-ის ფარი, XVIII ს.
საქართველოს ხელოვნების სახელმწიფო მუზეუმი.
- ტაბ. 13. ერეკლე II-ის ქისები, XVIII ს.
საქართველოს ხელოვნების სახელმწიფო მუზეუმი.
- ტაბ. 14. ერეკლე II-ის ახალუბი, XVIII ს.
საქართველოს ხელოვნების სახელმწიფო მუზეუმი.
- ტაბ. 15. თბილისელი ქალის თავსაკარავები, XVIII ს.
საქართველოს ხელოვნების სახელმწიფო მუზეუმი.
- ტაბ. 16. თეკლა ბატონიშვილის (ერეკლე II-ის ასული) სუზან-საფენი. ქართული ნაქარგობის ნიმუში. XVIII—XIX სს.
საქართველოს ხელოვნების სახელმწიფო მუზეუმი.

ბ. შ ა ვ - თ ე თ რ ი

- ტაბ. 1. ვახტანგ გორგასალი (მოქანდაკე ელგუჯა ამამუჯელი).
- ტაბ. 2. 1. ნეოლითური ხანის კაეის ხელშეშების პირი მიცევეიჩის ქუჩიდან. თბილისის ისტორიულ-ეთნოგრაფიული მუზეუმის შრ., I, თბ., 1966.
2—3. ნეოლითური ხანის თიხის კერა და ქურქელი დიდებიდან. დ. ქო რ ი ძ ე , თბილისის არქეოლოგიური ძეგლები, I, თბ., 1955.
4. შუა ბრინჯაოს ხანის საზეიმო ცული ღრმალელიდან. იქვე.
- ტაბ. 3. სამარხის კომპლექსი თრელის სამაროვნიდან, ძე. წ. XIV ს. თბილისი, არქეოლოგიური ძეგლები, I, 1978.
- ტაბ. 4. სამარხის კომპლექსი თრელის სამაროვნიდან, ძე. წ. XIII—XII სს. თბილისი, არქეოლოგიური ძეგლები, I, 1978.
- ტაბ. 5. ტაბულა პენტინგერიანას XI სეგმენტით.
6. ლომოური, უძველესი უცხოური ცნობა თბილისის შესახებ, კრებ. თბილისი 1500, 1958.
- ტაბ. 6. ადრეფეოდალური ხანის თბილისის ციხე-ქალაქის საერთო ხედი. რეკონსტრუქცია.
ვახტანგ ცინცაძე, თბილისი..., თბ., 1958 (რუს. ენაზე).
- ტაბ. 7. ანჩისხატის ეკლესია.
- ტაბ. 8. თბილისის სიონი.
- ტაბ. 9. VIII—IX სს-ის თბილისის ხედი. რეკონსტრუქცია.
ვ. ცინცაძე, თბილისი..., 1958 (რუს. ენაზე).
- ტაბ. 10. თბილისში ხმარებული მონეტები VI—XI სს.: 1. სასანური, VI ს., 2—3. ქართულ-სასანური, VII ს., 4. ბიზანტიური, IX ს., 5. თბილისური დრაჰმა, IX ს., 6. არაბული დირჰემი, VIII ს., 7. დავით კურაპალატი, X ს., 8. ბაგრატ IV, XI ს., 9. გიორგი II, XI ს.
ს. ჭანაშვიას სახ. საქართველოს სახელმწიფო მუზეუმის ნუმისმატიკის განყოფილება.
- ტაბ. 11. დავით აღმაშენებელი.
- ტაბ. 12. თბილისში ხმარებული მონეტები XI—XIII სს.: 1. დავით აღმაშენებელი, XII ს., 2. ბიზანტიური, XI ს., 3. გიორგი III, XII ს., 4. გიორგი და თამარი, XII ს., 5. თამარი, XII ს., 6. თამარი და დავითი, XIII ს., 7. გიორგი ძე თამარისა, XIII ს., 8. ლაშა-გიორგი, XIII ს.
ს. ჭანაშვიას სახ. საქართველოს სახელმწიფო მუზეუმის ნუმისმატიკის განყოფილება.
- ტაბ. 13. ლურჯი მონასტერი.
- ტაბ. 14. მეტეხის ეკლესია.
- ტაბ. 15. 1. თბილისის კერამიკული სახელოსნოს ნაშთები, XIII—XIV სს., 2—3. სახელოსნოს ნაწარმი ჭრაქი და სამაროლე.
ს. ჭანაშვიას სახ. საქართველოს სახელმწიფო მუზეუმი.
- ტაბ. 16. თბილისში ხმარებული მონეტები XIII საუკ.: 1—2 რუსულანი, 3. ჭალაქ ელ-დინი, 4. თბილისური დრაჰმა, 5. მონღოლური, თბილისი, 6. დავით ნარინი, დმანისი, 7. დავით ნარინი, თბილისი, 8. დავით ულუ, 9. ყაანური, თბილისი, 10. დავით ნარინი, დავით ულუ, 11. ქართულ-ქელაგუიდური.
ს. ჭანაშვიას სახ. საქართველოს სახელმწიფო მუზეუმის ნუმისმატიკის განყოფილება.
- ტაბ. 17. თბილისში ხმარებული მონეტები XIII—XV სს.: 1. დემეტრე II, XIII ს., 2. სომხეთის ფელსი, XIII ს., 3. ვახტანგ III, XIV ს., 4. ტრაპიზონული, XIII ს., 5. მონღოლური, XIII ს., 6. კირმანელი, XIII—XIV სს., 7—8. ილხანური, თბილისი.

XIV ს., 9. ქართული, XIV ს., 10. ჭულინური, XIV ს., 11. გიორგი VII და აჰმად ჭე-
ლაირი, XIV ს., თბილისი, 12.—13. შირვანული, XIV ს.

ს. ჩანაშის სახ. საქართველოს სახელმწიფო მუზეუმის ნუმისმატიკის განყოფი-
ლება.

ტაბ. 18. თბილისში ხმარებული მონეტები XV—XVIII სს.: 1. ქართული, XV ს., 2—3. ირა-
ნული, XVI ს., 4. ირანული, თბილისი, XVII ს., 5. ირანული, XVII ს., 6. ირანული,
თბილისი, XVII ს., 7. ვენეციური დუკატი, XVIII ს., 8. ავსტრიული ტალერი, XVII ს.,
9. ქართული, XVII ს., 10. ირანული, XVII ს.

ს. ჩანაშის სახ. საქართველოს სახელმწიფო მუზეუმის ნუმისმატიკის განყოფი-
ლება.

ტაბ. 19. თბილისის მოურავი გიორგი სააკაძე.

ქრ. კასტელის მიხედვით.

ტაბ. 20. ქართველი მეომრის ჭაქვის პერანგი და ჩაჩქანი.

ს. ჩანაშის სახ. საქართველოს სახელმწიფო მუზეუმი.

ტაბ. 21. როსტომ მეფე.

ქრ. კასტელის მიხედვით.

ტაბ. 22. როსტომ მეფის მეუღლე მარიამ დედოფალი.

ქრ. კასტელის მიხედვით.

ტაბ. 23. მარიამ დედოფლისეული ქართლის ცხოვრების ერთი გვერდი.

კ. კეკელიძის სახ. ხელნაწერთა ინსტიტუტი.

ტაბ. 24. თბილისის ხედი 1673 წ.

ჟან შარდენის მიხედვით.

ტაბ. 25. ნადიმი ვახტანგ V-ის (შაჰნავაზის) სასახლეში — თბილისში.

ჟან შარდენის მიხედვით.

ტაბ. 26. ანჩისხატი. XII ს. ბეჟა ოპიზარის მიერ მოკედილი ხატი, თბილისში გადმოს-
ვენებული XVII ს.

საქართველოს ხელოვნების სახელმწიფო მუზეუმი.

ტაბ. 27. ანჩისხატის სამრეკლო, XVII ს.

ტაბ. 28. XVII ს-ში გადაწერილი ვეფხისტყაოსნის ერთი გვერდი.

კ. კეკელიძის სახ. ხელნაწერთა ინსტიტუტი.

ტაბ. 29. ჭვარისმამის ეკლესია XVII ს.

ტაბ. 30. თბილისის ხედი 1701 წელს.

ტურნეფორის მიხედვით.

ტაბ. 31. 1. მეფის სასახლე თბილისში შარდენის მიხედვით. 2. მეფის სასახლე თბილისში
ტურნეფორის მიხედვით. 3. მეფის სასახლე თბილისში ვახუშტის მიხედვით.

თ. ბერიძე, საბჭოთა ხელოვნება, 1982, №11.

ტაბ. 32. თბილისის ციხესიმაგრის ჩრდილო-დასავლეთი კედელი.

ვ. ცინცაძე, თბილისი..., 1958 (რუს. ენაზე).

ტაბ. 33. თბილისის ციხესიმაგრის აღმოსავლეთი კედელი.

ვ. ცინცაძე, თბილისი..., 1958 (რუს. ენაზე).

ტაბ. 34. ვახტანგ VI. მინიატურა.

შ. ამირანაშვილი, ქართული ხელოვნების ისტორია, მოსკოვი, 1963 (რუს.
ენაზე).

ტაბ. 35. 1709 წ. თბილისის სტამბაში დაბეჭდილი სახარების თავფურცელი და ვახტანგ
VI-ის ანდერძი.

ქრ. შარაშიძე, პირველი სტამბა საქართველოში (1709—1722), თბ., 1955.


ტაბ. 36. 1712 წ. თბილისის სტამბაში დაბეჭდილი ვეფხისტყაოსნის ერთი გვერდი.

კ. კეკელიძის სახ. ხელნაწერთა ინსტიტუტი.

- ტაბ. 37. 1. 1711 წ. თბილისის სტამბაში დაბეჭდილი სასკოლო სახელმძღვანელო. 2. 1721 წ. თბილისის სტამბაში დაბეჭდილი აიათი ანუ ქმნულების ცოდნის წიგნი.
ქრ. შარაშიძე, პირველი სტამბა საქართველოში (1709—1722), თბ., 1955.
- ტაბ. 38. ვახტანგ VI-ის ასტროლაბი. ასტრონომიული და გეოდეზიური ხელსაწყო ქართული წარწერებით.
ს. ჩანაშიას სახ. საქართველოს სახელმწიფო მუზეუმი.
- ტაბ. 39. ულულ ბეგის ასტრონომიული ტრაქტატის ქართული თარგმანის ორი გვერდი.
კ. კეკელიძის სახ. ხელნაწერთა ინსტიტუტი.
- ტაბ. 40. ვახტანგ VI-ის ქიმიის წიგნის ორი გვერდი.
კ. კეკელიძის სახ. ხელნაწერთა ინსტიტუტი.
- ტაბ. 41. საწყოები: 1—3. მარცვეულის: კოდი, ჩანახი, ლიტრა, 4—7. სითხის: კოკა, ჩაფი, თუნგი, ლიტრა.
ს. ჩანაშიას სახ. საქართველოს სახელმწიფო მუზეუმი.
- ტაბ. 42. სპილენძის თევზები წარწერებით: 1. ქ. სააკაძის გიორგისა და შიომისა არის, 2. ქ. მეფე ვა(ხ)ტანგ, 3. ქ. მეფე ბაქ(არ), 4. ქ. ბ(ა)ტონისშვილი თეკლა.
ს. ჩანაშიას სახ. საქართველოს სახელმწიფო მუზეუმი.
- ტაბ. 43. სუფრის სპილენძის ჭურჭელი, XVIII ს.
ს. ჩანაშიას სახელ. საქართველოს სახელმწიფო მუზეუმი.
- ტაბ. 44. ვერცხლის სასმისები: 1. ერეკლე II-სი, დარეჯან დედოფლის ნაჩუქარი წარწერით — სახსოვრად მეფე ერეკლეს დარჩა საგან.
საქართველოს ხელოვნების სახელმწიფო მუზეუმი.
2. მეფის ძის ფარნაოზის წარწერით — მეფის ძის ფარნაოზისა ვარ...
ს. ჩანაშიას სახელ. საქართველოს სახელმწიფო მუზეუმი.
- ტაბ. 45. 1. თბილისის წყალსადენი მილები.
ს. ჩანაშიას სახელ. საქართველოს სახელმწიფო მუზეუმი.
2. თბილისის წყალსადენის ერთ-ერთი ტრასა.
მასალა დაცულია თბილისის სახელმწიფო ისტორიულ-ეთნოგრაფიულ მუზეუმში.
- ტაბ. 46. აბანოს ნაშთები თბილისის დედაციხეზე, XVIII ს.
- ტაბ. 47. მეფეთა და სამეფო ოჯახის წევრთა ბეჭდები: 1—2. როსტომ მეფის, 3—4. ვახტანგ V-ის (შაჰნავაზის), 5. ვახტანგ VI-ის, 6—8. ბაქარის, 9—10. ერეკლე II-ის. 11. გიორგი XIII-ის, 12. ვახუშტი ბატონიშვილის, 13—14. დარეჯან დედოფლის.
ა. ბაქრაძე, მასალები ქართული სერაგისტის ისტორიისათვის, თბ., 1978.
- ტაბ. 48. სასულიერო პირთა ბეჭდები: 1—4 კათალიკოზისი საქართველოს ხელოვნების სახელმწიფო მუზეუმი.
5. კათალიკოზ ევდემოზის, 6—7. კათალიკოზ დომენტის, 8. კათალიკოზ ანტონ I-ის, 9. მეფის ძე ანტონის (შემდგომში კათალიკოზის), 10. დომენტი ტფილელის.
ა. ბაქრაძე, მასალები ქართული სერაგისტის ისტორიისათვის, თბ., 1978.
- ტაბ. 49. თბილისელ მოხელეთა ბეჭდები: 1. ბირთველ (თუმანიშვილის), XVII ს., 2. გივი (თუმანიშვილის), XVII—XVIII სს., 3. გივი თუმანიშვილის, XVIII ს. დასაწყისში, 4. გორჯასპი (თუმანიშვილის), XVIII ს. დასაწყისი, 5. სულხან (თუმანიშვილის), XVIII ს., 6. ბეგთაბეგ (შანშიან-მარტიროზიშვილის), XVIII ს. დასაწყისი, 7. სულხან მდივნის, XVIII ს. 30-იანი წწ., 8. გორჯასპი მდივნის, XVIII ს. შუა ხანები, 9. ეგნატი მდივნის, XVIII ს. 70-იანი წწ., 10. ომან (ხერხეულიძის), XVIII ს., 11—12. სოლომონ (ლეონიძის), XVIII ს., 13. იესე ოსეს ძის, XVIII ს., 14. ბარძიმ (ამილახერის), XVIII ს., 15—16. მამასახლის ამხარბეგის, XVIII ს., 17. მამასახლის პაპასი, XVIII ს., 18. მელიქ ამხარბეგის, XVIII ს., 19. მელიქ დარჩიასი, XVIII ს.,

20. მელიქ-შამასხლის აღასი, XVIII ს., 21. ქალაქის მოურავ ევსტათი (ციციშვილის), XVIII ს.
- ა. ბაქრაძე. მასალები ქართული სფრაგისტიკის ისტორიისათვის, თბ., 1978.
- ტაბ. 50. ვახუშტი ბატონიშვილის თბილისის გეგმა.
- ტაბ. 51. 1. მეფე ერეკლე. 2. მეფე ერეკლეს ტყავის ყდა საქმიანი ქალღმერთისათვის და ერთ-ერთი ბეჭედი.
ს. ჭანაშიას სახელ. საქართველოს სახელმწიფო მუზეუმი.
- ტაბ. 52. დარეჯან დედოფლის სასახლის აივანი XVIII ს.
- ტაბ. 53. XVIII ს. თბილისში ხმარებული მონეტები: 1—2. თურქული, თბილისი, 3. თურქული, 4. ებსტანგ VI, თბილისი, 5. სიმონის, 6. ბაქარის, 7. ირანული, თბილისი, 8. ერეკლე II, 9. სირმა-აბაზი.
- ტაბ. 54. თბილისელი ქალების აბანოსა და საპირფარეო „იარაღები“. 1. თმისსაყოფები, 2—3. სადაფი, 4—5. ბროლი, 6—7. „ფეხის ქვეები“.
საქართველოს ხელოვნების სახელმწიფო მუზეუმი.
- ტაბ. 55. ალექსი-მესხიშვილის გადაწერილი ოთხთავის ერთი გვერდი.
კ. კვეციანის სახელ. ხელნაწერთა ინსტიტუტი.
- ტაბ. 56. 1749 წ. თბილისის სტამბაში დაბეჭდილი დავითიანის თავფურცელი.
ქართული წიგნი, ბიბლიოგრაფია, თბ., 1941.
- ტაბ. 57. 1768 წ. თბილისის სტამბაში დაბეჭდილი „ეპისკოპოსთა მიმართ“ პირველი და უკანასკნელი გვერდები.
ქართული წიგნი, ბიბლიოგრაფია, თბ., 1941.
- ტაბ. 58. XVIII ს-ის საბრძოლო იარაღები: 1. თბილისში დამზადებული ზარბაზნის ლულები, 2. წარწერა ზარბაზნის ლულაზე — მეფე თეიმურაზ, 3. მეფე ბაქარის თოფი, 4. წარწერა მეფე ბაქარის თოფზე — თოფო ყირიმო მეფის ბაქარისაყო...
ს. ჭანაშიას სახელ. საქართველოს სახელმწიფო მუზეუმი.
5. ერეკლე II-ის თოფი, 6. ერეკლე II-ის ხმალი.
საქართველოს ხელოვნების სახელმწიფო მუზეუმი.
7. ერეკლეს ექიმის ყარაშიელის ხმალი.
ს. ჭანაშიას სახელ. საქართველოს სახელმწიფო მუზეუმი.
- ტაბ. 59. 1785 წ. თბილისის გეგმა, შედგენილი პიშჩევჩიის მიერ.
- ტაბ. 60. ერეკლე II-ის საფლავეზე დასადგმელი სასანთლე.
საქართველოს ხელოვნების სახელმწიფო მუზეუმი.

ტ ა ბ უ ლ ე ბ ო .
ТАБЛИЦЫ



ვახტანგ გორგასალი (მოქანდაკე ელგუჯა ამანუელი).

2



1



2




3




4


1. ენეოლითური ხანის კაის ხელშუბის პირო მაკეეიჩის ქუჩიდან.
 2-3 ენეოლითური ხანის თიხის კერა და კერძეული დიდებოდან.
 4. შუა ბრინჯაოს ხანის სახეიშო ცული ორსაღელიდან. იქვე.



სამარხის კომპლექსი ორელის სამაროვნიდან. ძვ. წ. XIV ს.




სამარის კომპლექსი თრელის სამაროვნიდან. ძვ. წ. XIII- XII სს.



სამხედრო ბანაკის გეგმა (სამხედრო ბანაკის გეგმა)
რუბლი





ბაგდატის სიონი.




VIII--IX სს-ის თბილისის ხედი: რეკონსტრუქცია.




თბილისში ხმარებული მონეტები VI—XI სს.: 1. სასანური, VI ს., 2—3. ქართულ-სასანური, VII ს., 4. ბიზანტიური, IX ს., 5. თბილისური დრაჰმა, IX ს., 6. არაბული დირჰემი, VIII ს., 7. დავით კურაპალატი, X ს., 8. ბაგრატ IV, XI ს., 9. გიორგი II, XI ს.



დავით აღმაშენებელი.




თბილისში ხმარებული მონეტები. XI—XIII სს.: 1. დავით აღმაშენებელი, XII ს..
 2. ბიზანტიური, XI ს.. 3. გიორგი III, XII ს., 4. გიორგი და თამარი, XII ს..
 5. თამარი, XII ს., 6. თამარი და დავითი, XIII ს., 7. გიორგი ძე თამარისა,
 XIII ს., 8. ლაშა-გიორგი, XIII ს.




ლუბი-ძივანისკენ.



მეტეხის ეკლესია.



1. თბილისის კერამიკული სახელოსნოს ნაშთები, XIII—XIV სს., 2—3. სახელოსნოს ნაწარმი კრაქი და სამაროლე.



თბილისში ხმარებული მონეტები XIII საუკ.: 1—2 რუსუდანი, 3. ჯალალ ედ-დინი.
 4. თბილისური დრაჰმა, 5. მონღოლური, თბილისი, 6. დავით ნარინი, დმანისი.
 7. დავით ნარინი, თბილისი, 8. დავით ულუ. 9. ყაანური, თბილისი, 10. დავით
 ნარინი, დავით ულუ. 11. ქართულ-პელაგუიდური.



თბილისში ხმარებული მონეტები XIII—XV სს.: 1. დემეტრე II, XIII ს., 2. სომხეთის ფელსი, XIII ს., 3. ვახტანგ III, XIV ს., 4. ტრაპიზონული, XIII ს., 5. მონღოლური, XIII ს., 6. კირმანელი, XIII—XIV სს., 7—8. ილხანური, თბილისი,




თბილისში ხმარებული მონეტები XV - XVIII სს.: 1. ქართული, XV ს., 2-3. იოანელი, XVI ს., 4. ირანელი, თბილისი, XVII ს., 5. ირანელი, XVII ს., 6. ირანელი, თბილისი, XVII ს., 7. ვენეციური დუკატი, XVIII ს., 8. ავსტრიული ტალერი, XVII ს., 9. ქართული, XVII ს., 10. ირანელი, XVII ს.



თბილისის მორეაქციონერი გიორგი სააკაძე.
ქრ. კასტელის მიხედვით.

33. თბილისის ისტორია, I



ქართული მეომრის ჯაყვის პერანგი და ჩაჩქანი.



როსტომ მეფე.
ქრ. კასტელის მიხედვით.






თბილისი ხეივანი 1673 წ.
იან მარტინის მიხედვით.




ახლისატი. XII ს. ბეჟა ოპიზარის მიერ მოკედილი ხატი. თბილისში გადმო-
 ეყვებულა XVII ს.



ანისხატის სამრეკლო. XVII ს.





ქვათბისძის ეკლესია XVII ს.




თბილისი ხეივანი 1701 წელს.
ბუნებისმეტყველების მუზეუმი.



1) სანჯი ახალი - თბილისის სანჯიკო.



2) ვახტანგის თბილისი ქაშვილის სანჯიკო.



მედის სასახლე თბილისში ვახტანგის მიხედვით.




მთ. შვენიშვილის ქ. ჩვენს ქვეყანაში



თბილისის ციხის ნანგრევები. აღმოსავლეთი კედელი.



უახტანგ VI. მინიატურა.



ამხმარე ცნობა ტაროლონის ნიქანდარის ღვთისმეტყველების შესახებ

ფა	ესე კაცი გაშეგნავენს : გონებასა გვეშმა	ბ	ე
	რომე მისი ვერა შეცნა : ამას უფრო დაველა	ბ	ე
	მას ზღუდესა გარდავაღვე : მინდობთავე რომე ვა	ბ	ე
	ღმერთსა საქმე სამინელი : რომე თავი ვერ წავა	ბ	ე
ფა	გამხმარე თონი ქვეითნი : მე მივედებე წინა	ბ	ე
	ქალაქეა ერთსა მონასა : ვსცანმცა თუ შრდა ვინა	ბ	ე
	თავი ვადგულები ასმათი : შირს სისსლი მანამდინა	ბ	ე
	ღმერთი მეთივლა ღიშლით : არცაღა ვავიციანა	ბ	ე
ფა	თე ვახე დავეზივე : გონებანი გამომავ	ბ	ე
	შორთა უხმე რამივან ვართ : ანუ ცეცხლმან რად ვეცდებ	ბ	ე
	მან საბრალოდ შემომტირნა : მლივ სიტყვანი ვაშავ	ბ	ე
	ღმერთსა ღთს სამრეველი ცნა : ჩვენთვის რისსვიდა ვეგრავ	ბ	ე
	მღალს მიველი ვვლაცა ვქათხე : რამივან ვართ ვაქვ მართალი	ბ	ე
	ვინავ საბრალოდ ამიტირდა : ველოვ ვეღვა ამითა	ბ	ე
	ვინას სიტყვა ვერა უთხრა : მისთა შირთა ნათა	ბ	ე
	ღმერთსა წითლად უღებვედა : სისსლი მანწათა ნაწვეთად	ბ	ე
ფა	ვერმე მათხრა ვეგსენებ : ესე რადმცა ვადემა	ბ	ე
	მართა ვითა ვავსარხე : შენცა ვტრე შემწვა	ბ	ე
	ნუ მავტოცხლეხ ნუ ღმერთნი : შემწველოე შემობრა	ბ	ე
	ღმერთსა ჩემსა სწუთროსა : ღთსა შენსა მიავა	ბ	ე

20

სწავლა: თუ ვითარ მართებს მ
 ლეარსა სწავლეობა მწივისა :-
 აწ მბეჭდული ქართულისა ენა
 ნაწიდა: ესა მყოფი ზისა უბისა
 უბისა ქიხოსროსსა :-
 ღ შრომათა : გამეგებლისა მის
 ისა : უბისა უბისა ეახტანისსა :-
 მეძო კლეებით თქმული ღ გრი
 ცეპული ეგრმანუ მღღელი მ
 ნაზონისაგან :-
 გრლითა მიხაღოს გუთანეს მისა
 უნეტო ვლახელოსათა :-
 ესა ღაჭა გუღლისისასა : ღღია :-

სუამსონისეგნ ჩახთაყნებთ
 ვმერთი პარფეთ მყოფი
 ჩუქნისეგნ :-

ჩახთი ღმერთიყუაროს ღ სე
 მყოფაგნის სეჩახთიყოთას მყოფ
 ეთ მყოფის ღ სმ ღიხრის სეახთთ
 მისე ონ ონ მისეყო ჩუქნისეგნ
 ჩუქნის მყოფთიჩი სათამარისი :-
 თანისეგნაყოფისე :-

ჩუქნისეგნაყოფისე მისეყოფთ
 ეროხეარაბის ჩუქნისის სახეყო
 თის მისეგნ :-
 ჩუქნისეგნაყოფისეგნ :-
 ჩუქნისეგნ :- ჩ ო ნ :-

ჩუქნისეგნაგნ :-

1. 1711 წ. თბილისის სტამბაში დაბეჭდილი სასკოლო სახელმძღვანელო.


2. 1721 წ. თბილისის სტამბაში დაბეჭდილი აიათი ანუ ქმნელების ცოდნის წიგნი.

Handwritten text in the right margin, oriented vertically.


Main body of handwritten text in the upper section of the page.

16

Main body of handwritten text in the lower section of the page.



1



2



3



4



5



6



7

საწყობები: 1-3. მარცვლელის: კოდი, ჩანახი, ლიტრა. 4-7. სიბისი: კოკა, ჩათი, თუნგი, ლიტრა.

1
 End of the world
 ...
 ...

2
 Eagle, the Eagle


3
 ...
 ...

4
 ...
 ...





სუფრის სპილენძის კერძები. XVIII ს.



ვეოცხლის სასმისები: 1. ერეკლე II-სი, დარეჯან დედოფლის ნაჩუქარი წარწერით — სასსოვრად მეფე ერეკლეს დარჩისაგან.
2. მეფის ძის ფარნაოზის წარწერით — მეფის ძის ფარნაოზისა ვარ...




2

1. თბილისის წყალსადენი ძეგლები.

2. თბილისის წყალსადენის ერთ-ერთი ტრანსა.





მეფეთა და სამეფო ოჯახის წევრთა ბეჭდები: 1 -2. ოსტომ მეფის. 3 -4. ვახტანგ V-ის (შანავეზის). 5. ვახტანგ VI-ის. 6 -8. ბაქარის. 9 -10. ერეკლე II-ის. 11. გიორგი XIII-ის. 12. ეახუმტი ბატონიშვილის. 13 -14. დარეჯან დედოფლის.



1



2



3



4



5




6



7



8




9




10


...დავით მთის ბუნებრივი: 1 - 4 კათალიკოსის, 5 - 6 კათალიკოსის, 7 - 8 კათალიკოსის, 9 - 10 კათალიკოსის, 11 - 12 კათალიკოსის, 13 - 14 კათალიკოსის, 15 - 16 კათალიკოსის, 17 - 18 კათალიკოსის, 19 - 20 კათალიკოსის, 21 - 22 კათალიკოსის, 23 - 24 კათალიკოსის, 25 - 26 კათალიკოსის, 27 - 28 კათალიკოსის, 29 - 30 კათალიკოსის, 31 - 32 კათალიკოსის, 33 - 34 კათალიკოსის, 35 - 36 კათალიკოსის, 37 - 38 კათალიკოსის, 39 - 40 კათალიკოსის, 41 - 42 კათალიკოსის, 43 - 44 კათალიკოსის, 45 - 46 კათალიკოსის, 47 - 48 კათალიკოსის, 49 - 50 კათალიკოსის, 51 - 52 კათალიკოსის, 53 - 54 კათალიკოსის, 55 - 56 კათალიკოსის, 57 - 58 კათალიკოსის, 59 - 60 კათალიკოსის, 61 - 62 კათალიკოსის, 63 - 64 კათალიკოსის, 65 - 66 კათალიკოსის, 67 - 68 კათალიკოსის, 69 - 70 კათალიკოსის, 71 - 72 კათალიკოსის, 73 - 74 კათალიკოსის, 75 - 76 კათალიკოსის, 77 - 78 კათალიკოსის, 79 - 80 კათალიკოსის, 81 - 82 კათალიკოსის, 83 - 84 კათალიკოსის, 85 - 86 კათალიკოსის, 87 - 88 კათალიკოსის, 89 - 90 კათალიკოსის, 91 - 92 კათალიკოსის, 93 - 94 კათალიკოსის, 95 - 96 კათალიკოსის, 97 - 98 კათალიკოსის, 99 - 100 კათალიკოსის.




თბილისელ მონეტა ბეჭდები: 1. ბიზანტი (თეზაურის), XVII ს., 2. გივი (თეზაურის), XVI—XVIII სს., 3. გივი თეზაურის, XVIII ს. დასაწყისი. 4. გორჯასი (თეზაურის), XVIII ს. დასაწყისი. 5. სულხან (თეზაურის), XVIII ს., 6. ბეგთაბეგ (შანშიან-მარტიროზის), XVIII ს. დასაწყისი. 7. სულხან მღვიმის, XVIII ს. 30-იანი წწ., 8. გორჯასი მღვიმის, XVIII ს. შუა ხანები. 9. ეგნატე მღვიმის, XVIII ს. 70-იანი წწ., 10. ომან (ხერხეულის), XVIII ს., 11—12. სოლომონ (ლეონიძის), XVIII ს., 13. იესე ოსენძის, XVIII ს., 14. ბარბომ (ამილახერის), XVIII ს., 15—16. მამასახლის აშხარბეგის, XVIII ს., 17. მამასახლის პაპასი, XVIII ს., 18. პელიქ აშხარბეგის, XVIII ს., 19. პელიქ დარჩიასი, XVIII ს., 20. პელიქ-მამასახლის აღას, XVIII ს., 21. ქალაქის მოერაე ევსტოი (ციციშვილის), XVIII ს.



ქახუცი ბატონიშვილის თბილისის ვეგმა.




1. მეფე ერეკლე. 2. მეფე ერეკლეს ტყავის ყდა საქმიანი ქალღმებრძოლის და ერთ-ერთი ბეჭედი.




დარბაზი დედოფლის სასახლის აივანი XVIII ს.



XVIII ს. თბილისში სმარებული მონეტები: 1--2. თურქული, თბილისი. 3. თურქული. 4. ვახტანგ VI, თბილისი. 5. სიმონის, 6. ბაქარის, 7. ირანელი, თბილისი. 8. ერეკლე II, 9. სირმა-აბაზი.




თბილისელი ქალების აბანოსა და საპირფარეო „იარაღები“. 1. თმისსაყოფე-
ბი. 2-3. სადაფი. 4-5. ბროლი; 6-7. „ფეხის ქეები“.




XVII ს-ის საბრძოლო იარაღები: 1. თბილისში დამზადებული ზარბაზნის ლულა-ბი. 2. წარწერა ზარბაზნის ლულაზე. 3. მეფე ბაქარის თოფი. 4. წარწერა მეფე ბაქარის თოფზე. 5. თოფი ყიზილბაშის სეფის ბაქარისაგან... 6. ერეკლე II-ის თოფი. 7. ერეკლე II-ის თოფი.

7. ერეკლეს ეჭმის ყარაშვილის მხალი



1785 წ. თბილისის გეგმა. შედგენილი პომპეევისის მიერ.



ერეკლე II-ის საფლავზე დასადგმელი სასანთლე.

შ ი ნ ა ა რ ს ი

წინასიტყვაობა	5
შესავალი	11
თავი 1. უძველესი მოსახლეობა თანამედროვე თბილისის ტერიტორიაზე	
დედაქალაქის ფიზიკურ-გეოგრაფიული მდებარეობა	32
არქეოლოგიური და ანთროპოლოგიური მონაცემები თბილისის მოსახლეობაზე	34
ა) არქეოლოგიური მონაცემები	34
ბ) პალეოანთროპოლოგიური მონაცემები	43
თავი 2. ქალაქ თბილისის წარმოშობა და პოლიტიკური განვითარება X საუკუნის ბოლომდე	
თბილისის ამაღლება და გადაქცევა ქართლის სამეფოს პოლიტიკურ ცენტრად	47
ქალაქის სახელწოდებისათვის	47
ქალაქის წარმოშობა	49
დედაქალაქის თბილისში გადმოტანა	51
თბილისის თავგადასავალი IV—X საუკუნეებში	54
ბრძოლა უცხო დამპყრობთა წინააღმდეგ IV—VI სს.	54
ბიზანტიელთა ბრძოლა თბილისისათვის	56
არაბთა მფლობელობა თბილისში	58
თბილისის ბრძოლა დამოუკიდებლობისათვის	63
თავი 3. თბილისის სოციალურ-ეკონომიკური და კულტურული ცხოვრება	
ეკონომიკური და სოციალური მდგომარეობა	69
თბილისის განაშენიანება	69
ეკონომიკური მდგომარეობა	75
თბილისის მოსახლეობის სოციალური შემადგენლობა	78
განათლება, მეცნიერება და მწერლობა თბილისში IV—X სს.	80
სწავლა-განათლება	81
მეცნიერული ცოდნა	84
მწერლობა	86
ხუროთმოძღვრება და სახვითი ხელოვნება	88
თავი 4. თბილისი საქართველოს ფეოდალური მონარქიის ძლიერების ხანაში	
თბილისის გადაქცევა ერთიანი საქართველოს სატახტო ქალაქად	92
ბრძოლა თბილისის შემოერთებისათვის XI საუკუნეში	92
თბილისი — ერთიანი საქართველოს სატახტო ქალაქი	99
თბილისის პოლიტიკური და საერთაშორისო მნიშვნელობის ზრდა (XII ს. 20-იანი წლებიდან XIII ს. 20-იან წლებამდე)	104
თბილისის სოციალურ-ეკონომიკური განვითარება XI—XII სს.	108
სოციალური სტრუქტურა	108
ხელოსნობა და ვაჭრობა	110
ქალაქის მოსახლეობის რაოდენობა	113
სოციალური მოძრაობანი	114

	თბილისის მმართველობა	118
	თბილისის ტერიტორია და კეთილმოწყობა XI—XII სს.	121
თ ა ვ ი	5. კულტურული ცხოვრების აღორძინება (XI—XII სს.) განათლება და მეცნიერული ცოდნა თბილისში XI—XII სს-ში.	127
	ლიტერატურა	131
	ფილოსოფიური აზრი	138
	ხუროთმოძღვრება და სახვითი ხელოვნება	145
	სახიობა და თეატრონი. თბილისში XI—XII სს-ში	149
	თბილისის ყოფა XI—XII სს-ში	156
თ ა ვ ი	6. თბილისი უცხოელ დამპყრობთა წინააღმდეგ ბრძოლის პერიოდში (XIII—XV სს.)	
	თბილისი 1221—1231 წლებში	165
	მონღოლთა პირველი გამორჩენა საქართველოში	165
	თბილისის აღება ჯალალ ედ-დინის მიერ (1225—1231 წწ.)	166
	დამპყრობელთა მოქმედება თბილისში	169
	ბრძოლა თბილისისათვის 1226 წ.	171
	ხორეზმელთა ბატონობის დასასრული	174
	ბრძოლა მონღოლი დამპყრობლების წინააღმდეგ XIII საუკუნის პირველ ნახევარში	175
	საქართველოს დაპყრობა მონღოლების მიერ	175
	თბილისი XIII ს. მეორე ნახევარში	178
	აჭანყებანი მონღოლთა წინააღმდეგ XIII ს. 50—60-იან წლებში	179
	თბილისი თემურლენგის ურდოების შემოსევათა წინააღმდეგ ბრძოლის დროს	183
	თბილისის აღება თემურლენგის მიერ	185
	თბილისი 1386—1403 წწ.	186
	თბილისი XV საუკუნეში	190
თ ა ვ ი	7. თბილისი სოციალურ-ეკონომიკური და კულტურული დაქვეითების გზაზე (XIII—XV სს.)	
	თბილისის ეკონომიკური ვითარება	198
	თბილისის სოციალური ვითარება XIII—XV სს.	201
	ცვლილებები კულტურულ ცხოვრებაში	204
	ა) მეცნიერული ცოდნა	204
	ბ) ხუროთმოძღვრება და სახვითი ხელოვნება	205
	თბილისური ყოფა XIII—XV სს.	207
თ ა ვ ი	8. ქალაქის პოლიტიკური მდგომარეობა XVI—XVII სს.	
	თბილისი XVI საუკუნეში	213
	თბილისი XVI ს. პირველ ოცეულში	213
	თელეთის ბრძოლა	214
	თბილისი 1524—1562 წლებში	215
	თბილისი 1562—1578 წლებში	220
	თბილისი 1578—1590 წლებში	222
	თბილისი 1590—1606 წლებში	225
	ბრძოლა ირანელ დამპყრობთა წინააღმდეგ XVII ს-ის პირველ მესამედში	227
	ცვლილებები თბილისის პოლიტიკურ ცხოვრებაში XVII ს. 30—90-იან წლებში	235
თ ა ვ ი	9. თბილისის ეკონომიკური და სოციალური მდგომარეობა XVI—XVII საუკუნე- წებში. თბილისის ტერიტორია და მოსახლეობა	241

ცვლილებები თბილისის სამოხელეო წყობილებაში XVI—XVII სს-ში	249
თბილისის ეკონომიკური მდგომარეობა XVI—XVII სს-ში	254
სოციალური ურთიერთობანი თბილისში	267
თ ა ვ ი 10. თბილისის კულტურული ვითარება XVI—XVII საუკუნეებში	
განათლება და მეცნიერული ცოდნა	272
ლიტერატურა	275
ხელოვნება	282
თ ა ვ ი 11. თბილისი XVIII ს. პირველ ნახევარში. აღმავლობისა და დაცემის ორი პერიოდი	
თბილისი XVIII ს. პირველ ოცეულში	289
თბილისი ოსმალთა-ყიზილბაშობის დროს	298
ოსმალთა გაბატონება თბილისში	298
თბილისი „ოსმალობის“ დროს	307
თბილისი „ყიზილბაშობის“ დროს	311
თ ა ვ ი 12. თბილისის სოციალურ-ეკონომიკური განვითარება XVIII საუკუნეში	
თბილისის ტერიტორია და მოსახლეობა	317
ტერიტორია	318
თბილისური სახლები XVIII ს-ში	327
მოსახლეობა	333
ქალაქისპირა სოფლები	334
ქალაქის სოციალურ-ეკონომიკური განვითარება XVIII ს. 40—80-იან წლებში	343
თბილისის სამრეწველო განვითარება XVIII ს. 40—80-იან წლებში	348
თბილისის საეკონომიკური კაპიტალი XVIII ს. 40—80-იან წლებში	354
სავაჭრო კაპიტალი. კრედიტი	360
მოსახლეობის სოციალური დიფერენციაცია და კლასობრივი ბრძოლა	361
მოსახლეობის სამეფო,საბატონო და სამოხელეო გადასახადები	368
კლასობრივი ბრძოლა	371
თბილისი საქართველოს და ამიერკავკასიის პოლიტიკური გავრთიანებისათვის ბრძოლაში	375
თ ა ვ ი 13. თბილისის პოლიტიკური ვითარება XVIII ს. 80—90-იანი წლების მიჯნაზე-რუსეთის საფარველში შესვლა 1783 წ. და მისი პირველი შედეგები	384
თბილისის განადგურება 1795 წ. და რუსეთთან ურთიერთობა	391
თ ა ვ ი 14. თბილისის კულტურული განვითარება XVIII საუკუნეში	
განათლება და მეცნიერება	403
თბილისის კულტურული აღმავლობა XVIII ს. პირველ მეოთხედში	403
განათლება და მეცნიერება თბილისში XVIII ს. 40—90-იან წლებში	406
განათლებისა და მეცნიერების დონე	407
სახალხო განათლება	408
წიგნის ბეჭდვა	411
წიგნის გადაწერა. ბიბლიოთეკა-წიგნსაცაეები	412
მეცნიერების ცალკეული დარგები	412
საგარეო კულტურულ-სამეცნიერო კონტაქტები	416
ლიტერატურა	418
ხელოვნება	427
სახიობა და თეატრონი თბილისში XVII—XVIII სს.	430

სახიობა	430
თბილისის თეატრონი	431
სახიობა XVIII ს. პირველ ნახევარში	434
სახიობა და თეატრი XVIII ს. მეორე ნახევარში	436
თბილისური ყოფა XVII—XVIII საუკუნეებში	440
საკუთრივ თბილისის XVIII ს. ბოლომდელი ისტორიის შესახებ გამოქვეყ- ნებული წყაროებისა და ნარკვევების სია	453
ვახუშტის 1735 წლის გეგმის განმარტება	459
1785 წლის თბილისის გეგმის განმარტება	461
შემოკლებათა ახსნა	464
ს ა ძ ი ე ბ ლ ე ბ ი	
პირთა სახელების	466
გეოგრაფიული და ეთნიკური სახელების	475
ტოპონიმიკური სახელების	483
ტერმინები	485
ილუსტრაციების სია	487
ილუსტრაციები	492

ИСТОРИЯ ТБИЛИСИ

Т. I

(На грузинском языке)

Тбилиси
«Мецნიერება»
1990

დაიბეჭდა საქართველოს მეცნიერებათა აკადემიის
სამეცნიერო-საგამომცემლო საბჭოს დადგენილებით

სბ 3564

გამომცემლობის რედაქტორები ე. ქაჭაია, ო. გიორგაძე
მხატვარი თ. კობრეიძე
ტექნოლოგიური ც. ქამუშაძე
მხატვრული რედაქტორი გ. ლომიძე
კორექტორი ლ. აბუჯანდაძე
გამომშვები ე. მაისურაძე

გადაეცა წარმოებას 24.7.1987; ხელმოწერილია დასაბეჭდად 8.6.1989;
ქალაქის ზომა 60X90¹/₁₆; ქალაქი ოფსეტური; ბეჭდვა ოფსეტური;
გარნიტურა აკადემიური; პირობითი საბეჭდო თაბახი 35,0; საალრიცხვო-
საგამომცემლო თაბახი 32,72

აწყობილია ფოტოწყობით

უე 02280; ტირაჟი 160000; შეკვეთა №2197
ფასი 10 მან.

გამომცემლობა „მეცნიერება“. თბილისი, 380060, კუტუზოვის ქ., 19
Издательство «Мецниерება», Тбилиси, 380060, ул. Кутузова 19

აიწყო ცკ სტამბაში, თბილისი, 380096, კოსტავას ქ., 14
დაიბეჭდა და აიკინბა საქართველოს გამომცემლობათა, პოლიგრაფიისა და
წიგნის ვაჭრობის საქმეთა სახელმწიფო კომიტეტის თბილისის ი.ჭავჭავაძის სახ.
წიგნის ფაბრიკაში, გრ. რობაქიძის ქ. №7.